




Ե Ր Ե Ն Ի Կ
Ե Մ Ի Ր Ա Յ Ա Ն



ԿԱՐՈՍԱՆԱԿ

Ն Ր Կ Ո Ւ Գ Ր Բ Ո Վ

«
«
Երևանի
Կրթության կոմիտեի
Երեւան 1968

Նկարիչ՝ Ռ. Գ. ՆԱՆՈՒՇՅԱՆ

Խմբագրիչն՝ Ա. Ս. ԶԻՇՈՅԱՆ
Ս. Գ. ՊԱՀԱԿՅԱՆ

Дереник Карапетович Демирчян

В ардананк



Книга первая


7—3—3

(На армянском языке)

Издательство «Айастан»

Ереван, 1968





Գիշերը խոժոռովել էր Տարունի դաշտավայրի վրա: Ամեն ինչ ընկղմել էր խավարի մեջ: Միայն հեռուն ալիքավորված լեռներից դեպի վերև բացվում էր հանդիսավոր երկինքը տենեգային աստղերով առցուն:

Օդը ցուրտ էր, վաղ գարնանային:

Ինչպես մոռյլ ուրվական, խավարի միջից նայում էր Աշտիշատի վանքը, և ըստ երևույթին ոչինչ բան չէր վրդովում նրա խորհրդավոր անդորրը: Սառն հովը սվսվում էր նրա պարիսպներից երկինք միտող անսաղարթ ծառերի ճյուղերի՝ մեջ:

Սակայն վանքի անկենդան լուսթյունը երևութական էր: Հանկարծ կարմիր մի լույս ցայտեց պարիսպների շրթունքներից և սկսեց պտտել վանքի խոժոռ պատերին և ծառերի կատարներին: Լույսը գողաց և ճռճվելով վանքի պատերին՝ առաջ եկավ ճոնչաց դարձաւը, բացվեց և մարտի լույսը վերև բռնած դուրս եկավ մի ոլորժուն սրամորուք և կորովի վանական, կանգնեց մեկուսի և ճանապարհ տարով մի զորականի՝ լուսավորեց նրա ոտնատակի գետինը: Զորականը, որ բավականին հասակավոր, ջլուտ, բարձրահասակ մի անձնավորություն էր՝ մտահոգ հայացքը գետնին՝ անցնւմ իրեն հետևող մի խումբ վանականների միջով և անխոս կանգնեց, անհամբեր սպասելով ինչ-որ մի բանի: Նա շտկեց իր նուրբ ու պինդ գոտիկը, տրից կախված էր ռսկեքանդակ երասանով սուրը և նայեց երկնքին: Նրա ջլուտ, մկանուտ դեմքը խրոխտանում էր արժվային քթի հպարտ կորագծով և մոռյլվում աչ այտին վերից վար գծված մի բարակ սպիտով:

Այդ դեմքը՝ արևախանձ, քամահար, մոխրագույն՝ խոսում էր պատերազմներում և աստանդական կյանքով ապրող ոչ տանու մարդու մասին: Ինչ-որ հնադարյան մարդու շունչ էր փչում նրա ջրլուտ արտաքինից և ներքին լարված հոգեկան մեծ ուժից: Հագիվ նշմարելի բնական թախիծը, որ շատ ապրումներ կրածի հատկութուն էր, և մոխրագույն, մինչև վիզը երկարացրած գանգուր մազերը՝ մեղմացնում էին այս երկաթե մարդու կարծրութունը: Նա թողնում էր ավելի լուակյաց, քան խոսող և անգամ մտատանջ մարդու տպավորություն: Զգացվում էր, որ նա միշտ միտում է, վճռում, գործում և գիտե համառել մինչև կոփվ: Թեև բավականին հասակն առած էր, բայց երկաթե մկաններն ու պիրկ կեցվածքը դրսևորում էին արտակարգ եռանդ:

Վանականների խումբը բաժանված էր երկու շարքի և բարև բռնած կանգնել էին նրա երկու կողմը: Միայն նրանցից մեկը, երազող աչքերով և մոլեռանդ դեմքով մի հասուն երիտասարդ, որ վանական եղբայր էր, այսինքն՝ վանքում ապրող աշխարհական, վառվառն, խանդավառ դեմքով, մոտեցավ ընդհուպ զորականին:

— Դեռ վաղորդյան ժամ չէ, տեր իմ,— ասաց նա պատկառոտ կարեկցանքով,— կհանգստանայիր և ապա կձանապարհվեիր:

Զորականը մեղմ նայեց նրան, չպատասխանեց: Միայն անհամբեր շարժումով դարձավ նայեց դեպի գավիթը:

— Աճապարհի՛ր, Արծվի՛,— ձայն տվեց ներսից մեկը:

Փոքր անց գավթի խորքում դոփեցին նժույգների սմբակները: Մի երիտասարդ զինվոր, որ ըստ երևույթին Արծվին էր, գավթից դուրս քաշեց նժույգները: Վանականներն արագ ընկրկեցին ցատկող նժույգներից: Զորականը հանդիստ մոտեցավ նրանցից մեկին, սանձը խլեց և ոտը դրեց ասպանդակին: Արծվին օգնեց նրան նրսաելու և ապա ինքը դժվար պահելով իր ամենհի նժույգը՝ հանկարծ նարպկորեն թռավ նրա մեջքին:

Երիտասարդ վանական եղբայրը, որ անձկությամբ հետևում էր հասակավոր զորականին, խիստ մտահոգ խոսեց.

— Եվ որքա՛ն պիտի տեխ այս արհավիրքը...

— Կտեխ,— մոմոաց հասակավոր զորականը՝ կարծես ինքն իրեն և քմծիծաղով նայեց գետնին: Հետո նշանակալից ավելացրեց,— դե՛ զորական ես, գիտես...

Հետո ավելի հարմար շտկվելով թամբի վրա՝ նայեց լույս ասնող վանականին: Սա արագ մոտեցավ նրան:

— Դուք երկուսդ թերևս վաղը ճանապարհվեիք Արտաշատ:

— Անխախտ, անշուշտ,— ասաց վանականը խելացի հայացքն ուղղելով զորականի հայացքին:

— Այնտեղ կան քաջ եղծողներ, սակայն... կհասնե՞ք.— չարունակեց միտքը զորականը և ինչ-որ մի բան հիշողի պես դարձավ վանականին, սուր նայեց նրան և կրկին վերադարձավ նույն խոսքին.— պետք է կտրուկ խզել ամեն բան, իմաստասիրության տեղը չէ:

Վանականներն առաջ եկան և շրջապատեցին զորականին: Սա դարձավ արդեն բոլորին.

— Հուսով եմ լավ իմացաք ինչ որ վճռեցինք: Կրկնում եմ. չհարուցել հավատքի վիճաբանություն իրար մեջ և պարսից արքայի հետ: Տեղը չէ իմաստասիրության: Առավելապես դադարեցնել կարվածական վեճերը, մրցումը տիրազիտության նախարարության հետ: Թողե՛ք երկպառակությունը: Սկսեցե՛ք քարոզը միաբանության: Արհավիրքը վեր կացավ և սաստկագին...

Այս ասելով նա կշտամբանքով, թե տարակուսանքով նայեց վանականներին, որոնց աչքերը լցված էին անհուն տխրությամբ:

— Հրաժեշտ եմ տալիս ձեզ այդ հուսով:

— Հույսներս աստվա՛ծ,— ասացին վանականները:

Նրանցից մեկը՝ մի կորամեջք պղնձադեմ ծերունի՝ դողդողուն շրթունքներով սկսեց աղոթել. «Տէ՛ր, ուղղեա՛ զգնացս իմ...»:

Մյուսները երեսները խաշակնքեցին:

— Դե՛, ճանապարհ, — խոսեց հասակավոր զորականը և նայեց վանականների կողմը,— բարյա՛վ մնաք:

— Ճանապարհդ ի բարի՛ն,— խմբով բարեմաղթեցին վանականները:

Զորականը բաց թողեց սանձը: Նժույզը պտտվեց և սանձը ծամելով թռավ տեղից: Զորականը սանձահարեց նրան և ստիպեց քայլքով գնալ: Արծվին հետևեց:

Վանականները դեռ ջահի լույսով կանգնել նայում էին հեռացողներին: Դեռ մի պահ կարմիր լույսը ողողում էր նրանց դեմքերն ու վանքի մույլ պարիսպը:

Հեծյալները առաջ գնացին դեպի դաշտավայրը:

Քարքարոտ ճանապարհը քմահաճ գծերով իջնում էր դեպի հարթութունը: Արևելքում երկինքը կանաչել սկսեց: Լույսը բացվում էր: Աստղերը գունատվեցին, և առարկաները շրջակայքում կերպարանք առան: Այլևս հիմա հեծյալները դաշտավայրումն էին: Առջևից գնացող հասակավոր զորականը չէր արթնանում իրեն զբաղեցնող ծանր մտածմունքից և ձիավարում էր մեքենաբար: Նրա նժույգը աշխուժորեն ուստոստում էր: Իսկ նրան հետևողը՝ Արծվին, հագիվ էր կարողանում զսպել իր նժույգը, որ սա առաջ շրնկնի իր տիրոջ նժույգից: Ամենի նժույգը կտրատում էր իրեն, փոթորկում բաշը, աչքերը խելահեղ նայվածքով շրջում այս ու այն կողմ: Արծվին, որ քաջ ձիավարող էր՝ ըստ երևույթին ջանում էր իր նժույգին ևս հարկադրել պահպանելու այն համեստ միջոցը, որ կար իր և իր տիրոջ միջև: Բայց նժույգը չէր անստամ:

Ջորականը իր խռովահույզ մտքերի պաշարման մեջ անըզգույշ խթանեց նժույգը: Սա ցատկեց և թռավ: Արծվիի նժույգը հենց դրան էր սպասում. թափ առավ ու կատաղի սլացքով մրրկեց առաջ նրան զսպելն անկարելի եղավ, նա հակառակվեց և առաջ մղվեց մյուս նժույգից: Վերջինս կարծես արթնացավ, նա ևս կատաղեց, և երկուսը իրար առաջ կտրելով սլացան մարմանդ արոտի վրայով: Նժույգների այս մոլեգին սլացքը կարծես համապատասխան էր հասակավոր հեծյալի հոգեկան խռովքին: Նա թեթևանալ էր ուզում ճնշող մտքերից, ժամ առաջ հասնել, լուծել կնճիորը և ազատվել մտատանջումից: Իսկ Արծվին հոգեկան և մարմնական հաճույք ըզգաց: Նա մի ճապուկ, բարեձև երիտասարդ էր, թեթև, բայց լիքը մարմնով, որից հսկայական ուժ էր առկայծում: Սոսկալի հանդրձնութունները կոխվեցին սպիներ էին գծել նրա դեմքին: Նրա խորագննող աչքերի մեջ միշտ մի անմար բարի հեգնական ժպիտ կար:

Նժույգների սլացքը երևի երկար կտևեր, եթե հասակավոր զորականը չզսպեր իրենը: Նժույգը բաշը ցնցելով փորձեց շնազանդել, բայց զորականի երկաթե բազուկները սանձերն աջնպես պինդ քաշեցին, որ սա սանձահարվելով, մի փոքր մեղմեց ընթացքը: Ավելի դժվար զսպվեց Արծվիի նժույգը: Նա խենթացել էր այլևս, և ահա սկսեց պտտվել, ծառանալ, հեծյալին շարտելու շարժումներ անել: Բայց նա ևս զսպվեց ու սկսեց մանրաբայլ ծեծել գետինը կարկուտի պես առջևից նույն ընթացքով գնացող իր ընկերի նման:

Աջակողմյան դաշտից հեծյալներ երևացին: Տեսնելով զորականին՝ նրանք կարճ ուղիով բարձրացան բլուրը և արագ եկան հավասարվելու նրան: Առջևից գալիս էին մի խումբ կանայք, աղջիկներ և պատանիներ, որոնց առաջնորդում էր մի հասակավոր կին՝ շատ նման զորականին. թխադեմ, աքծվաքիթ, բարակիրան, բարձրահասակ: Նա հարուստ գիսակները ժապավենով կապել էր ճակատին ու ծոծրակին, մետաքսե գոտիով զգեստը հավաքել կապել էր մեջքին: Նրա կողքից ձիավարում էր մի գեղեցիկ աղջիկ, հագնված քսան տարեկան:

Նրանք մոտենալով սկսեցին վարգել: Ահագին խումբը զինված էր նիզակներով, սրերով ու նետ-աղեղներով: Բարակները վազում էին նրանց կողքից՝ ընդունելով կախ գցած: Երևում էր, որ նրանք վարագի որսից էին վերադառնում. խմբի հետևից եկող ուժեղ ձիերին բարձել էին երկու վարագ, որոնք ձիերի թափահարման հետ ցընցում էին իրենց կախ ընկած գրուխները և երախներդ դուրս ընկած լեզուների ծայրերը:

Մոտեցողները ցեխաթաթավ էին ու փոշեկորույս: Թեև նրանց զգեստներն ու դիրքը մատնում էին ազնվական դասի պատկանելիությունը, բայց այդ ցեխի, փոշու և անկարգ արտաքինի տակից էլ երևում էր, որ իրենց լվացված ու տնական վիճակում էլ նրանք բավական հասարակաբարո և ոչ նորակյաց կենցաղի և վարքի տեր էին: Այն խստակյաց, նախնական դարերում, անգամ նախարարական հասարակության պայմաններում կանանց զինվելը արտասովոր բան չէր, այլ շատ բնական: Ոչ միայն շինական, այլև ազնվական կանայք շատ զինավարժ էին՝ մանկուց մասնակցելով վտանգավոր որսերի և անգամ կռիվների Հայաստանի մի քանի բերդերում տեղավորված պարսից վերակացու զորքերի դեմ, որ հաճախ ասպատակում էին երկիրը:

Մոտենալիս նրանք դանդաղեցրին վարգը և եկան քայլով: Նրանց նայելով՝ զորականը խիստ եղանակով և մի փոքր քննելով դեմքերը՝ հարցրեց.

— Ինչո՞ւ առավոտ վերադարձաք:

— Շտապեցինք այսօրվա զորախաղին, հայրիկ, — պատասխանեց հասակավորը ոչ անկեղծորեն:

— Հը՞մ, — արեց տխուր և դառն քմծփծաղով զորականը, իրեն մտահոգող լուրերին չվերագրելով որսի գնացածների տարածամ

վերադարձը: Նա հիանալով նայեց աղջկան: Նրա վայրի դեղեցկությունը, հեծյալի կեցվածքը, որ մարտիկի տեսք էր հաղորդում նրան և ցույց էր տալիս, որ նա այնքան քնքուշ չէ, որ շկարենա՛ մարտ մտնել, մեղմացրեց զորականի մոռյլ տրամադրությունը:

— Վարազներին ո՞վ է խոցել, — հարցրեց զորականը:

— Բոլորս միասին խոցեցինք, Սպարապետ հայրիկ, — ասաց աղջիկը պարզ ու ազատ, — առաջ ես խոցեցի, երբ նա եկավ վրաս, բայց բոլորը հասան, վերջացրին, ազատվեցի:

— Հայրիկ, հոգնա՞ծ ես, — հարցրեց հասակավոր կինը՝ մտահոգ նայելով հորը:

— Ո՛չ, — մոռյլ պատասխանեց զորականը, կրկին անցնելով իրեն տիրող վատ տրամադրության և ցույց չտվեց ավելի խոսելու ցանկություն:

Սակայն որսորդները տարօրեն վիճակի մեջ էին: Նախ բոլորը շատ ավելի ցեխտոված էին, քան լինում է նման որսերի ժամանակ: Աղջկա թևին լերդացած արյուն կար, իսկ այտին արյան մի շերտ: Պատանիները բավական զզգված էին, ոմանք վրտրած նիզակներ էին կախել թամբից և կրում էին պարսկական նիզակներ և կրկնակի սրեր ունեին: Զորականի աչքից չվրիպեց այդ. նա դանդաղեցրեց նծուգի ընթացքը և խստորեն հարցրեց իր դաստերը.

— Ի՞նչ է պատահել...

Կարծես նոր հանդիպեցին և չէին խոսել դեռ բոլորովին: Նրբանից ծածկել անկարելի էր:

Հասակավոր տիկինը շփոթվեց և վախեցավ.

— Ավազակներ հարձակվեցին գիշերս...

— Ո՞ր աշխարհից...

— Պարսից վերակացու զորքի զինվորներն էին, հայրիկ: Ինը, տասը հոգի. երևի գնում էին Զարեհավան... ուզում էին առևանգել, — նշանացի ցույց տվեց դեռատի աղջկան, — երկուսը սպանվեցին, մյուսները փախան: Պատանիները լավ կովեցին...

Զորականը կրկին քննող հայացքը շրջեց բոլորի վրա, մանավանդ պատանիների, որ վաս-կարմիր կտրած, շփոթված, գրուխները կախել էին:

— Մինչև զգուշացրի՞ սա հարձակվեց զինվորներից մեկի վրա և քիչ մնաց խոցվեք. նիզակը անցավ թևքի մոտով, ճանկոտեց մի փոքր...

Աղջիկը սաստիկ ամաշելով շգիտեր ուր նայեր, սակայն զորականը անսպասելիորեն ընդհատեց իր հարցուփորձը և գլուխը թափ տալով մոայլ քշեց նժույգը:

Գնացին:

Զորականը կարծես դրանով էլ վերջացրեց իր հետաքննությունը: Նա շխտեց այլևս: Հասակավոր տիկինը մտահոգ լուսթյամբ գնաց նրա կողքից՝ շապատելով այլևս նոր զրույցի: Հասկացավ, որ իր հայրը զբաղված է շատ ծանրակշիռ գործով: Զփոթեց խոսել:

Մի առժամ ձիավարեցին միասին: Զորականը կամեցավ ազատվել.

— Դուք առա՛ջ ընկեք:

Աղջիկը հասկացավ հոր միտքը և խթեց իր նժույգը: Մյուսները հետևեցին նրան և արշավեցին: Մի փոքր հոգնած վարձով նրանք առաջ ընկան: Հեռանալիս նոր նկատվեց պատանիներից մեկի ծոթրակին փաթաթած լաթը, որ արյունոտ էր:

— «Աշխատել են կարգին»,— քմծիծաղով մտածեց զորականը:

Նրանք բարձրանում էին մի բլրակով, որի կողերին կանգնած էր ամրոցը: Փրփրակալած նժույգներն սկսեցին քայլերով բարձրանալ:

Զորականը կիսաձայն ինչ-որ բան շշնջաց ինքն իրեն: Արծվին նայեց նրան և ապա դեպի ամրոցը: Այնտեղ արտակարգ շարժում կար: Դարբասի մոտ նժույգներ էին կանգնել, որ թամբերից շէին ազատված: Իսկ ամրոցի մի կողմում իրենց նժույգների սանձերը բռնած՝ անկարգ, բայց լարված կանգնել էր հեծյալների ստվար մի բազմութուն:

Ամրոցի կողմից մի հեծյալ մրրկելով իր ձին՝ սլացավ դեպի գորականը: Սա շտկվեց թամբի վրա, անհամբեր նայեց ձիավարողին և ինքն իրեն հարց տվեց.

— Հա՛, դարձյա՛լ նոր բան...

Հեծյալն ուժգին թափով հասավ և կանգնեց զորականի առջև:

— Հազարապետն է և Արծրունյաց, Մոկաց, Ռշտունյաց տեբերը:

— Ե՛րբ են եկել,— հարցրեց զորականը մոայլ հանգստությամբ:

— Պահ մի առաջ, տեր իմ:

Ձորականը նայեց հեծյալների խուռն բազմությանը:

— Իսկ նրանք ինչո՞ւ են թողել վարժանքը:

— Սեպուհները լուրն իմանալով՝ եկան ամբողջ և նրանց թողին:

Ձորականը իր թիկնապահի հետ մտավ ամբողջ: Բակում խուռվել էին սեպուհները և իրար գլխի հավաքված ինչ-որ տաք խոսքի մեջ էին: Երբ եկվորները մտան բակը՝ նրանք անմիջապես թողին իրենց խմբերը և խոր գլուխ տալով զորականին՝ մոտեցան նրան ու շրջապատեցին: Սա ողջունեց նրանց հազիվ լսելի ձայնով: Սեպուհները սպասեցին, որ եկվորը բան ասի նրանց նոր լուրի մասին: Բայց զորականը, որ վանքից սկսած լուսթյամբ էր կաշկանդված՝ շարունակեց մնալ միևնույն վիճակում: Երբ իջավ նժույգից՝ թեթև նայեց սեպուհներին և մեղմաձայն կշտամբեց.

— Իսկ վարժանքն ինչո՞ւ եք թողել, գնացեք վարժանքի, ես կկանչեմ ձեզ:

Սեպուհները ցրվեցին, իսկ զորականը մտավ օթևան: Նրան դիմավորող սենեկապետը խոր գլուխ տվեց օթևանի շեմքին և ասաց.

— Սրահում սպասում են:

Ձորականը մտավ սրահը: Այնտեղ նստած էին շորս հոգի: Դրանցից մեկը Ամատունյաց Վահան նախարարն էր, Արշակունյաց Հայաստանի վերջին հազարապետը, ոչին պաշտոնից զրկել էր տվել Դենշապուհ պարսիկը, որ այս պահին եկել էր Հայաստան աշխարհագիր և հարկագիր անելու: Դա շատ առաջացած հասակի, փխրուն գիրությամբ լեցուն, բարեղեմ ծերունի էր, մեծ շագանակագույն աչքերը խոշոր ակնախոռոչներում՝ ցցուն, սև հոնքերի տակ հանգիստ տեղավորված: Մյուսը Մոկաց Արտակ նախարարն էր, բարեկազմ երիտասարդ՝ խոհուն, թախծոտ աչքերով, նուրբ սևսաթ հոնքերով: Թեթև աղվամազ մորուքը նուրբ ժապավենի պես եզրում էր նրա կզակը:

Նրա կողքին ծուլորեն ընկողմանել էր Ռշտունյաց Արտակ նախարարը գունդուկծիկ մի արարած, ուռած դեմքով և ծուլամիտ հայացքով: Վերջապես շորորորդը՝ բարձրահասակ, լիթը, բայց ոսկրոտ հիսունի մոտ մի զորական նախարար էր՝ Արծրունյաց տեր ներշապուհը, ծաղկատար, խիստ կարմիր այտերով և կապույտ աչքերով՝ Հյուսիսը լուռ նստած էին բարձերի վրա:

Ձորականը կանգ առավ շեմքին և ողջունեց: Հյուրերը կանգնեցին և ապա մեկ-մեկ առաջ եկան զորականի մոտ և ողջագուրվեցին շատ շերմեռանդ զգացմունքով: Այս լուսթյունը և հանդիպման բոլոր կենտրոնացած շարժումները վկայում էին, որ բոլորը տոգորված էին վերահաս մի մեծ արհավիրքի բարձր տրամադրությամբ:

Ձորականը հանեց սաղավարտը, տվեց իր հետևից եկող սենեկապետին, հանձնեց նաև սուրը: Նախարարները մեծ պատկառանքով ճանապարհ բաց արին և առաջնորդեցին նրան դեպի սենյակի դիմացի պատի կրականոցի կողքին դրած մի հատուկ բարձր: Նա նստեց:

Նախարարները նստեցին նրանից հետո: Բոլորն սպասեցին, որ նա խոսի:

— Ստացած եք լուրն անշուշտ,— խոսեց նա հանգիստ և ինքնազուսպ շեշտով,— արքայի հրովարատակը ուղղված է հոգևոր տիրոջը և մեզ: Կամ պատասխան տալ մի առ մի, կամ ներկայանալ արքունի Դուռը, իրեն: Հրովարտակի պատճենն ուղարկել էր հոգևոր տերը: Ստացա Աշտիշատում: Դուք ինչպե՞ս իմացաք:

— Սուրհանդակդ հայտնեց,— ասաց Հազարապետը:

Տիրեց լուսթյուն: Բոլորն իրար էին սպասում, և ամեն մեկն իր մեջ խորհելով դեռ չէր վարողանում որոշել, թե ինչից սկսի:

— Մտահոգիչ է,— գլուխը թափահարեց Վահան Ամատունին հառաչանքի ձայնով և նայեց զտրականի աշքերին.— Ի՞նչ պիտի լինի մեր պատասխանը կամ ինչ՝ մեր Տիզբոն գնալը: Մտահոգիչ է:

— Մտահոգիչ է,— հաստատեց զորականը:

Ներշապոս Արծրունին, որի ոչ հոգեկան կազմը և ոչ մարմնականը հարմարվում էր այս ճնշված ու զուսպ տրամախոսության՝ տարակուսված ժպիտով դիմեց զորականին.

— Տե՛ր Մամիկոնից, մի՞թե մենք հենց լուրջ կընդունենք զրադաշտական կրոնը. կամ վեր կկենանք, կգնանք առ ոտս արյաց արքային հանձնվելու...

Նրա դեղնակարմիր մորուքի մեջ կորած ծաղկատար այտերը փոփոկ ջրի պես եռացին, և նա շարունակեց քթի տակ մոմուլ:

Մոկաց նախարարը փայլուն սև սաթի հոնքերը կնճռեց քթարմատի մոտ և աչնպես խոսեց՝ կարծես բարձր մտածում էր ինքն իրեն: Նա խոսեց հանդարտ և մի փոքր կանացի, մեղմ.

— Ես, տյարք, մտահոգ եմ և տարակուսանքի մեջ: Իրոք՝ ի՞նչ

պիտի լինի մեր պատասխանը և որպիսի՞ պատասխանի համաձայն կլինի մեզ մոտ մարդպանը: Մենք՝ մենք: Բայց երկրի անմիջական պատասխանատուն արյաց արքայի առաջ մարդպանն է: Երկպառակություն կընկնի մեզնեքս: Սա է դժվարինը:

Մամիկոնյան նախարարը արագ ու կողքանց զննեց խոսողին: Նորից լռեցին:

Հազարապետը մտահոգ շուրջն էր նայում և զննում վարժեն. մերթ կրականոցը, որի մեջ հանգում էին խանձողները, մերթ պատերի մորթիները, մերթ հատակին ճապաղած վագրենուն, բազմաստեղյան աշտանակները, որոնց բոլորակ ափսեներում սևացել էր ողջ գիշերը յուղի մեջ թաթախված պատրույզը: Պատի մեջ խոր ընկած գրադարակից նրան էին նայում փղոսկրյա կազմով, ոսկեհուռ և ակնազարդ ձեռագիր մատյանները: Նայում էր նա և չէր տեսնում: Նա անհանգիստ էր: Չնայած իր շատ առաջացած ծերության՝ դեռ նա աշխույժ մտքի ու եռանդի տեր էր:

— Ի՞նչ ես խորհում, — սթափվելով դարձավ նա վարդանին, — լինելիքը կլինի, կկատարվի: Փախչել չենք կարող: Պետք է պատասխանենք նամակին կամ գնանք Տիզղոն:

Վարդանը լռեց և մնաց մտախոհ ու ինքնամոռի հայացքը հատակին: Նա մտածում էր դեռ:

— Կլինի թե չի լինի, կարող ենք թե չենք կարող — մի բան պարզ է. մի բան անհնարին է, — բորբոքվեց տաքարյուն Արծրունյաց նախարարը: Ո՞վ կընդունի զրադաշտի կրոնը...

— Է՛, ոչ ո՛ք, տեր Արծրունյաց, — մի փոքր ձայնը բարձրացրեց Մոկաց նախարարը, — բայց դու ինձ ասա, ի՞նչ վճիռ կընդունի մարդպանը, ահա՛ բուն հարցմունքը:

Վարդանը սթափվեց:

— Ահա՛ բուն հարցմունքը, — եռանդուն շարժումով դարձավ նա նախարարներին, — Հազկերտը գտավ պատեհ ժամը: Հաղթել է Բյուզանդիային, հաղթում է հոներին, դիմացը չկա ուժեղ տերություն. դիմացը մենք ենք, հիմա նա կշոքի կրծքներին:

— Այո, տեր Արծրունյաց, կլինի թե չի լինի, կարող ենք թե չենք կարող, բայց գնում ենք դեպի մեծ արյունահեղություն: Առանց արյան չենք պրծնի, — ասաց Մոկաց տերը, — ի՞նչ վճիռ կընդունի մարդպանը, ի՞նչ դիրք կբռնեն նախարարները: Այստեղ միաբանություն է պետք: Կլինե՞նք միաբան:

Ռշտունյաց նախարարը, որ աչքերը քնեած, անխոս ականջ էր դնում՝ կարծես դժվարանալով ըմբռնել նորօրինակ իրադրությունը՝ միայն մի խոսք ասաց.

— Ինչո՞ւ ենք անձներս դնում հոգսերի մեջ... Հաղկերտի պատասխանը թող տա կաթողիկոսը. նա մեր կալվածներով ուռճացել, ձգտում է իշխանության: Նախարարներին համար ի՞նչ է մի կրոնական վեճ:

Վարդանը անբարեհաճ հայացքը գցեց հատակին: Մյուսները լարված սպասեցին:

— Նրանք նե՞ղն են,— շարունակեց Ռշտունյաց նախարարը,— նրանք կկռվեն իրենց գործի համար, կջանան մեզ ևս կռվեցնել: Բայց մի՞թե հոգևորականությունը մեր արյունով է կամենում հաղթել և միտել նորանոր կալվածների, ինչպես և տիրազլխության: Մեր գործը չէ հոգևոր դասի համար արյուն թափելը: Մեր արյունը մեզ էլ հերիք չի անում արդեն...

— Տեր Ռշտունյաց,— զուսպ, բայց հանդիմանական ձայնով խոսեց Վարդանը,— ժամ չէ վեճի և դժգոհության՝ հոգևոր դասի հետ, Հաղկերտին տրվելիք պատասխանը միայն հոգևորների գործը չէ:

Եվ Վարդանը շտապեց փակել անախորժ վեճը:

— Վերջացնենք, տյարբ: Միացնե՛նք հոգևորականությունն ու նախարարությունը և միասին տանք պատասխան Հաղկերտին: Ժամանակը տափնապալից դառավ...

Վարդանը խոսեց հաստատուն և պարզ եղանակով, առանց հարկադրական շեշտի, բայց նրա ձայնի մեջ զգացվում էր իր կամքը թելադրողի և ղեկավարի մետաղային կարծրությունը:

Սակայն Վարդանը Ռշտունյաց նախարարի խոսքերում տեսավ իր գործերի մի թաքուցյալ հակառակորդ, որին պետք էր համոզել հետո: «Սա մենակ չի լինի. կլինեն և այլ հակառակորդներ»,— մըտածեց նա, մոռալվեց, բայց և զսպեց իրեն: Ապա վճռական շարժումով դարձավ նախարարներին.

— Հարկ է շտապ ձանապարհվել Արտաշատ:

— Հարկ է,— շեշտեց Հազարապետը,— և աստված հասնի՛ մեզ,— մրմնջաց և հառաչելով վեր կացավ գնաց դեպի պատուհանը:

Վեր կացան նաև մյուսները:



Նոր էր Վարդանը նախարարների հետ սենյակից դուրս գալիս, որ միջանցքում նրա դեմ եկավ մի գառամյալ կին եռանդուն դեմքով և կոթովի շարժումներով: Դա Վարդանի մայրն էր, Մեծ Տիկիկնը: Նա հուզված էր և դողում էր: Նիհար ձեռքերը տատասկնների պես օդում կարկառած՝ նա եկավ դեպի Վարդանը և շարագույժ ձայնով, որ գալիս էր կրծքի խորքից, գռչեց.

— Հայրենին մահու վտանգն է... Ճակատի՛դ էր գրված զավակս...

Վարդանը փովթկոտ թռնեց նրա դողդոջուն ձեռքը և ջերմորեն համբուրեց:

— Հանգի՛ստ, մայր իմ,— մրմնջաց նա գորովագին ու տխուր ժպիտով:

Մեծ Տիկիկնը առաջ ընկավ և Վարդանի ու նախարարների հետ դուրս եկավ քարե պատշգամ: Բակում հավաքված էին ամբողջի բնակիչները, սեպուհներից ոմանք, որ գործ չունեին դաշտի մարզանքներում, և այլ զինվորներ:

Մեծ Տիկիկնը երեսը խաշակնքեց: Նա այլայլվել խստացել էր ինչպես այն աշխարհից վերադարձած մի զայրալից ուրվակամ: Նրա աչքերը նայում էին կարծես ոչ մարդկանց, այլ նրանց միջով ինչոր հեռու խորհրդավոր աշխարհ, ուր այդ պահին կատարվում էին ամենաքստմենելի եղենագործություններ: Նա սարսափելի էր և անբնական երկյուղով համակեց հավաքվածներին, երբ իր արծաթե հոնքերի արանքներից աչքերը պսպղացնելով ցատտանալի գռչեց.

— Շապուհը դարձվորե՛լ շիրմից՝ գալիս է Հայոց աշխարհի արմատը հանի: Խափանեցե՛ք սատանյին, պաշտպանեցե՛ք Հայրենին: Ուխտեցե՛ք:

— Ուխտո՛ւմ ենք, տիկիկն,— ասաց Վահան Ամատունին բոլորի տեղ:

Ամբողջ բակը լռեց: Թվում էր, թե գերեզմանից վեր է կացել Մամիկոնեից մի որևէ նախնի և եկել է երդում ընդունելու, որ ոչ ոք չի դավաճանի Մամիկոնեից ավանդություններին:

Եվ ոչ ոք չհասկացավ, թե ինչպես այդ հասարակ, ափօրյա առավոտը դառավ հանդիսավոր մի ժամ, նոր բարձր ներշնչումով տողորված: Մարդիկ լավ չէին պատկերացնում, թե ինչ է այն նոր

նից: Նրանք բոլորն էլ ամենհի մարտիկներ՝ աչքերը արնակ սլած մոնչում էին և թռչում իրար վրա, կայծակի արագութեամբ սրերը շրջացնելով ու իջեցնելով իրար վրա:

— Դադա՛ր, դադա՛ր... — գոչում էին սեպուհները սրերը ճռնելով նրանց շուրջը, մրրկելով իրենց նժույզները:

Բայց նրանք չէին լսում:

— Նախարարնե՛րը, նախարարնե՛րը, դադա՛ր տվեք, — գոչեցին կրկին:

Ամեն ինչ անօգուտ էր: Վազեցին շրջապատելու նրանց:

Այդ միջոցին հեռվից բազեի նման սլանալով գալիս էր Արծվին: Նա նստած էր իր մերկ նժույզին և անզեն էր: Նա խելահեղ թափով թռավ անազին մի փոս, որ լուրջ պահին սթափ մարդը չէր էլ երազի փորձել և նույնպես խենթորեն՝ նժույզով մխրճվեց մենամարտողներին մեջ:

— Քաշվեցե՛ք, կանիժե՛մ ձեր մեռելը... հա՛...

Նա դեի էր նման: Նրա զայրացած դեմքին աչքերը փայլեցին դանակի շեղբի նման:

Կովոդները մի քանի անգամ թափահարեցին իրենց սրերը և հետ քաշվեցին:

— Խե՛նթ լակոտներ, — կշտամբեց Արծվին. և այնքան էր կատաղել, որ կարծես ինքն էր պատրաստ նույնպիսի մենամարտի: Սեպուհները զայրագին գոռացին կովոդներին վրա:

Վարդանն ու նախարարները մոտեցան նրանցից մեկին, որ վիրավորվել էր, որին հազիվ էին պահում հինգ զինվորներ: Նա ճգնում էր դուրս պրծնել նրանց ձեռքից և գնալ վրեժ լուծել իրեն վիրավորողից:

— Թողե՛ք, — գոռում էր նա, — թողե՛ք նրա դիակը փռեմ:

— Մանո՛ւկ, նախարարնե՛րը, Մանո՛ւկ... — ձայները ճնշելով շրջապատեցին վիրավորին զինվորները:

— Կանչեցե՛ք այստեղ այդ «քաջերին», — հրամայեց Վարդանը:

Զինվորները շրջապատելով կովոդներին, բերին Վարդանի մոտ:

Վիրավորը թևի վերքը մի ձեռքով բռնած, գլուխը կախ և նրա ընկերը՝ մենամարտից և ամոթից կաս-կարմիր՝ կանգնեցին Վարդանի առջև:

Դրանք զեռ կատաղած հետւմ էին և բերանները ծռած նայում իբրևր: Քարաբեկորների էին նման նրանք՝ իրենց լաջն կրծքերով ու ջլապինդ բազուկներով: Մեկը մյուսից գեղեցիկ ու սլացիկ, նըրանց խումբը ներկայացնում էր մի սքանչելի փունջ խենթ ու խիզախ մարտիկների:

Վարդանը նայեց նրանց:

— Վիրավորված ես,— հարցրեց նա հանդարտ:

Ըստ երևույթին Վարդանը հայտնի էր իր անողոր դատատաններով: Բոլորը ահաբեկ սպասեցին նրա վճռին: Բայց նա ալսօր հանգիստ նայեց նրանց և խոսեց մեղմ եղանակով:

— Կոիվ եք որոնում ու շե՞ք գտնում: Եթե ձեռներդ շատ է ետում՝ գործ կլինի և շուտով:

Մարտիկները գլխիկոր լսեցին: Վարդանը գաղտուկ ժպիտով դարձավ վիրավորին.

— Վիրավո՞ր ես՝ մեղավոր ես, բարեկա՛մ, ի՞նչ ասեմ. պատիժդ ստացել ես:

Վիրավորը հռաչեց.

— Դու Մանուկը շե՛ս:

— Մանո՛ւկն է, տե՛ր,— խմբովին վրա բերին սեպուհներն ու զինվորները ծիծաղաղեմ:

— Դու շէի՞ր, որ աչ թևիս հարվածը ետ տվիր... քուշանի հարվածը:

— Նա ի՛նքն է, տե՛ր,— ծիծաղեցին այլևս բարձրաձայն սեպուհները:

Վարդանը բարի ժպիտով նայեց Մանուկին: Մանուկը, որ պարսկաբուշանական պատերազմում փրկել էր Վարդանի կյանքը նրան շրջապատած քուշաններից՝ ուղղակի խորտակվեց ամոթից: Նա կարմրեց, խեղճ հայացքով շուրջը նայեց և լռեց:

— Եթե կարող ես քայլել մենակ՝ գնա թևդ կապել տուր:

Մանուկը հազիվ լսելի ասաց.

— Սրա վերք տվողի վերքը շե՛ն կապի:

Վարդանը ծիծաղեց, ձեռքը դրեց նրա ուսին, մեղմ շոյեց և մղեց, որ գնա:

Մանուկը դանդաղ գնաց, ապա մի փոքր հեռանալով արագացրեց քայլերը: Մյուսները հետևեցին նրան:

— Անգի՛ն մարտիկ է,— շնչաց կարծես ինքն իքն Վարդանը:

Այստեղ, զինվորների մեջ, այս երիտասարդ անհոգ ու խենթ մարտիկների մեջ նա մի պահ մոռացավ իր սրտին չոքած մեծ հոգսը: Նա ուրախացավ, որ եկավ այստեղ: Այո, սրանք, այս երիտասարդները կ' ուժ են, կ' հույս, կ' կյանք, կ' ուրախություն: Հին գորավարը, որի կյանքը անց էր կացել նժույգների վրա, բաց երկրների տակ, մարտիկների ընկերության մեջ՝ հիմա այս առավոտ մի փոքրիկ շփում ունենալով նրանց հետ՝ ինչ-որ թեթև զգաց իր հոգսը: Նա լցվեց հավատով, որ բուքը կանցնի, կգան լավ օրեր: Իհարկե, նա իբրև գորական և քաղաքական անձն, պարզ էր պատկերացնում փոթորիկի վերահասը: Բայց զգացմունքը, հասարակ մարդկային հույսը նրան շոյում, պատրանքի մեջ էր գցում: Նա կուզենար թերևս, և այդ մի պահ միայն այստեղ, մարտիկների մեջ, — որ բխտը նրանից հեռացներ նրան մատուցված դառնության բաժակը: Բայց և իսկույն մտածեց, որ այդ բաժակը նա պիտի բամի հուսկ վերջին կաթիլը: Նա կրկին դառնացավ և դարձավ սեպուհներին:

— Զորագնդերը հերթով կուղարկեք տուն և նորակոչիկներին կժողովեք վարժանքի: Եվ վաղվանի՛ց:

— Հրամանդ ի կատար, — ասացին սեպուհները խմբով:

— Դե, հիմա անցեք ձեր գործի՛ն:

Սեպուհները հեռացան:

Վարդանը դարձավ նախարարներին.

— Դեպքերը կծավալվեն ուշ, բայց վրա կհասնեն հանկարծակի, հեղեղի նման: Զորագնդերը պետք է թափ տալ:

Արժրունյաց նախարարը նայեց Վարդանին, զննեց նրան՝ կարծես առաջին անգամն էր տեսնում և կարծես երկար ժամանակ զխի շէր ընկել և հիմա ընկավ հարցնելու.

— Տեր Մամիկոնեից, դու գուշակում ես պատերա՞զմ:

Վարդանը նրան դարձավ զարմացած.

— Շա՛տ է պատահել մեր և արյաց մեջ որևէ վեճ, որ կովով չվերջանա: Ես Սպարապետ եմ: Օրհասը որ գա՛ ձեր ու իմ պա-սասխանը ես եմ տալու...

Արժրունյաց նախարարը մտածմունքի մեջ ընկավ: Հետո կարծես նոր հանգամանքներ նրան անհանգստացրին: Նա սթափվում էր հետզհետե:

— Առաջին հարվածն էլ ես պիտի կրեմ: Վասպուրականը այսօր
յայ Երկրի դուռն է: Դրա համար եմ հարցնում:

Մոկաց նախարարը ծիծաղեց:

— Հարվածը բոլորս կընդունենք: Ե՛վ առաջինը, և՛ վերջինը:

Վարդանը գորովանքով նայեց խելացի երիտասարդին և մի
թևով գրկեց նրան: Առանց այն էլ նա շատ էր սիրում այդ ուշիմ,
խելացի և համեստ երիտասարդին: Բայց այսպիսի մի ժամանակ,
երբ հայրենիքի վրա էր գալիս մի աննախընթաց, անճանաչելի ար-
հավիրք՝ Վարդանին դուր եկավ այդ պատասխանը: Դա նոր խոսք
էր պատեհին հարմար: Վարդանի տրամագրությունը բացվեց:

— Հույս աստված, հույս աստված, — բացականչեց նա թեթև
շունչ քաշելով:

Նայելով Տարոնի լայնարձակ դաշտին, ասաց.

— Ափսո՛ս, հանգիստներս խանգարվեց:

Տարոնի դաշտը ծխալ սկսեց: Մեզը հավաքում էր իր քղանցք-
ներն ու քարշ տալով շարժվում դեպի արևմուտք: Գարունը հանդես
էր բաց անում արդեն: Արևն սկսեց տաքացնել: Օդն այնպես քնքուշ
էր և խաղաղ, որ մղում էր միայն երազանքի և ոչ թե դժգոհ ար-
հավիրքի: Երկնային թավիշ կապուտակի մեջ սև նետեր երևացին,
որ ճախրում էին և գալիս: Նրանք մոտեցան և «կոլո՛ւ, կոլո՛ւ»
կանչելով անցան նախարարների գլխի վրայով: Իսկ ամբողջի մի
անպետք բուրգի կատարին արագիլը իր տնտեսությունն էր կարգի
բերում: Ոչինչ, ոչինչ չէր հիշեցնում ո՛չ պատերազմ, ո՛չ աղետ:

Նախարարները մարդանքի հրապարակից հեռացել էին արդեն:
Հեռվից դեռ երկար լսվում էին երիտասարդ մարտիկների գոշյուն-
ներն ու նծույզների տրոփը:

Վարդանը հրավիրեց նախարարներին ամբողջ:



Միջօրեի արևը հազիվ էր մեղմացնում լեռնային գարնանա-
մուտի զգալի ցուրտը: Լեռնանցքով գնում էին մի երեսունի շափ
զինված հեծյալներ, երկու գլխավորի առաջնորդությամբ: Պարսիկ-
ներ էին: Հեռվից իսկ դա երևում էր զինվորների ձվաձև կճուճանը-
ման գլխարկներից, երկար տափակ սրերից, որ կախված էին նրանց
կարճ բաճկոնները սեղմող գոտիներից: Նրանցից շատերի արճճա-

գույն և խորշումած դեմքերին մոայլվում էր վաղաժամ ծերութիւնը: Մեծ մասի աչքերի խնձորները դեղնավուն էին շերմախտի նուազանքից մնացած: Առջևի հեծյալներից մեկը երկար քղանցքով, սևամորուք, հիսունից անց մի պաշտոնյա էր, որ ամուր փաթաթվելով ուղտի բրդից կոշտ գործված տոպրականման մեկնոցի մեջ՝ ձեռները խրել էր դրա ուսերի անկյունները, որ թևքերի տեղ էին ծառայում, և կծկվել էր: Մյուսը լայն կապան զենքերի վրայով մարմնին գցած դեռ երիտասարդ, գեղադեմ գորական էր, լկտի հայացքով, որի մեջ միշտ ինչ-որ շար ժպիտ էր խաղում: Նա շուտ-շուտ ափով աչքերը հովանի արած նայում էր հեռուները մի բան որոնողի պես:

— Ասում է այնպես պիտի քամես վանքերը, որ էլ հոտներն էլ չգա, — խոսեց առաջինը, — և կհավատա՞ս, ինչքան հարկ, որ այս Դենշապուհի օրով եմ ընդունել՝ քսան տարի հանած շունեմ:

— Մով է, երկիր չի, — ասաց զորականը:

— Մով չի, ի՞նչ ծով, ասա թե քամում ենք, ինչպես հրամայել է Դենշապուհը: Թե չէ՝ այս քամելուն ծո՞վ կդիմանա: Առաջ շինականներին էինք քամում մենակ. հիմա որ վանքերին էլ անցանք ու շինականներին էլ ավելի զոռեցինք՝ դու տես քամելը:

Զորականը մանր բրբջաց, հորանջեց և խթեց իր նժույգին:

— Լավ, այս Մյունիքը չէ՞, մարզպանի աշխարհը, ինչպես մարզպանին չի խնայում Դենշապուհը, — հարցրեց զորականը:

— Հենց ամենից շատ կուզես՝ Մյունիքն է հրամայել հարկահանել: Ասում է՝ վառի՛ր, չորացրո՛ւ Հազկերտն է. հրամայել՝ ասում է: է, ես էլ վառում եմ. ինձնից ի՞նչ է գնում: Ծս հարկահան եմ:

— Ըհը... — աշխուժացավ զորականը և աչքերը պսպղացրեց: — Ահա՛, վանքը երևա՛ց, — ասաց նա, — իսկ շենը տեսնես որտեղ է:

— Շենը կողքին է, ժայռի հետևը:

Դիմացը երկու հեծյալ երևացին: Նրանք գնում էին նույն ուղղութիւնը և քանի որ ավելի դանդաղ էին, սրանք հասան նրանց:

Դրանցից մեկը կարճահասակ, եռանդուն ծերուկ էր, խնայեցի, խորամանկ, մանր ու շարժուն աչքերով, որ իրենց բներից անհանգիստ դուրս էին նայում այնտեղ թաքնված զազանիկների պես: Նա պարսկական շքեղ վերնազգեստ ուներ: Նրան հետևողը հասարակ հայ զինվոր էր:

— Պարսի՞կ ես, — հարցրեց հարկահանը նրան:
— Մի քիչ, — պատասխանեց ծերուկը լուրջ թե կատակ, ամենայն հանդարտությամբ զննելով հարկահանին:

Հարկահանը կիսաժպիտ սպասեց, որ նա էլի խոսի:

— Պարսկաստան շատ եմ ապրել, — ասաց ծերուկը:

— Ո՞ւր ես գնում:

— Մարզպանի մոտ:

Բավականին տեղ գնացին միասին:

— Դո՞ւք ուր եք գնում, — հարցրեց ծերուկը:

— Վանքերը, շենքերը, ո՞վ գիտե:

— Հը՛մ, — արեց ծերուկը և աչքի շափով զննեց ամբողջ զինախումբը և հասկանալով լռեց: Նա լավ գիտեր, դա պարսից Հագարապետից նշանակված հարկահաններից մեկն էր: Դենշապուհը Հագարապետի կողմից ուղարկվել էր Հայաստան աշխարհագիր անելու և իր խոստման համաձայն՝ հարկերը թեթևացնելու: Բայց նա հենց հասել էր Հայաստան՝ սկսել էր խստադաժան հարկահանութունը, որի նպատակն էր հայ հոգևորականությունը ընշազուրկ անել, ստիպել հավատուրացության:

Մի փոքր անց նրանք մոտեցան վանքին, որ պարսպի մեջ էր: Երևաց նաև նրա կողքին շենք, որի խրճիթները խրած էին լեռնալանջի մեջ:

Երկու զինվոր առաջ անցան և նիզակների կոթերով թակեցին պարսպի դարբասը: Ներսից մարդ շմոտեցավ: Զինվորներից մեկը իջավ նժույգից և քարը վերցնելով՝ սկսեց ամուր թակել դարբասը: Կրկին ոչ մի պատասխան: Բայց, երբ զինվորները խմբով սկսեցին քարերով կոտրել դարբասը, սա բացվեց լայնորեն, և ներսից դուրս եկավ մի բարձրահասակ, հաղթանդամ, գեր ու խստահայաց վանական, սևագանգուր հոնքերը աչքերին կախված, այտերը թավամազի մեջ կորած: Նա լիքը փորոն ու լայն կուրծքը ցցած՝ հանդուգն դիմավորեց հարկահանին:

— Դարբասն ինչո՞ւ եք կոտրում:

— Ինչո՞ւ եք ուշացնում, — կոպտեց հարկահանը:

— Աղոթում էինք:

— Աղոթքի ժամանակ կլինի: Շո՛ւտ, հարկային մնացորդ հացը, կրելու պարկերը, գրաստը հանեցե՛ք և շափերը բերե՛ք:

Վանականը, որ վանահայրն էր, ինչ-որ մտմտաց իր մեջ, հետո մտալլ ետ քաշվեց, որ ճանապարհ տա ներս մտնող զորականին: Հետո ինքը գնաց դեպի վանքի խորքը: Հավաքվեցին վանականները և սկսեցին անհանգիստ փսփսալ իրար մեջ:

— Թաքուստը շմատնե՛ք... — ցած ու նշանակալից ասաց վանահայրը, — պարտակա՛ն կմնաք հավուր դատաստանի...

— Դիմացե՛ք, թե դեպք լինի, — կամաց ասաց մի ծաղկատար դեմքով կարճ ու գեր վանական, որի գոգնոցը ուռուցիկ, ցցուն փոքին՝ մատնում էր, որ տնտեսն էր:

Նա կարգադրեց վանականներին, և սրանք սկսեցին պարկերով ցորենը կրել դուրս:

Զինվորներն իշան նժույգներից և սկսեցին ցրվել վանքի փոքրիկ գավթում, գննել պահեստները, վանքի ներսը, ծիծաղել, բըր-բըջալ: Յորենի պարկերը կիտվեցին գավթում, բերին կողերը և բաձալով մի քանի պարկ՝ սկսեցին շփել: Բայց, ըստ երևույթին դա ձանձրալի դառավ թե ինչ՝ հարկահանին, նա սկսեց աչքի շփով հաշվել: Վանահայրը, հակառակվեց.

— Աշնանը տվել ենք լիուլի. մնացո՛րդը վերցրու, դու նորից ես վերցնում տարեկան:

— Պատերազմ է, — բացատրեց հարկահանը, — պետք է օգնեք:

— Ամբողջ վանքը հո չեք տանելու, տե՛ր հարկահան, օրե՛նք բանեցրու, խի՛ղճ ունեցիր:

— Խղճով ու օրենքով է, բերեք:

Տնտեսը քրտնամխած, հեխհե, կարճ ու հաստափոր, տակառի պես գլորվում, օրորվում էր դեսուդեն: Նրա ծաղկատար դեմքին մի արտահայտություն կար միայն. վտանգված մթերքի սարսափք: Վանահայրը կարմրեց, քրտնեց և շնչատելով մոտ գնաց զինվորներին, որ սկսել էին կոտրել ինչ-որ փակ, ցածր դուռ:

— Հեռացե՛ք այդտեղից, զինվորներն այդտեղեք գո՛րծ շունեն, — մոտ գնաց արգելելու վանահայրը:

Նրան ընկերացավ տնտեսը: Զինվորները չլսեցին և որտեղից էր՝ ձեռք բերած տապարով սկսեցին կոտրել դուռը: Դուռը կոտրվեց, նրանք սողոսկեցին ներս և սկսեցին դուրս քաշել ծանր ու թանձր մորթիներով յուղ ու պանիրը: Վանահայրը վազեց, կանգնեց դռան առջև և սկսեց դիմադրել:

Շինականները ներս մտան գավիթը: Նրանք անհանգիստ էին, զգալով, որ եկող պարսիկները մի նոր փորձանք են բերել նաև իրենց, և լարված հետևում էին անցողարձին:

Մառանի դռանը սեղմված տնտեսը, որին մի քանի զինվորներ խեղդում էին, մի պահ կոկորդն ազատեց ու գոռաց.

— Աստվածասե՛ր քրիստոնյայք, կանչեցեք Բակուր գյուղապետին:

Բայց շինականները կարծես շլսեցին: Միայն սկսեցին իրար մեջ խոսել:

— Մտի՛կ, մտի՛կ, ո՞նց են դիմադիր կանգնում, շեն տալիս:

— Ո՞նց շեն տա, կառնեն:

— Հա՛ց է, ա՛յ Թուն, հա՛ց, ո՞նց կտան:

— Բա մենք մարզպանին ո՞նց ենք տալիս, վանքի՞ն ոնց տքվինք: Էդ տոպրակների միջինը մեր արյան քրտինքն է, մեր հարկն է վանքին:

— Դե՛ մենք վանքի փերին ենք:

— Նա էլ արքայի գերին է: Դե՛ հիմի տո՛ւր:

— Հրե՛ն, հրե՛ն, մի վանահո՛րը, մի վանահո՛րը, տես ո՞նց է իրեն ուտում:

Իրոք՝ զինվորների և վանահոր մեջ սկսվել էր մի ըմբռամարտ: Զինվորները դուրս էին քաշում տոպրակները, վանահայրն ու տընտեսը դիմադրում էին:

Տնտեսը մոլեգնեց, ճեղքեց զինվորների շղթան, վազեց դեպի շինականները, գոռալուով.

— Ապա մի օփնութ՛յուն, կանչեցե՛ք Բակուր գյուղապետին, հեծյալ ուղարկեցեք մարզպանին: Ողջ նյութը տարան... Առաքե՛լ շինական:

— Վանքն էլ հե՛տը տանեն թող, — ասաց մի շինական, մոռաց նայելով տնտեսին:

— Հիշաչա՛ր եք, անիծից արմատներ, — մոմուաց տնտեսը և դեմքը դարձրեց դեպի շենը՝ սպասելով գյուղապետին:

— Ես որ հիշաչար չլինեմ՝ թիկունքս հիշաչար է, որ գյուղապետին ձաղկե՛լ տվիր մի չափ պակասորդի համար: Մոմոցը վրաս է դեռ:

— Աստվա՛ծ անիծի ձեզ...

— Մի՛ անիծի, հա՛յր Հակոբոս, — ասացին շինականները, — Առաքելը դադված է...

Շինականը՝ Առաքելը, սուր ու շար նայեց տնտեսին.

— Ի՞նչ ես ուզում: Հրեա կգան իմ բկին է՛լ կչոքեն մարզպանի հարկի մնացորդի համար:

Եկավ Բակուր գյուղապետը, սրահայաց, տարեց մի մարդ, կոշտ բեղերով ու լայն դեմքով, առողջությունից շիկնած, որին ընկերացել էր մարզպանի մոտ զնացող ծերուկը:

— Բակու՛ր գյուղապետ, օգնի՛ր, — շնչատեց տնտեսը, — մա՛րդ ուղարկիր մարզպանին...

Բակուր գյուղապետը մտածկոտ դեմք ընդունեց: Նա ներքուստ համաձայնեց տնտեսի հետ: Ապօրինի հարկահանությունը կարող էր գործադրվել նաև շինականների մեջ, մարզպանի հարկերի մնացորդը կվտանգվեր, և ինքը գլխով էր պատասխանատու նրա առաջ: Ստիպված էր միջամտել: Բայց տատանվեց, սպասեց:

Իսկ դիմացն սկսվել էր մի քստմենքի տեսարան: Վանահայրը կռվում էր նոր դուրս քաշած տոպրակների համար, շանալով դագարեցնել կողոպուտը: Նա վազում էր դեպի զինվորները, որոնք կտրելով մի նոր մառանի դուռ՝ սկսել էին դուրս բերել յուղի, պանրի և մսեղենի պահածոյի մորթե տկերը, ապուխտները, մըրգեղենի շարանները: Տնտեսն այլայլվեց, գունդուկծիկ վազեց դեպի տկերը և գոռաց վանականների վրա.

— Արգելե՛ք նզովից արմատներին, ե՛տ վերցրե՛ք...

Վանականները ծեր ու երիտասարդ հարձակվեցին օգնելու Այնպես էին իրարից շորթում, ետ խլում, կարծես խլում էին գոյությունը, կյանքը: Կարծես նախամարդիկ՝ մոտակա ձորերի քարանձավներից դուրս վազած, կռվում էին որսին տիրանալու համար: Կենդանական, գազանալին բնազդը կատաղեցրեց երկու կողմին: Վանահայրը մթերքի պաշտպանության մեջ մոլեգնելով՝ մոռացավ և՛ իր զգեստը, և՛ իր աստիճանը, և՛ կարգը, պատառոտված, զզգզված, ընչաքաղց աչքերը կատաղի պսպղացնելով, քաշքշելով դեսուդեն էր ցատկում: Զինվորները նրան քշեցին հեռու և մթերքները դուրս բերելով, դրին մեջտեղ: Այն ժամանակ վանահայրը հանկարծակի ահռելի ուժ գործադրելով՝ հարու տվեց զինվորներին, ճեղքեց նրանց շղթան և հարձակվեց մթերքների վրա՝ ըմբիշի նման զարկով գրկեց մի ծանր ու խոշոր մորթե տիկ և արջի

նման կողեկող ընկնելով տարավ դեպի մառանի դուռը: Ձինվորները հետևից հասան արգելելու, ձեռները գցեցին տկին: Սկսվեց մի մոլեգին քաշքշոց: Վանահայրը քրտնամխել, վզի երակները ուռել՝ ուժ էր անում բաց շփողնել տիկը: Նրա զգեստը ճղվեց, վայր ընկավ: Տակից դուրս ցցվեց նրա բրդոտ կուրծքը: Նա գազանաձայն մոնչոցներով հևում էր և կատաղում:

Հարկահանը, որին զայրացրեց այս դիմադրութունը՝ նշան արեց տեսարանը դիտող և սպառնալի ժպտացող հրամանատարին: Նա սուրը հանեց և հարձակվելով վանահոր վրա՝ սրի կոթով զարկեց ուսին: Վանահայրը շագաց ոչինչ, նա կրկին հարվածեց: Վանահայրն ընկավ և շորեքթաթ մղվեց դեպի դուռը և մի ձեռքով կառչեց նոր դուրս բերվող տկին: Ծրբորդ հարվածը գլխին՝ ստիպեց նրան բաց թողնել տիկը և ընկնել:

Վանականները տեղի տվին և վանահորը ներս տարան: Պարսիկ զինվորները մի կողմ կույտերով հացի և այլ մթերքների պաշարը, խարույկ վառեցին և սկսեցին պղնձե ամանները դուրս բերել, ճաշ եփել:

Հարկահանը մոտ գնաց, աչքի շափով հաշվեց հարկահանված մթերքը և ցած բերեց իր ձիու թամբից կախած ձողիկները, որոնց վրա դանակով խազեր կային նշված: Ապա կանչեց հրամանատարին և ասաց ցած ձայնով.

— Սկսենք շե՛նը...

— Սպասենք զորամասին, — ասաց հրամանատարը, որ նախելով շինականներին՝ ինչ-որ վտանգ նկատեց:

— Հա՛, գիտե՛ն կատաղել շները, — մոմռաց հարկահանը, խեթ նայեց շինականներին, նստեց մի գերեզմանաքարի վրա և սկսեց նոր խազեր նշել ձողիկների վրա: Բակուր գյուղապետը բարվոք համարեց գնալ նրա մոտ: Նրան հետևեց մարզպանի մոտ գնացող ծերուկը:

— Օրենքո՛վ վերցրեք, — ասաց Բակուր գյուղապետը, — այսօր անը օրենքով չէ: Սա մարզպանի աշխարհն է:

Հարկահանը տակից վեր նայեց միայն և շպտասխանեց: Նա խորասուզվել էր իր հաշիվների մեջ: Գյուղապետը կրկնեց իր խոսքը, բայց հարկահանը վեր կացավ և սկսեց նայել եկած ճահապարհի ուղղությամբ: Եվ անհա բլրի վրա երևաց սպասված զորամասը, որ սկսեց իր կճուճանման գլխանոցներով վերհավաթել, ծակծկել երկինքը:

Բակուր գլուղապետը հեռացավ վիրավորված: Լուռ հետևեց նրան նաև ծերուկը:

— Մարզպանի կղատարկեն շենը, մարզպանին բաժին չեն թողնի: Գնամ շտապեցնեմ մեր հարկահանին:

Ջորամասը հասավ և վանքի առաջ կանգնեց: Ծանրամարմին սևադեմ հրամանատարը իջավ նժույգից և մտավ գավիթը, կանգնեց հարկահանի առջև:

— Հը, ի՞նչ արիք:

— Վերջացրել ենք: Շուտով ճաշ կտանք զորախմբին:

Եվ մի փոքր անց սկսվեց ճաշը:

Զինվորները խումբ-խումբ նստեցին խարույկների շուրջը և սկսեցին կողոպուտը վայելել: Ճաշը դեռ նոր վերջացած՝ հարկահանը ասաց հրամանատարին:

— Ապա՞, հիմա էլ շե՛նը:

Գնալով դեպի շենը՝ հարկահանը նոր նվատեց թամբած նրժույգներ, որ ցրիվ կապած էին քարերին ու ցանկապատերին և ինչ-որ շփոթ վիճակ: Խրճիթներում ելումուտ էին անում, պարկեր գուրս բերում:

Հարկահանը իր հետ եկած հրամանատարի և զինախմբի հետ մտավ շենը և հրամայեց կանչել գլուղապետին: Սա եկավ անհանգրստացած:

— Այս ովքե՞ր են, ի՞նչ բանի են, — հարցրեց նրան հարկահանը:

— Մարզպանի հարկահաններն են, — պատասխանեց գլուղապետը, — աշնան հարկի մնացորդն են հավաքում:

Պարսիկ հարկահանը շառագունեց զայրույթից:

— Արթայի հարկից առաջ ընկնել և մարզպանի՞ն տալ, ինչպե՞ս կհանդգնեք: Արգելք եմ դնում բերքի վրա:

Նրա օգնականները ընկան շենը զինվորների հետ:

Զինվորները մտնում էին խրճիթները և շինականների մեղքերին բարձած գուրս էին բերում ցորենի պարկերը, հրամայում ցած դնել հրապարակում, ուր նստել էր հարկահանը:

Գլուղապետը պահանջեց, որ հարկը նախ՝ շափեն և ապա՝ ձեռ շտան մարզպանին պատկանածին: Հարկահանը շլսելու տվեց, և միայն իր ձողիկների վրա խազեր էր նշում: Երբ գլուղապետը մի անգամ էլ ստիպեց, որ շափեն՝ հարկահանն ասաց.

— Արքայից արքայի օրենքին դե՞մ ես դուրս եկել: Լեզո՞ւղ պոկել կտամ:

— Ես արքայից արքայի օրենքով եմ խոսում,— խստացավ գյուղապետը,— հարկ միշտ տվել ենք. այսպե՞ս ենք տվել: Եվ հարկն էլ մենք էինք հավաքում: Իսկ հիմա որտե՞ղ ենք, մարզպանի աշխարհը չէ՞ սա, ի՞նչ է...

— Արքայից արքայի աշխարհն է սա...

— Ինչո՞ւ ես շենը պոկում, թե որ արքայինն է,— ավելի բորբոքվեց գյուղապետը:— Հիմա Մարզպանը ինձնից հարկ կպահանջի, ի՞նչ պատասխան տամ նրան:

— Դու պատասխան Դենշապուհին կտաս: Պատերա՛ղմ է, հասկացե՛ք այս բանը:

Գյուղապետը զգալով, որ հարկահանը ուղղակի կողոպտում է շենը՝ կանչեց մարզպանի հարկահաններին և առաջարկեց առանձնացնել մարզպանի հարկը:

Շինականները այս լսելով իրար անցան:

— Ասեք ողջ ընտանիքներով գնանք ընկենք ջո՛ւրը:

Հավաքվեցին գյուղապետի մոտ:

— Դո՛ւ խնայիր գոնե. վառելու չե՛ք շենը:

— Չեմ կարող, ինձ կախ կտա մարզպանը,— գոռաց գյուղապետը,— չոկեցեք մարզպանի հարկը,— դիմեց հայ հարկահաններին:

Սկսվեց մի ապօրինի, անօրինակ հարկահանության մրցում պարսիկ և հայ հարկահանների մեջ: Տենդային հապճեպով կողմերն սկսեցին կրել ամեն բան, երկյուղ կրելով դիմացինից:

Աղմուկ բարձրացավ ընկավ շենը: Կանայք, երեխաները դե-սուղեն վազվզեցին, սկսեցին իրար օգնության կանչել:

Շինական Առաքելը մեջտեղ եկավ և կանգնեց պարսիկ հարկահանի առջև.

— Քանի՞ հարկ պիտի տանք՝ մարզպանինը, պարսիկինը: Հարկահանը ծիծաղեց.

— Դե ձեր գործն ի՞նչ է. այն է՝ հարկ տա՛լ ու հարկ տա՛լ:

— Մարզպանը տանում է, դու տանում ես, ի՞նչ պիտի լինի:

— Շինականը մուկ է. ինչքան կուզես՝ հանի՛, հա՛ կհավաքի՛:

Առաքելը լռեց և մոայլվելով գլուխը կախեց: Զինվորը նրան գրդեց նիզակի կոթով, որ առաջ ընկնի և դուրս բերի բռունները:

Առաքելը ծովեց, խեթ նայեց նրան և գնաց ներս և շուտով գուրս եկավ՝ մեջքին ծանր պարկը ու սկսեց տնքալով ու հուսահատ գուրս կրել հացը: Նրա կիներ, որ դուռն առջև կանգնած էր, սկսեց ափսոսել:

— Թաղե՛մ սրանց թագավորի գլուխը: Տարենը քանի՞ հարկ է վերցնում: Գարնանը հարկ կվերցնեն՝: Ծարղպանն էլ նրանից բան տվորեց, պակասն էլ նա է լրացնում: Ասա՛՛ շուրը եկավ տարավ մեզ:

Հարկահանը ծիծաղելով հարցրեց:

— Ի՞նչ է ասում այդ կինը:

— Ի՞նչ պիտի ասի. չի ուզում հարկը տալ,— բացատրեց հըրամանատարը:

— Ինչպե՛ս չի ուզում: Քուշանը նեղում է: Զորքին հաց է պետք. հասցրո՛ւ, որ բավականանա:

Ու հետո ծիծաղելով ավելացրեց.

— Դեռ հացը ի՞նչ: Շուտով իրենց կտանենք, որ զորքի բեռները մեջքներով կրեն: Գրաստը կոտրվել է:

Զինվորները, որ լսում էին այս խոսակցությունը՝ սկսեցին զրվարճանալ, մոռալված Առաքելին նայելով: Նա կրում էր հացը անխոս ու բով համակերպություն: Կինը հարձակվեց վրան:

— Ի՞նչ ես կրում, հա կրում... Հո կոտորելու չես տնով տեղով: Առաքելը չէր լսում: Կինը բռնեց թևից:

— Ա՛յ մարդ, քե՛զ հետ եմ, չե՛ս լսում:

— Կորի՛, թե չէ՛ հերսս հիմի քեզ վրա եմ թափում հա՛,— մոնչաց Առաքելը ու ներս գնաց:

Զինվորները զվարճացած մանր քրքիչներով գնացին հետևից: Երբ նա դուրս եկավ, նրանցից մեկը սկսեց Առաքելին թեթև բզել նիզակի կոթով, ինչպես գրաստի: Առաքելը շանդրադարձավ, այլ միայն ծանրությունից տնքալով՝ ցած դրեց պարկը և քրտնամթած կանգ առավ, որ շունչ քաշի:

Զինվորները նիզակների կոթերով բզեցին Առաքելին: Նա զընաց, բայց դանդաղ:

— Դե՛,— բզեց նորից զինվորը:

Առաքելը ճակատի քրտինքը սրբեց և կրկին ներս գնաց առանց անդրադարձնելու վիրավորանքը:

Շուրըը հավաքվել էին շինականները, որոնց գործը վերջացել

էր: նրանք ձեռքերը ծոցները դրած, գունատ, մոռյլ սկսեցին դիտել:

Դուրս եկավ Առաքելը դատարկ պարկը ձեռին: Նա կանգնեց դռանը, պարկը զարկեց գետնին:

— Ա՛հա՛, մաքո՛ւր՝ մաքո՛ւր. տակից-վրայից կտրեցիք, թողիք մերկ ու սոված... Դե հիմի էլ ի՞նչ կուզեք... ասե՛ք...

Զինվորներից մեկը ծիծաղելով հարցրեց.

— Է՛լ բան կլինի տալու: Բե՛ր:

— Ի՞նչ բերեմ, մի՛սս,— խեթեց Առաքելը,— ահա՛,— ցույց տվեց մերկ կուրծքը:

— Պատերազմ է, սիրելիս, ամենքս էլ պիտի մի փոքր սեղմվենք,— ասաց անամոթ կատակով հարկահանը:

— Տուններս քանդվե՛ն՝ ե՛ց, Առաքե՛ն՝ ե՛լ... — սկսեց աղիտ դուրմ ողբալ մի պառավ ու նստելով գետնին ծնկները ծեծեց:

Առաքելն առաջ եկավ ու ձայնեց հավաքվածներին.

— Տուն քանդվելը հլա կա՛մաց, երբ կմտնեն հողուտ տունը...

— Իսկ այս շո՞ւնն ինչ է հաշում,— օձացավ հարկահանը, աչքերը խոժոռելով Առաքելի վրա:

— «Ի՞նչ է հաշում»... — շանթեց իր հայացքով հարկահանին Առաքելը,— հլա կացե՛ն՝ ե՛ք գլուխը կբարձրացնի ուսմիկը, գլուխը կբարձրացնի Հայոց աշխարհը: Այնպես կբարձրացնի, որ պարսիկը գույնը գցի:

Մի վայրկյան սպասեց ու հանկարծ աչքերը պսպղացրեց հարկահանի վրա:

— Հաչե՛լ ես ուզում, ա՛ս,— շնչահատ ու խուլ ծղրտաց և վազելով հարկահանի վրա՝ բացով այնպես հարվածեց, որ նա անմիջապես ետ շրջվեց շնչասպառ: Հետո ուժով խլեց զինվորի նիզակը, հարվածեց վրա եկող զինվորներից առաջինին: Շինականներն իրար անցան: Ոմանք քաշվեցին ետ, ոմանք էլ միացան Առաքելին ու սկսեցին քարերով ու մահակներով կռվել զինվորների հետ: Կանայք ճչացին, ու վազվզելով այս ու այն կողմ՝ սկսեցին երեխաներին հավաքել, ոմանք՝ օգնել ամուսիններին, ոմանք շիմանալով ինչ անել՝ քարացած մնացին տեղներում:

— Առաքե՛լ, փախի՛ր, տղանե՛ր, փախե՛ք,— ձայն տվին շինականները:

Առաքելը վազեց դեպի մարզպանի հարկահանների նժույզները: Թուով մեկի մեջքին ու շափ գցեց դեպի լեռան կածանը:

Զինվորները սակայն ուշքի եկան ու սկսեցին հարվածել շինականներին և փախչողներին հետամտել, բռնեցին մի քանիսին, բայց մի խմբի հաջողվեց փախչել դեպի լեռները:

Մնացածները ենթարկվեցին վայրենի ու դաժան ծեծի: Նրանց ստիպեցին մթերքը կրել վանքի գավիթը, որտեղից նրանք իրենց գրաստներով և մասամբ էլ մեջքներով պետք է հասցնեին Արաքսի ափը՝ դեպի Պարսկաստան տանելու կողոպուտը:



Սյունյաց լեռները կոհակում, վետվետում և հորձանք էին տալիս դեպի երկինք՝ փակելով Գորիզոնը տեղ-տեղ շեշտակի բարձր:

Սև գահավանդի վրա գոռոզ արծվի նման թևաբաց նստել էր ամրոցը, անդունդն էր, ուր գետը ոլործուն դանակի պես երկիրը կտրել էր երկու մասի և գնում էր կորչում հեռավոր ծործորների բավիղում:

Զորերում ձյուն էր ու սառույց, իսկ արևկող տեղերում ժայռերը կաթում էին, և գետինը սևացել էր: Գարունը շնչում էր արդեն: Արևային կեսօր էր:

Ամրոցի այն մասում, որ հենվում էր անդնդի վրա, մի հարկաբաժնում, ուր մի սենյակ էր նայում անդնդին՝ լաջն պատուհանի առաջ ընտիր կաղնե գահույթին նստել էր մի տարեց մարդ: Խոշոր գանգուր սևափայլ սաթի մազերը իջնում էին ծոծրակից և ցորնագույն այտերից վայր: Մազագանգուր սև խաղողի ողկույզի նման կախվել էր փոքրիկ մորուքը: Նա ծակող ու խելացի աչքեր ուներ, պինդ սեղմած շրթունքներ, որոնցով ավելի թավ էին թվում նրա երկար հոնքերը և ավելի համառ՝ դուրս ընկած ճակատը: Նա նայում էր հոնքերի տակից վեր և հայացքը գամում էր այնպես անգիմադրելի, որին միշտ մարդ ստիպված տեղի կտար:

Նա հագել էր պարսկական պատմուճան և երկարավուն գրլխարկը գլխին, ոլործուն մաշիկները ոտներին՝ պարսիկ պիտի կարծվեր, եթե չլինեին նրա սենյակի դարանում դրած մազաղաթե ձեռագրերը և կազմերին խաչաքանդակ արծաթե, ոսկե ավետարանները:

Նրա ոտների տակ, մանրածաղիկ գորգի վրա, մագաղաթի փաթեթներ էին ընկած, որոնցով զբաղված էր նա, նուրբ ու մազոտ մատներով ընտրելով մինը, կարդալով և վերադառնալով մյուսին:

Նա թեթև ծափ տվեց: Ներս ընկավ մի ծերուկ նույնպես պարսկական հագուստով և բարև բռնած կանգնեց շեմքին: Դա սենեկապետն էր:

— Չեկա՞վ Կողակը, — հարցրեց նրան:

— Եկել է, տեր մարզպան, — խոսեց սենեկապետը, — շէի կամենում խանգարել զբաղմունքդ:

— Նե՛րս բեր:

Մերուկն անհետացավ իսկույն: Նստածը մտազբաղ նայեց դռան կողմը, ուր դեռ օրորվում էր սև վարագույրը, և ապա հայացքը սեվեռեց մագաղաթին, ուր ինչ-որ մի կե՛տ հանկարծ խլեց նրա ուշադրութունը: Դեռ երկար սուզվել էր մտքերի խորքը, երբ ներս մտավ սպասված մարդը, և նա արթնացավ կարծես, հարցական նայեց նրան:

— Հա, դո՞ւ ես, — ասաց դեռ մտազբաղ:

— Բարեողջո՛ւյն, տեր մարզպան, — ասաց եկվորը, որ վանքի և շենի հարկահանութան ներկա եղողն էր, խոնարհվեց մինչև կեսը, ապա առաջ եկավ և համբուրեց հյուրընկալի քղանցքը:

— Պատմիր, — ասաց մարզպանը հանդարտ ու մեղմ:

Եկվորը, որ մարզպանի անվանած Կողակն էր, ետ-ետ գնաց և շոքելով նստեց դռան մոտ:

— Պատվեր որ տվիր՝ Տիգրոնից վերադարձա Արտազի ճանապարհով...

— Արտաշատ գնացի՛ր, — ընդհատեց շտապելով մարզպանը, — ի՞նչ է անում կաթողիկոսը:

— Կաթողիկոսն սկսել է ժողովել հոգևորականութունը:

— Սպարապետն ե՞րբ իմացավ:

— Անմիջապես ուղարկվեց պատճենը նրան:

— Ուրիշ կերպ էլ չէր լինի... երկրի իշխանավորը նա՞ է, — հեզնանքով խոսեց մարզպանը, — նախարարները հավաքվո՞ւմ են Արտաշատ:

— Շարժվել են տեղերից, գալիս են:

— Ի՞նչ մտքի են...

— Չընդունել, դիմադարձ կանգնել:

Մարզպանը վեր կացավ տեղից և սկսեց հանգիստ ու զուսպ անցուղարձել սենյակում: Նա գնաց կանգնեց պատուհանի առաջ, հառաչեց և լռեց: Նրա աչքերն արտահայտում էին խորին թախիժ և թանջրած դառնութիւն: Նա երկար նայում էր պատուհանից՝ կարծես հեռու ժայռերի ծերպերում կամ ծործորներում որոնելիս լինէր իրեն խոռվող մտքերի, հարցերի լուծումը: Մոռացավ Կողակի ներկայութիւնը, նա երկար մնաց այդ դիրքում: Ըստ երևույթին շատ էին հախուռն այն մտքերը, որ խոռվում էին նրան և այն էլ վաղուց: Եվ սովոր լինելով դրանց լուծումը չգտնելուն՝ նա կարծես ժայռին դեմ առնելով հուսահատվեց և հանկարծ ետ դարձավ դեպի կողակը.

— Ո՞ւմ վրա է, ինչի՞ վրա է նրանց հույսը...

Կողակը հեզնահան ժպտաց:

— Ո՞չ, ասա, ո՞ւմ վրա է նրանց հույսը, — կրկնեց հարցը մարզպանը, — հույները պարտված, վրացիներն ու աղվանները մեզ նման, հոները՝ վտանգ և՛ արշաց, և՛ մեզ: Ո՞ւմ վրա է նրանց հույսը... երանի թե մեկն ինձ հայտներ այս... Տարոնացո՞ւ վրա է... Եյո՞... Տարոնացի՞ն պետք է զսպի արշաց արքային... Չեմ հասկանում... Ոչինչ չեմ հասկանում:

Կողակը լուռ լսում էր մարզպանի այս մենախոսութիւնը և գործնական մարդու նման լիովին համաձայնվում էր նրա տրամաբանութեան:

Մարզպանը դեռ երկար անցուղարձ արեց սենյակում և ապա, երբ մի փոքր հանգստացավ, եկավ կանգնեց Կողակի առաջ.

— Արտաշատում չէի՞ն խոսում, որ ես իբրև երկրի մարզպան պարտավոր եմ այնտեղ լինել:

— Խոստովանք լինի՞ խոսում էին... — ասաց Կողակը անարտահայտիչ եղանակով, — մանավանդ ասում էին, թե մարզպանը խառն է այս գործին: Ինչո՞ւ հեռացավ անսպասելի:

— Ե՛րբ պիտի սովորեն հասկանալ, որ արշաց արքան առանց Վասակի գիտե իր գործերը:

Երկար լռեց Վասակը և շրթունքները դառնութեամբ կծոտելով նստեց գահույթին:

— Բարի, — անցավ նա ուրիշ մտքերի, — դու ինձ ասա՛ հանգիպեցի՞ր Տիգրանում Վարազվաղանին:

— Հանդիպեցի:

— Շարունակո՞ւմ է դավել ինձ:

Կողակը ժպտաց, լսեց և ապա մեղմ եղանակով ասաց:

— Տե՛ր մարզպան, նա բեզանով է կենդանի և միայն այն է բաղձում, որ դու մնաս կենդանի:

Վասակը հետաքրքրվեց.

— Զգիտեմ ինչ ես ասում:

Կողակը գործին հմուտ մարդու ժպիտով աչքերը զցեց հատակին և ասաց.

— Հազարապետը նրան պահում է, որ նրա դավերի միջոցով բեզ պահի իր ձեռքում: Նա էլ դավում է:

Կողակը խելացի արտահայտությամբ նայեց Վասակին: Վասակը մտածեց նրա խոսքի իմաստի վրա: Գիտե՞ր, որ Կողակը անխելք բան չի ասի: Նրան շատ էլ շարմացրեց այդքան խորամանկ ըմբռնումը մի մարդու, որից ոչինչ չես թաքցնի: Նա լավ հասկացավ Կողակի ասածը: Պարսից Հազարապետը հյուրընկալել էր իր մոտ Վասակի փեսա Վարազվաղանին, որին Վասակը արտաքսել էր Սյունիքից: Սա գնացել էր պարսից Հազարապետի մոտ՝ հավատն ուրացել, մտել էր պարսից ծառայության, դառել գործիք նրանց: Այս բանը պիտի ստիպեր Վասակին ավելի մեծ գործիք դառնալ, եթե գնահատում էր իր դիրքը: Պարսից Հազարապետը կամենում էր նրան խաղալիք դարձնել իր ձեռքում: Սա է, որ դառնացրեց Վասակին, երբ լսեց Կողակի այդ թափանցիկ դիտողությունը:

Ներս մտավ սենեկապետը.

— Տեր իմ, Վարդաձորի գյուղապետը:

— Նե՛րս բեր,— հրամայեց Վասակը անխռով:

Ներս եկավ Բակուր գյուղապետը և մոռյլ կանգնեց դռան մոտ:

— Խոսի՛ր,— հրամայեց Վասակը:

— Մարզպա՛ն տեր,— հազիվ զսպելով բամբ ձայնի կոպտությունը, զեկուցեց Բակուր գյուղապետը:— Դենշապուհի հարկահանները կողոպտեցին վանքը, քանդեցին, հանեցին ցորենի բոլոր պաշարները, հավաքեցին անասունները, վանականներին ծեծեցին, վանահորը ծանր վիրավորեցին...

— Հետո՞, դրա՞ համար ես եկել...— հանգիմանորեն ասաց Վասակը:

Բակուր գյուղապետը մի փոքր զարմացած կանգ առավ, հետաշարունակեց.

— Կողոպուտն անցավ շինականներին: Մտան խրճիթներն ու դատարկեցին ամեն ինչ: Շինականները դիմադրեցին, սպանեցին հարկահանին ու երկու զինվորի...

— Սպանիչները բռնված են,— հարցրեց Վասակը:

— Ոչ, տեր իմ, փախան լեռները: Բայց, տեր իմ, հարկահանը մարդպանական հարկն էլ յուրացրեց, շափն անցկացավ ու...

Վասակը ձեռքով նշան արեց լեռ: Գյուղապետը սաստվեց մընաց Վասակի շարագույժ հայացքից: Զարմացավ, շփոթվեց: Աիթե սխալ զեկուցեց կամ ավել-պակաս խոսեց: Նա վախով ավելացրեց.

— Ես միշամտեցի: Ասացի՝ սա մարդպանի երկիրն է, ինչպե՞ս եք համարձակվում: Հարկը արքայական է, օրինավոր, հարկը շափունի, օրենք, շափն անց կացաք...

Վասակը ոտքը խփեց հատակին.

— Բա՛վ է,— գոչեց նա,— հենց այս ժամիս գնա գյուղդ ու եթե անմիջապես չբերես սպանիչներին՝ նրանց կախաղաններից ինքդ կկախվես ձորափին, շան նման: Իմացա՞ր: Դե՛, կորի՛ր:

Բակուր գյուղապետը ետ-ետ գնաց ու ծածկվեց վարագույրի հետև, ավելի զարմացած, քան զայրացած այս անսպասելի ու նվաստիչ վերաբերմունքից:

— Դենշապուհի խաղե՛րն են,— ասաց Կողակը,— ուզում է, որ արքայից ապստամբես, դրա համար էլ ամենից շատ քո երկիրն է ճնշում: Ես այնտեղ էի, բոլորը տեսա: Համբերելու բան չէր:

Վասակը անախորժեղով լսեց զուտ ճշմարտությունը, այդքան սուր նկատված խորամանկ ու խելացի մարդու խոսքերը: Բայց Կողակը շարունակեց կարծես ինքն իրեն.

— Եթե արյաց Հազարապետի իրեն խաղերը չեն իհարկե...

Վասակը ստիպվեց խոսել.

— Ինչո՞ւ Հազարապետինը...

— Նրա համար, տեր իմ, որ մի կողմից փորձի քո հնազանդությունը, ստիպի չբողոքել, հավատարիժ մնալ իրեն, մյուս կողմից էլ թուլացնի երկիրդ:

Վասակը զայրացավ, այնքան որ ճիշտ էր գտնում այդ միտքը: Մյուս կողմից նրան ամենևին դուր չէր գալիս, որ այդ բաները մտածում և իր մոտ բարձր խոսում էր մի՛ ամենքին ծախվող մարդ:

— Հազարապետը այդպիսի գործեր չի ձեռնարկի,— ասաց նա:

— Ես էլ հենց այդպես եմ մտածում,— իսկույն շտկեց Կողակը:

— Իսկ արյաց Հազարապետն ի՞նչ է մտադիր,— հարցրեց նա Կողակին՝ ամփոփվելով կրկին իր մտքերի մեջ:

— Ի՞նչ բանի մտադիր, տեր մարզպան:

— Զորք չի՞ ուղարկում Հայաստան:

— Նշաններ չկային:

— Բարի՛, գնա՛,— ասաց մի փոքր անց Վասակը Կողակին,— գիշերը կգաս մոտս:

Կողակը վեր կացավ:

— Ների՛ր համարձակությանս,— ասաց նա և զննեց Վասակին,— պիտի գնա՞ս Արտաշատ:

— Այո, շուտով,— պատասխանեց Վասակը և գլուխը թափ տվեց,— այո, շուտով, շուտով. եթե ոչ՝ այնտեղ մեր սևազուխները հանդեսը կբանան:

— Հրամա՛ն տուր:

Վասակը ձեռով արեց: Կողակը հեռացավ:

Վասակը ծափ տվեց: Ներս եկավ սենեկապետը:

— Մուշտա՛կ:

— Հրամա՛նդ:

Սենեկապետը արագ դուրս գնաց և վերադարձավ սամույր մուշտակը ձեռին: Վասակը մի փոքր դժվարությամբ, դեմքը կրնճ-ռոտելով, հագնավ մուշտակը և դուրս եկավ սենյակից: Միջանցքում նրան միացավ թիկնապահը: Նա դուրս գնաց հարկաբաժնից, ամրոցի դարբասով անցավ գնաց անդնդի եզրը: Երկար ժամանակ կանգնել նայում էր ներքև, ուր ժայռերի բեկորները դարերի ընթացքում գործվել իրար հետևից, իրար վրա՝ ստեղծել էին ժայռաբեկորների մի բավիղ: Ներքևի արևկող հովտում ծխում էին արոտները: Մոտակա ժայռի աշտարակից մի թռչուն ձճը-ճը-չի՛, ճը-ճը-չի՛» էր անում: Նա ավետում էր գարնան գալուստը: Բայց Վասակը մտատանջվում էր այլ հոգսերով: Վարազվաղանը... որին նա արտաքսել էր Սյունիքից, իր քրոջ հետ դաժան վարվելու և նրան տանջամահ անելու պատճառով: Նրան զբաղեցրեց Կողակի խոսքը, թե Հազարապետը Վասակի թշնամուն պահում է իր ձեռքում, որպես-

զի ձեռքում պահի Վասակին: Եվ Վասակը մտածել սկսեց, որ Վարազվաղանը փառասեր է, պատիվների ու դիրքի ձգտող. նա ուրացել է և դառել է պարսից արքունիքի գործիքը: Այս նշանակում է Հազարապետը մրցման մեջ է դնում Վասակին և Վարազվաղանին: Եթե Վասակը չգնա գիշումների, գործակցութեան ուղիով՝ Վարազվաղանը կգնա: Եվ եթե Վարազվաղանը մրցանակը տանի՝ նա կնրստի մարզպան իր տեղը: «Եվ կքանդի՞ երկիրը... սատանայի ծընունդը»,— մոմուաց Վասակը: Այս մտատանջումների մեջ էր, որ հետևից պատանեկան կրծքից դուրս թռած ուրախագին բացականչություններ լսեց: Նա ետ նայեց: Դեպի ինքն էին գալիս երկու պատանի: Նրանք ձեռքներին աղեղներ ունեին և մեջքներին նետերով լի կապարձներ: Երևում է, որ նրանք գնում էին վարժվելու: Նրանք մոտեցան:

— Հայրի՛կ,— ասաց նրանցից կրտսերը,— Բաբիկն ասում է, գնում ենք արյաց երկիրը. ճշմարի՛տ է:

— Ծշմարիտ է, շենք գնում,— ասաց Վասակը և ժպտաց պատանու աչքերի մեջ:

— Դե, թող կատակը, հայրիկ,— առաջ եկավ պատանին և գրկեց հոր իրանը:

Դա ոսկեզանգուր, կլորզուխ և խոշոր կապույտ աչքերով պատանի էր, որի սպիտակ, կանացի մորթին նրան տալիս էր օրիորդի տպավորութուն: Մյուսը՝ Բաբիկը, որի մասին խոսեց պատանին՝ սևաչյա, բարձրահասակ պատանի էր, որ հոնքերի տակից էր նայում կամակոր հայացքով, մի փոքր անբարյացակամ:

— Հը, գնո՞ւմ ենք արյաց երկիրը,— հարցրեց նրան Վասակը, աչքերը կատակ խոժոռելով:

Պատանին համառ ու լուռ նայեց հորը: Հետո թեթև հեզանքով պատասխանեց.

— Գնացողն էլ դու, չգնացողն էլ, ու ի՞նձ ես հարցնում:

Վասակը լռեց և հայացքով սկսեց շոյել իր զավակներին: Նա կարծես մի պահ մոռացավ իր մտատանջումները և ընկավ նոր ու հաճելի մի աշխարհ: Եվ մի այնպիսի մարդու պես, որ բոլորովին մենակ է աշխարհում և միայն մի բան ունի թանկագին ու հարազատ, որով նա բուժում է իր մենությունը, ջերմանում, որին կառչում է հիվանդագին սիրով՝ այնպես էլ Վասակը սիրով հանդիպեց իր զավակներին այդ պահին:

— Իսկ գնալ շե՞ք սպում,— հարցրեց նա մեղմ ձայնով, որ օտ վերի շոյանք էր, քան հարցմունք:

— Ի՞նչ գործ ունենք արյաց երկքում,— հարցրեց Բարիկը տհաճ եղանակով:

— Զորական կրթություն, Բարիկ. չէ՞ որ խոստացար մտնել դորական կրթության:

— Այստեղ էլ կարող ենք զորական կրթություն ստանալ,— ասաց Բարիկը:

— Այստեղ չե՞ք կարող,— մեղմ, բայց վճռական ձայնով ասաց Վասակը:

— Ե՛ս որ՝ չեմ գնա,— համառեց Բարիկը,— այո, այո, ես չեմ գնա, թող ներսիկը գնա, որ այդքան շատ ուզում է:

Վասակը ներքին անհանգստությամբ նայեց Բարիկին և ծանր հայացքը բևեռելով նրա աչքերին՝ սկսեց մտածել: Ծանր մտքեր էին դրանք, որ նա վանեց իրենից՝ ասելով.

— Դեռ այդ վաղ է, տեսնենք, դեռ չգնացինք, մի՛ վախենար:

— Ես չեմ վախենում,— ասաց Բարիկը,— ես չեմ գնալու:

— Որ ժամանակը գա՛ կգնաս:

— Ոչ մի ժամանակ չեմ գնա:

Վասակը հայացքը խոժոռեց Բարիկի վրա: Նրան վերավորեց ո՛չ այն, որ իր զավակը հանդուգն խոսքեր էր ասում իրեն: Նրան խոռվեց խոհերի այլ հախուռն հորձանք, որ լցվեց նրա հոգու մեջ: Իրավ է՝ այդ խոհերը այնքան էլ պարզորոշ չէին դեռ, բայց նրանց մեջ մի ինչ-որ անախորժ, շարագույժ բան կար:

— Ներսի՛կ,— ժպտաց Վասակը ախուր մտքերի բեռից ազատվելու համար,— այսօր տեսն՞լ ես մայրիկին:

— Տեսել եմ:

— Ի՞նչ է անում:

— Եկ ի՛նքդ իմացիր,— ընդհատեց նրանց Բարիկը,— այնքան օրերով գիշեր-ցերեկ զբաված ես մարդիկ ընդունելով ու խոսելով, որ չես էլ մտնում մայրիկի սենյակը:

— Ասա՛, ասա՛, սիրելի Բարիկ,— հեղձարեն կշտամբեց իրեն Վասակը,— ասա՛, իրավունք ունես:

— Ինչո՞ւ ես հայրիկին կշտամբում,— պաշտպանեց հորը ներսիկը,— նա մաքրպան է, հազար ու մի գործեր ունի:

— Տեսա՛ր,— ասաց Վասակը:

— Ի՞նչ նշանակութիւն ունի,— համառեց Բարիկը,— թող ժամանակ գտնի, գա մայրիկին տեսնելու:

— Չի գտնում ժամանակ,— ասաց Ներսիկը:

— Որ ուզենա՝ կգտնի,— պնդեց Բարիկը:

Վասակը հեզ ու հնազանդ լսում էր իր զավակի ճյա հանդուգն խոսքերը և տխուր նայում էր նրան, երկի իր սրտում, իր խղճի առաջ ճշմարիտ համարելով նրան: Զավակները նրա ամենաթուղ երակն էին, նրանց առաջ կարծես անգոր էր դառնում նա: Թերևս հանգստանում էր նա Բարիկի անկեղծ ու կոպիտ կշտամբանքներից:

Ներսիկը գրկեց հորը:

— Հայրիկ, իսկ մայրիկը նույնպե՞ս կգա մեզ հետ արլաց երկիրը:

Հարցմունքը հարվածեց Վասակին.

— Մայրի՞կն ինչու գա...

— Ապա նա կթողնի՞, որ մենք առանց իրեն գնանք օտարութիւն:

— Նա լսել անգամ չի ուզում մեր գնալու մասին,— վրա բերեց Բարիկը:

Վասակը մոռալովեց: Նա լուրջ ու մտահոգ նայեց Ներսիկին ու երկար շարունակեց այդպես նայել ու մտածել: Ապա ինքն իրեն հավաքած և սթափ եղանակով ասաց.

— Իսկ զորականը տանո՞ւմ է ամեն տեղ իր մորը: Դու ասա, Ներսիկ: Սա խելք շունի:

— Մի՞թե մենք զորական ենք դառնալու:

— Այո, զորական: Դա է ձեր ուղին: Դուք պիտի լրիվ զորական կրթութիւն ստանաք:

Ներսիկը գլուխը կախեց.

— Ծն մենաստան եմ ուզում, հայրիկ:

— Մենաստա՞ն,— զարմացավ և անխորթեց Վասակը,— ո՞վ է մտցրել մեզդ այդ հիմար միտքը:

— Մայրիկը,— շարախինդ եղանակով ասաց Բարիկը,— նա է մեզ շարունակ կարդում գիրք և խոսում փիլիսոփաների մասին:

— Շատ վատ է անում,— զայրացավ Վասակը և գրկից հեռու վանեց Ներսիկին,— ես կասեմ նրան, որ այլևս ձեզ մենաստան չուղարկի:

— Կուղարկի՛ր,— համառեց Բարիկը:

Վասակը խեթ նայեց Բարիկին և լռեց: Ապա նա սկսեց անհանգիստ անցուղարձ անել տափարակ ժայռի վրա, մոտեցավ և նստեց անդնդի եզրին:

Այդ միջոցին ձորի կողմից բարձրանում էին մի խումբ եկեղեցականներ: Նրանք մազլցում էին, երբեմն շորեթթաթ անում, երբեմն վազում: Երևում էր, որ շատ շտապում էին: Վասակի թիկնապահը, որ բավական հեռու կանգնած էր նրանից, տեսնելով եկողներին՝ գնաց դեպի ձորամուտը: Բարձրացողները տեսել էին Վասակին և ըստ երևույթին շտապում էին նրան հենց այդտեղ հասնելու և տեսնվելու հետը: Վերջապես նրանք մոտեցան և ձորամտի տակին կանգ առան: Նրանցից զատվեց մի ծերունի վանական և մի փոքր առաջ գալով ներքևից ձայնեց.

— Հրամա՛ն տուր, տեր մարդպան:

— Ի՛նչ է պատահել,— հարցրեց Վասակը դժկամ:

— Հրամա՛ն տուր, մի՛ խոսք, ի սե՛ր ամենակալին,— ձայնեց ծերունի վանականը:

Վասակը ձեռքով արեց թիկնապահին: Սա ետ քաշվեց ձորամուտից, և խումբը արագ բարձրացավ ձորագլուխը:

— Մոտ եկեք,— հրամայեց Վասակը դժկամ:

Ծերունին առաջ նետվեց, խումբը հետևեց նրան: Ծերունին, որի բաց, մազոտ կուրծքը, զգզված մազերը և պատառոտված հագուստը ցույց էին տալիս, որ կողոպտված մի այլ աղքատիկ վանքից էր, եկավ ընկավ Վասակի ոտքերը, ապա բարձրացավ ու մնալով շոքած՝ սկսեց կուրծքը ծեծել.

— Կողոպտեցի՛ր ի՛նչ, մերկացրին, կլպեցին Դենշապուհի հարկահանները, վանքի ունևորն ու շունևորը շեն նայում: Մենք աղքատ վանք ենք: Տաժանելի հարկ դրեց վանքի վրա, ամեն ինչ տարավ: Վանքը որ վառես՝ ծուխ չի դուրս գա: Փրկի՛ր մեզ, տեր մարդպան:

— Փրկի՛ր մեզ,— ձայնակցեցին մյուս վանականները հևալով և շառագունած վերելքի վազքից: Ծերունի վանականի գլուղացիական ոճը, խմբի պատառոտուն թուրձերը, որ ցույց էին տալիս, որ կողոպտվել էին մինչև տակը և ծեծվել՝ Վասակի մեջ շարժեց ոչ թե գութ, այլ զայրույթ: Դա զայրույթ էր և՛ Դենշապուհի, և՛ Հազկերտի դեմ:

Վասակը այս և նման դեպքերի մասին հաճախ էր լսում: Գիտեր այդ բռնութիւնները: Բայց նա լուում էր և քաշվելով իր ամրոցը՝ մտածում էր այդ ամենի մասին: Մտածում էր գիշեր-ցերեկ, բայց չէր գտնում ոչ մի ելք: Նա միայն մի բան էր հասկանում, որ այս կնճիռները լուծելու համար մեծ ձեռնարկումներ են պետք: Նա զգում էր, որ երկրի դեմ գալիս է մի այնպիսի վիթխարի հեղեղ, որի ամբարտակի ճեղքերը ձեռներով չի կարելի փակել: Կամ պետք էր թույլ տալ, որ հեղեղը խորտակեր կարկատած ամբարտակը և ողողեր ամեն բան, կամ պետք էր կառուցել մի այնպիսի նոր ամբարտակ, որ պահեր հեղեղի հորձանքը:

Վասակը քստմնելով նայեց գետնին սողացող այս վանականներին և զայրացած գոչեց.

— Գնացեք վա՛նք, տվե՛ք հարկը, հետո կտեսնենք:

— Զունե՛նք, տե՛ր մարզպան, շունե՛նք, մե՛կ մաշկ ունենք, մե՛կ հոգի,— գլուղացու պես ձայնը ծոր գցեց ծերունի վանականը:

— Գնացե՛ք, գնացե՛ք,— հրամայեց Վասակը դաժանորեն:

Թիկնապահն առաջ եկավ:

Ծերունին վեր կացավ և ցնցոտիների միջից վեր կարկոտեց իր սևացած, նիհար ձեռները, ծերունու շրթունքները դողացին, նա բառերը ծամելով հեռացավ: Խումբը հետևեց նրան: Նրանք իջան ձորը:

— Ո՛չ մի վանականի և շինականի մի թույլ տաք մոտենան ամրոցին,— հրամայեց Վասակը պահակապետին, որ հեռուն կանգնած խեթ նայում էր հեռացող վանականներին:

Դեռ երկար նայում էր նրանց Վասակը: Նրա մեջ մոլեգնեց զայրույթը: Բայց և դա վանականների համար չէր: Նա զգում էր, որ ոչինչ էլ չէր անի վանականներին օգնելու համար: Բայց վանականներին հասցրած հարվածն ու վիրավորանքը ընդունում էր վիրավորանք իր իշխանության, իր անձի հասցեին:

— Դենշապուհն արքա՞ է դառել մեր երկրում,— դառնությամբ խոսեց Բարիկը:

Վասակը խոցվեց և շեշտակի նայելով Բարիկին, գոռաց նրա վրա.

— Դե՛, իսկույննեթ գնա օթևա՛ն:

Նրա հայացքը վայրի էր, շարագույժ: Բարիկը գիտեր հոր նաև կարծր կողմերը, ուստի և գլխիկոր հեռացավ: Նրան հետևեց նույն-

պես մեղավորի տեսքով — թեև մեղք չուներ — նաև ներսիկը:
— Դենշապո՛ւհը... շո՛ւնը... — մոմուաց Վասակը յուրովի և վերցնելով մի քար՝ նետեց անդունդը:

Հետո դարձավ թիկնապահին:

— Կանչի՛ր ախոռապետին:

Մի փոքր անց գնդիկ մի մարդ գլորվելու շարժումներով վազեց եկավ:

— Նժույգները պատրաստիր, վաղն առավոտ մեկնում եմ Արտաշատ ամբողջ համհարզով:

— Հրամանդ ի կատա՛ր,— ասաց կանացի ձայնով ախոռապետը և բարև բռնած հեռացավ:

Վասակը վեր կացավ, որ գնա ամրոց: Սակայն այդ պահին նրա ուշադրութլունը գրավեց դիմացի անդնդի կողմը ինչ-որ տարօրինակ շարժում: Մի խումբ հեծյալներ նժույգները քշելով գալիս էին դեպի ամրոց: Նրանք արշավում էին բարակ արահետով և սաստիկ հապճեպի մեջ էին: Հասնելով մի որոշ տեղ, նրանք կանգ առան և սկսեցին դիտել ժայռի լանջը:

— Ի՞նչ կա այնտեղ,— հարցրեց Վասակը հավաքված սպասավորներին:

— Փախստականներ են,— ասացին սրանք,— ժայռի լանջը բարձրացան:

Վասակը ավելի սրեց հայացքը և նոր տեսավ մի խումբ մարդկանց, որ անհավատալի ճարակութլամբ մազլցում էին ժայռի կրթթին, միտելով վեր, անտառը:

— Շինականներ են, տեր իմ,— ասաց սպասավորը:

Անդնդի հատակում խռնված հեծյալները արահետ որոնելով սկսեցին բարձրանալ ժայռի լանջով: Շինականները արագ հասան բարափին, այնտեղից էլ՝ անտառը և կորան ծառերի մեջ:

— Էլ որտեղի՞ց կհասնեն, կորա՛ն,— ասաց թիկնապահը:

Վասակը մոռալվեց: Հարկահանին և զինվորներին սպանող շինականներն էին դրանք Առաքելի գլխավորութլամբ:



Ներքին հարկաբաժիններից մեկի օձևանում, որ բացվում էր արևելահայաց անդունդի վրա՝ նստած էր մի սևազգեստ կին: Նա իր խրոխտ ու լուրջ սև աչքերը հառել էր գրակալի մատյանին և նայում էր առանց կարդալու, սուզված խոր մտքերի մեջ: Նա գրեթե ու ճակատին սև մետաքս շոր էր քաշել, որ գլխանոցի պես պինդ շրջանակել էր նրա գունատ, մարմարե ճակատն ու դեմքը: Հոնքերը սևաթավիչ ու միացած՝ ազդում էին կամային, մարտնչող մի ոգու թաքուցյալ ուժով: Հպարտ քիթը մի տեսակ վեհուժյան շուք էր բերում նրա բարձր բռնած դեմքին:

Սակայն զննող հայացքը կարող էր նկատել նրա խոհուն աչքերում թաքնված այն խոր թախիժներից մեկը, որ մշտական լինելով՝ մաշում է ծածուկ և շթուլացող ուժով:

Ներս մտավ մի բարձրահասակ ու չորուցամաք կին և եռանդուն, խուզարկող հայացքով սուր նայեց տիկնոջը:

— Հա, դո՞ւ ես, Զվիկ,— հարցրեց տիկինը:

— Վարազդուխտը,— բազմանշանակ աչքով արեց Զվիկը և մի կողմ քաշվելով՝ նայեց դռան կողմը, որտեղից պիտի մտնեք եկողը:

— Հրայամի՛ր, իշխանուհին այստեղ է:

Ներս մտավ մի նրբամարմին, սև ու գողտրիկ, բավական երիտասարդ կին, որի փղոսկրյա նուրբ-դեղնավուն դեմքին գծված էին անփայլ սևամուր հոնքեր, որ աղեղում էին նրա խորաթափանց աչքերը: Նա գեղեցիկ էր խելքահան անելու շափ: Կակաչի միջուկի սեփուլյան երկար թարթիչները բացոսխուփ լինելիս՝ թափահարում էին օդը ծիծեռնակի թևերի պես: Նա ճկուն էր, վայրի կատու, խիզախ, գիշատիչ:

Տեսնելով նրան՝ տիկինը թեթև կծկեց դեմքի մկանները, բայց խսկույն ճմլեց այդ կծկումը և տխուր ժպտաց: Վարազդուխտը մոտեցավ և գրկեց տիկնոջը:

Հետո նայելով մատյանին՝ շշնջաց.

— էլի՞ մատյան ես կարդում, Փառանձեմ տիկին:

Տիկինը ներքին անհանգստություն մտնելով նայեց Վարազդուխտին և լռեց: Սակայն սա զգալով տիկնոջ խռովքը, որ ըստ երևույթին նրան այլ առիթներով ծանոթ էր՝ ուզեց խոսելով խլացնել.

— Իսկ ո՞ւր են Բարիկն ու Ներսիկը:

— Զգիտեմ, որսի են գնացել, թե նետաձգության,— ասաց Փառանձեմ տիկինը և շարունակեց անհանգիստ նայել Վարազդուխտին:

Նրանք երկար անշարժացան՝ լուռ, իրենց մտքերով պաշարված, հայացք հայացքի:

— Մարզպանը հո չի՞ մեկնում այսօր,— հարցրեց Վարազդուխտն անհանգիստ:

— Զգիտեմ,— պատասխանեց Փառանձեմ տիկինը հուզված:

Այդ միջոցին ներս մտավ Վասակը: Նա մտալլ նայեց ներս՝ Փառանձեմին ջոկ, Վարազդուխտին ջոկ և առաջ եկավ կանգնեց օթեանի մեջտեղ:

Զվիկը մնաց իր տեղում և լարված սպասեց:

— Ինչո՞ւ ես տղաներին խելքից հանում,— դարձավ Վասակը Փառանձեմին,— ինչո՞ւ ես մենաստանների ճանապարհը սովորեցնում: Ես նրանց Պարսկաստան եմ տանելու զինվորական կրթության: Նրանք կրոնավոր չեն դառնա: Եվ ի՞նչ ես քնքշացրել նրանց: Մա՞յրը որն է օտարության մեջ, մորն ո՞վ է իմացել հետները տանեն Պարսկաստան, որ առանց մոր շգնան: Պատրաստել տուր երկուսի զգեստները, շուտով ճանապարհ կընկնեն Պարսկաստան:

Հետո, առանց սպասելու Փառանձեմի պատասխանին՝ դարձավ Վարազդուխտին:

— Գնա՛նք...

Այս ասելով արագ շրջվեց դեպի դուռը և գնաց: Վարազդուխտը հետևեց նրան: Փառանձեմը հպարտ բարկությամբ նայեց նրանց հետևից:

Զվիկը, որի ազատ վարվեցողությունն ու ներկա լինելու իրավունքը ցույց էին տալիս, որ նա Փառանձեմի մոտ ավելի մտերիմ, հարգված ընկեր է, քան սպասուհի՝ երբ ներսն էին Վասակը և Վարազդուխտը՝ աչքի տակով թաքուն անբարյացակամ նայում էր նրանց և ծածկելու համար իր ներքին խռովքը՝ դուրս էր նայում պատուհանից դեպի անդունդը:

— Մարզպանը տե՞ղ է գնում, տիկին,— հարցրեց Զվիկը խորագնին աչքերը Փառանձեմի աչքերին հառած:

— Աստված գիտե, — պատասխանեց Փառանձեմը վիրավորված, — նրա ի՞նչն ենք մենք իմանում:

54-29-835

Զվիկը շնոսեց Վարազդուխտի մասին՝ չվիրավորելու համար Փառանձեմի ինքնասիրությունը: Բայց երբ նայել սկսեց նրան, և երկուսի հայացքներն իրար մեջ երկար կանգ առան՝ նրանք ազելի հասկանալի խոսեցին իրար հետ այդ մասին:

— Բայց կգնա մի տեղ, չի մնա երկար,— ասաց Զվիկը՝ շարունակելով նույն միտքը և կամենալով հեռվից հանգստացնել Փառանձեմին:

— Գնա՛ չգնա... — ասաց տխրաձայն Փառանձեմը:

— Ձէ, ինչո՞ւ ես այդպե՞ս ասում, տիկի՛ն, այ հիմի կգնու Պարսկաստան:

— Ի՞նչ անեմ. երեխաներիս էլ կտանի հետը:

— Է՛, լա՛վ է, թող թեկո՛ւզ երեխաներին էլ տանի, մենակ թե գնա այստեղից,— մի տեսակ ինքն էլ գազազած ասաց Զվիկը:

Փառանձեմը տխուր ու խոհուն լռեց: Հետո հեզ հեզ նանքով խոսեց՝ ասես ինքն իրեն:

— Պարսկաստան կգնա, հետը կտանի սրան... Ձի՛ արել, որ շանի էլ: Պարսկաստանում չէի՞ն հինգ տարի առաջ:

Զվիկը գլխով համաձայնության նշան արեց և ձեռները խաշաձեւելով կրծքին, նայեց դուրս, անդունդը:

— Սև ու մութ լինի ր այն օրը, որ սա նրան չհանդիպեր,— ասաց Զվիկը՝ արդեն տեսնելով, որ խոսքը ինքն իրեն բացվեց:

Նրանք չէին խոսում երկար ժամանակ: Զվիկը կծկվեց մնաց պատուհանի գոգում, երբեմն գաղտնի դիտելով Փառանձեմի դեմքի այլայլումները: Որ Փառանձեմը խոր ապրում էր մի փոքր առաջվա դեպքը, դա անկարելի էր շնկատել: Վասակն ուներ այդ ձևերը տան մեջ: Իսկ Վարազդուխտի այցելութուններն իրենց ամրոց և առանձնացումները Վասակի հետ հին բաներ էին: Թվում է, թե Փառանձեմը կամ պիտի բողոքած և հեռացած լիներ, կամ հաշտված: Բայց ահա տարիներ տևում էր այս անհանդուրժելի վիճակը՝ չթուլացող հանդգնությամբ և համառությամբ: Ի՞նչ կար Վասակի ու Վարազդուխտի մեջ. ոչ ոք չգիտեր: Մոռյլ վարագույրը ծածկում էր մի անվերժանելի գաղտնիք. Վարազդուխտը՝ վարազվաղանի, Վասակի փեսայի քրոջ աղջիկն էր: Նա այցելում էր Վասակին այս բարեկամական հանգամանքով: Բայց թե ինչպե՛ս կարելի էր բացեփրաց ժամերով առանձնանալ Վասակի օթևանում՝ դա արդեն անսանձ Վասակի բռնակալական հանդգնությունն էր:

Ներս մտավ Ներսիկը: Նա վրդովված էր և տխուր:

— Մո՛տ արի, — գորովանքով կանչեց իր մոտ Փառանձեմը:

Ներսիկը շմտոեցավ, այլ գնաց պատուհանի մոտ, կանգնեց
Զվիկի կողքին և բռնեց նրա ձեռը:

— Ո՛վ է նեղացրել, — հարցրեց ցածրաձայն Զվիկը:

— Պարսկաստան է տանում մեզ, — գոչեց Ներսիկը լացակու-
մած — ի՞նչ գործ ունեմ Պարսկաստանում:

— Պարսկաստա՛ն է տանում... — հառաչեց Փառանձեմը, —
ձեզ է՛լ ասաց:

— Ես գնացողը չեմ, ես չեմ գնա, — լաց եղավ Ներսիկը:

— Տես, է՛... — ասաց Զվիկը և կշտամբելով նայեց Փառան-
ձեմին:

— Հիմա էլ երեխաներին չի թողնում ինձ մոտ, — անհանգրս-
տացած, տարակուսած ձայնով ասաց Փառանձեմը և դարձավ
Ներսիկին, — եկ մո՛տս, չգնացիր դեռ, մի՛ վախենա:

— Զեմ վախենում, բայց որ ասում է՝ սիրտս զողում է. ես ա-
ռանց քեզ ոչ մի տեղ չեմ գնա:

— Զես գնա, լաց մի լինի: Ես կթողնե՛մ, որ քեզ տանեն:

— Ասաց՝ հաստատ անպատճառ պիտի գնաք:

Իրան հետև խլրտոց լավեց, զսպված աղմուկ և Բաբիկի բար-
կացած ձայնը.

— Զքվի՛ր աչքիցս, ճիճո՛ւ, գլո՛ւխդ կշարդեմ:

Զվիկը վազեց այն կողմը.

— Բաբիկ, ի՞նչ է եղել, նե՛րս արի, Բաբի՛կ, — ասաց նա և
համոզիչ մեղմությամբ թևից բռնած ներս բերեց Բաբիկին:

Նրա հետևից ներս մտավ պարսկական զգեստով մի երիտա-
սարդ՝ հաստաշուրթ, կապույտի խփող կաս-կարմիր դեմքի ուռած
այտերով: Նա արագ հայացքներ նետելով մեկ Փառանձեմի, մեկ
Բաբիկի կողմը՝ սպասում էր, որ Բաբիկը հնազանդվի և զսպվի:

— Քեզ ասացի՝ կորի՛ր, չե՛մ գալիս:

Երիտասարդը դարձավ Փառանձեմին.

— Տիկին, տեր մարզպանն է հրամայել, պարսկերենը երկու
ամսում վերջացնել. չի գալիս դասի:

Նա խոսեց պարսկերեն:

— Իսկ ինչո՛ւ երկու ամսում, — հարցրեց Փառանձեմը հա-
յերեն:

— Պետք է Պարսկաստան գնան,— ասաց երիտասարդը պարսկերեն:

— Երկու ամսում պարսկերենը վերջացնել... Իսկ հայո՞ց լեզուն երբ սովորենք,— ասաց Բաբիկը:

Դասատուն քիթ ու պոռնկը ծոմոնեց արհամարհանքով:

— Դուք պարսիկներին պիտի ծառայեք. ի՞նչ հայոց լեզու...

Բաբիկը մի քացի տվեց նրան:

Դասատուն խիստ վիրավորված և շարությունից պայթելով դարձավ Փառանձեմին:

— Ինչո՞ւ է խփում ինձ: Ի՞նչ ասացի: Շուտով բոլորը կպարսկանան՝ կվերջանա կգնա,— արդեն խոցելու մարմաշով հակաճառեց դասատուն:

— Դու դո՛ւրս կորի այստեղից և այսուհետև չհամարձակվես սրանց դաս տալ,— գոչեց Փառանձեմը դողահար:

Երիտասարդը դուրս գնաց մրթմրթալով:

— Ետ արի՛,— գոչեց Փառանձեմը:

Դասատուն ետ եկավ:

— Դու քո մրթմրթոցը կտրի՛ր, երբ իմ օթևանումն ես: Իմացա՛ր:

Դասատուն չպատասխանեց:

— Դու քո մրթմրթոցը կտրի՛ր, երբ իմ օթևանումն ես,— կրկնեց Փառանձեմը,— ասա՛, իմացա՛ր...

— Իմացա՛,— ասաց դասատուն պարսկերեն:

— Հայերեն ասա, անասուն,— գոչեց Փառանձեմը:

Դասատուն շարությամբ նայեց նրան և պարսկերեն ասաց.

— Ես հայ չեմ, ես պարսիկ եմ:

Զվիկը հարձակվեց, որ դուրս շարտի դասատուին, բայց Փառանձեմը կանգնեցրեց նրան և դարձավ դասատուին:

— Դու պարսիկ էլ չես կարող դառնալ: Ստորուկները ոչինչ չեն դառնում, բացի ստոր սողունից: Դե կորի՛ր...

Դասատուն հեռացավ՝ շրթունքները կրծելով:

Փառանձեմը վրդովված ու անհանգիստ սկսեց ման գալ օթեվանում:

Բաբիկն ու ներսիկը գնացին:

Փառանձեմն զգում էր, որ իր զավակների ներկայությամբ չէր կարելի այսքան առաջ գնալ և մատնել իր և իր ամուսնու հարա-

բերութիւնները. բայց Վարազդուխտի և Վասակի վարմունքները նրան շեղեցին իր սովորական զուսպ դիրքից: Նա պոռթկաց, որ հանգստանա:

— Խլում է զավակնե՛րս, խլում է և նրանց լեզո՛ւն...—լացա-
կումեց մինչև հոգու խորքը վիրավորված կինը,— իրե՛ն մնա, ինչ
որ ավելի խել է ինձանից: Զավակնե՛րս թողնի ինձ:

Անսպասելի ներս ընկավ Վասակը: Նա այլայլվել էր, գունատ-
վել: Այսպիսի բոպեներին նա սարսափելի էր: Նա հետև էր զայ-
րույթից: Նրան հետևեց պարսկերենի դասատուն, որ Փառանձեմի
երկյուղից կանգնեց վարագույրի մեջ: Վասակը նայեց Զվիկին և
հրամայեց.

— Կանչի՛ր այստեղ Բաբիկին ու Ներսիկին:

Զվիկը գնաց: Ու մինչ Զվիկը կվերադառնար՝ Վասակն սկսեց
լուռ անցուդարձ անել: Նա մի անգամ էլ չնայեց Փառանձեմին:
Զնայեց նրան նաև Փառանձեմը:

Եկան Բաբիկն ու Ներսիկը:

Վասակը շանթահար խեթեց նրանց.

— Իսկույնեթ գնացեք պարսկերենի դասին: Եվ սրանից հե-
տո չհամարձակվե՛ք հայելե՛ն խոսել: Կխոսեք պարսկերե՛ն: Իմա-
ցա՛ք:

Տղաները լռեցին:

— Զեզ հետ չե՛մ,— սպառնաց Վասակը:

— Ես հայերենը չեմ թողնի,— ասաց Բաբիկը տակից վեր նա-
յելով համառ ու շար:

Նա այդ բոպեին նման էր հորը:

— Եկ այստե՛ղ,— հրամայեց ցածր ձայնով Վասակը:

Բաբիկը մոտեցավ.

— Խփի՛ր... ես պարսիկներին չեմ ծառայի...

Վասակը ապտակեց նրան:

— Սպանի՛ր թեկուզ... չեմ ծառայի...

Վասակը մի ապտակ ևս հասցրեց.

— Դու դիմադա՛րձ ես կանգնում ինձ...:

— Զո՛ւր է, պարսիկներին չեմ ծառայի...

Վասակի դեմքն այլանդակվեց, աչքերի բիբերը ցայտեցին
զուրս. նա վայր գցեց Բաբիկին և սկսեց մոլեգին ծեծել: Զեր մի-
ջամտում ոչ ոք: Փառանձեմը հպարտ ու լուռ ատելությամբ նայում

էր Վասակին: Զվիկը սեղմվել էր պատին: Ներսիկը վախեցած, աչքերն արցունք՝ նայում էր ու անլսելի հեծկտում: Անհուն բավակա-նությամբ դիտում էր միայն պարսկերենի դասատուն: Վասակին զայրացրեց Փառանձեմի հպարտ լուռթյունը: Բարիկն արյունվա եղավ, բայց Փառանձեմը շմիշմտեցջ Վասակն այդ համարեց լուռ դիմադրություն և ավելի կատաղեց: Նա ավելի կատաղեց նրանից, որ Բարիկը ոչ մի խոսք չասեց և շինդրեց ներել:

Թռփելով իր ողջ կիրքը՝ Վասակը դադարեց վերջապես: Հետո հևաց, ձեռները շփեց, նայեց Բարիկին, որ կապտել էր զայրույթից ու ցավից:

Վասակը հարձակվեց Փառանձեմի վրա.

— Դու տունս եկեղեցի ես դարձրել, դու իմ զավակներին իմ գեմ ես հանում: Կախաղանների վրա ճոճել կտամ քեզ ու քո զավակներին:

Փառանձեմը հրացայտ հայացքով համարձակ նայեց Վասակին և աչքերը սևեռեց ազնիվ բարկությամբ: Դա ազդեց ավելի, քան խոսքը: Վասակը դարձավ պարսկերենի դասատուին:

— Տա՛ր սրանց և սկսի՛ր դասը: Եթե սրանք հայերեն խոսեցին՝ կզնա՛ գլուխդ:

— Ինչպես հրամայեցի՛ր,— արագախոս վրա բերեց դասատուն և հայացքով կանչեց Բարիկին ու Ներսիկին:

Սրանք հեռացան:

Վասակը դարձավ Փառանձեմին.

— Մյուս անգամ թե կրկնվել է այս դիմադարձությունը՝ իսկապես կսպանեմ նրանց: Իմ տանը այլևս հայերեն չպիտի խոսվի: Ու արագ հեռացավ:

Զվիկը դուրս գնաց նրա հետևից՝ գուշակելով մի շար բան: Նրա բնազդը շխարհեց: Բարիկի սենյակից աղմուկ լսվեց: Նա ներս մտավ: Բարիկը տակն էր գցել դասատուին և ծեծում էր: Արյունը հորդում էր դասատուի քթից ու բերանից: Նա խոպոտ ձայներ էր արձակում, աշխատում ազատվել, օգնություն էր կանչում, բայց Բարիկը մոլեգնաբար ծեծում էր ու ծեծում:

— Բարի՛կ, Բարի՛կ,— վրա հասավ Զվիկը,— թո՛ղ, թո՛ղ...

Բարիկը ավելի կատաղեց: Նա հարվածում էր առանց նայելու, թե ուր էր հասնում հարվածը: Զվիկը շատ մեծ դժվարությամբ, ուղղակի աղաչելով, լաց լինելով մի կերպ ազատեց դասատուին:

Սա վեր թռավ, հագուստը թափ տվեց, քիթ ու պոռուկը մաքրեց և փնչացրեց:

— Դե ես հիմա կգանգատվեմ իշխանին՝ դու հարսանիքդ տես: Բարիկը սրվեց դեպի նա:

— Ինձ մտի՛կ. վերջը՝ վերջը նա ինձ չի՛ սպանի, բայց ես քեզ կսպանե՛մ:

Զվիկը մոտ գնաց դասատուին:

— Հանգիստ թող նրան...

— Ախր տես ի՛նչ արեց,— լացակումեց դասատուն:

— Չորը կնետեմ դիակդ, մորս արևը վկա,— սպառնաց Բա-

բիկը:

— Գնա գործիդ... ձեռ քաշի,— հորդորեց Զվիկը:

Դասատուն քրթմնջաց, սրբվեց ու նստեց:

— Առա՛ր դասդ,— ասաց Բաբիկը,— դե՛ հիմա հանգստացիր:

Կգնա՛ս մեկ էլ գանգատվելու:

Զվիկը բռնեց Բաբիկի թևը և խրատեց.

— Դե բավական է, Բաբիկ, տիկինն անհանգիստ է:

— Սա իմ մորը գցի իմ հոր աչքո՞ւմ, անպատվի նրան իմ հոր ձեռքո՞վ... — վրդովված խոսեց Բաբիկը:

Զվիկը դուրս եկավ Բաբիկի մոտից և գնաց Փառանձեմի մոտ:

— Ի՞նչ կար,— հարցրեց Փառանձեմը:

Զվիկը պատմեց: Փառանձեմը անհանգստացավ:

— Մեր տունը դժոխք է դառել: Հայ շենք, պարսիկ շենք, բայց իրար դեմ կռվի ենք դուրս եկել:

Զվիկը նկատեց.

— Բայց հոր կտորն է, հա՛...

— Կատաղի է: Ի՞նչ պիտի լինի դրա վիճակը Պարսկաստա- նում:

Վասակը, որ դասատուի գանգատից զայրացած վազել էր Փառանձեմի մոտ՝ վերադարձավ իր օթևանը: Նա դեռ հեռում էր բարկությունից: Նրան այդ վիճակում տեսնելով՝ Վարազդուխտը շտոսեց: Նրանք երկար լռեցին: Վարազդուխտին ծանոթ էին Վասակի վայրենի բռնկումները, այնպես որ՝ իբրև սովորական բան, նա սպասեց, որ Բենյի ցատումը: Հետո իբրև շարունակություն իրենց խոսակցության՝ նա ասաց.

— Դեռնապուհը մի դեպքում կհաղթի մեզ:

Վասակը, որ դեռ զայրույթի ազդեցութեան տակ էր՝ խոժոռ նայեց նրան:

— Մի՛ դեպքում ասում եմ, եթե Վարազվաղանը քեզ հաղթի աշնտեղ: Ի՞նչ լուր նրանից:

— Դավում է:

— Ավելի շատ է տալիս...:

— Այո...:

— Յյդ դեպքում դա վերջ չունի: Միհրներսեհը կսկսի, հեռի քեզանից, շան ոսկորի խաղը:

— Սկսել է...:

Վարազդուխտը մտածեց և հանգեց հետևյալ եզրակացութեան.

— Ասել է՝ հարկավոր է, որ ես կրկին գնամ Պարսկաստան: Պետք է Վարազվաղանին պահել:

— Գնա՛:

— Այս անգամ էլ գուցե պատահի զլուխս մահու վտանգի տամ, բայց կգնամ:

— Գնա՛:

— Այո. հակառակի բան չի՞, այն անգամ ուղիղ մահից պարծա, բայց ասածս արի, ամրացրի մարզպանութիւնդ: Դե՛, որ ես անձս վտանգեցի, դա ձեռք բերի՝ հիմա էլ կվտանգեմ, որ ավելի բարձրանաս:

Եվ Վարազդուխտը հիացմունքով սկսեց դիտել Վասակին ոտից գլուխ: Կարծես առաջին անգամն էր տեսնում նրան: Նա կարծես նրա հագուստն ու հասակն էր քննում: Հետո նա ասաց.

— Նայում եմ հասակիդ, զգեստիդ և քեզ տեսնում եմ ուրիշ զգեստով ու դիրքով:

— Ի՞նչ դիրքով,— դեռ բարկացած և խոժոռ հարցրեց Վասակը և կանգ առավ նրա առաջ:

— Ավելի բարձր իշխանութեան զլուխ կանգնած, ավելի շքե՞ղ, զարդարվա՞ծ: Կլինի՞, տեր իմ մարզպան, գլխի՞ս տեր...:

Եվ գրկեց նրա ձեռքը, ամուր սեղմեց իր դեմքին:

Վասակը շարժելեց այդ շարժումը, բայց և շերմութիւն ցույց չտվեց, հեռացավ և շարունակեց անցուդարձը: Վարազդուխտը այդ զգաց, բայց վերազրեց նրա զայրույթին: Միաժամանակ և խոցվեց նրա կանացի ինքնասիրութիւնը:

— Վարազվաղանն է արգելում քեզ բարձրանալ,— շարունակեց Վարազդուխտը՝ նոր մտքի գալով,— ինչպես որ դու էլ խանգարում ես նրան: Մեջտեղն օգտվում է Միհրնեբրսեհը, չի տալիս ոչ մեկիդ բարձր իշխանութուն: Եվ պարսիկները չեն տա այդ՝ քանի հնարքը նրանց ձեռին է: Հնարքը պետք է կամ Վարազվաղանը ձեռք բերի, կամ դու: Դու պետք է այնպես բերես բանի ոլորքը, որ Միհրնեբրսեհը պարզ տեսնի, որ միայն քեզանից է կախված գործը: Մրցումից պետք է դուրս գաս:

Վասակին շատ դուր եկան խելացի և խորամանկ կնոջ դատողութունները: Նա կանգնեց, ժպտաց և շոյեց նրա այտը:

Վարազդուխտը խանդաղատանքով նայեց նրան և աչքերը գինովցան բուռն սիրո հորդումից: Նա այնպես էր զգում Վասակի մոտ, ինչպես լինում է հին սիրո տեր հոգիներին՝ որ գերված են վերջնապես, որ էլ փրկութուն չունեն, քանի որ այդ սերը դառնում է բնավորութուն, կյանքի միակ հնարը, անփոխարինելի: Այդպիսի հոգիներն են ճաշակում այն երջանկութունը կամ դառնութունը, որ տալ գիտե միմիայն վաղեմութունը՝ ինչպես՝ գինու, ընկերի, կյանքի: Այդ գերվածութունը տանջում է մարդու, երբ նա սկսում է կորցնել սիրո առարկան կամ կասկածում է թե կկորցնի...

Վարազդուխտը այս արտակարգ ու սայթաքուն ուղին ընկավ Վասակի և իր քեռու մեջ ընկած կապերի հանգամանքով: Վարազվաղանը, որ տանջամահ էր արել Վասակի քրոջը, իր առաջվա կնոջը, լքել երկրորդ կնոջը և Վասակից արտաքսվելով գնացել էր Պարսկաստան հավատուրաց եղել, իր դեմ էր լարել քրոջ աղջկան, որ այնուհետև սկսել էր եռանդով պայքարել նրա դեմ հօգուտ Վասակի: Նա գնացել էր Պարսկաստան, ապրել նրա մոտ և նրա պարսիկ կնոջ միջոցով մտել արքունական կանանց շրջանը և նրանց ամուսինների ձեռքով հարթել ճանապարհը Վասակի մարզպանության: Վարազվաղանը գլխի էր ընկել, որ իրեն դավողներ կան, սկսել էր հետախուզել: Կասկածն ընկել էր իր քրոջ աղջկա վրա: Կպմեցել էր սպանել և հազիվ ետ էր կացել դրանից՝ անսալով իր կնոջ բացատրութուններին: Անշուշտ Միհրնեբրսեհը շէր առաջնորդվի որևէ այլ կարծիքով, քան այն հաշվով, որ Վասակը իբրև նախարար, այն էլ կարևոր նախարարական տոհմի, ինչպես Սյունիքն է, գերադասելի է, քան մի փախստական Վարազվաղան, բայց վերջինս այդ հասկանալով շատ պարսիկ մեծամեծների կաշառում էր, որ վար-

կարեկեն Վասակին և դուրս բերեն անազգիցիկ՝ հայ նախարարների մեջ: Նա Վասակի դեմ լարեց Դենշապուհին: Նա այդ գործով գնաց արքունի Գուռը, որ հաջողեցնի Վասակին տապալել և Վարազվադանին մարզպան նշանակել: Ահա այդտեղ մեծ դեր կատարեց Վարազդուխտը պարսիկ մեծամեծի շատ ազդեցիկ մի տիկնոջ միջոցով՝ խանգարելով հրաժարեցումը, ամենքին համոզելով, որ Վասակը մեծ կշիռ ունի հայ նախարարների մեջ:

Այլ կերպ եղավ, որ Վասակը կապվեց Վարազդուխտի հետ: Նա եկավ մի օր գանգատվեց Վարազվադանի գազանային արարքներից: Վասակի քրոջ տանջամահից հետո, երբ հիմա էլ երկրորդ կրնոջն էր տանջում. Վարազդուխտի գանգատները առիթ եղան, որ սա շուտ-շուտ այցելեր Վասակին:

Գլխահանող գեղեցկությունը, ճարպիկ, համարձակ ձևերը, թարմ հասակը գեղեցին այն ժամանակ Վասակին, և նա սիրեց երիտասարդ Վարազդուխտին: Երբեմն կանչում էր իր մոտ և հարցուփորձ անում Վարազվադանի մասին: Հետզհետե այս հարցուփորձերին հետևեցին և այլ նյութերի մասին զրույցներ: Վասակն սկսեց խոր հայացքներ նետել Վարազդուխտի աչքերին: Սա զգաց այդ և սկզբում խուսափում էր: Հետո, ավելի ուշ զգաց, որ ինքն սկսում է սովորել հասակավոր Վասակին: Նա ոչ մի փառասիրական տենչ, ոչ մի սպասում չունեի, քան Վասակի բարձրացումը: Վասակը արտաքսեց Վարազվադանին, և երբ սա գնաց Պարսկաստան, սկսեց դավեր նյութել իր դեմ՝ ահա այդ ժամանակ հանդես եկան Վարազդուխտի անզուսպ ու համարձակ վճիռները՝ գնալ Պարսկաստան վնասել իր քեռուն, օգնել Վասակին: Եվ հենց այդ գործում Վարազդուխտը ձեռք բերեց փորձ ու հմտություն, այդտեղ զարգացավ նրա համարձակությունն ու հանդուգն գործերի հակումը:

Նա շէր միտում ավելին ձեռք բերել Վասակից, քան այն զգացմունքը, որ տաժում էր վերջինս գեպի ինքը: Փառանձեմին նա խղճում էր, բայց գիտեր նրա և Վասակի պատմությունը: Վասակը տան բռնակալն էր: Այստեղ նա արդեն շէր պահպանում ոչ մի պատշաճավորություն: Նա խստորեն սահմանել էր ամբողջ ներքին կյանքի կանոնները և պահանջում էր, որ դրանց ենթարկվեն ամենքը: Եվ քանի որ ամենքը ենթարկվում էին՝ արտաքուստ ամեն ինչ խաղաղ էր ամբողջում: Վասակը բացի բռնակալ լինելը՝ նաև հան-

դուզն էր և անամոթ: Նա բոլորովին չէր քաշվում ընդունել իր մոտ կրփտասարդ կնոջը, առանձնանալ նրա հետ իր օթեանում: Վարազդուխտը գիտեր նաև Վասակի և Փառանձեմի ամուսնութեան պատմութիւնը: Փառանձեմը պատրաստվելիս է եղել միանձնուհու կյանքին նվիրվել, բայց բռնակալ հոր հարկադրանքով ստիպվել է ամուսնանալ իրեն անհամակրելի Վասակի հետ: Սակայն բռնի ամուսնութեան մեջ նա այնուամենայնիվ կսպասեր, որ այդ ամուսնութիւնը իրեն կտար գոնե հասարակ անդորր և սովորական «երջանկութիւն»: Բայց դա չեղավ: Վասակը նրա հետ վաղուց սառն էր, ամբողջում ապրում էր նրանից կտրված: Փառանձեմը գիտեր, որ Վասակն ապրում է ուրիշ կյանքով, տերունական բարդ կյանքով: Դա հասկանալի էր, բայց երբ Վասակի կյանքի մեջ սկսեց նաև այլ, գաղտնի պատմութիւն, որ չէր կարողանում նա թափանցել՝ նա սկսեց հետամտել: Փառանձեմի սպասուհին՝ հավատարիմ ու փորձված Զվիկը միշտ տեղյակ էր պահում նրան այդ մասին:

Փառանձեմին մի փոքր շփոթեցնում էին Վարազդուխտի ջանքերը Վասակի գործերի մեջ: Իհարկե, Վասակը Փառանձեմին հաղորդակից չէր անում իր պետական գործերին, բայց Փառանձեմը գիտեր, որ Վարազդուխտը նրա գործերի համար գնաց Պարսկաստան, որ նա դավում է Վարազվաղանին, որ նա շարունակում է Վասակի հետ գաղտնի խորհուրդներ անել պետական գործերի մասին: Բայց մյուս կողմից նա իբրև կին՝ բնազդով զգում էր նրանց հոգեկան կապը: Վիշտը, վիրավորանքը, Վասակի սանձարձակ վարքագիծը հին էր և շարունակվում էր անփոփոխ ու պիտի շարունակվեր: Դա գիտեր Փառանձեմը, գիտեր Վարազդուխտը:

Վասակը ջերմութիւն զգաց Վարազդուխտի հայացքից: Նրա տրամադրութիւնը բացվեց:

— Գիտե՞ս ինչ, Դո՛ւխտ,— ասաց նա նստելով իր գահույքին,— եթե մեր գործը այս անգամ էլ հաջողվի, մյուս բոլոր անգամները կհաջողվի:

— Ինչպե՞ս կհաջողվի,— մոտ գնաց Վարազդուխտը և նստեց նրա կողքին:

— Մեծամեծների գործի դժվարութիւնները այդպես են: Կեսը իրենք են մղում առաջ՝ մյուս կեսը ուրիշներն են գլորում:

Վարազդուխտը ծիծաղեց.

— Հիմա հասնո՞ւմ ենք մյուս կեսին:

— Ոչ դեռ: Ճանապարհ շատ կա:

— Իսկ որտե՞ղ է այդ կեսը, — հարցրեց շարահճի ձայնով վարազդուխտը:

— Այդ չգիտեմ, — լրջացավ վասակը, — դա գիտե ճակատագիրը:

Լոեց և սկսեց խոժոռ նայել պատուհանից դուրս:

Վարազդուխտը վեր թռավ տեղից և գնաց դեպի պատուհանը: Նա աշխուժացավ, ցնցվեց և հուզված ձայնով ասաց.

— Մինչև վերջը պիտի գա՛մ. պիտի տեսնե՛մ այդ վերջը... Բայց միայն մի պայմանով, որ ես աշխատեմ քեզ հասցնել մինչև այնտեղ:

Վասակը ժպտաց, մատով կամացուկ խփեց նրա քթի ծայրին և հարցրեց.

— Ի՞նչ կանես, որ այնտեղ լինես:

— Ի՞նչ կանեմ... քեզ հետ կլինեմ:

— Իսկ եթե շա՛տ հեռու գնամ...

— Այնտեղ է՛լ կգա՛մ: Կգա՛մ, կգա՛մ, չե՛մ մնա այստեղ: Ես այստեղ ոչ ո՞ք չունեմ, ոչի՛նչ չունեմ: Միայն մի դժբախտ մայր:

Վասակը հառաչեց և մտախոհ նայեց հեռուն.

— Է՛հ... դժվար է սրանից հետո, վախենում եմ մնաս կիսաճանապարհին:

Վարազդուխտը ընդոստ գրկեց նրան և փարվելով վզին՝ ասաց.

— Չե՛մ մնա, չե՛մ մնա, կգամ. այստեղ սարսափելի է: Ես կտրված եմ բարեկամներից, ազգականներից, ընկերուհիներից... Ինձ ատում են ամենքը, ամենից առաջ տիկիկը, և ամբողջ ամբողջը: Ոչ, ոչ, ես չեմ մնա այստեղ: Դրա մասին մի՛ խոսի...

Նրանք լռեցին:

— Դու գիտե՞ս, որ վաղը գնում եմ Արտաշատ:

Վարազդուխտը ցնցվեց.

— Գնո՞ւմ ես...

— Այո, այնտեղ հիմա ահագին գործեր են սկսվում: Կավ հոտ չի գալիս այնտեղից:

— Ի՞նչ կարող է այնտեղ հիմա պատահած լինել:

— Նոր խստություն, որից մեծ գործեր պիտի բացվեն: Բավական չէ՛ Դենշապուհը գրգռում է մեր հոգևորներին, Որմիզդ մոգ-

պետր եկել նստել՝ որսի է սպասում, Հազկերտն ու Միհրնեբսեհը
ինչ-որ մի դավ են նյութել: Կրոնափոխության պահանջ են դնում:
Հրովարտակ է եկել Միհրնեբսեհից:

— Գնո՛ւմ ես... — լավ շլտելով Վասակին՝ կրկնեց Վարազ-
դուխտը:

— Գու գնա՛տուն և սպասիր, մինչև քեզ մի հավատարիմ մար-
դու հետ ուղարկեմ Պարսկաստան: Դենշապուհը փորում է տակս:
Գնա փորձիր բախտդ այս անգամ էլ:

Վարազդուխտն ուրախացավ: Ուրեմն ինքն հարկավոր է Վա-
սակին մի շատ կարևոր գործի համար:

Նա գրկեց Վասակին և համբուրեց: Որքան որ իր գործերով
տարված, նյարդայնացած էր Վասակը, որքան էլ մտահոգ վաղվա
համար, սիրտը լցված ժանգով, ատելությամբ դեպի շատ շատերը
և մասնավորապես դեպի հայ նախարարներն ու պարսիկ պաշտոն-
յաները՝ այնուամենայնիվ Վասակը այդ համբուրից մեղմեց, մեղ-
կացավ և ինքը ևս գրկեց ջերմ գեղեցկուհուն, որը նվիրել էր նրան
իր սիրտը, իր խելքն ու խորամանկությունը, անգամ իր կյանքը:



Վասակի ափռչից երևացող փախստականները վերջապե՛ս
կորցրին իրենց հետքը և մտան անտառապատ լեռների բավիղբ:
Նրանք ութ մարդ էին, որոնցից մեկը միայն բավական հասակա-
վոր էր, թեև ամրակազմ, մնացածները երիտասարդ էին՝ կորովի,
եռանդուն: Խմբից ոչ մեկը չէր նեղվում լեռներում մագլցելուց և
փախստականի վիճակից: Երիտասարդները ուրախացան, որ հետքը
կորցրին:

— էլ աշխարհք էլ որ ման գան՝ մեզ չեն գտնի, — ծիծաղեց նը-
րանցից մեկը ու կանգնեց, ճակատի քրտինքը ձեռքի ափով սրբեց:
Թափ տվեց խոտերի մեջ:

— Սատանան էլ չի գտնի, — ավելացրեց մի փոքր հետո, իրենց
հաջող սպրդումից ոգևորված, — լավ ազատվեցինք:

— Շե՛նը մնաց կրակի մեջ. մեր ազատվելն ի՞նչ, — մղկտաց
փախստականներից մեկը դառնագին:

Ու մտահոգ նայեց նձրքև, ձորը:



Բակուր գյուղապետը տասը հեծյալ հետևը զգած ընկել էր Սյունիքի շեներն ու լեռները՝ Առաքելին ու նրա խումբը բռնելու Կորցնելով սրանց հետքը՝ նա սկսեց հարցուփորձով, շեները հանկարծակի ընկնելով գիշեր ժամանակ՝ հետախուզել փախստականներին: Բայց որքան շատ էր որոնում նրանց, խոսում Առաքելի մասին, այնքան էլ շատ էր տարածում կատարված դեպքի լուրը և այնքան ավելի ալեկոծում շեները: Գեպքը՝ հարկահանությունը, միայն Առաքելենց շենինը չէր: Դա մի ուղտ էր, որ պիտի շոքեր բոլոր շեների դուռնը: Ծվ ողջ Սյունյաց աշխարհը իրար անցավ: Սկսեցին դաժանանալ հարստահարությունը, ծեծը, սպանությունները:

Գիշերային խավարը սեպ-սեպացել էր նախնադարյան անտառի մեջ, ուր Բակուր գյուղապետը իր հեծյալների հետ բարձրանում էր լեռնային կածանով: Միայն նժույգներն էին կարողանում ճամփա որսալ ականակիր խավարում, զգալով անդնդային դատարկությունը ժայռեղեն ոտնատեղերի արանքում: Հեծյալներն իրար չէին տեսնում. նրանք լսում էին միմյանց ձայներն ու նժույգների սրմբակների դոփոցը: Տեղ-տեղ զրնգում էր անդնդի դատարկությունը, տեղ-տեղ բթանում էր անդրադարձումը:

Վերջապես հասան բարձր մի լեռնահովտի, և անտառը կտրրվեց: Բակուրը տեղեկացել էր, իր ազգական մի շինականից, որ Առաքելը այս կողմերն է երևացել, և նա հույս ուներ այս հովտի քամերում պատահել նրան: Լեռնցի մարդու հոտառությունը այստեղ էր բերում Բակուրին:

Նժույգներն զգալով հարթ արահետ և ապահովություն, սկսեցին թեթևակի վարգել:

— Կրա՛կ,— հանկարծ ասաց Բակուրի բարեկամը, մոտենալով նրան:

— Հա՛...:

Բակուրը կանգնեց: Իրոք փոքրիկ կայծի պես մի լույս շողացա կորավ: Առաջ գնացին, բայց այլևս ոչ մի լույս չերևաց և ոչ մի անգամ: Բայց լույսի ուղղությունը պահելով՝ Բակուրը զգույշ բշեց նժույգը:

— Գո՛մ է, մեջն էլ իրենք են,— հաստատուն եղանակով ասաց Բակուրի բարեկամը: Հետո դարձավ Բակուրին.

— Դուք կանգ առե՞ք՝ ես գնամ տեսնեմ:

— Գնա:

Բակուրի բարեկամը գգույշ մեկնեց դեպի մութ մի կետ, անորոշ սեկնք: Նժույզի տրոփը հեռացավ: Բակուրը նայեց աչ ու ձախ և որոշեց պահանջի դեպքում ծովել աջ, անտառը: Նժույզները փրնչում էին, երբեմն երկար շունչ բաշում, փոխում հենած ոտքը և երբեմն ականջները ցցում, անշուշտ ձայներ էին լսում: Օդը նրանց համար լի էր ձայներով... Երկար սպասեցին, մինչև որ մութի միջից ներս լողաց Բակուրի բարեկամը և ասաց.

— Գոմումն են, ուրիշ մարդիկ էլ կան:

Բակուրը մտածեց, որ կամ պետք էր գնալ այնտեղ, կամ վերադառնալ ավելի մեծ թվով զինված մարդով գալու համար: Հեռանալուց օգուտ չկար, վճռեց գնալ:

Մտտենալով գոմին, զգացին ծխահոտ: Ուրեմն ներսը վառել էին, հանգստանում են: Վճռեց հանկարծ ներս խուժել: Երկու մարդ թողեց նժույզների մոտ ու ինքը ութ հոգով արագ մոտեցավ դռանը, բաց արեց ու ներս ընկավ: Ներսիները վեր թռան, ձեռները տարան գնդերին: Բայց տեղի ունեցավ անսպասելին — այն, որ ոչ մի կողմը չփորձեց հարձակվել: Կարկամեցին մնացին: Ներսը Առաքելն էր իրենց շինականներով և ապա մի ստվար խումբ այլ և այլ շեներից: Բակուրը հասկացավ որ բոլորն էլ փախստականներ են: Նա մի հայացքով ընդգրկեց նրանց և սուրը դրեց պատյանը: Քմծիծաղ տվեց և ասաց.

— Է՛, հիմի ե՞ս ձեր օջախն ընկա, թե՞ դուք՝ իմ:

— Որը որ սիրտդ կուզի, Բակուր գյուղապետ, — պատասխանեց հառաչելով մի շինական զարմանալի զզգված՝ թե զգեստը, թե մազերը, թե բեղ-մորուքը: Նա մնացել էր նստած տեղում և դեմքի ու աչքերի խորաթախթած հանգստությամբ նայեց Բակուրին, սրահ ճեծյալներին և ապա ձեռով հրավիրեց առաջ գալ նստել: Եվ այս ասաց այնպես հասարակ ու մտերմորեն, կարծես բարեկամ մարդիկ հյուր էին եկել իրենց:

Բակուրը մոտ նստեց կրակին. իր մարդիկ նստեցին դռան կողմը և սառը հայացքներն ուղղեցին հավաքվածներին: Նրանք հանգիստ էին, որովհետև նրանց սպառնացող ոչինչ չկար այլևս ավելի, բան այն դառնադաժան դրությունը, որի մեջ էին նրանք: Սա էր պատճառը այն անվրդով խոսակցության ու խաղաղ վարմունքի:

որով իրար հանդիպեցին շինականներն ու մի գյուղապետ: Բակուրը լավ ըմբռնեց նրանց հուսահատութեան ուժը, որին ոչ մի ուժով չես դիմադրի. ուստի և լեռնականի, կոիվների գինը իմացողի իմաստութեամբ համակերպվեց եղած դրութեանը:

Գառնացած շինականը մշուշոտ հայացքը գամելով Բակուրի աչքերի մեջ՝ գլուխը թափ տվեց.

— Քեզ էլ գցել են սարուձոր... Կասես մենք հերիք չէինք: Ողջ շեները պիտի դատարկի հարկահանը:

Բակուրը սուր նայեց նրան.

— Հա՛, ձերը շա՛տ տարան:

— Ահա ի՞նչ թողին... Չեմ իմանում ինչի՛ էսպես վերջերս անկշտում գայլերի պես ընկան շեները:

Բակուրը մտածմունքի մեջ ընկավ:

Լուսթյան մեջ նրան էին զննում հավաքված շինականները, որոնք իրենց հոգսով տարված՝ չէին էլ մտահոգվում, որ իրենց մոտ է եկել իշխանութեան ներկայացուցիչը տասը վինված մարդկանցով, որոնց պարտականությունն էր կալանքի տակ առնել իրենց և քարշ տալ կառավարութեան դուռը: Նրանց հայացքում կատարյալ արհամարհանք կար դեպի այդ հանգամանքը: Բակուրը գլուխն օրորեց ու քմծիծաղ տվեց.

— Հը՛մ... Գյուղապետի գործը հերիք չէր՝ դատավորի գործն էլ շինքիս կապեցին: Հարկ վերցնելն ի՞նչ իմ գործն էր. մտա մեջ, թե մարդպանի բաժին հարկն էլ չտանեն: Օրենք չի մնացել. հասնող հասնողի է, տանող տանողի:

Նրան ոչ ոք չպատասխանեց:

— Օրենք-արդարութեան չի մնացել, — շեշտեց Բակուրը խորհելով, աչքերը կրակին, — օրենք-արդարութեան:

— Իսկ եղած օրենք-արդարութեանն ինչ էր, — խեթեց զրգվանքով ու արհամարհանքով զզգզված շինականը, — էլի գերի չէի՞ք պարսիկին ու իշխանին: Հիմի զոռել է պարսիկը, ի՞նչ է միտքը, չեմ հասկանում: Երևի փշացնելը:

— Թե էսպես կգնան գործերը՝ ասա փշացանք գնացինք, — տխուր վրա բերեց մի ուրիշ փախստական, որի ճակատը մի կեղտոտ լաթով փաթաթված էր:

— Էսպես՝ շինականը կքանդվի, — կցեց նրա կողքին պառկած և աչ ձեռքի ափին այտը դրած մեկը այնպիսի համոզմամբ, որ առարկելը զուր կլիներ:

Նկատելի էր, որ Առաքելը չէր ուզում խոսել. դեռ Բակուրի կող-
քին էլ անզգույշ նստել կրակին էր նայում ու մտածում, կարծես
իրեն չէ, որ եկել են բռնելու: Եվ առհասարակ ոչ ոք փախստական-
ներից մազաչափ իսկ չէր հոգում այդ մասին: Կարծես նստած էին
մեռելատանը, ուր աղետը վրա է հասել պրծել ու էլ վախենալու,
հոգալու բան չի մնացել:

— Շե՛նը ինչ եղավ, շե՛նը, — հանկարծ լուռթյան մեջ լսվեց
շինականներից մեկի՝ Սիմոնի հարցը Բակուրին:

— Ի՛նչ պիտի լինի, — աշխուժացավ Բակուրը, — Առաքելի
տունը վառեցին, կնկան սպանեցին: Իրենց սատկածները դրին
սայլերին, շենի, վանքի ողջ պաշարը շենի եզներով, շինականի
շալակներով՝ տարան Արաքսն անցկացրին: Մարդպանից էլ զորք
եկավ, որ պարսիկներին պահպանի:

Առաքելը դաժանացել էր իր լուռթյան մեջ: Չշարժվեց, շնայեց
վեր՝ լսելով անգամ կնոջ սպանվելու, տան վառվելու, շենի կո-
ղոպտվելու մասին, որով իր և այս ողջ փախստականների հալա-
ծական վիճակը անողորմ մերկությամբ կանգնեց նրա առաջ:

— Զորք բերեց պարսիկներին պաշտպանե՛ն, — լսվեց փա-
խստականների միջից մի վրդովված ձայն, — իր երկիրն են քան-
դում՝ չի՞ դիմադրում:

— Պարսիկը հավատարմություն է փորձում, սա էլ հավա-
տարմություն է ցույց տալիս: Մեր գլխի վրա՞ են փորձում հավա-
տարմությունը:

— Մարդը իշխանություն է պահում, — ասաց Սիմոնը: — Էդ էլ
բեզ մեր մարդպանը:

— Մեզ գցում է գայլի ուխտը, թե ինչ է հավատարմություն է
ցույց տալիս:

Բակուրը խոժոռվեց: Սա արդեն շատ էր հանդուգն. պետք էր
դիրք պահել և սանձերը քաշել:

— Մարդպանի իշխանությունն ճանաչեք, մարդպանի պատի՛վ
պահեք, մարդպանը ձերն է:

Բոլորը ակամա լռեցին մի պահ: Բայց հասակավոր շինականը
հանգիստ ասաց.

— Մարդպա՛նը չի մերը, մեր ցա՛վն է մերը. նրանից ենք խո-
սում: Թե չէ՛ մարդպանը մարդպան է:

Լռեցին լարված ու մռայլ:

— է՛,— սթափվեց Բակուրը,— ժամ է:— Կանգնեց: Զինվորները ևս վեր կացան: Բակուրը տատամսեց՝ մի փոքր և դարձավ Առաքելին:— Առաքել՛:...

— Ի՞նչ ես սպասում: Ես չեմ գալիս,— շշնջաց Առաքելը հասարակ ու թթու, հանգիստ նայելով կրակին:

— Մարդպանի հրամանն է:

— Գնա՛, ես չեմ գալիս,— կրկնեց նույն եղանակով Առաքելը և շարունակեց հանգիստ նայել կրակին:

— Բա ո՞նց անեմ ես,— ներքուստ շարացած, բայց շվարած դարձավ Բակուրը հավաքվածներին:

— Դե նա կախաղանի սովոր չի, Բակուր գլուղապետ,— նկատեց մի շիկագլուխ երիտասարդ,— շունչը կապվում է:

Բոլորը ծիծաղեցին:

— Ո՞նց թե,— դարձավ նրանց Բակուրը,— ե՛ս պիտի կախվեմ նրա տեղը:

— Ընկերություն արեք, հարմարվե՛ք, վնաս չունի, շենի պահպան ես,— նորից խոսեց շիկագլուխը:

— Գնա՛, գնա՛, շեն կախի,— ճրթաց ցավազին ձայնով զրզ-զրզված շինականը,— էնքան մարդու ձեռ ու ոտ կապեցին, որ թուկ չի մնացել կախելու:

Բակուրը լուրջ մտահոգվեց, մի փոքր էլ սպասեց, թե մի բան դուրս գա: Բայց տեսնելով Առաքելի անշարժ ու անտարբեր պառկվածքը կրակի մոտ՝ հույսը կտրեց, հասկացավ որ պահանջելու փորձը ահեղ այրունահեղություն էր... Ու թափ տվեց գլուխը:

— Գնա՛նք,— ասաց յուրայիններին ու դուրս ելավ մրթմրթ-թալով,— դե ձեր մեղքը ձեր վիզը:

Զինվորները խեթ նայեցին գոմում կողքներին ընկած, նստած, կանգնած քաջառողջ երիտասարդներին, կաղնու նման պինդ հասակավորներին ու շների պես մոմոտոցով հետևեցին Բակուրին:

— Ատամը չբռնե՞ց...— թափ տվեց գլուխը հասակավոր շինականը:

— Գնաց գինվոր հավաքելու, շունը...:

— Կհավաքի,— խոժոռվեց զզգզված շինականը,— շուն շա՛տ:

— Տեղներս ասել է՛ ցրտեց,— նկատեց հասակավոր շինականը,— գնանք ուրիշ տեղ տաքացնենք:— Հը՞, Առաքել՛:

— Հա՛,— մտքերից արթնացավ Առաքելը:

— Ի՞նչ ենք անում, ախր, ո՞ւր ենք գնում, իսկի մտածո՞ւմ եք
ուրա վրա:

Առաքելը մոռյլ հայացքը պտտեցրեց գետնին ու հանգիստ
ձայնով խոսեց.

— Ես մի բան գիտեմ, որ մարզպանը մեզ բաց չի թողնելու,
քանի որ նրան էլ պարսիկները շեն բաց թողնելու: Պարսիկ հարկա-
հանների արյուն ենք թափել:

— Բա սարեսար, ձորեձոր ընկնելով գլո՞ւխ պիտի պահենք,—
առարկեց Սիմոնը:

Առաքելը կիսահեզնոտ նայեց նրան ու գլուխն օրորեց:

— Դու մեր գլխի հոգն ես քաշում: Դու շենե՞րն ասա:

— Եենների բանը պրծած է:

— Դե որ շենների բանը պրծած է՝ մերը հաշիվ չի:

Ասաց ու մի փոքր մտածեց, ապա.

— Եենը Պարսկաստան շեն քշի: Հլա էդտեղ շեն հասեր Մեր
ընտանիքին կսղմեն, եթե սրանք շեն առել գլուխները մի բարեկա-
մի, հարազատի տուն կորել: Բայց շենների պես կընկնեն մեր հե-
տեր:— Նայեց երիտասարդներին:

Հետո վճռական դարձավ նրանց.

— Ո՞վ է ուզում դառնալ տուն:

— Ո՞նց կդառնանք,— հարցրեց մեկը,— մեզ կվառեն:

— Դե որ կվառեն՝ իմացեք: Էս մեր մարզպանի երկրում ճըշ-
մարտություն չկա: Գնանք տեսնենք՝ որտեղ կա: Էս ցավը տնովի
չի, աշխարհովի է:

— Ոչ մի տեղ էլ չկա,— ասաց Սիմոնը տխուր:

Առաքելը հանգիստ ու հասարակ եղանակով դարձավ երիտա-
սարդներին:

— Գալի՞ս եք:

— Բա էլ ճարնե՞րս ինչ,— խոսեցին երիտասարդները տխուր,
բայց վճռական:

Մի քիչ մնացին լուռ և ապա կամաց-կամաց վեր կացան:

Առաքելը դուրս գնալով՝ առաջ ընկավ: Սիմոնը տխուր նայեց
նրան ու հետևեց, ձեռքով հրավիրելով երիտասարդներին: Սրանք
գնացին և ճանապարհին մեկ մտածում էին, որ կարևոր է նախ՝ հե-
տապնդումից ազատվել, քանի որ տունուտեղը հանձնվեց մարզ-

պանի ու պարսիկ իշխանավորների քինախնդրութեան, միտամանակ էլ դիտեցին, որ էլ շին կարողանա վերադառնալ տուն:

Ու գնացին Առաքելի հետևից: Նրա մեջ հույս կար: Թե ի՞նչ էր հույսը— ոչ նրանք գիտեին, ոչ Սիմոնը, ոչ էլ թերևս ինքը՝ Առաքելը, որ քայլում էր հաստատ ու մտախոհ: Շինականի առողջ կազմվածքը, մկանային ուժը, որ թվում էր անհատնում՝ նրան ոգի էր ներշնչում: Նրան ուժ էր տալիս արդյոք կենսափորձը: Ի՞նչ ուժ պիտի լիներ այդ դառնադաժան կյանքի փորձը: Նա շէր ապրել, այլ կուվել. կուվել մի կտոր հացի համար, մի կտոր հողի վրա: Ի՞նչ հույս ու ուժ կարող էր լինել այդ դժնդակ կուվի միջից դուրս բերած կյանքի ու փորձի մեջ, ի՞նչ մի լավ բան էր տեսել: Դա շէր հիշում Առաքելը: Բայց այնուամենայնիվ հույսը կար, շէր լքում: Եվ հույսը կար, և կյանքի սերը կար, և կուվելու ձգտումը կար: Նա շէր կորցնում արիությունը, որ միշտ նրան օգնութեան էր հասել դառնադաժան աշխատանքների ժամանակ, սովի մեջ, արհավիրքների օրերին:

Գնում էր Առաքելը, շէր մտածում այս բաների մասին, բայց զգում էր անգիտակ:



Ուշ երեկոյան Բաբելն ու Ներսիկը գնացին Փառանձեմի մոտ: Բաբելը լուռ ու մոռյալ գնաց փաթաթվեց մոր վզին և մի տեսակ զուսպ զգացմունքով սեղմեց մնաց այդ դիրքում, ամեն բան դրանով արտահայտելով:

Ներսիկը կանգնեց հեռու և հանկարծ փղձկաց նայելով Բաբելին և հիշելով նրա կերած ծեծը, որ կարծես նոր ազդեց, նոր խըղձահարեց նրան: Փառանձեմը, որ անկարող եղավ պահել արցունքը՝ ամուր սեղմեց կրծքին Բաբելին: Շատ վիրավորանք, նվաստացման դառնություն, ոտնահարված ինքնասիրություն ու վիշտ կար նրա մեջ, որ այս առիթով պոռթկաց, և նա կարիք էր զգում ազատվելու հոգեկան ծանր բեռից: Նրա մայրական սիրտը մղկտաց՝ նայելով Բաբելի կապտած երեսին, որ ենթարկվել էր բռնակալ հոր անգութ հարվածներին:

Չվիկը մոտեցավ, գրկեց Ներսիկին, տարավ պատուհանը և ցածրաձայն հորդորեց նրան:

— Մի՛ լա, մատա՛ղս, դու որ պարսիկ չդառնաս՝ ո՞վ կարող է քեզ պարսիկ դարձնել:

Բարիկը ընդոստ շարժումով պոկվեց մոր գրկից և բռունցքը սեղմած կանգնեց օթևանի մեջտեղը և ցավից ու զայրույթից խեղդ-ված ձայնով հեծծեց.

— Ինձ նրա ծեծը չի, որ վիրավորում է, ինձ վիրավորում է այդ ստրկահոգի, պարսիկի գարշապարը լիզող սողուն հայր, որ պարսիկ դառնալու արժանի էլ չէ: Եվ նրա՛ն է գլխիս թուուցիչ դարձնում իմ հայրը: Ապա ինչպե՛ս շատուկեցնեի այդ գարշելիին: Իմ ազգի ինքնասիրությունը վիրավորի՛...

Փառանձեմը սրբեց աչքերը.

— Է՛, լա՛վ է, զավա՛կս, որ դու ինձանից էլ լավ հասկացել ես այդ բաները:

Ներսիկը փաթաթվեց մորը:

— Մայրի՛կ, կարդա՛ այն պատմությունը, որ խոստացել ես:

— Կկարդա՛մ, մատա՛ղ, հանգստացի՛ր միայն և շատ էլ մի հակաճառեք նախարարին. նա որ զայրացավ՝ կսպանի ձեզ:

— Սպանի՛ թող,— գոչեց Բարիկը,— նա որ ինձ այն ստրուկ շան առաջ ծեծեց՝ սպանել չէր ի՛նչ էր:

— Ոչ, ոչ. չես սպանվի,— հորդորեց Փառանձեմը,— կսպանվես այն ժամանակ, երբ մարդկային արժանապատվությունը կմեռցնես հոգուդ մեջ: Եկ նստի՛ր: Դու էլ, Ներսիկ: Ես ձեզ կկարգամ մի պատմություն:

— Հա՛, հա՛,— ուրախացավ Ներսիկը և եկավ նստեց մոր կողքը գորգին:— Կարդա՛:

— Կարդա՛մ, մատա՛ղ... Բարիկ, ապա մի ցած բեր դարակից այն նոր մատյանը:

Բարիկը բերեց մի թարմ մատյան, նայելով սկիզբը, վերջը.

— Սա կիսատ է, մայրիկ,— ասաց նա,— կե՛սն ուր է:

— Կեսը չի գրած դեռ: Սա գրում է Մովսես Խորենացին,— դեռ չի վերջացրել:

Վարդանին չհաջողվեց հետևյալ օրն ևեթ ճանապարհ ընկնել դեպի Արտաշատ: Պատճառն իր մոր հիվանդութունն էր: Հոգեկան ցնցումն այնպես էր ազդել զառամյալ կնոջը, որ նա պառկեց և

սկսեց զառանցել: Վարդան Սամիկոնյանը շատ էր սիրում մօրը և պատկառում նրանից: Նա չէր կամենա առանց իր մօր տեսութեան ճանապարհ ընկնել: Բազում անգամ հեռավոր արշավանքների գնալիս, Ճորա Պահակ և Նիշապուր՝ քուշանների դեմ, նա վերջին անգամ համբուրում էր մոր ձեռքը, առնում նրա օրհնությունը և ապա միայն մեկնում:

Վարդանը ելումուտ էր անում մոր օթեանը և մտահոգ հետևում տաներեցի և ծերունի բժշկի բուժումներին:

Մոկաց նախարարն առաձնացավ մի փոքրիկ սենյակում, որ բուրգի մեջ էր և վերցնելով հետը մի ձեռագիր մատյան՝ ընկղմեց ընթերցանութեան մեջ: Երբեմն նա հայացքն ուղղում էր դեպի հեռավոր արտոները, որ ձյունից ազատված՝ զարթնել սպասում էին ծաղկման: Բուրգի տակ մի փոքրիկ քարածայռ բլուր կար, որ տաքանում էր արևի ճառագայթներից: Բաց պատուհանից ներս էր բուրում ջերմացած հողի ու քարի անուշ հոտը: Արտակը մի պահ տարվեց մատյանի ընթերցանութեամբ: Դա մի փիլիսոփայական գիրք էր օգի, ջրի, կրակի և հողի մասին: Թե որքան ժամանակ անցավ՝ նա չզգաց, բայց նկատեց, որ ահագին էջեր կարդացել է առանց ուշադրութեան և հասկանալու: Նա նոր զգաց, որ բավական ժամանակ նրա ականջին հնչում են կանացի ձայներ: Թե՛ այդպես թվացել էր նրան... Երևի... Արտակը ականջ դրեց, բայց այլևս ձայները չսովեցին: Նա կրկին անցավ ընթերցանութեան: Սակայն պատուհանից ներս բուրող գարունը մեղկացնում էր նրա սիրտը: Մտքերն սկսեցին ցրվել, աչքերն ուղղվեցին դեպի հովիտներն ու լեռները, և մի անորոշ զգացում, թիրևս անձկություն, քաղցր ճմլոց թրթռաց նրա կրծքի տակ, շատ խոր: Այդ միջոցին նա գլուխը բարձրացրեց և նայեց պարսպի տակի քարաբլուրին: Այնտեղ էին եկել երկու կին: Նրանցից մեկը նստած էր, իսկ մյուսը կանգնած և երկուսը նայում էին դեպի հովիտները, այնպես որ չէր կարելի տեսնել նրանց դեմքը: Նրանք շքեղ հագնված էին և երևում էր՝ ամրոցի իշխանական ընտանիքից էին: Արտակը մոտ գնաց պատուհանին՝ սպասելով նրանց շարժումներին, որ նկատի դեմքերը: Բայց նրանք երկար ժամանակ չէին դառնում Արտակի կողմը: Եվ հենց այդ է՝ Արտակը ետ էր դառնում դեպի իր գահույթը՝ կանգնածը ետ շրջվեց գեպի պատուհանը: Հանկարծակի փայլատակող մի վսեմ գեղեցկություն մի ականթարթում կաշկանդեց Արտակին: Դա մի դեռատի,

օրիորդ էր, որի սեւագալար մազերի շրջանակում, ինչպես օձերի փունջի մեջ լուսնկալի շարմաղ դեմքից հպարտ ու մի փոքր հրամայող հայացքով ցայտեցին մրահոն աչքերը: Նա հայացքը գամեց Արտակի աչքերին և մնաց: Նրանք իրար նայեցին այնպես՝ կարծես մենամարտի ելան իրար հետ: Օրիորդի հետի կինը դարձավ նրան և նկատելով նրա նայելը դեպի պատուհանը՝ շրջվեց այն կողմը: Դա մի հասակավոր կին էր՝ նիհար ու շատ տանջված դեմքով և նման էր Վարդան Մամիկոնյանին:

— Ողջո՛ւյն, Արտա՛կ իշխան,— ասաց նա մտերիմ ժպտալով և վեր կացավ տեղից,— հազիվ երևացիր:

— Բարեողջո՛ւյն իշխանուհուն,— պատասխանեց Արտակը՝ ճանաչելով կնոջը:

Դա Վարդանի դուստր Շուշանիկ տիկինն էր, վրաց Վազգեն իշխանի կինը, որ հյուր էր եկել հորենական տուն:

— Ճանապարհորդ ես, Արտա՛կ իշխան,— խոսեց Շուշանիկ տիկինը ցավակցական ձայնով՝ ականարկելով դեպքը:

— Այո, Շուշանիկ տիկին, եկանք խրախճանքի՝ գնում ենք արհավիրքի:

Արտակը նկատեց, որ օրիորդը խոր հայացքով շարունակում է նայել իրեն:

— Ճակատագիր է,— հռուչեց Շուշանիկ տիկինը,— արհավիրքով աշխարհ եկանք, արհավիրքով էլ պիտի գնանք:

— Կդիմագրավենք, Շուշանի՛կ տիկին,— աշխուժացավ Արտակը,— առաջինը չէ, վերջինը չէ:

Արտակը նայեց օրիորդին, և այնպիսի մի ուժ գինու պես լցվեց նրա երակներում, որ կարծես հաճույք զգաց, որ և՛ արհավիրք կա, և՛ ինքը պիտի դիմագրավի նրան: Նրա սիրտը լցվեց այն ուրախությունը, երբ մարդ զգում է, թե աշխարհում կա գեղեցիկ, քաղցր կյանք, երիտասարդություն, փառք, խիզախություն, հերոսություն: Նա նկատեց, որ օրիորդի ըստ երևույթին անբարյացակամ հայացքի մեջ մի շերմ շող անցավ, երբ նա ասաց «կդիմագրավենք»:

Շուշանիկ տիկինը նկատեց Արտակի խանդավառությունը և հաճույք զգաց դրանից: Ուստի և զրույցը երկարելու համար պատմեց իր ճամփորդությունը Վրաստանից Տարոն, թե ինչպես ուշ աշնանը եկավ, և ձմռան սառնամանիքներն ու բուքերը պաշարեցին

իրեն, ու մնաց: Ասաց, որ անհանգիստ է տան կողմից վրաստանում և ցանկանում է օր առաջ ճանապարհվել տուն:

— Ափսո՞ս, որ մենք արագ արշավով պիտի գնանք, տիկի՛ն, — ասաց Արտակը, — կարող էիր մեզ հետ գալ մինչև Արտաշատ:

— Ոչ, չեմ կարող, — հառաչեց Շուշանիկ տիկինը, — բայց ես քեզ նամակ կտամ, որ Արտաշատից հասցնես ամուսնուս:

— Ամենա՛յն սիրով, Շուշանի՛կ տիկին: Միայն շտապով գրբիր: Մենք կարող ենք վաղը կամ մյուս օրը ճանապարհ ընկնել:

— Կպատրաստեմ նամակը, խնդրում եմ շնորհ բերել օթևանս այս երեկո. խոսելիք ունեմ:

— Հրամանդ ի կատար, Շուշանի՛կ տիկին:

Շուշանիկ տիկինը շարժեց գլուխը ի նշան շնորհակալության և հրաժեշտի, հետո դարձավ օրիորդին.

— Գնա՛նք, Անահի՛տ, տատիկի մոտ, տեսնենք ցավն անցա՞վ: Օրիորդը, որ մինչև այդ հրաշալի պատկերի պես անշարժ կանգնած էր Թրտակի առջև, շարժվեց և ուրիշ կերպարանք առավ: Նա վետվետաց քարից քար իջնելով և երբ մի փոքր հեռացան՝ լրսվեց նրա զնգուն ծիծաղը: Նրանք անհետացան պարսպի տակ:

Ո՞վ էր այդ աղջիկը... Նայած նրա ապարոշին՝ Արտակի հայրենակիցն էր կամ հարևան երկրից: Եվ կերպարանքն էլ նման էր լեռնուհու:

Արտակը բուռն տենչ զգաց իմանալու, թե ով է նա: Բայց ո՞ւմ հարցնեիր, որ կասկած չհարուցաներ իր հրապուրման: Նա այդ չէր անի այդտեղ, Մամիկոնյան ամբոցում, սրբությամբ կպահեր պարկեշտ հյուրի պատշաճավորությունը: Բայց և չէր կարողանա համբերել և հանգստանալ: Պետք է իմանար: Թողնել ինքնաբերական մի առիթի... Բայց կարող էր առիթը շփալ, կարող էր ինքը մեկնել շտապ կարգով: Հույսը դրեց Շուշանիկ տիկինոջ վրա: Նա թեթև հառաչեց, ուռած կուրծքը հանգստացրեց ծանր ու քաղցր բեռից և փորձեց կրկին կարգալ մատչանը: Բայց շուտով նկատեց, որ կարողում է և մտածում է օրիորդի մասին:

Երեկոյան Արտակի մոտ սպասավոր եկավ և Շուշանիկ տիկինոջ կողմից խնդրեց այցելել իրեն:

Արտակը մտավ տիկինոջ օթևանը և նրան գտավ մենակ: Օրիորդը, որ նրա կարծիքով պետք է լիներ տիկինոջ մոտ՝ չկար: Սա կուտ-

րեց Արտակի տրամադրութեանը: Եվ ինչո՞ւ նա չէր մտածել այդ մասին, որ օրիորդը կարող էր տիկնոջ մոտը շինել, դա էլ անհասկանալի եղավ նրա համար:

Շուշանիկ տիկինը սևազգեստ էր, և տխրաթախիծ մի ժպիտ խաղաց նրա դեմքին, երբ Արտակը ներս մտավ: Նա ձեռքին մազաղաթն մատյան ուներ, որի մեջ սեղմել էր մազաղաթն մի թերթ:

— Նամակը պատրաստում եմ, իշխան, հրամայիր նստել մի պահ, տեսնենք ուրիշ ինչ բանի ես: Ասում ես՝ որսը դարձավ արհավիրք:

— Ինչպես հայտնի է քեզ, Շուշանիկ տիկին:

Շուշանիկ տիկինը գոհունակ և մտերմորեն ժպտաց Արտակին: Հետո մեղմ, շարաճճի եղանակով հարցրեց.

— Ապա շես հարցնում, թե ո՞վ էր այսօրվա օրիորդը...

— Ի՞նչ հարցնեմ, Շուշանի՛կ տիկին, — չքմեղացավ, բայց ուրախացավ Արտակը:

— Չե՞ս ուզում իմանալ:

— Ճշմարիտը՝ կուզեմ իմանալ...

— Եվ լավ ես անում, Արտա՛կ սիրելի, քանի որ...

Շուշանիկ տիկինը ծիծաղեց.

— Քանի որ ի՞նչ, Շուշանի՛կ տիկին:

— Օրիորդն ինքն էլ ուզում է իմանալ, թե՛ դու ո՛ր նախաբարն ես:

— Հետո՞, իմացա՞վ:

— Իմացավ, իհարկե: Եվ զարմացավ:

— Ինչո՞ւ:

— Չարմացավ, որ հարևաններ եք, այդքան մոտ և իրար չեք տեսել:

— Ո՞վ է նա, Շուշանիկ տիկին, — շկարողացավ զսպել Արտակը:

— Հա՛, շես համբերում, Արտա՛կ:

— Կհամբերեմ, Շուշանի՛կ տիկին, — ստեց Արտակը:

— Բոլորովին էլ մի՛ համբերիր, սիրելի՛ս, ինչո՞ւ ես ծածկում: Օրիորդը դուր եկավ քեզ: Եվ...

Արտակն ուզում էր հերքել, կատակելով ստել, խաղ անել՝ բայց սպասեց սրտատրոփ, թե ինչպես կվերջացնի խոսքը տիկինը:

— Եվ օրիորդին էլ դո՛ւ...

Արտակն զգաց, որ կրծքի տակ մի բան անուշ փլվեց: Նա հևաց զգացմունքի բեռից և խուպոտած ձայնով մեղմ հարցրեց.

— Բայց նա ո՞վ է:

— Ռշտունյաց նախարարի քենին է: Ես նրան շատ եմ սիրում և երբ գալիս եմ այստեղ՝ կանչում բերում եմ մոտս: Եվ եթե սիրտդ վկայում է, որ մի օր պիտի կապվես մեկի հետ, այդ մեկը սա է:

Արտակը կրկին ուզում էր առարկել, կեղծել, բայց Շուշանիկ տիկնոջ խոսքերի բարի ու կտրուկ բնույթը նրան հաղթեց և ստիպեց անկեղծ ու պարզ լինել:

— Մի նեղիր ինքդ քեզ և մի՛ կեղծիր սրտիդ առաջ, Արտա՛կ. եթե սիրես՝ շես սխալվի:

— Բայց չէ՞ որ ես շխոսեցի սիրո մասին: Ես անգամ ամաչում եմ քեզանից, Շուշանի՛կ տիկին:

— Ամենևին մի՛ ամաչիր, սիրելի՛ս. դու ճիշտ է՝ շխոսեցիր սիրո մասին, բայց սիրտդ սեր է ողջ, ու ինքդ շգիտես գուցե:

Նրանք լռեցին:

— Հետո՞ ես քեզ շեմ առաջարկում ոչինչ, Արտա՛կ,— խոսեց Շուշանիկ-տիկինը մի փոքր սառը եղանակով,— միայն ես կասեմ, որ երանի այն ամուսիններին, որոնք սիրո ուղիով են իրար գտնում: Ի՞նչ է ուրիշների վիճակը, որոնց ամուսնացրել են նախարարական ու այլ նպատակներով:

Հանկարծ սենյակի վարագույրը ետ գնաց, և արագ ներս ընկավ օրիորդը: Հենց այն է՝ կամենում էր ետ փախչել՝ Շուշանիկ տիկինն անմիջապես որսաց.

— Եկ, Անահի՛տ, ե՛կ: Իշխանն օտարական չէ. նա իմ հյուրն է. մի՛ քաշվիր:

Անահիտը կարմրեց վարդի պես և կաշկանդված մնաց վարագույրի մեջ՝ գլուխը կախելով կրծքի վրա:

— Նե՛րս արի, Անահի՛տ, քեզ ասում եմ, որ իշխանը իմ հյուրն է, և այս բավական է:

Անահիտը սակայն չէր շարժվում: Այն ժամանակ Շուշանիկ տիկինը վեր կացավ և բռնելով նրա ձեռքը բերեց իր գահավորակի մոտ: Անահիտը նստեց գահավորակի ոտներին դրած բարձի վրա:

Շուշանիկ տիկինն սկսեց խոսել Վրաստանի կյանքի մասին, և Արտակն ունկնդրում էր նրան: Հետզհետե վարժվեց իր վիճակին նաև Անահիտը: Նա ևս սկսեց ունկնդրել և երբեմն էլ ժպտալով

մասնակցել զրույցին: Հետո սկսեց Արտակը պատմել իր ճանապարհորդութիւնը: Հունաստան և Եգիպտոս:

Արդեն օթևանին տիրել էր մթնշաղը: Հեռուն, լեռների հետև մարել էր արևը, և ժանգառքը ներկել էր ձորերի խորքը պղնձի գույնով: Մի աստղ պլպլաց երկնային անդունդի մեջ: Ու մինչ Արտակը տարված իր նյութով խոսում էր մեղմածայն, շքեղ ոճով, Անահիտը հենվել էր տիկնոջ ծնկներին, պարզամտորեն ու մտերիմ նայում էր Արտակին: Նրանք շնկատեցին անգամ, թե ինչպես մտերմացան և այն էլ այսպես արագ: Արտակի զրույցը երբեմն ընդհատվում էր նախ՝ Շուշանիկ տիկնոջ և ապա Անահիտի կարճ հարցմունքներով, որոնց պատասխանում էր Արտակը: Նա ներկայացրեց Հունաստանի և Եգիպտոսի կյանքը իր փարթամ ու բազմազան գույներով: Խոսեց հունական թատրոնների, կաճառների, մատենադարանների և տաճարների մասին, նկարագրեց Եգիպտոսի բուրգերը, սֆինքսը, սամուժը և անապատի տապը:

Մութը սև սաթի պես փայլեց դուրսը օդի մեջ: Հագիվճագ երևում էին տիկինն ու օրիորդը իբրև մթին ուրվականներ:

Սպասավորը ճրագ բերեց ներս: Լույսը թրթռաց, և Արտակը դիտեց, թե ինչպես Անահիտի դեմքը օրորվեց լույսի և ստվերի խաղերի մեջ: Դա մի վեհանիստ արձան էր, որ ներդաշնակության ալիքներ էր բաց թողնում օդի մեջ: Այդ պահին իրոք որ հրաշալի էր այդ օրիորդը: Արտակը ոգևորված էր. նա լողում էր իր մտավորական կյանքում ձեռք բերած բարձր խոսքի երաժշտության մեջ: Նա երջանիկ էր զգում իրեն:

Հանկարծ մի սպասուհի ներս վազեց և հուզված հաղորդեց, որ Մեծ Տիկինը կրկին զառանցում է:

Շուշանիկ տիկինը դուրս գնաց: Արտակը մնաց Անահիտի հետ մենակ: Նա դադարեց պատմելուց և լուռ նստեց Անահիտի դիմաց: Մի տարօրինակ զգացում հմայեց ու կաշկանդեց երկուսին իրենց դիրքում: Նրանք լուռ նայում էին հատակին՝ առանց համարձակվելու հայացքները բարձրացնել իրար վրա: Սակայն աչքերի եզրով նրանք իրար տեսնում էին մի փոքր: Արտակն զգում էր օրիորդի հուզմունքը, ինչպես և սա նրանը: Այդ լուռթյունը, որի քաղցրությունն աննկարագրելի է՝ որքան էլ նա նման է մատղաշ գարնան ժամանելուն, երբ ծառերի ճյուղերին հազիվ ուռչում է բողբոջը. մի քաղցրություն, երբ վտանգված հիվանդն սկսում է հանկարծ զգալ,

որ իր կյանքը փրկված է, և այլ շատ այսպիսի հազվագյուտ ուրախություններ: Միայն երկուսի շնչառությունն էր ալիքվում երջանիկ երգի նման: Երանություն է բուրում այդ մատաղ զույգից: Այդքան երկար լուսությունը շատ ավելի պերճախոս բացատրեց նրանց այն անբացատրելին, որ մի վայրկյան առաջ քեզ անծանոթ էակը, որի գոյությունն անգամ չես կասկածել՝ հանկարծ դառնում է այնքան թանկ ու մտերիմ, որ չես հասկանում, թե ինչպե՞ս կարելի է ապրել առանց նրան:

Արտակն զգաց, որ նրանք իրար հայտնեցին անկարելին, անհարմարը, անսպասելին, դժվարինը: Հետո ինքն էլ չհասկացավ, թե ինչպես հնարավոր եղավ և չթվաց անժամանակ ու անպատշաճ, այլ, ընդհակառակն, բնական ու հասկանալի, և կարծես ո՛չ իր ձայնով և ո՛չ ինքն էր՝ ասաց.

— Անահիտ, ես կգամ ծնողիդ մոտ... և... ի՞նչ կասես... զա՛մ..

Անահիտը շարժվեց և ձայն չհանեց:

Արտակը սաստիկ ամաչեց: Այն, ինչ որ հասկանալի էր ու վրձնական էր երևում նրան լուսության մեջ՝ դժվար ու անտեղի թվաց, երբ ձայնով ասվեց: Նա լռեց և նայեց Անահիտին՝ չիմանալով, թե ինչ անի դրանից հետո: Սակայն Անահիտը բարձրացրեց սևագիշեր աչքերը և խոր նայեց Արտակին: Զարմանալի էր. ո՛չ մի շփոթություն, ո՛չ մի անհամարձակություն:

— Անահիտ, զա՛մ ծնողիդ մոտ...

— Ե՛կ, — շնչաց խլաձայն Անահիտը և հայացքն իջեցրեց հատակին:

Նրանք երկար լռեցին:

Արտակը նորից սիրտ արեց և այս անգամ ավելի մտերիմ եղանակով և բնական ձայնով ասաց.

— Կգամ պատերազմից առաջ: Հետո՞ ո՞վ գիտե...

Անահիտը ցնցվեց և նայեց Արտակին: Նրա հայացքի մեջ նրկատվեց մի խոռովք ու վիշտ: Մի փոքր անց Անահիտը վեր նայեց և տխրությամբ հարցրեց.

— Պատերազմը պե՞տք է լինի...

— Պետք է լինի:

— Ինչո՞ւ համար է լինելու...

— Իբրև թէ հավատի համար, բայց արքան ուզում է վերջ տալ մեր ինքնուրույնության, ոչնչացնել մեր ազգը:

Անահիտը կրկին լռեց և ապա միայն հարցրեց.

— Դու պե՞տք է գնաս պատերազմ:

— Ապա ի՞նչ, Անահի՛տ: Ես գինձոր եմ...

Անահիտը տխրեց և սկսեց երբեմն մտերմորեն վեր նայել Արտակին, մերթ մատներով խաղալ բարձի ծոսյեբրի հետ: Նա ուզում էր շատ բան ասել Արտակին, բայց է՛լ չէր համարձակվում: Այդ հասկացավ Արտակը: Եվ նա ասաց.

— Բայց ես պատերազմից առաջ կգամ ձեր տուն:

Անահիտը վեր նայեց և ժպտաց: Բայց և իսկույն երկու խոշոր կաթիլներ գլորվեցին նրա աչքերից:

Այդ միջոցին ներս մտավ Շուշանիկ տիկինը, աննկատելի կերպով դիտեց երկուսին և շտեմնելու տվեց Անահիտի հուզմունքը:

— Անահիտը հուզվեց, որ պատերազմ է լինելու,— ասաց Արտակը:

— Պատերազմը պետք է լինի, որ խաղաղությունը լինի,— ասաց Շուշանիկ տիկինը,— չե՛նք թողնի, որ մեր ազգի ազատության ձեռք կարկանդակ:

Ու դարձավ Անահիտին.

— Պինդ կաց, պատերազմը կգնա՝ աշխարհը կմնա:

Հետո նա հայտնեց, որ Մեծ Տիկինը չի լավանում, որ Վարդանը սաստիկ անհանգիստ է և չգիտե ինչ անի: Մի կողմից մայրն է, մյուս կողմից պետք է շտապի Արտաշատ:

— Բայց հազիվ թե հինգ-վեց օրից ճանապարհովի,— ասաց Շուշանիկ տիկինը:

Արտակն ուրախացավ: Այդ նկատեց Շուշանիկ տիկինը, բայց թաքցրեց իր դիտողությունը: Նա սրտանց ուրախ էր Արտակի համար:

Արդեն բավական ուշ էր, պետք էր գնալ իշխանների մոտ, ուստի Արտակը վեր կացավ:

— Է՛, գնո՛ւմ ես: Վա՛ղն արի, ես քեզ մի մատյան ցույց կտամ,— ասաց Շուշանիկ տիկինը:

— Ամենա՛յն սիրով,— ասաց Արտակը և մի անգամ էլ նայելով Անահիտին՝ ողջունեց և դուրս ելավ: Սպասաւորը լուսավորեց սանդուղները, և նա բարձրացավ վեր՝ դահլիճը: Նախարարները

գրուցում էին: Բայց Վարդան Մամիկոնյանը սաստիկ անհանգիստ էր:

— Ես չգիտեմ ի՞նչ անեմ, ուշանում ենք,— ասաց նա:

Արտակը զարթնեց իր երազանքներից: Զգոնացավ և հիշեց այն մեծ դեպքը, որ ցնցել էր իրենց և շուտով պիտի ցնցեր համայն Հայոց աշխարհը: Նա ինքն էլ մտածեց, որ ուշանում են:

Վարդան Մամիկոնյանը վստահ ու մտերիմ հայացքը գցելով Արտակի վրա, ասաց.

— Պատասխան տալու ենք համայն աշխարհով: Իբրև մեկ մարդ: Պատասխանը վերջնական պիտի լինի, պատասխանատվությունը նույնպես: Ո՞վ է մեզ հետ... Ինչե՞ր պիտի կատարվեն... Ահա դաժան միտքը:

Վահան Ամատունին և Ներշապուհը խոժոռ նայեցին նրան:

Վարդանը Արտակին մեկնեց մի մագաղաթ. Արտակը վերցրեց և կարդաց.

«Տեր Մամիկոնեից.

Եվ թող հայտնի լինի քեզ, որ արյաց արքայի հրամանը սաստկապես շփոթել է այստեղ ամենքին: Երկպառակության վտանգ կա: Հասիր շուտով: Հարկ կա զսպելու խմորումը և ազգը ոտքի կանգնեցնելու: Հապաղելը մահվան է հանգույն:

Արշավիր տեր Արշակունյաց:

Արավան Վանանդյա,

Ատոմ Գնունյաց»...

Եվ այլ ստորագրություններ:

— Հա՛հ... Շապուհի օրերը շեն սրանք: Սա արհավիրք է: Այստեղ միաբան, միասիրտ ազգ է պետք: Օրհասականի առաջ ենք...— ասաց Վարդանը:

— Կարծում ես, պատերա՞զմ ,— մռայլ հարցրեց Ներշապուհը:

— Ապա ի՞նչ ես սպասում, տեր Արծրունյաց, խաղաղութի՞ւն: Շապուհի հին միտումը, Վոամի խորամանկ դավերը՝ ոչնչացնել Հայոց աշխարհը՝ չօգնեցին, այժմ Հազկերտը վճռում է այդ ոչնչացումը: Առանց պատերազմի չենք անցկացնի սա: Հավատքը պատրվակ է: Գնա՛նք Արտաշատ, համաժողով անենք և վճռենք դիմադրությունը:

Նախարարները լռեցին:

— Այո, շտապենք,— կարծես ինքն իրեն խորհելով կրկնեց

Վարդանը, — սա պատերազմ չի լինի, այլ աշխարհավեր փոթորիկ:
Ջահի լույսը ներկել էր նրա խոհուն դիմագծերը: Նրա ցուլուն
թափանցող հայացքը սուզվել էր պատուհանի շրջանակում խորացող
թավիշ խավարի մեջ: Կարծես նա ջանում էր կարդալ այդ անդրնդում
ապագայի գիրը և տեսնել գալիքը:



Ներսի օթևաններից արագ բակի պատշգամ դուրս եկավ մի շորուցամաք հասակավոր կին՝ հոգսերով տարվածի թախծալի և զուսպ արտահայտությամբ: Նրան հետևում էին սպասուհիներ՝ ճանապարհի այլևայլ պարագաներով:

Հասակավոր կինը, որ Վարդան Մամիկոնյանի տիկինն էր, սկսեց անձամբ հսկել իր ամուսնու ճանապարհի պատրաստություններին: Նա հագիվ լսելի, համեստ շեշտով կարգադրում էր սպասուհիներին և մի անգամ էլ վեր շնայեց իր շորս կողմը: Ըստ երևույթին նա ամբողջ ու Վարդան Մամիկոնյանի տան հոգսերի ոգին էր՝ լուելյան կատարող իր պաշտոնը, այն է՝ միշտ ճանապարհ դնել իր ամուսնուն դեպի պատերազմներ ու արշավանքներ:

Մամիկոնյան տիկինը նման էր հարգևոր հարսի: Նա ոչ մի կերպ չէր զգացնում, որ ինքն է իր ամուսնուց հետո ամբողջ գլխավոր անձը: Սպասավորներն ու աղախիները, որ օգնում էին նրան՝ մտերմական էին իրենց շարժումներով ու խոսակցությամբ: Նրանք բոլորը նույնպես վարժ գիտեին, թե ինչ իրեր պիտի դնեն սպարապետի հետ՝ բազում անգամ կրկնած լինելով միևնույն պատրաստությունները:

Արտակն արդեն հագնված էր: Նրա նուրբ ու մի փոքր գունատ և ներշնչված դեմքին սաղավարտը տվել էր զորական արտահայտություն: Դուրս եկավ Անահիտը և սկսեց գաղտագողի անհանգրստությամբ հետևել անցուղարձին: Շուշանիկ տիկինը բռնեց նրա ձեռքը, մոտ բերեց նրա գլուխն իր շուրթերին և համբուրեց: Անահիտը տխրած՝ գլուխը կախեց: Արտակը, որ դեռ կապկպում էր իր սպառազենքը՝ թոուցիկ հայացքներ էր նետում Անահիտի կողմը: Երբեմն նրանց հայացքները խոր լցվում էին իրար մեջ և թախիծով ու բազցրությամբ խառն մի զգացումով շարժում նրանց սիրտը:

Գուրս եկավ Վահան Ամատունին՝ վեր ցցելով բրդե փաթաթանով պինդ կապած վիզը: Նա հետոմ էր շարժումներից և թեթև տրնքում: Երկար ճանապարհի հոգսը անհանգիստ էր անում ծերունուն: Մյուս նախարարները ևս հավաքվեցին:

— Տյա՛րք, այցելե՛նք Մեծ Տիկնոջը,— ասաց Վահան Ամատունին:

Նախարարները մտան Մեծ Տիկնոջ օթևանը: Հիվանդի մահճի գլխին ճրագներ էին դրած, որ խոշոր պլպլումներով անհեթեթ ստվերներ էին օրորում օթևանի մոայլի մեջ: Պառավը ջերմի մեջ էր և հետոմ էր: Նրա շրթունքները դողում էին ինչ-որ անհասկանալի բաներ շնչալուց:

Վարդանը մոտեցավ, հանեց սաղավարտը և չոքեց մոր մահճի մոտ: Մոտ գնաց նաև Վահան Ամատունին և խոնարհեց գլուխը նրա դեմքին:

— Մե՛ծ Տիկին,— շնչաց նա:

Պառավը շլսեց:

— Լսո՛ւմ ես ինձ, Մե՛ծ Տիկին,— կրկին խոսեց նա ավելի բարձրաձայն:

Պառավը քացեց աչքերը և խիստ նայեց նրան.

— Հազարապե՛տ... խոսեց հիվանդը սպառնալի ու խռպոտ ձայնով:

— Եկել ենք մնաք բարևի, մեկնում ենք,— ասաց Վահան Ամատունին:

Հիվանդը տատասկի նման չոր ձեռքը կարկառեց դեպի Հազարապետը և խստատես խոսեց.

— Եթե պատերազմ եք գնում՝ ճանապարհներդ ի բարին:

— Գուցե և պատերազմ, Մե՛ծ Տիկին:

— Հա՛, այդպե՛ս... հեաց հիվանդը:

Հետո գլուխը դարձրեց դեպի Վարդանը և խիստ նայեց նրան.

— Նախնյաց սուրը շարատավորե՛ս... չհաղթած չվերադառնա՛ս: Գնա՛, աստված հետդ... Զոհրակիս բերել տուր Հունաստանից... Զավակդ կողքիդ լինի...

Եվ ձեռքով արեց, որ վերջացնեն: Վարդանը բռնեց մոր ձեռքը, համբուրեց երկար ու գորովալի: Պառավը կենդանացավ, ուժ առավ և նստեց մահճի մեջ: Նրա տոգորված ու մոլեգնած կերպարանքը ահ ու պատկառանք էր ներշնչում: Կարծես նա Մամիկոնյանների

ագին էր, որ եկել էր մեծ սխրագործություն ներշնչելու նրանց:

— Գնացե՛ք, ազատեցե՛ք Աշխարհը հայուց:

— Բարյա՛վ մնաս, մա՛յր,— ասաց Վարդանը և փաթաթվեց մոր պարանոցին, համբուրեց նրա կուրծքը:

Պառավը շոր թևերով գրկեց և նույնպես համբուրեց նրան: Նախարարները Ամատունուց հետո, մեկ-մեկ մոտեցան, առան պառավի աջը և մեկ-մեկ ետ քաշվեցին:

Դռան մեջ լցվել էին հարազատները և հուզված լռել էին:

Դուրս եկան պատշգամ:

— Հայրի՛կ, ես չեմ գնա տուն, ամուսնուս,— ասաց Շուշանիկը տխուր ու վճռական:

Վարդանը հասկացավ իր դատերը, լռեց և բավական ուշացնելով պատասխանը՝ ասաց.

— Մի գնա, դուստրս. նա վատ ճանապարհի է և կարծում եմ կսկսի վնասել գործին:

— Աստված հասնի նրան,— հառաչեց Շուշանիկը և հեկեկաց:

Վարդանը գրկեց նրան, համբուրեց, արագ մոտեցավ տիկնոջը և կարճ ու հասարակ ձևով հրաժեշտ տվեց նրան.

— Սուրճանդակ ուղարկիր թող Զոհրակին բերի: Է՛, ճանապարհ,— կարգադրեց նա, ձեռքը դրեց Անահիտի գլխին, ժպտաց և իջավ սանդուղներից: Նախարարները հրաժեշտ տվին:

Արտակը մոտ գնաց, համբուրեց Շուշանիկ տիկնոջ ձեռքը, վերցրեց նրա նամակը, նայեց Անահիտին և հայացքով մնաս բարյավ ասաց:

— Եո՛ւտ վերադարձիր, Արտա՛կ,— շնչաց Շուշանիկ տիկինը և ժպտաց:

— Եուտո՞ւվ, շա՛տ շուտով,— շնչաց նույնպես Արտակը և բաժանվեց նրանցից:

— Լո՛ւր ուղարկիր,— շեշտեց Շուշանիկ տիկինը,— կսպասենք...

Արտակը ժպտաց և գլխով նշան արեց:

Մոտ բերին նժույզներին, որ չէին կարողանում մի վայրկյան հանգիստ կանգնել: Սպասավորներն ու թիկնապահները մի կերպ զսպեցին նրանց, որ նախարարները նստեն:

Արծվին աշխուժացել էր և մոլեգնում էր նժույզների շուրջը՝ իբրև մի դաստիարակ իր սաների շնորհքը տեսնելով: Նա մի ձեռքով

բունց Վարդան Մամիկոնյանի նժույգի սանձը և վայր սեղմեց իր կողմի ասպանդակը: Վարդան Մամիկոնյանը զսպանակի պես թռավ նստեց:

— Դե՛, բարյավ մնաք,— ասաց նա և նժույգը քշեց դունից դուրս, նրան հետևեցին նախարարները: Երկար ժամանակ դուրս չէր գալիս դունից: Արծվիի նժույգը, նա թռչկոտում էր ու ետ-ետ գնում: Արծվին կատաղեց և մտրակով այնպես ձաղկեց, որ հանկարծ նժույգը կայծակի պես շանթեց դեպի դուրս:

Ամրոցը լռեց: Բոլորը անձայն ականջ դրին հեռացող նժույգների ոտնատրոփին, որ գլորվող քարերի պես հեռացավ-խլացավ գիշերային խավարի մեջ:



Հանդիսավոր բացվեց գարնանային առավոտը Այրարատյան դաշտավայրում: Լեռները փրփրադեզ ծովերի պես շորս հորիզոնների ափերից ելած՝ միտում էին իրար գալ և ողողել դաշտավայրը: Շիկնեցին Մասիսների գագաթները, և երկնքի կանաչ-կապույտը ժպտաց նրանց հետևի խորքում: Արաքսը ինչպես մի դեղին վիշապ ուռել՝ սրընթաց նետվում էր դեպի Շարուր: Սևամերկ դաշտավայրը կենսաթրթիռ գարունքով զարթնած՝ դիմավորում էր մատաղ կյանքին: Հեռու, այգիների, գյուղ-օազիսների բարդիների արանքներից զնպի երկիրնք էին ոլորվում ծխի կապույտ ժապավեններ: Այստեղ-այնտեղ, հեռու-մոտիկ շինականները հերկում էին հողը:

Արաքսի ու Մեծամոր գետի միջև, այգեստանների ծոցում պարիսպներով շրջափակ ծխում էր Արտաշատ մայրաքաղաքը: Հեռավոր կանչերն ու խուլ աղմուկը մատնում էին քաղաքի առավոտյան սկսված կյանքը:

Քաղաքադուռը բացվել էր, և ուղևորներն ու քաղաքացիք երթևեկում էին: Նրա առջև կանգնած էին երկու հասակավոր երկարամորուք պահակներ, որ աչքները զցել Արաքսի ջրերին՝ քնատ գրուցում էին: Նրանց դիմաց նեղ ձգվում էր Արտաշատի կամուրջը, որ դիմադրում էր Արաքսի հարվածներին, և երևում էր, որ գարնանային վարարումը սպառնում էր նրա հին սյուներին:

Պահակներից միներ, որի կապույտ աչքերը վառվում էին գիշերվա անքնությունից և հիմա քնով էին լցված՝ ձայնը ծոր գցելով

հորանջեց և վեր նայելով դեպի բուրգի դիտանոցը՝ քնկոտ ձայնով կանչեց.

— Լուսերե՛ս, արևն ելավ, արձակիր՝ գնանք:

Սակայն բուրգի դետը հետաքրքրված նայում էր հեռուն, Մասիսի կողմը, դեպի արևմուտք: Այնտեղ մի բան էր սեին տալիս: Լուսերեսի հետատեսուխյանը արդեն մատչելի էին եղել նիզակների արագ ծակծկելը օդի մեջ և սաղավարտների վետվետումները: Նա իողհարեց, որից անմիջապես հետո քաղաքադռնից դուրս թըռան երեք հեծյալներ և կամրջի վրայով սլացան դեպի մոտեցող երևույթը: Նրանք հետախույզներ էին, որոնք ուղիղ և կիսաշրջանաձև արշավեցին հեովում: Բուրգում զինվորներ երևացին՝ նետերը պատրաստ: Պահակները լարված առաջ գնացին դեպի կամուրջը տանող ճանապարհը: Սակայն հեծյալները, որոնք սլացել էին դեպի մոտեցող երևույթը՝ միացան նրան և եկան մոտեցան հանգիստ ու աշխույժ:

Նախարարներն էին՝ իրենց համհարզներով՝ Վարդանը, Ամատունին և Արտակները՝ Ռշտունի ու Մոկաց:

Լուսերեսը փողհարեց, որ բերդապետին տեղեկացնեն նախարարների գալուտը: Միաժամանակ հրամայեց, որ դուռը կրկին բաց անեն: Իսկույն ծանր նիզերը աղմկալից հարվածներով քաշեցին, և դուռը ճռնչալով ետ գնաց:

Քաղաքից մարդիկ վազեցին դեպի դուռը: Նախ հայտնվեց բերդապետը՝ կարճ ու գնդիկ մի զինվորական, ընկույզի աչքերով և եռանդուն շարժումներով, ետ մղեց հավաքվածներին, որ հետըզհետե ամբոխվում էին: Նա ուժեղացրեց քաղաքադռան ներսի պահակների կազմը, պատվիրեց դռան անցքը ազատ պահել և ինքը դուրս եկավ ընդառաջ եկվորներին:

Եկվորները՝ նախարարները իրենց համհարզներով կամուրջը ծեծելով եկան դեպի քաղաքադուռը: Նրանց մեջ իսկույն առանձնակի գծազրվեց Վարդանի ներշնչված դեմքը, որի կարճ մորուքին ու երկար մազերին նստել էր ճանապարհի դեղնավուն փոշին: Մյուսները՝ Վահան Ամատունին և Մոկաց, Ռշտունյաց ու Արծրունյաց նախարարները հոգնադեմ էին և կարմրած: Նժույզները փրփրակալած ու քրտնամխած՝ երևում էր արագ երթով էին կտրել երկար ճանապարհը:

Պահակները բարև բռնեցին ու խոնարհվելով կանգնեցին քա-

ղաքադռան երկու կողմը: Եկվորները մտան քաղաք, և իսկույն նրանց նժույգների ոտնատարափը նեղ փողոցի սալահատակի վրա՝ արձագանքեց քաղաքում:

Անմիշտպես տներից ու ծակուռներից դուրս վազեցին բնակիչները՝ նրանց նայելու, բայց նրանք արագ անցան գնացին, կանգ առան մի բարձրաշեն ու սրբատաշ քարերով կառուցված տան առաջ: Անմիշտպես տանը կից շենքերից դուրս վազեցին սպասավորները և հարձակվելով եկվորների նժույգների վրա՝ սանձերը բռնեցին: Նախարարները իշան նժույգներից և թամբերի վրա թմրած ոտքերը ծուռ ու շիտակ շարժելով, քարե սանդուղներով բարձրացան երկրորդ հարկարածինը:

Քարե պատշգամբի վրա նրանց դիմավորեց նախարարների մի ստվար խումբ: Երևում է, որ նրանք վաղօրոք հավաքվել էին: Նըրանք խնդուխտամբ և հարգանքով դիմավորեցին եկողներին: Ոմանք իշան սանդուղներից և բղջազուրվեցին եկողների հետ:

Վարդանը արագ մեկ-մեկ աչքի անցկացրեց նրանց: Դրանք երկրի կարևոր ներկայացուցիչներն էին. Գաղիշո Խորխոռունին՝ պնդակազմ, մի փոքր սապատավոր և ինքնամփոփ ու անթափանց, թերևս անբարյացակամ հայացքով: Նրա մոտ էր կանգնել մտայլ գեմբին ինչ-որ սառած հեգնանքով Վահեվունյաց Գյուտը: Վարդանի աչքերի մեջ էր նայում ինչ-որ մի բան որսալու նման Անձևացյաց նախարար Շմավունը, ըստ երևույթին դեպքերից խիստ անհանգստացած: Քնեած կանգնել էր Պալունյաց նախարար Վարազշապուհը: Նրանք անշարժ մնացին և լռեցին: Միայն նրանցից մեկը՝ Գնունյաց նախարար Ատումը, որ սլացիկ հասակով մի երիտասարդ էր, մրահոն և հրաշալի գորական կազմվածքով, եկավ և պինդ համբուրվեց Մոկաց նախարարի՝ Արտակի հետ: Երևում է նրանք ջերմ ընկերներ էին: Նախարարներից ոմանք ընկնելով Վահան Ամատունու թևերը՝ պատկառոտ զգուշությամբ քարձրացրին պատշգամ: Վարդան Մամիկոնյանը մի թևով գրկեց Գնունյաց նախարարի իրանը և գորովալի նայեց նրա հրաշալի մարտիկի հասակին: Երիտասարդը արտակարգ բարեկազմ էր և գեղեցիկ:

— Որսի՞ էիր գնացած եղել,— հարցրեց նրան Վարդանը բնքշուխամբ:

— Ոչ, տեր. գորագունդս տարել էի կիրճերը մարզանքի,— ամաշելով պատասխանեց Ատումը:

Արտակը՝ Մոկաց նախարարը, բռնեց նրա ձեռը և այդպես միասին բարձրացան վեր: Նախաշորնեքը ճանապարհ տվին Վահան Ամատունուն և Վարդանին, որոնք առաջինը մտան դահլիճը: Պատարեանական մեծ տունն էր ժողովների, միաժամանակ հյուրընկալության համար:

Իսկույն ներս ընկավ ճերմակահեր, կաս-կարմիր դեմքով մի ծերուկ և ջերմեռանդ շշուկով պատվիրեց իր հետևից եկող սպասավորներին, որ լվացվելու ջուր ածեն եկողների ձեռներին: Նախարարները լվացվեցին, սրբվեցին:

Սակայն նախարարների մեջ մի զուսպ լարված տրամադրություն կար: Ոչ ոք դեռ չէր համարձակվում խոսք բանալ դեպքի մասին: Բոլորն սպասում էին Վարդանին և Վահան Ամատունուն:

Ամատունին հարցրեց խոպոտ և անորոշ շեշտով.

— Ժամանե՞լ է մարզպանը:

— Ժամանել է, Հազարապետ,— պատասխանեցին նախարարները խմբովին և աշխուժացած:

Ամատունին լռեց և մի պահ իր մտքերը ամփոփելով՝ հարցրեց.

— Ի՞նչ է ասում հրովարտակի մասին:

— Ոչինչ,— ասաց Վահևունյաց Գյուտը՝ նշանակալից նայելով մյուս նախարարներին:

Կրկին տիրեց լռություն:

Վահևունյաց Գյուտը դեմքին ինչ-որ հանելուկային արտահայտություն տվեց: Կարծես նա գիտեր, որ Վահան Ամատունին ոչինչ լավ բան չէր սպասում մարզպանից: Բայց բարվոք համարեց շարտահայտել որևէ բան:

Վարդանը խորագնին և մռայլ նայում էր նախարարներին՝ կարծես նրանց հայացքի մեջ որոնելով մայրաքաղաքի տրամադրություններն ու վերաբերմունքը դեպքի մասին:

— Իսկ հոգևոր տերը ժամանե՞լ է,— հարցրեց նա հանգիստ:

— Էջմիածին է, հոգևոր ժողովում,— ասաց բերդապետը, որ բարև բռնած կանգնել էր դռան մոտ: Նա այդ ասաց շոր արտահայտությամբ, որ պատշաճում էր դեպքի անախորժովյան:

Վարդանը լռեց և մռայլ սպասեց պապանձված նախարարներին, որ չէին խոսում և ապա ծանր մտահոգության շեշտով ասաց.

— Տյարբ, ժամ առաջ գումարվենք մարզպանի և կաթողիկոսի հետ, թող տերունական ժողովը արձակի իր վճիռը, թե ինչ պատասխան տանք արքային:

Ոչ ոք չխոսեց: Տերունական ժողովը գումարելու պահանջը ըզգում էին ամենքը, բայց արքային պատասխանելու ծանրակշիռ հարկադրանքը ճնշել էր ամենքին:

— Ժողովը գումարելը դյուրին է,— ասաց Վահևունյաց Գյուտը,— պատասխան տալն է ծանրը:

— Տաժանագին ծանր...— վրա բերեց Վարդանը զգալով հեգնանքը,— սակայն... պատասխան շտալը մեր կամքից չէ կախված...

— Եվ ի՞նչ պատասխան...— քթի տակ խոսեց Վահևունյաց Գյուտը:

— Չգիտենք, թե ինչ կվճռի նախարարությունը և հոգևոր դասը՝ բայց պատասխանը մեկ է լինելու: Այո կամ ոչ...

Սուրհանդակ ուղարկեցին մարզպանին՝ հայտնելու, որ նախարարները պատրաստ են տերունական ժողովի գումարման:

Երեկոյան սուրհանդակ եկավ մարզպանից և նախարարներին հայտնեց, որ քանի դեռ մի քանի նախարարներ տեղ չեն հասել՝ ժողովը կգումարվի մոտ մի շաբաթ հետո:



Գիշերը շշնջում էր Արտաշատում:

Անլուսին երկինքը չեբմում էր հրատապ աստղերով և գարնանային գաղջ օդը սողոսկում էր Վասակ Սյունիի օթևանը՝ լցնելով զարթնող բնության բուրմունքը: Նա, բնությունը, նաև գիշերը, գարնանային ստեղծարար ճիգերի մեջ էր:

Մարզպանական տեղավայրը ոչ վաղուց տապալված հայ թագավորության գահանիստ պալատն էր:

Աղոտ լուսավորված դահլիճը խոնավություն էր բուրում: Պատերի որմանկարները, պատաստները, ծաղկուն գորգերը, պատերի տակ իրարից պատշաճորեն հեռու շաբած ասեղնագործ նատարարձերը որոշ թարմության և աշխույժ էին տալիս դահլիճի մի փոքր մթին տեսքին: Իարաններում դարսված էին ականակուռ կաշեկազմ

մագաղաթ մատենագրեր: Դահլիճի հատակին, մեջտեղը, ծաղկում էր մի մեծ մոզաիկ շրջանակ, որի շուրջ բոլորը առանձին կղզյակներով մոզաիկված էին վագրներ, արծիվներ, առյուծներ ու որսի կենդանիներ: Դուռնի թափը մեծ վարագույրը, պատերին ամրացրած եղնիկի եղջուրները, անկյունների յոթնաստեղյան աշտանակները, ուրիշ արծաթեղեն, ոսկեղեն, մետաքսեղեն զարդերի, պատուհանների զարդաքանդակների հետ տխուր մտքեր էին զարթեցնում իբրև արդեն խամրող մի հուշարձան Արշակունյաց ցեղի վերջին շահավիղի՝ Արտաշեսի:

Դահլիճի գլխին, գահույթի վրա նստած էր վասակ Սյունին: Նա լրիվ զգեստավորված էր: Գլխին գրել էր ոսկե խույր, որի տակից փայլում էր մետաքսե պատվավորը:

Գլխազարդը լրացնում էին ոսկյա զինդերը ականջներին և ոսկյա գումարտակը վզին: Ակնակուռ կամարը, սամուրե թեթև մուշտակը, կարմիր կոշիկները և վարագազիր մատանին մատին՝ նրան տալիս էին արքայական կերպարանք:

Կանթեղը մռայլ լույս էր սփռել օթևանի պատերին, որոնց մեկի վրա անկյունավոր ու անհեթեթ՝ զծագրվել էր նրա ստվերը: Նրստել էր մարզպանը և մտքերի մեջ խորասուլյզ չէր նկատում ո՛չ գիշերվա ժամը, ո՛չ բնությունը: Նա ինքնամոռացության մեջ էր:

Նրան արթնացրեց սենեկապետը, որ զգույշ ներս գալով՝ զեկուցեց.

— Դենշապուհը հրովարտաբեր պարսկի և այլ մեծամեծների հետ ժամանում են. սուրհանդակ եկավ:

Վասակը լարվեց իսկույն: Նա արագ, բայց արժանապատվորեն ձեռքով նշան արեց, որ ներս հրավիրեն այցելուներին: Ու մինչ նա ականջ էր դնում դարբասի ճոխնչին և ներս եկողների ոտնաձայններին՝ նրա գեմը մի քանի անգամ կերպարանափոխվեց դաժան ու խորամանկ կիսաժպիտով: Ապա ընդունեց անթափանց հանգիստ արտահայտություն:

Սենեկապետը ներս վաղեց և մի կողմ կանգնելով, բաց արեց դուռնի վարագույրը: Հյուրերը ներս մտան: Նախ՝ Դենշապուհը, հրովարտաբեր պարսիկը և այլ մեծամեծներ: Վասակը վեր կացավ, արժանավայել ծանրությամբ խոնարհվեց, մնաց այդ դիրքում, ապա գլուխը շտկեց և ձեռքով մատնացույց արեց զանազան բարձր, հրավիրելով նստել: Հյուրերը ծանր լուռությամբ և դանդաղորեն տե-

ղավորվեցին բարձերի վրա: Լուսթյունը գրկեց բոլորին: Հետո Վասակը, որ նստել էր՝ կրկին վեր կացավ և լուռ ողջունեց հյուրերին: Սրանք պատասխանեցին նույն ծեսով: Նստեցին:

— Հուսամ որ՝ բարի է, — խոսեց Վասակը՝ ձայնի մեջ դնելով մի շեշտ, որով ակնարկեց տարածամ պահը Դենշապուհի այցելության:

— Բարին արեգակինն է, — պատասխանեց Դենշապուհը, — այժմ ժամը գիշերային է:

Վասակը զգաց, որ Դենշապուհը պահանջներով է եկել: Բայց նա դեմքի մի մկան անգամ չկծկելով՝ սպասեց, թե ինչ է ասելու Դենշապուհը: Տիրեց կրկին ծանր լուսթյուն:

Դենշապուհը հիտունից անց, ածուխի մանր աշունքով և գանգուր, սև սաթի պես փայլող մորուքով մարդ էր: Բնորոշ էր նրա սեխանման գլուխը, որ լայնանալով մեջտեղում՝ կարծես պայթեցնել էր ուզում նրա աչքերն ու քունքերը: Դրանից նրա աչքերը զարմացածի արտահայտություն ունեին:

Հրովարտարէր պաշտոնյան, որի անունը խոսքով էր՝ զուսպ ենեգավոր աչքերով նայում էր Վասակին, Դենշապուհին և շորս կողմ՝ առանց շարժելու դեմքն ու մարմինը: Նրա դեղնած մորթը, որ ճահճային տենդի հետևանք էր՝ նրան մեռելի տեսք էր տալիս: Եթե չլինեին նրա դեմքի շարժվող աչքերը՝ կարելի էր կարծել, թե մուսիա է նստած բարձին:

— Ինչո՞վ կարող եմ պատված լինել մեծամեծներիդ արյաց:

Դենշապուհը թեթև հազաց և հայացքը գամելով կրկին սենյակի հատակին՝ ասաց.

— Հրովարտակի պատասխանն ուշանում է. արքայից արքան կարող է սաստկագինս զայրանալ:

— Զայրույթը պետք է կանխենք, — ասաց Վասակը լուրջ ու երկյուղած:

— Բայց ինչո՞ւ են ուշացնում պատասխանը:

— Պատասխանը ես եմ ուշացնում, — ասաց Վասակը ծանրահշիռ շեշտով:

Դենշապուհը խեթ նայեց Վասակին:

— Որքա՞ն է պատշաճ արքային սպասել տալ, — հանդիմանորեն հարց տվեց նա, — իսկ ես կարծում էի ձեր հոգևորականներն ու նախարարներն են ուշացնում:

— Հը՛, ինչպե՛ս կարելի է,— թունավորեց շոր ու խանձված ձայնով խոսրովը, որ իր հերթին առիթի էր սպասում ծակելու:

Վասակը սակայն չնկատելու տվեց Դենշապուհի և խոսրովի վրդովմունքը: Նա միայն շարժվեց իր գահույթի մեջ, ավելի հարմար տեղավորվեց և անփուլթ ու հաստատուն ձայնով շեշտեց.

— Այո, ես եմ ուշացնում և դեռ ավելի պետք է ուշացնեմ, որ թույլ շտամ ոչ մի գրգռմունք և խռովություն:

— Գրգռմո՞ւնք, խռովությո՞ւն,— կրկնեց Դենշապուհը,— ինչպե՛ս կհամարձակվեն:

— Ինչպե՛ս, պարզապե՛ս... — դառն հեզնանքով ասաց Վասակը:— Առաջի՞ն անգամն է... Շապուհի օրերը, Արշակ արքայի օրերը, Վասակ Մամիկոնյանի օրերը... հիշեցեք մի անգամ...

— Այս անգամ արքան արդեն դաժանորեն կճնշի ամեն փորձ խռովության,— ասաց Դենշապուհը:

Վասակը սուտ հորանջեց և ապա կեղծ-անփուլթ ու դիտավորանտարբեր վրա բերեց.

— Արքան եթե բռնության դիմել կամենար՝ զորք կուղարկեր: Բայց նա հրովարտակ է ուղարկել՝ համոզելու, խրատելու. արքան ատյան է բաց արել՝ քննելու զրազաշտական և քրիստոնեական կրոնները:

Դենշապուհը վիրավորվեց արքայի դիտավորությունների վասակի այս կեղծ մեկնաբանությունից:

— Ուրեմն մինչև ե՞րբ պիտի սպասենք պատասխանին:

— Մինչև որ նախարարներին մեկ-մեկ համոզենք, մինչև որ մեր հոգևորականները հանդարտվեն, մտածեն, ընտելանան,— կեղծեց կրկին Վասակը:

Վասակը հենց սկզբից զգում էր, որ Դենշապուհին խոցում են իր բոլոր խոսքերը: Նա տեսնում էր, թե ինչպես անդուր է Դենշապուհին իր բռնած տիրակալ դիրքը՝ խոսքը բանալ, խոսքը փակել, իր կարծիքը թելադրել և իրեն ներկայացնել բոլոր պետական գործերի գլուխ ու շարժիչ անձն: Վասակը խոսում և զրույցը տանում էր այնպես, որ միշտ ուրիշի հետ անգամ խոսեցիս՝ խոսքն ուղղած լինի Դենշապուհին: Նա դիտամաբ ջանում էր ուղղակի ցույց անել իր անսահման բարձր աստիճանը մեծամեծներից: Նա ատում էր Դենշապուհին իբրև մի մարդու, որ եկել էր Հազկերտի կամքն առաջ տանելու այնտեղ, ուր ինքը Վասակը պետք է աներ՝ իբրև մարզ-

պան: Նա ուզում էր անպետք դարձնել Դենշապուհի դերը, խլել նրա գործը և չգիշել իր առաջնութունը երկրի մեջ և արքայի առաջ: Վանքի և շենի կողոպուտի մասին ոչ մի ակնարկ չարեց, որ նույնպես խոցեց Դենշապուհին:

Պակաս չէր ատում Վասակին և Դենշապուհը՝ հենց միևնույն մրցման պատճառով: Նա ևս ջանում էր նվաստացնել Վասակի իշխանութունը: Բայց Վասակը, իբրև ավելի ճարտար և կամային մարզպան պաշտոնյա, նրան միշտ շեղոքացնում էր:

Վասակը սակայն մի փոքր հետո ժպտաց, կամենալով ցույց տալ, որ այս խնդիրը ևս սպառվեց: Միայն հարմար կերպով փակելու համար զրույցը՝ ուրախ եղանակով ավելացրեց.

— Կամա՛ց-կամա՛ց կանենք. մի փոքր դժվար է... — ավարտեց խոսքը՝ խայթիչ հայացքը գամելով Դենշապուհի աչքերի մեջ:

Եվ ծափ տվեց: Սենեկապետը ներս եկավ անմիջապես: Վասակը դեմքի շարժումով հասկացրեց, որ հյուրերին աղանդեր հրամայեց: Սենեկապետն անհետացավ վարագույրի հետև: Ու մինչ սպասավորները սկուտեղներով վրա ներս էին բերում պանածո մրգերի տեսակները, ինչպես և ամիճ որսի երեններից, հետը ընտիր ու հնամյա գինիներ՝ Վասակը սկսեց ուրախ զրույցի կերպարանք տալ տեսակցությանը:

— Արդյոք ձմեռս որսի ելա՞վ արքայից արքան, — հարցրեց նա խոսրովին:

Խոսրովը պատմեց մի որսի մասին Տիգրիսի ափին, ուր շամբերի մեջ վարազը գրեթե հասել էր արքային և այն է պետք է կրնճիթով հարվածեր՝ թիկնապահն իրեն գցել էր վարազի և արքայի միջև և ինքն էր ընդունել հարվածը, մինչև մյուսանկողն սպանել էին գազանին:

— Մեծ բարեբախտություն, — ասաց Վասակը, — իսկ թիկնապա՞հը:

— Մեռավ. ողջ փորոտիքը դուրս էր թափվել:

Դենշապուհը սակայն հեքիաթներով կերակրվողներից չէր: Նա ևս ընդունելով ուրախ կերպարանք՝ սկսեց հետախուզական որս Արտաշատի դրության մասին:

— Ինչպե՞ս է նախարարների առողջութունը, հաշտ համերա՞շխ են, — հարցրեց նա կեղծ-անփութ ռ հանգիստ:

— Արքայից արքայի ողջութիւնն են բարեմաղթում,— վերագարձրեց նենգ հարցմունքին հարմար ձևով Վասակը: Եվ ավելացրեց,— նախարարների հաշտն ու համերաշխը կարևոր է արքայից արքայի ծառայութեան մեջ. մնացածը իրենց անձնական գործն է: Հանկարծ սենեկապետը հազիվ թաքցնելով հուզմունքը՝ ներս եկավ և զեկուցեց:

— Սուրհանդակ: Վեհմիհր հազարապետը և Որմիզդ մոգպետը ժամանել են Արտաշատ և գալիս են:

— Ընդառաջել:

Սենեկապետը գնաց: Դենշապուհը լարվեց և սթափվեց գինովութունից: Նրան դուր չէկավ այս հատուկ պատիվներով ընդունելութունը մի մարդու, որի հազարապետ կարգվելը եղել էր իր ջանքերով, բայց որը ոտնձգութիւններ էր անում Դենշապուհից բարձրանալ: Սակայն միաժամ նա աչքերը գցեց հատակին՝ սպասելով մի սուր տեսարանի:

Բակում լավեց հազի որոտ, և ջահերի լույսերը դողալով ցայտեցին օթեանը:

Ներս մտավ Վեհմիհր հազարապետը՝ Վահան Ամատունու հաջորդը Դենշապուհի խարդավանքների հետևանքով: Դա հսկամարմին և գեր մի մարդ էր, խոշոր կապույտ աչքերով, որոնց բիբերը լողում էին ճարպի մեջ՝ ինչպես պատրույզները մոմակալի փոսում: Նրա ասվե նուրբ պատմուճանը բուռն շնչառութիւնից բարձրանում իջնում էր լայն կրծքի վրա: Նա առանց խոնարհութեան առաջ եկավ և կանգնեց սենյակի մեջտեղ: Նրա հետ մտնողը՝ Որմիզդ մոգպետը, որ կարգված էր Հայաստանի հոգևոր բարձր ատյանների տեղ դատաժող Հայաստանի, մի մոլեռանդ և դեղնադեմ դառն ծերուկ, նույնպես անվայել ներս մտավ: Դենշապուհը խոր նայեց Վեհմիհրին: Ըստ երևութիւն ինչ-որ գրոհ էր պատրաստվել Վասակի դեմ, և Վեհմիհրը նշանի էր սպասում: Սպասում էր նաև մոգպետը:

Վասակը շրավիրեց Վեհմիհրին և Որմիզդին նստելու: Նրանք մնացին ոտի վրա:

Դենշապուհը աննկատելի նշան արեց Վեհմիհրին: Սա սկսեց.

— Ես գիտեի, որ բանը կհասնի այստեղ... Հիմա թող հայտնի լինի քեզ, որ սուրհանդակ եկավ արքայից:

— Գալուստը բարի,— ասաց Վասակը արտաքրտառ անվրդով,— և ի՞նչ լուր է բերել:

— Բերեւ է արքայի զայրույթը: Իսկ դու հեքիաթներ ես պատմում: Հանուն արքայի պահանջում եմ, այսօր իսկ պատասխանը գրել, որ ուղարկենք:

— Գիտե՞ս... մեկ էլ տեսար պատասխանը գրել տվի ա՛յս իսկ պահիս, — սպառնալի ասաց Վասակը շեշտ ու խոր նայելով փնչացնող Վեհմիհրին, — զգո՛ւյշ... Բայց բովանդակութեանը ձեռնաթափ եմ:

— Ինչո՞ւ, — խեթ նայեց Վեհմիհրը:

— Ինչո՞ւ, — հեգեելով կրկնեց Վասակը, — որովհետև եթե իմ պատասխանն ես ուզում՝ ես կրակապաշտ եմ իմ արքայի հենց թանեք լոկ հրամանով: Բայց ես չեմ կարող իմ ազգը մի ժամի մեջ կրակապաշտ դարձնել:

— Ճնշի՛ր, պատժի՛ր, ստիպի՛ր:

— Գետը ճնշում է, պատժում, ստիպում, բայց ժայռը կանգնած է իր տեղը և նրան չի լսում: — Դու եկ նստի՛ր պատշաճութեամբ՝ միասին խորհենք, թե ինչպես համոզենք մերոնց ընդունել կրակապաշտութունը:

— Մենք մտադիր չենք կրկին ենթարկվել արքայի բարկութեան: Այսօ՛ր իսկ գրել տուր պատասխանը:

Մոգպետը, որ սրտի դառն մաղձից թոնթորում էր և կզակը շարժում՝ կուլ տալով դառնաղի թուրքը՝ չոր ձայնով խոսեց.

— Հոգևոր ատյանները շարունակում են ծածուկ գործել. իսկ ինչո՞ւ համար է արքայից արքան ինձ ուղարկել այստեղ. ե՛րբ է չքանալու այս ձեր հոգևորների անիծյալ սերունդը. չէ՞ որ արքայից արքան ատելով ատում է դրանց և սպասում է մոգերն ուղարկելու ժամին:

— Մեր հոգևորականները մի սրով չեն վերջանա, տեր մոգպետ: Նրանց մորթելն իսկ մի քանի ամսվա գործ է: Կուզե՞ս սկսեմ, և այդպես էլ տեղեկացրու արքայիդ, — և հեգևորեն շեշտեց՝ «արքայիդ»:

Վեհմիհրը շփոթվեց, Գենշապուհը հայացքը գցեց հատակին, զզալով, որ Վեհմիհրը ունայն հարված տվեց:

Վասակը ծափ տվեց. ներս եկավ սենեկապետը:

— Սուրհանդակ ուղարկիր նախարարներին և հրավիրիր այստեղ. թող հայտնի իմ կողմից, որ շատ է շտապ:

Տիրեց լարված լուսթյուն, որի ընթացքում բոլորն զգացին ինչ-որ մի անհարմարութիւն, դեպքերի ինչ-որ կրքոտ և բռնադատ առաջարժում, որի հետևանքները բարի չեն: Դենշապուհն զգաց, որ այսպիսի ստիպամբ հրովարտակի պատասխանը կզրվի ով գիտե ինչ բովանդակութամբ, որի պատասխանատուն դառնում է ինքուր: Եթե արքան ատյան կադմի վերջը՝ պիտի բացվի այս հանգամանքը: Նույնը, թեև պակաս շարժով, զգաց նաև Վեհմիհր հազարապետը, բայց որպես գործիք Դենշապուհի՝ հույս ուներ դուրս մնալու պատասխանատուութիւնից:

Իսկ Վասակը, որ վերջին օրերը ելքի մասին էր խորհում և չէր գտնում, կարծես թե սրանով գտավ, այն է, որ իրեն «ճնշեցին», «շտապեցրին» արքայի պաշտոնյաները, և ինքն «ստիպվեց»: Արդեն բարի բան չէր սպասում այդ պատասխանից: Բայց նա վճռեց գործի այս կերպարանքն ընդունելուց օգտվել և մի ճարպիկ շարժումով ելք գտնել, դուրս գալ ջրի երեսը, տապալելով Դենշապուհին:

Լուսթյունը երկար տևեց, որովհետև ներկաներից ամեն մեկը իր մտահոգութիւն անարկան գտավ և նրանով էր զբաղված: Վեհմիհրին ի միջի այլոց խոցեց այն բանը, որ Վասակը սենեկապետին պատվիրեց ասելով՝ կանչել «Հաղարապետին»: Չէ՞ որ Վահան Ամատունին պարտից Դոան առջև պաշտոնանկ էր և իրավունք չուներ Հազարապետ լինելու, անգամ կոչվելու: «Ոչ, այս երկրում ոչինչ չի փոխվել, ամեն բան անունով է»,— մտածեց Վեհմիհրը: Նույնն զգում էր նաև մոզպետը, որը գանգատվեց, որ հոգեւոր ատյանները ծածուկ գործում են: Հայերի դիմադրութիւն մասին մտած՝ նաև Դենշապուհը, որ Հազարապետի հրամանով եկել էր Հայաստան աշխարհագիր անելու, որպես թե հարկերը թեթևացնելու և պարսից զորքը կրճատելու, բայց որի իսկական գործը պիտի լիներ հայերի միաբանութիւնը և կապերը քանդել: Նա անտանելի հարկեր էր դրել վանքերի և եկեղեցիների վրա, ճնշում էր ժողովրդին ծանր հարկերով, որպեսզի մոգութիւն կրոնը դառնա միակ ելքը ազատվելու անտանելի վիճակից: Սակայն ի՞նչ... Դենշապուհը ամենուրեք հանդիպել էր համառ դիմադրութիւն: Եվ հաս այժմ այս մարզպանը, որ պիտի օգնի պարսից տերութիւն միջոցառումներին՝ սա ևս դիմադրում է: «Ոչ, վատ է, վատ. ոչինչ չի արված դեռ,— դառնութիւնը ասաց մտքում Դենշապուհը,— իմ ձեռքով պաշտոնազուրկ:

տրած հազարապետը կրկին հազարապետ է, իմ բերած մոգպետը ոչ մի ազդեցութիւն չունի»: Դենշապուհը մտածում էր իր պաշտօնի մասին, որ վտանգված էր տեսնում:

Պատուհաններից ներս լույսերի խուրձեր ընկան և սկսեցին թրթռալ: Լսվեց դարբասի ճռինչը: Արագ ներս մտան Վարդանը, Վահան Ամատունին և ապա մյուս նախարարները: Երբ նախարարները եկան առաջ և կանգնեցին դահլիճի մեջտեղը՝ Վասակը վեր կացավ և ողջունեց նրանց: Նախարարները խոնարհաբար պատասխանեցին նրան, որից հետո նա նստեց իր հատուկ բարձին և հրավիրեց նախարարներին նստել բարձերի վրա:

Մարզպանը սեամորթ, նիհար ձեռը հանեց գոտուց, շողացրեց սուկյա մատանին և խորազնին նայեց նախարարներին.

— Ես պատշաճ համարեցի հրավիրել ձեզ պալատ արքայի պաշտոնյաների ներկայութեամբ, — ասաց մարզպանը հանդարտ ձայնով, — որի համար հատուկ ներողութիւն եմ խնդրում նախարարներից: Եվ ապա հարկ եմ համարում խնդրել նախարարներին պատրաստվելու, որ մոտակա օրերս գումարվի նախարարական ժողով՝ կազմելու հարկուպատշաճ պատասխանը արքայական հրովարտակին:

Մանր լուծթյուն տիրեց: Բոլորը սպասում էին Վասակին, որ խոսի:

— Արքայից արքայի պաշտոնյաները պահանջ են դնում այս առավոտ գրել հավատքի հրովարտակի պատասխանը: Արքայից արքան խստագույն շտապեցնում է՝ որպես հայտնեցին այս պատվարժան անձինք:

Վարդանը նայեց բոլոր ներկաներին և ասաց.

— Եթե որեւէ ոք կամենում է իմանալ, թե ես ինքս, անձամբ ինչ պատասխան ունեմ տալու հավատքի հրովարտակին, ես կարող եմ բացեիբաց հայտնել, հույս ունեմ, որ մեծամեծներդ իմը չէ, որ շահագրգռում է: Դուք կամենում եք մեր ազգի պատասխանը: Դա կիմանաք, երբ կլսեք ազգի բերանից նրա կամքը:

Վասակը ասաց.

— Սակայն համաձայնվիր, Սպարապետ, որ մենք արքայից արքային պետք է հարկուպատշաճ և խաղաղամիտ պատասխան տանք:

Մյուս նախարարները քար լռություն էին պահում: Թվում էր՝ որ կամ նրանք զգուշանում էին խոսել, կամ լռելյայն պայմանաւ՝ վորվեցին խոսքը տալ երկու նախարարներին:

Վահան Ամատունին հարմար տեսավ միջամտելու:

— Հարկուպատշաճ պատասխանը կտրվի անշուշտ: Առաջինը մեզ դիմել է ոչ արքան, այլ արյաց Հազարապետը: Ինչ էլ որ լինի՝ մենք արքային շնք վիրավորի: Իսկ Հազարապետին կտանք այնքա՛նչ որ նա իրոք էլ պահանջում է մեզանից — կարծիք հայտնել երկու կրոնների մասին և ընտրել, որը կամենում ենք:

— Իսկ դուք ո՞ր կրոնն եք ընտրում, — հարցրեց Որմիզդ մոգապետը:

— Տեր մոգպետ, մենք ընտրել ենք արդեն, և շատ վաղուց՝ Շապուհը վկա էր...

— Իսկ այժմ դուք ո՞րն եք ընտրում:

— Արյաց համար զրադաշտը, մեզ համար քրիստոնեությունը՝ Կարո՞ղ է լինել այլ բան...

Դենշապուհը վեր թռավ.

— Դա պատամբությունն է... դուք արյո՞ւն եք փնտրում:

Վարդանը հանգիստ արհամարհանքով կողքանց նայեց Դենշապուհին և ասաց.

— Մենք արյունահեղություն չենք փնտրում, այլ փախչում ենք նրանից: Բայց եթե արյունահեղությունը շատ կվազի մեր հետևից՝ մենք ետ կըրջվենք...

Հետո դարձավ Վասակին.

— Ներողամիտ եղիր, տեր մարզպան, ես չեմ կամենում այստեղ զրախոսություն զբաղվել: Մեր գործը արյաց Հազարապետի հետ է, մենք կգործենք նրա հետ:

— Դու ճիշտ նկատեցիր, — ասաց Վասակը, — մենք գործ ունենք արյաց Հազարապետի հետ:

— Ոչ մի բարի բան չսպասենք ուրեմն, — բարկացած գոչեց Դենշապուհը, — այստեղ ես տեսնում եմ...

Վասակը ձեռքով արեց, որ Դենշապուհը շարունակի.

— Դո՛ւ կամեցար այդպէս. ի՞նձ մնում է ջանալ, որ այդպե՛ս չլինի:

Դենշապուհը ձեռքով նշան արեց մյուսներին, որ վեր կենան:

— Գնանք:

— Ինչ որ կարող եմ՝ ես կտնեմ արքայի համար: Իսկ անկարելին անկարելի է, — ձայնը բարձրացրեց Վասակը:

Դենշապուհը սառը ողջունեց և ուղղվեց դեպի դուրս: Նրան ճետեցին մյուսները:

Սենեկապետը պատշաճավոր խոնարհությամբ ձանապարհ դրեց նրանց մինչև դարբասը, որից հետո երկու ջահակիրներ առաջ ընկան, ու րնկերակցեն նրանց Արտաշատի փողոցներով մինչև նրանց օթևանը:

Մի բանի խլրտոց, Վեհմիհրի որոտալից հազը, և ամեն ինչ մարզպանի տան շուրջը ընկղմվեց խավարի մեջ:

Մանր և հուզումնալից լուսթյուն տիրեց նախարարներին: Վարդանի կտրուկ պատասխանները ոչ Վասակի իրեն և ոչ էլ նախարարներից ոմանց սրտովն էր: Վասակը միայն մի խաղ արեց՝ Դենշապուհին մի փոքր զսպելու: Սակայն նա չէր կամենա, որ Վարդանը խոռովության գլուխ կանգնեք: Եվ սպասեց, որ նրան սանձահատելը սկսեն նախարարները և ոչ թե ինքը:

Դա շուշացավ: Ռշտունյաց նախարարը խզեց անհարմար լուսթյունը համարձակ և անսպասելի պարզությամբ:

— Տյա՛րբ, պարզ է ամենքիս համար, որ արքայից արքային պատասխան պիտի տրվի: Սակայն հրովարտակն ուղղված է հոգևորականության: Մի՞թե նախարարությունը պիտի տա պատասխանը հոգևորականության փոխարեն:

— Հրովարտակն ուղարկված է հոգևորականության և նախարարության: Հոգևորականությունը և նախարարությունը պիտի տան պատասխանը, — ասաց Վարդանը:

— Տեր Մամիկոնեից, նախարարությունը կարող է յխառնվել այս վեճին:

— Եվ ինչո՞ւ... — վրդովված մոմոաց Վահան Ամատունին:

— Խնդիրը կրոնական է, Հազարապետ, նախարարությունը գործ չունի այստեղ:

— Խնդիրը կրոնական չէ միայն, այլ նախարարական իշխանության, գոյության, ազատության, և առանց նախարարության կարծիքի էլ ոչ մի պատասխան չի կարող առաքվել արքային, — ավելի հաստատուն եղանակով ասաց Վարդանը:

Վասակը ձեռքով արեց, որ լսեն իրեն:

— Ես խորհում եմ այլապես: Ուղիղ է Սպարապետը: Նախարարութեան կարծիքը նս պիտի լինի, բայց խնդրի է՝ թե ո՞վ խոսի արքայի հետ: Հրովարտական ուղղված է «հայոց մեծաց», այսինքն՝ մեզ, նախարարներին: Բայց հայոց մեծաց ուղղվել է մի թուղթ, որի իմաստը կրոնական է: Սպասենք ու խորհենք, տյարք, թե արդյոք արքայի հետ նախարարութիւնը խոսի, թե՞ հոգևորականութիւնը: Վարդանը վրդովվեց:

— Այդ ձեռ գիտենալիքն է, տեր մարզպան և տյարք իշխանք: Բայց նախարարութեան վճռական խոսքը պիտի լինի թղթի մեջ, քանի որ հոգևորականութեան պատասխանի համար նախարարութիւնը ևս պատասխանատու է հնարավոր արյունահեղութեան...

Վասակն զգաց; որ Վարդանը տիրել է սկսում նախարարների մտքին: Ուստի և շտապեց փակել խոսակցութիւնը:

— Կխորհենք այդ ամենը, կխոսենք տերունական ժողովում: Մինչև այդ տեղերը չենք հասցնի...

— Ո՞վ գիտե, թերևս հասցնենք, տեր մարզպան,— ասաց Վարդանը և վեր կացավ հրաժեշտի:

Մյուսները հետևեցին նրան, բացի Գաղիշոյից, Գյուտից և Ոշտունյաց Արտակից:

Վարդանը և մյուսները խոնարհ հրաժեշտ տվին և դուրս եկան պալատից:

Նախարարները սպասեցին, որ Վասակը խոսի:

Ստեղծվեց մի դրութիւն, որ առաջին իսկ խոսողը դառնալու էր պատասխանատու ձեռներեցը կամ պատճառը ինչ-որ դավադրութեան: Երկար տեղ լուրջութիւնը, այնքան երկար, որ արդեն հասկանալի դարձավ նախարարների միտքը: Եվ այդ զգալով էլ Գաղիշոն նայեց Վասակին և հառաչեց.

— Այսպես ահա, տեր մարզպան, վատ տեղ մթնեց մեր գործը:

— Վաղը մեզանից որոշ պատասխան են պահանջելու,— ասաց Վասակը,— դրութիւնը տագնապալի է: Վեճ ու խռովքն այստեղ մեր մեջ դյուրին բան է: Գժտվենք՝ կհաշտվենք: Բայց արյաց արքայի հետ վեճի բռնվելը տաժանք է և մահու վտանգ: Արքան երկդիմի պատասխանը մեզ չի ների: Պետք է որոշ ու վերջնական պատասխան:

— Կտանք որոշ ու վերջնական պատասխան,— ասաց Գաղիշոն:

— Բայց ի՞նչ պատասխան... — հետաքրքրվեց Վասակը:

Սյունները ևս լարվեցին:

— Նախարարները տատանման մեջ են, — ասաց Գաղիշոն, — բայց մարդ են... եթե կա թուլութիւն տեղի տալու մեջ՝ կա և թուլութիւն հարելու: Նրանք կհետեւեն Սպարապետին:

— Համոզված ես, — հուզված հարցրեց Վասակը:

— Դե, ապրել ենք, տեսել ենք:

Վասակը սկսեց մտածել, թե ինչպես հիմքը դնի երկպառակութիւն և ինքը մեջտեղը չհրեւա: Սկսվում էր մի շատ կարևոր գործ: Համախոհների դաս: Երեք նախարարներ փաստորեն անցան Վասակի կողմը: Պետք էր ամրապնդվել: Ուստի և Վասակը խոսեց այն բոլոր դաժան հետեւանքների մասին, որոնց կհասնի Հայաստանը, եթե դիմադարձ կանգնի արյաց արքային:

— Հեռի ինձանից, տյարբ, որ ես ձեռս դնեմ ձեր խղճի վրա... Բայց իմացեք, կանգնած ենք կործանման առաջ: Քար քարի վրա չի մնա երկրում: Կավերվեն քաղաքներն ու ավանները, կոչնչանա մեր բոլորիս իշխանութիւնը. լա՛վ կշռեցեք:

— Ի՞նչ է քո խորհուրդը, — հարցրեց Գյուտը:

— Համոզեցե՛ք Սպարապետին, — ասաց Վասակը, — դիմեցե՛ք նախարարներին, թող համոզեն նրան: Եթե նա տեսնի, որ ամենքդ խաղաղութիւն եք կողմնակից՝ ստիպված կհամոզվի:

— Լավ միտք տվիր, — ասաց Գյուտը:

— Դուք այդտեղից էլ սկսեցեք: Դիմեցեք նախարարներին, թող միանան ձեզ հետ և խնդրեն Սպարապետին զիջելու: Եվ շուտ, բանի չի լուսացել:

— Այն ժամանակ մենք գնանք, — ասաց Գյուտը:

Գաղիշոն աննկատելի քմծիծաղով վեր կացավ: Վեր կացան և մյուսները:

— Խնդրելով, հորդորելով, համոզելով, — ասաց Վասակը: — Կաղտնիք չէ, որ բոլորս էլ քրիստոնյա ենք և կմնանք երևի քրիստոնյա: Այստեղ արքայից արքային մի բանով մեզ հաճոյակատար ցույց տալն է: Հետո ժամանակ կանցնի, ամեն բան կրկին իր տեղը կառնի: Հարկավոր չէ գրգռմունքներ առաջ բերել: Տե՛ր Խորխոռունյա՛ց:

— Լավ է, տեր մարզպան, բայց վախենում եմ, որ մոլեգնեն և վիժեցնեն ամեն բան:

— Ոչ, ոչ, տեր Խորինուունյաց, մի՛ հուսահատվիր: Գնա շանք գիր:

— Կանեմ ինչ կարող եմ, տեր մարզպան: Բայց հիմարություններ կան, որ պիտի կատարվեն, որ վերջանան: Խելքը շատ անգամ հիմարությունից հետո է:

— Ձգձգենք, թող շատ խորհեն, ողջամիտ լինեն: Ձգձգենք... պետք է այնպիսի պատասխան տանք, որ արքայի բորբոքած կրակը մի փոքր հանդարտեցվի, որ... ժամանակ անցնի: Ժամանակը որ անցնի, շատ բան կանցնի:

— Մենք կմնանք մեր տանը՝ ինչ-որ ենք, — բավականին պարզ խոսեց Գաղիշոն, — ո՞վ է մեր տունը՞ մտնում: Կամ մտնեն՞ ո՞վ է մեր սիրտը մտնում: Գլուխներս պահենք, իշխանությունը, սա է գլխավորը:

Վասակին շատ դուր եկավ Գաղիշոն: Նրա մեջ Վասակը տեսավ իր գլխավոր գործակցին:

Նախարարները հրածեշտ տվին Վասակին շատ ուշ, կես-գիշերից անց:

— Ձգձգենք՝ թող խորհեն, — մոմոաց Վասակը մտազբաղ: Հետո ավելացրեց շարժպիտ:

— Ոչ: Ձգձգենք՝ թող քայքայվեն:

Վասակը վեր կացավ գահուլքից, թափ տվեց իրեն և սկսեց անցուղարձ անել: Հետո գնաց կանգ առավ նեղ պատուհանի առաջ ու սկսեց դիտել պարտեզն ու երկինքը: Բնությունն անկարեկից ու օտար՝ իր գործի հետ էր: Ո՛չ բյուրավոր աստղերի կկոցումներով մեջ, ո՛չ զարթոնքի ցողով կենդանացած նորարողքոջ ծառերի ուտերում, ո՛չ մոռյլ, բայց հուսալից գարնանային հողի բուրմունքներում նա չէր գտնում մի խորհրդատու միտք, մի օգնական խոսք, թե ի՞նչ անի և ինչպես առնի առաջը իր կարծիքով «մեծ աղետի», որին նա ուրիշ կողմից էր նայելով տեսնում և ուրիշ միջոցներով էր կամենում դիմագրավել: Նա մի բան սկսում էր արդեն պարզ նկատել, որ իր մարզպանական պաշտոնը այլևս «ձրի» և «խաղաղ» վարել չի կարող: Նա զգաց, որ նրա մասին բամբասում և շարախոսում են Գենշապուհը, Խոսրովը, Որմիզդն ու Վեհմիհրը: Նրանք մեկին տասն ավելացնելով այնքան կրանսարկեն Հազկերտի մոտ իրեն, որ կտապալեն: Հայ նախարարները թերևս ավելի թշնամաւան, երբ տեսնեն, որ նա դեմ է անհնազանդության: Նա առաջուց

էլ զգում էր, որ նախարարների մեծամասնութիւնը ներհակ է իրեն: Ոմանք նախանձից նրա բարձր պաշտոնի համար, ոմանք մեծ պարսկասիրութիւն տեսնելով նրա մեջ, ոմանք էլ անորոշ, անձնական թելադրութիւնք:



Նոր էր լուսացել, որ Մոկաց Արտակ նախարարին կարծես մեկը դրդեց խոր քնի մեջ: Նախարարը զարթնեց:

Աչքերը բաց անելով՝ պահ մի շկարողացավ հիշել, թե որտեղ է: Սենյակի մթին առաստաղն ու ստվերալի անկյունները նրան նայեցին անծանոթ, բայց հյուրընկալ հայացքներով: Ապա ուշաբերվեց, որ Արտաշատումն է և անկողնում շրջվելով՝ խոր շունչ քաշեց: Առաջին ախորժ զգացումը հողի բուրմունքն էր, գարնան մտերիմ, հարազատ շունչը, որը շթողեց, որ նա զգար օտարութեան մեջ: Այդ բուրմունքը քաղցր ձմեռեց նրա սիրտը, և նա աչքերը կրկին փակելով, երազել սկսեց: Եվ իսկույն նրա երևակայութեան մեջ երերաց մի սիրելի կերպար, որին թողել էր նա հեռո՛ւ, հեռո՛ւ լեռների ու ձորերի հետև: Եվ ահա փակ աչքերի թափշ խավարի մեջ այն էակն սկսեց մերթ դուրս լողալ՝ նկատվել, ժպտալ, կարողացավ քաշել իրեն, մերթ աղոտանալ՝ սուզվել անէութեան անդունդը: Զգացմունքը հորդեց երիտասարդ իշխանի սրտում: Նա հառաչեց, ուզում էր թռչել անկողնից, դուրս գալ այգի, նայել ծառերին, դաշտերին, լեռներին, ապրել: Քաղցրացավ առավոտը, հողը, Արտաշատը, հայրենիքը, կյանքը: Բերկրանքից նախարարի աչքերը տամկեցին, և նա դեմքը սեղմեց մետաքսե բարձին՝ ամոթխածելով ինքն իրենից: Եվ ի՞նչ շուտ, ի՞նչ հանկարծ այդ անծանոթ էակը դառավ այդքան մտերիմ և հոգածութեան առարկա, այնքան հարազատ, որ Արտակը զժվարանում էր ապրել նրանից հեռու: Որքա՛ն փոքր ժամանակ նա վայելեց նրա ներկայութեանը, ի՞նչ սակավ եղավ նրանց զրույցը: Հենց նոր գտան իրար, երջանկութիւնը կոկոն տվեց, որ ահա բաժանվեցին մի ահավոր գործի համար: Պատերա՛զմ է վառվելու... Բռնակալը ճիրանները մեկնել է դեպի այս երկիրը, դեպի այս գարունը, հողի բուրմունքը, դեպի Անահիտը — ի՞նչ Անահիտը — դեպի այս ժողովուրդը, որ ահա վարթնել՝ իր լծկան տնտեսներն է իադաղ քշում անդաստան հերկելու, բերքը սուպահովելու, կյանք ստեղծելու: Ամե՛ն, ամեն ինչ կանգնում է այդ վտանգի տուալ:

Արտակն անհանգիստ մտքերից հանկարծ նստեց անկողնի մեջ: Եվ բավական էր նրա մի թույլ խլրտոցը, որ դռան հետև լըսվեր սպասավորի հազը: Նա իմաց էր տալիս, որ պատրաստ է ծառայութեան: Արտակը ծափ տվեց: Սպասավորը մտավ ներս և բերեց ջրի կոնքը, օձառ, սրբիչներ: Արտակը լվացվեց, հագավ ճանապարհի փոշուց մաքրած զգեստները: Եվ վեր կացավ, որ իսկույն գնա այլ: Ի՞ սպասավորը ներս շտապելով զեկուցեց.

— Ատոմ Գնունյաց նախարարը ուղղվում է այս կողմ...

Արտակը նայեց պատուհանից, բայց Ատոմը արդեն դռան հետևն էր:

Արտակ նախարարը մտերմական ձայնով հրավիրեց.

— Մտի՛ր օթեան, իշխա՛ն:

Եվ այն է, ուզում էր ընդառաջ ելնել՝ վարագույրը ճեղքվեց, և նրա մեջ գծագրվեց երիտասարդ նախարարը վայելչագեղ հասակով: Նա համեստ ու բնական հպարտ կեցվածքով պահ մի կանգնեց մնաց մուտքի մեջ և ջերմագին ժպտաց:

— Ողջո՛ւյն, լո՛ւյս բարի, — ասաց նա մեղմաձայն:

— Ողջո՛ւյն արևիդ, զալդ բարի՛, իշխա՛ն, առաջացի՛ր և հրամայի՛ր:

— Վաղ ես վեր կացել, — ասաց Ատոմը հեզ նկատողութեամբ:

— Դո՛ւ ևս, — պատասխանեց նույն եղանակով Արտակը:

Ատոմը շորս կողմը նայեց և ասաց.

— Կցանկանա՞ս իջնենք այգի:

— Սիրահոժար, իշխա՛ն, — ասաց Արտակը:

Նրանք իջան այգի:

Այգում ծառերը բողբոջել էին. նրանց կարծես կավեղեն ոստերը լցվել էին գարնան աննկատելի հյութերով: Գետնի երեսը ծածկրվել էր նորածիլ մատղաշ արոտով:

— Ինչո՞ւ ես տխուր, — հարցրեց Ատոմը Արտակին:

— Տխո՞ւր, ոչ, իշխանիկ, — պատասխանեց Արտակը, — սիրտս է մտածո՞ւմ, — ժպտաց նա հանելուկային հայացք նետելով դեպի հեռուն:

— Ի՞նչ ես կարծո՞ւմ, ի՞նչ դուրս կգա այս աղմուկից, — հարցրեց Ատոմը:

— Պատերազմ, — արդեն սթափված խոսեց Արտակը:

— Ես էլ եմ այդպես կարծում: Բայց քեռին դեմ է առել ինչ-որ:

«Քեռին»՝ Վարդան Մամիկոնյանն էր:

— Ճշմարիտ ես խոսում,— ասաց Արտակը,— բայց միևնույն է՝ կգնանք դեմ կառնենք պատերազմի առաջ, չենք խուսափի:

— Չենք խուսափի:

Նրանք լսեցին մի պահ: Ատոմը սկսեց մի ձեռքով սրի գլուխը պատյանից քաշել — քշել դուրսունենրս և մտածկոտ նայել գետնին:

— Քեռին մեծ պատերազմից է երկյուղ կրում,— խոսեց Արտակը՝ խելացի աչքերը լցնելով ծանրակշիռ մտքերով,— մեծ պատերազմ, որ պահանջում է բոլոր նախարարների միաբանութունը: Իսկ միաբանութուն չի լինելու:

— Չի լինելու,— կրկնեց Ատոմը,— և շարժե ուրեմն ծանրանալ դրա վրա: Պատերազմը գալիս է՝ հարկավոր է ընդունել:

— Ես էլ եմ այդպես կարծում,— աշխուժացավ Արտակը:

— Գիտե՞ս ինչ, ե՛կ մենք մեր պատրաստութունը տեսնենք: Ե՛կ մեր զորագնդերը հատուկ շարժման մեջ դնենք այժմյանից:

— Ես համաձայն եմ:

— Մենք կբաշենք մեր կողմը մեզ համակիր նախարարներին և երբ օրը կգա՝ պատրաստ դուրս կգանք արյաց դեմ:

Արտակն ուրախացավ, և կրկին միտքը գնաց հեռուները: Մի առանձին սուր կարոտ զգաց դեպի Անահիտը, որին նա գտել էր մեծ գործի սկզբին: «Որքա՛ն, որքա՛ն ուրախ կլինի նա՝ ինձ տեսնելով զորագնդի գլուխ անցած պատերազմ գնալիս»,— մտածեց նա և մի տեսակ հաճույք զգաց պատերազմից:

Ատոմը նստեց քարե նստարանին և սկսեց սրի պատյանով հոգի վրա գծեր քաշել:

— Տե՛ս,— ասաց նա,— ես կարծում եմ հարձակումը կլինի Մասյաց ստորոտով դեպի Արաքսի կամուրջը:

— Ինչո՞ւ ես այդպես կարծում,— սրվեց հանկարծ Արտակը: Նրան իսկույն կլանեց ռազմական արվեստի հաճույքը:

— Ուրիշ ճանապարհ չունի նա. (նա՛ պարսիկները. այդպես էին սիրում խոսել ռազմիկները, որ բազմաթիվ մարտերում եղած էին): Նա պիտի մտնի երկրի սիրտը և որքան կարող է՝ պիտի շտապի: Ուրեմն և պիտի ընտրի ամենակարճ գիծը:

— Կարող է և Ջարեհավանով գալ՝ Սպարապետի հարվածը կոտրելու համար իր ձախ թևում:

— Չախ թևո՞ւմ... ինչո՞ւ...

— Չախ թևում, եթե Սպարապետը հարվածը հասցնի նրա՛ Արտազն անցնելու պահին, և թիկունքում՝ եթե նա արդեն մտած լինի Այրարատյան դաշտ:

Ատոմի գեղեցիկ դեմքին մտածկոտ կնճիռներ երևացին: Նա լռեց մի պահ և ապա կարծես ինքն իրեն՝ ասաց.

— Հավան եմ. հնարավոր է: Միայն խնդիր է, թե որտե՞ղ կլինի և յո՞ղ ժամին Սպարապետը:

Այս նոր միտքը հրահրեց Արտակին:

— Սպարապետը պետք է լինի Բագրևանդի հովտում:

— Ինչո՞ւ ոչ Այրարատում, — առարկեց Ատոմը:

— Բագրևանդը այն վայրն է, որ կիսում է երկիրը: Չպետք է թույլ տալ, որ նա մտնի այնտեղ և ոտը դնի մեր մեջքին: Դա մեր աքիլլեսյան կրունկն է, սիրելի Ատոմ:

— Այդ դեպքում նրան պետք չէ ժամանակ տալ, որ մտնի երկիր, պետք է հարվածել Դռան մոտ, — վեր կացավ տեղից Ատոմը: — Այո, ճշմարիտ ես, Արտակ, շատ ճշմարիտ ես... Խելացի միտք էր:

Ատոմն անհանգստացավ: Արտակի միտքը նրան համոզեց, և հենց դա էլ պատճառ դարձավ նրա հանկարծակի անհանգստության:

— Արտակ, պետք է օ՛ր առաջ զորքը շարժել սահմանը, օ՛ր առաջ կասեցնել թշնամու հարվածը... Իսկ մենք այստեղ խստո՞ւմ ենք: Ախ, շատ է դանդաղ Սպարապետը:

Ատոմը լռեց: Նա արագ անցուղարձ սկսեց նստարանի շուրջը, հետո կանգնեց, երկու ափերը կանթեց իր բարակիրան գոտկատեղին, նայեց հեռուն:

— Ո՛չ, ո՛չ, Արտակ, սպասելու օրեր չեն, ե՛կ մենք մեր զորագնդերը շարժման մեջ դնենք, քաշենք նախարարներին մեր կողմը: Այն ժամանակ «բեռին» կշարժվի: Տե՛ս, Արտակ, հետո ուշ կլինի, շարաշա՛ր ուշ:

— Կովելը պիտի կովենք, — ասաց Ատոմը, — դու ասա ի՞նչ կովի կփաթաթեն մեր վզին, «առյուծի», թե՞ «մոծակի»:

Արտակը խորամանկորեն վեր նայեց իր դեմ կանգնած Ատոմին՝

— Ի՛նչ է, Տիգրան Մե՛ծ ենք մենք, և ոչ թե մի բուռ նախարարնե՞ր: Թե՞ մեր դաշտերն են Միջագետքի, և ոչ լեռնաբավիղները. — ասաց Արտակը:

— Բանը միայն տեղանքը չի.— դաշտայի՞ն, թե լեռնային,—
խորհելով բացատրեց Ատոմը,— ջուշանները դաշտավայրերում են
կուլում, բայց «մոծակի» կոիվն է նրանցը: Եվ նրանք սակավա-
թիվ էլ չեն, քան պարսիկները:

— Ապա ի՞նչն է «առյուծի» կովի գլխավոր իմաստը,— հարց-
րեց Արտակը ավելի լարվելով:

— Մանրագեն դաշտային գորքը, ասպազենքը, ֆալանգը, և
թհարկե հետո արդեն թիվը, տեղանքը և հազար ու մի բաներ,— ըշ-
ուսապ վերջացրեց Ատոմը:

— Հը՛մ:

— Իսկ այդպիսի գորք չունենք,— հառաչելով ասաց Ատոմը,—
դա մեծ տիրույթյան բան է...

— Ճիշտ է,— տխրեց Արտակը:

Ատոմն սկսեց արագ քայլել: Հետո կանգ առավ:

Եվ սակայն պարսիկները մեզ կկանգնեցնեն ծանրագեն, դաշ-
տային կովի առա՛ջ...

Մառուղիով դեպի նախարարներն էր գալիս արքունական տան
ալևոր սենեկապետը: Նա իր հասակին անհարմար արագ շարժում-
ներով շտապում էր: Մոտեցավ և հեալով ասաց.

— Մարզպանը կարգադրել է ժողովվել արքունական տուն:
Նախարարները հավաքված են:

— Տաճա՛ր պիտի գնանք,— հարցրեց Արտակը:

— Տեղյակ չեմ, տեր իմ, չասաց,— պատասխանեց սենեկա-
պետը:



Կեո-գիշերն անց էր, որ Արշարունյաց Արշավիր նախարարը,
Մաղխազ Վրիվ նախարարը, Շմավոն Անձևացյաց նախարարը,
Առավան Վանանդյա նախարարը, Վարազշապուհ Պալունյաց նա-
խարարը, լույս նկատելով ներշապուհ Արծրունու կիսախավար սեն-
յակում՝ գնացին նրա մոտ:

— Բարի՛ է,— շարաճճի ժպիտով հարցրեց ներշապուհը, վայր-
գնելով մագաղաթե մատյանը, որ կարդում էր:

— Բարին մեզանից է, շարը՝ չգիտեմ,— ասաց Արշարունյաց
նախարարը ծիծաղելով:

Ներշապուհն աչքերը տրորեց և մատյանը մի կողմ թողեց։
Ըստ երևույթին նա շատ էր ձանձրանում և կարողում էր ոչ ընթերցելու համար, այլ կարճելու գիշերը։

Նա հասկացավ, որ նախարարները գործով են եկել։ Սպասեց, որ խոսեն։

Սկսեց Արշարունյաց նախարարը։

— Տե՛ր Արծրունյաց, մենք խոսեցինք իրար մեջ և տարակուսանքի ենք մատնված։ Ո՛վ պիտի առաջնորդի մեզ այս աղետավոր գործի մեջ։ Մեր մեծագույն տանուտերերը՝ Սյունյաց նախարարն է և դու։ Առաջնորդեցե՛ք՝ կամ նա՛, կամ դո՛ւ։

Ներշապուհը չէր սպասում այսպիսի վճռական խոսք. նա աչքերը խոժոռեց և մտածել սկսեց։

— Նախարարները տարակուսանքի մեջ են, թե ո՛վ պիտի վերցնի այս բեռը, մե՛նք, թե հոգևոր դասը, — շարունակեց Արշավիրը։

— Մենք և հոգևոր դասը, — պատասխանեց ներշապուհը ըսթափված, — ուրացության պահանջը դրված է համայն ազգի առջև։

— Դե առավել և՛ս մեզ առաջնորդ է պետք։

— Մենք զուր ենք սպասում։ Մարզպանը ոչինչ չի անի, Հազկերտը չի վիջի, հոգևոր դասը անձնատուր չի լինի։

— Գուցե ուրիշ կը գտնվի, — ասաց Վանանդյա Առավանը ոչ խելացի ժպիտը դեմքին և նայեց Մաղխազ Վրիվին և Պալունյաց Վարազշապուհին։

— Ուրիշ ելքը գուցե որոնի և մարզպանը, բայց ես ոչ մի ուրիշ ելք չգիտեմ, — խոսեց ներշապուհը։

— Կավ, — ասաց Արշավիր Արշարունի նախարարը, — հիմա մեզ պետք է, որ նախարարական տներին մեկը ղեկավարի մեզ։

— Ես չեմ կարող։ Իմ բնավորությունը հարմար չէ։ Տվե՛ք ղեկը Սպարապետին։ Նա ռազմագետ է և գիտակ մարդ։

Նախարարները լռեցին։ Ներշապուհը ձեռք դրեց սրտին։

— Մե՛կ մարդ ունենք, որ այս գործը գլուխ պիտի հանի. դա Սպարապետն է։ Տյա՛րք, ես մեծ խելքի տեր չեմ. բայց իմ փոքրիկ խելքով այդ եմ վճռում. տվե՛ք ղեկը Սպարապետին։

— Իսկ մարզպա՞նը... — բանասերկու կերպով հարցրեց Վարազշապուհը։

— Ի՞նչ մարզպանը, — խեթեց ներշապուհը։

— Չի՞ կարող մարզպանը ղեկավարել:
— Հարցրեք իրե՛ն. ես չգիտեմ, — խուսափեց ներշնչապուճը:
— Չե՞ս վստահում նրան, — համառեց Վարազշապուհը:
— Ես չգիտեմ, — բարկացավ ներշնչապուճը, — իսկ ում շեմ ճանաչում՝ շեմ կամենում ո՛չ վստահել և ո՛չ էլ կասկածել:
— Իսկ Սպարապետին ճանաչո՞ւմ ես, — ավելի համառեց Վարազշապուհը:

Նախարարները վերավորվեցին:

— Տե՛ր Պալունյաց... — հանդիմանական շեշտով դարձավ նրան Արշավիր Արշարունին:

— Ես հարց եմ տալիս՝ պատասխանեցե՛ք իմ հարցին, — բորբոքվեց Վարազշապուհը, — ինչո՞վ է արժանի մեր վստահության Սպարապետը, — ե՛րբ այսպիսի աղետ պատահեց, ե՛րբ դիմադիր կանգնեց նա:

— Դու խելացի խոսք ես ասում, տեր Պալունյաց, — ասաց ներշնչապուհը մի հանդարտ համբեր եղանակով, որ նրա տաքարյուն քնավորությունից շէր, — մարդը փորձվում է գործի մեջ: Այսպիսի գործում շեն փորձվել ո՛չ Սպարապետը և ո՛չ էլ մարզպանը: Բայց մարդկային է... հոգին մարդուն վկայում է մի բան: Հարց ես տալիս քեզ՝ ինչո՞ւ, որտեղի՞ց այդ հավատը... եկ իմացիք: Ես ընտրում եմ Սպարապետին, և խիղճս հանգիստ է: Ընտրեցեք դո՛ւք ում կկամենաք:

— Ո՛չ, Սպարապետն է, պա՛րզ է, — ասաց մտորմոնքով Արշավիր Արշարունին, — մանավանդ որ՝ դու շես կամենում հանձն անել:

— Ես մի հասարակ մարտիկ եմ, տյա՛րք, — իմս մարտն է. ես գլուխ չունեմ բանակցությունների:

Տիրեց լռություն, որի մեջ զգացվում էր մի ինչ-որ թեթևություն: Միայն Վարազշապուհն էր, որ մոռյվեց ափելի: Նա աչքի տակով նայեց իշխաններին և զգաց, որ ավելի խոսելը վտանգավոր էր: Նա շէր համակրում Վարդանին: Նրա թեկնածուն Վասակն էլ շէր սակայն:

— Չեք սխալվի, — վճռական շեշտեց ներշնչապուհը՝ շարունակելով իր մտքերը բարձրաձայն:

— Թեթևացա, տեր իմ, — հառաչեց Արշավիր Արշարունին, — խոստովանանք լինի՝ տարակուսանքներից վհատություն էր գալիս

վրաս: Աչ մի արհամարհ սարսափելի շէ, երբ կովում ես: Իսկ եթե
տեր էլ ունես գլխիդ... Օրհնվի ծնունդդ, տեր իմ, ուրախացրիր ինձ:

Արշավիր Արշարունին կենդանացավ, շարժվեց: Նա զգալով
նեցուկ՝ սկսեց վստահ նայել այն արհամարհի վրա, որ շունենալով
իր նախընթացը՝ շփոթեցրել էր իշխաններին:

— Գնա՛նք, տյարք, — դարձավ նա մյուսներին:

Ներշապուհը, որ շարունակ անցուդարձ էր անում սենյակի մեջ՝
կանգ առավ և շեշտելով իր յուրաքանչյուր խոսքը՝ ասաց.

— Այդպես, տյարք. ես իմ մեղավոր հոգով ահա ձեր առջև
դնում եմ այս վճիռը. սխալ եմ՝ թող աստված տեսնի իմ դատը —
ուղիղ եմ՝ նա լինի ողորմած, դեկը տվեք Սպարապետին: Եվ աստ-
ված մեզ օգնական:

— Աստված մեզ օգնական, — կրկնեցին նախարարները ներ-
շընչված:

Եվ դուրս ելան սենյակից:



Քաղաքի պարսպի տակ ներսի կողմից մի այգի էր ձգված:
Բարձր հողե պատը բավական ծածկում էր նրա բարդինների բները և
ցածրահասակ ծառերը: Նեղլիկ մի փայտե դուռ, մշտափակ ու խուլ՝
պահում էր հետաքրքրվող աչքերից այդ այգու նեքքին կյանքը: Կա-
պույտ ծուխը, որ բարձրանում էր այգու խորքից՝ նշան էր, որ այն-
տեղ տուն կա, բնակիչներ են ապրում:

Այգու դուռն հետև մանր քրքիչ լսվեց, որին միացավ մի ու-
րիշ ձայն: Երկուսն էլ աղջիկների կրծքից էր: Դուռն ճեղքից դուրս
նայեց մի ածուխի սև աչք: Մնաց մի պահ և ապա կրկին քրքիչ լըս-
վեց:

— Ո՛ւր է, ո՛ւր է, — հարցրեց մյուս ձայնը:

— Տես, Լուսերեսնց տան մոտ:

— Վա՛յ, Գժխո՛, Արծվի՛ն է:

— Հայրիկը գինով է, — ծիծաղեց առաջինը:

Նեղլիկ փողոցով, ուր հավեցն էին և ճնճողակները հանդես բաց
աբել, օբորվելով և Արծվի թևն ընկած դեպի այգին էր գնում մի
սևամորուս, արծվադեմ գեղեցիկ մարդ: Նա բավականին հասակա-

վոր էր և զգեստին ու ձեռներին նայելով ցած արհեստների մարդ էր։
Նա մի փոքր զլորվում էր, բայց Արծվին ուժեղ բազկով շափավորում էր նրա շարժումները և առաջ մղում։ Նա կանգնեց, շրջվեց գեպի Արծվին։

— Չէ, դու իմացիր, Արծվի, մե՛ծ օր է այսօր, — ցուցամատը ցցեց օդի մեջ։

— Մե՛ծ օր է, — համաձայնեց Արծվին՝ շտկելով նրան դեպի այգին և մղելով առաջ։

— Չէ՛, մե՛ծ օր է, — համառեց գինովը և կրկին կանգնեց՝ Արծվիին շրջելով իր գեղեցիկ դեմքը։

— Գնանք, հայրիկ, — ժպտալով կրկին շտկեց նրան Արծվին։ Բայց գինովը մեխվել էր և շէր ուզում տեղից շարժվել։

— Արշակ թագավորի օրերն են, — գոչեց գինովը, — մե՛ծ օր է ք այս օրը։ Չի՛ մեռել ժողովուրդը... ժողովուրդը կա՛... մե՛ծ օր է։

Արծվին այս անգամ ավելի ուժեղ մղեց գինովին։ Սա, որ համառում էր՝ հիմա սկսեց արագ-արագ շտապել այգու կողմը՝ ինքը քարշ տալով Արծվիին։ Երբ մոտեցան այգու դռան՝ դուռը հանկարծ բացվեց, և նրանց առջև նկարվեցին երկու շքնաղ դեմքեր։ Դրանք գեռատի աղջիկներ էին, ըստ երևույթին քույրեր, որոնցից մեկը սուր դաշույն հոնքերի տակին ժպտացող աչքերով նայեց նախ՝ Արծվիին և ապա՝ գինովին, և ընդառաջ գնալով՝ թևը գցեց սրա թևին։

— Հայրիկ, տխուր ես, — ասաց նա, ծուլելով և նայելով գինովի աչքերի մեջ։

— Մե՛ծ օր է այսօր, — գոչեց գինովը և օրորվելով՝ իրեն գցեց դռան մեջ, դիպավ երկու պատերին, մի ահագին կոշտ հող պոկեց և բնկավ ներս, այգին։

Այգու խորքից, ուր մի քանի աչքանոց տնակ կար՝ դուրս եկավ կարճահասակ, լիք և ոսկեգույն մազերով մի կին։ Նա նայեց մըտնողներին և իսկույն ծիծաղեց։ Ապա զվարճանալով առաջ եկավ դեպի գինովը։

— Հա՛, գործդ լավ շինվել է, — մոտենալով ընդհուպ գինովին և աչքերի մեջ նայելով՝ ծիծաղեց կինը։

— Աշխա լավ է, զո՞րի բան է, — ձեռք թափ տալով կնոջ վրա գոչեց գինովն ու կանգնեց։ — Արծվիին հյուր եմ բերել. մե՛ծ կարաւոր բաց։

— Տասը կարաս կբանամ,— ասաց կինը,— մենակ դու ուրախութիւնն ցույց տուր:

Գինովին բաշեցին դեպի տնակը:

— Նժույզները բերել է արբունական ախոռ, չի թողնում ծառաներս մտ գնան: Ինքն է սրբում, նայում, վա՛յ, վա՛յ, վա՛յ,— մատը թափ տվեց Արծվիի վրա գինովը:— Մա՛րդ, երեսուն տարվա ախոռապետ եմ՝ նժույզ չեմ տեսել: Սպարապետի նժույզներն ա՛վ է խնամել. որտե՛ղ էիր:

Արծվին ծիծաղկոտ դիտում էր հասակավոր ախոռապետին և չէր խոսում: Նրան զվարճացնում էր գինովը:

— Վարա՛ծ եղբայր, նստի՛ր, հանգստացի՛ր,— ասաց նա ախոռապետին:

— Նստե՛մ: Ես նստում եմ մենակ ու մենակ նժույզի վրա Ուրիշ տեղ չեմ նստում:

— Կերակուրն է՛լ նժույզի վրա ես ուտում, այ մարդ,— զվարճանալով հարցրեց ախոռապետի կինը:

— Նժույզի վրա պիտի գնամ թաղվելու:

Աղջիկները ծիծաղեցին և ուրախ նայեցին Արծվիին, որի գալը նրանց աշխուժացրել էր:

— Հիմի հացը որտե՛ղ գցենք, նե՛րսը, թե նժույզի վրա,— կատակով հարցրեց ախոռապետի կինը:

— Բերեք ախոռից բոլոր նժույզները՝ նրանց վրա գցեք,— ասաց Վարա՛ծը և գնաց նստեց դռան կողքին ամրացրած սանդիկ:

Վարա՛ծի կինը և նրա երկու աղջիկներն ըստ երևույթին սովոր էին նման բաների: Թթենու տակ խսկույն օթոցներ գցեցին և սրփոտցը փոնցին վրաները, բերին բարձեր: Վարա՛ծն ու Արծվին նըստեցին:

— Մագթա՛ղ,— գուչեց Վարա՛ծը ձեռքը խփելով բարձին:

— Ասա, մարդս,— աչքով արեց Արծվիին Վարա՛ծի կինը:

— Գինի՛ն է լավ, թե՛ նժույզը:

— Երկուսն էլ:

— Հա՛, իմացա՛ իմ կնիկն ես: Դե, գինին հանի՛ր: Նժույզներն էլ պատրա՛ստ են ախոռում:

Վարա՛ծը դարձավ Արծվիին և բռունցքով հարվածեց նրա կրծքին:

— Նժույգք չի՝ վստահում ինձ. ինքն է մտիկ տալիս: էհե՛, ևս նժույգի վրա եմ ծնվել. դու ո՛ւմ շես տալիս նժույգը:

Հետո դարձավ իր աղջիկներից կրտսերին.

— Դժխո՛ւ, գուսաններին կանչիր: Հեթանոս-քրիստոնիոսներին է՛լ:

Դժխոն զվարթացավ.

— Կանչե՛մ, հիմա՛, հիմա՛:

Եվ արագացրեց սեղանի սարքումը: Պիրկ օձագալար մարմինը շլացուցիչ ձևեր էր ընդունում նրա ամեն մի շարժումից: Կրակի պես բոցկլտում էր նա, ծիծաղում, ժպտում, վազում, գնում գալիս: Նրա սևագիշեր աչքերի մեջ պսպղում էր այն շողքը, որ հատուկ է միայն երիտասարդ հոգիներին: Նրա ամեն մի վայրկյանը նոր ու անկրկնելի պատկեր էր կայտառ կյանքի, ուրախության և գեղեցկության: Խիտ ու գալարուն խոպոպները ցնցվում էին նրա գլխին, սլացիկ ուսերին և ձկուն մեջքին:

— Լո՛ւյս, հի՛ն գավերը բեր,— կարգադրեց Վարաժը մյուս աղջկան, որը մորն էր քաշել իր ոսկեգույն մագերով ու լիքը, մի փոքր կարճահասակ մարմնով: Նա ավելի արագաշարժ, քան կարելի էր կարծել նրա գեր մարմնից՝ ծիծաղելով ու հաճախ դիպչելով քրոջը՝ օգնում էր սեղանը զգեցնում:

Մի փոքր հեռու, ծառերի արանքում Մագթաղը խարույկ վառեց: Չոր արքայները կշկրտացին, և զվարթ կրակն սկսեց պարել պայծառ օդի մեջ:

Որտեղից որ էր՝ հայտնվեց մի սաստիկ գեր մարդ, որի աչքերը դուրս էին ընկած, կարծես խեղդվելիս լինելու: Նա մշմշալով եկավ ընկերացավ Մագթաղին և կոանալով կրակի վրա՝ սկսեց փչել, արծարծել: Հետո թևերը քշտեց և պահժու միսն սկսեց անցկացնել փայտե շամփուրները:

— Վայ գետի՛նը չմտնես, Մարտիրո՛ս, գետի՛նը,— կանչեց նրա կողմը Վարաժը,— ինչո՞ւ ուշացար:

— Մուխը նոր տեսա,— սաստիկ բամբ ձայնով պատասխանեց Մարտիրոսը և խիստ կենտրոնացած և անհասկանալի մըրթմըրթոցով, որ նման էր խանգարված փուքսի պոռթկումների՝ սկսեց շարած խորովածացուն գարձմրցել ձեռքի վրա՝ սպասելով կրակի իշնելուն:

— Մի ժամ էլ որ անցնենք՝ միսը կթուզկանար, — հագիվ հասկանալի մրթմրթաց նա Մագթաղին, գիտակի եղանակով: — Աստված շանի՛ գուսաններն ուշանան:

— Ինչո՞ւ, ի՞նչ կա որ, — հարցրեց Մագթաղը:

— Առաջի խավը որ թշտաց՝ պետք է ձեռաց հինգ տարվա գինի կցել սրան: Մեկ համրանք ուշացար՝ էլ չկա՛ համը, կորա՛վ... Բե՛ր Արաքսի վարազը:

Եվ սկսեց ինչ-որ մասնագիտական խոհեր մրթմրթալ ինքն իրեն:

Մագթաղը զամբյուղից հանեց որսած վարազի միսը և տվեց Մարտիրոսին: Սա վերցրեց, հոտոտեց միսը և դեն դրեց թթված.

— Մեծամոր է, Արաքս չէ: Արա՛քսը բեր: Դե՛սը զամբյուղը:

Մագթաղը մոտեցրեց երկրորդ զամբյուղը: Մարտիրոսը տնտրեց միսը և մրթմրթաց.

— Արաքս է, մենակ՝ Խորվիրապ: Երկաթ շամփուր է պետք սրան:

Մեծ ինքնաբավականությամբ տոռազ մատներով մսերը շարեց երկաթ շամփուրին ու հենեց ծառի բնին:

— Մի ծուխ դիպչի թող:

Մագթաղն օգնում էր Մարտիրոսին, որպես վարպետի, որ հրաշագործում է: Նա իրենց հարևանն էր, որ միշտ այսպիսի դեպքերում ինքնակոշ գալիս էր և սկսում բռնակալի պես կարգադրել ճաշը կամ ընթրիքը:

— Որտե՞ղ էիր այսօր, — հարցրեց նրան Մագթաղը, քթի տակ ժպտալով:

— Տանը քնած էի, — խուպոտ պատասխանեց Մարտիրոսը

— Ինչո՞ւ, գիշերը շե՞ս քնել:

— Գիշերն էլ եմ քնել:

— Դեպքերն իմացա՞ր:

— Չէ, ի՞նչ դեպքեր:

Մագթաղը պատմեց: Մարտիրոսը լսում էր նրան, բայց ուշքը շամփուրների վրա էր և մեծ լարվածությամբ սպասում էր կրակի շեղջելուն, որի ինչ-որ աստիճանի մոտենալը նրան մեծ անհանգրստություն էր պատճառում:

— Ապա՞, — վերջացրեց Մագթաղը, — մեզ հավատից հանում են:

— Հավատից որ հանում են, լավ չէ,— մրթմրթաց Մարտիրոսը անտարբեր:— Արաքսը բեր:

— Քրիստոսի հավատը ո՞նց թողնեն:

— Ի՞նչ է, շե՞ն կարողանում,— ցրված խոսեց Մարտիրոսը և թեքերով սրբեց կրակի շերմությունից և լույսից շողշողացող դեմքի ու հաստ վզի ճարպը:

— Վա՛յ, մեղա, ինչպե՞ս կլինի,— վախեցավ Մազթաղը,— տերտերն ասում էր...— և գնաց դեպի մսերի զամբյուղը:

Այդ պահին Մարտիրոսը ճարպակալած աչքերը շոքեց կրակի շեղջի վրա և սարսափահար անհանգստացավ:

— Շո՛ւտ արա...

Մազթաղը «Մեծամորը» դրեց Մարտիրոսի առջև:

— Տերտերն ասում էր...

— Բե՛ր,— բղավեց Մարտիրոսը:

— Ի՞նչը բերեմ, ա՛յ մարդ:

— «Արաքսը» բեր, ասինք, անգլուխ կնիկ, քո տերտերն էլ...— գայրացավ Մարտիրոսը՝ փորի ճնշումից շունչը կտրած և գայրութից արյունը գլուխը տված:

Մազթաղը տվեց «Արաքսը»: Մարտիրոսը մեծ լարվածությամբ շամփուրները բռնեց կրակի շեղջի վրա ու սկսեց մշմշալ: Քրտինքը նրա կաս-կարմիր դեմքից և շլնքի կնճիռներով մանյակված վրձից սկսեց հոսել կրակի վրա: Բայց Մարտիրոսը մոլեգնած խորովում էր:

Իսկ այդ ժամանակ Վարաժն ու Արծվին սեղան նստած սպասում էին: Պատերից ձայներ լսվեցին: Երիտասարդներ, որ գիտենալով Վարաժի սովորությունները, եկել հավաքվել՝ սպասում էին որոշ պահի, երբ Վարաժը բոլորին կհրավիրեր ներս: Դա էլ իր հատուկ պահն ունեեր:

— Գուսաններն ի՞նչ եղան,— հարցրեց Վարաժը Դժխոյին:

— Եկել են, մառանն են,— ասաց Դժխոն շարաճճի նայելով

հորը:

— Թրջվո՞ւմ են:

Դժխոն քրքրաց:

— Թող թրջվեն,— ծիծաղեց Վարաժը.— գինի՛ն պիտի երգի, ո՛չ իրենք:

Նստեցին սեղան: Մառանից դուրս եկան գուսանները իրենց
երաժշտական գործիքներով: Նրանք երեք հոգի էին, որոնցից մեկը՝
վարպետը, կարճահասակ, պինդ, ինչպես կաղնու կոճղ: Կաս-կար-
միր դեմքին հրացայտ ու խոշոր սև աչքունքի հենց տակից, այտե-
րը ծածկելով ներքև էր վիժում և գոգնոցի պես ծածկում փորը սև
սաթի պես փայլող երկար մորուքը: Նրա կարճ, ուժեղ վիզը ծալ-
քեր էր տալիս ծոծրակի վրա: Նա հագել էր բրդե պարզ պարեգոտ,
մեջքը պնդացրել պարանով. իսկ թավամազ կուրծքը բաց էր ու
դուրս ցցված՝ խրոխտ արաղաղի կրծքի նման:

Երկրորդը նրա պես հագնված, շոր ու ցամաք երիտասարդ էր,
բարձրահասակ ու փեղեցիկ: Իսկ երրորդը նեղր հիշեցնող սև երի-
տասարդ էր:

— Այ բարով եկաք, ուրախ ժամու եկաք,— գոչեց Վարաժը
զվարթաձայն,— լավ հասցրիր, Գոռ Սիմավուն:

— Ամեն ժամն էլ ուրախ է,— ասաց վարպետը՝ Գոռնակ Սի-
մավունը, նստելով սեղան և նշան արեց ընկերներին:

Նրանք ևս նստեցին՝ բերանները թևքերով սրբելով: Գինին մի
փոքր պղտորել էր նրանց աչքերը:

Այգու պատերի մի ինչ-որ արանքից նոր մարդիկ թափանցե-
ցին ներս: Ըստ երևույթին դրանք՝ Վարաժի հարևանները, նրա
խնջույքների սպասված հյուրերն էին լինում միշտ: Նրանք ներս
եկան և հարգեղոր հերթով շարվեցին սեղանի շուրջը:

— Արև կենդանություն,— նոր բարևեցին նրանք:

— Արև պահպանություն,— ասաց Վարաժը:

Պատերի վրա տղաները աղմկում էին արդեն:

Վարաժը դարձավ նրանց.

— Խենթուկներ, նե՛րս անցեք:

Տղաները ձեռաց թռան պատից ներս և եկան շրջապատեցին
սեղանը: Մագթաղը ծիծաղելով և նրանցից ոմանց գլխներին բամ-
փելով նոր սփռոց ավելացրեց:

Սկսվեց կերուխումը: Վարաժը հրամայեց բոլորին լցնել գա-
վաթները:

— Վերցրե՛ք: Երկյուղածությամբ: Սպարապետի արևաշատու-
թյա՛ն:

— Արևը երկա՛ր,— բարձրաձայն բարեմաղթեցին մեծահա-
սակները, և բարձր գոչեցին երիտասարդներն ու խմեցին:

— Մարտիրո՛ս, հասցրո՛ւ, ժամը թռա՛վ, մա՛րդ աստծո,—
կանչեց Վարաժը: Բայց Մարտիրոսը դեռ չէր ավարտել իր ծեսերի
շարանը:

Նա զայրացավ և խռպոտ մրթմրթաց:

Մագթաղը, Դժխոն և Լույսը վազեցին նրա մոտ: Շտապեցրին.

— Բե՛ր, Մարտիրո՛ս:

Մարտիրոսը խեթ նայեց աղջիկներին, զայրացավ ու անհան-
գիստ շարժումներով սկսեց ինչ-որ լփոտել: Նա սաստիկ վիրավոր-
վեց, որ իր անբակտելի կարգերի վրա ձեռ բարձրացրին: Շրջեց
խորովածները, շար նայեց աղջիկներին, որ փռթկացրին, և ապա
միայն մեծ տրտունջով շամփուրները վերցրեց ու տուռը մատնեց
օդի մեջ շոշափեց, տվեց որ տանեն:

— Փորձանքը, որ գա՛ հանկարծ կգա,— մրթմրթաց Մարտի-
րոսը բարկացած և շամփուրներին նոր մսեր շարեց:

Գուսանները հանեցին նվազարանները մետաքսե տոպրակնե-
րից:

Վարպետ Գոռնակ Սիմավոնը մատնեցով փորձեց իր բամբի-
սը, ուղղեց լարերը և ապա նշան անելով իր ընկերներին՝ սկսեց:
Նրանք իրենց գործիքներով սկսեցին ուղեկցել նրան: Խուլ և բամբ
հնչյուններ էին արձակում գործիքները, ինչ-որ մոլտոցներ, ուղմա-
կան շեշտեր, որ ավելի կոհիվ էին հրավիրում, քան մեղկացնում:
Դրանք հզոր «թիվ» նվազներն էին առնական, հրամայական և ու-
րախ:

Վարաժի տրամադրութունը ավելի բարձրացավ:

— Այ հասցրե՛ք, տվե՛ք գլխին,— գոչեց նա,— ի մա՛րտ...

Վարաժը ոգևորվեց, վեր կացավ:

— Ապա՛, պար:

Գուսանները նվագեցին մի ուղմական պար: Տղաները կրակ-
ված վեր թռան և ուս-ուսի տված սկսեցին մեկը աջն ուղմական
պարերից, որ վերջանում է սրամարտով: Նրանք խումբ-խումբ գը-
նում գալիս էին իրար դեմ և բուռնցքները զարկելով իրար՝ մի
ակնթարթում ետ էին շրջվում և զարկում մյուս խմբին: Պարին
խառնվեցին Վարաժի աղջիկները, որ խրձերով սրեր բաժանեցին
տղաներին: Հարևան տներից հավաքվեցին ուրիշ աղջիկներ և խառ-
նըվելով պարին՝ սկսեցին մի այնպիսի փոթորիկ, որից գետինը
տնքալ սկսեց:

— Զարկե՛ք, — գոռում էր վարածը և ինքը օրինակ տալիս: Աղջիկները օձերի պես գալարվում էին տղաների շղթաների միջով և կախարդում պարը:

Մութն ընկել էր արդեն: Ընթրիքը շարունակվեց մարխերի լուսավորությամբ, որ այստեղ այնտեղ տնկեցին: Դժխոն ու Լույսը Տեսարանը դյուբիչ էր:

Դժխոն ու Լույսը խառնված մյուս աղջիկների փնջերին՝ մրրկում էին տղաների շարքերի արանքում, խլելով նրանց հրացայտ հայացքները: Բայց այդ խելահեղ մրրկի մեջ աղջիկները կարողանում էին որսալ մի գաղտնիք: Դա Դժխոյի արագաթուղջ հայացքներն էին, որ նա նետում էր Արծվի վրա, մինչ սա ուրախ ժպիտը շրթունքներին դիտում էր աղջիկների ու տղաների մրցումը՝ իրաբեւ տալու և ավելի աշխուժացնելու պարը: Դժխոն, որին ըստ երեւվույթին նոր շէր գրավել Արծվին՝ ուզղակի նետահարում էր միամիտ թիկնադահին: Լույսը, որ գիտեր այդ գաղտնիքը, թռավ Արծվի մոտ և ահանջին հարցրեց.

— Բերե՛լ ես խավարածիլը:

Արծվին գլխով դրական նշան արեց:

Լույսն անմիջապես մտնելով պար՝ մոտեցավ Դժխոյին: Որսալով հարմար վայրկյան՝ նրա ականջին կանչեց.

— Բերել է...

Դժխոն իսկույն դուրս եկավ պարից և արագ հեռացավ դեպի հնձանը: Նա ինչ-որ խորհրդավոր երկյուղ զգաց քրոջ այդ հաղորդումից, ալեկոծ կուրծքը բռնեց և կոացավ քարի վրա: Հանկարծ արցունքները, քաղցր արցունքները հորվեցին նրա շողշողուն աչքերից:

Լույսը, որ նկատել էր նրա հեռանալը, մի փոքր հետո մի վառված մարխ վերցրեց, գնաց նրա մոտ և տեսնելով նրա արտասովել՝ մեղմ բռնեց ուսը և կոանալով՝ նրա ականջին ասաց.

— Մի քիչ էլ համբերի, հենց որ գինովնա՝ կգողանամ նրա սեւրը: Մոցումն է խավարածիլը:

Դժխոն ավելի լցվեց և սկսեց հեկեկալ: Քույրը նստեց կողքին, բռնեց նրա խոպոպավոր գլուխը և սեղմեց իր բարախող, լիքջ կրծքին:

— Նա սեր շունի, սիրտ տեր չէ, — հեկեկաց Դժխոն:

— Կունենա, կունենա,— հանգստացրեց Լույսը,— Մարիամ պառվուկն ասաց՝ կրակին մի աքաղաղ զոհեցեք՝ սիրո տեր կլինի։ Դժխոն տխուր, բայց հուսալի նայեց քրոջը։

— Բեզ բան եմ ասում։ Այ, խավարածիլն էլ կգողանամ ծոցից, կդնես բարձի տակ՝ սերը կվառի սրտի մեջ։

Մինչ այստեղ, հնձանում, երկու քույրերը խոսում էին Արծվիի սերը գողանալու մասին՝ սեղանի շուրջը պարը հանդարտվել էր, և սեղանակիցները շարվել լսում էին Վարածին։

Գարնանային ցուրտ գիշերն արդեն զգալ էր տալիս իր շորշոփը՝ թև գինով բազմականները բավական տաք էին։

— Մառանը սարքեցեք,— կարգադրեց Վարածը,— սրտալի բաները մառանում են։

Դժխոն ու Լույսը, որ արդեն դուրս էին եկել և հիմա կրկին ուրախ լսում էին գուսաններին՝ վերցրին մարխը և վազեցին մառանը։ Ահագին կարասները կաղթ-կողթի՝ կարծես ծանր տնքում էին գինով լի։ Տղաները գնացին այնտեղ։ Արծվին բռնեց Վարածի թևից և բարձրացրեց, որ տանի ներս։ Վարածը հակառակեց և քաշեց Արծվիին դեպի ծառերի տակը։ Նա օրորվելով և ցուցամատը մխրճելով՝ գեղեցիկ այրվող մի մարխի կրակի մեջ, շրթունքները կպցնելով՝ սկսեց երեսը խաշակնքել։

— Սա ի՞նչ է անում,— մոտ վազելով սկսեց ծիծաղել Մագթաղը։

— Աստված է, էլի աստված է, լավ աստված է,— լիտեսց Վարածն ու շոքեց կրակի առաջ։

— Կրահ կես պաշտում, մա՛րդ աստծո,— հարցրեց Մագթաղը մի փոքր շփոթվելով, բայց և ծիծաղելով։

— Հա, տե՛ս, ի՛նչ սիրուն է, մի աղջիկ արժի...

— Սրա գլխում խելք կա՞,— դիմեց Մագթաղը Արծվիին և Մարտիրոսին, հարձակվելով կրակի վրա՝ ոտքով հանգցնելու։

— է՛, է՛, է՛, է՛, է՛,— բռնեց Մագթաղին Մարտիրոսը,— կրակը մի սպանի։

Ու դուրս ընկած աչքերով խնթեց Մագթաղին։

Մագթաղը բարկացած հարձակվեց Վարածի վրա.

— Տերտերը որ տեսներ...

— Առավոտը քո տերտերի մորուքը քաղեմ, իրիկվան՝ քուրմի,— մոմոաց Վարածը գլորվելով կրակի վրա։

— Վառվեցիր, ի՞նչ է անում,— բռնելով Վարաժի թևքերից՝ բարձրացրեց Մագթաղը,— գնա՛նք, գնա՛նք, փորձա՛նք մարդ,— ու բարշ տվեց, տարավ մառանը:

— Հո՛, հո՛, հո՛, հո՛, հո՛,— լիլիկալով լիքը տկի պես բամբաձայն ծիծաղեց Մարտիրոսը:

Դժխոյին զվարճացրեց այս տեսարանը: Նա լցրեց Մարտիրոսի գավը գինով:

— Եղբայր Մարտիրոս, հեթանոսի՞ հավատն է լավ, թե՞ քրիստոսի,— հարցրեց նա, շարաճճի աչքերը հառելով Մարտիրոսին:

— Հեթանոսի-քրիստոսի՞ գլուխս շի մտնում,— ասաց Մարտիրոսը և նոր խարույկ սարքեց:

Իոցը բարձրացավ, մի լեզու երկարեց դեպի Մարտիրոսի մոռուքը:

— Դեհը,— ճարպոտ, լայնշի թաթով հանգիստ քշեց նրան Մարտիրոսը:

Կրակը թեժանում էր: Դա ուրախացրեց Մարտիրոսին: Նա ըսկըսեց գլուխը տմբտմբացնել և բամբ ձայնով նղղալ:

«Վարդենի՛ ի՛ի՛, զարդենի՛ ի՛ի՛»... — Դժխո, մի ջուր բեր,— միջանկյալ ասաց և շարունակեց:

«Վարդենի՛ ի՛ի՛, վարդենի՛ ի՛ի՛»:

Դժխոն բերեց ջուրը, Մարտիրոսը դանդաղ վերցրեց գավաթը և շորս կողմ նայեց զվարթագին:

— Ախր ասո՛ւմ ես: Այգի պիտի գաս առավոտվա առաջին շընչին, արևը չծագած, որ սիրտդ բացվի: Մեկ էլ տեսար այն կողմից մի տեղ ծիտը ծտին ձայնեց, մի իմանաս ի՞նչ լուր տվեց, այս կողմից սոսին է հազար լեզու շարժում՝ իմանաս ի՞նչ է խոսում,— գավաթը մոտեցրեց շրթունքներին և այն է խմում էր՝ աչքերը մանրաժպիտ փայլեցրեց, մնաց:

— Ի՞նչ է, եղբայր Մարտիրոս,— հարցրեց Դժխոն:

— Ա՛յ, աղբյուր-եղբայրը... ի՞նչ մանրիկ է խոսում: Ականջ դի՛ր: Ամենա՛կյանքի բանը:

Արծվիին զվարճացնում էին Մարտիրոսի այս տարօրինակ փիլիսոփայությունները: Նա մշտաժպիտ աչքերով հետևում էր մասնագետ գիրուկին, որ թրջված մինչև ոսկորները, քրտինքի ճենճային կալակները գլորելով կրծքին, ծոծրակին՝ շողշողում էր կրակի դեմ և առաջ տանում իր ծիսական խոհարարությունը:

Մարտիրոսի ճարպալի մարմինը չէր կարողանում լռելյայն վայելել մարմնական առողջութունն ու սրտի զեղմունքը:

— Ախր խորովածը իր ժամն ունի, դամն ունի, համն ունի... Փասյանը առավտովա կրակի մարմանդն է սիրում: Այ տես, աստղը ծիկ է անում սարի կատարից — բարի ժամն է: Մասպատաններն էլ, որ շամփուրին են շարած, մեկ էլ տեսար՝ մեկը մեկի կողին՝ տի՛կ, — ու Մարտիրոսը ուտերը վեր ու վեր է անում պարի շափով, — բրդեց, սա էլ նրան՝ տի՛կ ու մեկը մյուսին: Ժամն է: Ականջդ մե- նակ միշտ խորովածին պիտի անես, պատառը բարակ խոտում է: Ա՛յ, ակա՛նջ դիր մեկը մյուսին ասում է. «Սա է, սա է, սա է»: Ասել է՝ սա է դամը, շկորցնես: Այսպես դամով խորովվում է: Ու՛ աստ- ված հեռու պահի, թե պիտի այրվի՝ շը՛ր՛ը՛րը՛՛ ասում է: Այսինքն թե՛ քաշի՛: Ձեռաց պիտի քաշես ու ձեռաց հրամցնես:

Արծվին գինով աչքերը խփեց, մի անուշ նիրհ եկավ վրան կրա- կի ջերմութունի՞ց, թե՛ գինուց: Նրան թվաց, թե ինքն ընկել է ծո- վը և լողալով գնում է: Հանգիստ է ծովը, ալիքները շշնջում են. «Կամա՛ց: Զգո՛ւյշ»: «Չէ, քնած է»: «Քնած չէ»: «Գտա»: «Դե փա- խիր»: Արծվին զգաց, որ կուրծքը հով մտավ: Ծա զարթնեց: Զգես- տի կապերը արձակել էին: Նա կապեց և նայեց Մարտիրոսին: Սա բնեւ էր պպզած ու խռմփացնում էր:

Արծվին շորս կողմ նայեց, նրան թվաց, որ կույսը փախավ իր մոտից: Այդին դատարկ էր: Մառանի նեղիկ պատուհանից աղոտ լույս էր ցայտել դուրս: Ներսը մեղմ աղմուկ էր և քաղցր նվագ: Հենց այն է, կամենում էր վեր կենալ և գնալ մառան՝ երա՞զ էր, թե՛ արթմնի՛ նկատեց դիմացը ծառի բնին հենված Դժխոյին, որ հե- տաքրքիր նայում էր իրեն: Արծվին ձայն չհանեց. Դժխոն ևս չշարժ- վեց: Նրա հայացքի մեջ երջանիկ մի շող կար, խառն անհանգիստ երկյուղի հետ: Նա ձեռքը սեղմել էր կրծքին, և երևում էր, որ ափի մեջ սեղմում էր մի առարկա, սեղմում անհազգ, ծարավի: Եվ որքան սեղմում էր այդ առարկան, այնքան ավելի լցվում էր այն զգացու- մով, որ վերացնում, տանում է մարդուն քաղցր երգի պես. և այդ- պես կրծքին այդ առարկան սեղմած՝ նա ձիգ էր անում հաղթել Արծվիին, տիրել նրան, զողանալ նրա զգացմունքը:

Սակայն Արծվին իր մշտաժպիտ ու միամիտ աչքերն ուղղել էր Դժխոյին: Արծվիի երջանիկ անգիտութունը և երիտասարդութու- նը տանջում և ավելի սիրելի էին դարձնում նրան: Ձեռը տարավ ծո-

ցը և շոշափեց: Խավարածիրը շկար... Մի՞թե թափել է մի տեղե
նայեց շորս կողմ:

Դժխոն շարաճճի ժպիտով դիտում էր նրա շփոթութունը:

— Ի՞նչ ես փնտրում,— հարցրեց մեղմ:

— Քան էի դրել ծոցս. Լույսն էր ուզել, որ բերեի տանից...—

խոսեց ինքն իրեն Արծվին:

— Հիմի խավարածիրը ո՞ւմ մոտ որ է՝ սիրտդ նրան էլ տվիր,—
ասաց Դժխոն և ծիծաղելով փախավ:

Արծվին չհասկանալով նայեց նրա հետևից և ապա վեր կացավ
գնաց մառանը:

Խրախճանողները հիմնավորապես խմում էին և գինով հա-
յացքները գուսաններին՝ լսում էին նրանց նվագն ու երգը.

«Շողար սենյակն Վահագնի,

Ի գառն ոսկեշող Ասողկա»:

Լուսանում էր: Գուսանները սկսեցին մի մեղմ եղանակ, որ լու-
սաբացի հետ էր կապված: Վարածը անհոգնելի և անդադար, սկսել
էր իր նժույգների մասին խոսել: Դա նշան էր, որ շուտով նա կանց-
նի մի այլ խենթության, որին սովոր էին երիտասարդները: Դա
ձիարշավն էր բաց դաշտում: Առանց հարցնելու նա իր ախոռի բո-
լոր նժույգները հանում էր դաշտ և երիտասարդներին. նստեցնելով
արշավել տալիս:

— Վարած բեռի, լուսանում է...— ասաց Տիգրանը, որին աշ-
քով էին արել մյուսները:

— Ինչ, նժույգ, նժույգ շկա, խենթուկ սատանաներ. դուք ի՞նչ
նժույգ բշոդ եք:

— Հա՛, հա՛, Վարա՛ժ եղբայր, ժամանակն է,— աղաչեց Տիգ-
րանը:

— Լուսացավ, Վարած բեռի,— վեր թռան ու շրջապատեցին
Վարածին երիտասարդները:

— Դե, քաշե՛ք նժույգները, մե՛ջն անիծած,— գոչեց Վարածն
ու ինքն էլ վեր թռավ ու դիմեց հարևաններին և երգիչներին,— վե՛ր
կացեք:

Հին ձիավարի, նժույգների գործում խենթացած ախոռապետի
կիրթը հանկարծ բռնկվեց: Նա դողաց այդ կրթից և թևերը բշտեց:

Սեղանակիցները, որ Վարաժի խելքի մարդիկ էին, վեր կացան
և գոտիները պնդացրած դուրս եկան փողոց:

Արծվին ազատվելով Վարաժից՝ ծլկեց ուրիշ կողմ:

Երիտասարդները իսկույն կորան՝ պատերից թռչելով դուրս:
Հասնելով արքունական ախոռը՝ խուժեցին պահակի նկուղը:

— Նժույզները բաց թողեք, Վարաժը հրամայեց, — ասացին
նրանք պահակին:

Պահակը, որ սովոր էր այդ խենթության, քնից նոր վեր կացած
մարդու հորանջով ժպտաց, գնաց դեպի ախոռի դուռը և ձեծեց: Դու-
ռը բացվեց, և այնտեղից դուրս եկավ մի մոռյլ ծերուկ:

— Հա, ի՞նչ է, — խեթեց երիտասարդներին ժանգոտ ձայնով:

— Վարաժ եղբայրը նժույզներն ուզում է, Մարկոս պապի, —
ասաց Տիգրանը՝ շարաճճի նայելով ծերուկին:

— Նժույզ տամ, տանեք թաղեք մորուտներո՞ւմ, — մերժեց
Մարկոսը:

— Վարաժ եղբայրը կարգադրեց, — պնդեցին երիտասարդ-
ները:

— Նժույզ չկա, — համառեց Մարկոսը:

Երիտասարդները կանգնեցին տարակուսած: Ի՞նչ անեն, ե՞տ
գնան, թե մնան՝ պնդեն:

— Սպասեք ինքը գա, — ասաց Տիգրանը ծիծաղաշարժ լրջու-
թյամբ և նստեց քարին:

Մյուսները ևս նստեցին:

— Զուր եք սպասում, — ասաց Մարկոսը, — նժույզ չկա:

— Տիգրանը, կեղծ համակերպությամբ աչքով արեց ընկերնե-
րին, որ լռեն:

— Ախր ո՞վ է իմացել նժույզները տան խենթուկներին՝ թե
ինչ է քշե՞ք, — փնթփնթաց Մարկոսը, — եղունգներովս եմ մեկ-մեկ
նժույզները մաքրել, փայլեցրել, որ գցեք ցեխե՞րը:

Երիտասարդները լուռ իրար նայեցին՝ հազիվ զսպելով ծի-
ծաղելը:

— Ապա «Փոթորիկին» մտիկ տվեք, ի՞նչ հրեղենն է. մարդ
կթողնի մեջքի՞ն: Նետի պես ծնկան արանքից դուրս կթռչի՞ կմնաք
ցեխում տփկած:

— Շատ է կատաղի, — հարցրեց Տիգրանը, կեղծ երկյուղա-
ծությամբ ու նայելով Մարկոսին:

— Կայծա՛կ,— հրամայական շեշտեց Մարկոսը:

— Տեսել եմ կայծակ, վախենալու բան է:

— Հենց ի՛սկը կայծակ:

— Ես չե՛մ կարող նստել,— հարցրեց կեղծ համեստ Տիգրանը:
Մարկոսը սուր նայեց երիտասարդին:

— Վերջին անգամը Մեծ մորուտի վրայով դո՞ւ էիր թոցնողը:

— Սա՛ էր, սա՛ էր,— միաբերան վրա բերին տղաները:—

Տիգրանն է, լավ ձիավար է:

— Հա՛... բեզ կտամ. դու սատանի ճուտ ես,— ասաց Մարկոսը,— իսկ ձեզ, ճանճ էլ չեմ տա, որ նստեք:

Տղաները ձայն չհանեցին, և լուսթյունը տիրեց նորից: Իսկ Մարկոսը, որ ըստ երևույթին լուսթյուն չէր սիրում՝ փնթփնթաց.

— Նժույզը մեծսրտանի է, նա էլ իր պատիվն ունի. նստել չի մացող մարդը անպատիվ է անում անասունին: Մի լավ մեծամեծ պարսիկ ձիավար կար: Մոտս եկավ նժույզ խնդրեց: Ասացի «Վարա՛ժ, տա՛մ», Վարաժն աչքով արեց, տվի «Փոթորիկը»: Նստեց, ու մենակ նստելը տեսանք. մին թոցրե՛ց, տարավ տվե՛ց քարեքար, մեծ կտորը ականջը թողեց: Սատկեց: է՛, ես նրան սրանից հետո նժո՛ւյզ կտամ:

Տղաները պետք է փոթկային, բայց Տիգրանը խիստ նայեց նրանց և դսպեց:

— է, ի՛նչ եք նստել,— հանկարծ զայրացավ Մարկոսը,— հիմի Վարաժը շուն կտրեց: Ինչո՞ւ չեք քաշում նժույզները:

— Հրամա՛ն է,— ասաց Տիգրանը վեր թռչելով:

— Հա՛, հա՛, ի՛նչ եք տփկել, դե՛:

Տղաները ուրախ ցատկեցին և վազեցին ախոռը: Ամեն մեկն ուներ իր նշան դրած նժույզը: Ախոռում սկսվեց մի աշխույժ իրարանցում: Նժույզները, որ հազիվ էին զսպվում, զգալով արշավը, կատաղեցին:

— Լակոտներ, — գոռալ սկսեց Մարկոսը նոր զայրույթով,— քարեքա՛ր կտաք, կփչացնե՛ք: Ձեր եկած ճամփա՛ն անիծեմ, սատանա՛ կտրեցիք՝ եկաք:— Հետո հանկարծ հարձակվեց տղաներից մեկի վրա.— տե՛ս, տե՛ս ինչ է անում սատկածը: Սա՛նձն է պցում: Թո՛ղ, սա առավոտ վաղ չի սիրում սանձ:

Տղաները սակայն էլ ուշադրություն չէին դարձնում ինքնասածի ծերուկի վրա, գիտենալով նրա բարի սիրտը:

— Խեղճ իմ անասուններ, խեղճ իմ անասուններ, — արտասովելով ու փսսոսանքով նայեց նժույգներին Մարկոսը և վազելով տղաներից մեկի վրա՝ ճիպոտով հարվածեց մեջքին, — ժուկդ վե՛ր պահիր, ամաչում է անասունը:

Տղան հնազանդվեց:

Վերջապես բոլորը նստեցին:

— Դե գնացե՛ք, ձեզ տեսնեմ, ինձ խայտառակ շանեք, շրնկներ՛ք: Թե որ նժույգի վրա մի՛ հատ քերծված տեսա՝ կսպանեմ, արևս վկա: — Հետո հանկարծ ոգևորվեց, ծիծաղեց, — դե, ապա՛քաջորդիներս: Կայծեն՛րդ կհանեմ, հա՛... Թո՛ղե՛ք:

Տղաները նեղլիկ փողոցներով սլացան դեպի քաղաքադուռ:

Պահակը փակում էր ախոռի դուռը: Մարկոսը կանգնած դեռ նայում էր հեռացող տղաների հետևից: Հետո փնթփնթաց, թուրք կուլ տվեց ու հանկարծ արագ թափով գնաց ախոռի մի այլ բաժին, մտավ ներս և դուրս բերելով մի ամենհի նժույգ՝ թռավ վրան ու բշեղով տղաների հետևից՝ ինքն իր վրա գոռաց:

— Ճիճրակեցու կոիվը մոռացա՛ր, գլո՛ւփդ թաղեմ, կայծակի՛ն էիր տալիս: Դե հիմի դիմացեք, որ գալիս եմ, — գոռաց տղաներին և նժույգը բռեց նրանց հետևից, խրվեց նրանց մեջ:

Քաղաքադուռնը Լուսերեսը չէր ուզում դուռը բանալ:

— Ի՛նչ է, ինչո՞ւ դեմ առաք, բռե՛ք, — բարկացավ Մարկոսը, — Ի՛նչ կա, Լուսերես:

— Կանուխ է, դուռը բանալու ժամը չէ:

— Կանո՛ւխս գիտեր: Բա՛ց արա: Վարա՛ծն է կարգադրել:

— Վարածը չէ՛ իր պապն էլ որ գա՛ շեմ բանա:

— Իմ առաջ բնց կանես:

— Քո էլ ապուպապի համար շեմ բանա:

Մարկոսը զայրացավ:

— Բա՛ց արա, թե չէ՛ նժույգովս դուռը կկոտրեմ:

Ու նժույգը բռեց դուռն վրա: Նժույգը ծառացավ, սկսեց սմբակներով հարվածել դուռնը: Լուսերեսը, որ կանգնել էր դուռն մոտ, քիչ մնաց ընկճեր տակը: Նա զայրացավ և սուրը քաշելով հարձակվեց Մարկոսի վրա:

— Նժույգի՛ն... — կատաղեց Մարկոսը, — նժույգի՛մ սուր ցույց տա՛ս: Մոռնատա՛կ տվեք սրամ, — գռչեց նա տղաներին և ինքը բռեց նժույգը Լուսերեսի վրա:

Պահակները նիզակներով դուրս լցվեցին:

Այդ ժամանակ փողոցի անկյունից երևացին Արտակն ու Ատոմը: Նրանք դուրս էին եկել վաղ զբոսանքի և ինչ-որ այլ մտադրությամբ:

— Նախարարնե՛րը, նախարարնե՛րը, — զգուշացրին տղաները:

— Թող լինեն նախարարները, — մոնչաց լուսերեսը, — սա իմ վրա նժո՛ւյգ քշի...

Արտակն արագացրեց քայլերը:

— Թողե՛ք, ե՛տ քաշվեցեք, — հրամայեց նա:

Կովոդները շլახեցին, այլ արյունն աչքները լցված իրար վրա էին հարձակվում հարմարը բերելու և հարվածելու:

Այդ ժամանակ Ատոմ Գնունին սլացիկ ու թափով խրվեց կովոդների մեջ և բռունցքով այնպես հարվածեց լուսերեսին, որ սա փոսկեց գետնին:

— Քաշվեցե՛ք, — հրամայեց նա հանդարտ ու հասարակ:

Կովոդները անասցին և ետ քաշվեցին:

— Ի՞նչ է պատահել, — հարցրեց Արտակը:

Մարկոսն առաջ եկավ:

— Նժույգները հանում էինք դաշտ՝ արգելեցին:

— Ինչո՞ւ էիք հանում:

— Առավոտվա հովին ազատություն ցույց տալու, վարածի հրամանով, — բացատրեց Մարկոսը վարպետի եզանակով:

— Շատ էլ լա՛վ եք անում, — ասաց Արտակը և հրամայեց, որ դուռը բաց անեն:

Լուսերեսը արյունած կզակը բռնելով՝ գլխով արեց պահակներին:

Դուռը բացվելն ու նժույգների դուրս թռչելը այնպես հաջորդեցին արագ, որ մի ակնթարթում հեծյալները կորան: Արտակն ու Ատոմը դուրս ելան դռնից և գնացին դեպի Արաքսի կամուրջը: Արաքսը կատաղել էր և դեղին աչքերն սպառնալիքով լի՝ նայում էր իր շուրջն ու սլանում: Այրարատյան դաշտավայրը շնչում էր նոր գարուն տեսած մատաղ բուսականության բուրմունքով: Արտակը շնչեց գարնան հովը, որ շշնջում էր, շոյում նրա դեմքը, և նայեց հեռու հորիզոնին: Խորին երկնքի նրբին կապուտակոթյան մեջ լողում էր մի լուսեղեն փոքրիկ ամպիկ: Լողում էր ու գնում սուզվում

հեռո՞ւ, ծխանման լեռներից էլ այն կողմը: Ո՞ր էր գնում ամպիկը այդպես հեռու, հեռու: Նա է՛լ է հեռո՞ւ, հեռո՞ւ, ծխի պես հորիզոնի անդունդներում սուզված լեռներում:

Ի՞նչ է անում նա, ի՞նչ է անցնում նրա մտքով այս պահիս, նա է՞լ է տրոփում, թրթռում, քաղցր այրվում թեժ կարոտից ու գորովանքից: Արտակն աչքերը փակեց և հենվելով կամուրջի պատին՝ լսելիքը տվեց Արաքսի մոմոտցներին: Գետն օրորում էր նրա սիրտը: Եվ մի վայրկյան հանկարծ նրա փակ տեսողութայան առաջ լողաց քարաբլրին կանգնած մի սլացիկ, նվիրական, սիրելի կերպարանք: Խոր ու գորովի աչքերը հռոց իրեն սիրո անհուն թախիծով և սուզվեց թավիշ մթութայան քնքուշ վարագույրի մեջ: Արտակը հառաչեց և աչքերը բացեց:

Ատոմը նայում էր քաղաքի պարիսպներին և ցույց տալով պարսից զորանոցն ասաց.

— Ահա, տե՛ս, որքան մոտիկ է կամուրջին:

— Շա՛տ է մոտիկ,— ասաց Արտակը՝ սթափված երազից:

— Զէ՛... այս ծայրից կբռնեն կամուրջի գլուխը, կփակեն մեր պիմադրութայան ուղին, և թշնամու եկած զորքն անարգել կանցնի կամուրջը:

Ատոմը մտածեց:

— Կայրենք զորանոցը,— ասաց վճռական:— Դա է ելքը: Քանի որ՝ եթե առաջարկենք զորքը տեղափոխել՝ պիտի կասկածեն: Իսկ այրելը «պատահմունք է»:

— Այդպես էլ կանենք: Քաղաքում էլ նրանց չենք տա տեղ. թող դաշտում բանակեն:

— Ավելի լավ է տանենք արևելյան կողմի գոմերը: Լավ խեղդանոց է: Դեպքի ժամին կպաշարենք ու կվերջացնենք ամբողջ զորագունդը:

— Այդ ավելի լավ,— եզրակացրեց Ատոմը,— այդպես կանենք: Այն ժամանակ իրավունք է ասելու, որ մեր կամուրջը մեբրն է:

— Անիծվի ազգի բախտը,— հառաչեց Արտակը,— մեր երկիրը մերը չէ: Ամեն տեղ կայագորնե՛ր, բերդապահնե՛ր, պաշտոնյանե՛ր, բռնակալնե՛ր:

Արտակը դառնությամբ նայեց Ատոմի աչքերին և տխուր շեշտով գլուխը թափ տվեց:

— Գիտե՞ս ինչ, իշխա՛ն,— ասաց նա խոր մտածելով և աչքե-
րը հառելով Արաքսին,— մենք՝ մենք չենք, դա է մեզ խեղճացրել:
Ատոմը հարցական նայեց Արտակին:

— Այո, մենք՝ մենք չենք: Մենք մեզ չենք ճանաչում: Չենք սի-
րում, չենք հարգում: Չունենք ազգի հպարտություն: Մենք արհա-
մարհում ենք մեզ, օտարն էլ մեզ է հետևում — նա էլ է արհամար-
հում: Մենք բծնում ենք օտարին, որ մեզ սիրի, բայց ավելի է
ատում նա, որովհետև բծնողներին ատում են: Վախենում ենք
արժանապատվություն ցույց տալ, վիրավորել օտարին: Այդպիսի
ստրկահոգի նախարարները մեծ շարիք են...

Արտակը շառագունեց հուզմունքից և դառնության զգացումից:
Ատոմը տարակուսած նայեց նրան: Ինչե՞ր է ասում: Մի՞թե իրենք
այդպես են: Ատոմն այդ շէր զգում: Ծնվելով լեռների գրկում, սըն-
վելով ուզմական գաստիարակի հոգեկան կյանքով, հեռու մայրա-
քաղաքի, մարզպանական ու այլ պաշտոնեական մթնոլորտից՝ նա
չէր մտածել այն մասին, թե ինքը ազա՞տ է, թե ստրուկ: Ատոմը
չէր մտածել այդ մասին: Նա իրեն ազատ էր զգում այնքան անգի-
տակից, որքան և շէր գիտակցում իր երիտասարդական ավյունն ու
ուժը: Նա առողջ էր հոգով:

Իսկ Արտակը շարունակելով իր խոսքը՝ քանի գնում դառնա-
նում էր.

— Վահան Մամիկոնյանը դառավ դավաճան, ազգադավ գոր-
ծերի գերի, ծախված հոգի... Ի՞նչ ստացավ՝ ծախելով իր ազգը:
Ի՞նչ կարող է փոխարինել այն գինը, որ ունի ազգը: Հայեր եմ տե-
սել պարսկական ծառայության մեջ, որ կաշվից դուրս են գալիս
պաշտպանելու պարսից տերությունը: Իր երեխաներին արգելում է
հայերեն խոսելը. պարսկերեն է խոսում, մոգ է պահում տանը, կը-
րակ է պաշտում և իր հայ լինելը ամաշելով է խոստովանում:
Ատում է իր ազգը, իր լեզուն, պարսիկ է ուզում դառնալ, բայց չի
կարողանում. իր արատները իր վրան են: Ծան բծնանքը, ստրկա-
հոգությունը, անինքնասիրությունը... Ի՞հ... ամենակոշտ անասու-
նը աշխարհիս երեսին: Ահա նա: Թյո՛ւ...

Արտակը դեմքը դարձրեց դեպի դաշտը, որտեղից լսվում էին
կատաղի կանչեր:

— Սա ի՞նչ բան է,— հետաքրքրվեց նա:

— Ձիարշավ է,— ասաց Ատոմը:— Տղաներ են:

— Ապա գնանք այն կողմը, — ասաց Արտակը՝ մոռանալով իր դառնութիւնը:

— Լավ են տաքացել, — ծիծաղեց Ատոմը:

Կատարյալ ձիարշավ էր դաշտում: Տղաները խումբ-խումբ քշում էին նժույզները: Դաշտը լայն էր ու թփուտ:

Բավականին աշխույժ բազմութիւն էր հավաքվել ձիարշավի տեղը, բաղաբից ու շրջակա այգիներից տեսարանը դիտելու: Ըստ երևույթին գերի էին ու տարված նման բաներով: Եվ հենց նոր մոտեցան երկու նախարարները, երբ քրտնամխած, փուքսը փնչացնելով տեղ հասավ Մարտիրոսը և ձեռները փորին դրած՝ աչքերը հառեց տեսարանին:

Վարածն ընդառաջ գնաց նախարարներին:

— Հը՞, Վարած, գինի՞ ես խմել, — հարցրեց Արտակը կեղծ խստութեամբ:

— Չեմ խմել, տեր իմ, — պատասխանեց Վարածը հագիվ պահելով իրեն, որ չօրորվի:

— Հա՞, գինի՞ն է քեղ խմել: Այս ի՞նչ արշավ է:

— Նժույզներին դուրս եմ բերել խաղալու, տեր իմ:

Արտակը ծիծաղեց.

— Դու էլ հետները խաղում ես:

— Դե իմ էլ ընկերները նժույզներն են:

Տղաները հավաքվել էին և սպասում էին մեծ հանդիմանութեան, բայց Արտակը դիմեց նրանց:

— Ապա՞, սկսե՛ք տեսնեմ:

Տղաները պատրաստվեցին նոր արշավի:

Արտակն ու Ատոմը գնացին կանգնեցին արգելքների՝ մեծ թըփուտների ու ճահիճների մեջտեղ: Տղաները, որ հավաքվել էին դաշտի մի ժայռում՝ սպասեցին նշանի: Վարածը նշանը տվեց: Տղաները թռան. նժույզները անսասնձ էին. միայն վզներին մի-մի պարան կար: Մեջքները անթամբ թեթև եկան նժույզներն ու ամեհի ցատկերով թռան արգելքները: Ապա ընկան ճահիճների բավիղը, որոնց արանքներում չոր տեղեր ու շավիղներ կային: Այդտեղից սկսեցին գալարվել, պտույճներ տալ, խափ տալով իրենց և ազատվելով ճահիճների սոսկալի փոսերից: Ապա շրջան գծեցին, կրկին ետ դարձան և նույն արգելքներով վերադարձան մեկնակետը:

— Թունդ նժույզներ են, — ասաց Ատոմը:

— Տղաներն էլ թունդ են,— հարեց Արտակը և ուշի-ուշով տնտղեց տղաներին, որոնց մի մասը պատանիներ էին, մյուս մասը՝ արդեն հասուն երիտասարդներ: Նրանք քրտնել էին, կրակվել, մարտական կեցվածք էին ընդունել և շնայած նրանց պատառոտուն գգեստներին, նրանք գեղեցիկ էին և հմայիչ:

«Ա՛յ քնտիր հեծելազոր»,— մտածեց Արտակը շոյող հայացքը պտտեցնելով տղաների վրա:

— Ապա մի սրամարտ կարո՞ղ եք,— աշխուժացավ Ատոմը և գնաց դեպի տղաները:

— Տիգրա՛ն,— կանչեց Վարաժը և մեկնեց նրան սուրը և վահանը,— ա՛ն ու ընկիր սրանց մեջ,— վերցրեք սրերը, Գուրգեն, Կորյուն, Արա,— կանչեց մյուսներին:— Մեջ առեք Կորյունին:

Վարաժը նրանց սրեր բաժանեց, որ ձիարշավի համար բերել էր ըստ սովորական կարիքի, և աչքով արեց Գոռնակ Սիմավոնին:

Սրանք գնացին և կանգնելով հրապարակի մեջ՝ հանեցին բամբիռները:

Տղաները կատաղի նժույգների վրա՝ նրանց հետ ետում էին և անհամբեր սպասում նշանի: Բազմությունը սեղմվեց դեպի երգիչները:

Վարաժը կրկին նշան տվեց Գոռնակ Սիմավոնին, սա էլ իր կողմից աչքով արեց Վարաժին և ուժեղ թափով գունդուկծիկ, ինչպես ըմբշամարտի մտնող ըմբիշ, թռավ մի քանի քայլ առաջ, բամբիռը նետեց մի թևին և աչ բռունցքով բամբից լարերին: Ապա մի ավելի ուժեղ հարված տվեց լարերին, ոտը զարկեց, կրկին շուռ եկավ գնաց լայնաքայլ, եկավ ու բռունցքի զարկերի հետ սկսեց.

Դահ, դահ, դահ, դահ...

Ընկերները ձայն պահեցին.

Չրանգ, զրանգ, զրանգ, զրանգ...

Ու Գոռնակ Սիմավոնը գոգնոց մոտուքը կրծքին թափ տալով՝ հնչեց ձայնով գոչեց, երգը.

«Ո՛ր Վահագնէն գոյեմ
Զվճռապաքազին՝ հոսքերս
Վիշապաքազն՝ թռչէր,
Թռչէր զերթ բոց ի բոցայն».

Ի հրոյն զերթ հուրամանովն,
Արեգակոնք աչքոնքն,
Սատակացնէր վիշապացն ածղահակ
Ամեհի վիշապաբաղնա:

Դա՛հ, դա՛հ, դա՛հ, դա՛հ, մրթմրթում, թնդում էին լարերը և
երգիչները Գոռնակի հետևից ոտնադոփոցով գնում գալիս էին աս-
պարեզի վրա:

Բազմությունը սեղմվեց: Ճնշեց իրար, բորբոքվեց, և մարդիկ
խանդավառ աչքերը հառեցին երգիչներին:

— Զարկե՛ք, — գոչեց Վարաժը ոգևորված:

Բազմությունը ոգևորվեց:

Վարպետը հանկարծ կարմրեց, վզի մկաններն ուռեցին և աչ-
քերը բոցավառովելով՝ շեշտ ու հրամայական նայեց Վարաժին: Հե-
տո բամբ ձայնով որոտաց.

«Ջբաջն Տիգրանէն ասեմ,
Քաջորդի քաջն քաջարանց,
Պողպատն ատամամբք Նամէր,
Ապառաժն բոամբք քամէր,
Ա՛յ բոամբք քամէր,
Մովեր ծովացնէր բոլոր,
Սաստէր ու յոշէր թշնամեաց»:

— Ի մա՛րտ, — գոչեց Վարաժը հիացած: Բազմությունը կրկը-
նեց, — Ի մա՛րտ:

Վարպետը ոգևորվեց, վեր թռավ և սկսեց ետ ու առաջ գնալ-
գալ: Մազոտ կրծքին սեղմելով իր ահագին գործիքը՝ նա բռնցքեց
լարերին թափով և հրացայտ աչքերը սպառնազին դարձնելով դեպի
աղաները՝ սկսեց «թիվ» երգել քաջորդի Տիգրանի սխրագործու-
թյունները:

Տղաների աչքերը վառվեցին: Նրանք ատամները սեղմած,
տարված լսում էին գուսանին և այնպես էին նայում, կարծես իրենց
աչքի առաջն է Տիգրանը կռվում:

Երգը բորբոքվեց, կրակեց բազմության: Վարաժը կորցնում էր
իրեն, ձեռներով, ոտներով մասնակցում երգին: Եվ հանկարծ նշան
աբեց Գոռնակ Սիմավոնին: Սա բամբիոը դրեց գետին, ծոցից դուրս
քաշեց մի շեփոր, թափ տվեց գլուխը ընկերների կողմը, մեծ ու
փոքր թմբուկ զարկողներին:

Թմբկահարը գրկեց թմբուկը փորի վրա, մյուսները՝ փորքները և Գոռնակ Սիմավոնը շեփորը բերանին, կարմիր թշերը ուռեցրեց և սուր կերկերածայն մի հնչյունով սկսեց վայրագ սրամարտի եղանակը:

Կարծես օդը ճեղքեց մի գիշատիչ թռչուն իր խլացուցիչ կոհնչով:

Վարածը նշան արեց երիտասարդներին: Կորյունը թոցրեց իր նժույգը, մյուսները ընկան նրա հետևից: Սկսվեց մի վտանգավոր, դժվար մրցում: Տղաները ճիգ էին անում շրջապատել և «սրախողխող» անել նրան, իսկ նա ճարպկությամբ խուսափում էր նրանցից: Եվ այդ ամենը կատարվում էր ճահիճների արանքում:

Կորյունը շեր բավարարվում խուսափելով միայն: Նա երբեմն անսպասելի շարժումով ոլորք էր առլիս և հարձակվում մեկի կամ մյուսի վրա, «հարվածում» այնպես, որ եթե իսկական լինե՞ր՝ հեծյալը պետք է գլորվեր գետին: Հարվածելով նա կրկին փախցնում էր նժույգը և պտույտ գալիս թփերի ու ճահիճների շուրջը:

Բազմությունը իրար անցավ, եռաց ու առաջ էր գնում:

— Թո՛ռք, — գոչում էր կատաղի Վարածը, — թո՛ռք, դժոխքի բաժի՛ն Հազկերտը:

— Հո՛, հո՛, հո՛, հո՛, — գինու տկի պես լիսկլիսկտում էր ծիծաղից Մարտիրոսը:

Հանկարծ տղաները այնպես բերին խաղը, որ շրջապատեցին Կորյունին. սա պտտվեց իր շուրջը, նրանց շուրջը և նժույգը բշեց դեպի մի այլ ճահիճ: Նա այնպիսի թափով էր սլանում, որ բոլորը հավատացին, թե նա ուզում է ընկնել ճահիճը: Նրան հետամուտեցին, բայց զուսպ, որ ժամանակին ետ պահեն նժույգները ճահից: Կորյունին էլ հենց այդ էր պետք: Նա բշեց նժույգը, բայց այնպիսի մի հանկարծական թափով ետ շրջեց, այնքան անսպասելի, որ մինչև հետապնդողներն ուշքի եկան և իրենց լարեցին նոր շարժման համար՝ Կորյունը սրարշավ թռավ նրանց միջից, թռավ արգելքներն ու գնաց:

— Վիշապաբա՛ղ, առյուծաճճ, — գոչեցին ամեն կողմից, — վահագնի շնորհը վրադ... — լսվում էր ամեն կողմից հեթանոսական կյանքից մնացած բոլոր բառերով:

Վարածը դադարի նշան տվեց, Գոռնակ Սիմավոնը վայրագ ծղրտոցով կտրեց շեփորը: Տղաները մոտ բշեցին նժույգները:

— Ապրե՛ս, — ձայն տվեց Արտակը ոգևորված:

— Քաջալարժ է, — գռչեց Ատոմը:

Արտակի ոգևորութունը բռնկեց:

— Զփորձե՛նք ես ու դու, — հանկարծ դիմեց նա Ատոմին:

— Ինչո՞ւ չէ, փորձենք, — պատասխանեց Ատոմը:

— Նժուլգները բերեք, — հրամայեց Վարաժը:

Նժուլգները բերին, և Արտակն ու Ատոմը սկսեցին ընտրել: Վարաժը միջամտեց.

— Ես ընտրե՛մ, տյարբ:

— Ո՞րը կընտրես. ամենախենթերն ընտրիր:

— Բոլորն էլ խենթ են: Խելոք մի՛ կարծի: Հեծյալներն են ըն-

տիր...

Ու ընտրեց երկուսը. մեկը Կորյունինն էր, մյուսը՝ Տիգրանինը: Ատոմն ու Արտակը թռան նժուլգների վրա: Սրանք զգալով նոր հեծյալների իրենց մեջքի վրա՝ սկսեցին թափ տալ նրանց, որ գլորեն: Ծառս էին ելնում, ետ-ետ վազում, անսպասելի կողմեր ցատկում, բայց հեծյալներն էլ անսովոր շէին կատաղի նժուլգներին: Խաղաղորին, վարժեցորին և մի կերպ հասկացան նժուլգների բնույթը:

— Դե, ապա՞, — նշան արեց Արտակը:

— Թռի՛ր, — գռչեց Ատոմը:

Երկու իշխանները նետերի պես սլացան: Նրանք թռան բոլոր նշանակված արգելքները և շրջան գործելով՝ ետ դարձան: Ճանապարհին Ատոմը սլացքի ժամանակ գետնից մի սուր վերցրեց և նրանով թոցրեց մի թփի գլուխ, որ այն թփուտի մեջտեղն էր, որի վրայից նա պիտի կատարեր վտանգավոր թռիչք, խուսափելով դիմացի ճահճից:

Բայց նա այնպես արագ, հասարակ ու հեշտ կատարեց այդ շարժումները, որ կարծես իրոք հեշտ էր և հասարակ: Արտակը իբրև պակաս վարժ հեծյալ՝ չկատարեց և ոչ մի ճարպկութուն:

Վարաժը, որի փինովութունն անցնում էր՝ խենթացել էր իր նժուլգների շնորհքը տեսնելով: Նրան հեծյալները չէին վարմացնում և գրավում. նրա ուշքն ու միտքը իր նժուլգներն էին:

— Լա՛վ նժուլգներ ես պահում, Վարա՛ժ, — քաջալերեց Արտակը՝ մոտենալով ծեր ախոռապետին:

— Նժուլգը կյանք է, տե՛ր իմ, — ասաց Վարաժը: Եվ ապա նալեց Մարկոսին: Սա ևս բազմանշանակ նայեց Վարաժին:

— Իրաւո՞ւնք է,— դիմեց Վարաժը Արտակին:

— Հը՞, նախանձդ շարժիլե՞ց: Ապա՞,— ասաց Արտակը:

Վարաժն ու Մարկոսը հանկարծ այլայլվեցին և խելելով Վահանի ու մյուսի ձեռից նժույզները, պարանները հանեցին դէն շըպլըրտեցին և թռան վրաները: Անմիջապէս երիտասարդացան կարծես: Մեջքները շտկվեց, կեցվածքները լարվեց, միախառնվեցին նժույզներին, դառան մի մարմին:

— Դե, ապա՞,— հրամայեց Վարաժը և թռավ:

Մարկոսը միջոց շտկեց. սլացավ հետևից ու մի ականթարթում միացավ Վարաժին: Սա կատաղի նայեց Մարկոսին, զայրացավ, որ նա հասավ իրեն և շարունակ աչքերը գամած նրա աչքերին՝ սպառնագին գոչում էր.

— Դե՛...

Մարկոսը չէր զիջում: Վարաժը կատաղեց, քունցքով սպառնաց Մարկոսին, դեմքն այլանդակված՝ ուղղակի պահանջում էր զիջել: Թայց Մարկոսը զիջել ոչ համաձայն էր, ոչ էլ հասկանում էր, թե ինչո՞ւ պիտի զիջի: Նրանք թռան բոլոր արգելքները և շատ ավելի արագ, քան երիտասարդները, վերադարձան: Վարաժը զայրույթից մոռացել էր իշխանների ներկայութիւնն ու ամեն ինչ: Արագ իշավ ու վազեց Մարկոսի վրա, բռունցքը բարձրացրեց վրան:

— Դու գիտես, որ շունչդ չի սիրում նժույզը, ինչո՞ւ ես քիթը մտնում:

— Շնչի՞ս ինչ է եղել, որ շտիրի,— հակառակեց Մարկոսը:

— Չէ, ասա, ինչո՞ւ մտար նժույզի քիթը,— համառեց Վարաժը և հարվածեց Մարկոսին: Սա պակաս շմնաց, սա էլ պատասխանեց ավելի ուժեղ հարվածով: Երիտասարդները միջամտեցին և հազիվ բաժանեցին երկուսին:

Արտակն ու Ատումը ծիծաղից թուլացել էին՝ դիտելով երկու ձիու խենթերին:

— Չէ, իշխան, «Փոթորիկին» ոչ մի նժույզ չի գարկի. եկավ շունչը տվեց անասունի քթին՝ խափանեց. չի սիրում անասունը դրան:

— Խելքն էլ չի գնում ինձ համար,— զայրացավ Մարկոսը:

Վարաժը վրա գնաց, որ խփի Մարկոսին:

— Վերջ տուր, Վարաժ,— ասաց Արտակը:

Վարածը ետ քաշվեց փնթփնթալով:

— Նախարարներին պատիվ չի պահում: Նախարարի մոտ պիտի խոստովանի, որ ես նրան տարա:

Հետո զայրույթից շնչասպառ դարձավ Մարկոսին:

— Լավ, զնա՛ք ախոռ, աղիքնե՛րդ կթափեմ...

— Հո, հո, հո, — լավում էր Մարկոսի բամբ ծիծաղը:

Նժույգները քրտնեւէ էին: Վարածը սթափվեց հանկարծ:

— Դե, շուտ, քշեք ախոռ՝ չմրսեն:

Երիտասարդները թուան նժույգների վրա և մանր վազքով զնային քաղաք:

— Վարած, լավ պահիր նժույգներին, — ասաց Արտակը, — պատերազմը քթնիրիս տակին է:

— Նրա համար եմ մտերս ուտում, է՛, — ասաց Վարածը:

— Տղաներին էլ վարժեցրու, լավ մարտիկներ են, — ասաց Ատոմը, ձեռը ղնելով Վարածի ուսին:

— Կրակ են, — պարծեցավ Վարածը, և բարկությունն իջավ:

— Այդպես. ապրես, լավ հսկացել գործը, — քաջալերեց Արտակը: Քաղաքադռնից հեծյալ բանբեր եկավ Ատոմին ու Արտակին՝ հետևից երկու նժույգի սանձերը ձգելով: Նա արագ վայր թռավ և հայտնեց, որ Սպարապետը շտապ հրավիրում է նրանց:

Նախարարներն իսկույն հեռացան քաղաք:

Վարածը նայեց Մարկոսին: Սա ինչ-որ կծկվել էր և կողը բռնել:

— Հա, ի՞նչ է, — կոպիտ հարցմունքով մոտեցավ նրան Վարածը:

— Տավ առավ կողս, — տնքաց Մարկոսը:

— Է՛, է՛... — սաստիկ անհանգստացավ Վարածը, — ուսս բռնիր, մատաղ:

Մարկոսն ընկավ նրա ուսին: Վարածը գրկեց նրա մեջքը և այդպես ուզում էր կամաց-կամաց տանել քաղաք, բայց Մարկոսը կախվեց, իջավ գետնին: Վարածը ստիպվեց մնալու նրա հետ: Մարկոսը սկսեց տնքալ: Վարածը փոխանակ սիրտ տալու նրան՝ ինքը ավելի ահաբեկվեց:

— Ի՞նչ փորձանք էր. երիկամդ պատռված չլինի՞...

— Մեծ մորուտի մոտ բռնեց, — տնքաց Մարկոսը, — թե չէ՞ «Կայծակս» զարկելու էր «Փոթորկիդ»:

Վարածը խենթացավ զայրույթից:

— Ի՞նչ... «Կայծակդ» զարկելու էր «Փոթորիկս»... գլուխդ կշարդե՞մ՝ թե մեկ էլ ասել ես:

— Մեկ էլ կասեմ, տասն էլ...

— Հիմի սատանան ասում է աղիքները թափիր, — գլուխն օրորեց Վարածը:

Մարկոսը տնքաց և կրկին կողը բռնեց:

— Դեհ, համբերիր, հիմի կտանեմ բուժակին: Դեհ, մի քաղի մարդու հոգին, դիմացիր, էլի՜...

Գորովանքով բռնեց Մարկոսի մեջքը քնքուշ ու զգուշ:

Բազմությունը ծիծաղում, զվարճանում էր երկու խենթերի այս շուրահատուկ կովշտուքի և մտերմության վրա: Հետո ցրվեցին մարգագետնում և խումբ-խումբ նստոտած սկսեցին խաղաղ զբույց անել:

Մի փոքր անց քաղաքադռնից դուրս եկավ Արծվին մերկ նժույգի վրա, մյուսի պարանն էլ ձեռին բռնած:

Նրա նժույգները ևս տեղավորված էին տերունական ախոռում, ուր և քաշեցին նախարարների նժույգները: Արծվին ինքն էր խնամում Սպարապետի և իր նժույգները:

Զուր ախոռապանները բողոքեցին, որ դա իրենց գործն է, թող գնա հանգստանա: Արծվին շլսեց, դուրս քաշեց երկու նժույգները և տարավ Արաքսի ափը, քշտեց ոտներն ու թևերը և նժույգների հետ մտավ ջուրը: Գետափին երկու պարսիկ զինվոր էին պառկել արևկող արած և բերանաբաց նայում էին կիսաբուն: Նրանց ուշադրությունը գրավեց Արծվին: Նրանցից մեկը վեր նստեց ու սկսեց տնտղել նժույգները: Նրան դուր չեկավ Արծվին՝ նժույգների իր խնամքով և մեկ էլ՝ որ նրանց լողացնում էր ազատ համարձակ շարժումներով: Մանավանդ որ մի անգամ էլ հայացքը գցեց դեպի զինվորները և այնպես նայեց, կարծես շի տեսնում նրանց:

— Է՛յ, — ձայն տվեց պարսիկ զինվորը, — ո՞վ ես, որ այստեղ ես լողացնում նժույգները:

Արծվին հայացքը սահեցրեց զինվորի աչքերի վայրով և շարունակեց լվալ նժույգների ազգրերը:

— Քեզ հետ չե՞ն, — ձայն տվեց կրկին զինվորը:

Մյուս պառկածը ևս վեր նստեց.

— Հա՛, ի՞նչ է, ո՞վ է:

— Քննադատի մեկը, — բարկութեամբ ասաց առաջին զինվորը, — նժույգ է լողացնում արգելված տեղը: է՛յ, խո՛ւլ ես. այստեղ իրավունք չունես նժույգով ման գալ, ուր մնաց լողացնե՛լ:

Արծվին չնայեց էլ նրա կողմը:

Այն ժամանակ պարսիկ զինվորը վերցրեց մի քար և շարտեց Արծվիի վրա: Քարը դիպավ Վարդանի նժույգին: Սա ցատկեց ջրի մեջ և բիշ մնաց պարանը պոկեր Արծվիի ձեռքից, փախչել:

Արծվին երկու նժույգների սանձից քաշեց, մտտ եկավ պարսիկ զինվորին և այնպես քացի տվեց նրա կրծքին, որ սա անշունչ փրոզեց գետնին: Մյուս զինվորը վեր թռավ և գետնից մի քար պոկելով՝ նետեց Արծվիի վրա: Քարը դիպավ Արծվիի կրծքին: Արծվին ցատկեց իր նժույգի մեջքին և մյուս նժույգի պարանը ձեռքի հարձակվեց զինվորի վրա՝ սկսեց սմբակների կոխան անել նրան: Սրան օգնութեան հասան պարսիկ զինվորներ:

Քաղաքադռնից և մարզագետնից թափվեց մի բազմութուն, որ վազելով դեպքի վայրը՝ շրջապատեց կովոդներին: Վազեցին եկան նաև երիտասարդները: Պարսիկ՝ զինվորները քարեր էին տեղում Արծվիի կողմը, սա ճարպկորեն խուսափում էր և շմնալով միևնույն տեղում, թռիչքներով պտտվում զինվորների շուրջը և հանկարծ շարժումը փոխելով՝ շեշտակի գրոհում էր նրանց վրա, մեջտեղից ճեղքում:

Նժույգները կատաղեցին ավելի, քան Արծվին: Նրանք ամենի սմբակներով ծառանում էին և հանկարծ այնպիսի ուժով նետվում զինվորների վրա, որ սրանք փախչում էին:

Ձայներ լսվեցին. «Արծվի՛, Արծվի՛, բավակա՛ն է, հեռացի՛ր»:

Բայց Արծվին արնակալած ու շարժափտ աչքերը փայլատակելով՝ շարունակում էր կռվել զինվորների բազմութեան հետ: Նա բշեց զինվորների բազմութունը: Պարսպի վրա հայտնվեց պարսկական սիպահը:

— Ի՞նչ է պատահել, — գոռաց նա զարմացած գայրանալով:

Նրան հաղորդեցին եղելութունը:

— Նետահար արեք, — հրամայեց նա:

Ձինվորները վազեցին աղեղներ բերելու:

Բայց այդ ժամանակ սիպահի վրա վազեց հայ բերդապետը՝ Նա աչքերը կատաղի ցուլքերով ոլորեց սիպահի վրա:

— Չհանդգնես, հիմա՛ր, — սաստեց նրան բերդապետը:

Սիպահը ձեռքով արեց, և աղեղնավորները վայր իջեցրին նետերը:

Մոտ եկավ, սկսեց գոռգոռալ Արծվիի վրա:

Բերդապետը նշան արեց նրան, որ դադարեցնի: Արծվին հագիվ ուշքի եկավ և նժույգները ետ քշելով գնաց: Այա անցավ առաջին զինվորի դիակի մոտից, մոմոաց մի հայհոյանք և նժույգները քշեց փետր: Սկսեց տնտղել՝ արդյոք վերքեր չկան: Տեսնելով, որ վերքեր չեն բացվել՝ սկսեց շփել քարերի հետքերը և լողացնել նժույգները, իբր թե ոչինչ չի պատահել:

— Ո՞վ է այդ լակոտը. բռնեցե՛ք դրան,— բարկացած հարցրեց բերդապահին սիպահը:

— Լեզուդ քե՛զ քաշիր, ձեռներդ չեն հասնի նրան:

Ներքևի բազմությունը մոտ հավաքվեց: Բերդապահը դիմեց նրանց.

— Ի՞նչ է պատահել:

Պատմեցին:

— Դրանք մեզ մի օր ջուր թափելն էլ կարգիլեն,— ձայն տվեց վարաժը:

Բազմությունը ծիծաղեց:

— Եկել են գլխներիս նստել՝ մեր ջուրը մե՛զ խնայում են,— բարկացավ Մարկոսը:

Բերդապետը մոմոաց քթի տակին և ապա սիպահին դիմեց ավելի հանգիստ.

— Ի՞նչ եք ուզում բնակչությունից: Ինչո՞ւ հանգիստ չեք մընում:

— Մենք արյաց արքայի զորքն ենք,— պատասխանեց սիպահը,— մեր զորանոցի սահմանը ուրիշ զինվոր չպիտի մտնի:

Բերդապետի արյունը գլխին խփեց: Նրա լիքը կարճ կազմվածքը կարծես լցվեց բարկության ալիքով: Նա, որ ինչպես երևում էր արդեն շատ պատճառներով լցված էր պարսից կայսրորդի ներկայությունից՝ բռունցքը սեղմած թռավ դեպի սիպահը.

— Ահա ձեր սահմանը, մտեք սրա մեջ,— գոչեց նա՝ խեղդվելով իր կարճ վզի ուռած երակներից,— ձեզ տեղ ենք տվել խելոք նստելու: Դուք մեր գլխին եք ուզում նստել: Եթե մի անգամ էլ հանդրգնեք՝ ոչ թե Սպարապետի ձիուն, այլ մի հասարակ բնակչի ավանակին դիպչել՝ ձեզ կշարտեմ պարսպից:

Այդ պահին քաղաքի կողմից պարիսպ էր բարձրանում պարսիկ զորամասի հրամանատարը: Նա գալիս էր դանդաղ և հոնքերը խո-
ժոռած: Նրան ճանապարհ տվին զինվորները, որոնց միջով նա
անցավ, առանց նայելու նրանց: Եկավ նստեց հեռու, գորգի վրա և
մատով կանչեց բերդապետին և սիպահին:

Սիպահը վազեց նրա մոտ և խոնարհ ողջունելով կանգնեց:
Բերդապետը կանգնած մնաց իր տեղում:

Հրամանատարը դաժան նայեց և կրկին մատով կանչեց:

— Ո՞վ է այդ լակոտը, որ սպանել է զինվորիս...

— Այդ քաջը հրեն լողացնում է նժույզները: Գա Սպարապե-
տի թիկնապահն է:

Հրամանատարը վեր թռավ նստած տեղից և դարձավ դեպի իր
սիպահը.

— Գնա՛, բռնել տուր դրան:

Բերդապետը արագ շուռ եկավ և ձեռքով արեց հեռու աշտա-
րակների վրա լցված հայ զինվորներին: Այնտեղից փող փչեցին:
Անմիջապես պարիսպների վրայից, տակից և մոտակա այգիներից
ու բակերից դեպի բերդապետը վազեցին հարյուրավոր զինվորներ՝
զինված նիզակներով ու նետերով: Պարսիկ հրամանատարը ըստ
երևույթին չէր սպասում այդպիսի մի հանդգնություն և հույս ուներ
վախեցնելով գործ տեսնել: Նա ինքը վախեցավ և առաջ գալով դե-
պի բերդապետը՝ սկսեց ավելի բարկացած ձայնով սպառնալ.

— Քեզ գլխատել կտամ: Դու ապստամբո՞ւմ ես արյաց արքա-
յի դեմ:

— Արյաց արքայի հետ գործ չունեմ, ես քեզ եմ խելքի բե-
րում, արյաց արքան դո՞ւ ես:

Ներքևի բազմությունը հռհռաց:

Հրամանատարի կաս-կարմիր դեմքը ցույց էր տալիս նրա
զայրույթը: Բայց երկյուղը զսպեց նրան: Եվ մի կերպ արժանա-
պատվությունը պահելու համար սպառնաց.

— Ես այդ չեմ ուտեցնի քեզ... Սպասի՛ր...

Ու արագ շրջվելով գնաց իջավ պարսպից:

Բազմությունը քրքջաց և գնաց դեպի գետափը, ուր Արծվին
հանգիստ ու մոռյլ շարունակում էր լողացնել նժույզները:

— Արծվի, սատկել է զինվորը, — ձայնեց Կորյունը բազմու-
թյան միջից:

Արծվին շնայեց նրա կողմը և շարունակեց իր գործը: Պարսպից պարսիկ զինվորներն իջան և եկան քարշ տվին առաջին զինվորի դիակը և երկու ծանր վիրավորի: Նրանք անիծում էին անլսելի ձայնով և թունոտ առեղությամբ նայում բազմությանը, որ աշխույժ ու բարձրաձայն դատողություններ էր տալիս դեպքի մասին: Զինվորները հեռացան: Բազմությունը հավաքվեց մի հասակավոր քաղաքացու շուրջը: Սա, որ կաշե գոգնոցը կրծքին և մրոտ ձեռքերով ու դեմքով մատնում էր իր դարբին լինելը՝ ասաց.

— Սա է եղել մեր օրը այս Հազկերտից մինչև Շապուհն ու դենը:

— Հրաման տան մի սրանց փրթենք, վրեժներս հանենք,— ասաց Կորյունը:

— Է՛, է՛, է՛, բանը որ վրեժի հասնի՝ քի՛չ վրեժ կա,— հառաչեց նիզակի պես կարծր ու շղուտ մի ծերուկ,— Ի՛նչ կյանք եմ տեսել՝ կռիվ է, վրեժ է պարսից ազգից: Մենք խաղաղության ենք վազում, պարսիկը՝ կռվի: Տասը տարի չկա՝ ինձ արձակել են, եկել այգի եմ գցել՝ էլի այդ կռվի խոսքն է, այդ արունքը:

— Ինչ երգ ու զրույց գիտենք՝ հենց բռնիր պարսիկ է, արունք է, կռիվ է,— ասաց Գոռնակ Սիմավունը շփելով իր բամբիռը:

— Բամբիռներս պարսիկ են դառել,— ծիծաղեց նրա ընկերը, ծաղրաղեմ նայելով խոսակիցներին:

— Կռիվ շա՛տ ես տեսել, Աբրահամ պապիկ,— շրջապատեցին նրան պատանիները:

— Ո՞նց չեմ տեսել, հին զինվոր եմ: Շապուհը չէ՞ր, Առաջին Հազկերտի որդին, եկավ չորս տարի թագավոր նստեց մեր գլխին: Հոր հիվանդությունն իմացավ, գնում էր Պարսկաստան, զնալիս հրաման թողեց տեղապահին, որ մեր նախարարներին բռնոտի, Պարսկաստան տանի: Ներսես Ճիճրակեցու զորքն էի, հրաման տրվեց՝ մի մարդու պես վեր կացանք ու ով ինչ ուներ՝ վերցրեց հետը: Գիշերը ցերեկ անելով, նժույզները կոտորելով հետևներից վրա հասանք Հերի մոտերը: Մեզ որ տեսան պարսիկները՝ հենց այն է երեսները շու՛տ տվին, որ վրա գան՝ կարկտի պես մենք վրա տրվինք: Մի շարդ էր՝ որ սրտներիդ ուզած: Հոտները կտրեցինք մեր աշխարհից:

— Բայց դժվար տարիներ էին, ինչ էլ լինի,— հառաչեց Աբրահամ պապիկը,— շա՛տ են մեզ տանջել, շա՛տ են մեր թագավոր-

ներին փտեցրել Անհուշ բերդում: Ոտները դրել մեր կրծքին, հախեղդում են մեզ, դրանց արմատը շորանա:

Կամուրջի այն կողմից մի խումբ շինականներ էին գալիս: Նրանք դանդաղ մոտեցան խոսակից բազմության՝ մտածելով կանգ առնել, թե մտնել քաղաք:

Մեկը նրանցից առաջ եկավ և կանգ առնելով մտալ բարեկց ու անհաշտ նայեց խոսակիցներին: Դա ծեր շինական էր, սևադեմ, սևասաթ, գանգրահեր մազմորուքի մեջ կորած, նրան միացան մյուսները կիսաբուրբ կանգ առան:

— Բարև կենդանություն,— ողջունեցին նրանք և իրար հետեւից նստեցին:

Շինականներից մեկը նստեց, զննեց ներկաներին և լայն ու խոր շնչեց: Ապա դարձավ և խեթ նայելով ընդհանուրին՝ կոշտ ձայնով կոկորդը մաքրեց.

— Հը՛ր՛մ...

— Որտեղի՛ց, եղբայրներ,— հարցրեց Աբրահամ պապիկը:

— Մասլաց-Ոտնից, Ակոռիից, Մասլաց Վիհից, ամեն տեղից կա,— պատասխանեցին շինականները,— ա՛յ, նրանք էլ Սյունյաց աշխարհից են,— ցույց տվեց: Գրանք՝ Առաքելն ու մնացած սյունեցի փախստականներն էին:

— Իշխանները էն օրը շատ խոռ ու խոռվ, հապշտապ եկան դեսը,— ասաց նրանցից մեկը, որ ինչպես երևում է, քաղաքամերձ գյուղերից էր,— թունդ է վերջերս քաշում հարկերը պարսիկը: Ի՞նչ կա, Հովակիմ դարբին:

— Հարկերը դու սրանից դենը տես, Գոռ շինական, թե ոնց պիտի բաշեն,— ասաց Հովակիմ դարբինը նույնպես ճանաչելով նրան:

— Է՛է՛լ քաշե՛ն, է՛է՛լ քաշե՛ն տնաբանդները,— ճոռալով նվազ ու ձաքնը ծոր գցեց հեռու նստած մի ակոռեցի շինական շլինքը երկարելով կարծես մի ծանր ու մեծ բեռի տակին ճկոած լիներ,— պարսիկը՝ հարկ, իշխանը՝ հարկ, ողջը շինականից են քաշում: Յոթը կաշի՛ի՛ մաշկեցին... ճապաղեցի՛ի՛նք՝ ցամաքեցեցի՛ի՛նք:

— Ա՛յդ ասա, Եզրա՛ս, հենց ա՛յդ,— հաստատեցին մյուս ակոռեցի շինականները:

— Հը՛ր՛մ,— կոկորդը դառնորեն մաքրեց շինականը, խեթ

իր մեջ խռովված ու անհանգիստ, որից երևում էր, որ նա ներքուստ կենդանի մասնակցում էր զրույցին և կլանում ամեն խոսք:

— Ճշմարիտ չե՞մ ասում, օտարական շինական,— դիմեց Եզրաս շինականը շինականների մեջ մոռյլ ու հանգիստ նստած Առաքելին:

Առաքելը միայն լուռ նայեց՝ դեմքը դարձնելով նրան: Առաքելի հետ շննից փախած ըմբոստներին ճանապարհին միացել էին իշխանական ու սլարսիկ հարկահաններից հետապնդված, գազազած այլ շինականներ, որ խմբվել և գալիս լցվում էին Արտաշատ, ընտրելով երկրի այն կենտրոնը, ուր կարող էր վճռվել իրենց բախտը:

Արաքսի կամուրջի այն ափին երևաց մի խառնիճազանչ սև բազմություն, որ ահագին փոշի բարձրացրած գալիս էր անհանգիստ ու շտապ: Նա անցավ կամուրջը և մոտեցավ խոսակիցներին: Դրրանք վանականներ էին՝ երկարահեր, առատամորուք, մոլեռանդ դեմքերով, քրտնամխած: Գրանք՝ շքեղ հագնվածներից մինչև զրզ-զրզվածները, գավազանները պինդ զարկելով գետնին արնպես էին շտապում, որ կարծես մի բան հալածում էր նրանց կամ իրենք էին ընկել մեկի հետևից: Նրանց առաջնորդում էր Սյունյաց վանքի վանահայրը՝ Գրիգորիոսը, որ իր կարմիր դեմքն ու հսկա մարմինը առաջ գցած, քրտնքի մեջ թրջված, քունքերի ու վզի փոշին ցելու կտրած, հետևից բերում էր մի ահագին բազմություն վանականների, որ գալիս էին հոգնած ու մոռյլ: Նրա կողքից՝ փուքսի պես փրչելով և բադի պես լնգրնգալով գալիս էր Սյունյաց վանքի տնտեսը:

Նրանք եկան ու կանգ առան զրուցողների մոտ՝ շվճռելով մրտենել քաղաք, դեռ անտեղյակ՝ թե ինչ է կատարվում այնտեղ: Քրտնքի ու կեղտի հոտը բռնեց շորս կողմ: Վանական ճաշարաններում բրտած, բուսական կյանքում բթացած արբշիռ դեմքերին խրտնած անասունների շփոթություն էր նկատվում: Նրանք սովաբաթիվ էին: Դա վանքերում ներսես կաթողիկոսի օրով լցված ձրիակերների անթիվ բազմության հետևանքն էր: Այժմ նրանց հանգիստն ու սնունդը մեծապես վտանգված էր, ու նրանք ոչխարների հոտի նման տեղներից դուրս թափվել ցրվել ու ճանապարհներին պատահելով իրար՝ միացել գալիս էին մայրաքաղաք Սյունյաց վանահոր հետևից: Առ շատ կարճ ժամանակում ապաքինվել էր վերքերից ու ահա գալիս էր բողոքելու պարսիկների ապօրինի ու վայրենի հարկա-

հանութեան դեմ: նրանց մեջ էին նաև Վասսակին գանգատ գնացած աղքատ վանականները: Կային և Այրարատյան դաշտից: նրանցից մեկը, մի հասակավոր վանական՝ օձագալար մազերը կրծքին ու ուսերին՝ առաջ եկավ:

— Ողջուն եղբարց,— խլածայն, տխուր ձայնեց նա: Խոսակիցները վեր կացան և ողջունեցին նրանց լեռնայն:

— Որտեղի՞ց, հայրսուրբներ,— հարցրեց Հովակիմ դարբինը:

— Սուրբ Հակոբա անապատից, եղբայր իմ,— հեաց ծեր վանականը,— ամեն անապատից կա մեջներս հարկահաններից փախստական: Ահավասիկ Սյունյաց անապատից է,— ցույց տվեց Գրիգորիոս վանահորը,— առաջնորդում է մեզ: Եկել ենք գանգատավոր նախարարներին, հոգևոր տիրոջ: Սաստիկ հարկապահանջմամբ վանքերն է մտնում Գենշապուհ պարսիկը: Անհնարին դառն ու դաժան է լուծը: Քան զգալ ազա՛հ են, քան զգազան անգո՛ւթ:

— Երի՛ցս անիծյալներ,— որոտաց հեալով և ճակատի քրտինքը սրբելով Սյունյաց անապատի Գրիգորիոս վանահայրը և շուրջը նայեց կատաղի հայացքով,— ձեռ են կարկառել հոգևոր իշխանութեան, հավատո վեմն են կործանում, գրավում կայք, պաշտոն, վանք, հավատացյալ ժողովուրդ, թողնելու են մեզ տնանկ ու մուրացիկ:

— Նյո՛ւտ՛ւթն է քաշում, նյո՛ւտ՛ւթը,— ձայնեց ծեր վանականը,— քաշում է, չի հարցնում պարսիկը՝ վանականինը, նախարարինը:

— Հագկերտը նախարարից է քաշում, երկուսն էլ շինականից: Ձերը հեշտ է, ձերը ի՛նչ — աղոթքն է ու հացը,— ծիծաղեց Առաքելը:

— Աստված երկար կյանք տա ձեզ,— բարեմաղթեց ծեր վանականը չվիրավորվելով,— ճշմարիտ է, իհարկե:

Շուրջը ծիծաղեցին:

Գրիգորիոս վանահայրը ծուռ նայեց Առաքելին և հանկարծ ճանաչելով նրան՝ ձայնեց.

— Թշնամի, բարեկամ չես ճանաչում, Առաքել շինական, բարին չես խոսում:

— Թշնամին տեսա, բարեկամը չտեսա, հայր Գրիգորիոս:

— Հիմա կգորանա թշնամին՝ կտեսնե՛ս... — շար սպառնաց Գրիգորիոս վանահայրը:

Յկավ իր նժույզներով այդ տեղով անցնելու Արծվին:

— Արծվի՛, այդ ի՞նչ էր պատահել, — հարցրեց Աբրահամ պապիկը:

Արծվին ամաշկոտ ժպտաց և կանգ առավ:

— Արծվի, ճի՛շտ է լուրը, արքան վատ հրաման է ուղարկել, — հարցրեց Հովակիմ դարբինը:

— Վատ, — պար գալով նժույզի հետ՝ պատասխանեց Արծվին ժպտալով, — նիզակներդ սրեք, պատերազմ է:

Ու արագ սլացավ դեպի քաղաքադուռը, մտավ քաղաք:

— Մեր նիզակները սուր են, — ձայն տվին նրա հետևից երիտասարդները:

— Տուններս լավ կշինվի: Էլի՛ պատերազմ, — խոսեց մի մուսլու ռե նիհար շինական:

— Է՛հ, տնաշեն, — ծոր տվեց Աբրահամ պապիկը, — ուր թագավոր — իշխան՝ այնտեղ պատերազմ — արյուն: Բա ո՞նց:

Ու քահ-քահ ծիծաղեց: Սրան խեթ կողքանց նայեց ակոռցի շինականը:

— Մի խոսի էդպես, Աբրահամ. պարսիկ է՛ կգա, լուծ կբերի, խստահարկ, ստրկույթյուն, կոտորած:

— Մե՛ր իշխանն ինչով է պակաս, — նրա կողմը արհամարհոտ մրթմրթաց Առաքելը:

— Մա՛րդ աստծո, պարսիկը գալու է. կրնկնի ոշխարի մեջ, լափելուն կլափի, շլափելուն էլ կխեղդոտի, կզցի դեն: Մեր իշխանը հո աշխարհքն էլ է՛ կպաշտպանի:

— Կպաշտպանի՞ իր աշխարհքը կպաշտպանի, — կոպտեց Առաքելը հեզնոտ: — Աշխարհք իշխանական է:

Աբրահամ պապիկը արագ շրջվեց, խեթ նայեց Առաքելին և խստորեն կշտամբեց.

— Աշխարհք որ իշխանական է՛ դո՞ւ որտեղ ես: Մեջը մաս չունե՛ս:

— Ինչի՞ շունեմ, — հեզնոտ ասաց Առաքելը և արհամարհանքով ավելացրեց, — իմ աշխարհքին որ հասնի՞ ես կտամ իմ պատասխանը:

— Ի՞նչինչ ասեմ ձե՛նք, — գրգռվեց Եզրասը և ցնցվեց՝ պատուված զգեստի տակից մերկ ուսերը դեսուզեն շրջելով ու ցցե-

լով,— էսքան ժամանակ է խոսում են, շե՞ք հասկանում, որ Հազ-
կերտը հրաման է ուղարկել, թե երկիրը ի՞ր ժողովրդով տվեք:

Առաքելը արհամարհոտ աչքերը պտտեցրեց Եզրասի կողմը:

— Ո՞նց թե. երկիրը ի՞ր ժողովրդով ծախ բո՞ւն է, բառվդ վերց-
նես տաս: Երկիրը ո՞նց կտան,— անկեղծ զարմանքով ասաց Առա-
քելը:

— Ա՛յ կգա՛կառնի՛ կտեսնես, թե ոնց կտան, օ՛Ֆ. . .

— Ոտներս կառնի... — դարձյալ անկեղծ անհասկացողու-
թյամբ ասաց Առաքելը: — Նրան երկիր ո՞վ կտա:

— Նախարարը, ո՞վ:

— Նախարարը՞... — շտկվեց նստած տեղում Առաքելը այն-
պիսի ընդհատ շարժումով, որ սաստեց բոլորին: — Հարկի տակ
ճկոեցինք, քարից հաց հանեցինք՝ տվինք, հիմի էլ երկիրը տանք:
Դրա համա՞ր են հավաքվել նախարար ու հոգևոր: Բանը չհասնի
դրան:

— Հասել է, օտարակա՛ն, հասել է: է՛... օ՛Ֆ, — տնքաց Եզ-
րասը: — Նեղում է անօրենը, նեղն ենք, ճշմարիտ է, խիստ է դրել
հավատի պահանջը պարսիկը:

— Աղբեր է խառնում, ճհավա՛տը, — գայրացած գուշեց Առա-
քելը, — մի հավատի էի՞նք, միշտ էլի երկրի պահանջը շե՛ք: Ասա
իմ հող աշխարհքն է ուզում պոկի, գլխիս նստի, գերի, ստրուկ
չիե՛նի:

— Հա՛, հա, թե չէ մի հավա՛տ: Ես էլ որ հավատ եմ ասում,
ի՞նչ հավատ: Ասա հող աշխարհքը: Ախր մենք հող աշխարհքն ենք...

— Սպարապետը եկել է, ո՞նց կարող են երկիրը տան,— նը-
կատեց մի զինվոր:

— Չեն տա, չէ՞,— խառնաձայն հաստատեցին շորս կողմից,—
տա՛ էլի մարզպանը կտա: Սպարապետը երկիր չի տա:



Երբ բազմությունը անհանգիստ մտավ քաղաք՝ արդեն այնտեղ
ամեն ինչ իրարանցման մեջ էր: Բուռն կոչնահարությունը գնալով
սաստկանում էր ավելի: Բնակչությունը գուրս էր թափվել տներից
ու անկյուններից: Ամենքը իրար էին հարցնում, թե ի՞նչ է պա-
տահել: Ոչ ոք չէր կարողանում ստույգ բան ասել:

Արդեն վերջին օրերի լուրերը, նախարարների ժողովելը մայրաքաղաքում, պարսիկ մեծամեծների այցելութունները մարզպանին, գիշերային խորհրդակցութունները ժողովրդին անհանգստացրել էին մայրաքաղաքում, այստեղից էլ շրջակա շենքերում:

Քաղաքի բազմութունը արագորեն սկսեց ուռել վարարող հեղեղի արագությամբ և հորձանք տվեց դեպի արքունական տունը: Բազմութունը հասկացավ, որ տաճարում և արքունական տանը կատարվում են ողջ երկրին վերաբերող ինչ-որ դաժան գործեր: Հազարավոր աչքեր դարձան դեպի արքայական տունը՝ սպասելով, որ այնտեղից մի բան երևա, մի բան հայտնվի:

Հանկարծ արքունական տան դարբասից դուրս ցայտեցին շահերի ոլործուն բոցերը և մռայլ արյունագույն լույսով պարզեցին հազարավոր գլուխներ ու դեմքեր, որ եռում, վխտում էին համատարած բոլոր փողոցներում:

— Ճանապարհ, ճանապարհ, — գոչեց սուրհանդակը՝ ջլուտ ու արագաշարժ մի երիտասարդ՝ գավազանն օդում շարժելով և սրընթաց կտրելով բազմութունը, — ճանապարհ, նախարարները գալիս են:

Ժողովուրդը ճեղքվեց անկանոն երկշարք և ծանր ճոճվելով ետ ու առաջ՝ հազարավոր աչքերը դարձրեց դեպի արքունական տունը, որտեղից պիտի երևային նախարարները:

— Շապուհի օրերն են, անիծվեն պարսիկները... — լսվեց հուսալք բազմության մեջ, երբ նախարարներն երևացին:

Նրանք գալիս էին հետևակ և բոլորը ոչ հանդիսավոր, այլ մտահոգ մռայլ արտահայտություն ունեին:

Առջևից գնում էին Վահան Ամատունին, Ներշապուհ Արծրունին, Վարդան Մամիկոնյանը, Գաղիշո Խորխոռունին և ապա մյուս իշխանները: Նրանց հետևից գալիս էին նրանց համհարզները և թիկնապահները:

— Նախնյաց օրենքով, շտաբ, — գոչեց բազմության միջից Աբրահամ պապիկը, երբ նախարարները հավասարվեցին նրան:

— Հիշեցեք Շապուհին, — ձայն տվեց մեկ ուրիշը:

Բազմութունը օրորվեց, տարուգրվեց ու շարժում արեց դեպի նախարարները՝ հետևելու նրանց, բայց զորականները վճռական թափով կրկնեցին դեմ արին նրանց և արդեհեցին:

Բազմութիւնը, որ մի քանի քայլ էր արել՝ կանգ առաւ: Նախարարները գնացին դեպի տաճարը, որ մի քանի փողոց հեռու էր բազմութիւնից: Սանր լուսթիւնը թանձրանում էր տաճարի կամարների տակ, երբ նախարարները մտան տաճարը: Ճնշված օդը շարագուշակ մահվան սառնութիւն բուրեց նրանց դեմքերին:

Կանթեղների աղոտ լույսերը շթափանցելով անկյունների ու խորշերի մոայլը՝ շարագուշակ երանգով ողողում էին վանականների բորբոքված կերպարանքները: Նրանք խմբվել էին կաթողիկոսի շուրջը, որ նստած էր կաղնի քանդակավոր գահի վրա իբրև մի մրուայլ արձան: Դա մի ոչ շատ հասակավոր, հաղթանդամ անձ էր՝ սև ու խոշոր աչքերի հուժկու հայացքով: Նա թեև դեղնել էր գիշերային հակումներից, բայց այդ հայացքում կար և կենսական փիլիսոփայի, և փորձված մարդու խելքն ու հանդարտութիւնը, և մոլեգին պայքարներում կովողի խոյանք:

Երբ նախարարները ներս մտան՝ նա գլուխը բարձրացրեց իր ուժեղ ձեռքի մեջ կիսափաթաթ մագաղաթյա թերթերից, որ նա կարողում էր մտահոգ, բայց հանգիստ: Նրա կողքին, փոքր հեռու սալահատակին՝ փռած օթոցի վրա նստած էր մի բավական ծեր հոգևորական, որ կարճահասակ, պնդակազմ էր կոճղի նման: Նա ծնկներին դրել էր մի կաղնու տախտակ, որի վրա գամել էր մի լայն մագաղաթի թերթ: Նա եղեգնյա գրիչը ձեռին խորհում էր, երբեմն խորհրդակցելով իր կողքին նստած երկու այլ հոգևորականների հետ: Դա Եզնիկ եպիսկոպոսն էր Կողբացի մականունով, որը վարժ էր հունարենի, ասորերենի և պարսկերենի և քաջ գիտեր պարսից զրադաշտական կրոնը, որի դեմ և գրել էր: Նրա հետ էին երկու անձնավորութիւններ, որոնցից մեկը Աշտիշատի վանքի այն կրոնավորն էր, որին Վարդան Մամիկոնյանը պատվիրեց անմիջապես մեկնել Արտաշատ, մասնակցել Հազկերտին ուղղվելիք պատասխանամակի խմբագրմանը: Նրա անունը Ղևոնդ Երեց էր, խելացի, կամային մի հոգևորական և մոլեգնած հայրենասեր: Նրանցից մի փոքրը հեռու նստած՝ նրանց երկուսին էլ նայում և լսում էր Աշտիշատի մյուս կիսաշխարհիկ զորական հոգևորականը, որ խոսեց Վարդանի հետ նրա հրաժեշտի ժամանակ: Դա Եղիշեն էր, վանական եղբայր՝ երազային աչքերով և խանդավառ դեմքով մի հոգևորական, որ ավելի դիտում էր, ապրումներով այրվում, քան խոսում: Նրա հոգում խոր տպավորվել էին վերջին օրերի դեպքերը, և նա լարված

ու խոռվահույզ հետևում էր այդ դեպքերի ընթացքին: Բայց նա ևս իբրև շատ կարողացած և բանաստեղծ՝ հրավիրված էր Եզնիկ Կողբացու և Ղևոնդ Երեցի հետ շարադրելու արյաց արթայի հրովարտակի պատասխանը:

Մյուսները եպիսկոպոսներ էին, բարձրաստիճան հոգևորականներ, որ եկել էին Այրարատի, Տուրուբերանի, Վասպուրականի, Մուկաց, Սյունյաց, Տայոց և Բարձր Հայոց գավառներից՝ վճռելու ճակատագրական խնդիրը, որը նրանց բաշել, տարել էր կյանքի ծովի խաղաղ ափերից և քշել դեպի արելուկծվող հորձանքները, թերևս նավարեկություն:

Տաճարի խոնավ ու գաղջ օդը ծանրացել էր այնտեղ լցված հոգևորականներով:

Նախարարների մուտքը շարժում առաջ բերեց տաճարում: Բուրբուրը ոտքի ելան և ողջունեցին նախարարներին: Վահան Ամատունին առաջ ընկավ և Վարդանի հետ մոտեցավ կաթողիկոսին, առավաջը և լուռ կանգնեց նրանցից փոքր հեռու:

Տիրեց այն լուռությունը, երբ մարդիկ ամենից շատ բան ունեն ասելու, բայց չեն խզում լուռությունը, որովհետև զգում են, որ դրան պիտի հետևի բուռն և թերևս շատ անխորժ և տխուր խոսակցության պոռթկումն:

Աթոռիկներ բերին նախարարների համար, և նրանք նստեցին կաթողիկոսի մոտ:

Նրանք՝ հոգևորականությունն ու նախարարությունը, պատճառ ունեին մեծ տագնապի: Որովհետև հոգևորականության համար եկեղեցական իշխանությունը վտանգված էր թե՛ ձևականորեն և թե՛ էական: Հազկերտը ոչնչացնում էր նախ կրոնը, վանքերը, կալվածները, ոչնչացնում էր ժողովրդի գոյության նյութական հիմքերը, որ ընդունել տար կրակապաշտությունը, ձուլեր և ոչնչացնե՞ր ամեն դիմադրական զուղափար և ապա ոչնչացնե՞ր Հայաստանը իբրև հոգևորականություն, նախարարություն և ժողովուրդ:

Տագնապում էր նաև նախարարությունը: Նա նույնպես զգում էր, որ հավատքը պատրվակ է, և Հազկերտը միտում է նախարարությունը ոչնչացնել:

Կաթողիկոսը կանգնեց, խաչակնքեց նախարարներին և ապա ներշնչված նայելով Վարդանին, ասաց.

— Հասավ փորձությունը նենգավորի, տեր Մամիկոնեից...

— Փորձութիւնը եկավ փորձելու ամենքիս, տեր հոգևոր,—
պատասխանեց Վարդանը,— եթե թուլահոգի գտնվենք՝ արժանի
ենք պատուհասին:

Կրկին լռութիւնն սկսեց ճնշել, մինչև որ կաթողիկոսը խիստ
անհանգիստ նայեց ժողովածներին:

— Ո՛ւր է մարզպանը, պե՛տք է, որ մենք հրավիրենք նրան,—
հարցրեց նա հանդիմանորեն:

— Մարզպանին ո՛չ է անկ մասնակցել այսպիսի ժողովի,—
ասաց Գաղիշոն անբարյացակամ հայացքը գցելով գետնին:

— Ինչո՞ւ,— հարցրեց մի փոքր զարմանքով Վահան Ամատու-
նին:

— Մարզպանը երկրի իշխանութիւնն է:

— Իսկ նախարարներս ի՞նչ ենք:

— Մենք իշխանութիւն ենք մեր աշխարհների, իսկ մարզպա-
նը՝ արյաց արբայի երկրի,— դարձյալ հատակին նայելով, նույն ան-
բարյացակամ, տրամաբանող և ներհակ եղանակով պատասխա-
նեց Գաղիշոն:

Գարձյալ լռեցին:

Վահան Ամատունին դարձավ դեպի նախարարները.

— Բարի, տյարք, ինչ էլ որ լինի՝ մարզպանը պիտի գլխա-
վորի մեր պատասխան նամակը: Արքան նրան է ճանաչում ամենից
առաջ: Որքան էլ որ լռի, վերջը խոսելն է:

Նախարարներից ոչ ոք չպատասխանեց: Նրանցից ոմանք հոն-
քերը կիտելով և համառ անթափանցութեամբ լսեցին տերութեան
նախկին Հազարապետին, որի ներհակութիւնը մարզպանի հետ
հայտնի էր նրանց:

— Նա մարզպան է, նրա գործն այլ է,— ասաց կարծես այս
խոսակցութիւնէից անախորժացած Վահանայաց Գյուտը:

— Ի՞նչ այլ գործ,— սառը եղանակով դարձավ նրան Վահան
Ամատունին,— գործը պարզ է, այո կամ ոչ:

— Ինքդ ասացիր, տեր Ամատունայաց, արքան նրան է ճանա-
չում ամենից առաջ: Ասել է՝ նրա գործը գծվար է:

— Նրա գործը մեր գործն է, տեր Վահանայաց,— վիրավորվեց
Վահան Ամատունին:

— Ես ոչինչ չգիտեմ,— անախորժ ծամածռութեամբ փակեց
ալս տրամախոսութիւնը Գյուտը և նեղացած սպասեց Գաղիշոնի:

խարարին, որի գողունի հայացքը ասում էր նրան, որ հետը համա-
ձայն է:

Կաթողիկոսն սկսեց գանգատվել Դենշապուհ պարսիկից, որ
ծանրագին տուրքերով խեղդում է վանքերն ու եկեղեցիները, որ
ոտնատակ է տալիս եկեղեցին:

Վահան Ամատունին, որին ամենից շատ էին վերաբերում Դեն-
շապուհի բանսարկութուններն ու հարվածները, դառն ատելութուն-
նից՝ միայն լռեց ու ունկնդրեց կաթողիկոսի գանգատներին:

Վարդանը նախազգում էր ինչ-որ անախորժ ընթացք այս բոլո-
րի մեջ: Տեսնում էր, թե ինչպես է ճնշել նախարարներին արքայի
հրովարտակի կտրուկ ձևը, ինչպես դժվարանում են նրանք վճռա-
կան խոսք ասել: Եվ իրոք՝ ահա մոտ երկու ժամ անցավ այն վայր-
կյանից, որ ինքը եկավ և հանդիպեց նրանց՝ դեռ ոչ ոք նրանցից
ինքնաբերաբար ոչինչ չէր խոսել հրովարտակի մասին: Կարծես
իրենց չէր վերաբերում այդ, այլ ուրիշներին, որոնց վճռին էլ սպա-
սում են:

Վարդանը գիտակցում էր, որ այս գործի մեջ պետք է փորձվեր
մի ամբողջ ժողովուրդ իր շինականներով, սզատներով, սեպուհնե-
րով, նախարարներով և մարզպանով, ինչպես նաև հոգևոր դասով:
Ի՞նչ կասեր հայ ժողովուրդը, երբ օրհասը եկել, կանգնել էր նրա
զլխին... Վարդանը զգում էր, որ պետք է գործի անցնել:

Եկավ սուրհանդակը և հայտնեց, որ Վասակ Սյունին հրա-
ժարվում է ժողովին մասնակցելուց:

— Տեր մարզպանը խնդրեց պատասխանը գրելուց հետո նա-
խարարները ներկայացնեն իրեն,— ասաց սուրհանդակը:

— Այն ժամանակ մնացինք մենք ու մեր խիղճը,— ասաց
Վարդանը սրտմտությամբ,— սկսեցե՛ք, սրբազան հայրեր:

Կաթողիկոսը վեր կացավ և դառնալով Եզնիկ Կողբացուն՝ ա-
սաց հանդիսավոր ձայնով.

— Վերցրու արքայի հրովարտակը:

Բոլորը ոտքի ելան:

Եզնիկը վերցրեց ձեռք-ձեռք անցնելուց ուղործուն դարձած հր-
րովարտակը և սպասեց կաթողիկոսին:

— Դարձե՛ք արևմուտ,— հրամայեց կաթողիկոսը:

Բոլորը երեսները դարձրին դեպի արևմուտք: Կաթողիկոսը
դարձավ ժողովականներին.

— Սրբազա՛ն հայրեր, նախարարնե՛ր Հայոց աշխարհի: Վերջին ժամն է խորհելու և պատասխանը գրելու: Մի անգամ ևս կարդանք հրովարտակը: Կարդա՛, սրբազան հայր:

Սզնիկ Կողբացին հնչեղ ձայնով կարդաց.

«Միհրներսեհ վզուրկ¹ հրամանատար Երան և Աներան², հայոց մեծաց ողջույն շատ»:

«Գիտցեք, ամեն մարդ, որ բնակվում է երկնքի տակ և շունի օրենքը դենիմազդեզի³, նա խուլ է և կույր և Հարամանի⁴ դեերից խարված»:

Հրովարտակում գովաբանվում էր զրադաշտական կրոնը, որից հետո գալիս էր բուն մասը, քրիստոնեություն ծաղրը. մոլորություն էր համարվում այն, որ քրիստոնյաները հավատում են, որ աստված է ստեղծել բարին ու չարը, ինչպես և մահը:

«Եթե Հոռոմոց աշխարհը (Հունաստանը) իր շատ հիմարության պատճառով մոլորվել է և զրկվել մեր կատարյալ հավատից՝ անձամբ կզգա իր վնասը՝ իսկ դո՛ւք ինչու եք նրա մոլորության հետևից գնում: Ինչ հավատ որ ունի ձեր տերը՝ դուք էլ նույնը ընդունեցեք»:

Սզնիկը հասավ հրովարտակի վերջավորության.

«Արդ երկու բան կա ձեր առաջ. կամ բառ առ բառ պատասխան տվեք նամակիս, կամ եկեք Դուռը և կանգնեցեք մեծ ատյանի առաջ»:

— Դարձե՛ք աղոթարան,— ասաց կաթողիկոսը:

Բոլորը երեսները դարձրին արևելք:

Ոչ ոք չխոսեց:

Այն ժամանակ կաթողիկոսը դարձավ նախարարներին.

— Ի՛նչ եք խորհում, տյարք:

Լուսթյունը եղավ պատասխան: Կաթողիկոսը կրկին դիմեց նախարարներին:

— Մի՞թե աշխարհում շունենք բարեկամ: Ո՞վ կփրկի մեզ:

— Ոչ, ոք,— լսվեց մի սառնաշունչ պատասխան:

¹ Մեծ:

² Իրանի և ոչ Իրանի (երկրներ և ժողովուրդներ):

³ Զրադաշտականի մազդեզանց կրոնի հավատը:

⁴ Արհմն, չար ոգի:

Դա Ապահունյաց Մանեճն էր՝ լուսկյաց և մաղձոտ մի նախարար:

Կաթողիկոսը խռովվեց, բայց զսպեց իրեն:

— Կոչ կոչենք հանուր մարդկության, հասնեն օգնության:

— Ո՞ւմ կոչենք կոչ, տեր հոգևոր, հարցրեց Վարդանը մընայլ:

— Բյուզանդիային, ասորիներին, վրացիներին, աղվաններին...

Վարդանը շպատասխանեց իսկույն:

— Կդիմենք օգնության, դա պետք է, ընդդեմ շեմ: Կկոչենք արյաց բոլոր թշնամիներին: Եվ կկոչենք: Բայց միաբանենք նախ մե՛նք, կոչ կոչենք նախ մե՛զ... Պատրաստ եք միաբանել, դիմագրավել բռնավորին:

— Մենք հոգևորներս պատրաստ ենք դիմագրավելու: Պատրաստ եք նույնին նաև դուք:

— Պատրաստ ենք,— ասաց Վարդանը:

Կաթողիկոսը դարձավ մյուս նախարարներին.

— Պատրաստ ենք,— լսվեց նաև մյուսների մեծամասնության ձայնը:

— Ես դիտողություն ունեմ,— ասաց Գաղիշոն՝ իր սովորության համաձայն աչքերը գցելով հատակին և մուայլ դեմքին տալով անթափանց արտահայտություն,— նամակն ուղղված է «հայոց մեծաց»։ Ինչպե՞ս է նա ընկել հոգևորների ձեռքը և ինչո՞ւ են հոգևորները մասնակցում պատասխանին:

Վրդովմունքի մի ալիք անցավ բոլոր ժողովականների միջով: Գաղիշոյի տված հարցը թվաց սրամիտ և ուժեղ:

— Ինչո՞ւ ես պահանջում, տեր խորխոռունյաց,— հարցրեց Վահան Ամատունին:

— Որովհետև հրովարտակում ասվում է. «մի հավատաք ձեր առաջնորդներին, որովհետև շատ են խաբերա. ինչ որ խոսքով ուսուցանում են՝ գործով շեն կարող հանձն առնել»: Պարզ է, որ դիմումը նախարարներին է արվում, ընդդեմ հոգևորների:

Կաթողիկոսը հանկարծ ցնցվեց և դարձավ Գաղիշոյին.

— Տեր խորխոռունյաց, հայոց մեծերը բոլոր նրանք են, որոնք այսպիսի մեծ աղետների ժամանակ արյուն են թափել հավատի համար և հիմա էլ պիտի թափեն:

Վահևանյաց իշխանը սուր հաճույք զգաց կաթողիկոսին խոն-
ցելու և անկարող զսպել իր կիրքը՝ ասաց հեգնանքով.

— Քանի որ հոգևոր տերը ընդունում է, որ հրովարտակը հո-
գևոր դասին է հղված և ինչպես որ հնուց հոգևոր դասը միտում է
գերազանցել նախարարական իշխանության՝ թող գնա կանգնի
Հազկերտի առաջ:

— Իշխանք, տանուտյա՛րք հայոց, — գոչեց դողալով կաթողի-
կոսը, — մենք չե՛նք տա իշխանությունը հոգևոր: Մեր արյամբ
կպաշտպանենք լուսավորչի ուխտն ու ավանդը: Չենք տա վանքերն
ու կալվածքները:

— Կամքը ձեր, հոգևոր տեր, — ասաց Գյուտը, — գնացեք կըռ-
վեցե՛ք:

— Մի խոսի այդպես խտրական ոգով, տեր Վահևանյաց, —
խստորեն հանդիմանեց կաթողիկոսը, — կովին կստիպվի մասնա-
կից լինել նաև նախարարությունը:

— Ի՛նչ ստիպմունք, — շարացավ Գյուտը, — դուք իշխանու-
թյո՛ւն եք գործադրում, ուրեմն դուք իշխանությո՛ւն եք:

Բազմությունը խռովվեց: Անհանգստացած ձայն տվին ամեն
կողմից.

— Ինչի՞ երկարացրին. ո՞ւմ հետ են կռվում, պարսի՞կ կա
մեջները, ինչի՞ չեն վճռում:

— Իրար հետ միաբան չեն:

— Ինչի՞ն միաբան չեն, դեմ են երկիրը պահելո՞ւն:

Տաճարում վեճը բորբոքվում էր ավելի ու ավելի:

Վարդանը բարձրացրեց ձեռը:

— Թողեք վեճը, հոգևոր տեր և դուք տյարք, — ասաց նա հան-
գարտ, բայց ներշնչուն շեշտով, — այն ժամանակ, երբ ազգովին
կանգնած ենք կենաց-մահու առաջ՝ այլևս չկա ո՛չ «հայոց մեծ», ո՛չ
«հայոց փոքր» և՛ նախարարություն, և՛ հոգևորականություն: Ազ-
գովին պիտի պատասխանենք: Ավարտենք գործը, կանգնենք մեր
հայրենի երկրի պաշտպան՝ և ապա թող ձեր վիճելիքը վիճվի: Կա-
մովին պարսկանալը չի փրկի մեզ, տյարք... գուցե ծածուկ հուսա-
ցողներ կան... Հազկերտը գիտե, որ որքան էլ պարսկանանք, դար-
ձյալ մեր ավանդություններով կմնանք հայ և դարձյալ փտանդա-
վոր կլինենք իրեն և Բյուզանդիայի միջև: Ահա թե ինչո՛ւ նա պիտի

արտաքսի ու ոչնչացնի մեզ: Կտանք մեր իշխանությունը, երկիրը, հայրենիքը:

— Չենք տա, Ապարապետ, — պատասխանեցին նախարարները և հոգևորականները:

— Դե ուրեմն, ի մի՛տ առեք, տյարք, որ ազգովին պետք է դուրս գանք պատերազմ, ուրեմն և պետք է միանանք՝ նախարարությունը, հոգևորականությունը, ժողովուրդը: Պետք է ազգովին զինվորագրվենք:

— Ճշմարիտ աստված, — գոչեցին մի բանի նախարարներն իրենց ված Վարդանի այս խոսքերից և ամենից ավելի ցասումնաժողովրդի արտակարգ հուզումից, որի ձայնը հասնում էր ներս:

— Թող ոչ ոք մեզ այստեղ չբռնադատի, — վճռականորեն հայտարարեց Գյուտը, — մենք չենք գնա եկեղեցու հետ վտանգելու մեր իշխանությունը:

— Տեր Վահևանյաց, — դիմեց Գյուտին Վարդանը, — մի՛թե դու համաձայն ես ընդունել ուրացությունը:

— Տեր Մամիկոնեից, ես չեմ պնդում, որ ընդունենք ուրացությունը, սակայն եթե մի պահ կարծյոք ընդունենք՝ մի՛թե չենք մնա նույն նախարարը, տերը չե՞նք լինի մեր տիրազուլիս ազատության: Ի՞նչ երկյուղ:

Բոլորը արագ շարժվեցին նրա կողմը: Վարդանը անհաշտ խոշոր աչքերը լայն բացեց նրա վրա:

— Նախարար, տիրազուլիս, ազատությո՞ւն: Վերջ նախարարական տիրապետության: Ահա թե ինչ է կամենում նա: Ոչնչացրեց թագավորությունը, ոչնչացնում է և նախարարությունը: Հավատուրացությամբ կամենում է մեր տակից հանել մեր հիմքը — ուսմիկը: Կամենում է իրավազրկել, ընչազրկել, դարձնել անաշխարհ, ցրել, մաշել մեզ պատերազմներում օտարության մեջ, այլևս ի՞նչ նախարար և տիրազուլիս ազատություն: Յնորք և բանդագուշանք:

Բոլորը ճնշվեցին՝ զգալով, որ Վարդանը թերևս ճշմարիտ է և Վարդանը շարունակեց.

— Ոչ մի զիջում: Բոլորս կկործանվենք՝ եթե չմիտանանք: Անուսցեք այս և խելամուտ եղեք: Նվ զգուշացնում եմ թե՛զ, տեր Վահևանյաց, ոչ ոքիս չի տված իրավասություն խոսելու բոլոր նախամարտերի բերանից:

— Ճշմարիտ, անտարակո՛ւյս,— ասացին Հազարապետը, Արտակ Մոկացը, Ատոմը և Արշավիրը:

Սակայն Վարդանի դեմ կանգնել էր նախարարների մի կողմի ներհակությունը, և որ ամենից զարմանալին էր՝ նաև կարծես ներշապուհ Արծրունին, երկրի կարևոր և առաջնակարգ նախարարը, և ուրիշները, որոնց քար լուսթյունը կաշկանդում էր ամեն բան: Ահեղ արհավիրքին, երբ արյան պես անհրաժեշտ էր միաձուլլ միաբանություն՝ ծայր էր առնում զժտությունը, երկպառակությունը, դուռ բացում դավաճանության, խռովությունների և կոիվների, դեպի կործանում տանելու երկիրը:

Այնժամ առաջ եկավ Վարդանը՝ և վճռական ձայնով դիմեց Գյուտին.

— Բավ է, ասացեք ի՞նչ է ձեր վերջնական պատասխանը, տեր Վահևունյաց:

Գյուտը գունատվեց: Նրա աչքերը պսպղացին.

— Քանի որ հոգևոր դասը հնուց իսկ միտում է գերազանցել նախարարական իշխանության, թող այս ճգնաժամին ևս ինքը կանգնի Հազկերտի առաջ: Ամենևին արյուն չունենք թափելու հոգևորականության համար և կոիվ չունենք արքայի դեմ:

— Եվ մենք անձամբ կտանք մեր պատասխանը Տիգրոն, իրեն արքային,— ասաց Գաղիշոն:

— Իսկ երկրին, տյա՛րք նախարարք, չե՞ք կանգնի պաշտպան,— հարց տվեց Ղևոնդ Սրեցը առաջ գալով:

Գյուտը զայրացավ.

— Ի՞նչ, դատ ու դատաստա՞ն ես կանգնում մեր խղճի դեմ, քահանա՛դ ողորմելի:

— Մահու սարսուռն է կարկամեցրել ձեզ, անզգայության մըջուլը պատել ձեր հոգուն,— գուցեց Ղևոնդ Սրեցը,— շրջում եք իբրև լուսնոտներ և չեք տեսնում, խոսում եք և չեք խորհում: Ի՞նչ է պահանջում մեզից դժոխքի հոգին, շարության վահանը, սատանայի գործիքը...

— Զգո՛ւյ՛շ, տեր հայր,— ասաց Գյուտը սպառնալի ձայնով:

— ...Սանդարամ՛տը զժոխոց,— բարձրագույ ընդհատեց գյուտին Ղևոնդ Սրեցը,— մի՛թե երկյուղ կունենամ նրանից, մի՛թե կլռեմ, կհնազանդվե՞մ, երբ նա պահանջում է հանգսնել լույսը և գրկել խավարը:

— ...Եվ ի՞նչ, երևի դու կհանդգնես արյաց արքայի՞ն կանգնել դիմադարձ...

— Տե՛ր Վահևանյաց, եթե բռնակալների մի ողջ զորագունդ անգամ գա իմ դեմ՝ դարձյալ կկանգնեմ դիմադարձ:

— Դու հանդգնո՞ւմ ես, ապստամբդ զքեզ,— խստորեն հարցրեց Գյուտը:

— Ես ապստամբ եմ և շեմ կույր ու անիմա,— ներհակ ձայնով պատասխանեց Ղևոնդ Երեցը:

Չարագույժ լուսթյունը ծաղկեց ամեն ձայն: Ամենքն սպասում էին, որ հիմա-հիմա կզրնգան սրի հարվածները: Բայց ներսն սկսվել էր մի անօրինակ հոգեմարտ մի բռնակալ նախարարի, որ շար համառությամբ ձգտում էր ճնշել մի խիզախ քահանայի, որ ինքն էր առաջ ընկնում անլուր համարձակությամբ մինչև սարսափ ազդելը: Բազմությունը ուժեղ մղվեց դեպի տաճարը՝ սաստիկ զարմացած՝ նախարարի և քահանայի այս անպատշաճ, խիստ ընդհարումից: Չտեսնված, շսված դեպք, որ միայն կարելի էր հասկանալ Ղևոնդ Երեցի զինվորյալ գրվելու վճռով այդ պահին:

— Դո՛ւրս,— հրամայեց Գյուտը բարձրագույն:

— Ի՞նչ են անում, ի՞նչ են անում...— մոմոաց բազմությունը գրսում:

— Դո՛ւրս,— կրկնեց կատաղած Գյուտը:

— Տե՛ր Վահևանյաց,— լավեց Վարդանի խրոխտ ձայնը:

— Տե՛ր Վահևանյաց,— հետևեցին այլ ձայներ:

Բազմությունը լարվեց.

— Տեսե՛ք, տեսե՛ք, ինչ են անում...

— Քահանայի՞ն, քահանայի՞ն...

Բոլորը սասանած, ապշահար նայեցին տաճարի դռանը, որտեղից դուրս լողաց Ղևոնդ Երեցի գայրալից կերպարանքը: Նրան դուրս էին բերում Գյուտի թիկնապահները: Նրա բռունցքը օդի մեջ դուրս էր գալիս դողահար ու այլակերպ:

— Հրավե՛ր կարդա արքունի զորքին,— լավեց տաճարից կաթողիկոսի գայրալի հրամանը:

է՛, է՛, է՛... Ժողովո՛ւրդ, արքունի զորք են կանչում, բանն ո՛ւր հասավ...

Լավեց, թե ինչպես նախարարները խառնաձայն իրար անցանք.

— Հարկ չէ՛, հոգևոր տե՛ր, խստագի՛ն է, անցի՛ր...

Բազմութիւնը բազմազուլն, թանձր, անխոս, անցուղարձին կարծես անմասնակից՝ շարունակական, ծանր աննկատելի մղումով շարժվում էր, ճնշում գեպի այն կողմը, ուր տեղի էր ունենում այս վիճաբանութիւնը, դեպի տաճարը և ուրքան իր զանազան հատվածները նույնպես աննկատելի ետ էին մղում այդ զանգվածին, պաշտպանվում նրա ճնշումից՝ այնուամենայնիվ զանգվածը չէր դադարեցնում իր ընդհանուր, շարունակական, խեղդող և իրեն ենթարկող անգիմադրելի ճնշումը:

Կոչը ցնցեց բոլորին՝ նախարարներին, հոգևորականներին, բազմութիւնը: Դա ծայրահեղ արտակարգ վտանգի նշան էր: Առանձին, նվիրապետական, չգրված օրենքով զորքը, աստիճանական կարգում բարձր էր հիշվում նախարարներից և ենթարկվում էր կաթողիկոսին ծայրահեղ դեպքերում:

Ղևոնդ Երեցը, որին դուրս էին զուգել տաճարից, ճեղքեց բազմութիւնը և առաջ գալով ձայնեց բարձր.

— Ժողովո՞ւրդ հայոց, կոչ կոչեցեք զորքին արքունի, թող կանգնի պաշտպան աշխարհին. իշխանները մերժում են պաշտպանել...

Պսկույն ամեն կողմից բազմութիւնը ճեղքելով մեջտեղ խուժեցին զինվորների հոծ խմբեր, պատրաստ կատարելու այս կոչի թելադրանքը: Միաժամ բազմութիւնը ալիք տվեց և կծիկ-կծիկ քանդվելով ճանապարհ բացեց մի սևավոր հոսանքի, որ լցվեց ու հորձեց դեպի եկեղեցին: Դա եկեղեցակառնների մոայլ ու մուկեկան զանգվածն էր Սյունյաց վանահայր Գրիգորիոսի և ժեր վանականի գլխավորութիւնով: Նրանք խաչեր ունեին ձեռքներին, որ բարձր բռնած սպառնազին գրոհեցին դեպի տաճարը:

Միաբանութիւնը ձախողվեց, երկպառակութիւնն ընկավ: Գյուտը հայտարարեց.

— Պործեցե՛ք արքունի զորքի հետ ընդդեմ արքային, մենք մասնակից չենք խռովութիւնի:

— Դուք դավաճանութիւն եք սերմանում արհավիրքի ժամին, — գնաց դեպի նրանց վարդանը, — դուք պատասխանատու եք երկրի առաջ. ուշաբերվեցե՛ք...

— Մենք գլխաւորութիւն պատասխան չենք տա, — գոչեց Գյուտը և իր համախոհներով ուղղվեց դեպի տաճարի ելքը և կանգնեց դռան մեջ:

Յաղմութիւնը խոռվահոյզ առաջ եկաւ:

— Ի՞նչ եղավ, ի՞նչ արին, վճի՞ր տվին...

— Ի՞նչ, չեն կարողանում պատասխան գտնեն, սուր բարձրացնեն դեմ բռնավորին,— ձայն տվեց Առաքելը բարկացած:

— Արտավազը դո՛ւրս հկաւ վիճից, վե՛հ՛ք Հայոց աշխարհքին,— կոնչաց նգրասը ժանգոտ ու շարագույժ:

Հաղարավոր դեմքեր շրջվեցին նրա կողմը:

Սպանալից մի լուսիչուն կրկին սաստեց բազմաթիւս: Ան նախազգացումը պաշարեց նրան. նա այնպես զգաց, որ ահա կորժանվում է մի ինչ-որ շատ ավելի մեծ բան, վերջնական հիմնական բան, աշխարհի հաստատութիւնը, և իր սօտի տակից խորտակված անդունդն է գահավեժ գնում այն աշխարհը, որի վրա նա, բազմութիւնը, գոյացել է և անխախտ հաստատ աստիճանի կյանքի ստեղծումից մինչև օրս, և ահա այդ աշխարհի վերջն է, աշխարհոպի ոչնչացման աստատիր...:

— Հայոց աշխարհքի վե՛րջն է, փրկեցե՛ք,— լսվեց ամեն կողմից:

— Ի՞նչ Հայոց աշխարհքին վերջ, ինչե՛ր եք գուրս տալիս,— բարկացաւ Առաքելը:

— Տվի՛ն Հայոց աշխարհքը Հազկերտին, տվին հող հայրենին,— ձայնեցին նրան:

— Ո՞նց թե տվին, ո՞նց թե տվին,— մոնչաց ու բազմութիւնը հարու տալով ճեղքեց, առաջ եկավ Առաքելը, շար նախեց շորս կողմ,— ո՞վ տվեց, էս սեւավորնե՛րը, նախարարնե՛րը...:

Եվ շարժում արեց.

— Գնանք տեսնենք ո՞վ, ո՞ւմ աշխարհքն են առնում-ժախում:

— Ե՛տ կաց, խելքդ տե՛ղն է, սրի կբաշեն,— ընդդիմացավ մեկը կողքի կանգնածներէջ:

— Սրի՛,— գարայցաւ Առաքելը,— որ մեր հող հայրենի՛ն ենք պաշտպան: Որ հող հայրենին տվին՝ էլ ա՛հն ինչ, մա՛հն ինչ:— Եվ հանկարծ ալլալվեց, ցատկեց մի քարի վրա և դարձաւ բազմութիւն,— լսի՛ր, ժողովուրդ, մեր գարծի համար ուրիշները չեն վեր կենա: Հող հայրենի՛ եջ:

— Հող հայրենի՛ ենք,— լսվեցին հա՛տ ու սալար ձայներ:

— Որ հող հայրենի եք՝ սա հող հայրենիի կոթիվն է: Դե, ե՛ս գլխում եմ պինդացալ, ամեն դեռում գործի՛ն, ուրիշ էլ ո՞վ է, եղե՛ք

զինվորյալ հող հայրենիի սիրուն,— գոչեց ու արագ գնաց դեպի տաճարը:

— Զինվորյալ, հող հայրենիի սիրուն, ելե՛ք,— արձագանքեցին ստվարաձայն ամեն կողմից:

— Հայոց աշխարհքի վե՛րջն է, փրկեցե՛ք Հայոց աշխարհը,— գոչեց Զարհհը: Բազմությունը օրորվեց, տարուբերվեց, ճնշեց և տեղահանվելով գնաց թանձր ու ծանր: Խառնված գնացին Վարաժը, Եզրասը, Մարկոսը, Գոռնակ Սիմավոնը, Մարտիրոսը, Հովակիմ դարբինը, Աբրահամ պապիկը, փախստական շինականները, քաղաքի արհեստավորները, զինվորները:

— Առաջացե՛ք, առաջացե՛ք,— գոչեցին ամեն կողմից, ուժգրնորեն մղվելով առաջ:

— Մի՛, մի՛, թողե՛ք, մի՛ քշեք...— ճգնեցին ոմանք կանգ առնել, պահել հետևից ճնշող զանգվածին:

Բազմությունը շլսեց նրանց, մղվեց ավելի մեծ թափով և հոսեց գնաց դեպի տաճարը, ճնշելով համառ, սպառնալի, անդիմադրելի ուժով:

Մի կատաղի սեպուհ նետվեց դեպի Առաքելը, բայց սա այնպես հրեց նրան, և հետևող բազմությունն էլ այնպես ողողեց նրան, որ նա կորավ հորձանքի մեջ, քշվեց գնաց հետը:

Բազմության սպառնալի որոտը անհանգստացրեց տաճարում գտնվողներին: Այնտեղ նոր հասկացան, որ տաճարի վրա է գալիս մի աղետաբեր զանգված:

— Ի՛նչ է... խուժո՞ւմ են,— անհանգստացավ Գյուտը Գաղիշոյին դիմելով:

Գաղիշոն մռայլ խեթեց իրեն մռայլ նայող Վարդանին և դառնաժպիտ շրջվեց դռան կողմը: Գյուտը իրեն չզսպեց, գնաց դեպի դուռը: Բայց նրա առջև բացվեց մի շատ ավելի ահավոր և սպառնալի պատկեր, քան տեսել էր նա երբևէ իր կյանքում:

Մռայլ վճռականությամբ, համառությամբ, ուժով և անհանգիստ թափով առաջ էր մղվում Սահակ շինականը, ճանապարհ բացելով իր հետևից մղվողների համար. Առաքելի, Աբրահամ պապիկի, Հովակիմ դարբինի, Եզրասի, Վարաժի, Մարկոսի, հեթանոսքրիստոնյաների... և շարքերը քանդելով առաջանում էր բազմությունը: Եվ այս խուժողների առաջինները, հետզհետե մոտեցան տաճարի դռան, ուր զինվորներն ու թիկնապահները նիզակները

ցցեցին դեպի նրանց: նրանք ներս նայեցին ու մի պահ բարացա՞ն իշխանների և հոգևորականների սաստող հայացքների դեմ:

— Քշեցե՛ք ամբոխը,— զայրագին հրամայեց ինքն իրենից զուրս եկած Գյուտը թիկնապահներին և դուան պահակ զինվորներին:

Զինվորներն ու թիկնապահները նախարարներից երկյուղ կրելով, բուռն թափով հարձակվեցին առաջացող բազմության վրա.

— Ծ'տ տվե՞ք, ե՛տ,— զայրալի գոռացին նրանք և ճիգ արին արգելել նրանց մոտենալ դուան:

Զինվորները կանգ առան մի պահ: Ծվ այս վճռական պահին բազմությունը ևս մի վայրկյան սասանեց, կարծես ուշաբերվելով:

— Կա՛նգ առե՞ք, ե՛տ, ե՛տ,— լսվեցին ճնշված մարդկանց ճիչեր, և մարդիկ շարժում արին ետ տալ հորձանքը: Ոչինչ չօգնեց: Հորձանքը ճնշեց և արգելող զինվորների դեմ բարձրացավ Առաքելը, որ անասելի ուժով թափահարեց բազմությունը և սլացիկ վազքով հարձակվեց տաճարի դուան վրա: Իսկույն բազմությունը խլեց շարժումը և հետևից խիստ ու թանձր գրոհեց:

Տաճարում գտնվածները իրենց տեսան՝ ողջ տաճարով՝ դրսից և ներսից շրջապատված, շղթայաղերժ մի զանգվածով, որի տնդուլ, անբառ, հզոր մուտոցը կաթվածում էր ամեն միտք ու կամք և հետզհետե ուժեղանալով դառնում աղոթքի, բողոքի, ցասման որոշ-անորոշ, գիտակից-քնազդական հսկայական մի մոնչյուն վերահաս արհավիրքի դեմ:

— Ինչպե՛ս հանդգնեցիք խուժել տաճար,— զայրույթով հարց տվեց բազմությանը Գյուտը, խլացնելու համար նաև իր ակամա երկյուղը:

«Զինվորյալ, հող-աշխարհքի սիրո՞ւն»,— այս խոսքն էր միայն, որով բազմությունը լուծեց անլուծելին՝ թագավորների, մարզպանների, իշխանների դեմ խոսելու իրավունքի առեղծվածը, հնարավորությունը: Նա զգաց, որ այդ խոսքերով միայն կարող է մի այդպիսի հանդգնության գնալ՝ պահանջել այս աշխարհի մեծերին՝ պաշտպանել երկիրը թշնամուց, նրա հարկահաններից, նրա ստորկուսությունից: Դա նրա ցասման, դիմադրության պահանջի խոսքն էր:

«Զինվորյալ, հող-աշխարհքի սիրո՞ւն»,— գոչելով մի գերագույն վայրկյանում նա հանկարծ ստեղծեց, գտավ իրեն: Զանգվածային

Քափով հարվածեց, խառնեց իր հետ Ղևոնդ Երեցին, զինվորներին, վանականներին և խուժեց ներս:

Վարդանը, որ ոչ առանց անհանգստութեան դիտեց ծառացած բազմութեան խուժումը, և որին դիպավ այս իշխանազանցութեանը, միաժամ հին զորականի ներհայեցողութեամբ հասու եղավ այս խուժման իմաստին: Եվ գնահատեց այն: Նա առաջ գնաց մի քանի քայլ և դիմեց բազմութեան մեջ ողողված սեպուհներին և նախաբարների թիկնապահներին.

— Հանգի՛ստ թողեք ժողովրդին:

Եվ խստորեն նայեց Գյուտին: Սեպուհներն ու թիկնապահները ետ քաշվեցին:

Հետո նա դիմեց բազմութեան, որ առաջ եկավ:

— Ինչո՞ւ եք խոռովվել, եղբայրներ:

Առաքելն առաջ եկավ և խոժոռ աչքերը գետնին՝ ասաց.

— Եկել ենք իմանալու, Սպարապետ, ի՞նչ պատասխան եք տալու Հազկերտին: Ահա ասում ենք. ինչ պատասխան կտաք՝ ձեր գործն է, մենք զինվորյալ ենք, կկռվենք ու երկիրը շենք տա, ճըշմարիտ աստված:

— Մե՛նք ևս զինվորյալ ենք, շենք տա, շինական եղբայր, աստվա՛ծ ճշմարիտ, — հանկարծ այլայլվելով ասաց Վարդանը և երեսը խաշակնքեց:

Բազմութունը հետևեց նրան:

«Զինվորյա՛լ» — Գաղիշոն և Գյուտը մեծ տագնապով լսեցին այս խոսքը:

Ու մինչ Գյուտը կանգ առավ այլայլված՝ Առաքելը ավելի առաջ եկավ:

— Ողջ ժողովրդով մեզ համարեք զինվորյա՛լ. երկիրը շենք տալիս ու էսպես էլ կպատասխանենք արքային, — հատու սրի պես կտրեց Առաքելը:

— Զինվորյալ ենք, — խառնաձայն որոտաց հափշտակված բազմութունը: Մթնոլորտը կրակվեց: Մարդիկ այլակերպվեցին: Կարծես աշխարհի հաստատութունը խորտակվեց վերից վար: Ռամիկը բարձրացավ, ջնջեց իշխանի ու ոսմիկի դարավոր կարգը, հավասարվեց կարծես դառնալով մի անդիմադրելի ուժ, և դա նախաբարների համար ամենից անախորժն ու սոսկալին էր, հակառակն առ անընդունելին, որ անսպասելիորեն, հանկարծ պատահեց ինչ-

պէս երկրաշարժ, ջրհեղեղ, հրաբուխ: Նախարարներէց Վասակի կողմնակիցները կատաղեցին և միմիայն մահու վտանգից, մեծագույն դժվարութեամբ հանդուրժեցին այդ նվաստացումը: Ոչ պակաս խորթ ու անխորտ հղալ այս վիճակը նաև Վարդանի կողմնակիցներին, բայց նրանք զգացին, որ ուրիշ ելք չկար, որ սկսվեց աննախընթաց, շտեմնված մի դրութիւն, որ անխուսափելի էր և գոնե միայն իրենց երկրի և իշխանութեան փրկութեան համար ըստիպվեցին տանել ու լռել:

Ահավոր լուռութիւնը տիրեց շորս կողմ:

— Հանո՛ւն սուրբ երկրի,— կրկին գոչեց Զարեհը:

— Հանո՛ւն սուրբ երկրի,— որոտաց սարսափով և ցասումով բազմութիւնը՝ կարծես իր առջև տեսնում էր այդ երկրի կործանումը և ճգնում էր ժամ առաջ կանխել վտանգը:

Տաճարում եղողների դեմ կանգնեց բոլոր դեմքերի մի զանգված,— Զարեհը՝ աչքերում պղտորված մոլեռանդութեան մշուշ, այտերը շղափալար ցնցումներով այլակերպ, Սահակը կատաղի, լուռ հանդգնութեամբ ամենից առաջ կանգնած և ամենից սպառնալի: Նրա հայացքը Գլուտին ճնշեց: Սարսափ ազդեց մինչև այդ հնազանդ բազմութիւնը, որ ինքն իրենով քաշալերված, ինքն իրենով մղված, ինքն իրենից դուրս եկած, կյանքի, ապրելու բնազդով բռնված, պատրաստ էր ոչնչացնել իշխանութիւն, հավատ, եկեղեցի, օրենք:

— Դո՛ւրս, դո՛ւրս, ո՛ւր եք քշում, ապիրատե՛՛ր,— զայրացավ Գլուտը նրանց վրա:

Առաքելը, որին ուղղված էին հազարավոր աչքեր, առաջ եկավ:

— Եկել ենք կանգնենք երկրին պաշտպան:

— Համարձակվում ես խոսել իշխանի հետ, ուսմի՛կդ զքեզ,— այլալված խայթեց Առաքելին Գլուտը և հրամայեց զինվորներին,— սարե՛ք սրան:

— Իշխա՛ն,— առաջ եկավ Առաքելը,— այ, վերեն աստված, ներքև ժողովուրդը, զինվորյալ եմ, անձս դրել եմ հող աշխարհքի սիրուն, ինձ էլ չկա ա՛հ ու մահ...

«Զինվորյա՛լ... Դա ինքնակամ ուխտ էր՝ կանգնել ի մահ թըշնամու դեմ, նրան անպատճառ հաղթելու վճռով, հաշվի շառնելով ո՛չ նրա ուժը, ո՛չ դիմադրութիւնը, ո՛չ այդ կովում իր անձի վրտանդը, ո՛չ մահը, և կոխելով անցնելով մահը՝ նա այլևս անսասն՞»

էր, հանդուգն, ահաւոր, նա արդեն իրենից դեն էր շարտում երկյուղ, անհամարձակութիւն, չէր ենթարկվում ո՛չ իշխանի, ո՛չ արքայի, կանգնում էր ի մահ նրանց դիմաց, խոսում էր բացեիքաց ճշմարտութիւնը, խարազանում ամեն անիրավութիւն, բռնութիւն: Նրան հակաճառելը, բռնադատելը, անգամ ոչնչացնելը օգուտ չունէր. նա կովում էր մինչև հաղթանակ: Իսկ զինվորագրվում էր նա՛ միայն, ով հաստատ վճռում էր պաշտպանել արդարութիւնն ու ճշմարտութիւնը՝ ընդդէմ անիրավութեան և բռնութեան: Զարաշահել ի՞նչ զինվորագրման իրավունքը ոչ ոք չէր համարձակվի, քանի որ զինվորագրվում էր անշուշտ միմիայն իր մեջ մի վեհ և սուրբ վճիռ կայացնողը, մեծ գործին նվիրվածը:

Վարդանը բարձրացավ բեմի աստիճանի վրա և ձեռք մեկնեց դեպի բազմութիւնը: Բազմութիւնը շունչն իրեն պահեց:

— Տյա՛րք և հա՛րք, ժողովո՛ւրդ հայոց: Կանգնած ենք արյաց ահեղ զորութեան առաջ: Բռնավորը բնաջնջման սուրն է մեկնում մեր աշխարհին: Հավատքի պատրվակով միտում է մեր ինքնագրկութեան, մեր աշխարհին, մեր ազատութեան: Պատրա՛ստ եք կրովելու, պաշտպանելու հայրենիքը:

— Պատրա՛ստ ենք...

Միաբերան ձայնեց բազմութիւնը:

— Պատրաստ ենք և մենք,— գոչեց Արտակը:

— Եվ մե՛նք,— կրկնեց Ատոմը:

Նրանց միացան Արշավիրը, անգամ ներշապուհ Արժրունին, որ հանկարծ ներշնչվեց թուպի լրջութեամբ:

Մյուսները՝ թե կողմնակից և թե հակառակ՝ հավանութեան նըշաններ արին:

— Շատ խորհեցի՞նք, շատ վիճեցի՞նք: Զանք արի՞նք գտնել արքայի համար խաղաղութեան խոսք: Սակայն խաղաղութեան խոսքը բռնավորի համար հնազանդութիւնն է, դավաճանութիւնն է: Զենք հնազանդի բռնավորին: Մերժում ենք: Հա՛րկ կլինի կովել՝ կկովենք: Եվ աստված մեզ օգնակա՛ն:

— Օգնական աստվա՛ծ,— թնդաց բազմութիւնը:

Վարդանը շարունակեց.

— Մեր նախնիները մեզ կտակեցին հայրենիք և ազգ: Արշամբ պաշտպանեցին նրանք մեր ազատութիւնը, հայրենիքը և մեզ հրաման թողին անբասիր պահել այդ սրբութիւնները: Պաշտպա-

նե՛նք մեզ կտակած գանձերը: Մեռնենք՝ շտանք թշնամուն ոչինչ:

— Կմեռնե՛նք, շե՛նք տա,— թնդաց բազմության թանձր, գանգվածային ձայնը: Քրտնքի հոտը, բազմության ծանր շնչառությունը, նրա հազարավոր աչքերի ուժը ճնշում էր ամեն հակառակություն, ամեն ներհակ միտք: Ցնդեցին խոսքն ու հակաճառությունը, մեքենայությունն ու բանսարկու ձևերը: Երկիրը շարժվեց անդիմադրելի ու անդառնալի:

Վարդանը զգաց, որ ժամը հնչեց: Այլևս հապաղելը վտանգավոր էր:

— Եղբայրնե՛ր,— բարձրացրեց նա ձայնը,— հրովարտակը պատասխան է պահանջում. տանք մեզ արժանի պատասխանը:

— Ճշմարիտ է. տանք պատասխանը...— գոչեցին Արտակը, Ատոմը, Արշավիր Արշարունին, Վահան Ամատունին:

Իշխաններդք մյուսները ևս հավանության նշաններ տվին: Միայն Գաղիշոն բազմանշանակ նայեց Գյուտին, Արտակ Ռշտունուն:

— Տե՛ր հոգևոր,— դիմեց Վարդանը կաթողիկոսին,— այլևս ժամ է:

— Ժամ է: Թող սրբությունն ու խիղճը իմաստություն տան մեզ,— գոչեց կաթողիկոսը,— գրե՛նք...

Ամբողջ տաճարի բազմությունը՝ հոգևորները, ժողովուրդը և զորքը ալեկոծվեցին, հազարավոր գլուխներ բարձրացան:

Երբ վերջապես ալեկոծումն ու մոլտոցը դադարեց՝ կաթողիկոսը դարձավ դեպի Եզնիկ Կողբացին, Ղևոնդ Երեցը ու Եղիշեն:

— Տեր Եզնիկ և տեր Ղևոնդ և եղբայր Եղիշե: Գրեցեք: Մերժեցեք մազդեզանց կրոնը: Աստված և ժողովուրդն հայոց զորավիգ ձեզ:

— Ամե՛ն, ամե՛ն, ամե՛ն,— լսվեց բազմության քաջալերիչ խոսքի գանգվածային ձայնը:

Ապա հանկարծ լռությունը սրի պես կտրեց մոլտոցն ու շարժումների խուլ հոսանքը:

Տիրեց այն հանգստությունը, որ հատուկ է մարդկանց, երբ նրանք անցնում են մահվան գիծը՝ հեղեղի կատաղած հորձանքի միջով, գազանի երախի առջևից, թշնամու սրերի արանքով: Ամենալարված վայրկյանը, որ միաժամ և ամենահանգիստն է: Մի պահ ևս, և արդեն անց ես կացել, այլևս ո՛ւշ է վերադարձը, այլևս

«Կատարեալ» ծէքը: Հաշտի, պայքարի, քաջութեան մի-նոր աշխր եկավ
անցավ ժողովականների և ժողովրդի մեջ: Լսվեցին թեթեացող սըր-
տերի հառաչանքներ: Սկսեցին շնչալ, խոտել իրար հետ, ժպտալ...
Բողոքն զգացին, որ ուխտի հանդես կատարվեց, և իրենք ուխտե-
ցին, միաբանեցին: Այս ուխտի և միաբանութեան զգացումն այն-
քան ուժեղ տիրեց բոլորին, այնքան վառ շողաց ամենքի հայացք-
ների մեջ, որ ներհակ և դիմադիր խոսքի, արտահայտութեան ոչ մի
հնար չմնաց: Գլուխը կախեց Փաղիշոն, և սա իր հերթին ազդեց
նրա արբանյակներին: Նրանք ևս գլխահակ լեցին՝ սպասելով, թե
ինչպես կծափալովի այս աղետը, որի հետևանքները, թեքես տարբեր,
պիտի վերաբերի նաև իրենց: Ոչ մինչ այս լարված սպասողու-
թեան մեջ ամեն մեկն ապրում էր իր ոգևորութեան կամ թուլահո-
գութեան հուզումը՝ երեք գրիչներ, երեք տարբեր մտքի ու խառնը-
վածքի մարդիկ, ծալապատիկ նստած քարե հատակին, տախ-
տակները ծնկներին, մագաղաթի վրա սևագրում էին պատասխա-
նի բնագիրը:

Վերջապես, Եզնիկը, որ ամենից սթարին էր և մտքի հոսանքնե-
րի մեջ իշխում էր իր հուզումներին՝ նշան արեց Ղևոնդ Երեցին և
Եղիշեին, որ ժամն է միացնելու նյութը և խմբագրելու: Նա առավ
նրանցից նրանց շարահյուսութեանը, կարգաց և ցտցումներ անե-
լով խմբագրեց, կարգաց նրանց մի անգամ ևս ապա վեր կացավ
և հայտնեց, որ պատասխանը պատրաստ է:

Բոլորը շարժվեցին և ապա լարված սպասեցին:

— Կարդա՛, — հրամայեց կաթողիկոսը Ղևոնդ Երեցին:

Ղևոնդ Երեցը վերցնելով պատասխանը՝ խրոխտ ձայնով ոգեց.
«Հովսեփի կաթողիկոսը մեծամեծներից մինչև փոքրերը միա-
բանյալներովս հանդերձ, մեծ Հազարապետիդ արյաց և անարյաց,
Միհրան-Բաճիկիդ, շատ խաղաղաասեր մտքով ողջույն է հղում ամենա-
մեծ Սպարապետիդ արյաց»:

Սա պատշաճ էր, որ սեփական արժանապատմութեան համար
իսկ պահպանել էր Եզնիկ Կողբացին:

Ազգա պատասխանն արժարժում էր քրիստոնեական կրոնի
լուսարժանութեանը, որ կատարել էր Եզնիկը ոչ միայն կատարյալ
համարձակութեամբ, այլև բարձր փիլիսոփայական արամարանու-
թեամբ: Նա բացատրում էր աշխարհը իրրև նյութների մի բաժնի,
որոնց՝ դեպքավորում էր մեծ և ամենազոր մի ուժ:

Ո՞նկնորեղով նրան՝ Վարդավազանները կարծես առաջին անգամ զգացին բարձր մտքի հմայքը: Այստեղ եզերիկը վիճում էր Միհր-նեբոսհի հետ, որին արյաց երկրում փռչում էին Հերպետան Հերպետ, այսինքն՝ օրինազրքերի մեջ հմուտ, վարպետ: Դիտամաբ պատասխանի մեջ Սզնիկը նրան ասում էր. «Յթե մի փոքր մի կողմ նետեիր քո իշխանության փքել մեծացնելը և ընկերաբար պայքաբ մտնէիր, գիտեմ, որ ուրիշ անգամ ամեն բանով դու շատ փմաստուն ես»:

Արտակը, որ Ատոմի հետ կանգնել էր բավական հեռու՝ շեղքը սրեց և սկսեց մտածել ընթերցվածի մասին: Ղևոնդ Երեցը կարգաց: «Աշխարհս նյութեղեն է, և նյութերը տարբեր-տարբեր և իրարու հետ հակառակ. մեկ է այս հակառակորդների ստեղծողը, որ սրանց իրար է բերում, սիրելությանը հաշտեցնում: Մեզմացնում է կրակի ջերմությունը օգի հովությամբ, օգի դժնդակ փատությունը՝ կրակի արծարծմամբ, նույնպես և մանրամաղ փոշիացած հողը՝ ջրի սալահատակ պնդացած հողի կղզեղով»:

— «Ահա թե ինչպես պետք է պատերազմն սկսել, — մտածեց Արտակը, — նախ պետք է հաղթահարել արյաց ոգուն, կեցցե՛ս հացք Սզնիկ, լավ տեղից է բռնել»:

— Եթե դու սգիտության մեջ վրիպել ես, — կարդաց Ղևոնդ Երեցը, — ես, որ հաստատ գիտեմ այդ, չեմ կարող քո մաղտության հետևից դալ:

Ղևոնդ Երեցի ձայնը որոտում էր տաճարի փամարների տակ. նա բորբոքում էր սրտերը: Գեո քանի պատասխանելը վիճում էր կրոնափիլիսոփայական խնդիրներով՝ նա ազդում էր մտքերին. բայց ահա անցավ պայքարի էջերը: Բազմաթիվներ հորձանք տվեց և խտացավ նրա շուրջը: Հանկարծ նա ոգեց.

— Այս հավատից չեն կարող խեղտուել մեզ ո՛չ հրեշտակ, ո՛չ մարդիկ, ո՛չ հուր, սուր: Այլևս դու այս ամեն բանի մասին մեզ մի հարցնիր, որովհետև ոչ թե մարդու հետ է մեր հավատի ուխտը, որ խարվենք իբրև երեխաներ, այլ անխաղիչ է աստծո հետ, որ չի կարելի քանդել և հեռու նետել ո՛չ այժմ և ո՛չ ապա, և ո՛չ հավատյանս, և ո՛չ հավիտենից հավիտյանս:

Ղևոնդ Երեցը ավարտեց ընթերցումը, աննպայսն շարժումներով արագ մտտեցավ կաթողիկոսին և դողդոջուն մեղքով նրան մեկնեց մագաղաթը:

— Հոժա՞ր եք,— դիմեց կաթողիկոսը նախարարներին, հոգևորականներին և ժողովրդին:

— Հոժար ենք,— պատասխանեցին նախարարները և հոգևորականները:

Առաքելը ձեռքը դրեց սրտին իբրև նշան խոնարհության և ասաց.

— Սպարապետ, մենք ուսմիկ ժողովուրդ ենք, գրի ու նամակի հետ գործ չունենք: Կկուվենք՝ երկիրը շինք տա: Եթե ձեր ասածի միտքն էլ այս է՝ հոժար ենք:

— Հոժար ենք,— թնդաց բազմության ձայնը:

Թեթևացավ թանձրացած մթնոլորտը: Ինչ որ շէր ասվել մի օր ասաջ՝ այսօր ահա ասվեց: Ուրեմն կարելի էր ասել: Եվ ինչ լավ եղավ, որ ասվեց:

Արտակը հպարտությունից խստահայաց նայեց Եղնիկին և Եղիշեին:

«Ի՞նչ իրավունք ունի ծեր տգետի մեկը գիտունի համբավ ձեռք բերել այս փիլիսոփաների առաջ: Սրանք աշխարհն են քննել, խորամուխ եղել նրա գաղտնիքներին: Սրանք խոհեր ունեն, բարձր միտք, ընտիր ճաշակ և բարեկարգություն: Սրանք պետք է ձեռքբերե՞ր մրտտեն կրակի շեղջի մեջ՝ անմար պահելու համար այդ պարզունակ տարերքը, որ ինքն է ենթակա ամենաբիրտ հարվածի՝ շրի, քամու, հողի կողմից»:

Արտակն այս խոհերի մեջ էր, որ հանկարծ վարդան Մամիկոնյանը բարձրացնելով օդի մեջ սուրբ, նայեց մյուս իշխաններին:

— Ուխտենք հավատարիմ մնալ հայրենիքին,— գոչեց նա ազևորված:

Վարդանի շարժումը զոհական երգման նշան էր: Նախարարները ենթարկվեցին անմիջապես: Ծանր էր Գաղիշոյի, Գյուտի և մանավանդ Արտակ Ռշտունու վիճակը, որը գաղտնի էր միացել վասակի կուսակիցներին և թերևս դեռ տատանման մեջ էր... Գագիշոն և Գյուտը շատ կուզեին հեռու մնալ զորական երդումից, սա՛հ կայն, երբ նայեցին իրենց շուրջը և տեսան հափշտակված ու սպառնալի դեմքեր, նայեցին ժողովրդին, որ հիմա այլևս լցվել էր տաճար՝ հնազանդվեցին և ակամա սրերը հանեցին և բարձրացրին օդի մեջ:

— Զինվորագրվում ենք ուխտին հայրենյաց պաշտպանութ-
յան,— բարձրաձայն ասաց Վարդանը:

— Զինվորագրվում ենք ուխտին հայրենյաց պաշտպանու-
թյան,— ձայնեցին նախարարները:

— Գրվում ենք զինվորյալ հող հայրենիին,— գոչեց Առաքելը՝
արդեն իբրև ուխտ:

— Գրվում ենք,— որոտաց բազմութունը՝ նույն կերպ:

— Ուխտում ենք միացնել զորք, զենք, աշխարհ, ամբոց ի մի
տերունական զորքի և զորության,— ձայնեց Վարդանը:

— Միացնում ենք,— ի պատասխան ձայնեցին նախարար-
ները:

— Իրավունք է սպարապետին ժողովել նախարարական զո-
րագնդերը ի մի տերունական զորքի,— ձևակերպեց Վահան Ամա-
տունի հազարապետն Հայոց:

— Իրավունք է աստծուց ներշնչված, հրամայված,— նվիրա-
գործեց կաթողիկոսը, խաչակնքեց և օրհնեց ուխտը:

Ահեղ արհավիրքը, երկրի կործանման ստույգ վտանգը՝ ար-
տաքին թշնամին, ինչպես երկրաշարժի դեմ, ժանտախտի, հեղեղի
դեմ, միացրեց երկրի երեք դասերը, որ իրարից խորթ էին, իրար
հակառակորդ և դարերով իրար հետ անհաշտ ապրել, ատել իրար,
կովել էին անվերջ: Կյանքը, ամենուրեք կյանքը, ամենից վեր կյան-
քը հրամայեց մի առժամ հետաձգել դասային անհաշտելիութունը
փրկել ամեն մեկին իր դասը, իր կյանքը, իր գույքը, իր աշխարհը,
որ հետո շարունակեն իրենց պայքարն իրար դեմ:

Հոգևոր երգը թնդաց ուժգին, բորբոքվեց, դառավ մոլեգին,
ռազմական: Ծվ այս բորբոքված, հրատապ մթնոլորտում ընդունվեց
և սրբագործվեց պատասխան թուղթը:

Արտակն զգաց, որ իրեն ինչ-որ հզոր թևեր բարձրացրած տա-
րան: Նա իր սուրը միացրեց Ատոմի սրին, նայեց նրա կենտրոնա-
ցած գեղեցիկ դեմքին, զգաց նրա հայացքը իր վրա, թեև նա չէր
նայում նրա կողմը, և ուժի մի հորձանք եկավ լցվեց նրա ողջ էու-
թյան մեջ:

Նա նայում էր Վարդանին, որը կերպարանափոխվել էր: Կար-
ծես կախարդական մի հարվածով երիտասարդացավ նա, ուժ
առավ: Աչքերը լցվել էին ուրախ և հաղթական մի լույսով: Արտա-
կը նկատեց, որ հետզհետե բոլորի հայացքը կենտրոնանում է Վար-

զան Մամիկոնյանի վրա: Եվ զգաց, որ այս տաճարի թանձրացած մթնոլորտում, այս կրոնական վիճաբանական խճճանքներում, այս խուռն բազմության թոհուբոհի մեջ ծնվում էր այն մեծ զորավարը, որը պիտի տաներ իր հետևից ամբողջ ժողովուրդը: Ո՛ւր կտաներ, ո՛ւր կհասցնե՞ր նա՝ դա սուզված էր ապագայի թանձր մշուշի հետև, բայց այս պահին, երբ այսքան տարակուսանքների ու կասկածանքների մեջ ամենքին մի առժամ տիրել էր ինչ-որ մի կաշկանդ, քարացում, այդ ամենը վերացավ: Ստեղծվեց զորավարը: Իհարկե, նա կար, բայց նա արյաց արքայի գործին էր ծառայում: Հիմա կժառայի իր հայրենիքի գործին:

Երբը լռեց: Տաճարի կամարները դադարեցին հնչյուններ արձագանքելուց և սկսեցին մոմռալ ներքին այնկեծվող բազմության ջնշառությունից:

Կաթողիկոսը դարձավ դեպի ժողովականները.

— Հոժա՛ր, համաձա՛յն եք, որ սույն պատասխանն ուղարկվի արյաց Հազարապետին:

— Հոժա՛ր ենք, — լավեց համարյա միահամուռ նախարարների կողմից:

— Եվ դուք, հայրեր եկեղեցվո, — դարձավ հոգևոր ժողովի անդամներին կաթողիկոսը:

— Հոժա՛ր ենք, — պատասխանեցին երկրի բոլոր կողմերից եկած եպիսկոպոսները:

— Եվ դո՛ւ, ժողովո՛ւրդ հայոց, հոժա՛ր ես:

— Մենք գլխի՛ց հոժար-հոժար ենք, — ձայնեց Առաքելը:

— Հոժա՛ր ենք, հոժա՛ր... — որոտաց ու արձագանքեց տաճարի ներսից ու դրսից հազարավոր կրծքերից ժայթքող, սրտապընդիչ ժողովրդական ձայնը:

— Ձայն բազմաց, ձայն աստժո, — ասաց կաթողիկոսը ու խաչակնքեց բոլորին:

— Օ՛ն, ուրեմն, այս պատասխանը կուղարկվի արյաց Հազարապետին:

Արտակը նայեց բազմության, որ շարված հետևում էր: Նա տեսավ, թե ինչպես մարդիկ վճռական և խիստ կերպարանք առան: Զարմանալի բան է գիտակցությունը և վճիռը, — պարզում է կյանքը և ուրախացնում: Թող որ՝ այս վճիռներին կհետևի արյունահեղություն և արհավիրքը: Բայց պարզ էր, թե ինչ պետք էր անել:

Պետր էք դիմադրել: Ամեն մարդ հիմա գիտե՞ր, թե ինչ պետք է անել:

Ժողովականները զվարթ և աշխույժ գրոցեցում էին:

— Փառք աստծո՛, ճանապարհ բացվեց,— ասաց Արտակ Մոկացը,— հիմա գիտենք ուր ենք գնում:

Վարդանը մոտեցավ կաթողիկոսին և սկսեց նրա հետ խորհրդակցել պատասխանի ուղարկման համար: Ապա դարձավ իշխաններին.

— Տյարք, թողթը կկարդացվի մարզպանի առաջ և ապա կհանձնվի խոսքով հրովարտակաթերին:

— Հոժար ենք,— ասացին նախարարները:

— Դե՛, տյա՛րք, մեր խիղճը հանգիստ է աստծո՛ և աշխարհի առաջ: Հանգիստ է և մեր մեջ... ողջունում եմ ձեր քաջարի վճիռը, որ տվիք: Հիմա գնանք: Մեզ սպասում է գործը... Արձակի՛ր մեզ, հոգևոր տեր:

Կաթողիկոսը աղոթք կարդաց և ապա արձակեց ժողովը: Նախարարները ուղղվեցին դեպի տաճարի ելքը, ժողովուրդը սեղմվեց, ճանապարհ տվեց նրանց: Զվարթ դեմքերը, վճռական հայացքները ցույց էին տալիս, որ իրոք կատարվել էր հաղթուձյունը...

Այդ օրն իսկապես հայ ժողովուրդը հաղթեց և տիրեց մի շատ թանկագին գանձի՛ գիտակցեց ինքն իրեն:

Արտակը սեղմեց իր կողքից գնացող Ատոմի ձեռքը, որին ի պատասխան սա ևս նույնը կատարեց:

— Կովո՛ւմ ենք, իշխան,— հարցրեց նա թեքվելով նրա ափսոսանքին:

— Կովո՛ւմ, ապրելու համար...— շարաճճի ժպիտով նայեց նրան Ատոմը:

Նրանք անցան ժողովրդի միջով ու հոգևորականության հետ շարժվեցին դեպի արքունական տունը: Ժողովուրդը ողողել էր նրանց ամեն կողմից և մոնչալով հոսեց տաճարից դուրս: Մարդիկ աշխուժացել էին, կերպարանափոխվել:

— Կո՛ր՛վ մտան մեծերը:

— Գնա՛ց պատասխանը բռնավորին...:

— Իշխանութ՛յուն է, Հակոբո՛ւս, իշխանութ՛յուն, ս՛նց կտան: Բա սբանք որան՛դ պիտի հաց ուտեն,— ցույց տվին վանականներին, որ իրենց վանքերից լցվել էին մայրաքաղաք սևազգեստ ազ-

ռավների պես, անհաշիվ բազմութեամբ շարագույժ մտքերով համակելով քաղաքը:

Նայելով նրանց՝ մեկը բազմութունից ծոր տվեց.

— Հող եմ ասում, հո՛ղ, որ հաց բերի սրանց կշտացնելու:

— Դրանց հողը կկշտացնի, կտրվի՞ դրանց հոտը:

— Սո՛ւս, հեթանո՛ս, մե՛ղք է...

— Հա՛յ հաաա՛յ... մե՛ղքս գիտեր: Ապա՞, Գոռնակ Սիմավոն, զլի՛ր մի...

Իսկույն շրջապատեցին Գոռնակ Սիմավոնին: Սա ծոցից հանեց շեփորը, աչքով արեց մյուսներին, որ ձայն պահեն, ու ինքն իրեն սկսեց ականջ խլացնող ձայնով փշել ոազմական պարերգը: Պարն սկսվեց, և տաճարի շուրջը մի շուրջպար բռնած սրընթաց պտտվել սկսեցին հարյուրավոր մարդիկ: Ցոլացին ջահեր, բերին խուրձ-խուրձ փայտեր շարեցին. կույտ-կույտ սկսեցին պարել ու մեկ-մեկ վառել փայտը՝ կպցնելով ջահերը: Ժողովուրդը երգում էր Արշակունիների ժամանակից դեռ կենդանի հեթանոսական ոազմական երգը, որ անկախ Հայաստանի ժողովուրդը հյուսել էր հին, ոազմապես հզոր օրերին:

Ի վե՛ր, ի վե՛ր ի Մասիս,

Մասիսն ի վե՛ր,

Ազատ քաջերն ի վե՛ր,

Մասիսն ի վե՛ր,

Մուխն հայրենյաց ի վե՛ր,

Մասիսն ի վե՛ր,

Գոչ ազատ գոչեք ի վե՛ր,

Մասիսն ի վե՛ր:

Ու այսպես անվերջ, անվերջ ազատութեան գովքն անելով ըսկըսեց մրդիկ պարողների շղթան:

Արքունական տանից եկան դիտելու Ատոմը, Արտակ Մոկացը, Ղևոնդ Երեցը, Եղիշենն ու Եզնիկը: Հեթանոսական այս պարի մեջ նրանք տեսնում էին ժողովրդական ոգին, որի ազատ պողոթնումը այս ժամին միանգամայն կարևոր էր: Ոգևորվեց Ղևոնդ Երեցը, հիշեց իր պատանեկության օրերում այս պարին մասնակցելը, մի պար, որ այժմ դիպչում էր թեև նրա և իր կարգակիցների քրիստոնեական զգացմունքին, բայց ներշնչում էր ինչ-որ անբացատրելի ուժ:

— Ապա՞, զինվորյալ մանկունք, մեջտե՛ղ,— հրամայեց Արտակ Մոկացը զինվորներին:

Ատումը ձեռքով արեց երիտասարդներին: Զինվորյալ մանկունքն ու երիտասարդները արագ շղթա կապեցին շղթայի շուրջը, և պարը բորբոքվեց: Պարզած սրերն սկսեցին զրնգալ իրար բախվելով: Թմբուկներ հայտնվեցին մեջտեղ մարդահասակ, որոնց ուղղմական որոտն սկսեց խլացնել տաճարի շուրջը, փողոցներն ու քաղաքը: Սպառնալի հայացքներով լայն պտույտ սկսեցին Վարածն ու իր «հեթանոսները»՝ կոտրատելով իրենց հուժկու ոտները, ուսները, մեջքները:

Բազմությունը, որի մեջ լցվել էին քաղաքի բնակչության բոլոր խավերը՝ արհեստավորները, վաճառականները, դրսից-շեներից թափված շինականները, վանականները և իշխանները, հետզհետե մոռացան, որ շրջապատել են եկեղեցին: Որտեղից որ էր՝ եղներ բերին, զենեցին և զինու տիկերը սկսվեցին մրտարկվել՝ երգի ու խրախճանքի հետ: Իսկ հսկա շուրջպարը մրրկում ու թնդում էր, որի ընթացքում բազմությունը որոտում էր.

— Զարկե՛ք, տվե՛ք, խորե՛ք թագավորի գլուխը:

Ու մինչև լույս դոփեցին գետինը, ու թնդաց ազատության ուղղմական երգը:



Վասակը այնպես իմացավ կատարված դեպքերը՝ մերժողական պատասխանը, նախարարների ուխտը, ժողովրդի ըմբոստ արարքները, ինչպես երազումն է լինում. արտառոց անհավատալի: Թափ տվեց իրեն, շփեց ճակատը, մոտեցավ պատուհանին, նայեց դուրս, ապա միայն զգաց այդ ամենի իրական լինելու դաժանությունը: Մանր մուրճի պես հարվածեց այդ ամենը նրա գլխին: Նա զգաց, որ պետության անիվը դուրս թռավ սոնուց և կատաղի թափով գնում է դեպի անդունդը: Շատ գիրթ շրջվեց պետության կառքը ոլորանում: Ինչպե՞ս թույլ տվեց նա: Նա հույս ուներ խորամանկորեն կաշկանդել, կապկպել տարամերժ ուժերը: Նա կարծում էր, թե իշխանների մեջ այնքան հաստատ է հպատակության ըզզացմունքը, այնքան են նրանք դիմազուրկ և հպատակ, այնքան են դողում նրանք իրենց իշխանական դիրքի համար, որ շեն էլ մտա-

ծի որևէ ըմբոստ խոսք ասել արյաց արքային: Չէ՞ որ Հազարապետը արքայի բերանն է: Հազարապետին մերժել, նշանակում է արքային հանդիմանել:

— Չէ՛, ինչպե՛ս, ինչպե՛ս թույլ տվի այս բանը, — խոսեց քարձրածայն Վասակը:

Հիմա ի՞նչ պետք է անել... Ե՛տ շարժել դառած անիվը, չկատարված անել կատարվածը: Եվ ի՞նչ կլինի այս բոլորի հետևանքը: Օ՛, շատ մեծ, շատ սոսկալի ազետ ու արհամիիրք: Նախ ինքը իբրև մարզպան մեջտեղից կվերանա: Իշխանները իշխանազուրկ կլինեն, նրանց ընտանիքները Պարսկաստան կբռնվեն: Պարսից զորքերը ոտնատակ կտան երկիրը: Եվ ինչ որ շարեց համոզիչ խոսքը՝ հիմա կանի հուրը, սուրը, ավերն ու կոտորածը: Պետք է վերջ տալ այդ խելացնորության:

Նա զգաց, որ ինքը փոխվեց դեպի կատարվող դեպքերը: Նա պարզ տեսավ իր իսկական դիրքը դեպի նախարարները և մանավանդ դեպի Վարդանը: Եվ այսքան տարիների խուլ հակառակությունը նրա և իր մեջ, որ ուներ իր հայտնի և անհայտ պատճառները՝ այժմ վերցրեց իր վրայի քողը և պարզեց իսկական հակառակության և թշնամության պարզ ու դաժան պատկերը:

Ոչ, նա, Վասակ Սյունին այլևս չունի ոչ մի հաշտեցման եզր Վարդան Մամիկոնյանի հետ: Նրանք թշնամիներ են:

Նա սպասում էր, որ իրեն բերեն ներկայացնեն պատասխան թուղթը, որի մասին կցկտուր տեղեկությունն էր միայն իմացել իր սենեկապետից:

Սուրհանդակ եկավ ժողովից Վասակին.

— Տե՛ր մարզպան, Սպարապետն ու Արծրունյաց տեղը խրեզրեցին, որ շնորհ բերես ժողով. պետք է կարգան պատասխան թուղթը:

— Բոլո՞րն են հավաքված:

— Ինչպես հրամայեցիր, արքա՛նական տան դահլիճում, տեղ մարզպան:

— Գնա սպասիր դուրսը:

Սուրհանդակը գնաց:

Վասակը վճռեց գնալ, թեև դա նվաստություն էր և անպատշաճ իր պաշտոնի համար: Բայց նա, որ խուսափում էր ըմբոստ ժողովականներին իր պալատում գումարելուց՝ զիջեց: Նա հրամայեց

հանդերձապետին, որ հազցնի իրեն: Հանդերձապետը բերեց Վասակի մարզպանական զգեստն ու զարդերը: Վասակն արագ հագնւ-վեց և հրամայեց, որ համհարզը կանգնի դարբասի մոտ, փողոցումս Ապա վերցրեց մականը և արագ դուրս եկավ: Նրան նժույգ մատուցեցին: Նա նստեց զարդարուն նժույգին: Ապա նշան արեց, որ շարժվին: Շքախումբը, որ զարդարված ու զինված քաջամարտիկ երիտասարդներ էին, խառն ալեխառն ու հասակավոր հին զորական-ների հետ, որ բազմամյա ուղեկցողներն էին եղել Վասակի երթե-րին՝ շրջապատեց նրան: Սուրհանդակն առաջ ընկավ, և շատ համ-րորեն ու արժանապատիվ շաբժումներով սկսվեց Վասակի երթը Արտաշատի փողոցներով:

Արքունական տան մոտ նրան ընդառաջ եկավ սպասավորների մի մեծ խումբ: Նրանք խոնարհ ողջունեցին Վասակին, որի արքա-յական հագուստներն ու զուսպ կեցվածքը պատկառանք էին ներ-շնչում: Թիկնապահներ առաջ վազեցին և խնջին նրա ասպանդակ-ները, որպեսզի նա վայր իջներ նժույգից:

Ապա նրան տարան դահլիճ: Այնտեղ էին ժողովված բոլոր նա-խարարներն ու հոգևորականները՝ կաթողիկոսի գլխավորութեամբ: Երբ Վասակը ներս մտավ՝ բոլորը ոտքի կանգնեցին, նա ողջու-նեց նախարարներին, որոնք և ողջունեցին նրան: Ապա հրավիրե-ցին նստել դահլիճում մարզպանին հատկացրած գահույթին: Նա նստեց: Մյուսները նույնպես:

Ապա նախարարները կրկին վեր կացան և ողջունեցին իրենց կողմից: Մարզպանն ընդունեց ողջույնը գլխի ծանր շալժումով:

— Պատասխան թուզիլ պատրաստ է, տեր մարզպան, — ա-սաց կաթողիկոսը, — եթե կհրամայես՝ քնթեցնեմ:

Վասակը ձեռով հաշտնութուն տվեց: Կաթողիկոսը ինքն այս անգամ ձեռքն առավ պատասխանի մագաղաթը, բացեց և սկսեց կարդալ: Վասակը կարճես շէր լսում. նա մեկ-մեկ զննում էր նա-խաբաններին, հոգևորներին, իր կուսակիցներին, նայում էր վար-դանին, ջանում էր, որ շտեմանեն, թե ինչպես է զննում Վահան Ամա-տունուն:

Պատասխանի սկիզբը վատ շքիաց նրան: Կրոնափոխութեա-յան զրոսանքները նա համարեց նվազ վասնզավոր: Քայց երբ շուտով վիճաբանական կետերի հետ լսվեցին արլաց Հաղարապե-տի հասցեին վիրավորական խոսքեր՝ Վասակն սկսեց անհանգստա-

Նալ: Նա հայացքն սկսեց շրջել նախարարներից մեկից մյուսի վրա: Նրանք փոխվել էին: Նրանց դեմքերին ինչ-որ մի գիտակցական բան կար:

«Այս մարդիկ վճռել են»,— մտածեց նա. դա պարզ երևում էր նրանց կեցվածքից և մանավանդ անվրոգով հայացքից:

Երբ կաթողիկոսը ավարտեց ընթերցումը՝ սպասեց Վասակին, թե ինչ կասի նա: Բոլոր նախարարները նույնպես սպասեցին:

Վասակը մտածեց և կարծես ինքն իրեն ասաց.

«Այս հավատից շի կարող խախտել մեզ ո՛չ հրեշտակ, ո՛չ մարդիկ, ո՛չ սուր, ո՛չ հուր»... հըմ, ուրեմն ձեզանից ըմբոստություն, ինձանից՝ պատասխանատվություն...

— Պատասխան թուղթը պատրաստ է: Պատասխան թղթի պատասխանը պատրաստ է, պատասխանների պատասխանները պատրաստ են...— հեզնոտ շարունակեց նա կիսաձայն խորհելով:

Բոլորը զարմացած սպասեցին, որ Վասակը կբացատրի, թե արդյոք կատակ է անում, թե լուրջ է:

Ոչ, նա կատակ չէր անում:

— Պատասխան թուղթը պատրաստ է. այո, տյարբ: «Պատասխանը գրվելու պահին խոսվե՞լ է, խորհվե՞լ է, կշռադատվե՞լ: Գրվե՞լ է վերջապես»,— «Այո»— «Իսկ ո՛ւր էր մարզպանը...»:— «Մայրաքաղաքում»: Մի զարմանաք, տյարբ, եթե առաջինը ես կանչվեմ Դուռը:

— Մենք չենք զարմանա, — ասաց Վարդանը սառն ու մի փոքր արհամարհական:

Վասակն անսպասելի հարված ստացածի պես խոժոռվեց:

— Այո, տեր մարզպան, երկրի բոլոր գործերի գլուխ կանգնած է մարզպանը և նա էլ պատասխանատու է: Մարզպանությունն այդպիսի պաշտոն է:

— Մարզպանությունն արյաց տերության պաշտոն է, որ ծառայում է նախ իր մեծ տերության: Պարսի՛կ կարող էր նստած լինել այս իմ գահույթին և ունկնդրել ձեր պատասխան նամակը: Պատահաբար ես եմ նստած...

Վարդանը հանգիստ հարցրեց.

— Հոժա՞ք ես պատասխանին:

— Ես քրիստոնյա եմ և հայ, — ասաց Վասակ Սյունին բարկացած, — գործի ոգուն, իհարկե, հոժար եմ: Բայց միաժամ ես

մարզպան եմ, արյաց արքայի պաշտոնյա: Ուրեմն չեմ մասնակցում պատասխանին, ինչպես որ և շեկա տաճար՝ պատասխանը կազմելու պահին: Ահա դո՛ւք, ահա արքա՛ն: Ես ձեր պատասխանը կուղարկեմ արքային և կասեմ. ահա մեր նախարարնե՛րը, ահա քո կա՛մքը:

Վարդանը ձայնը բարձրացրեց.

— Ինչո՞ւ ես միշտ արքայի անունը հիշեցնում ու մեր գործն արքայի հետ կապում: Թող արքան զբաղվի իր աշխարհի գործերով: Մենք գործ, ունենք մեր խղճի, մեր աշխարհի, մեր ազատության հետ: Եթե ուզում ես վախեցնել մեզ՝ վախեցրու ահա ինչի՛ց:

— Մենք մահը կոխել, անցել ենք, տեր մարզպան, — ասաց Վահան Ամատունին, — իսկ մահից այն կողմ ոչ մի սարսափ չկա: Մենք զինվորյալ ենք:

— Եվ աստված է մեզ զորավիզ, — ասաց կաթողիկոսը, վեք կացավ և սկսեց աղոթել:

Բոլորը վեր կացան, կանգնեց նաև Վասակը:

Երբ կաթողիկոսը ավարտեց աղոթքը՝ Վասակն ասաց.

— Ես ոչինչ չեմ խոսում հակառակ: Ես պահանջում եմ մեր ցանուցիր իշխանական ուժերի միացում: Հայոց Աշխարհի ամբողջացում: Անսացե՛ք այս... Սպասեցեք առ ժամ:

Վարդանը շոր պատասխանեց.

— Անսպառ ժամանակ չունենք: Այս իսկ ժամիս ոչնչանում ենք, արհավիրքը շի սպասում: Ես զինվոր եմ — ես պիտի կասեցնեմ ոչնչացումը:

— Թող աստված հատուցանի ամեն մարդու իր խղճի և մտքի համաձայն, — ասաց կաթողիկոսը: — Ահա, տեր մարզպան, քեզ ենք ներկայացնում պատասխան թուղթը, հանձնիր հրովարտակաբեր պաշտոնյային:

Կաթողիկոսը պարզեց մագաղաթը, Ղևոնդ Երեցը մոտ վազեց, խլեց այն և տարավ մատուցեց Վասակին: Սա վերցրեց մագաղաթը, ոլորեց, մնաց մի փոքր մտածմունքի մեջ և վեր կացավ:

— Աստված բարի միտք տա ինձ, ձեզ և ամենքին, — ասաց նա, ապա նայեց Գաղիշոյին, զգաց նրա հայացքի միտքը և շարժվեց դեպի դուռը:

— Մնաք խաղաղությամբ, — ասաց նա ողջունելով մնացողներին:

— Երթաս խաղաղութիւններ, — պատարհանեցին սրանք
Վասակը դուրս եկաւ:

Ճնշող լուսնային ցուց ալեց, որ Վասակի ըստ երևութիւն հա-
մակերպված հեռանալը հանգստութիւն: չբերեց նախարարներին:
Ընդհակառակն՝ խոռվեց: Եվ խոռվեց ոչ նրա հակաճառութիւննե-
րից միայն: Զգացվեց, որ կար մի այլ խոռվիչ բան, որ ամենքի մեջ
գաղտնի նյութում էր մաշող անհուն տարակուսանք: Լուսնայինը
խզեց վրդովված և անհանգստացած կաթողիկոսը:

— Միաբանութիւն չկա նախարարների մեջ: Մարդպանը հա-
մաճայն չէ մեզ: Ահա տաքնապալին:

— Զկա միաբանութիւն, — հաստատեց Մանեճը սառը և շար:

— Թայց միաբանութիւն է պետք: Սըբազան ուխտը կնքեցինք:
ցինվոր գրվեցինք, միաբանեցինք...

Վարդանը ասաց.

— Ես հիմա երկյուղ եմ կրում, որ նախարարների և հոգևորա-
կանութիւն այդ միաբանութիւնը ևս չի փրկի:

Նախարարները անհանգիստ և զարմացած շարժում արին:

— Ապա էլ ի՞նչ պատերազմ ենք դուրս եկել, — խոսեց՝ արդեն
երկրորդ անգամ գրգռելու շփո՝ Մանեճը:

— Պատերազմ մենք չէ, որ դուրս ենք եկել, այլ Հազկերար, —
խեթ պատասխանեց Վարդանը:

— Բայց և պիտի պատերազմենք: Ի՞նչ ենք մենք արյաց ա-
հեղ ուժի առաջ, — բողոքեց Մանեճը, — և պատրաստ էլ չենք պա-
տերազմի՝ եթե կամենանք էլ...

— Համայն ազգի վրա արհավիրք է գալիս. այստեղ ի՞նչ պատ-
րաստ-անպատրաստ, — կշտամբելու պես ասաց Վարդանը, — պիտի
խառնակվի աշխարհը՝ նախարարից մինչև ուսուցիչը:

— Ահա բուն արհավիրքը այդ ուսուցիչ, որին բաց թողիք գա-
նազդից, — չաւառեց Գլուսը, որ ըստ երևութիւն սրտում սնում
էր տաճարի քնապի ծանր վիրաւորումը:

— Փա՛ Եղմարիտ է, — սառն ու արհամարհելի խոսեց Գաղի-
շան, — և ոչ այնքան Հազկերարն է աղետը, որքան մեր տանու թըշ-
նամին՝ ուսուցիչը: Թայց հիմա ուշ է, — արձկացրեց նա դառնամտաբեր
ու հառաչեց թաքցրած շարութեամբ, — վե՛ր կացավ շարաշուք հե-
զեղը... Հիմա աս կզգի՛, կտանի՛ ամեն ինչ...

— Սա կըշի՛, կտանի՛ ամեն ինչ, — հաստատեց հեզեղան:

Վարդանը՝ շեշտելով ամեն մի բառը, խոցելու համար Գարդշոյին:
Փարե՛րալ ճնշող շուռքերն:

Վարդանը դարձավ նախաբարենեղին նույն անդամակով.

— Տյա՛րք Հայոց աշխարհի: Ք՛նշ կա այստեղ զարմանալի:
Եթե դուք հապաղում եք ձեր վճիռներով մեզ պաշտպան կանգնել ձեր
իսկ բուն տիրապետութեան՝ ուսմիկը վեր կացավ փրփուր արաշտպա-
նելու:

Նախաբարեները զարմանքով և փայթված փրփուր նայեցին:

— Տեր Մամիկոնեից, ո՛վ է ուսմիկը, որ վեր է կենում ինք-
նագլուխ, — ասաց Արտակ Ռշտունին:

— Տեր Ռշտունյաց, ուսմիկը՝ զորքն է... Ձեր սնուցիչ կեցուցի-
շը... Աշխա՛րհը...

— Ձո՛րքն է ուսմիկը... այն ժամանակ զորքը ի՛մն է: Կըքեմ՝
կզնա, շեմ քշի՝ ինչպե՛ս մահամարձակվի:

— Տե՛ր Ռշտունյաց, որք չեք ճանաչում ուսմիկին, նա էլ իր
կամքն անի... — Հեզուտ կշտամոքեց Վարդանը: Հետո սպանակու
պես շաբամուկեց: — Վե՛ր կկենա ուսմիկը... Մեծ ուսմիկը դեռ շի
վեր կացել: Չի՛ դիմանա խստադատան հարկահանութեան և քնա-
շընջման սպանալիքին, շի՛ անսա ոչ մի սաստման:

— Վե՛ր կկենա իր իշխանավորների դեմ, հակառակ իր իշ-
խանավորի կամքի՛ն, — գոչեց Գլուտը արդեն զայլացած: — Սան-
ձահարեցե՛ք սրի հարկադրանքով:

— Նաև ի՛նձ անհաճո է ուսմիկի անիշխանութունը, — ասաց
Վարդանը, — բայց ուսմիկը մեր ձեռքին չի արդեն իսկ գործի
սկզբի՛ց, ուսմիկին կռի՛լ մեզ քաշեց ինքը՝ թշնամին, — և հանկարծ
բորբոքվեց Վարդանը ձս, — բայց դու ո՛ւմ կսանձահարես, ինչո՛ւ
կսանձահարես: Ո՛վ պիտի կռի՛ի, ե՛ս, դո՛ւ մենակ: Ռամիկը այս-
տեղ կռիվ ունի և կռվի իր կռիվը:

— Հը՛, — շարունակեց դառն շեշտով Վարդանը, — վե՛ր կկե-
նա ուսմիկը պատերազմ, վե՛ր կկենա հախուռն, անկազմ խորե
տարերք բնութեան, կկործանի և կկործանվի թերևս: Պե՛տք է գլու-
խավորել նրան, ողջ Հայոց աշխարհի աշխարհագորին: Եթե փրկի՛
թերևս նա՛ կփրկի մեզ: Քոչնչանա՛, կոչնչանանք և մե՛նք: Ոչնչաց-
լե՛ց պարսիկը մեր ֆառավորութեանը, ոչնչացնում է նաև նախա-
բարութեանն ու հոգևորականութեանը: Եվ դրա համար ֆառի՛ր մեկ-
նել է մեր արմատին՝ ուսմիկին: Մեր գեորդին ասպառնեմք: Եվ հիմա,

երբ ոսմիկը վեր է կացել պատերազմի՝ մենք պետք է տանենք նրան պատերազմ: Եթե ոչ, նախազգուշացնում եմ ձեզ, տյա՛րք, նա՛ կտանի մեզ, եթե արդեն չի տանում:

— Ճշմարի՛տ է,— ասացին միաբերան Արտակը, Ատոմը, Արշավիրը և մի քանի այլ նախարարներ, բացի Ներշապուհ Արծրունուց, որ մտայլ նայում էր հատակին:

— Ռոմիկը աշխարհն է, և աշխարհով ենք կենդանի,— խոսեց կաթողիկոսը թեթևացած,— օ՛ն, ապավինենք ոսմիկին, և թող ամենափրկիչն փրկի Աշխարհն Հայոց:

— Ամ՛ն,— ասացին հոգևորականները և երեսները խաչակնքեցին:

Կաթողիկոսը վեր կացավ: Նա գոհունակ և հանգիստ խաչակնքեց բոլորին և հրաժեշտ տվեց: Նրան հետևեցին Ղևոնդ Երեցը, Եղիշեն, Եզնիկը և մյուս հոգևորականները:

Նախարարները՝ մոռյված և սաստված շխոսեցին: Վարդանը զգաց, որ այնուամենայնիվ տարակուսանքը կրկին տազնապով է լցնում նրանց սիրտը: Այն ժամանակ նա վեր կացավ տեղից ու վրձնահան, անկեղծ եղանակով ասաց.

— Դուք տարակուսանքի մեջ եք դեռ, տյարք, և տարակուսանքը ձեզ չի թողնի, մինչև դուք շտեսներ հաստատ հույս և առհավատչյա: Եվ դա ահավասիկ: Կկոչենք օգնութ՛յան՝ Վրաստան, Աղվանք, Բյուզանդիա, Հունաց բաժնի հայ իշխաններին:

— Հույժ անհրաժեշտ է: Դա է միակ հույսը,— համարյա գուցե Ներշապուհը լսելիի շափ շնչելով օդը:

— Անշո՛ւշտ, ճշմարի՛տ,— կենդանացան նախարարները:

— Մենք կդիմենք,— խոսեց Վարդանը,— դա անհրաժեշտ է: Մենք կարող ենք հարել այս ու այն կողմին, այս ու այն կողմի դեմ...

Սակայն Վարդանին զայրացրեց, երբ այս բոլորից հետո նա լսելով Գյուտին, Գաղիշոյին և մի քանի այլ նախարարներին, որոնց մեջ նաև Ներշապուհին, նկատեց նրանց դժկամ հայացքը: Նա վեր թռավ ու խալթեց ուղղակի.

— Սակայն մի՛թե, տյա՛րք, իրավունք ունենք մոռանալ կայսեր խոսքը պարսից արքային՝ «Քանի հայերը կապրեն իրենց երկրում՝ մենք հանգիստ չենք ունենա: Ես իմ հայերին կուղարկեմ թրակիա, իսկ գոս քոնը հրամայիր քշել Արևելք»: Կօզնե՛ն սրանից, հե-

տո մեզ: Կօզնեան թերևս իրենց միջև եղած թշնամության համար: Բայց որ նրանք օգնեն մեզ ոտի՝ կանգնել: Մի՛ հուսաք: Ցնո՛րք ու բանդագուշանք: Մենք կդիմենք մեզ հետ միասին Հազկերտի բնության դեմ կանգնած վրացիներին և աղվաններին: Նրանք կգան:

— Նրանք կգան,— ձայնեցին նախարարները:

— Կուղարկենք նաև Հունաց բաժնի հայ նախարարներին:

— Վաղն ևեթ կուղարկենք դեսպան Վիրք և Աղվանք:

— Անշուշտ, անխախտ, պետք է,— խոսեցին նախարարները:

— Եվ հրամայեցեք, տյարք, իսկույն կազմել տերունական զորքը,— ասաց Վարդանը:

— Անհրաժեշտ է,— հաստատեցին նախարարները:

Որոշվեց, որ օգնության կոչը կուղարկեն Վրաստան, Աղվանք և Հունաց բաժնի հայ իշխաններին, որ նրանք լուելյայն պատրաստվեն և հասնեն օֆնության այն ժամանակ, երբ կերևա, որ գործը շեղվում է դեպի պատերազմ: Բյուզանդիայի համար որոշեցին հատուկ դեսպանութուն ուղարկել, որ երկար մնա այնտեղ, առանձին ջանքով համոզի Պարսկաստանի հետ հաշտված այդ տերության՝ հայերին օգնելու անհրաժեշտութունը:

— Դեսպանները կառաքենք յուրաքանչյուրին իր ժամանակին և պատշաճին,— առաջարկեց Վարդանը:

Նախարարները համաձայնվեցին և հանգստացան ըստ երեվույթին:

— Մի՛ անտեսեք սակայն ռամկին և նրա ուժը,— ավելացրեց Վարդանը,— գիտե՛մ, վերջը պիտի մնանք նրա ապավենին: Մի՛ նեղեք նրան: Արդա՛ր եղեք հետը և բարեհաճ: Թեթևացրե՛ք հարկերը, զինեցե՛ք:

— Ճշմարիտ է,— լսվեց կրկին մի քանի ձայն նախարարների կողմից:

— Բարեհաճ եղեք նաև դեպի հոգևորները:

Մթնոլորտը թեթևացավ ըստ երևույթին: Գյուտն ու Արտակ Ռշտունին տեղի տվին: Գադիշոն լուռ հայացքով հասկացրեց նրանց այս: Նախարարներից Արշավիրը, Արտակ Մոկացը, Ատոմը սկսեցին խոսակցել ուրախ: Նույն եղանակին անցան նաև Գյուտը, Գադիշոն և Արտակ Ռշտունին: Կարծես կայացավ հաշտութուն և համաձայնութուն: Վարդանն սկսեց զրուցել: Արտակ Ռշտունին կատակ տրամադրությամբ դարձավ Վարդանին.

— Մամիկոնյան տե՛ր, տոհմդ եկեղեցական է, սիրտդ ցավում է հոգևոր դասի համար:

— Մի՛ ախր Մամիկոնյան, — առարկեց վարդանը կես կտտակ ժպտալով, — ասա զորավա՛ր, ճշմարիտը սա՛ է: Ինձ ուժեր են պետք: Ես պարտավոր եմ հաղթել: Ապա թե ոչ՝ առաջինը դո՛ւ կնշավակես ինձ, տեր Ռշտունյաց: — Ող կօգնի ինձ, նա իմ բարեկամն է: Թեկուզ դժոխոց դեերը, — ավելացրեց նա:

Հետո աննկատելի լրջացավ:

— Պատերազմը միացյալ ուժեր է պահանջում: Պատերազմը անգամ հակառակորդներին միացնում է ընդհանուր թշնամու դեմ: Պատերազմում խտիր չկա օգտակար ուժից: Հոգևորականությունն ատված է նախարարության կողմից, ասենք ճշմարիտը: Պատերազմը խորշանք չէ և ոչ հաճելիություն: Պատերազմը դաժան գործ ու հաշիվ է: Բայց՝ հոգևորականությունն այսօր ուժ է. պետք է միանալ նրա հետ: Սակայն և մեր ամենամեծ հույսը ժողովուրդն է: Նա ինքնակամ վեր է կացել բռնավորի դեմ: Դա բռնադատված չէ, դա ազատ տարերք է, անսանձելի ուժ: Պետք է միացնել: Եթե շնչին մի մտեղ անգամ մեզ գա օգնության՝ ես կմիացնեմ մեր ուժերին: Պետք է հաղթել: Բացի հաղթելը ո՛չ մի այլ հնար չունե՛նք: Մեր միակ հընարը հաղթե՛լն է:

Նախարարները դեռ երկար լսում էին զորավարի՛ զրույցը և հետզհետե լցվում էին այն նոր ու դաժան մտքերով, որ պահանջում էր պատերազմը:



Վասակէ հեռացավ խոռվահույզ վիճակում: Նա գրաց, որ իր դեմ բարձրացավ մի հզոր արգելք, և որ սկսվում է մեծ պայքար:

Նա հպարտություն էր արել, չէր խոսել իր զինվորների և ոչ էլ ժողովրդի ըմբոստության մասին: Բայց սանդուղներից իջնելիս մըտածում էր այդ մասին:

«Ո՛չ, ամեն ինչ ծովեց, տակնուվրա եղավ», — ասաց նա յուրովի և ամբողջ ճանապարհին մտածում էր, թե ինչպե՞ս դիմադրուվի այս նոր աղետներին:

Նա իրեն կանգնած էր տեսնում մի մեծ և դժվար պայքարի առջև: Պայքար ներսը՝ նախարարների դեմ, պայքար դուրսը՝ պարսիկ սլաշտոնյանների բանասարկությունների, թշնամանքի դեմ:

Բայց մի առջ պաշարի մասին մի ուրիշ մեծ գործի համար՝ նա չէր համարձակվում ինքն իր մեջ անգամ բարձր մտածել: Միտան ուղեղի մի կողմով, գանգի մի անկյունում նա զգուշորեն որոնում էր Հիմա, այս խառնաշփոթ իրականության մեջ ագիերի ու ավելի կարիք էր դատում այդ միտքը, և նա ճանապարհին փոռք ավելց իրեն, որ չի անհանգստացնի իրեն պատասխան թղթի մասին մտածելով, այլ կպանկի անկողնում և հանգիստ կորոնա աչք մեծ գործի մասին:

— «Ժամանակ է, ժամանակ է,— մտածեց նա,— եթե ոչ ամեն ինչ կորած է»:

Երբ մոտենում էր իր բնակարանին՝ դարբասի մոտ պարսիկ զինվորներ տեսավ: Շքախմբից իրեն նայեցին: Վասակը գլխով նշան արեց, և շքազմբից մեկը ձին խթեց, մոտեցավ դարբասին և խսկույն վերադարձավ:

— Գենշապուհն է, Խոսրովը, Որմիզը մոգպետը, Վենմիհրը և մյուս մեծամեծները:

Վասակը մոռացվեց, դեմքի մկանները ցնցվեցին: Սկսվում էր դաժան փորձության մի ժամ, որ պետք էր անցնել:

Երբ ներս մտավ իր սենյակը՝ պարսիկ հյուրերը ակնածանքով վեր կացան, ողջունեցին համրորեն ու արժանապատվությամբ:

— Ես ինքս պիտի հրավեր օւղարկելի,— ասաց Վասակը, ծանրումեծ տեղավորվելով զահուլքին,— իմաստուն ժամին ժամանեցիր: Մանր զր է...

Նա հատուկ և նայեց Գենշապուհին: Աս շատ մեղմ ու կրասածպիտ հայացքով հանդիպեց նրա հայացքին: Երևում էր, որ նա շատ ուրախ է: Տաճարի դեպքերը, մերժողական պատասխանը, ժողովրդական ըմբոստությունները Գենշապուհի սրտովն էին: Այրաքի առաջ Վասակին ամբաստանելու շատ գլուխավառ նյութեր ամբարվեցին: Հասավ մարդպանի անկման ժամանակը:

— Պատրաստե՛լ եք պատասխանը,— հարցրեց բանաստեղծականով Խոսրովը:

— Պատրաստել ձե՛ն նախաբանները. քնացի, որ կարդամ և քերեմ,— պատասխանեց Վասակը,— ահա՛ պարսիկ,— և հանեց ծոցից մագաղաթի վառվեթը:

Խոսրովը վեր կացավ և քնաց քնդունեց նրա ձեռից: Գենշապուհ

հը շարախինդ նայեց խոսրովի ձեռին և թաքցրած հետաքրքրու-
թյամբ սպասեց, որ նա կարդա:

— Կարդա՛մ,— դիմեց նա Դենշապուհին:

— Կուզես՝ կարդա,— ասաց Դենշապուհը:

Խոսրովը կարդաց: Դեռ նոր էր հասել սկզբի բացատրություն-
ներին, որ ձեռքերն սկսեցին դողալ: Մոգպետը բերանի դառնություն-
նը կուլ տալով՝ մոմոաց: Խոսրովը հանկարծ վեր թռավ, բարձրաց-
րեց մագաղաթը և գոչեց.

— Անե՛ծք Հարամանին...

Նվ թափահարելով օդում մագաղաթը՝ նետեց հատակին:

Վասակը դաժան աչքերը գամեց նրա աչքերին ու զուսպ հրա-
մայեց.

— Վերցրո՛ւ ձեռքովդ, ինչպես որ նետեցիր... շո՛ւտ... իս-
կո՛ւյն... հիմարի՛ զուլիս...

Խոսրովը վախեցավ և իսկույն վերցրեց:

— Արքային գրվածը արքայինն է, և ոչ թե շնչին անձինդ: Սրբ-
քի՛ր ձեռքովդ մագաղաթը:

Խոսրովը խելճացավ և լայն թևքերի ծայրով սրբեց մագաղա-
թը, որը, իհարկե, չէր փոշոտել մաքուր գորգին ընկնելով:

Դենշապուհը մոայլվեց, զգալով, որ Վասակը կրգիտե տիրական
գիրք ընդունեց:

— Կարդա՛, — հրամանի ձայնով դիմեց Վասակը Խոսրովին:

Խոսրովը շարունակեց: Հիմա էլ Որմիզդ մոգպետն սկսեց
բրթմնշալ և հագալ: Նրա անկենդան, մշուշոտ աչքերի մեջ փայլեց
մի ուժեղ ցուլ՝ զայրույթի կրակը: Նա մի երկու անգամ շարժում
արեց որ խոսի, բայց Վասակը այնպես խեթ նայեց նրան, որ նա
անշարժացավ: Դենշապուհն էր սակայն հանգիստ: Նա Վասակի
այս խստությունները համարում էր տանուլ տված մարդու սրտնե-
ղություն: Նա կասկած անգամ չունեիր, որ Վասակն իսկույն կընկնի:
Նվ նախաճաշակելով այդ հաճույթը՝ նա աչքի տակով դիտում էր
թակարդն ընկած գայլի գալարումները:

Երբ Խոսրովն ավարտեց ընթերցումը և զայրույթից դողալով
նայեց Դենշապուհին՝ սա ժպտալով հարցրեց.

— Ինչո՞ւ չկա քո ստորագրությունը:

— Ինչո՞ւ էր կարևոր, — հարցին հարցով պատասխանեց Վա-
սակը, — եթե չի նշանակված հականե անվանե բոլոր նախարար-

ների անունը՝ ուրեմն պետք է հասկանալ, որ բոլորը շեն մասնակցել...

— Ո՞վ չի մասնակցել:

— Ատյանի ժամանակ կիմացվի, — անորոշ պատասխանեց Վասակը՝ չկամենալով Գենշապուհին հաղորդակից անել իր ներքին գործերին: Գենշապուհը կարող էր բանասարկել, դավել:

Երբ Գենշապուհը այնուամենայնիվ սպասողական հայացքով նայեց Վասակին՝ սա շեշտելով և բազմանշանակ արտասանեց.

— Ես չեմ մասնակցել...

— Ինչո՞ւ, — հարցրեց հեգնական ժպիտով Գենշապուհը:

— Ես արքայի պաշտոնյա եմ. ահա ինչո՞ւ, — խոցելու մարմարով հարվածեց Վասակ Սյունին:

Գենշապուհը քթի տակ թունալի ժպտաց.

— Իսկ դու հայ չե՞ս:

— Հայ եմ արյամբ և հոգով...

Գենշապուհը մտածեց նոր հարցի մասին:

— Իսկ ի՞նչ ես մտադիր հիմա:

— Կատարել արքայիս հրամանը:

Գենշապուհը լռեց: Քայց Վասակի հարձակողական հայացքը գեռ գամված մնացել էր Գենշապուհի աչքերի մեջ:

— Այդ ուրախալի է, — հանկարծ եղանակը փոխեց Գենշապուհը, — որ դու շես մասնակցել... Գոնև առեւես... Դե հայ ես, գծվար է... շես կամեցել վիրավորել արքայից արքային...

Վասակն սպասեց, որ Գենշապուհը դուրս տա իր սրտում կուտակված թուշը:

— Եվ ափսո՞ս, շես կարողացել զսպել ձեր իշխաններին: Հանդուգն են, ապերասան, արյան ծարավի...

Վասակը զուսպ լարվածությամբ և արտաքուստ հանգիստ խոսեց.

— Հանդուգն են և ապերասան, ճշմարիտ է:

— Այդ արդեն շես կարող ծածկել: Տես ս՛ր եմ հասել շարածիտ մարդիկ, որ արքայից արքային գիմացարձ են կանգնում այնպես, կարծես իրենց գիմացինը մի հասարակ հարկահավաք պաշտոնյա է...

— Նրանք այդպես չէին, — ասաց Վասակը, — նրանք ճեղ էին և հնազանդ: Ես հավատացած եմ, որ նրանք անշուշտ ավելի դյուրին

կընդունեին մազդեզանց կրօնը, եթե շիհնեին վերջին տարվա ճընշումները շեներում և վանքերում: Քո պաշտոնյաները հարկահավաք չեն, այլ արքայի թշնամիներ: Մեծում են, խլում, գոփում և չեն էլ հասցնում հարկը ըստ պատկանելույն:

— Քեզ ո՞վ պատմեց այդ բաները, — հարցրեց Դենշապուհը խոցված:

— Մեծ Հազարապետը Միհրնբրսեհ, Վզուրկ հրամանատարը Երան և Աներան... — խոշոր վանկերով արտասանեց Վասակը:

Նա մի հաշոյ հարված տվեց Դենշապուհին: Ուրեմն իր հարկահանութեան դաժան ձևերից գանգատվել է ինքը՝ Միհրնբրսեհը: Ճիշտ է, նա հենց դրա համար էր ուղարկել Դենշապուհին Հայաստան, որ ճնշումներով թուլացնի հայերին, սակայն նա հրահանգել էր այդ ամենը կատարել վարպետորեն, հաստատ, բայց զգույշ: Իսկ Դենշապուհը չափն անց էր կացրել:

Դենշապուհը տեղի շտվեց: Նա իրեն ուժեղ էր զգում:

— Արձակի՛ր մեզ, տեր մարզպան, — ասաց նա վեր կենալով:

— Բարի ճանապարհ, — ասաց Վասակը:

Վեհմիհրը, որ մինչև հիմա լուռ հետևում էր՝ գլուխը շարժեց և ասաց.

— Եվ այս ամեն արհավիրքը պիտի գա իմ հազարապետութեան օրով: Ափսո՛ս, ափսո՛ս...

Խոսքովը ծալեց մագաղաթը, դրեց ծոցը:

Պարսիկները հեռացան:

— Սկսվե՛ց, — ասաց ինքն իրեն Վասակը:



Վասակը կանչել տվեց իր մոտ Կողակին և պատվիրեց ուղեկցել Խոսրովին՝ որպես Միհրնբրսեհին ուղարկելիք պատասխան թղթի հանդիպական սուրհանդակ և պատիվ:

Կողակը ներս մտավ գլուխը կապած և սպասածից ավելի գունատ: Վասակը նայեց նրան և մոռյվեց.

— Ինչպե՛ս ես, — հարցրեց հեզանքով:

— Տեսնում ես, տեր իմ, — պատասխանեց Կողակը ձայնը փորն ընկած, — նյութս կտրվել է: Ինձ ծեծեցին Վարդանի մարդիկ:

— Ոչինչ: Կարո՞ղ ես ճանապարհ գնալ:

— Ո՞ւր, տեր իմ,— անհանգստացավ Կողակը:

— Պարսկաստան: Խոսրովին պիտի ուղեկցես ի պատիվ Մի-
հրընեբրեհին պատասխան թղթի ուղարկմանը:

— Տիգրո՞ն պիտի գնամ:

— Եթե շտապ հասնե՞ք Տիգրոն, իսկ եթե ուշացաք՝ նյուշա-
պուհ:

-- Տեր իմ, հիվանդ եմ:

— Հիվանդ ես՝ կմեռնես. բայց եթե շմեռար՝ վերադարձիդ
շատ կարևոր տեղեկություններ կբերես: Բացի այդ, ճանապարհին
պիտի լցնես Խոսրովի ականջը:

— Քո՞ մասին:

— Իմ պատասխան թղթի անմասնակցության մասին: Հարկ է
թղթի ու բոլոր ըմբոստության հանցանքը գցել Մամիկոնյան և
մյուս նախարարների ու Գենշապուհի վրա և կատաղած հովազի
կնճիթն ուղղել նրանց դեմ: Գործը մեծ, վարձը մեծ:

Կողակը տարակուսում էր. բայց բանսարկության մարմաշն ու
կիրթը, ինչպես հարբեցողի համար գինին, շարժեց նրա մեջ ճա-
նապարհ ընկնելու բուռն ցանկություն: Սակայն նա ծանրացրեց
ու դժվարացրեց գործը՝ վարձահատուցման շափն ավելացնելու
համար:

— Տեր իմ, անձս չեմ խնայում. բայց հոժար է հոգիս, մար-
մինս՝ տկար:

— Չես սատկի,— խստացավ Վասակը,— կապաքինվես: Եթե
հաջող վերադարձար՝ իշխանական կոշում կստանաս:

— Ես փառքի չեմ վազում, տեր իմ. ես քո փառքը համարում
եմ իմ փառքը: Միայն թե անձս կարողանար,— խեղճացավ և հա-
մեստացավ Կողակը:— Անձս նյութ չունի:

Բայց նկատելով կնճիռները Վասակի դեմքին և գուռակելով
մորիկ՝ համակերպեց և շտապեց կանխել պոռթկումը:

— Կգնամ, տեր իմ,— ասաց նա,— մեռնելս հոգ չէ. միայն
շտկեմ գործդ: Շատ խոտոր տարան գործը պարսիկները:

— Հայե՞րն, ուզում ես ասել:

— Ոչ, տեր իմ... պարսիկները: Ինչ շարիք որ կա՝ պարսիկնե-
րից պիտի գա քեզ, բերա՞նս շորանա:

Հավատարիմ ծերուկի անձնվիրութիւնը, որ զուտ եսական, շահադիտական միտումներ ունենք՝ հարկավոր հատկութիւն էր Վասակի համար, բայց նա ատում էր ծերուկին հենց դրա համար: Ծերուկը նվիրված և հաճախ անձը վտանգելով ծառայում էր Վասակին, բայց նա այդ անում էր մինչև այն սահմանը, ուր ինքը չէր կորչելու, և գործը գլուխ կգար՝ բերելով նրան լավ եկամուտ և խոստումներ: Վասակը շատ լավ գիտեր, որ շահամուլ և խարդախ ծերուկը մի մազ անգամ չի տա իր մորթուց՝ եթե գիտենար հաստատ, որ Վասակը անկման մեջ է և անվրեպ մահվան դատապարտված:

Դա դառնացնում էր Վասակին, որն իրեն մենակ էր զգում աշխարհում:

— Պարսիկները, ասում ես,— դառնութեամբ և մտորմունքով ծոր տվեց Վասակը:

Կողակը կեղծ ու շիտակ հառաչեց:

— Պարսիկները շտապեցրին պատասխան թուղթը. գիտեին, որ շտապ գրելով նախարարներն ըմբոստութիւն կանեն և մեղքը կրնկնի վրա: Ժամանակ որ անցներ՝ հնազանդ թուղթ կգրեին:

Դա մասամբ ճիշտ էր: Վասակը տեսավ, որ ծերուկը լավ է նկատել դեպքերի զարգացման ընթացքը: Նա նախանձ զգաց Կողակի այդքան թափանցող մտքից, բայց և ուրախացավ, հուսադրովեց, որ ծերուկը թերևս կարողանա ճանապարհին և մանավանդ արյաց արքունական Դոանը հարթել իր գործերը:

— Վաղն ևեթ ճանապարհ կընկնես: Հետո էլ լինելու է նաև Վահևունյաց Գյուտը:

— Վահևունյաց Գյուտը:

— Շուքի համար:

— Հասկացա...

— Ամեն բան սեղանի պես շես բանա առաջը:

— Հասկանում եմ, տեր իմ: Առաջինը չէ, վերջինը չէ:

— Դե գնա՛, պատրաստվի՛ր:

Կողակը վեր կացավ և ավելի ծանրակշռութեան համար, բան ցավից՝ տնքայով դուրս գնաց:

— «Աղվե՛ս»... — մոմուաց նրա հետևից Վասակը և դուրս եկավ այգի: Սենեկապետը, որ կամենում էր ուղեկցել նրան, հայացքը լարեց նրա շրթունքներին՝ սպասելով որևէ հրամանի:

Հրամանը շուշացավ:

— Սուրհանդակ կառնես հետդ և կգնաս Խոսրովին զգուշացնելով, որ իր հետ ուղեկից եմ դնում Վահուստայաց իշխանին և խորհրդատու-օգնական՝ Կողակին:

— Ուրիշ հրաման:

— Բնօժանների վրա կավելացնես ակնակուռ սուրը, ոսկի կոնքը և ընտիր աղանդեր: Ծառաներին մետաքսե պատմուճաններ, ոսկի դրամ և պաշար:

— Հրամանդ ի կատար, ասաց սենեկապետը և դնաց:

Վասակը իջավ այգի: Օրը տաք էր: Արևը հաճելի:

— «Պարսիկները»... և ո՞չ հայերը, — մտածեց Վասակը դառնությամբ. — հայերը և՛ս: Այո, նա մենակ է աշխարհում: Նրան չի սիրում ոչ ոք: Նախարարները սառն են, մի մասը թշնամի, Հազկերտի հազարապետ Միհրնեբեհը վաճառող, գնող, Հազկերտը կատաղի, քմահաճ, ժողովուրդը հակառակ: Ի՞նչը կարող է փոխել այս վիճակը: Նա սկսեց ավելի ու ավելի պահանջ զգալ այն նվիրական, գաղտնի մտքին, որ նրան զբաղեցնում էր վաղուց:

— Հիմնովի՞ն, հիմնովի՞ն պետք է փոխել այս ամենը: «Այն» պետք է իրականացնել: — Ինքը գիտեր, թե ինչ էր «այն», և փայփայում էր, գուրգուրում էր այն:

Նա դնաց դեպի այգու բացատը, խաղողի թփերի կողմը: Անցյալ տերևաթափի կարմրադեղին տերևները կարկատանների պես շարված էին թմբերի վրա: Հողե պատերի տակով շոր առվի հատակին ձգվում էր նախշուն, մանր խճաքարերի մանյակը՝ հիշեցնելով ուշ գարնան և ամռան հոսող ջրերի կոհակումները: Հերվա դեղնածխտի վրա այստեղ-այնտեղ ընկած էին շորացած ու փտած խնձորներ ու ընկույզ: Դիմացը խրոխտում էր Մեծ Մասիսը՝ կարծես միտելով վրա գալ և տակովն անել ողջ դաշտավայրը: Նրա ամենհի վիհը կապույտ ստվերների երիզներով պահում էր իր մեջ Արտավազդի լեգենդը: Հեռուն, դաշտի խորության մեջ, երկինք էր ձրգտում կապույտ ծխի մի սյուն:

Ամեն, ամեն ինչ խաղաղ էր: Եվ Վասակը գնալով դեպի այգու խորքը՝ ինքը ևս ներշնչվեց այդ խաղաղության ներդաշնակությամբ ու երագել սկսեց:

Կգան օրեր, և ինքը կրերի օրերը: Հայաստանը իր ձեռքը կրնկնի: Նա ոտի տակ կտրորի այս դենշապուհներին, կոչնչացնի վա-

րագվազաններին, այս նախարարներին, այս հոգևորներին, կուժեզացնի երկիրը և ինքը կմնա Հազկերտի առաջ անմրցակից մարդպան, իսկ ապա և թագավոր: Կծուլվե՞ն հայերը պարսից հետ՝ հավիվ թե, բայց այդ չէ կարևորը... Ուժեղ երկիր կլինի, գլուխը կբարձրացնի, և ո՛չ պարսիկ, ո՛չ հույն, այլևս չեն համարձակվի տեր ու տիրակալանութուն անել այս երկրում: Իսկ հիմա ինչի՞ է նման... Այս ժողովուրդը չի հնազանդվում, այս նախարարները չեն լսում իրեն, Վարազվազանն ու նմանները չեն դադարում դավելուց: Ամենքն իր մահն են նյութում: Ամենքը՝ հայերը, պարսիկները, Վարազվազանը, Միհրներսեսը: Ատում են իրեն իր կինը, զավակները: Ոչնչացնել այդ մտքի իրագործման ճանապարհին ամեն, ամեն արգելք և գնալ դեպի այդ մեծ նպատակը: Եվ այդ ամենը հնարավոր է: Խելք է պետք, համբերություն, ջանք, համառություն, անգթություն...

Հեռվից գալիս էր Գաղիշոն, որին ուղեկցում էր սենեկապետը:

— Ուրախ ժամու ժամանեցիր, իշխան,— դիմավորեց նրան Վասակը:

— Տխուր սրտով,— հարեց Գաղիշոն և լուրջ ու խելացի նայեց Վասակին:

— Սիրտն ընդունակ է ամեն զգացման՝ տխրության և բերկրանքի: Թողնենք տխրությունը և տանք մեզ բերկրանքին:

Ու դարձավ նշանակալից նայեց սենեկապետին:

Սենեկապետը հեռացավ:

Գաղիշոն պատմեց նախարարների մտադրությունը՝ դիմել թյուզանդիա, Վրաստան, Աղվանք օգնության դաշինքի նաև հունաց բաժնի հայ իշխաններին: Վասակը մտածեց մի փոքր:

— Կբայքայենք այդ օգնությունը,— ասաց Վասակը:

— Քայքայելն ավելի դյուրին է, ճշմարիտ ես ասում,— մի փոքր մտածելով ինքը ևս՝ ասաց Գաղիշոն:

Մի փոքր անց սպասավորները ոսկեկար սփռոցներ գցած խոնջարով բերին նախաճաշ, աղանդեր և գինի: Դրին երկու աթոռիկ, և նախարարները նստեցին: Վասակը անձամբ լցրեց գավաթները, խմեցին: Սենեկապետն ու սպասավորները քաշվեցին պատշաճ հեռավորություն:

— Մեր թագավորությունն էի հիշում: Մեր կորցրած հարստությունը,— ասաց Վասակը,— թանկագին բան կորցրինք:

— Բանն էլ թանկագին է դառնում, երբ կորչում է,— կիսա-
կատակ ասաց Գաղիշոն:

— Ինչպես առողջութիւնը, երիտասարդութիւնը, սիրուհին:
Վերցրու, այս գավաթը քո արեւատութեան:

Խմեցին: Ապա լռելայն նայեցին իրար, և ինչպես խելացի
մարդիկ են անում՝ իսկույն հայացքները փախցրին և սկսեցին եր-
կար լռել: Նրանք իրար հասկանում էին, և լռութիւնը չէր խանգա-
րում, որ իրար հետ խոսեն մտքներում:

— Ասում ես թագավորութիւնը...— քմծիծաղով կրկնեց մի
փոքր հետո Գաղիշոն և երազանքով նայեց հեռուն,— կորա՛վ, կու-
զես լաց, կուզես ծիծաղիր:

Վասակը լսեց նրան և ասաց մեղմաձայն:

— Կրկին կգա, և սա ճշմարիտ է, ինչպես այս հողը, երկին-
քը, դաշտը, Մասիսը:

— Ի՞նչ կերպ:

— Տեսնենք, մտածում եմ... և եթե կամենանք՝ նա կգա:

— Ես չեմ ճանաչում մի մարդ, որ միտուրիչ բան ստեղծի այս
երկրում...

Վասակը թոր գննեց Գաղիշոյին և լռեց: Նրան խոցեց այն
միտքը, որ Գաղիշոյի պես բանիմաց մարդը կորցրել է հավատը
ուրիշ ելքի:

«Սրանք բոլորը համեստ մարդիկ են»,— մտածեց Վասակը:
Հետո տխրութեամբ լցրեց գինու գավաթները:

— Դե խմենք, երբ այդպես է:

Խմեցին: Գաղիշոն մտածում էր և դառն ժպտալով գլուխն օրո-
րում:

— Դրա մա՛րդը չկա,— ասաց նա,— մա՛րդը...

— Չկա մա՛րդը...— հարցրեց Վասակը և լռեց մռայլված,—
«կա՛ այդ մարդը»,— պատասխանեց ինքն իրեն և շոթունքները
սեղմած, խստահայաց աչքերը գամեց խոսակցի աչքերին:

Գաղիշոն վեր կացավ գնաց դաշտի կողմը: Վասակի պալատը
մի փոքր բարձրութեան վրա էր, ուստի և քաղաքի պարիսպները
թույլ էին տալիս, որ երևա Այրարատյան դաշտավայրը:



Մայրաքաղաքի և Այրարատյան դաշտավայրի բնակավայրերի հուզումներն ու ըմբոստ դեպքերը անարձագանք չմնացին Հայաստանի մնացած ավաններում և շեներում: Լուրերը՝ մեկը մյուսից գրգռիչ, զարմանալի՝ սկսեցին շրջել երկրի ամենահեռավոր անկյունները և լեռնաստանները:

Ժողովուրդը ցնցվեց, արթնացավ: Հայրենի երկրի պաշտպանության նշանաբանը ստիպեց մարդկանց մտածել խղճի ազատության, ազգային ինքնագիտակցության մասին: Ժողովուրդը հասկացավ, որ ինքը մի ընդհանուր գործի մեջ կարևոր զանգվածն է: Եվ այս գիտակցության շարժման ալիքը բարձրացած ողողեց ողջ երկիրը, գնաց շոշափեց երկրի ամենահեռավոր, խուլ անկյունները:

Երկիրն սկսեց սպասել, թե ինչպես կզարգանան դեպքերը:

Հայ նախարարները սկսեցին ցույց տալ արտասովոր աշխույժ:

— Այլևս ընկանք ջուրը, և նա մեզ կտանի՝ կամենանք շկամենանք, — ասաց Արշարունյաց Արշավիր նախարարը մի անգամ, երբ նախարարներից ոմանք պատասխան թուղթը ուղարկելուց հետո հարց տվին իրենք իրենց, թե ի՞նչ կլինի սրանից հետո: Գաղթընն իր կողմնակիցներով սկսեց հետախուզել նախարարներին՝ դիմադրության ձևեր մշակելու համար: Նախ՝ դադարեցին վիճել նրանց հետ, որ արդեն վտանգավոր էր բորբոքված մթնոլորտում և ապա սկսեցին այժմ արդեն շատ զգուշությամբ այցելել Վասակին, որն ամփոփվեց և ավելի ու ավելի անթափանց դառավ: Նրանք հասկացան, որ սկսված շարժումը պիտի ծավալվի, պայթի, որպեսզի երևան նրա քայքայման ստվերագծերը:

Վարդանը թեև ավելի մտահոգ, բայց այժմ արդեն վճռական դիրք բռնեց: Նրա համար հիմա այլևս բոլորովին պարզվեց, որ պատասխան թղթին կհետևեն շատ լուրջ՝ դեպքեր, որ բարձրացող փոթորիկը չի ընդհատվի հանկարծ, այլ, որ նա կկատաղի և որոտալով կանցնի Հայաստանի վրայով: Արյաց հզոր պետության դեմ դուրս եկավ փոքրիկ մի երկիր և նա պետք է օրհասական կոխվ մըղի, և որ դա հղի է սարսափելի անակնկալներով ու հետևանքներով: Իսկ այդ արդեն պահանջում էր գործ, պայքար, եռանդ: Սկսեց զորք պատրաստել:

Երբ կծավալվեն դեպքերը՝ հայտնի չէր, բայց որ ծավալվեն, պետք էր իսկույն դիմադրել վճռական թափով:

Ներշապուհը դառավ ավելի գործունյա և անհանգիստ: Նա հաճախ էր կանչում իր մոտ Արտակ և Ասում նախարարներին և զորքի մասին հրահանգներ տալիս:

Երևում էր, որ նախարարներն իրար մեջ նեցուկ էին որոնում:

Լուսադեմ էր. բայց դեռ չէին սկսել գորշանալ առարկաները, հազիվ միայն դժգունում էր արևելքը անտառապատ բլուրների հետևում:

Արքունական պալատի դահլիճում՝ հանդարտ անցուղարձ էր անում Վարդանը և երբեմն աչքը գցում դռան վարագույրի կողմը, որտեղից մարդու էր սպասում:

Մի անգամ ևս մոտեցավ մարմարիոնն սեղանին, որի վրա թողել էր երկու ոլորած փաթեթներ ընտիր մագաղաթի, բացեց, կարդաց և կրկին թողեց սեղանի վրա:

Ներս եկավ սենեկապետը՝ իր հետ բերելով մի առույգ ծերունու, որը խոնարհ գլուխ տվեց Վարդանին: Վարդանը նրան հրավիրեց առաջ գալու և նստելու սեղանից մի քանի քայլ հեռու դրած մարմարիոնն աթոռիկին: Ծերունին, որ սեպուհ էր, հաստատ քայլերով, արժանապատվորեն առաջ եկավ, բայց շնստեց: Նա ալեխառն էր և սևահոն, բարձրահասակ: Խելացի աչքեր ուներ նա և շատ համակրելի եռանդուն դեմք:

Վարդանը հայտնեց նրան, որ ուղարկվելու է Վրաստան՝ իբրև դեսպան, և սկսեց հրահանգել, թե ինչպես պիտի կատարի իր առաքելութունը: Մի քանի տեղեկություններ տվեց Վրաստանի մասին և շարունակեց.

— Տես ի՞նչպես են ընդունել Հազկերտի հրովարտակը և ինչ են մտադիր անել: Կամ արե՞լ են արդեն: Լա՛վ տեղեկացիր Աշուշա բղեշխի և թագավորի հարաբերությունների մասին: Թագավորը համակիր է մեզ և ինձ բարեկամ. բայց տես ո՞րքան է բղեշխը հակամետ Հազկերտին դիմադարձ կանգնելու: Տես որքան են իշխանները համերաշխ՝ ա՛յս խնդրում: Թե՛ թագավորին և թե՛ բղեշխին, եթե հարցնեն, վճռական հայտնիր, որ հայերը վճռել են դիմադրել: Մարզպանի մասին ասա, որ նա ենթարկվեց նախարարության, հոգևորականության և ժողովրդին՝ պաշտպանել հայրենիքը:

— Պատվերդ ի կատար, Սպարապետ,— խուլ ու հանգիստ ձայնով ասաց թանձրամորուք սեպուհը և հայացքն ուղղեց Վարդանի ձեռքում երկու ոլործուն մագաղաթին:

Վարդանը շարունակեց.

— Առաջ մտիր Մծխեթ, թագավորի մոտ: Մի՛ քաշվիր նախապատվութիւն տալ նրան՝ որքան էլ իշխանները ինքնագլուխ են այնտեղ և բղեշխը կամենում է իրեն ենթարկել ողջ երկիրը: Բայց իմացիր, թագավորը առանձնապես առում է Հազկերտին. նա՛ պիտի գլուխ կանգնի ապստամբութեան: Նա իսկական գորավար է, խիզախ և խելոք մարդ:

— Պատվերդ ի կատար:

Վարդանը մտածում էր:

— Ես հավատացած եմ, որ Վրաստանը կկանգնի մեր կողքին: Մեր գործը նաև նրանց գործն է,— կարծես ինքն իրեն խօսեց Վարդանը:— Ինչ մեզ է վիճակված այն էլ նրանց: Հա՛,— հիշեց և մոայլվեց Վարդանը,— տե՛ս, փեսաս՝ վազզեն իշխանը չի՞ խառնակում այնտեղ, չի՞ դավում թագավորին:

— Դժվար կլինի գործս Յուրտավում,— ասաց դեսպանը:

— Դժվա՛ր. շա՛տ... հայրը՝ բղեշխ, ինքը նրա զավակը: Այո, դժվար է: Բայց խելացի մարդ է Աշուշան: Կհասկանա գործը: Նրան և թագավորին ցույց տված հարգանքներիդ մեջ՝ մի՛ շոշափիք բղեշխի ինքնասիրութիւնը: Իհարկե, սրանք դատարկ բաներ են: Դու միայն շանա լա՛վ համոզել բղեշխին:

— Հրամայեցի՛ր, լավ համոզել,— ասաց սեպուհը:

— Բայց տեսա՛ր ինչ գնով միաբանութեան եկանք մենք այստեղ... և արդյո՞ք վերջնական,— հառաչեց Վարդանը:

— Դժվարութիւններ շատ կան նաև վրաստանում,— շարունակեց Վարդանը,— նրանց մեջքին է՛ Ալանաց Դուռը, հոնների խուժման անցքը... Տես ի՛նչ են խոսում այս մասին: Սա շատ է կարևոր: Վրացիք այնքան շեն սարսափում Ճորա Պահակից խուժող հոններից, որքան Ալանաց Դուռն սպառնալիքից: Սա լա՛վ իմացիր:

— Հրամայեցի՛ր, Սպարապետ,— խորասուլջ մտքերով պատասխանեց սեպուհը դեսպանը:

Դեսպան սեպուհը խելացի աչքերը հառած Վարդանին՝ յուրացնում էր նրա ասածների բուն իմաստը: Վարդանը չէր կամենում ամբողջովին բաց անել սեպուհի, ինչպես և ողջ նախարարների

առաջ իր ներքին տարակուսանքներն ու իսկական կարծիքը գործերի ընթացքի մասին: Նա սկսել էր կասկածել, որ Վասակը կհեռանա ուխտից և կբռնի ուրույն ուղի, թերևս և հակառակ: Բայց նա չէր կամենում այս ամենը պարզելով խուճապ ստեղծել հենց նախարարներից նրանց մեջ, որոնք դեռ անպատրաստ էին լրիվ ճակատով պայքար մղելու հակառակորդների դեմ: Նա սպասում էր, որ դեպքերը մի փոքր հասունանան և նախարարներն էլ ընտելանան պայքարի անհրաժեշտության: Վարդանը դեռ շատ էլ մեծ նշանակություն չէր տալիս նախարարների «վերջնական վճիռներին»:

Այդպես նայում էր նա նաև Վրաստանի գործերի վրա: Վրացիների օգնությունը նա գնահատում էր մի քանի հիմնական նպատակների համար: Նախ՝ Վրաստանը ճանապարհն էր դեպի Ալանաց Դուռը, որի հետևից հարավի վրա էին ճնշում հոների բարբարոսական հրոտակները, որոնց մասին Վարդանը մտածում էր... Ապա նաև Վրաստանը մի երկիր էր, որ կարող էր հյուսիսից հենակետ դառնալ պարսիկների հարձակվող այն զորքերի համար, որոնք կբերվեին Աղվանքի վրայով Հայաստանի վրա: Վրացիները կարող էին օգնել փակելու այդ մուտքը: Վրացիները կարող էին ոչնչացնելով Տփղիսում կայանող պարսիկ զորքը. զալ մրտնալ հայերի հետ ընդհանուր ճակատում պարսից դեմ: Ծվ ապա վերջապես Վրաստանի մասնակցությունը դիմադրության՝ բարոյական և ռազմական մեծ նշանակություն ունեւր հայերի համար:

Այնպես որ՝ շատ մեծ զգուշություն էր պետք այս գնահատությունների մեջ: Մանավանդ որ՝ Վարդանն զգում էր, որ Վասակը ձեռքերը ծալած չի նստել, որ նա էլ է գործում:

Վարդանը դեռ չէր մտածում, թե Վասակը կարող է բռնել կամ բռնել է հայրենադավության ուղին: Նա Վասակի մեջ տեսնում էր իր մարդպանական պաշտոնի հարկադրանքներին մի փոքր խիստ ջերմեռանդություն ցույց տալու ցանկություն և պարսիկներից հասնող վտանգի մեծությունը չըմբռնող մարդու թուլություններ:

— Այդպե՛ս, սեպո՛ւհ, ջանա՛ համոզվել բոլորիս, որ բացի դիմադրությունը ոչ մի այլ ուղի չկա:

Գնապան սեպուհը երկյուղած լսում էր Վարդանին և նա առաջին անգամն էր տեսնում, թե որքան դժվարությունների մեջ է դրալական մարդը:

«Դժվար պատերազմ է», — մտածեց նա և սկսեց մտահոգվել, թե ինչպես պիտի կատարի իր առաքելութիւնը:

— Քո ամենամեծ հմտութիւնը այն կլինի, եթե կարողանաս բղեշխի հետ զրուցի բռնվել: Ընթերցման պահին փեսաս, Վազգենը, կարող է ներկա լինել: Զգուշ նրանից: Ամեն կերպ հասկացրու, որ մեր ժողովուրդը կգնա պատերազմ, բայց չի հնազանդի պարսից արքային: Տե՛ս, բղեշխը կապեր ունի՞ մարզպանի հետ: Իմ մասին հայտնիր, որ հաշտ եմ մարզպանի հետ: Կրկնում եմ. ասա, որ հայ նախարարները ուխտ են կազմել՝ դիմադրել արքային: Ասա, որ ողջ ժողովուրդը դինվորագրված է: Թող լավ իմանան մեր վճիռը:

Վարդանը վեր կացավ, մոտեցավ դեսպանին, ձեռքը դրեց նրա ուսին.

— Քեզ կհետևեն մարդիկ թերևս մերոնցից. ինչպես և պարսիկներ: Գործիր ազատ և վճռակա՛ն: Բացեիբաց հայտնիր, որ հայերը չեն զիջում իրենց ազատութիւնն ու երկիրը, և հավատքը պատրվակ է, Հազկերտն ուզում է խլել մեր իշխանութիւնը:

Վարդանը արձակեց սեպուհ դեսպանին՝ հետևյալ խոսքերով.

— Ամենքի հետ հանդարտ խոսիր, համոզի՛ր, մի՛ վիճիր: Վրացիները եղբայր ժողովուրդ են, և մեր վտանգը իրենց վտանգն է. այս հասկանում են նրանք: Հասկացրո՛ւ այս ամեն տեղ, որ մենք այսպես ենք մտածում, և այն էլ ասա, որ մենք սպասում ենք նրանց մեր կողքին՝ բռնավորի դեմ: Դե, աստուծո՛վ, բարի ճանապարհ: Ահա այս թագավորի նամակը, այս էլ բղեշխինը:

Վարդանը տվեց երկու նամակները:

Սեպուհը վերցրեց մագաղաթի փաթեթները, համբուրեց, դրեց աչքերին, ապա խոր խոնարհութիւն տալով Վարդանին կամենում էր հեռանալ. բայց կանգ առավ:

— Հա՛, ի՛նչ կա, — հարցրեց Վարդանը, — մնա՛ց անհասկանալի բան:

— Չմնաց, Սպարապետ, — տատամսեց սեպուհը և կոտրած ժպիտով նայեց Վարդանին, — դժվարին գործի դրիր, Սպարապետ, արդո՞ք պիտի կարողանա՞մ գլուխ բերել: Դեսպանութիւն շատ ես տղարկել ինձ, բայց այս անգամ գործը նման չէ նախկիններին:

— Այո, այս անգամ դժվար է բանը, բայց ես կասկած չունեմ,

որ մեզ կօգնեն և՛ վրացիները, և՛ աղվանները,— ասաց Վարդանը,— գնա՛, աստված քեզ հետ:

Գեսայանը կրկին խոնարհություն արեց և դուրս գնաց:

Ներս մտավ Ատոմը Արտակ Մոկացի հետ: Նրանք գիշերվանից հետևում էին Վարդանին և չհամարձակվելով խանգարել նրան՝ արթնուն հսկել էին ողջ գիշեր: Նրանք քնատ էին, բայց հետաքրքրված: Գորովալից աչքերով նայեցին նրանք Վարդանին և լուռ կանգնեցին սենյակի դռանը:

— Նե՛րս եկեք, իշխանիկնե՛ր,— ասաց մեղմ ու թախծալի ձայնով Վարդանը, հասկանալով, որ երիտասարդ նախարարները սրտներին մոտ են արել Վարդանի գիշերային արթնությունն ու անհանգստությունը: Նա շատ էր սիրում այս մտերիմ ղուլգին, ուստի և սիրով ժպտաց նրանց.

— Ինչո՞ւ չեք քնել: Ի՞նչ է, սիրահարված սոխակնե՛ր եք, գիշերի հետ բարեկամ եք դառել:

— Սպարապե՛տ,— ասաց Ատոմը,— մեզ մտահոգում է մի բան. ո՞ւմ հետ կլինեն վրացիները, աղվանները, հունաց բաժնի հայ իշխանները: Մի՞թե ո՛չ մեզ հետ...

Վարդանը հասկացավ. երիտասարդ իշխանները տենչում են մտերիմ դրույց ունենալ իր հետ: Նա շմերժեց, անգամ կարիք զգաց խոսելու այդ մասին: Նա վեր կացավ, մոտեցավ պատուհանին և սկսեց խոսել Վրաստանի և Աղվանքի մասին: Եվ որքան շատ էր խոսում, այնքան դրսևորվում էին տարիներում կուտակված մըտքեր...

— Մենք, վրացիները, աղվանները մի բախտի ժողովուրդ ենք,— շեշտեց Վարդանը,— ուրեմն մի ժողովուրդ ենք...

Վարդանն այս ասաց ներքին շերմությամբ, կարծես ինքը լիներ դեսպանը և խոսում էր վրաց ժողովրդի հետ հայ ժողովրդի կողմից:

— Նրանք ուրիշ ուղի չունեն, քան մերն է,— շէր հանգստանում Վարդանը,— նրանք կզան մեզ հետ: Կզան, որովհետև այդ է մեր ժողովուրդների ինքնուրույն գոյության ուղին: Այո՛, նրանք կզան, անպատճառ կզան, ես գիտեմ, վրացիք և աղվանները ազատասեր ժողովուրդներ են:

Վարդանը մոտեցավ պատուհանին: Արդեն սկսում էր լուսանալ: Գիշերը գունատվեց, և արևելքում, մատակա բլուրների հետևից

սկսեց նայել լուսացող երկինքը: Այգու սաղարթները անշարժացած, սպասողական վիճակի մեջ, շունչները պահել, ականջ էին դնում:

— Նրանք կմիանան մեզ, — շարունակեց Վարդանը դուրս նայելով, — ես վստահ եմ թագավորի կողմից, շատ իշխանների կողմից, որոնց ճանաչում եմ: Ժողովուրդը նույնը կանի, ինչ որ մերն արեց: Ես երկյուղ եմ կրում միայն նրանց այն իշխաններից, որ կկարծեն, թե Հազկերտը կհագենա մեր արյունով և կկորցնի խոորժակը Վրաստան գնալու: Ես երկյուղ եմ կրում նրանց այդ խոհեմներից: Ինչպես որ խոհեմությունը մեզ է սպառնում այստեղ, նույնը կանի նաև նրանց այնտեղ:

Վարդանը ետ եկավ և նստեց գահուլքին:

Այսպես՝ Վարդանը մի քանի օր հրահանգում էր հնարավոր դաշնակիցների ղեսպաններին, որոնք պետք է ուղևորվեին իսկույն և նախապատրաստեին օգնության գործը:

Նրանք ճանապարհ ընկան իրար հետևից:

Քնած շէին և դիմադրության հակառակորդները: Գաղիշոն հաճախ էր լինում Վասակի մոտ, տանելով իր հետ Արտակ Ռշտունուն: Բայց պատահում էր, որ սրանից գաղտնի, մենակ փակված Վասակի մոտ՝ երկար ու բազմանշանակ փսփսուկով խորհրդակցում էին:

Մի գիշեր Վասակը երկար հրահանգում էր հավանական դաշնակիցներին ուղղվելիք մարդկանց, որ պետք է մեկնեին Վրաստան, Աղվանք և հունաց բաժնի հայ իշխանների մոտ՝ խափանելու համար Վարդանի ձեռնարկությունը: Հատկապես հրահանգում էր գործել խիստ գաղտնի և շատ զգույշ: Հունաց բաժնում Վասակը մեծ հույսեր ուներ համանուն Վասակ Մամիկոնյանից: Նամակն ուղղվեց նրան: Մնացած իշխանները՝ Արշարունու անձնական բարեկամները՝ Մաղխազ Վրիվը, Անձևացյաց Շմավոնը և Առավան Վանանդյան հարել էին Վարդանին. միայն վերջիններս միշտ հարց էին տալիս տարակուսանքի ժպիտով.

— Բայց ինչպե՞ս պիտի լինի դիմադրությունը... Ի՞նչ պիտի լինի...

— Սպարապետը կգտնի ճանապարհը, — հույս էր տալիս Արշավիր Արշարունին, որ մեծ հավատ ուներ Վարդանի վրա:



Գործերը վերջացան Արտաշատում: Ժամանակ էր ցրվել և գնալ տուն՝ զորագնդերը կարգի բերելու:

Երեկոյան Վարդանը ժողովեց նախարարներին արքունական տան պատշգամում և հրահանգեց ցրվել իրենց աշխարհները ու՝ ժերը հավաքելու տերունական զորքի համար:

— Որտե՞ղ հավաքենք զնդերը, եթե պետք լինի, — հարցրեց Արշարունին:

— Կգա օրը՝ կերևա, — ասաց մտածելով Վարդանը, — բայց զնդերը կազմեցե՛ք: Հարվածը որտե՞ղ կընդունենք, որտե՞ղ կհարվածենք մենք՝ ցույց կտա հետագան:

— Տեր Մամիկոնեից, — խոսեց Արտակը, — ո՞ւմ հետ է մարզպանը:

— Այո՛, այո՛, — վրա բերին մյուս նախարարները, — ո՞ւմ հետ է:

Վարդանը ճակատը կնճռտեց: Ապա ցածրաձայն ասաց.

— Իր խղճի և աստծո հետ... անշուշտ...

— Ոչ, դրանով բան չի դուրս գա, — չգոհացավ Արտակը, — կամ մեզ հետ է, կամ մեր դեմ: Պարզենք դիրքերը:

Վարդանը չէր կամենում խոսել այդ մասին բոլոր նախարարների ներկայութեան՝ ուստի և կրկին ցածրաձայն ասաց.

— Նա մարզպան է, պարսից պաշտոնյա: Զի կամենում իրեն վարկաբեկել Հազկերտի առաջ: Նա պատուում է ինքն իրեն՝ թե կարող է խաղաղութեամբ վերջացնել գործը Հազկերտի հետ: Հույս ունեմ, որ արհավիրքի օրերին կսթափվի:

Վարդանը բարվոք համարեց սքողել այդ խնդիրը: Եվ վերջապես ինքն էլ դեռ լավ չէր ըմբռնում Վասակի դիրքը դավաճանութիւն, թե զգուշավորութիւն... Նա հույս ուներ, որ եթե ինքը հաջողեցնի դիմադրական ուժերի կազմակերպումը, Վասակը կանցնի իրենց կողմը: Մյուս նախարարների՝ Գյուտի, Ռտշունյաց Արտակի, Գաղիշոյի դիմադրութիւնը նա առայժմ համարում էր լոկ նախարարական ներհակութիւն:

— ... Բայց արդո՞ք կսթափվի, — կարծես ինքն իրեն խոսեց Վանանդյա նախարարը:

— Մարզպանը հայ քրիստոնյա է, — բարձրացրեց ձայնը Վարդանը խստութեամբ, — նույնքան պարտական է երկրին, որքան և մենք:

— Կգա՞ նա մեզ հետ,— համառեց Վանանդյա նախարարը:

— Երբ գործը կսկսվի՝ կերևա, թե ով է զալու, ով չէ,— խուսափեց Վարդանը,— և այն ժամանակ կտանք մեր վճիռն ամենքի համար...

Վանանդյա իշխանը այլևս չպնդեց:

— Տյարք, չխախտենք արտաքին միաբանությունը ժողովրդի առաջ: Հետևենք ուշի-ուշով դավաճանություն: Թերևս դա զգուշավորություն է:

— Ձեմ ծածկում,— շարունակեց Վարդանը մի փոքր դժվարանալով,— մարդպանը և մի քանիսը տարտամ վերաբերվեցին գործին: Դա մեզ վշտացնում է, բայց ոչ մի ուժի առաջ կանգ չենք առնի: Գե, բարի գիշեր:

Նախարարները գիշեր բարի ասելով ցրվեցին:

Արտակը ճանապարհին մոտեցավ Արտակ Ռշտունուն, որ բով հայացքով հետևում էր նախարարներին.

— Վաղը կճանապարհվե՞ս, տեր Ռշտունյաց:

Արտակ Ռշտունին ծուլլ պատասխանեց.

— Տեսնենք, գործեր ունեմ այստեղ:

— Ես կսպասեմ. զնանք միասին:

— Կավ, սպասիր, զնանք միասին,— ասաց Արտակ Ռշտունին, ոչ այնքան բարյացակամ:

Արտակը շնկատեց այդ վերաբերմունքը: Նա ճանաչում էր Արտակ Ռշտունուն իբրև քնկոտ և անգործունյա մարդ: Այդ բանին էլ վերագրեց նա նրա խոսելու եղանակը:

Արտակը մտադրվեց Ռշտունյաց նախարարի հետ գնալ Ռշտունիք և այնտեղ տեսնել Անահիտին: Ռշտունյաց աշխարհը իր բոլոր կողմերով նվիրական էր դառել նրա համար: Անգամ Ռշտունյաց նախարարը, իր անհամակրելի տեսքով և անտարբեր վերաբերմունքով մի բան ուներ Անահիտից. նրա փեսան էր, այնտեղից էր: Գորովանքով էր նայում նրան Արտակը և լցվում ուրախությամբ, որ նա այստեղ է: Եվ եթե նա այստեղ է, գոյություն ունի, ապրում է իր առջև, ուրեմն և գոյություն ունի իր անձկալին, երազ չէ սըրտամաշ: Ա՛, եթե իմանա Ռշտունյաց նախարարը, թե որքա՛ն հարազատ է նա Արտակին: Գնա՛լ, զնա՛լ Ռշտունյաց աշխարհը, ժամանա՛կ է, վաղո՛ւց ժամանակ է...

Նախարարները ցրվեցին իրենց օթևանները, և Արտակը Ատոս

մին տարավ իր մոտ: Վերջին գիշերը նա կամենում էր անցկացնել իր սիրելի զինակցի հետ:

— Է՛, օրերը լցվեցին, սիրելի՛ իշխան,— ասաց Արտակը:

— Կգնանք, մի փոքր դադար կառնենք,— հետո «կսկսվի»՝ կհանդիպենք,— ասաց Ատոմը:

Արտակի աչքերը պաղում էին երկնքի՝ խորության մեջ: Մի պայծառ աստղիկ դեղին թիթեռի պես պլպլում էր անհուն անդրնդում: Շները հաշում էին խաղաղ ու ծուլ: Հեռվից ձգում էր երբեմն պահակների կոշը իրար, և գիշերը խորանում էր: Խուլ թշշում էր Արաքսը:

Ատոմի հեզ, գեղեցիկ դեմքին մի ինչ-որ կարծրություն եկավ: Նրա երևութական փափկության տակից դուրս լողացին շլապինդ զորականի երկաթ մկաններ և հանդուգն գործերի սլացող խենթ հայացք:

«Սա ամեն՛ն բան կկտրի կանցնի»,— մտածեց Արտակը և հիանալով՝ դիտել սկսեց Ատոմի բնական հպարտ կեցվածքը և անսպառ հրապույրը, որ ձգտում էր դեպի իրեն: Նա սիրելի էր ամեն վայրկյան, ամեն շարժման, ամեն նայվածքի պահին: Մեծագույն հաճույք էր նրան դիտելը:

— Եթե դեպքերն սկսվեն այս ամառ,— ասաց Ատոմը,— մինչև ձմեռ թերևս՝ կտևի:

— Երկա՛ր կտևի,— առարկեց Արտակը,— պիտի մաշենք իրար, պարսիկը մեզ, մենք՝ պարսիկին:

— Նայած թե մեր գրոհը ինչ թափ կունենա և որտեղ կպատահի,— ասաց Ատոմը:

— Միևնույն է: Մեր հույսը մաշումն է: Եթե լավ չձգենք մաշումը՝ կորած ենք:

— Դա ճշմարիտ է,— հառաչելով վեր կացավ Ատոմը և սկսեց անցուդարձը:

— Բայց քեզին աշխուժացա՛վ,— ասաց Արտակը:

— Քեռին մեծ գործեր պիտի տեսնի,— շեշտեց Ատոմը.— քեռին մեծ գործի մարդ է: Նա կփրկի Հայոց աշխարհը:

— Չէ՛, գտա՛վ ճանապարհը:

— Գտավ: Աշխա՛րհը: Աշխարհի հետ որ լինես՝ շես կորչի:

— Ասաց՝ «ոամիկը պիտի փրկի մեզ», ասաց՝ «չնեղեք, արգար ու բարեհաճ եղեք հետը»:

— Դե, բարեհաճը ո՞րն է, սանձներս շենք տալու ձեռք: Բայց որ կովորդ նա է՝ ճշմարիտ է Սպարապետը:— Չէ, պետք է, պետք է բարեհաճ լինենք: Ռամկին դուր է գալիս:

Եվ Ատոմը կարծր նայեց Արտակին ու լռեց: Ուշ գիշերին, երբ արաղաղները կանչել սկսեցին՝ նախարարները անկողին մտան:



Նախարարները Վարդանի գլխավորութեամբ գնացին Վասակին թաշտոնական տեսակցութեան և հրաժեշտի:

Վասակը նրանց ընդունեց բավական սիրալիր:

— Քո թույլտվութեամբ վերադառնում ենք տուն,— ասաց Վարդանը՝ իբրև թե առհասարակ ոչինչ չէր պատահել:

— Այո, ժամ է,— խոսեց Վասակը հանդարտ եղանակով,— հույս ունենանք, որ ամեն ինչ խաղաղ կվերջանա...

— Արդյո՞ք խաղաղ,— անզգույշ հարց տվեց Վանանդյա նախարարը և ժպտաց:

— Պետք է հուսանք,— ասաց Վասակը,— այլապես կորած ենք...

Բոլորը լուռ մնացին՝ սպասելով, թե ինչ կպատասխանի Վարդանը: Բայց Վարդանը չխոսեց:

— Թերևս կովենք, տեր մարզպան,— սիրոճեց Արտակ Մոկաց նախարարը:

— Կովորդներն ովքե՞ր են... ես ու դուք և դուք ու ես, շափեցեք ուժերը և պատասխանը պարզ կերևա:

Բայց Վասակը ևս չէր կամենում շատ բացվել: Ուստի և ավելացրեց.

— Թողնենք դեպքերին՝ ընթանան, ծավալվեն... Աստված բարի միտք, ճանապարհ ցույց կտա...

— Ծշմարիտ է,— համաձայնեց Վարդանը:

— Հուսա՞մ...— վրա բերեց Վասակը,— օ՛ն, բարի ճանապարհ ձեզ,— բարեմաղթեց Վասակը և արձակեց նախարարներին:

Հետևյալ առավոտ Վարդանը վերջին անգամ ժողովեց նախարարներին: Բոլորը եկան: Հետաքրքիր էին նաև Գաղիշոն և Ռշտունյաց նախարարը, թե ինչ հրահանգներ պիտի տա նա:

— Տյարք, մենք բաժանվում ենք: Այսպես շենք հանդիպել և շենք բաժանվել: Երբեք մեր աշխարհը մեզ վրա այսքան ծանր պար-

տականութիւն շի դրել, որ պատասխան ենք տալու մեր խղճին և մեր աշխարհին: Գնանք և զորագնդերս կաղմենք: Սուրհանդակներով կապ պահեցեք իրար հետ և առավելապես ինձ հետ: Քանի՞ գունդ, զենքի ո՞ր տեսակը, որքա՞ն ուղղմունակ: Ես շեմ նստի Տարոնում, կըրջեմ ողջ երկրում: Ամեն տեղ հետևեցեք ինձ: Վրացիներէց և աղվաններից սուրհանդակ եղած դեպքում ուղարկեցեք ինձ մոտ:

Երբ նախարարներն անցնում էին Վասակի այգու մոտից, նրկատեցին Վասակին այգու բլրին: Սա գլուխը կախել էր գետնին և ինչ-որ գծեր էր քաշում հողի վրա:

Նախարարներն արագ ձիավարեցին քաղաքադռնից դուրս:

Վարդանը նժույզը մոտեցրեց Ներշապուհի նժույգին և մի փոքր թեքվելով նրա ականջի կողմը՝ շշնջաց.

— Զսիրեցի այդ մարդու պաշտոնապաշտ զգուշավորութիւնները:

— Հանկարծ շժովի՞...:

— Զեմ հավատում... տեսնենք...:

Վարդանի արևառ դեմքին թախիծ անցավ: Նա հայացքը դարձրեց դեպի Մասիսը և սկսեց լուռ վետվետալ անհանգիստ նժույգի վրա:

Հետո կրկին հավասարվելով Ներշապուհին՝ ասաց.

— Աշխարհը կգա մեզ հետ. աշխարհն իմաստուն է:

Հեռվից կապույտ ծուխերի սյունները խաղաղ միտում էին երկինք: «Աշխարհն» այնտեղ էր: Նա անդորր էր ինչպես դաշտը, ինչպես հողը:



Ժողովուրդը դուրս ժայթքեց քաղաքադռնից: Նրանք վազում էին նախարարների կողքից ու հետևից, խաշակնքելով երեսները. Ամենից առաջ վագելով գնում էին Զարեհ եղբայրը, Աբրահամ պապիկը և Հովակիմ դարբինը: Նրանք հետո էին վազքից և, բորբոքված երեսներից քրտինքը կաթեցնելով, ճիգ էին անում հավասար քայլել Վարդանի նժույգի հետ:

— Արծվի՞, Արծվի՞, — գոռում էին երիտասարդները, — մեկ էլ որ գաս՝ զինվո՞ր ենք:

Արծվին չէր խախտում պատշաճավորութիւնը. նա միայն ժպտում էր:

Վարդանը նժույգի սանձը քաշած էր գնում: Նրան հուզում էր ժողովրդի խանդավառութիւնը: Նա աչքերը հռոնց Աբրահամ պապիկի և Զարեհ եղբայրի վրա: Կանգնեցրեց նժույգը և նրաց մոտ կանչեց:

— Ինչո՞ւ եք հոգնեցնում ձեզ, հայրիկներ, ե՛տ դարձեք:

— Տե՛ր Մամիկոնեից, տա՛ր մեզ ազատութեան կովի, թեկուզ մահվան գնով,— ամրակազմ ու շոր ձեռները դեպի նա կարկառած ձայն տվեց Զարեհ եղբայրը:

— Կտանեմ դեպի կյանք, հայրի՛կ,— պատասխանեց Վարդանը:

Հոյակիմ դարբինը բռնեց շարժումով մղվեց դեպի Վարդանը և բռնեց նրա նժույգի ասպանդակը,— շա՛տ ես տարել մեզ մարտ, Սոյարապե՛տ, մի՛ խնայիր զինվորիդ այս ազատութեան մարտը:

— Հին զինվո՞րդ եմ,— դողդողալով առաջ եկավ Աբրահամ պապիկը:

— Զինվո՞ր ես,— հարցրեց Վարդանը սիրալիք նայելով նրան: Աբրահամ պապիկը դողալով խլեց Վարդանի ձեռը, որ համբուրի՝ բայց Վարդանն ինքը կռացավ և բռնելով ծերունու ձեռը՝ սարավ շրթունքներին:

Աբրահամ պապիկը լաց եղավ:

— Զմեռա՛, որ գամ ազատութեան մարտդ, զինվոր եմ,— առաջ նա հեկեկալով,— Հայոց աշխա՛րհը քեզ զբրավիդ, պաշտպա՛ն հայրենիքի:

Սրտառուշ տեսարանը կաշկանդել էր բոլորին:

— Արծվի՛,— խոսեց Տիգրանը այս լուռութեան մեջ,— կգաս կտեսնես նժույգս ի՛նչ է դառել:

Վարդանը նայեց Տիգրանին: Սա երեսը թաքցրեց:

— Առա՛ջ եկ, պատանյակ, կանչեց նրան Վարդանը:

Տիգրանին առաջ մղեցին: Նա կաս-կարմիր կտրեց և աչքերը կախ առաջ եկավ:

— Զինվորյալ մանո՞ւկ ես,— հարցրեց Վարդանը:

— Կտրիճ տղա է, տեր իմ,— ասաց Արծվին,— հեծյալ է պատրաստվում:

Վարդանը խանդաղատանքով շոյեց նրա գլուխը:

-- Կմտնես գունդս, երբ վերադառնամ:

— Տե՛ր Սպարապետ, հապա մե՛նք... — առաջ վազեցին երիտասարդները:

Վարդանը տեսավ իրեն շրջապատված սլացիկ ու քաջամարտիկ երիտասարդներով: Նրանք հարցական, աշխույժ նայեցին նրան, սպիտակ ատամնաշարերը փայլեցնելով թուփ, արևառ դեմքերին:

— Բոլորդ կգաք իմ գունդը, եթե քաջամարտիկ դառնաք:

— Վա՛րժ ենք, վա՛րժ ենք, — գոչեցին երիտասարդները:

— Այդ լավ է, — ասաց Վարդանը, — ավելի վարժվեցեք, դրժվար է գինվորի գործը:

Վարդանը խթեց նժույզը:

— Ի՛նչ մնաք խաղաղությամբ:

— Ճանապարհո՞ղ ի բարի՛ն, — ձայն տվեց ժողովուրդը, որ ստվարացել էր և սևացել դաշտում:

Վարդանը գնաց: Նախարարներն ասպանդակեցին նրան հասնելու ճիգով:

— Աստված փորձանքից հեռո՛ւ պահի քեզ, հայո՛ց Սպարապետ, — սրտալից գոչեց նրա հետևից Աբրահամ պապիկը:

— Հո՛ւյս հայոց, — ձայնակցեց Զարեհ եղբայրը:

Իսկ Հովակիմ եղբայրը հաստ շրթունքները բաց՝ հեկալով ու կոտրած ժպիտը մրոտ երեսին նայեց Վարդանի հետևից քարացած:



Երկար արշավում էին նախարարները Արաքսի ճախուտների և ավազուտների միջով: Դաշտերում, սև արտերի վրա բիզ-բիզ ցցված էին ցորենի մանր ծիլերը: Հացը ծնվում էր, գալիս էր խաղաղությամբ և չէր նայում ոչ ոքի, ոչնչի: Երկիրը կատարում էր իր գործը, թողնելով, որ մարդիկ որոշեն իրենց բախտն ու վիճակը: Արտակը, որ եկել էր Ատոմին ճանապարհ դնելու՝ վերջապես կանգ առավ, հրաժեշտի ողջունյն տվեց Վարդանին և մյուսներին ու դարձավ Ատոմին, որ ետ մնաց:

— Դե՛, ճանապարհո՞ղ ի բարի՛ն, իշխա՛ն, — ասաց և գրկեց Ատոմին, որի նժույզը պարել սկսեց՝ շթողնելով Ատոմին գրկել Արտակին:

— Մնաս բարով, — մի կերպ համբույրը մոտեցնելով Արտակի շրթունքներին՝ ասաց Ատոմը: — Բարով տեսնվե՞նք:

— Իհարկե, կհանդիպենք և թեժ գործ կունենանք, — ասաց Արտակը, որի ձայնը դողում էր սրտի հուղմունքից:

— Տա՛ աստված:

— Դե, գնա, շուշանա՛ս, իշխան, կսպասե՛մ, — գոչեց նա Ատոմի հետևից, որի նժույգը շսպասելով տիրոջը՝ շտապում էր հասնելու հեռացածներին:

— Չեմ ուշանա, — մեղմաժպիտ ասաց Ատոմը կտ նայելով և նժույգի սանձը զուր քաշելով:

Արտակը տեսավ, թե ինչպես Ատոմը սրբնթաց արշավեց քար ու խիճերը ցայտեցնելով և հազիվ զսպելով նժույգը՝ գնաց նախարարների հետևից, որոնք օրորվում էին հստակ օդի մեջ վեր վար ձոճելով սրածայր սաղափարտները:

Արտակը դեռ կանգնած նայում էր իր սիրելի երիտասարդ ընկերին, սկսելով կարոտել արդեն: Ատոմը հեռվից մի անգամ էլ ետ նայեց Արտակին, ձեռով մնաս բարև ասաց և շրջվեց:

Արտակը գլուխը կախեց և մտախոհ վերադարձավ Արտաշատ:

Ժողովուրդը հոսում էր քաղաքի գոնից ներս: Լսվում էին ջերմ խոսքեր վարդանի մասին: Զարմացավ Արտակը, այդ որտե՞ղ, ինչպե՞ս ընտրեց ժողովուրդն իր ղեկավարին: Ո՞րն է այն գաղտնիքը այդ նեղքին, աներևույթ թելերի, որ հազար ու մի գծերով ձրգվում են իրար կապում:

Բայց ժողովուրդը շատ պարզ և հասարակ էր ընտրում. նա տեսնում էր, զգում և որոշում:

Արտակը վերադարձավ արքունական տուն և տխուր կանգնեց պատշգամում: Մի փոքր առաջվա կյանքով լի տունը լուց ինքնամփոփ կեցվածքով: Ոչ ոք չկար: Գաղիշոն հեռացել էր՝ ինչպես ծերուկ տնտեսն ասաց՝ Արտակ Ռշտունու հետ:



Իրիկնապահ էր, ստվերներն երկարում էին և թանձրանում: Արտաշատի փողոցներում երեխաների կանչերը խառնված շներով հաչոցի և դարբնոցների շխկոցներին՝ խաղաղ տրամադրութուն էր բերում մարդու:

Վասակը, որ վերջին օրերը անց էր կացնում իր այգում՝ նկատեց, որ ապարանքի կողմից գալիս էր Գաղիշոն: Նա քայլում էր արագ և վրդովված տեսք ունեւր, որ չէր բռնում ինքնազուսպ այդ նախարարին:

Նա մտեցաւ և արագ ողջագուրանքից հետո նստեց մոայլ:

Վասակը գլուխն օրորեց դառն ժպտալով.

— Ուշանում ենք, իշխան, ամեն բանում ուշանում ենք:

Գաղիշոն հեգնորեն ժպտաց.

— Իհարկե, ուշանում ենք:

Վասակը մտածեց մի պահ և ապա վճռակարն շեշտով ասաց.

— Սրանից հետո շենք ուշանա: Խափանել է պետք:

— Խափանել է պետք, — համաձայնեց Գաղիշոն:

Վասակը մոայլ ու վրդովված սկսեց անցուդարձ անել քարե նստարանի առաջ:

— Բացարձակ խափանել չի հաջողվի, — բարձրաձայն խորհեց Գաղիշոն, — ժողովուրդը շատ է բոցավառվել: Մա այն հրդեհներից է, որ կհանգչի բոլոր վառելանյութը լափելուց հետո: Մոխրի վրա պիտի նստեք, տեւ մարդպան:

Վասակը զայրացաւ հանգիստ փիլիսոփայող Գաղիշոյի վրա:

— Ես չեմ սպասի, որ հրդեհը լափի: Կհանգցնեմ հենց ըսկրզբում:

— Եթե կարողանաս՝ խելացին այդ է, — մտածելով ասաց Գաղիշոն, — բայց փորձանքն այնպիսի բան է, որ միշտ կատարվում է: Չեղած փորձանք չկա...

Վասակը աչքերը խոժոռած լսեց Գաղիշոյին և ապա ձայնը մեղմելով հարցրեց.

— Կամենում ես գործ կատարենք, իշխան:

— Կամենում եմ, — ասաց Գաղիշոն հետաքրքիր տնտղելով Վասակին:

— Կգա՞ս մինչև վերջը:

— Սկզբից որ գամ՝ մինչև վերջը կգամ, — պատասխանեց Գաղիշոն:

Վասակը լռեց, փորձիչ հայացքը գամեց Գաղիշոյի վրա և հետո ասաց.

— Պետք է հենարան գտնենք արյաց արթունիքում: Մեր գործը պիտի առաջ տանենք պարսիկներին ծառայեցնելով մեզ:

Գաղիշոն սպասում էր Վասակին, որ վերջացնի: Սակայն սպասեց նաև Վասակը Գաղիշոյին: Իսկ սա լուում էր:

— Պարսիկներին՝ պարսիկներին դեմ,— դրոշմի պես տղեց Վասակը:

— Եվ հայերին՝ հայերի դեմ,— լրացրեց Գաղիշոն՝ չէր իմացվում լուրը, թե հեզնորեն:

— Թերևս այդ էլ պատահի: Ամենքին, ով կկանգնի մեր դեմ:

— Ի՞նչ ես կամենում, ի՞նչ է՝ միտքդ, տեր մարզպան, ասա պարզ ու շիտակ,— լուրջ դիմեց Գաղիշոն:

— Միտքս ի՞նչ է...— երազանքով ձգեց Վասակը, և այն է, կամենում էր թուլանալ և բաց անել Գաղիշոյին իր նվիրական գաղտնիքը, բայց հանկարծ զգաց, որ դա կարող էր ճակատագրական սխալմունք դառնալ: Ուստի և ասաց ցածրաձայն.— Խափանել ապստամբությունը:

— Ինչպե՞ս:

— Պարսից գործով:

— Երկիրը կընկնի պարսից ձեռք:

Վասակը հանդիստ ասաց.

— Արդեն ընկել է... Ուրիշ հնար չկա: Աշխատենք մենք մընանք իշխանության գլուխ. բարեկամանանք Հազկերտի հետ:

— Ուրանա՞նք,— հետաքրքրվեց Գաղիշոն:

— Ես այդ չեմ պահանջում անպատճառ:

— Բայց եթե ստիպեն:

— Տերության գործում ի՞նչ նշանակություն ունի ուրանալ շուրանալը: Ես այդ չեմ պահանջում: Թեև՝ այսպիսի գործերում միշտցների խտիր չկա: Այդ էլ ասեմ...

Վասակը զգաց, որ սայթաքեց...

— Տերություն ենք ստեղծում...— հարցրեց Գաղիշոն:— Հայոց տերություն:

— Ո՞վ է իմանում... եթե կարողացանք՝ ինչո՞ւ չէ... ինչ որ մնաց ձեռներս՝ այն էլ մեզ...— այլևս շխուսափեց Վասակը:

Գաղիշոն հասկացավ ավելի բան, քան կուզենար վերջինս: Սակայն ուշ էր թաքցնել մնացածը: Վասակը լռեց և այդ մասին ոչ մի խոսք այլևս չծպտաց:

Վտանգավոր էր...



Վասակը զորական զգեստը հագին նստել էր ախոռի դռներին մոտիկ և դիտում էր ախոռապետին, որը նժուլգներն էր քաշում ախոռից ընտրելու: Նա լավ էր ճանաչում իր նժուլգներին, բայց ուզում էր իմանալ նժուլգների այդ օրվա տրամադրությունը: Գուրս քաշելով մի թուխ նժուլգ, բերեց վազեցրեց Վասակի առջևով և ինչն էլ վազեց հետը:

— Բարձր լավ է այսօր, — ասաց Վասակը, — մյուսը բեր:

Ախոռապետը նժուլգի պարանը տվեց իր երիտասարդ օգնականին և դուրս բերեց պղնձագուլջն մի ուրիշ նժուլգ, որ հենց դուրս եկավ ախոռից սլացիկ ծառացավ և ցատկեց տեղում:

— Իսկը ժամն է հեծնելու, տեր իմ, — ասաց ախոռապետը՝ նժուլգների վրա հիացած և գորովալի հայացքը սահեցնելով: — Կհրամայե՞ս թամբեմ:

— Գործի՛ անցիր, — ասաց Վասակը և վեր կացավ գնաց դեպի այգու խորքը: Եկավ Գաղիշոն զորական զգեստով: Նա ուրախ տրամադրությամբ մեջ էր:

— Զե՛նք ուշանում, — հարցրեց նա:

— Ուշանում ենք, — ասաց Վասակը, — սպասում եմ, որ հոսորով պարսիկը ճանապարհ ընկնի:

— Գյուտը կ'ս գնում է հետը:

— Անպատճառ: Պետք է հարթել մեր ճանապարհը դեպի Գուռը: շուտով գործներս կընկնի Պարսկաստան: Ահա՛ և Գյուտը:

Սենեկապետի ուղեկցությամբ գալիս էր Գյուտը ճանապարհորդական զգեստով:

— Արդե՛ն, — հարցրեց Վասակը:

— Եկա հրաժեշտ ողջույնի, — ասաց Գյուտը, — պարսիկն ինձ է սպասում:

— Ո՞վ կա մոտը:

— Դենշապուհը, Վեհմիհրը և Որմիզը: Շատ փսփսացին ներսը: Գյուտը լցնոսմ են երևի:

— Եթե կարողանաս նրանց կորուստի մատնել... Մեր գործի կեսը կատարած կլինես: Ճանապարհին սկսիր կամաց-կամաց ինձ բանսարկել. պատասխան թղթի հանցանքն ինձ վրա գցիր և մտերմացիր հետը: Աղաչիր թող ընդունել տա քեզ արքային: Նա-

խապես տես Հազարապետին և հույս տուր, որ ես ու իմ կուսակիցները կջանանք գլուխ բերել ուրացումը: Արքան որ քեզ կունկնդրի՝ ամբաստանիր առաջ Խոսրովին և ապա Դենշապուհին, Վեհմիհրին ու Որմիզդին: Ասա մարզպանը արքային հավատարիմ մարդիկ է խնդրում: Եթե այս հաջողացնես, իշխան:

— Ձանք շեմ խնայի, տեր մարզպան:

— է՛, բարի ճանապարհ մաղթենք քեզ,— ասաց Վասակը:

— Ես շտապեմ, այո, ինձ են սպասում,— ասաց Գյուտը: Նրանք ողջագուրվեցին, և Գյուտը հեռացավ:



Մինչ ուշ երեկո Արտակն սպասում էր Ռշտունյաց նախարարին, անհամբեր ու քաղցր: Նա տենչում էր Ռշտունյաց նախարարի հետ խոսել նրա աշխարհի մասին, նրա ամրոցի, ընտանեկան կյանքի, ամեն բանի մասին, որ շրջապատում են թանկագին էակին: Եվ ինչ էլ որ խոսի, պատմի Ռշտունյաց նախարարը՝ մեծ խանդավառությամբ կունկնդրի ինքը: Արտակը հարազատի, մտերիմ անձի պես էր զգում Ռշտունյաց նախարարին:

Նախարարը ուշանում էր սակայն: Մուժն ընկավ, և տան շուրջը խորացավ լուսնյունը: Միայնության անձկություն եկավ Արտակի հոգուն: Նա տխրեց: Դուրս եկավ օթևանից և թիկնապահի հետ գնաց Արտաշատի փողոցներով: Քաղաքը քնում էր: Մի դռնից երեխայի լաց լսվեց: Մի ուրիշ դռան, վառված մարխը ձեռին լուսավորում էր բակն ու ինքն իրեն մի դեռած հաս աղջիկ: Նա ճկվում էր ուռնու պես մարխը վեր ու վար անելով և լույս տալով ախոռում զբաղված մի հասակավոր մարդու, որը դուրս նայեց և հանկարծ, երբ լույսի ցուրն ընկավ Արտակի վրա, ցնցվեց և աչքով արավ աղջկան: Աղջիկը շհասկացավ և ետ շրջվեց, նայեց Արտակին: Նա այնքա՛ն նման էր Անահիտին... Արտակն ուզում էր կանգ առնել, բայց ամոթխածություներ կաշկանդեց նրան: Աղջիկը լույս արեց նրան, համարձակ նայելով նրան: Արտակն անցավ: Նա սիրեց այդ աղջկան, միայն նրա համար, որ նա նման էր Անահիտին: Փողոցի խավարը գրկեց նրան: Շուտով նա հասավ տաճարին և նրա պարսպի դռանը կանգ առավ:

— Բախի՛ր,— հրամայեց թիկնապահին:

Թիկնապահի բախոցին հետևեց ներսից մտտեցող քայլերի ձայն:

— Ո՞վ է,— հարցրեց ներսից մտտեցողը:

— Բա՛ց արա, իշխանն է:

Դուռը բացվեց, և Արտակը մտավ տաճարի գավթիթը:

— Ո՞ւր է Եղիշե վարդապետի խուցը,— հարցրեց Արտակը:

Դուռ բաց անողը առաջնորդեց նրան գավթի մի անկյունի խուցը, որի նեղ պատուհանից մտայլ մի լույս էր երիզում գավթի քարերի վրա:

Թիկնապահը բախեց դուռը: Դուրս եկավ Եղիշե վարդապետը ճրագը ձեռին: Նա լույսը բռնեց Արտակի դեմքին և մեղմիկ ժրպտալով ասաց.

— Բարի՛ է, իշխան, նե՛րս հրամայիր:

— Բազի է, հայր սուրբ,— ասաց Արտակը,— հյուս բեկա, կհյուսընկալե՞ս:

— Ի՞նչ ևս հրամայում, իշխան, ասոված ուղարկեց քեզ:

Նրանք մտան ներս: Թիկնապահը նստեց քարի վրա:

Մտայլ խուցի խոնավությունը տխրաշուք տեսք էր տալիս պատերին և կամարակապ առաստաղին: Հատակին փռած մորթու առջև դրած էր մի կաղնու գրակալ, որի կաշվե հենարանին հանգչում էին ճրագի լույսից դեղնած մատյանի էջերը: Գետնին փռած էր մի խշտյակ, մորթե վերմակով:

Եղիշե վարդապետը հրամցրեց նախարարին իր մորթին և ինքը շոքած նստեց խշտյակին: Նրա երազկոտ աչքերի մեջ կորով էր նկատվում, որ վերջին օրերի դեպքերի ներշնչումն էր:

— Ի՞նչ է խորհում՝ ձեռնարկել ուխտը,— հարցրեց Արտակը, ակնարկելով հոգևորականների միաբան համաձայնությունը՝ դիմադիր կանգնելու Հազկերտին:

— Ուխտը ավարտեց Այրարատյան աշխարհի կողը ըմբոստության,— աչքերն հատակին ասաց Եղիշեն,— մի երկու օրից կսփռովենք լեռնային աշխարհները:

— Եվ նախարարնե՞ր կլինեն ձեզ հետ:

— Ով կամենա: Այս պատերազմի մեջ ոչ ոք չի նկատում, թե ով է իր հետ: Ամեն անձ կգնա թեկուզ մենակ: Վերացավ երկյուղը, տեր իմ. ոգին հառնել է և հաղթում է ահա:

— Հուսանք, թե կհաղթենք նաև պատերազմի դաշտում, — ասաց Արտակը ուրախ շեշտով:

— Հաղթանակի ոգին կլինի զորավիգ: Չկա այլևս պարտութիւն, երբ մարդ գրված է մահվան: Այնպիսին ուժ է անսպառ և կործանիչ ամեն հակառակի: Մահվամբ կհաղթի նա մահվան և կապրի անմահ ոգի: Կյանքը մահով է անցնում դեպի իր գոյը հետագա:

Արտակը ներշնչվեց Եղիշեի խոսքերով: Նա զգաց, թե ինչ ասեղ ուժ է մարդ, երբ մահի երկյուղ չունի: Ահա մի մարդ, որին շես կարող այլևս հաղթել: Միակ զենքը այսպիսիի դեմ մահն էր, այն էլ ահա ուժ չունի սրա դեմ:

— Սակայն և կույր է այն մահը, որ չունի ոգու ներշնչում: Պետք է գիտակից ընդունել մահը: Եվ ճշմարիտ է ասել ոմն մեր հներից, թե՛ «մահը ոչ գիտակցած՝ մահ է, մահը գիտակցած՝ անմահութիւն»:

Խցի գուռը բացվեց մեղմակի, և գիշերվա մոռայից ներս լողաց Եզնիկ Կողբացու խրոխտ դեմքը առյուծի բաշով շրջանակված: Նրան հետևեց Ղևոնդ Երեցը վառվուն աչքերով և ժպտալի: Հետևից Երևացին այլ գլուխներ:

— Ողջույն, — ասացին մտնողները:

— Հրամայեցե՛ք, — ասացին Եղիշեն և Արտակը՝ վեր կենալով:

— Արտակը խոնարհվեց և առաջարկեց իր մորթին:

— Մի՛ նեղվիր, իշխան, — ասաց Եզնիկ Կողբացին, — մենք սովոր ենք գետնախշտի կյանքին:

Ասաց ու գնաց նստեց Եղիշեի խշտյակին: Մյուսները տեղավորվեցին նրանց կողքին և անգամ սառը քարին:

— Բարի՛ է, իշխան՛ն, — հարցրեց Եզնիկ Կողբացին:

— Տարածամին եկա այցելելու, — ասաց Արտակը, — փարատելու միայնութիւնս: Նախարարները մեկնեցին: Շուտով կմեկնեմ նաև ես:

— Աստված ընդ քեզ, — բարեմաղթեցին բոլորը:

— Եվ ընդ ձեզ, — պատասխանեց Արտակը:

Հետո հարցրեց.

— Ո՞ւր են հոգևոր տերը և մյուս եպիսկոպոսները:

— Հանգստանում են, իշխան, — ասաց Եզնիկ Կողբացին:

Արտակը մի փոքր սպասեց և ապա նայեց Եզնիկ Կողբացուն,
ժպտաց մեղմ.

— Ես իմացել եմ, երբ Աղեքսանդրիա էի, որ դու իմաստասիրութեան գրքի ես նվիրել քեզ:

— Սակալ ինչ և շնչին: Գրում եմ եղծը պարսից քեշին¹: Վաղուց հետե մովպետան մովպետը² գրախոսում էր մեր կրոնի և գիտութեան մասին: Չէի կամենա համեստութունս խռովել և գիտունների շարքը մտնել անկող: Օրենք չէ գիտուններին գոռոզանալ, ուր մնաց թե նվաստիս: Սակայն երբ մովպետան մովպետը՝ մեծամիտ այնքան, որքան տգետ՝ մարտնչում է ընդդէմ բարձրագույն գիտութեան՝ մեզ պարտ է արժանին հատուցել արժանիին:

— Հավան եմ և մանավանդ թե սիրելի է իմ մտքին քո գործը, — ասաց Արտակը, — գորական գործի չի թույլ տալիս զբաղվել իմաստասիրութեամբ. սակայն եթե լինի՝ հաճույքով կընթերցեմ: Ունե՞ս որևէ գործ այստեղ:

— Հառաջաբանութիւնը պատրաստ է, — ասաց Եզնիկ Կողբացին:

— Պարտավոր կանեիր ինձ, եթե ցույց տայիր:

Եզնիկ Կողբացին նշան արավ մի երիտասարդ աբեղայի, որ դուրսը միան մեզ կանգնած ամբողջովին լսելիք էր դառել: Աբեղան գնաց:

— Աղեքսանդրիայում ես այլ բնաբան հղացա ի պաշտպանութիւն Արիստոտելի ընդդէմ Պլատոնի: Սակայն արյաց հարձակումն ստիպեց ինձ քեշին ընդդէմ ճառել: Ահսոս միայն, որ փոխանակ մեծ գիտունի՝ ստորնագույն և պարզունակ իմաստակին պիտի ընդդիմախոսեմ:

Եկավ աբեղան, բերեց մի բավական սովար մատյան և տվեց Եզնիկ Կողբացուն: Սա առավ մատյանը, խնամքով, առանձին սիրով սրբեց իր մազմզոտ ձեռքերով և ապա մեկնեց դեպի Արտակը: Հետաքրքիր Արտակը, որ մատենասեր էր և սակավ անգամ չէր հպել մատեներով մատյաններ, ինքը ևս նույնպիսի շարժումով ընդունեց մատյանը: Նա կարդաց բարձրաձայն. «Երբ աներևութից և նրա

¹ Եղծ՝ հերքում, քեշ՝ կրոն:

² Մովպետների մովպետը, պարսիկ կրոնապետը:

մշտնջենավոր զորութիւննից է կամենում խոսել որևէ ոք՝ պարտավոր է միտքը հստակել և աշքերի ճպիտը մաքրել, որպեսզի...»:

Շարունակութիւնն Արտակը կարդաց մտքում: Լոռւթյան մեջ բոլորի աշքերը հառել էին երիտասարդ իմաստասեր նախարարին, որ այս փոթորկալի օրերում անգամ հետամուտ էր գիտութիւնս: Արտակը խորասուզվեց ընթերցանութիւնն մեջ. նրա ճակատի մկանները երբեմն թեթև կծկվում էին, աշքերը կկոցում որևէ նորաստեղծ իմաստի հանդեպ:

— Եթե արհամարհես այս տարի անցնի՝ թերևս կավարտե՞ս, — հարցրեց Եղիշեն Եզնիկին:

— Հույս ունեմ, — ասաց Եզնիկը մտորմունքի մեջ և աշքերը գետնին:

Արտակը մատյանը դրեց իր ծնկներին և վեր նայեց: Նա զգուշացավ գոզել Եզնիկին նրա բարձր մտքի և դասական ոճի համար՝ համարելով Կրենն ոչ պատշաճ քաջալերել գիտունին: Բայց նրա աշքերի փայլը և խորասուլջ լոռութիւնը ավելի պերճախոս ցույց տվին նրա հիացումը: Սա զգաց Եզնիկը, զգացին և մյուսները և նրանք էլ իրենց կողմից հարգանքով և գորովով նայեցին Արտակին:

— Հայր սուրբ, — խոսեց Արտակը, — պատասխան թղթի մեջ դու ճառեցիր թե՛ «նրա անունը արարիչ է երկնի և երկրի, իսկ առաջ, քան երկիրը և երկինը, որպես ինքնագո ինքնանուն է»: Կարո՞ղ է այլ արարիչ չլինել՝ այսինքն տիեզերքը անստեղծ:

Եզնիկը պատասխանեց.

— Եթե ինքնագո է, ապա և անստեղծ է, անսկիզբ, անժամանակ և անիմանալի:

Իմաստասիրական այս զրույցը խորացավ այնքան, որ մյուսները ևս մեջ չնկան և սկսեցին տրամախոսել: Լոռ էր միայն Ղևոնդ Երեցը: Երբ այս վեճը հանգում էր իր վախճանին, նա խոսեց.

— Զայրալին մովպետական մովպետի տգիտութիւնը չէ: Ահա Միհրնեբսեհը, որ կոչվում է հերպետան հերպետ¹: Թող լիներ ամենիմաստ և գերիվեր, քան մեզ իմաստուն: Այդ ո՞ր իրավունքով է բռնանում մեր հոգուն բռնավորը: Ստրուկ է այն բռնավորը, որ կամենում է ստրուկ տեսնել մեզ: Սա է զայրալին: Եվ ինչպե՞ս թույլ տանք, որ ստրուկը տեր դառնա ազատ հոգուն: Ո՞ւմ բողոքենք մեր

¹ Իմաստունների իմաստուն:

հոգու ստրկութեան համար՝ եթե մենք մեզ թույլ ենք տվել ստրկանալ:

Արտակին շատ դուր եկավ Ղևոնդ Երեցի այս ջերմ ատելութունը դեպի բռնութիւնը. բայց նա կամենում էր շոշափել նրա հասկացողութիւնը քրիստոնեական մի հակասութեան, որ կար ըստ երեւոյթին նրա խոսքի մեջ:

— Իսկ ինչպե՞ս կհաշտեցնես այդ միտքդ, հայր սուրբ, փրկչի այն խոսքին, թե՛ «մի՛ կալ հակառակ շարին»:

Ղևոնդ Երեցը բորբոքվեց.

— Այլևս ի՞նչ քրիստոնյա կմնա, եթե ես կդառնամ կրակապաշտ և հնար չեմ ունենա ոչ կանգնելու հակառակ շարին և ոչ էլ լինել հնազանդ նրան: Չարին հակառակ շինելու համար դեռ քրիստոնյա պետք է՝ մնալ: Հետո՞ պետք է ազատ կամենալ: Կամքը սուրբ է: Չե՛մ կամենում և վե՛րջ: Ծ՛ս եմ ազատ ընտրել իմ հավատը և չե՛մ կամենում ուրանալ: Իմ հոգին ե՛ս եմ կամենում փրկել կամ կորցնել: Չե՛մ կամենում ոչ ոքի բարիքը իմ կամքի հակառակ: Ես ազատամա՛րտ եմ մարտնչում: Եվ իմ կամքի առաջ պետք է ոչնչանա ամեն ինչ. և՛ զորք, և՛ կուռք, և՛ արքա, և՛ իմաստուն:

— Բարի, հայր սուրբ, պատասխան թղթի մեջ դու ճառեցիր թե՛ «այս հավատից մեզ չեն կարող խախտել ո՛չ մարդիկ և ո՛չ հրեշտակներ»: Դու մարտնչում ես նաև հրեշտակների՞ դեմ:

— Թո՛ղ և հրեշտակների դեմ, եթե նրանք փորձեն ճնշել իմ հոգին: Ո՛չ մի երկրային, ո՛չ մի երկնային զորութիւն չունի իշխանութիւն իմ հոգու վրա: Հոգին ազատ է: Հրով ու սրով պիտի ջնջել բռնակալութիւնն աշխարհիս երեսին...

Ունկնդիրները ոգևորվեցին, ազդվեց նաև Արտակը:

— Պիտի գան մտնեն մեր ընտանիքները, ոչնչացնեն մեր լեզուն, ապականեն մեր բարքերը, խառնակեցութիւն մտցնեն մեր ընտանիքում: Ի՞նչ, պարսկերե՞ն պիտի խոսեմ, Գողթան երգե՞րը շերգեմ, հոյակապ մատենագրութեանը խորթանամ, նախնայց ճարտարագետութիւնը լքեմ... Ո՛չ, առավել քաղցր է մահը:

— Ճշմարիտ է, հայր սուրբ, — ասաց Արտակը, — հաղթե՛նք, ընկճե՛նք մեր ոգու թշնամուն: Ազատութիւնը վեր է կյանքից:

— Չեմ կամենում, կամենում եմ, ես եմ կամենում, ես չեմ կամենում. այս եմ կամենում, այն չեմ կամենում: Ծս ի՛նքս եմ և

այլ ո՛չ ոք, չե՛մ կամենում լինել այլ ոք: Սուրբ է իմ կամքս և առավել սուրբ ազատութիւնս: Ես եմ իմ տերն ու ծառան: Այսպես պետք է լինի մարդ:

— Օրհնյալ լինես, հայր սուրբ,— ասաց Եղիկը,— դու հույս ես, դու ազատութիւն ես:

— Կամեցե՛ք և կունենա՛ք. կամեցեք և մարտնչեցեք, զոհեցեք կյանքը՝ վերցրեք պօլի թանկը — ազատութիւնը: Ստրկահոգուն ատելի է ազատութիւնը, ազատութեան արժանի չէ ամեն մարդ: Գարշելի է հոգեկան ստրուկը: Ստորնագույն է, քան անասունը, քանի որ անասունն անգամ ձգտում է ազատութեան:

Մարտիկ իմաստասերը լռեց: Բոլորը բոցավառ աչքերը խոնարհել էին գետին: Արտակին խոր ազդեց Ղևոնդ Երեցի կորովի և ազատասեր ոգին:

«Սա լեռներ կըրջի և ծովեր կճեղքի», — մտածեց նա: — Հաղթենք, հաղթենք բռնակալին, ապրենք ազատ մեր սիրելի հայրենիքում, — գռեց նա ոգևորված և ափը ուժգին զարկեց իր սրի երասանին:

Մինչև ուշ գիշեր տևեց այս վառ զրույցը նախարարի և իմաստասերների մեջ: Արտակը համարեց, որ ժամ է մեկնելու: Նա վեր կացավ և խոնարհ ողջունեց:

— Մնացե՛ք խաղաղութեամբ, — ասաց նա, — մինչև արժանի լինեք ազատութեան:

— Երթաս խաղաղութեամբ, իշխան, — բարեմաղթեցին իմաստասերները միաբերան և վեր կացան:

Արտակը մեկնեց:

Աքաղաղներն սկսեցին ձայն տալ իրար: Արտաշատը խոր քնած էր: Միայն մարզպանի ապարանքից լույս էր ցայտել ծառերի բներին: Այնտեղ արթուն էին և ով գիտե ինչեր էին խորհում: Արտակը հասավ արքունական տուն և գնաց իր օթևանը:

Երկար շէր կարողանում քնել: Աչքերը բաց նայում էր առատադին և ունկնդրում գիշերվա հոսելուն: Նա դեռ Ղևոնդ Երեցի խոսքերի տպավորութեան մեջ էր: Ծշմարիտ էր Երեցը: Մի ազգի ուժը նրա գիտակցութեան մեջ է, գիտակից ազգը չի կորչի: Գիտակցութիւնը մեծ ուժ է: Ի՞նչ է հունական ազգը, շա՛տ երկիր է գրավում. բայց նա տվեց Արիստոտել, Պլատոն, Սոֆոկլես ու Պյութագորոս, տվեց Ակրոպոլիս, գիտութիւն, իմաստասիրութիւն, գրական-

նություն, զորք և ուժեղ տերություն: Մենք ևս իմաստասեր ենք, արվեստի տեր, հոյակապ լեզու ունենք, որով կարելի է ճառել Արիստոտել ու Պլատոն: Մենք իմաստասերներ ունենք, որ քննում են աշխարհը: Մենք Մեծն Տիգրան ունենք, Մուշեղ Մամիկոնյան, մենք դարերով դիմադիր ենք կանգնել Ասորեստանին, Հոռմին, Հունաստանին: Մենք ոգի ունենք և միտք, մենք ազգ ենք: Կկորչե՞նք մենք: Ո՛չ: Մենք կհաղթենք՝ և արյաց պետության: Դրան առհավատյա վարդան Մամիկոնյանը, Ատոմ Գնունին, Արտաշատի զինվորները, Այրարատի ժողովուրդը, երիտասարդ հեծյալները, Արծվին, որ սրմբակներով տրորում է պարսիկ զինվորին: Ո՛չ, չե՛նք մեռած, կա՛նք և պիտի մնա՛նք հավիտյանս հավիտենից:

Արտակը հաճույք էր զգում, որ չի քնում և մտածում էր ոգու մասին: Այդ ոգին աներևույթ էր մարդկանց մեջ և հանկարծ հարյավ և բոցավառվեց: Արժե մեռնել այդ ոգու համար:

Միայն լուսադեմին սողոսկող քունը գրկեց նրան, և նա սուզվեց մի այլ աշխարհ:



Վասակը չէր քնած: Նախարարների բացակայությունը նրան թե տվեց: Նա ասպատակ այրուձի ուղարկեց Այրարատյան դաշտավայրը՝ զսպելու ժողովրդական շարժումը: Նա զարմանալի համառությամբ լրտեսների միջոցով որսում էր ըմբոստներին:

Գաղիշոյի հետ առանձին և երբեմն էլ Ռշտունյաց Արտակի հետ հաճախ էր խորհրդացկում խոտովությունը զսպելու մասին: Որոշվեց, որ Գաղիշոն կայցելի երկրի մյուս նախարարներին՝ Ապահունյաց Մանեհին, որը ճիշտ է մասնակցեց պատասխան թղթին, բայց շատ վերապահ դիրք էր բռնել, ապա և Գաբրելեհից Արտեմ նախարարին, Բագրատունյաց Տիրոցին, Ուրծա Ներսեսին և այլ նախարարների՝ իրենց կողմը պցելու և լարելու Մամիկոնյանի կուսակիցների դեմ:

Պարսիկ մեծամեծների համար այլ դիրք մշակվեց: Քանի որ Վասակը հետամուտ էր Գյուտի միջոցով նրանց տապալելու՝ սկսեց շատ մտերմական և սիրալիր վերաբերմունք ցույց տալ նրանց: Դենշապուհին, Վեհմիհրին և Որմիզդդին հաճախ էր հրավիրում զբուլցի և ընթրիքների, լցնում ակաճջները իր հավատարմության ա-

ռակներով, հիմարացնելու համար շողորթում էր նրանց և քովարանում:

Սո շմնացին և պարսիկ մեծամեծները՝ բարեկամական ցույցեր անելով: Վասակի համար սարքում էին ճոխ ընթրիքներ և վրստահեցնում, որ խոսրովին հրահանգել են լավ խոսել մարզպանի մասին պարսից արքունիքում:

Լեց մայրաքաղաքը այնքան աղմուկներից հետո: Ռշտունյաց նախարարը հրահանգներ ընդունելով Վասակից քայքայել Վարդանի գործը՝ ճանապարհ ընկավ Ռշտունիք: Արտակը, որ անձկությամբ սպասում էր այդ օրվան, սրտի թրթիռով ընկերացավ նրան:

Գեհնշապուհը սկսեց հետախուզել Վասակին և Գաղիշոյին: Խոքամանկությունն ու խարդավանքը ծածուկ թունավորում էին մըթնուրտը:



Ռշտունյաց աշխարհը անտառների մռայլով, խոր ծործորների տամկությամբ և բարձրագագաթ լեռների լուսապայծառ ժպիտներով ձգվում էր Բզնունյաց ծովի հարավային ափերին և անդորր էր ֆեշպես նախաստեղծման օրերին, երբ մարդկային էակը չէր շրջում խանգարելով նրա կուսական անդորրը:

Ռշտունյաց նախարարի ամրոցը հագիվ էր երեցնում իր գրանիտե բուրգերը հսկայական և սաղարթախիտ սոճիների թանձրության միջից:

Դարբասի մոտ գլուխը կրծքին կախած քնել էր պահակը, և շնայած որ բացվում էր լույսը, դեռ ամրոցից չէր լավում ոչ մի շշուկ: Աքաղաղները միայն ողջունում էին նոր օրը, և լուսաստղը թափօծում էր՝ անտառներին ու անդունդներին ուղղելով իր հալվող ճառագայթները:

Ամրոցի մեկուսի օթևաններից մեկում դունաստվում էր ճրագի լույսը: Անկողնու մեջ նստած էր դալուկ Անահիտը և աչքերը լայն բացած նայում մի կետի: Նա անշարժ էր իբրև մարմարե արձան: Նրանից հեռու, անկյունում մի արմունկը մյուս ձեռքի բռան մեջ դրած և ափին կզակը դրած նստել էր նրա դեռահաս քույրը՝ Աստղիկը, և վշտով նայում էր նրան: Սրկյուղը դողում էր նրա սրտում: Անկողնուն ծառայող Անահիտը հալվում էր մեղրամոմի պես, և

երևում էր, որ նա հիվանդ էր հոգեկան մի սրտամաշ հիվանդու-
թյամբ: Նա թեև ընկած, անհույս ու անուժ նայում էր մի կետի, և
զգացվում էր, որ մտքերը շատ են հեռու այս օթեկանից, այս ամրո-
ցից, անգամ Ռշտունյաց մառախլապատ աշխարհից:

Պատի տակ նստած Աստղիկը, որ հուսահատի աչքերով էր
հետևում հիվանդին, երևի սպառել էր իր հուսադրական խոսքերն
ու հորդորները, որ հիվանդը շմտածի: Սակայն կամենալով փարա-
տել դիմացիների անձկութունը, ինքն էլ էր հիվանդացել: Այն զգաց-
մունքը, որ հիվանդին տոգորել էր մի հայտնի պատճառով, հիվան-
դապահին էլ էր դիպել անհայտ պատճառներով:

— Է, Անահիտ, վե՛րքը... — սկսեց հիվանդապահը՝ նեղսրտե-
լով և խղճահար նայելով հիվանդին: — Մտածելով ի՞նչ դուրս կգաս
Մատաղ կյանքդ խնայիր գոնե:

Անահիտը, որ անճանաչելի էր դառել, աչքերը պաղած միև-
նույն կետին՝ շարունակեց արձանանալ: Նա հազիվ լսեց բազում
անգամ իրեն ասած հորդորանքի խոսքերը: Ոչ մի խոսք, ոչ մի բան
չէր կարող բուժել նրա վերքը: Դա այն զգացմունքն էր, որ տա-
ծում է մի էակ դեպի մի այլ էակի և միայն մի բուժումն ունի. տես-
նել նրան, անէանալ նրա էության մեջ, միանալ նրա էության:

— Անահիտ... — խոսեց կրկին Աստղիկը, — լսի՛ր ինձ, է՛...

Անահիտը շփոխեց ոչ իր դիրքը, ոչ էլ լուսթյունը խզեց: Նրա
աչքերում անհուն թախիժ կար, որ համակում էր հիվանդապահին
Սրա սիրտը մղկտում էր և աչքվում:

— Անահիտ, — երեքնեց Աստղիկը:

Անահիտը նայեց նրան և փղձկալով ընկավ բարձին: Անբա-
ցատրելի անուշ լացը հանգստացնում էր Անահիտին:

— Միամիտ էի, ուրախ էի, առողջ էի, որտեղի՞ց եկավ լցվեց,
սիրտս:

— Հույսդ ծով արա. փակված դռան բացվել կա, — ասաց
Աստղիկը:

— Է՛... — հառաչեց Անահիտը և աչքերը փակեց: — Մինչև կգա՞
ես կհալչեմ, ծուխ կդառնամ՝ կցնդեմ: Կգա շատ կփնտրի՞ չի գտնի,
շատ կկանչի՞ չեմ դառնա...

Անահիտը պարզապես կաշկանդվել էր մի հիվանդագին դուր-
զգացությամբ, չափազանց խորացրել էր իր պարզ ու հասարակ
զգացմունքը: Նա լռեց: Նա մահատիպ էր, բայց վսեմացած: Սիրտ

զգացումը անհունացրել, խորացրել էր այդ լեռնային պարզ աղջկան: Նրա աչքերում ցոլում էր խոր իմաստը սիրո, որ միայն ընդունակ է հասկացնել մարդու, թե որքան խորն է կյանքը:

— Գիտե՞ս ինչ, Անահիտ, ես էլ եմ սիրո տեր,— ասաց Աստղիկը ժպտալով...

Անահիտը տխուր նայեց նրան.

— Ո՛չ,— հառաչեց նա:

— Ես էլ եմ սիրո տեր,— կրկնեց Աստղիկը,— ես քեզանից առա սերը, ես էլ եմ սիրում, բայց չգիտեմ ում: Ես էլ եմ սկսում թախծել, սպասել նրան, իսկ նա չկա...

— Ոչ, ոչ, շքնկենս սիրո ձեռքը: Զգիտե՞ս ինչ է, կտանի հետը, կտանի, կկորցնի աշխարհ-աշխարհ, ետ չես գա:

Ներս մտավ մի բարձրահասակ երիտասարդ կին, որի հագուստից երևում էր, որ իշխանական տան բարեկամուհիներից է: Նա կապույտ աչքեր ուներ և ծիրանի մազեր: Նա հանդարտ, ոտների ծայրին մոտեցավ և ձեռը դնելով Անահիտի ձախատին՝ շոյեց հուշիկ:

— Անահի՛տ, աղջիկս, հերիք է,— ասաց նա թախծալի և սրբոտամաշ ձայնով:

Անահիտը լուռ, աչքերը բացած նայեց մորը և հայացքը երկար ժամանակ խորասուզված մտորեց, մտորեց և մտքով կրկին հեռացավ, կորավ:

— Ի՞նչ անեմ, ի՞նչ անեմ,— շվար, հուսահատ շնչաց մայրը:

— Եկա՞վ կախարդուհին, մայրի՛կ,— հարցրեց Աստղիկը:

— Ախ, ի՞նչ գա, ի՞նչ պիտի անի. սրա ցավը չիմացանք...

— Կիմանանք, մայրիկ, մի օր կիմանանք:

— Ախ անիծվեր՝ չհանդիպեր այս ցավը մատաղ զափակիս: Զլիններ, չհանդիպեր հատորիս...

Անահիտը կշտամբանքով նայեց մորը.

— Մայրիկ, մի՛...

Մայրը ժպտաց և թախծալի աչքերով նայեց աղջկան:

Սևադեմ մի պառավ կնոջ հետ ներս մտավ մի հասակավոր, խստադեմ տղամարդ, թավ հոնքերի տակից նայեց Անահիտին և մոտենալով կանգնեց նրա գլխավերևը: Դա Անահիտի հայրն էր:

— Ինչպե՞ս է,— հարցրեց նա բարկացկոտ ձայնով:

Մայրը երկյուղալի աչքերով նայեց նրան և լռեց:

— Ինչպե՞ս ես, — դիմեց հայրը Անահիտին:

— Ինչպե՞ս պիտի լինի, մարդ աստուծո: Տկար է, — ասաց մայրը:

Անահիտի հայրը մտածեց և ապա դիմեց կնոջը, — իսկ ե՞րբ պիտի լավանա:

Կինը, որ ըստ երևույթին սովոր էր իր ամուսնու նման տարօրինակ խոսելուն՝ լուրջ պատասխանեց.

— Զգիտեմ, տեսնենք:

Հայրը դարձավ Անահիտին.

— Դո՛ւ ասա, ե՞րբ ես լավանալու:

— Զգիտեմ, հայրիկ, — պատասխանեց Անահիտը տկար ու տխուր:

— Ինչո՞ւ չգիտես. հիվանդը դու չե՞ս:

— Ծն եմ, բայց հիվանդությունս իմ կամքով չէր:

— Ապա ո՞ւմ կամքով էր:

— Աստուծո:

— Ծն աստուծո հետ գործ չունեմ, — զայրացած խոսեց հայրը, — լավացիր. տե՛ս, որ վաղը լավացած լինես:

Հետո դարձավ սևադեմ պառավին.

— Բժժանքներդ սկսիր:

Պառավը մասնագետի լրջությամբ շատ նշանակալից արտահայտություն տվեց իրեն, ծոցից հանեց շորի կտորտանքի մեջ փաթաթած շոր խոտեր և ծաղիկներ և սկսեց երգել ու խոտեր ցանել Անահիտի անկողնին:

— Վարդ ցանեմ, վարդ ծաղկես, շուշան, հասմիկ, նարգիզ դառնաս, ցավդ խոտ՝ շորանա, թափի, սիրտդ մայիս՝ բացվի:

Հետո հանեց ինչ-որ խմորեփեսներ և բթամատով մի պտղունց կտրեց.

— Սև ագռավի ճրագու, վազրի ոսկորի փոշի, քսիր բերնիդ ցավդ կփարատվի:

Խմորը մեկնեց Անահիտին, բայց նա մերժեց ընդունել:

— Վերցրո՛ւ, վերցրո՛ւ, — հրամայեց հայրը:

Անահիտը գիտեր հոր անկոտրոճ բնավորությունը, ուստի ընդունեց և կուլ տվեց խմորը:

— Սանդարամետի հրամանով, դեբրի կախարդանքով ցավդ հովին, հովերը ծովին. ծովը կուլ տա, անդունդը խմի, անհետ անհետի ցավդ:

Հայրն անհամբեր ու անհանգիստ նայում էր Անահիտի լավա-
նալուն:

— է, հիմա թեթևացա՞ր,— հարցրեց.

— Թեթևացա, հայրիկ,— ասաց Անահիտը, որ ազատվի հոր
ճնշումից:

— Դե, տես, վաղը ճանապարհ ենք ընկնում տուն:

Սարսափով նայեց Անահիտը հորը և գունատվեց: Բայց քանի
որ անկարող էր առարկել խստահամբույր հորը՝ լռեց:

Հայրը դուրս ելավ: Մայրը գրկեց Անահիտին և գուրգուրեց.

— Չեմ տանի քեզ, մի վախենա: Ծս կպառկեմ սուտ հիվանդ,
կմնանք:

Ներս մտավ մի տիկին ավելի տարեց, քան Անահիտն ու Աստղի-
կը: Նրա շարժուձևը մատնում էր, որ նա կաթևոր դիրք ունի ամբո-
ցում:

— Անահի՞տ, ինչպե՞ս ես,— հարցրեց հրամայական քնքշու-
թյամբ տիկինը:

— Լավ եմ, քույրիկ,— պատասխանեց Անահիտը:

— Լավացի՞ր, լավացի՞ր, իշխանս գա քեզ առողջ տեսնի. նրա
ձեռից շենք ազատվի, որ հիվանդ տեսնի քեզ:

Անահիտը անհուն ժպտալով ու երազկոտ թախծով նայեց տիկ-
նոջը:

— Ախ, քույրիկ, ես շեմ լավանա...— հառաչելով ասաց Անա-
հիտը:

— Մի՛ ասիր, ի սեր աստժո, դու էլ, սուտ հիվանդ,— հրամա-
յական շեշտով ասաց տիկինը, որ Ռշտունյաց նախարարի կին
լինելով՝ սովոր էր հրամայական ձևով խոսել թե կշտամբելիս և թե
գուրգուրելիս:

Նա նման էր Անահիտին, բայց գեր էր և հուլանի: Նրա սև ան-
փայլ մազերը կարծես խանձում էին նրա ճակատն ու վիզը, աժու-
խի գույնի վերածելով ամեն ինչ, որին հպվում էին: Նրա հրամա-
յական դեմքը գեղեցկության տիրակալությամբ էր լցնում օթևանը:
Նվ ինքնագոհ, ինչպես ամեն հաղթող, նա նայում էր քրոջը և հույս
ներշնչում նրան:

— Ապաքնիվիր, Անահիտ, քեզ տանեմ Աշտիշատ,— ասաց
իշխանուհին և դուրս եկավ օթևանից:

Մայրը վեր կացավ, շոյեց Անահիտի մազերն ու ճակատը և գնաց իշխանուհու հետևից: Հեռացավ նաև պառավը:

— Մի փոքր մոտեցիր պատուհանին, Անահի՛տ,— ասաց Աստղիկը:

Անահիտը նվաղ նայեց Աստղիկին և աղաչական հայացքով մերժեց:

— Ո՛չ, ո՛չ, վեր կաց, սիրտդ կբացվի,— ասաց Աստղիկը և մոտեցավ գրկեց Անահիտի իրանը: Անահիտը վեր կացավ և կիսամերկ գնաց դեպի պատուհանը, նստեց աթոռակին: Նրա աչքին բացվեց անդնդախոր ձորը, որ գնում էր դեպի Բզնունյաց ծովը: Ներքևից ճերմակ վիշապի պես վեր էր սողում մեզը, որի գլուխը ոսկեզօծվել էր արևի առաջին ճառագայթներով: Մի թախծալի ճանապարհ շիկահող ժապավենով գնում էր դեպի ծովը և կորչում լեռնաստանում ինչպես մշուշի մի թել: Հորիզոնի խորքում թափանցիկ ամպ ասես, թե փոշու շաբասյուն՝ սուզվում էր լեռների պարը: Այնտե՛ղ, այնտե՛ղ է սնա», հեռանում է, կորչում Անահիտից: Մոռացել, խորթացել է նա և գնում է հեռու, հեռու...

— Հեռո՛ւ, հեռո՛ւ,— արտասանեց Անահիտը, և արցունքի կաթիլները, որ ցայտեցին նրա խորունկ աչքերից, իրենց բյուրեղի մեջ ցուլացրին Ռշտունյաց աշխարհը կախարդական ձևերով:

Աստղիկը եկավ գրկեց նրա իրանը և գլուխը դնելով նրա ուսին, ինքն էլ սկսեց հայացքով հեռանալ դեպի ամպաձև լեռները, որոնք երազի պես կանչում էին, ձգում հեռո՛ւ, հեռո՛ւ:



Պարսկաստանի լեռնադաշտերում դեռ բավական ցուրտ էր: Խոսքովը Կողակի և Գյուտի հետ ձիավարում էին ավազուտ դաշտում: Չանձրույթն ու հոգնությունը լռակյաց էին դարձրել նրանց: Եվ այդ լռության մեջ ամեն մեկը որոճում էր այն դավի մասին, որ ինքը նյութում է մյուսի դեմ: Դա կարճում էր ճանապարհի երկարությունը: Քաղցր էր հուսալը, որ տապալված հակառակորդի դիակի վրայով կարելի էր մի օր հասնել ավելի երջանիկ օրերի:

Ճանապարհի տաղտուկն ու նեղություններն ավելի զգալի էին գառուի, երբ մի քանի օր առաջ հայտնվեց, որ Տիգրոն գնալն ավելորդ էր: Հազվերտը գնացել էր Ապար աշխարհը, քուլանների սահ-

մանները: Ուրեմն նաև Հազարապետն այնտեղ կլիներ, պետք էր
գնալ Ապար աշխարհը:

Խոսքովը խոտորել էր ուղղութիւնը դեպի Ապար:

Յուրտ անձրևը նետահարում էր վերեկից, գորշ երկինքը ոչ մի
նշան չէր ցույց տալիս պարզվելու: Բավականին թրջված Կողակը՝
գտնատուփի դողում էր: Սմբել էին նաև Խոսքովն ու Գյուտը: Նծուզ-
ները հոգնած ծեծում էին թրջված ավազը և միալար քստքստոցնե-
քով վեր ու վար էին անում առաջ: Օրը երեկոյանում էր և ցրտում
ավելի, անձրևն սկսեց ձյունախառն դառնալ: Դիմացը ժայռի բե-
կորի պես սևին էր տալիս մի շենք: Դա կարավանատունն էր: Տըխ-
բած ճանապարհորդներին նա մի փոքր ուրախութիւն էր խոստա-
նում: Բեկորը մոտեցավ և մեծացավ: Կամարակապ դուռը գծագր-
վեց անպատուհան պատի մեջ: Բայց էակ, շունչ կենդանի չէր երե-
վում նրա շուրջը կամ առջևը:

Բարակ մի ծուխ կտուրից վեր էր ցայտում և իսկույն գզգզվում
քամուց: Կրակի և ջերմութիւն այդ նշանը աշխույժի բերեց Խոսքո-
վին, որ այդ օրը չէր խոսել:

— Իջևանները այստե՛ղ, — ասաց նա, և դարձավ դեպի թիկ-
նապահները, — գնացե՛ք տեղ պատրաստեցե՛ք:

Թիկնապահներից երկուքը թռան առաջ: Նրանք մտան կամա-
րակապ դռնից ներս և շուտով դուրս եկան մի խումբ մարդկանց
հետ: Սրբ Խոսքովը հասավ կարավանատուն՝ այդ մարդիկ առաջ
եկան և խոնարհ ողջունեցին եկվորներին:

— Ուրախ ժամու ժամանեցիր, — ասաց հաստաբեղ, կարճա-
հասակ, կարավանատան լիքը տերը, խեղդվելով իր գեր վզի մեջ:

— Օթեա՛ն, և շո՛ւտ, — հրամայեց Խոսքովը:

— Հրամա՛նդ, — խոնարհվեց կրկին կարավանատան տերը, —
հրամայե՛ք իջնե՛լ նժուգից:

Եկվորներն իջան, մտան կարավանատուն: Վաղուց օթեանը
պատրաստ էր: Խոսքովը կերակուր պահանջեց: Սեղան զցեցին, և
եկվորներն սկսեցին ազահութիւն ուտել: Կարավանատան տերը
չոքած հսկում էր սեղանին և կարճ հրամաններ էր տալիս սպասա-
վորներին հետևյալ խորտիկները բերելու: Սեղանն աշխույժ ու մեղմ
ժպտում էր լույսից սրբազան կրակի, որ դրված էր անկյունում,
պատվանդանին: Թեթև ծուխ կար օթեանում, թեև կրակի գլխին
հատուկ ծխնելույզ էր բացված պատի մեջ:

— Ո՞վ կա կարավանատանը, — հարցրեց Խոսրովը:

— Հազարապետի պաշտոնյան, — պատասխանեց կարավանատան տերը, — Հայաստան է գնում:

— Անո՞նք:

— Վշնասպ:

— Երբ քեզ կանչի սպասավորութեան, հայտնիր, որ այստեղ ժամանեց Միհրներսեսի հրովարտակատարը և գալիս է Հայաստանից:

— Հրամա՛նդ:

Ընթրիքը ջերմացրեց և աշխուժացրեց ճանապարհորդներին: Սկսվեց աշխույժ գրույց: Կարավանատան տերը գնաց կատարելու Խոսրովի պատվերը: Մի փոքր անց նա վերադարձավ և հայտնեց, որ Վշնասպը խնդրում է շնորհ բերել իր մոտ: Խոսրովը մի փոքր ուշացնելով գնաց նրա մոտ:

Կողակը կենդանացավ:

— Ինչպե՞ս իմանանք, թե ինչու է գնում Հայաստան:

— Կամ ասա ի՞նչ են խոսում հիմա իրար հետ, անշուշտ վարկաբեկեց մարզպանին անիծյալ պարսիկը:

— Երբ վերադառնա անիծյալը, դու նրան խոսքի բռնիր, ես կանցնեմ պաշտոնյայի մոտ և կգողանամ գաղտնիքը:

— Ի՞նչ ես կարծում, ինչո՞ւ է գնում Հայաստան, — հարցրեց Գյուտը:

— Տեղեկանալու, թե ինչ է անում մարզպանը:

— Եվ ո՞չ Դենշապուհը:

— Ոչ, մարզպանը: Դենշապուհից բան դուրս չեկավ. նա գլուխը միայն: Իսկ մարզպանը ուրացողների սկիզբը դրեց:

Երկար սպասեցին, մինչև Խոսրովը վերադարձավ: Նրա բարկացած կերպարանքը կուահել տվեց, որ անախոթ բաներ է լսել Վշնասպից:

— Արքան զայրացած է, որ Միհրներսեսի հրովարտակի պատասխանն ուշացել է: Մեղավորներ է փնտրում:

Խոսրովի այս բացատրությունը կասկածելի թվաց Կողակին: Նա կուահեց, որ ինչ-որ բան կա դրա հակառակ: Ուստի, երբ Խոսրովը նստեց, նա պատրվակելով, որ զուգուր ցավում է, դուրս գնաց սենյակից և անցավ կարավանատան տիրոջ մոտ:

— Սիրելիս, եթե կարողանաս տեսակցութիւն հաշոդել Վշնասպի հետ, քեզ կթողնեմ իմ պահեստի նժույզը:

Կարավանատան տերը շահավատաց լսածին, բայց վեր կացավ:

— Ասա մարդպանի մարդն է, հատուկ տեսնել է ուզում:

Կարավանատան տերը գնաց: Մի փոքր անց վերադարձավ և հրավիրեց Կողակին Վշնասպի մոտ:

Կողակը խոնարհ ձեւերով մտավ ներս՝ Վշնասպի սենյակը և դռան մոտ շոքեց:

Վշնասպը ձեռքով արեց, որ վեր կենա: Կողակը մնաց շոքած և նստեց ոտների վրա:

— Տեր իմ, շատ երջանիկ եմ, որ հանդիպեցի,— ասաց Կողակը,— դու անշուշտ իմացար գժբախտութիւնը. մեր հոգևորների և իշխանների ապերասան պատասխանը:

— Իմացա,— ասաց Վշնասպը՝ կլորերես, խոշորակն մի երիտասարդ, անբարյացակամ և խիստ,— և հիմա ո՞ւր եք գնում. արքայի կատաղութի՞ն...

— Մենք կրոնափոխների կողմից ենք գնում,— ասաց Կողակը:

— Ովքե՞ր են կրոնափոխները,— հարցրեց Վշնասպը արհամարհանքով:

— Մարդպանը, Գաղիշո Խորխոռունին, Ռշտունյաց նախարարը, Վահեվուռնյաց Գյուտը, որ այստեղ է, և խոնարհ ծառադ:

— Ի՞նչ եք մտադիր անել:

— Մեղմել արքայի ցասումը:

— Արքայի ցասումը այնպես չի պոռթկել, որ իջնի:

— Ապա ի՞նչ անենք:

— Դատարկ պատգամավորութիւններով բան չի քուրս գա: Թողեք այդ. ձեր պատասխան թուղթը մեծ արհաւիրք պիտի բերի ձեր գլխին:

— Պատասխան թուղթը այդպես չէր գրվի, եթե Գենշապուհը և Խոսրովը շտապեցնեին մարդպանին և չգրգռեին հոգևորներին:

— Թողեք այդ մեղադրանքները: Դուք Արտաշատում վնասակար բանսարկութիւններով եք զբաղվել: Գործ չեք շինել: Ո՞ւր եք տանում այդ թուղթը, հասկանո՞ւմ եք: Արյաց արքայից արքայի՞ն: Դա գիտե՞ս ինչ հանդգնութեան է:

Կողակը ճնշվեց և լռեց: Թրջված ճնճողակի նման կուշ եկավ: Նրա խորամանկ աչքերը որոնում էին մի ելք, մի հնար փրկութեան:

— Տեր, մի խորհուրդ տվեք, — ասաց նա մեղմ ձայնով:

— Ի՞նչ խորհուրդ, — բարկացած ձայնով ասաց Վշնասպը, — գնացեք և կրեցեք պատիժը: Բանը բանից անց է կացել: Եթե արքան ձեր մորթիները խոտով չլցնի՝ ուրախ ապրեցեք Անհուշ բերդում:

Կողակը լռեց:

— Զարմանալի հանդգնություն, — ասաց Վշնասպը, — ծաղրական պատասխան գրել արքային և անձամբ տանել: Դուք ի՞նչ ազգ եք... ըմբոստներ, խռովարարներ, անհնազանդներ ու ապստամբներ... Հունաստանն է դողում արքայից, քուշաններն են փռչեանում նրա հարվածներից, ուրիշ ո՞վ կա նրա դեմ: Համայն աշխարհն էր ծունկի է եկած արքայի առաջ՝ իսկ դուք, տեսե՞ք դեռ, ծառանում եք արյաց ահուկի տերության դեմ: Դուք խելագարներ եք և ոչ թե բանական մարդիկ: Հետո դուք ի՞նչ եք կարծում ձեզ: Հսկաններ, անպարտելի զորություն, տերություն, ազատ ժողովուրդ... Պատասխաններին նայիր... Գնա՛, չերևաս աչքիս, այլևս ոչինչ չկա ձեզ ասելու: Դե՛:

Կողակը սրի հարված զգաց իր գլխին: Նա կտորվեց և վշտացավ: Վեր կացավ և միայն կարողացավ թոթովել:

— Մնաս խաղաղություն:

Վշնասպը չպատասխանեց:

Կողակը հեռանալիս մեջքն ուզում էր փախցնել Վշնասպի հերացայտ հայացքից, որ սրի նման կծում էր նրան, մինչև դուրս եկավ:

Կարավանատան ներսի ընդարձակ բակում կանգնեց նա, որ մի փոքր ուշքի գա: Նայեց բակի շուրջը բուրբուռ օթևաններին, ուղտերին, որ շոքած որոճում էին և արհամարհանքով նայում իրեն: — «Պարսկաստանն է սա», — մտածեց նա, — օտար են, թշնամի...

Դառնացավ ծերուկը: Բազում խճճված ցանցերից ու խարդախ թակարդներից ճարակորեն դուրս պրծած աղվեսը գլուխը կախեց:

Դուրս եկավ կարավանատան դռնից դաշտ և նայեց անապատ հարթության և մոռյլ հեռաստաններին: Մենակություն և անօգնականություն զգաց Հայաստանից հեռու, անհյուրընկալ և թշնամի Պարսկաստանի խորքում: Անձրևը կտրվել էր. միայն խոշոր կաթիլներ քամուց փախած գալիս շեշտում էին նրա դեմքին ու ձեռներին: Նա շրջեց կարավանատան շուրջը և սկսեց վերհիշել անցյալ:

լը, իր կյանքի բազմաթիվ դեպքերը: Կողակը՝ հասարակ ախոռապետի որդի, իր խելքով և խորամանկութեամբ աչքի ընկնելով Վասակի հոր մոտ, առաջ էր գնացել քաղաքական գործի մեջ: Վասակին նա շատ էր օգնել ի հատուցումն և ի հարգանս նրա հոր բարերարութեան: Նա սիրում էր Վասակին նրա խելքի համար և միշտ գտնում էր նրա մոտ գործ և պաշտպանություն: Շատ շրջելով Պարսկաստանում, ելումուտ անելով արքունիքի մեծամեծների մոտ, նա սովորել էր ստորութեան արհեստը, քծնանքի բոլոր նրբությունները, նպատակին հասնելու միջոցների անխտրականությունը, դավելու հնարքները—այդ ամենը լոկ իբրև արհեստ: Անշուշտ կեղտոտ արհեստը ապականել էր նրա բնավորությունը, խլացրել ազնիվ մարդու հատկությունները: Գործ շունենալով ազնիվ նպատակների հետ, նա յուրացրել էր իր արհեստի բարոյական կեղտը և չէր մտածում վերադառնալ իր երիտասարդական հասակի որոշ ազնիվ հատկություններին: Նա ընկել էր, և անկման վիճակը դառել էր գոյության բնական ձև: Հետագայում անկումը դառավ հաճույք, մոլուցք: Նա Վասակին ծառայելով և օգնելով՝ երբեմն էլ խարդախում էր նրան ևս: Շփվելով պարսիկ մեծամեծների հետ, շարունակ դիտելով նրանց շահամոլությունը, ազահությունը, եսականությունը՝ նա աննկատելի կերպով դառավ շահամոլ, ազահ և եսական: Մեռավ, թե քնեց նրա մեջ ինքնասիրությունը՝ ամենաթանկ տաղանդը մարդու մեջ, և նա սովորեց տանել նաև նվաստացումն էրն ու ստորացումները, որ անխուսափելի էին նրա բավակալ մութ գործերի մեջ:

— Ի՞նչ կարելի է անել,— հարց տվեց նա ինքն իրեն տագնապալի հոգսով ծանրաբեռն.

Իվ հիմա ո՞ւր էին գնում: Գազանի երախը: Ո՞ւր էր իրենց խելքը: Հիմա ի՞նչ անի նա, ինչպե՞ս պարզերես անի մարզպանին: Մխալմունք էր իր գալը Պարսկաստան: Մեծութեան խոստումով շուտից՝ խաբվեց եկավ, դե հիմա գնա՝ նստիր Անհուշ բերդում, ուր եթե մի անգամ ընկար՝ եթե անզգույշ բարեխոսի մեկը խելագործի դիմել արքային քեզ ազատելու աղերսանքով, զլուխը կգնա միմիայն անդունդ հիշելու հանցանքի համար... Իշխանության եկավ և անհուշ կորսության դուռն եկավ: Քայլերն ուղղեց դեպի օթևանը, ուր նոսրելը նստած լուռ էր: Գլուտը նայեց Կողակին և նրա այլալիված դեմքից հասկացավ, որ այցելությունը բարի բան չի բերել

նրան: Կողակը փորացավի գանգատով պառկեց անկողնում և աչքերը փակ սկսեց մտածել: Գյուտը փորձեց խոսրովից կորզել որևէ տեղեկություն:

— Ի՞նչ դիրքի տեր է արքունիքում այս Վշնասպը, — հարցրեց նա:

— Մեծ, — միավանկ պատասխանեց խոսրովը, խոցելու համար Գյուտին:

— Ես էլ եմ կարծում, այլապես նրան չէին ուղարկի Հայաստան:

Խոսրովը շխտեց: Նա արդեն սկսեց արհամարհանք ցույց տալ Գյուտին:

— Չիմացա՞ր ինչ գործով է գնում Հայաստան, — հարցրեց Գյուտը:

— Քեզ ի՞նչ է վերաբերում, — բարկացած պատասխանեց խոսրովը, — ի՞նչ ես քրքրում տերունական գաղտնիքները:

— Ես հարցրի՛ կարծե՛լով, որ կարելի է, — ասաց Գյուտը, — ներողամի՛տ եղիր:

Գյուտը լռեց: Նա ևս պառկեց անկողնում:

Խոսրովը դուրս գնաց շունչ առնելու՝ խեղդված լինելով օթևանի ծանր օդից: Բացի այդ՝ նա այլևս խորշել սկսեց իր ուղեկիցներից: Վշնասպը նրան շատ բան էր ասել արքունիքի անցուղարձի, արքայի ցասումի և Միհրնեբրսեհի դժգոհության մասին: Հայերի պատասխանի ուշացումն անգամ կատաղեցրել էր նրանց: Միհրնեբրսեհը մեծահույս էր եղել, որ իր հրովարտակը կհասկացվի արքայից տրված և իսկույն կհնազանդեցնի հայերին: Սակայն բանից դուրս է գալիս, որ նրանք հանդգնում են կրոնափոխությունն ուշացնել և պատասխանել հապաղումով: Չտեսնված հանդգնությունը զարմացրել էր պալատականներին: Նրանք հետաքրքրվել էին այդ փաստով և սպասում էին մեծ տեսարանի, պատիժների նոր ձևերի Հազկերտի կողմից: Խոսրովը ծիծաղելի գտավ Արտաշատի խարդավանքները, մանվածապատ բանակցությունները, հայերի տրամադրության շոշափումները և Գենշապուհի ավելորդ զգուշավորությունները հայերի հանդեպ: Եվ այստեղ նա հանկարծ սարսափով մտածեց, որ ինքը ևս թույլ է գտնվել և արարողություններով է-ղել զբաղված այն ժամանակ, երբ կարող էր և պետք էր հրամայել, բռնադատել: Հիմա այստեղ, Պարսկաստանի զանգվածների մեջ նա

զգաց իրենց ուժը, այստեղ մտածեց, թե ի՞նչ նշանակութիւն ունի մի բուն Հայաստանը իրենց զորութեան առաջ: Արժե՞ր խոսել հայերի հետ:

Վայրկենապես դիրքը փոխեց: Թիկնապահին հրամայեց կանչել կարավանատան տիրոջը: Երբ սա եկավ, հրամայեց իրեն առունձին օթեան տալ.

— Գարշելիների հե՞տ պիտի քնեմ... — ասաց նա կարավանատան տիրոջը:

Խոսրովին հատկացվեց ավելի ընդարձակ օթեան, իսկույն նրա իրերը դուրս բերին Գյուտի և Կողակի մոտից: Սրանք հասկացան նոր իրադրութիւնը ու վիրավորվեցին: Կողակը դուրս եկավ, դիտեց այս տեղափոխութիւնը և մինչ խոսրովը կանգնած սպասում էր օթեանի դռան՝ սպասավորները բարձ բերին, որ նա նստի: Կողակը մոտեցավ նրան:

— Մեզանից նեղացե՞լ ես, տեր իմ, — ասաց նա չկարողանալով զսպել վիրավորանքը:

Խոսրովը չպատասխանեց:

Կողակը այրվեց սպասավորների հայացքից: Նա զգաց, որ ի՞նչ դուր իրեն դրեց այս ստորացնող վիճակի մեջ: Բայց ու՛շ էր այլևս: Պետք էր միայն հնարավոր արժանապատուութեամբ նահանջել: Ուստի և կրկնեց հարցը ավելի բարձրաձայն:

Խոսրովը շարահայաց շրջեց դեպի նա, վեր ցատկեց բարձից և հարձակվելով Կողակի վրա՝ աքացի տվեց նրա ծնկներին: Կողակը, որ չէր սպասում հարվածին, օրորվեց և հագիվ պահեց իրեն:

— Ինչո՞ւ ես զարկում, — շփոթվելուց հարց տվեց նա և վրազնաց դեպի խոսրովը: Սա այդ համարեց հարձակումն իր վրա, երկրորդ անգամ աքացեց: Կողակն ընկավ հատակին: Խոսրովն սկսեց ոտքով հարվածել նրա գլխին, բերանին, մինչև արյունահոսութիւնը: Կողակը արյունկզակ դեմքով սրբեց հատակը և փնջացնելով թքեց փոշին:

— Թքո՞ւմ ես, ո՞ւմ վրա ես թքում, շան որդի շուն, — գռչեց խոսրովը և կատաղած մուկզնեց ծեծի կրքից:

Կարավանատան մութ օթեաններից դուրս թափվեցին վաճառականներ, պաշտոնյաներ, զորականներ և ամբոխվելով կարավանատան բակում՝ ներքևից սկսեցին դիտել տեսարանը: Սկզբում նրանք զարմացած և թերևս երկյուղած էին նայում: Բայց զլիք

ընկենելով, որ ծեծվողը հայ պաշտոնյա է՝ սկսեցին խոսրովի ծեծք շափի համաձայն կիսաձայն հեալ և քաջալերիչ մոնչյուններ ար- ձակել:

Իր օթեանից դուրս եկավ Վշնասպը և ձեռները մեջքին սկսեց դիտել: Դուրս եկավ նաև Գյուտը և սաստիկ զարմացած նայեց տեղի ունեցող տեսարանին: Արժանապատվութեան զգացումը գարթ- նեց նրա մեջ: Նա մեջ ընկավ և գնաց բռնեց խոսրովի թևից, քա- շեց մի կողմ: Խոսրովը կատաղի նայեց նրան: Բայց Գյուտը այն- պիսի հայացք նետեց նրա աչքերի մեջ, որ սա դադարեց: Գյուտը դարձավ դեպի Վշնասպը, բայց սա հորանջեց ու ներս գնաց:

— Վե՛ր կաց, — հրամայեց Գյուտը Կողակին, — ինչպե՞ս ես թույլ տալիս բերանդ պղծելու այս երկրի փոշով:

Խոսրովը աչքերը ոլորեց Գյուտի վրա.

— Ո՛ր երկիրն է պիղծ, — սպառնալի առաջ եկավ նա դեպի Գյուտը:

Գյուտը գնաց դեպի խոսրովը և շշնջաց.

— Ես վճռել եմ մահ ընդունել. եթե շարժվես՝ գլուխդ կգնա- լավ գիտես, որ երկրից եմ:

— Ձայնդ կտրի՛ր, — գոչեց խոսրովը:

— Դո՛ւ կտրիր, — գոչեց Գյուտը ձեռը տանելով սրի կոթին:

— Սպանութե՛ս, — գոռաց խոսրովը զարհուրելով:

Վշնասպը դուրս եկավ իր օթեանից.

— Ի՛նչ է, շե՛ք վերջացրել, — սպառնաց նա:

Գյուտը գոչեց.

— Դուք արքայից արքայի պատգամավորին անարգե՛ք, մարդ- պանի պաշտոնյային ծեծե՛ք: Իմ դիակը կփոքե այստեղ, իսկ ար- բան, եթե պահանջի այն տեղեկութեանները, որ տանում եմ իրե՛ն: Ի՛նչի՞ գլուխ ունեք դուք:

— Դու ո՛վ ես, — մոտեցավ Վշնասպը:

— Իշխան հայոց և պաշտոնյա արքայից արքայի: Սա՞ է ձեր օրինապահութեանը: Սա՞ է ձեր հյուրընկալութեանը: Թքել եմ ձեր օթեանի վրա, ես դաշտումն էլ կպառկեմ: Կերևա՞ս արքունիքում, — մատը թափ տվեց նա խոսրովի վրա:

Վշնասպը հասկացավ, որ իրենք շափն անցրին: Նա ձեռով ա- րեց խոսրովին, որ զսպվի:

— Հայաստանը դուք չեք հավանում, բայց արքան հաշվի է առնում: Կպատմեմ բոլորը արքային, և դուք կտեսնեք ձեր մոր հարսանիքը:

Տիրեց անհարմար լուսթյուն: Ներքև ամբոխն սկսեց փսփսալ: Իսկ Կողակը նստել հատակին, զգեստն էր սրբում:

— Քբի՛ր այս հողի վրա,— գոչեց Գյուտը կատաղի,— վե՛ր կաց:

Կողակը թքեց և վեր կենալով ափով սրբեց դեմքը, որը ներկավեց արյունախառն փոշով: Նրա այլանդակված դեմքը ծիծաղ հարուցեց ամբոխի մեջ, որը հռհռաց: Կողակը մատը թափ տվեց նրանց վրա և գնաց օթեան: Գյուտը գնաց նրա հետևից:

— Դո՞ւ ինչով ես զբաղված,— մոտեցավ Խոսրովին Վշնասպը և մի ապտակ հասցրեց նրան,— օրե՛նք կա թե չկա: Եներին խոսեցնե՛լ պիտի տաս Հազարապետի մոտ: Զբվի՛ր:

Խոսրովը կծկվեց ու գնաց օթեան: Վշնասպը ձեռք թափ տրվեց ամբոխի վրա: Ամբոխը ցրվեց:

Մտնելով օթեան՝ Գյուտը հարցրեց Կողակին, և սա պատմեց Դրոդությունը:

— Զո՛ւր կպար շանը,— հանդիմանեց Գյուտը,— և քեզ ո՞վ է իրավունք տվել քիթդ խոթելու ամեն տեղ:

— Ծս մարզպանի պաշտոնյա եմ,— ասաց Կողակը:

— Դու շան աղբ ես,— ապտակելով նրան՝ մռնչաց Գյուտը: Կողակը կծկվեց, բայց սուր նայեց նրան.

— Աղբ եմ, տե՛ր իմ, մի հատ է՛լ,— հեծկտալով ասաց նա:

— Ահա մի հատ է՛լ,— հարվածելով նրան ասաց Գյուտը:

— Իսկ եթե սպանես՝ ավելի լավ կանես,— ասաց Կողակը:

Գյուտը մի աքացի տվեց նրան:

Կողակը կատաղեց և բռունցքը սեղմած ճոճեց օդում.

— Վա՛յ իմ օրին...

— Լո՛ի՛ր:

— Զե՛մ լո՛ի: Զե՛մ ուտի այս ծեծն ու անարգանքը: Հը՛ ասում են՝ պարսիկը պարսիկ է: Պարսիկը չէ՛ պարսիկը, հա՛յն է պարսիկը, հա՛յր... Ի՞նչ ես նայում: Վե՛րջ տուր գնամ:

Գյուտը ծիծաղեց և մոտենալով Կողակին՝ ձեռք դրեց նրա ուսին.

— Դե մի պարսկացնի ինձ: Ծս հայ եմ:

— Գու հայի՛ հայ շես, պարսկի՛ հայ ես,— լաց լինելով մղկրտաց Կողակը.— ծերությա՛նս խնայեիր...

— Լա՛վ, հանգստացի՛ր,— հորդորեց նրան Գյուտը,— ձեռք բարկացավ:

Կողակը հեաց, հառաչեց և գնաց պառկեց իր անկողնում, զըլուխը թաղելով վերմակի տակ:

— Ես դրանց ապուրը կեփեմ,— սպառնաց նա զըլուխը ցցելով վերմակի տակից:

— Սնապարծություններդ թող և քնիր: Դե՛...— հրամայեց Գյուտը և մտավ անկողին:

Լեռնիկն: Շուտով Գյուտն սկսեց մշմշալ: Քնեց նա: Իսկ Կողակը նստեց և սկսեց վերքերը սրբել, մերսելով ծեծված կողերը, միաժամ վերհիշելով պատահածը: Անհամբեր, անհանդուրժող, որքան և դիմացկուն և հնազանդ՝ նա բորբոքվել էր և շէր կարողանում հանգստանալ: Վրեժն ու քենը այրում էին նրա սիրտը: Լեռնըցու ներհակութունը զարթնել էր և շէր թույլ տալիս անգործ սպասել առավոտին, որ մի բան ձեռնարկեր Խոսրովի դեմ: Դեռ շատ ճանապարհ կար մինչև արքունիք, ուր հույս ունեւր կործանել իր հակառակորդին այն բոլոր միջոցներով, որ կուտակել էր իր բազմամյա կյանքում:

— Ուրանա՛լ,— մտածեց նա,— կստակեմ՝ շեմ ուրանա,— հազա՛ր կրակի կերկրպագեմ, որ ողջ մնամ և կրոնս շուրանամ: Ես սրանց կրակի բերանը...

Նայեց կրակին, որ համառ փոփոռում էր, և հանկարծ ինչ-որ սուր մտքից դրդված վեր թռավ, մոտեցավ կրակին, բարձր դրեց, բարձրացավ և միզեց կրակի վրա: Կրակը թշշաց և նվազեց: Մընացածը ոտի տակ գցեց, հանգրբեց և գնաց պառկեց անկողնում: Հանգիստ եկավ վրան և շուտով քնեց:

Առավոտյան Գյուտը զարթնելով նայեց Կողակի կողմը: Նա քնած էր: Օրվա լույսի տակ ավելի խոշոր երևացին նրա դեմքի վերքերը: Գյուտը խղճաց ծերուկին և միաժամանակ վիրավորանք զգաց: Հանդուգն ծերուկի հարցը նրան այնքան շէր զբաղեցնում, որքան այն անարգանքը, որ կրել էր այդ մարդը իբրև հայ և այն էլ իր ներկայության:

Ներս մտավ կարավանատան տերը և հարցրեց, թե ինչ է կամենում նախարարը նախաճաշի:

Հաղիվ էր Գյուտը պատասխանել, որ կարավանատան տերը
առարափով նայեց սրբազան կրակի պատվանդանին:

— Ո՞վ է սպանել կրակը...— հարցրեց նա այլայլված:

— Մի՞թե սպանված է,— հարցրեց Գյուտը անտարբեր:

Կարավանատան տերը մոտեցավ պատվանդանին և շփոթված
նայեց:

Կողակը զարթնեց:

— Ո՞վ է սպանել կրակը,— հարցրեց նրան կարավանատան
տերը:

Կողակը նայեց պատվանդանին և ասաց.

— Դու ասա ինչո՞ւ է կրակը ինքը թողել, որ իրեն սպանեն:

Կարավանատան տերը վախեցավ աղմուկից և տնտղելով կը-
րակի ջուրան՝ ասաց.

— Փայտ դնող չի եղել, ինքն իրեն սպանել է:

Եվ դուրս գնաց կրակ բերելու:

— Ո՞վ է «սպանել» կրակը,— հարցրեց Գյուտը Կողակին:

— Ես,— ասաց Կողակը:

— Ինչո՞ւ:

— Հայ եմ և քրիստոնյա: Իմ օթևանում ի՞նչ զործ ունի կրակը:

— Ինչպե՞ս հանգցրիր:

— Մեզով, տեր իմ, հայությունս բռնեց:

Գյուտը կամենում էր զայրանալ, բայց հանկարծ փոթկաց:

— Ի՞նչ աստված է, որ մեզով սպանվում է,— իմաստասիրեց

Կողակը:

Գյուտը լրջացավ:

— Իսկ եթե իմանային ու գային գլխներին կանգնեի՞ն:

— Դե այն է՝ կորած էինք:

Գյուտը նայեց ինքնասածի ծերուկին և լռեց:

— Եթե շանեի՞ մինչև արքունիք հասնելը երիկամներս կը-
պայթեին,— ասաց Կողակը:— Անձս վիրավորված է սաստիկ,
տեր իմ:

— Հիմա հանգստացա՞ր,— ժպտաց Գյուտը:

— Ոչ, դեռ վրեժ ունեմ:

— Վրեժդ պահիր և այլևս այդպիսի հիմարություններ մի ա-
նի,— լրջացավ Գյուտը,— դու քաղաքագե՞տ ես, թե կրակի վրա
միզող:

— Մեզը չի խանգարի քաղաքագիտութիւն, տեր իմ, կա տեղ՝ խոսքով պիտի գործես, կա տեղ, որ պիտի միզե՛ս:

Գյուտն անօգուտ համարեց համառ ծերուկի հետ վիճելը: Ներս մտավ կարավանատան տերը և իր հետ բերած կրակով կըրկին վառեց ատրուշանը:

— Ինչպե՛ս է սպանվել էլի շեմ հասկանում,— գլուխը տառավ-բերեց կարավանատան տերը, նայելով կրակին:

— Կրակն սպանվում է քամուց, հողից, ջրից,— իմաստասիրեց Կողակը լուրջ դեմքով:

Գյուտը խիստ նայեց Կողակին.

— Դու պիտի լռե՛ս, թե ոչ...

— Ես լռել եմ, ո՞վ է խոսում,— ասաց Կողակը:— Բայց ես մահից շեմ վախենում, ես զինվորյալ եմ:

Գյուտը լռեց: Կարավանատան տերը հարցրեց, թե այլևս ի՞նչ է հրամայում նախարարը:

— Նախաճաշը բեր և իմացիր, թե զարթնե՞լ է Խոսրովը:

Կարավանատան տերը գնաց:

Կողակը հագնվեց, գնաց երեսը լվաց և ներս եկավ նստեց իր անկողնի վրա:

— Նրանք ծեծեցին ինձ՝ բայց ես էլ Արշակ թագավորի պես չարի:

Գյուտը զվարճանքով նայեց անխոնջ ծերուկին և թույլ տվեց, որ շատախոսի:

— Դե ասա ինչպե՛ս: Արշակ թագավորին Անհուշ բերդում Շապուհը ման էր ածում հատակի կեսը Հայաստանի հող ցանած, կեսը Պարսկաստանի: Արշակ թագավորը հայի հողով անցնելիս խորխտանում էր, հայհոյում Շապուհին, իսկ Պարսկաստանի հողի վրա խեղճանում: Ես Պարսկաստանի հողի վրա կռիվ արի:

— Շուտով կը՝ռնաս հայոց թագավոր,— կատակեց Գյուտը:

— Սաղրում ես, տեր իմ, բայց ես Հայաստանի պատիվը բարձր պահեցի:

Ներս մտավ կարավանատան տերը խոնչայով բերելով նախաճաշ: Կողակն իսկույն մոռացավ իր վիրավորանքը և արագ նստեց խոնչայի մոտ:

— Խոսրովը վեր է կացել և սպասում է քեզ, իշխան,— ասաց կարավանատան տերը:

— Ասա իրեն թող գա ինձ մոտ, — հրամայեց Գյուտը:

— Հրամանդ:

Կարավանատան տերը գնաց և իսկույն վերադարձավ:

— Ձի գալիս, տեր իմ, — ասաց նա վախեցած:

— Գնա հրամայիր իմ անունից թող գա, — աչքերը փայլատակեցրեց Գյուտը: Կարավանատան տերը վախեցած տարտամ քայլեց դուրս:

Ներս ընկավ խոսրովը և գնաց Գյուտի վրա.

— Դո՛ւ ես հրամայել, որ ես գամ մոտդ, ես քեզ...

Գյուտի ապտակը շառաչեց խոսրովի երեսին: Սա բերանը բացեց, որ գոռա՝ Գյուտը մի հատ էլ հասցրեց: Ապա երրորդը, չորրորդը: Խոսրովը շփոթվեց, վախեցավ, ուզում էր դուրս գալ օգնություն կանչելու՝ Գյուտը բռնեց օձիքից:

— Եթե ձայն հանես՝ շան պես կսատկեցնեմ: Իմացա՛ր: Դու իմ ներկայության իմ մարդո՛ւն ծեծես:

— Հայի ուժը կերա՛ր, — վրա վազեց Կողակը, որ հարվածի խոսրովին:

Բայց Գյուտը մի հարված էլ նրան հասցրեց և հրամայեց խոսրովին.

— Գնա նժույզները պատրաստել տուր, մինչև ես վերջացնեմ նախաճաշը:

Խոսրովը դուրս վազեց սարսափած: Նա այնքան շփոթվեց և սարսափեց, որ այլևս կաշկանդված սկսեց կարգադրություններ անել պատրաստվելու: Նա մեկ մտածեց փախչել, առաջ ընկնել Գյուտից, բայց վախեցավ, որ սա կհասնի հետևից: Եվ ինչպես պատահում է նման դեպքերում, նա ավելի սարսափեց, քան կարելի էր, և ենթարկվեց Գյուտի հրամանին:

Առավոտյան ամպերը ճեղքվեցին, և արևը նայեց դաշտերին: Գյուտը կարգադրեց, որ նժույզները բերեն: Կողակը իր նժույզը չտվեց կարավանատան տիրոջը՝ Վշնապսից կրած անարգանքի պատճառով:

Երբ դուրս եկան պատշգամ և պատրաստվում էին իջնել ներքև, իր օթևանի դռանը հայտնվեց Վշնասպը: Նա հետաքրքիր նայեց Գյուտին: Սա խոնարհ ողջունեց նրան: Վշնասպն ընդունեց ողջույնը և բազմանշանակ ասաց.

— Անհանգիստ էիր, իշխան...

— Այո, մի փոքր թակեցի այս անասունին: Պատշաճ պահում էր իրեն ճանապարհին, բայց չգիտեմ ինչ պատահեց այս կարավանատանը՝ հանդգնեց ձեռ տալ մարզպանի պաշտոնյային: Մնա՛ս խաղաղությամբ:

Եվ դարձավ խոսքովին հրամայական շեշտով:

— Առա՛ջ ընկիր:

Խոսքովը գնաց: Վշնասպը, որ տատանվում էր, թե ինչ վերաբերմունք ցույց տա Գյուտի խոսքերին, միայն լիռուեց:

— Գնաս խաղաղությամբ...

Գյուտը հեռացավ կարավանատնից: Կողակը գոհ էր և լուռ: Նա Գյուտից շնորհակալ էր, որ ցույց տվեց իր բնավորությունը: Նա շատ լավ էր ճանաչում Պարսկաստանը, գիտեր պաշտոնյաների վախկոտությունը ուժի դիմաց: Մի փոքր անց դարձավ խոսքովին:

— Երկու օրից կհասնե՞նք, ի՞նչ է կարծիքդ:

— Օր ու կեսում էլ կհասնենք,— խոսեց խոսքովը արտաքին խեղճությամբ:

Բայց երևում էր, որ վրեժ էր նյութում:

«Մոռութդ շնորհի՛ն կտամ, սպասի՛ր»,— ասաց մտքում Կողակը և սկսեց տգեղ ձայնով երգել ինչ-որ եկեղեցական: Եղանակ, կոտորտելով նժույգի վերովարող շարժումներից: Եվ խոսքովին պայթեցնելու համար սկսեց ուժեղացնել ձայնը:

Չեռուն, ճանապարհի ձախակողմում ինչ-որ սևինք էր շարժվում դեպի ճանապարհը: Նա ձգվում էր շղթայի նման: Կարավան էր հիշեցնում, բայց ստվար էր:

Գյուտը նայեց այն կողմ:

— Ձորք է, տեր իմ,— ասաց թիկնապահը:

Երբ առաջ գնացին, զորքը եկավ խառնվեց նրանց ճանապարհին: Սիպահները հոգնած նայեցին Գյուտին և պատիվ տվին: Գյուտը կանգնեց և սպասեց, որ զորքն անցնի:

— Ո՛ւր եք գնում,— հարցրեց նա մի սիպահի:

— Ապար, տեր իմ,— պատասխանեց սիպահը,— քուշանների պատերազմին:

Մանրաշարժ էր զորքը: Կնճոռոտ մաշկը բոլորովին երիտասարդ գինվորների ճակատին ու դեմքերին՝ ցույց էր տալիս ընտանեկան բարբերի անկում և տաժանակիր արշավանքների դրոշմ: Նրանք

արևահողմահար էին, սև ու կեղտոտ, քրտնախաշ, փոշեթաթախ: Թախծալի ու տխուր հայացքներով նրանք հարևանցի նայում էին ճանապարհորդներին և ծանր ճոճելով իրենց կուզը՝ շարժվում առաջ:

— Քնած են,— նկատեց Կողակը,— մերոնց աշխույժը չունեն:

— Բայց վատ չեն կովում,— ասաց Գյուտը:

Կողակը առանձին հետաքրքրությամբ նայում էր հեծյալներին ու նրանց նժույգներին: Իբրև ախոռապետի զավակ՝ նա մասնագիտական աչքով զննում էր նրանց:

— Ոտների կոճերը հաստ են, բայց դիմացկուն չեն: Ո՛ւր են մեր նժույգները: Հեծյալներն էլ մերոնց չեն հասնի:

Գյուտը նայում էր խորաթափանց ու տխուր:

— Դու այդ մի ասիր, ասա մեծաթիվ են, դրանով են հաղթել աշխարհին:

Զորքն անցավ:

Կողակն սկսեց իր դատողությունները: Գյուտը չէր խանգարում, որովհետև նրանք հայերեն էին խոսում և ճանապարհն էլ կարճվում էր զրույցով:

— Զորքերը նշան են պատերազմի: Հազկերտը հիմա ամեն բան շտապով կանի և խիստ,— ասաց Կողակը:

Գյուտը գիտե՞ր փորձված ծերուկի թափանցողությունը նման նյութերի մեջ, ուստի և մտածեց այդ դատողության մասին:

— Չի լսի բացատրություններ, դաժան հրամաններ կարձակի,— շարունակեց Կողակը,— նրա հետ գործ չի տեսնվի: Հույսը Միհրնեբսեհն է:

— Ինչո՞վ է պակաս Միհրնեբսեհը,— հարցրեց Գյուտը:

— Հրովարտակը նա է գրել տվել: Խոսում է, համոզում է, վերջն էլ պահանջում է կամ կետ առ կետ պատասխանել, կամ Դուռը գալ: Ատյան կլիներ, ժամանակ կշահենք:

Ենթի մոտ բան էր սա: Գյուտը ընդունեց այդ միտքը:

— Գլխավորը՝ նախ տեսնվելն է Միհրնեբսեհի հետ, նրա մորուքի տակից անցնելը,— շարունակեց Կողակը:— Բայց եթե բանը հասավ արքային՝ կորած ենք: Պատերազմը քուշանների դեմ կատաղեցրած կլիներ նրան:

Նրանք զնում էին զորքի հետևից: Գյուտը հրամայեց առաջ անցնել: Արշավեցին բավական տեղ, մինչև առաջ ընկան և սկսեցին արագացնել նժույգների ընթացքը:



Մոկաց Արտակն ու Ռշտունյաց նախարարը ճանապարհ ընկան բավական ուշ:

Ճանապարհն անցնում էր լեռնանցքներով ու լեռնադաշտերով: Ահա մի լեռ, սա էլ վերջանա՛ մյուսը, ապա հետևյալը, և մի օր կվերջանա այս երկար ճանապարհը Արտակի համար: Նա չէր խոսում. երազում էր: Չէր խոսում նաև Ռշտունյաց նախարարը՝ խուսափելով Արտակից: Այնպես որ՝ երկուսն էլ գոհ էին:

Արտակի զգոնությունը նիրհում էր: Դա նրա վերաբերմունքն էր դեպի Անահիտին շրջապատող բոլոր մարդիկ, բոլոր պարագաները: Նա ներում էր Ռշտունյաց նախարարի կսպիտ ձևերը՝ խոսելու ձայնին զանազան արհամարհական ու ներհակ անփույթ բնույթ տալը: Նա նրան համարում էր՝ ազգական, մտերիմ: Նա չէր կարողանում այս պահին զատել իրարու հակամեթ տարրեր՝ Անահիտը, Ռշտունյաց նախարարը, իր սերը, պատերազմը և իրենց դիմադրական գործը— պատասխան թուղթը: Նրան դեռ պաշարել էր սիրո զգացմունքը և թմրեցրել էր, շփոթել:

Ռշտունյաց նախարարը, որ շատ բան ուներ կուտակած իր մեջ Արտաշատից հետո և գնում էր տուն բոլորովին այլ ծրագիրներով, քան Արտակը, անախորժության զգացումով էր նայում իր անկոշ ուղեկցին և վճռել էր օր առաջ ազատվել նրանից: Մանավանդ որ՝ ըստ Վասակի և մյուսների որոշման՝ նա պիտի տան կենցաղի մեջ սկսեր ընտելացումներ կրակապաշտական կենցաղի: Նա պետք է երկպառակություն մտցներ ուր կարող էր, իսկ չկարողացած տեղը ճնշել, ոչնչացնել:

Արտակն առանձին ծարավով ընկզմվեց իրեն հուզող մտքերի ծովը: Պատերազմը թվում էր ինչ-որ առասպել, մղձավանջ, իսկ Ռշտունյաց աշխարհը՝ իրական: Եվ արդեն բուրում էր նրա շունչը: Տամուկ, կարծես աղի, բայց մեղմ էր այդ շունչը: Նա կանչում էր, ընդառաջ էր հոսում, գրկում էր:

Ահա որոշվեց նրա ինչ լինելը, ճեղքվեց նա, դուրս լողաց գետնի տակից ինչպես բաց կապույտ երկնքի կտոր:

Բզնունյաց ծո՛վը:

Արտակը հառաչեց, և նրա աչքերը փացացան: Նոր զգաց, որ աչքն ան կարոտել էր ծովին: Մանկության իր ընկերը, իր կրազ-

ների աշխարհը, դայակների հեքիաթների վայրը, նավարկութունները, մանկութեան օրերի ջրերը: Այնուհետև գնում էին նրանք երկար ժամեր, մի օր, երկու, և կապույտը վերևը, կապույտը ներքևը — հարբեցրեց կապույտը Արտակին: Անցան Արծրունյաց աշխարհը, և վերջապես ահա Ռշտունիք...

Մուֆն էր, երբ մոտեցան Ռշտունյաց իշխանի ամրոցին: Սև ժայռի նման, մոայլ ու անհյուրընկալ նայեց ամրոցը եկվորներին: Ոչ մի լույս չէր ոսկեզօծում ամրոցի խավարով սևացած աչքերը:

Փամփոը բամբ ձայնով մի հաչոց հանեց: Ինչ-որ խլրտաց ամրոցի դարբասի մոտ: Փամփոը հաչոցով հարձակվեց եկվորների վրա, ստվերներ հարձակվեցին:

— Ո՞վ է, ո՞վ է...

— Իշխանը, — ձայնեց թիկնապահներից մեկը և առաջ քշեց նժույզը: Պահնորդները զսպեցին գամփոին ու ետ քայլեցին: Մեկն առաջ վազեց և դարբասը բաց անել տվեց: Սրտի ճմլոցով Արտակը նայեց ամրոցի բակը, օթևանները: Մուֆը ողողել էր ամեն կողմ. կյանքի ոչ մի նշույլ: Մի՞թե նա այստեղ չէ... Այո, նա կարող է և այստեղ չլինել, այլ իր հայրական տանը... Ինչպե՞ս Արտակը չէր մտածել այս մասին...

Իջան նժույզներից. պատշգամում երեացին կանացի կերպարանքներ: Նրանք առաջ եկան:

— Իշխան՛նր, — լսվեց մեկի շշուշուր:

— Մոկաց իշխանն է հետը, — հարեց մյուս ձայնը:

Ջահեր բերին: Բակը լուսավորվեց, և մոայլ ստվերները, որ ծածկում էին Արտակից նրա գաղտնիքը, փախան: Նայեց Արտակը խմբվածներին: Նրանք շատվոր էին: Բայց չկար Անահիտը: Պարզ էր — նա ամրոցում չէր:

— Հրամայիր օթևան՛ն, — հրավիրեց Ռշտունյաց նախարարը Արտակին:

Արտակը շարժվեց կոտրված սրտով: Եվ քանի որ չկար մեկը, որին դիմեր այրող հարցմունքի պատասխանն ստանալու, նա ականջները սրեց, որսալու գոնե մի ականարկ, մի բառ Անահիտի մասին: Բայց որքան նա ականջ դրեց, ոչ մի հնչյուն ոչ մի շշուշ նրա մասին: Եվ սրտի մեծ անձկութեամբ նկատելով, որ չի կարող ոչ ոքի հարցնել, նա ընկավ մեծ տագնապի մեջ: Չիմացավ ինչպես բարձրացան սանդուղը, ինչպես մտան օթևան: Սակավախոս և անբա-

րեհամբույր Ռշտունյաց նախարարը անգամ չպատշաճավորություն
ցույց տվեց, հրավիրեց, կարգադրեց խնամք և սպասարկություն
իր հյուրի համար, անգամ կատակներ արեց— Արտակը շսեց և
չզգաց: Մեքենաբար վիացվեց, գնաց օթեան, ուր ընթրիք էր բեր-
ված:

— է', հոգնեցի'նք,— ասաց Ռշտունյաց նախարարը,— ժամ
է, որ հանգստանանք:

Ռշտունյաց նախարարի խոսակցությունները շքադեցրին Ար-
տակին: Տարակուսանքները ալեկոծեցին նրա սիրտը: Այն քար լը-
ռությունը, որ թաղել էր իր մեջ Անահիտի գոյության մասին ամեն
շշուկ՝ մահի մոռացության պես էր ազդում Արտակին: Նա կրկին
լարեց լսելիքը, որ լսի մի բան Անահիտի մասին, նայել սկսեց
սրա-նրա դեմքին, ոչ մի նշան նրա կենդանության, գոյության: Ռ-
մանց փսփոսոցներից, բազմանշանակ իրար նայելուց նա սկսեց
կասկածել, որ մինչև անգամ շատ մեծ աղետ է պատահել Անահի-
տի հետ: Նա այնքան կորցրել էր իրեն, որ շկարողացավ հաշիվ
տալ, որ ոչ ոք նրանից բան չէր կարող թաքցնել հենց այն պարզ
պատճառով, որ ոչ ոք չգիտեր նրա նվիրական գաղտնիքը: Բայց
ինչո՞ւ են ամենքը լուռ... Ահա խոսեցին վերջապես:

— Տիկինն ապաքինվե՞լ է,— հարցրեց Ռշտունյաց նախա-
րարը:

— Ապաքինվել է, տեր իմ,— պատասխանեց սենեկապետը:

— Ինչպե՞ս բան է արել: Մա՞յրս:

— Մեծ տիկինն էլ, փառք աստծո, առողջ է:

— Տանը մարդ չկա՞ հիվանդ:

— ...Ոչ ոք, տեր իմ...— ժամծմեց սենեկապետը անհասկա-
նալի եղանակով:

— «Ուրեմն ճա այստեղ չէ...»— հրաշեկ երկաթի պես կտրեց
անցավ Արտակի ուղեղով այս միտքը:

Նա այլևս չիմացավ թե ընթրո՞ւմ է, խոսո՞ւմ է, գոյությո՞ւն
ունի:

— Ի՞նչ եղավ քեզ, իշխան, ինչո՞ւ տխրեցիր,— հարցրեց Ռշ-
տունյաց նախարարը, մինչև անգամ նա ևս կարեկցական հայացք
ներեւում Արտակին:

— Հոգնություն եկավ վրաս,— ասաց Արտակը:

— Մահի՞ճ ընդունիր, հանգստացիր:

Այո, նա կուզեր առանձնանալ, որ գոնե աչքից հեռու հնար ունենար ազատ հուզվել, պատեպատ շրջել օթեանում, որն է կակ որսալ, բան հարցնել: Նա խնդրեց, որ իրեն օթեան տան:

Սենեկապետը առաջնորդեց նրան բարձրահարկ մի օթեան, ամբողջի ծայրամասերի բուրգի մեջ: Այդտեղից մի նեղ պատուհանի միջով կարելի էր նայել անդնդախոր վիհը, ուր խավարը չէր կարողանում արգելել խելագար լեռնային գետի որոտն ու հարվածների թափը օդը լցնելուց: Օթեանում թեթև կրակ էր վառած օջախի մեջ: Լեռնային հովը փսփսում էր պատուհանից և ներս փչում անտառի և գետի զովութունը: Անտառը շատ մեղմ փսփսում էր իր հեքիաթը: Եվ թվում էր, թե նրա հաստաբեստ սյունների տակ շրջում է անտառների մայրը, նրա շուրջը թրթռում է նրա հավերժահարսերի պարը:

Արտակը պատուհանից նայում էր այս գեղեցկութան, որ նրա սիրտն ավելի էր խոցում: Վերք էր տալիս նրան այս վեհ գիշերը. անտանելի ճմլում էր նրա սիրտը՝ հազար ու մի մտքերից խռովահույզ:

Սկսեց գիշերը խորանալ: Չայները հավվեցին: Բակը մթնեց կրկին: Միայն պարսպի բուրգերից երբեմն լսվում էր պահակի քնկոտ կանչը, պարսպի տակ որոտում էր զամփոռ և ապա լռում:

Նայեց աստղերին՝ դեռ ո՛ւր էր լույսը: Թանձր գիշերաժամ էր, վեհանիստ, հպարտ: Պառկեց, գլուխը թաղեց մորթու տակ. ինչոր գազանի հնացած հոտը դիպավ նրա հոտոտելիքին: Նա աչքերը փակեց և ճիգ արեց տեսնել Անահիտի կերպարանքը: Բայց այդ չէր հաջողվում նաև այդտեղ... Նրա ներքին տեսողության առաջ գալիս կերպարանք էր առնում ճանապարհը իր գեղնափոշի ժպավենով, լեռների քարաբեկորներ, սուր-սուր խոտեր նրանց արանքներում, ժայռերի մամուռ, ջրվեժներ և ծովածավալ Բըզնունյաց հավերժահարսը... Գալիս էր երևակայության առջև կերպարանվում, նայում, ապա ծռմովում, հալչում ինչոր անծանոթ մի աղչկա դեմք՝ բոլորովին ոչ նման Անահիտին: Ամե՛նքը, ամե՛նքը երևում էին նրա աչքին, միայն նա չկար: Կարծես չէր պատահել, գոյություն չէր ունեցել: Սրտամաշ գիշերը կանգ առավ, քարացավ, ինչպես Արտակի սրտի հոգը: Քնած էին, կարծես այլևս չգարթնելու վճռով և՛ ամբողջը, և՛ մարդիկ, և՛ ծառերը, և՛ վիհը:

Տաճարի վեճ կամարները իբրև լայն թևեր օրհնելու շարժումով բաղմուխյան վրա տարածված՝ լուսթյան էին ներշնչում: Ահավոր բաղմուխունք ծովի պես օրորվում էր, փլչում այստեղ-այնտեղ: Եվ ահա կարծես բաղմուխյան գանգվածից քաշված վեր կարկառվեց Վարդան Մամիկոնյանը և ձեռը բարձրացնելով բաղմուխյան վրա՝ գոչեց.

«Գուժական լ՛ւր, ժողովո՛ւրդ հայոց... Արյաց բանակը մտավ Այրարատյան դաշտավայրը... Օ՛ն, բարձրացե՛ք դիմագրավելու թշնամուն»...

Ժողովուրդը որոտաց և շարժվեց...

Չարթնեց Արտակը. ոչ ոք չկար, այդ պատուհանի մեջ թրթռացել էր մթին շղշիկը: Նա մի պտույտ գործեց առաստաղի տամուկ ու սրբատաշ քարեկամարի տակ և կրկին դուրս լողաց դեպի վիհը: Բնած էր Ռշտունյաց աշխարհը:

Արտակի վրա ջերմ եկավ: Նա սրտի անձկություն դրաց, և շունչը դժվարացավ: Վեր կացավ անկողնից դնաց դեպի դուռը, բացեց կամացուկ և մթան մեջ որոնեց միջանցքն ու անցքերը: Դրոտան հետևե, քարե նստարանի վրա քնած էր սպասավորը, մթին կույտի պես հենված քարե սառն պատին:

Միջանցքում մի պատուհան կար: Արտակը մոտեցավ և գլուխը հանելով նայեց բակը և շուրջը շարված օթևաններին: Ոչ մի նշան կենդանություն: Պատուհանի պատվանդանը լայն էր, շէր կարելի գլուխն ազատ հանել, դուրս նայել ամեն կողմ, եթե ոչ մի ինչ-որ լույսի աղոտ շերտ չգունավորեր դիմացի օթևանի ճակատը: Ուրեմն լույսը իր միջանցքի կողքին էր: Մի սավեր համբուրեց դիմացի պատը և հավվեց: Այդ օթևանում, որ ըստ երևույթին միևնույն հարկաբաժնումն էր ինչ որ Արտակինը և քնդհուպ սեղմված էր իր օթևանին, քնած չէին և այնտեղ մեկից ավելի մարդիկ կային: Ովք՛եր էին... Հնար չկար իմանալու...

Արտակը չհամարձակվեց իջնել ներքև քարե սանդուղներից: Կարող էր անհարկի շփոթության և զարմանքի տեղիք տալ: Նա վերադարձավ և պտկեց, աչքերը առաստաղին: Հանկարծ նա դող զգաց. պատուհանում խլրտաց հովը և բերեց իր հետ անդնդախոր վիհում ոգորոզ գետի մռչյունը: Մութը մթնեց ավելի: Արտակը հառաչեց. «ո՞ր ժամն է, տե՛ր աստված, ո՞ր ժամն է...»: Եվ տխուր հայացքն ուղղած առաստաղին, աչքերը մերթ բաց էր անում, մերթ

փակում: Հուսահատ, հոգնած նա երկար փակեց աչքերը՝ այլևս չբանալու, քնելու պինդ մտադրութեամբ: Բայց դա ավելի գրգռեց նրա արթնութիւնը: Նա նայեց առաստաղին: Նկատեց, որ սրբատաշ քարերի կարը նշմարվել սկսեց: Առաջ նա կորած էր մթան մեջ: Հետո կարը ձգվեց, պարզեց կամարի ստալակտիտ ձևը, կարերը շատացան, գորշացան: Սա ի՞նչ է: «Լուսանո՞ւմ է», — հունկարծ շշնջաց Արտակը և զգաց, որ սիրտը մարեց, ճմլեց ու ապս սկսեց զարկել: Վեր թռավ, նայեց պատուհանից: Վիհը կերպարանք էր ստանում, գծագրվում էին ծերպերն ու փապարները: Վաղորդյան աղջամուղջը հեքիաթական շղարշով սքողում էր վիհի ահա՛վորութիւնը: Ժայռերը քարափների կրծքից կախված ու օդի մեջ կարկառված մնացել էին իրենց դարավոր անշարժութեամբ: Ավելի լուսավորվեց վիհը, և արդեն եռաց գետի զգզված բաշը խորխորատից խորխորատ թռչելիս: Մշուշի պես վեր էր միտում ջրերի արծաթ փոշին, շոյելով անդնդում սուզվող սոճիների և եղևնիների կատարները: Երևում էր, թե գետը ամբողջ գիշերը ինչ անօրինակ պայթարով ճիգեր էր թափել նվաճելու իր ճանապարհը դեպի նոր նպատակակետ — Բզնունյաց ծովը:

Լուսացավ: Դադարեց Արտակի գիշերամարտը, հոգեկան անհուն խռովքը: Բարի օրը նայեց նրան հուսով ու խոստումներով: Արտակը հաշտվել էր արդեն, որ Անահիտը ամբողջում չէ: Բայց կարելի էր ճանապարհվել գնալ նրա տունը: Նա սկսել էր համբերութեան վարժվել. նա համակերպել էր իբրև մի սրբանվեր զոհ, որ պիտի հանդուրժեր իր սրբազան դերը: Գուցե մի օր տևեր, գուցե երկու օր. նա որոշեց իսկույն գնալ Անահիտին որոնելու: Բայց ինչպե՞ս բացատրեր, ի՞նչ պատրվակ ու առիթ հնարեր...

Սակայն և շնայած այս տարակուսանքներին՝ Արտակի վրա աշխույժ եկավ, մարտից առաջ հաճախ զգացած այն աշխույժը, երբ հայտնում են, որ ահա այս պահիս կսկսվի մարտը: Օրը արթնացրեց թմրած, քնած կյանքը, հնարների դուռ բացեց Արտակի համար:

Գոնե կարելի էր վերջապես իմանալ, թե ո՞ւր է սուզվել այն էակը, որ այսքան տանջում է իրեն:

Եկավ սենեկապետը և Արտակին հրավիրեց սրահը՝ առավոտյան ճաշի: Արտակը ձեռով արեց սենեկապետին, որ չգնա: Սենեկապետը կանգնեց հարցական հայացքով:

— Ամբողջում ովքե՞ր կան:

— Շատ մարդիկ, տեր իմ, ո՞ւմ ես հարցնում, — պատասխանեց հարցով սենեկապետը:

— Հյուրեր կա՞ն:

— Ոչ, տեր իմ:

— Նախարարի ազգականներ կամ բարեկամներ կա՞ն:

— Կան, տեր իմ:

— Ովքե՞ր են:

— Իշխանի աները և զոքանչը...

— Միա՞յն... — սրտատրոփ հարցրեց Արտակը:

— Հետներն է աղջիկներից մեկը:

— Ո՞րը...

— Ասողիկը, երևի ճանաչում է տերս:

— Ոչ, շեմ ճանաչում, — խոռովքի մեջ խլածայն պատասխանեց Արտակը, — բայց մի՞թե միայն մի աղջիկ ունի նախարարի աները...

— Ոչ... մեկն էլ ունի...

— Ո՞ւր է նա:

— ...նա, չգիտեմ, տեր իմ... երևի իրենց տանը... չգիտեմ...

— Ինչո՞ւ չգիտես:

— Ի՞նչ ասեմ, տեր իմ, հենց այնպես համարիր, որ տգետ եմ... չգիտեմ ինչպես ասեմ...

— Զարմանալի է, — հազիվ զսպելով բարկութունն ու վիշտը՝ ասաց Արտակը և լռեց:

— Խնդրեմ շնորհ բերես, տեր իմ, նախարարն սպասում է, — արագ անցավ իր գործին սենեկապետը:

Արտակը կուզենար զայրույթի գոշով մերժել հրավերը, դուրս պրծնել այս գաղտնապահ, անհամբույր ամբողջից, ընկնել սարերն ու ձորերը, մոնչալ սրտի ցավից:

Բայց պատշաճավորութունը պահանջում էր ընդունել հրավերը և գնալ:

Նա դուրս եկավ օթևանից և սենեկապետի առաջնորդությամբ գնաց սրահը, ուր սեղան նստած սպասում էր Ռշտունյաց նախարարը:

Արևը ցոլաց և իր բոցերի մեջ դողահար ոսկե նետերը արծառակեց ամեն կողմ: Պատուհաններից շեշտակի թափանցելով ներս,

Նրանք ցցվեցին ճաշասեղանի վրա: Շողշողացին գինիները գա-
վաթներում և ոսկի-արծաթ ամանները: Բազմազան խորտիկների
բարձունքը քաղցրացնում էր քիմքը և կոշում վայելելու:

— Հոգնությունդ շանցա՞վ, դե՛,— ասաց Ռշտունյաց նախա-
րարը՝ սուր տնտղելով Արտակին:

— Չանցավ:

— Կանցնի՛ր: Հրամայի՛ր, անո՛ւշ արա,— հրամցրեց Ռշտուն-
յաց նախարարը և ինքը մոլեգին վրա ընկավ խորտիկներին, սկը-
սեց ախորժակով ուտել:

Արտակը հազիվ ճաշակեց մի բան: Նրա կոկորդը սեղմվում
էր, և հացը կուլ չէր գնում: Նա վերին աստիճանի անհանգիստ էր:
Նրան ճնշում էր սրահը, ճաշը, անգամ առավոտը, իր լույսով և ու-
րախությամբ: Ի՞նչ ուրախություն, երբ չկա, անհայտ է, թե ուր է
նա...

Նախաճաշին ուրիշ ոչ ոք չէր մասնակցում: Դա ավելի էր խո-
րացնում Արտակի տանջանքը: Նա վախենում էր հարցեր տալ Ռըշ-
տունյաց նախարարին: Իսկ նա չէր խոսում ամբողջ և ընտանեկան
գարծերի մասին:

Արտակն ինչ-որ մի անհասկանալի բան էր զգում սենեկապե-
տի առավոտյան պատասխանների մեջ՝ ամբողջի բնակիչների վե-
րաբերյալ: Ինչ-որ գաղտնիք էր վարագուրված նրա շուրջը, նրա ո-
րանող աչքերի առաջ:

— Իջնենք ձորահովիտ,— առաջարկեց Ռշտունյաց նախարա-
րը,— մերսենք մի փոքր մսներս ճանապարհի հոգնությունից:

Արտակը շմերժեց: Թեև դուրս գալով ամբողջից չէին պատա-
հելու ոչ ոքի, բայց մինչև անցնեին միջանցքները, անցնեին պա-
ռըշգամներն ու միջանցքը՝ մի մարդ, մի նշան կերևար:

Սենեկապետը զեկուցեց, որ նժույգները պատրաստ են: Նա-
խարարը վեր կացավ, ճմլկոտաց և շարժվեց դեպի դուռը: Արտա-
կը հետեց նրան, լարեց ուժերը և ուշադրութունը՝ որսալու հա-
մար իրեն այրող գաղտնիքը: Հենց իր օթևանին կից օթևանի դուռը
բացվեց և ո՞վ երջանիկ վայրկյան: Անահի՛տը... Արտակը շրջվեց
կիսամթան մեջ իրեն նայող կերպարանքին: Նա ակամա մի քալ
արեց դեպի նա, և հանկարծ խաբուսիկ նմանությունը Անահիտին՝
խորտակեց նրան: Դա Աստղիկն էր, որի կերպարանքը նման գտավ
Անահիտին... Արտակը շճանաչեց նրան: Անցավ մոտից քայլերը

քարը տալով, որ գուցե մի որեէ խոսք հնչեր այն կողմը: Ոչ մի հըն-
չյուն...

Ռշտունյաց նախարարը ետ դարձավ, խոժոռ նայեց կերտա-
րանքին: Սա անհետացավ: Կիսամութը թանձրացավ: Իշան բակը:
Ոչ ոք այլևս չերևաց: Պատշգամում գնում գալիս էին աղախիններ,
ու սպասավորներ միայն:

Նստելով նժույգ՝ դուրս ելան ամրոցից, իշան քարքարոտ շա-
վիղով դեպի ձորահովիտը և գնացին լեռնիվեր:

— Հիվանդ մա՞րդ կա ամրոցում,— հարցրեց հանկարծ Ար-
տակը Ռշտունյաց նախարարին:

— Ոչ ոք հիվանդ չէ,— քթի տակ խոսեց Ռշտունյաց նախա-
րարը:

— Ես կարծում էի հիվանդ կա:

— Ոչ ոք,— կրկնեց Ռշտունյաց նախարարը: Հետո բարկու-
թյամբ, որի պատճառը չհասկացավ Արտակը՝ դիմեց նրան և ձայ-
նը դժգոհ բարձրացրեց.— Ինչո՞ւ պիտի հիվանդանան... Սնո՞ւնդն
է պակաս, օթե՞լան շունեն, մեղքնե՞րն է ցավում գործից: Ռշտունյաց
օդը հիվանդություն չի վերցնում:

Արտակը մասամբ համաձայն էր դրան:

— Բայց մարդ է ու հիվանդացավ հանկարծ, ի՞նչ կանես,—
ասաց նա:

— Ինչ կանե՞մ,— բարկացավ Ռշտունյաց նախարարը,—
դուրս կվճնդեմ ամրոցից: Ամրոցը անկելանոց չէ:

Կամաց-կամաց երևան էին գալիս Ռշտունյաց նախարարի
տարօրինակութունները: Իհարկե, լավ կլիճեր ոչ ոք չհիվանդանա՞
րա հասկանալի և քաջալերիչ ցանկություն է, բայց որ նախարարն
արգելում էր հիվանդանալը— սա զարմանալի էր: Ինքնասած իշ-
խանի այս ներհակ ու ոչ մի կերպ չգործադրելի պահանջը այն հն-
տևանքն ունեցավ, որ նրա մոտ խոսք չէր կարող լինել հիվանդնե-
րի մասին:

Արտակն ու Ռշտունյաց նախարարը գնում էին ձորահովտի
շավիղով: Նժույգները աշխուժացան և քրտնել սկսեցին: Զրոսան-
քը մերսեց նախօրյակին հոգնած իշխանների մկանները. նրանք
ես մի փոքր աշխուժացան:

Արտակի տրամադրությունը բնության գրկում բարձրացավ: Եվ
տեսնելով նույն բանը նաև Ռշտունյաց նախարարի մեջ՝ նա շփո-

թեց, համարելով մտերմության արտահայտութիւն: Նա թուրու-
թիւն ունեցավ տարվելու այդ զգացումին: Իր սիրող սրտի թրթիռ-
ները, որ գեղեցկացրել էին նրան, բարձրացրել, վեհացրել, նրա
աչքում վեհացրել էին ամեն բան՝ բնութիւն և մարդ: Նա դարձավ
դեպի Ռշտունյաց նախարարը և մանր ժպտալով հարցրեց.

— Իշխանուհու հարազատները հաճախ են հյուր լինում քո
ամրոցում:

— Հաճախ, — թանձր ձայնով պատասխանեց Ռշտունյաց նա-
խարարը և կողքանց նայեց Արտակին:

— Ամբողջ ընտանիքով:

— Ամբողջ, — շոր ու հատու պատասխանեց Ռշտունյաց նա-
խարարը՝ սպասելով, թե ուր է հանգում այս հարցուփորձը:

Գնացրն առաջ:

Արտակը դիրքը փոխեց.

— Հեռո՞ւ է նրանց ամրոցը:

— Նրանք ամրոց չունեն: Իմ աները հասարակ սեպուհ է:
Ռշտունյաց նախարարի հաճությամբ պատասխանելը քաջալե-
րեց Արտակին: Սա կրկին անցավ իր հարցուփորձին.

— Այն օրիորդը, որ Ողական ամրոցն էր եկել, նա՞ ևս իր
ծնողների հետ է լինում...

— Միշտ:

— Եվ հիմա նա այստե՞ղ է:

Արտակն զգաց, որ սրտի տակ մի բան փլվեց:

— Նա այստեղ է, — հետաքրքիր պատասխանեց Ռշտունյաց
նախարարը և սկսեց գաղտագողի հայացքներով զննել Արտակին:

Ուզում էր հարցնել Արտակին, թե ինչու է հետաքրքրվում՝
բայց զսպեց և յուրահատուկ խորամանկությամբ, որից զուրկ չէր
նա, որքան էլ իրեն ձևացնում էր սուտ-միամիտ՝ սպասեց, որ Ար-
տակը զուրս հանի իր գաղտնիքի ծայրը:

— Բայց նա չերևաց. երևի ամրոցում չէ, գնացել է մոտ վայ-
րերը:

— Այդ չգիտեմ, — ասաց Ռշտունյաց նախարարը և նժույզը
բշեց:

Արտակը հետևեց նրան: Եվ որովհետև նա լուցե՞ր Ռշտունյաց
նախարարը սպասեց մի փոքր և ապա հարցրեց.

— Գո՞րծ ունես նրանց հետ:

— Ոչ, հետաքրքիր է իմանալ: Որովհետև, երբ եկանք ամրոց՝
չերեաց նա: Ինչպիսի՞ մարդ է աներդ:

— Կատու տեսե՞լ ես. քացախն ու պղպեղը խառնիր, եփիր և
ճանկերով միասին կուլ տուր, ահա աներս:

Արտակը ծիծաղեց:

— Այդքան խի՞ստ:

— Եղի՞նչ: Տիկինս հազար ու մի հնարով եմ պոկել ձեռից: Եվ
երբ համաձայնեց տալու կնության ու գնում էինք եկեղեցի՝ հան-
կարծ մերժեց:

— Պատճա՞ռը:

— Աշխարհ կիմանար երևի պատճառը, իսկ նա չէ: Երեի վեր-
ջին պահին մի «չէ» մտավ պինչը: Ներհակ է՝ ինչպես ուղտ:

— Ասել է նրա ձեռից աղջիկ քաշելը մի պատերազմական
սխրագործություն է:

— Տանջանք, շարշարանք: Գիտե՞ս ինչու է եկել մոտս:

— Ինչո՞ւ:

— Հսկելու էր աղջկա վրա, իշխանուհուս վրա... Չլինի՞ թե
խոսի հետս, ժպտա, գրավվի ինձնով:

— Ապա ումո՞վ գրավվի:

— Աստված գիտե: Հակառակելու բան որ չի գտնում ինքն ի-
րեն է հակառակում: Ասավ «հա» կամ «չէ», և պրծավ:

— Չէ, դժվար է դրանից աղջիկ ուզելը:

— Ձու խուզելուց ավելի օգուտ կա՞ քան դրանից մի մազ պո-
կելուց: Կրկիտ ընկույզ ասա ու պրծիր:

Ռշտունյաց նախարարը, որ առհասարակ ծուլ և խոսելու հետ
պուխ շունեցող մարդ էր՝ գիտեր մեկ-մեկ բացվել և հումորից զուրկ
չէր: Նա սկսեց իր աներոջ կյանքից պատմել և բուրբուրվին բացվեց:

Արտակը ավելի մտերմացավ նրան: Եվ զգալով, որ դամն հա-
սավ, հանկարծ կանգնեցրեց նժույզը և ասաց.

— Գիտե՞ս, որ մեր նախարարներից մեկը աչք է դրել Անա-
հիտին...

— Ո՞ր նախարարը:

— Կարծեմ Ատոմ Գնունին:

— Հը՞մ... — քմծիծաղ տվեց Ռշտունյաց նախարարը և մըտ-
քում ավելացրեց. «Հիմարի տեղ դնողը շատ անգամ ինքն է հի-
մար»: Նա հասկացավ Արտակին և չհասկանալու տվեց:

— Ասել է Ատոմը հարսնախոսութեամբ՝ կգա շուտով:

— Երևի: Բայց ինչպե՞ս պիտի անի աներոջդ հետ:

— Աներոջս էլ հետը պիտի տանի իբրև օժիտ. ասեղ շատ կու-
նենա:

— Ոչինչ, թող տանի: Երբ կինը սիրուն է լինում՝ աներն էլ
կօրրունանա:

— Վատ մարդը զատկին էլ վատ է լինում,— ասաց Ռշտուն-
յաց նախարարը ծիծաղելով: Եվ դրանով էլ փակեց խոսքը:

Բայց սկսեց զբաղվել այդ հարցով: Ուրեմն Արտակը Անահի-
տի համար է եկել իր մոտ: Եվ այդ հակառակորդը հույս ունի աղ-
ջի՞կ դուքս տանել այս ամրոցից... «Մոծրակդ կտեսնես»՝ այդ շե-
տնանի»,— ասաց նա մտքում և կրկին թանձրացավ, լռեց:

Զբոսանքը երկար շտեկեց: Արտակը ուրախ իր ձեռք բերած տե-
ղեկութիւններով, երբ վերադարձան ամրոց, սկսեց որոնել Անա-
հիտին: Նրա համար մի գաղտնիք մնաց, թե ինչո՞ւ ապա չէր երե-
վում Անահիտը:

Ճաշից հետո ժամանակն անցավ կրկին Ռշտունյաց նախա-
րարի հետ, որը սակավ էր խոսում: Երբեմն շոր հայացքով տնտղում
էր Արտակին և մտածում: Ճաշին մասնակցում էին նաև երկու հո-
գի լուակյաց և ինքնամիտի մարդիկ, որոնք նույն կերպ էին վար-
վում Արտակի հետ՝ պահելով իրենց նախարարի դիրքը: Նրանք ևս
չէին խոսում և կասկածոտ հայացքներ էին սահեցնում նրա վրա՝
ցուցաբերելով լեռնական ժողովրդին հատուկ համերշխութեան բը-
նազդը: Երբ Արտակը խոսեց հայրենիքի կռվի մասին, որին հիմա
պետք է պատրաստ լինեն բոլորը՝ նրանք պատասխանեցին պատ-
շահավոր անորոշ խոսքով:

Բայց ովքե՞ր էին նրանք, որ արժանացել էին նախարարի սե-
ղանին մասնակից լինելուն: Երևում էր, որ Ռշտունյաց նախարարն
էր կանչել նրանց: Նրանց թավ հոնքերի տակից դավադրորեն նա-
յով սևեռուն աչքերը ցույց էին տալիս, որ նրանք եկել են շտապ և
կարևոր գործի համար և համբերութեամբ սպասում էին, որ ճաշը
վերջանար: Ռշտունյաց նախարարը բազմանշանակ նայեց սենե-
կապետին, որը կարճ կապեց սեղանի արարողութիւնները և ա-
զանդեր մատուցեց:

— Խմենք, իշխան, այս էլ քո արեւատութեան,— մեղմ վերջա-

վորութիւն տալու համար վերցրեց գինու գալը Ռշտունյաց նախարարը և խմեց:

Մյուսները ևս ըստ պատշաճին՝ խմեցին: Ճաշն ավարտվեց: Արտակը ցանկութիւն հայտնեց գնալ իր օթեանը և արձակուրդ խնդրեց Ռշտունյաց նախարարից: Սա ուրախությամբ արձակեց նրան:

Սենեկապետը առաջնորդեց Արտակին և երբ շրջվում էր, որ դուրս գնա, Արտակը կանգնեցրեց նրան.

— Ասա ինձ, ամրոցո՞ւմն է Անահիտ օրիորդը:

Սենեկապետը շանթահարի պես նայեց Արտակին և լռեց:

— Չգիտե՞ս, — հարցրեց Արտակը:

— Չգիտեմ, — տեր իմ, — պատասխանեց սենեկապետը, ուշրախ, որ Արտակը օգնեց նրան:

— Մի՞թե նա չի եկել այստեղ:

— Ոչ:

— Իսկ իշխանը գիտե՞ այստեղ է, թե այստեղ չէ օրիորդը:

Սենեկապետը օգտվեց նաև դրանից:

— Չգիտեմ, տեր իմ, — պատասխանեց նա:

— Լավ, գնա...

Արտակին կարծես բութ գործիքով հարվածեցին: Նա շժմեց: Ինչպե՞ս, դուրս է գալիս, որ Ռշտունյաց նախարարը խոսել է առանց գիտենալու, հենց այնպես: Եվ եթե սենեկապետը չգիտե Անահիտի ամրոցում լինել-չլինելը՝ ապա էլ ո՞վ կիմանա: Եվ այլևս ումնի՞ց իմանա:

Երեկոն իշավ ամրոցի վրա: Արևը արշուճաներկ արեց նրոցիկլոպյան քարերը: Հեռվում բառաչեց նախիրը: Վիհում, որ մըթնել էր, կայծեց խարուկը փոքրիկ՝ ինչպես լուսատուտ: Հեռուն, շատ հեռուն կանաչավուն, խորհրդավոր կորչում էր ծովի մի կրտոր, — Բզնունյաց ծովը:

Սպասավորը ճրագ վառեց: Օթեանը կարմրեց: Անձուկ եկավ Արտակի սրտին: Դարձյալ մի գիշեր... Ե՞րբ պիտի գա, Ե՞րբ պիտի անցնի... Հուսահատութիւնը կաշկանդեց նրան:

Ձայները հանգան ամրոցում և նրա շուրջը: Գիշերը անզգտ և անգիտակ եկավ պաշարեց ամենքին ու ամեն ինչ:

Արտակը մտքով գնաց Ողական ամրոցը: Պատկերացրեց Շուշանիկ տիկնոջ օթեանը, իր առջև բարձին նստած Անահիտը: Նա

կար, շունչ էր քաշում, նա լսում էր իրեն, նա խոսեց իր հետ, համաձայնեց հարսնանալ... Ո՞ւր կորավ նա, մարգարտի հատի՞կ էր՝ ընկավ ծովը, ծո՞ւխ էր՝ ցնդեց: Ահա, երկրորդ գիշերն է՝ չի կարողանում ոչ թե տեսնել նրան, այլև իմանալ կենդանի՞ է նա, ո՞ւր է նա:

Արտակը վեր թռավ, շարժեց գլուխը, կամենում էր արտասովել, բայց ամաչեց ինքն իրենից:

— Ո՞չ, չի՞ գալու, չի՞ գալու, չի՞ գալու, չկա՞ նա,— շնչաց Արտակը և գլուխը բռնեց, սկսեց մատնելով գլուխը ձեռքով: Տարօրինակ ձայն հանեցին հարվածները: Կոշտ առարկայի ձայն: Ականջ դրեց: Դա ինքը չէ, ուրիշ ձայն է: Ականջ դրեց ուշադիր: Ոչ, թվացել է իրեն:

Գնաց դեպի պատուհանը:

Դարձյալ ձայն: Լսելիքը սրեց: Պարզ լավեց դռան բախում: Գրենաց դեպի դուռը, բացեց: Ճրագի լույսը ընկավ միշանցքը, դռան շեմքին մոտ քնել էր սպասավորը: Նայեց ուշադիր և հանկարծ նկատեց սյան տակին մի սովեր: Սա արագ սահեց, մոտեցավ:

— Դո՞ւ էիր...— հարցրեց Արտակը:

— Ես իշխան...

— Ասա...

— Ե՛կ...

Արտակը դուռը մեղմ փակեց և գնաց սովերի հետևից: Նա դգաց, որ այլայլվեց, թուրը շորացավ, կոկորդը սեղմվեց: Սովերը մթան մեջ շոշափեց, գտավ նրա ձեռքը և կանգնեցրեց: Փափուկ էր այդ ձեռքը և ջերմ: Մտերմություն էր անցնում նրանից դեպի ինքը:

— Իշխան... շատ զգույշ... աղաչում եմ...— շնչաց սովերը:

— Նա այստե՞ղ է...— դողաց Արտակը:

— Այստեղ է, տեր իմ... բայց զգույշ...—

— Ի՞նչ, նա...

— Ե՛կ...

Դուռը բաց անելով արագ, սովերը Արտակին քաշեց ներս, արագ փակեց հետևից: Արտակի աչքերը մշուշվեցին: Նա նայեց և իր դիմաց տեսավ Անահիտին: Սա նստել էր անկողնի մեջ, զգեստը հագին: Նա նայեց Արտակին աչքերը վախեցած, լայն բացած: Կարծես աղաչում էր: Նրանք իրար նայեցին երկար, խորը, վերացած:

Արտակը մոտեցավ Անահիտին և բռնելով նրա թևքի ծայրը՝ շնչաց.

— Անահիտ, ի՞նչ է պատահել քեզ...

Անահիտը նայեց Արտակին, լռեց: Հանկարծ շրթունքները կծկեց, ընկավ բարձին և սկսեց հեկեկալ:

Աստղիկը դուրս գնաց և դուռը պինդ փակեց հետևից:

— Անահիտ, խոսի՛ր, մի խո՛ւք ասա,— խոնարհվելով նրա գլխին թոթովեց Արտակը:

Բայց Անահիտը հեկեկում էր անձրևող գարնան պես՝ քաղցր, կարոտալի... Այդ արցունքները թեթևացնում էին Անահիտի սիրտը: Արտակը թույլ տվեց, որ նա հանգստանա:

— Անահիտ... դե հիմա խոսի՛ր, հանգստացար,— ասաց Արտակը:

Անահիտը որոնեց, գտավ Արտակի ձեռքը, բռնեց և տարավ դեպի կուրծքը:

Արտակը դողաց և շոքեց հատակին: Նրա ձեռքը տրոփեց մի թավիշե ջերմության մեջ: Չգիտեր դա իր սրտի զարկերն էին, թե Անահիտինը: Անահիտը սեղմում էր, անզաղար տրորում իր մոմե մառնների մեջ Արտակի ձեռքը, կարծես խոսում էր, պատմում, գանգատվում:

Հետո վեր կացավ, նստեց, նայեց Արտակին և տխուր ժրպտաց: Արտակը նստեց նրա անկողնին:

— Անահիտ, հիվա՞նդ ես...

Անահիտը գլուխը բացասաբար շարժեց և հառաչեց.

— Ապա ինչո՞ւ ես մաշվել:

Անահիտը աչքերը հառեց Արտակին և սկսեց նայել նրան մի տեսակ օտարոտի, մտախոհ, կարծես նոր էր տեսնում նրան: Նայեց երկար, վերացավ, խորացավ և հանկարծ ընկավ Արտակի գիրկը: Ինքնամոռացությունը խլեց նրանց ուշքը: Կարոտները, խանդաղատանքները, սերերը հառաչանքով միացան իրար և մարեցին: Վիճը վշշում էր ներքևում: Թախծալի ծկլթում էր գիշերահավը, և ոչ մի մարդկային շշուկ չէր դողում սիրո սրբազան լուսթյան մեջ:

Արտակը ետ նստեց և թոթովեց Անահիտի ձեռքը.

— Դու հիվա՞նդ ես եղի...

Անահիտը գլխով «այո» ասաց և հոգնած՝ աչքերը խոնարհեց:

— Լավ, ինչո՞ւ էիր հիվանդանում: Կգայի, հո չէի կորչի: Տեսա՞ր եկա:

— Ի՛նչ իմանամ... գծվար էր... — մրժնշաց Անահիտը և խնց
նրա ձեռքը:

Արտակը թե՛ր տարավ նրա վզով և փարփեց մեղմակի:

Նրանք լռեցին: Արտակը նոր ակտեց զննել Անահիտին: Նոր նը-
կատեց, որ նա հավիլ էր, մաշվել իր բացակայության ժամանակ:
Միրո տանջանքը վեհացրել էր նրան և աճեցի գեղեցկացրել: Վսեմ
դեմքը ներշնչվել էր զգացմունքով և իժատտնացել: Խելացի էին
դառել նրա կերպարանքը, շարժումները, հայացքը: Նրանք, որ ի-
րար հետ չէին խոսել համարյա, որ չէին պատահել բացի մի ան-
զամից, իրար թվում էին հին մտերիմներ: Նրանք կարող էին հա-
զար ու մի դեպքեր պատմել իրենց կյանքից, այնպես, որպես թե
իրար հետ ապրել էին տարիներ:

— Անահիտ, ես ուզում եմ խոսել հորդ հետ...

Դուռը բացվեց, և վախեցած ներս վազեց Աստղիկը.

— Հայրի՛կը... իշխա՛ն...

Անահիտը ցնցվեց: Արտակը վեր թռավ և սահեց դուրս: Նոր
էր հասել իր դռան, որ սպասավորի լուսավորած սանդուղով բարձ-
րացավ Անահիտի հայրը: Արտակը նայեց նրա խստահայաց դեմ-
քին: Իսկ որ փուշ: Մտավ օթևանը և դուռը փակեց:

Երազը ցնդեց. բայց Արտակի ձեռքերի, շրթունքների, այտերի
վրա այրվում էր սիրած էակի մարմնի մեռաբար: Նա մոտեցավ
պատուհանին և նայեց դուրս: Վիհը, անտառը, քարափը, որ ան-
ցյալ գիշեր թշնամական էին թվում նրան, հարազատացել էին հի-
մա: Ամեն ինչ մտերիմ էր հիմա: Անգամ օթևանը, նրա սառ կամա-
րը: Հայրենիքի պես շերմացավ շուրջը ամեն բան: Սակայն նախ-
կին գիշերի խոռճքն ու անքնությունը, օրվա աչեկոծությունները
հոգնեցրել էին նրան: Նա պտռեց, աշքերը փակեց և շուտով հալ-
փեց անէության մեջ:

Հենց միևնույն գիշերը, երբ Արտակի և Անահիտի տեսակցու-
թյունը ամրոցի կյանքում մտցնում էր մի երազական շերմություն՝
մի այլ օթևանում, ճրագի օրորուն լույսի տակ նստել էր Ռշտունյաց
նախարարը և խոսում էր իր երկու հյուրերի հետ: Նա խոսում էր
զգույշ, երբեմն փսփսալով և նայելով գեպի դուռը, թեև այնտեղ ոչ
ոք չկար, և սենեկապետին խոսորեն հրամայել էր հեռացնել պա-
հակին և ինքն էլ հեռանալ դռնից: Ըստ եղևույթին շատ կտրեկոր
և խիստ զաղտնի գործի մասին դավադրություն էր, և երկու խոր-

Յըրդավոր անձնավորութիւնները այդ գաղտնի գործին հարկավոր
և ազգացիկ մարդիկ էին:

— Իսկ ա՛յս նախարարը ում կողմն է,— հարցրեց նրանցից
մեկը Ռշտունյաց նախարարին:

— Վարդանի կողմն է,— պատասխանեց Ռշտունյաց նախարարը,—
և վտանգավորն այն է, որ հարևանն է: Ուրեմն տեսե՛ք,
թե որքան զգուշ պիտի գործեք:

Հարց ավողը սուր ընկացքները ոլորեց և արծվային աչքերը
հառեց պատուհանից դուրս ականակիր խավարին:

— Մենք ուրիշ բաներ էլ կանենք,— ասաց նա,— երբեմն էլ
մարդիկ բաց կթողնենք դեպի Մոկաց աշխարհը հակառակ լու-
րերով:

— Այո, այո,— ձգեց Ռշտունյաց նախարարը,— կգնան կա-
սեն, որ այստեղ մենք քրիստոնեութեան սխառ ենք արեւ և զորա-
գնդեր ենք կազմում պարսից դեմ:

Նավագրութեան մշուս մասնակիցք՝ կապտաչա, շեկ գանգրու-
հեր գլուխը առաջ պարզած լսում էր՝ ջանալով բաց շթողնել ոչ մի
բառ: Նա լարեւ էք իթեն և խիստ աշխույժի մեջ էր: Դավադրութեան
կլբըր, որ նքա մեջ ըստ երևույթին եռում էր մշտական ուժով՝
այժմ շահագրգռել էր նրան: Միաժամանակ իշխանին ծառայելը,
ստրկանալը և հաճոյանալը ֆիզիկական պահանջ էր ինչպես նրա,
նույնպես և իր ընկերոջ համար: Նրանց ողնաշարով հաճելի սար-
սուռ անցավ, երբ նախարարն ասաց.

— Դե՛, ձեզանից հավատարիմ չունեմ ես իմ աշխարհում:
Գործը գլուխ բերեք, և ձեր վարձքը ոչ թե միայն ես, այլև արքայից
արքան կխմանա: Այսօր սեպուհներ եք, վաղը իշխաններ կդառնաք:
Սեպուհները մինչև հատակ խոնարհեցին գլուխները.

— Աստված քո սրտով տա, իշխան:

— Երկնուց գետին շնորհակալ ենք:

Ռշտունյաց նախարարը մտածեց.

— Ուրիշ ո՛ւմ կարող եք գործի մեջ գցել:

— Տեր իմ, — ասաց շիկահերը, տրորվելով և դրստվելով նըս-
տած տեղը,— սա հավատի գործ է. մենք այնքան շենք անի, որ-
քան հոգևոր մեկը: Չի՛ լինի՛ նրանց խառնենք գործին:

— Զանգակ երե՛ցը, ճշմարի՛տ, — վրա բերեց արծվաբիթը, —
սկիհ է ծախել մի վաճառականի:

— Մեզ էլ շծախի՞...— կատակեց իշխանը:

— Մեզ էլ կծախի,— ասաց շիկահերը,— և մեզ հենց այդպիսի մեկը հարկավոր կզա:

— Ճշմարիտ ես,— լուրջ խոսեց իշխանը,— մեզ պետք են ամեն ինչ ծախող մարդիկ:

— Այդ կողմից միամիտ կաց, տեր իմ,— ասաց շիկահերը:

— Բայց հավատարիմ էլ է,— նկատեց արծվաքիթը,— ամեն ինչ ծախող մարդուն վստահել կարելի է: Կտրուկ խելք է, ինչքան չիներ:

Ռշտունյաց նախարարը գոհունակությամբ լսում էր իր դավակիցներին:

— Դե, վերջացնենք,— ասաց Ռշտունյաց նախարարը,— մոգեր կբերենք մեկ-մեկ և իբրև պատահաբար ճամփորդներ, որոնք եկել մնացել են սրա-նրա տանը: Նրանք իրենց համար, ատրուշաններ կվառեն: Ո՞ւմ ինչ գործն է: Կաղոթեն իրենց համար, իսկ նայողները կընտելանան: Այսպես կամաց-կամաց մոգերը կմտնեն տները և կզայթակղեն ում կարող են:

— Ճշմարի՛տ աստված,— ասացին սեպուհները:

— Իսկ դուք զորագնդի մեջ կխմորեք կրոնի գործը: Հիմա գրնացե՛ք խաղաղությամբ:

Սեպուհները հրաժեշտ տվին և դուրս ելան:

Ռշտունյաց տերը ձգվեց, հորանջեց և ապա շտկվելով տեղում՝ ծափ տվեց: Ներս մտավ սենեկապետը: Նայեց և շիմանալով ինչ ասի՝ հարցրեց.

— Ի՞նչ կա ամրոցում:

— Կենդանություն, տեր իմ, ամենքը խաղաղ քնած են:

— Նախարա՞րը:

— Նույնպես քնած է:

— Կա՞վ: Պահակ դիր Անահիտի դռան:

— Ինչպես հրամայեցիր, տեր իմ:

— Ասողիկին, վարդուհի մայրիկին, իշխանուհուն հետևիր ում հետ են խոսում: Զգույշ, նախարարի հետ շպատահեն:

— Հրամանք ես:

— Տե՛ս. մահու կենաց խստությամբ ասացի այս բանը: Եթե մարդ իմանա՞՛ գնա՛ց գլուխդ:

Սենեկապետը սարսափեց.

— Տեր իմ, ե՞րբ եմ դավաճանել քեզ և խոսքդ գետին գցել, բերանս չորանա:

— Տե՛ս, սա ուրիշ բան է: Մոկաց նախարարը չպետք է պատահի ոչ թե Անահիտին— կսպանե՞մ քեզ— այլև նրա հարազատներին:

Սենեկապետն առաջ եկավ:

— Տեր իմ, իրավունք տուր: Քեզ հո չեմ հանդգնի խարել, թե ոչ ոք ոչ ոքի չի հանդիպել: Բայց կհանդիպեն նրանք իրար: Հեռացնենք մի երկու օրով Անահիտին ամրոցից՝ մինչև նախարարը մեկնի:

— Հեռացրո՛ւ:

— Այս առավոտ վաղ՝ քանի դեռ նախարարը քնած է՝ կուղարկեմ նրանց ագարակ. կասեմ պատվուկը պիտի խոտերով դարմանի նրան այնտեղ:

— Ասա՛ իշխանը հրամայեց:

Սենեկապետը դնաց:



Վրաց Միհրդատ թագավորը Վարդանի դեսպան սեպուհին ընդունեց պալատի դահլիճում, մի խորհրդականի և մի թարգմանի ներկայությամբ: Նա յոթանասունի մոտ, բայց շատ առույզ ծերունի էր վարդագույն դեմքով, արծաթ մազերով: Նա սրահայաց խելացի և մի փոքր թախծոտ աչքերը մտախոհ հառեց սեպուհին: Ըստ երևույթին նա հասկացավ, թե ինչ կլինեք այն նամակի բովանդակությունը, որ ձեռքին բռնած ներս էր մտել սեպուհ դեսպանը:

— Սպարապետի՞ց է,— հարցրեց թագավորը:

— Հրամայեցիր, արքա,— պատասխանեց սեպուհ դեսպանը և մոտ գնալով թագավորին՝ հանձնեց նամակը: Թագավորը բացեց մագաղաթը և տեսնելով, որ հայերեն է գրված, տվեց թարգմանին և նշան արեց, որ կարդա: Թարգմանը կարդաց, կրկին կարգաց և անգիր անելով բարձրաձայն ասաց նամակի բովանդակությունը.

«Թագավորին Վրաց, Սպարապետից Հայոց Վարդան Մամիկոնյանից ողջույն շատ:

Տե՛ր արքա. որքան գիտեմ Վրաստանին ևս հասել է պարսից արքայի՝ Հազկերտի հրովարտակը՝ ուրանալ քրիստոնեական կրոնը և ընդունել զրադաշտը: Քաջ գիտենալով քո երկարամյա փորձա-

ոությունը և հույսով լինելով իմաստությանդ վրա՝ վստահ եմ, որ նույնպես և դո՛ւ քաջ գիտես, թե ո՛ւր է տանում մեր երկրներին այս հրամանը: Հայերս մերժեցինք և վանեցինք մեզանից հրամանը: Արդ, եթե դու ևս, արքա, քո ժողովրդով հանդերձ կմերժեք և կվանեք շարանենդ հրամանը, ապա և ամենափուլթ պատասխանով տեղյակ կացուցիր մեզ ձեր վճիռն ու անելիքը: Ահավոր է ժամը և հապաղումը կործանարար:

Սպարապետ Հայոց՝ Վարդան»

Թագավորը երկար լուսթյուն պահպանեց և շարունակեց սուր հայացքով դիտել սեպուհ դեսպանին:

— Ի՞նչ է անում մարզպանը, — հարցրեց նա սեպուհին:

— Զանում է խաղաղությամբ վերացնել, — պատասխանեց սեպուհը:

— Խաղաղությամբ... — գլուխը շարժեց թագավորը, — պարսից արքաները ե՛րբ են խաղաղություն կամեցել: — Խաղաղություն չկա գայլի հետ: Դու ասա մարզպան է, մարզպանություն է անում:

— Ինչպե՛ս է Վարդանը, քաջառո՞ղջ է, — ժպտաց թագավորը մի փոքր հետո, — շա՛տ է գայրացել...

Խորհրդականը բազմանշանակ նայեց թագավորին:

— Հանդիսա չգիտե այդ մարզը, — ասաց թագավորը, — և հիմա նրա համար մեծ գործ բացվեց: Է՛է՛հ, պարսից օձը նոր չէ կծկվել պառկել կրծքներիս վրա: Ահա՛, կայինական զորքը լցրել է Տիգրիս՝ Մծխեթի և Ցուրտավի մեջտեղը: Շարժվելու հնար չի տալիս: Ի՞նչ խաղաղություն, մա՛րդ, — գոչեց հանկարծ բարկացած, — սա խաղաղություն է... Մա՛րդ. մի երկիր, որ իր զորքերը թաքցնի իր մեջ խուժած թշնամու զորքից՝ ի՞նչ խաղաղություն: Միևնույն բանը ձերը չէ՞: Կայինական զորքերով չե՛ն լցված ձեր բերդերը:

— Հայերս վճակ ենք դիմադրել, — ասաց սեպուհ դեսպանը, — միաբանել ենք մի ուխտի մեջ և պատրաստվում ենք պատերազմի, եթե բանը հասնի դրան:

— Դժվար գործ է, պատերա՛զմ... — գլուխը շարժեց խորհրդականը, — աստված հետու պահի...

— Ուրիշ ելք չունեն, — ասաց թագավորը, — տա աստված՝ շաբա խափանվի, քայց ո՛ւր... բանը կհասնի պատերազմի:

Քաղաքները խոհուն աչքերը գցեց հատակին և երկար լռեց:

— Կգրենք պատասխանը,— գործնական եղանակով հանկարծ դարձավ Քաղաքները սեպուհ դեսպանին,— մենք կարդացինք հրովարտակը, և իշխանները խորհում են պատասխանի մասին: Տաստված բարի միտք ամենքին՝ գանք համաձայնության: Հայերը մեր եղբայրներն են. նրանց կոխվը մեր կոխվն է: Հուսացե՛ք, աստծով մի բան կանենք:

— Ես Մոթեթում կսպասեմ պատասխանին,— ասաց սեպուհ դեսպանը:

— Սպասե՛ա: Ոչ, մի՛ սպասիր: Գու, գիտեմ, պիտի գնաս, եթե չես գնացել, Տուրտավ, Աշուշա բղեղխի մոտ: Գնա խոսի՛ր նրա հետ:

— Նրան ևս նամակ ունեմ Սպարապետից,— ասաց սեպուհ դեսպանը, չկամենալով ոչինչ բան Քաղաքներին Քաղաքներից և միաժամանակ հասկացնելով, որ ճախապատվությունը տվել է Քաղաքներին՝ առաջ գալով նրա մոտ:

— Տո՛ւր նամակը, թող կարդա, մտածի: Բղեղխը խելացի մարդ է,— ասաց Քաղաքները,— մինչև գնաս մտքը և գաս մեր պատասխանը պատրաստ կլինի: Գուցե բղեղխը գա այստեղ: Այդ էլ հետո կերևա: Այսպես լավ է, չէ՞,— դարձավ խորհրդականին Քաղաքները:

Խորհրդականը թևերը կրծքին խաշածեալ խոնարհություն արեց Քաղաքներին:

— Այսօ՛ր կմեկնես Մոթեթ,— հարցրեց Քաղաքները սեպուհ դեսպանին:

— Այո, արքա:

— Շտապիր: Այս գործերը շուտ վերջացնելու գործեր են: Շատ որ ձգձգվեն՝ նոր փորձանքներ կհայտնվեն:

Սեպուհ դեսպանը բացատրեց ուրիշ նոր հանգամանքներ, որով ավելի իրազեկ դարձրեց Հայաստանի մասին:

Երբ նա հեռացավ, Քաղաքները արագ շրջվեց դեպի խորհրդականը:

— Իշխաններն այնօր վերջնական խոսք չասացին: Նրանք բացասում են Աշուշային: Իսկ ես երկյուղ եմ կրում, որ Աշուշան էլ սպասի իշխաններին և գործը իրոք որ ձգձգվի: Պարսիկները վճռել են հարվածել մեր երկրներին և վերջ տալ իշխանութուններին: Արշակունջաց Քաղաքներների օրը պիտի գցեն մեզ, և ինձ՝ հայոց վեր-

շին թագավորի: Պետք է կովենք հայերի հետ կողք-կողքի: Ուրիշ
եւք չկա:

Խորհրդականը գլուխը շարժեց հավանության նշանով և թեթե
խոնարհութիւն տվեց թագավորին:



Աշուշա բղեշխը սեպուհ դեսպանին ընդունեց զուսպ և լուրջ:

— Ինչո՞ւ մարզպանը չեկավ եկեղեցի...— հարցրեց նա ծան-
րահայաց նայելով դեսպանին,— ինչո՞ւ շտտրագրեց պատասխան
նամակը... ինչո՞ւ էր հակառակում նախարարներին...

— Հայտնի է թե ինչու, տեր բղեշխ,— պատասխանեց սեպուհ
դեսպանը,— նա մարզպան է...

— Մարզպան է,— ընդհատեց ու շեշտեց Աշուշան,— գործը
դժվարին է: Դա պատերազմ է, մտածե՞լ եք այս մասին: Մտա-
ծե՞լ եք, որ այսպիսի պատերազմներ պիտի մղի նա, ով համոզ-
ված է հաղթութեան: Ամեն բան խաղի է դրվում այստեղ. «կամ
մենք, կամ նրանք»:

Սեպուհ դեսպանը իսկույն շխոսեց: Նա սպասեց մի պահ, որ
բղեշխի մտքերը հավաքվեն, և ապա ասաց.

— Մտածված է ամեն բանի մասին, տեր բղեշխ, բայց ուրիշ
աչ մի եւք չկա:

— Եւք կգտնվի: Ես կողմնակից չեմ ձեր վասակին. այդպես
հեռու կանգնելը խելացի բան չէ: Նա պիտի մոտենար նախարար-
ներին և համոզեր ժամանակ շահել: Իսկ գիտե՞ս ինչ բան է ժա-
մանակ շահելը: Դա հաջողութիւնն է:

— Եթե հաջողվի այդ հաջողութիւնը,— ասաց սեպուհ դես-
պանը տխրութեամբ:

— Ամեն բանի հնարը կա, եթե մարդ ուզենա որոնել, գտնել:
Պարսիկներին լավ եմ ճանաչում: Նրանք անձանձրույթ կպնդեն ի-
րենց միտքը, պահանջը. իսկ երբ տեսնում են, որ հնարագետ ես,
զգուշանում են մինչև վերջը հարձակվել վրադ: Տեսնո՞ւմ ես, ինչ-
պես են դրել հավատքի պահանջը: Հո հավատքի բան չէ իսկապես,
երկրի պահանջ է, կամենում են վերջ տալ մեզ: Բայց խոսում են
ուրիշ լեզվով: Զգուշանում են: Ատյաններ են սարքում, դատ, դա-
տաստան, չգիտեմ ինչ հորս ցավերը: Վախենում են ուղիղ գնա-

լուց: Այո, այո, ժամանակ շահենք: Դու մի մնա այստեղ: Գնա Սպարապետիդ մոտ և իմ կողմից ամենախոնարհ ողջույն տար, ասա կպատասխանեմ անձամբ:

Սեպուհ ղեսպանը խոնարհություն արեց:

— Ասա Սպարապետին, որ ես մարզպանի հետ ևս համաձայն չեմ: Գործը ուրիշ կողմն է շրջվելու, և հույս կա խաղաղությամբ վերջացնելու պարսիկների հետ:

Սեպուհ ղեսպանը հեռացավ Աշուշայից դժգոհ: Բայց միաժամանակ զնահատեց նրա զգուշավորությունը:— «Դիտե իր գործը»,— ասաց մտքում սեպուհ ղեսպանը և դուրս գալով ապարանքից՝ ճանապարհ ընկավ Թագավորի մոտ:

Կեսօրին մոտ հասել էր մի աղբյուրի: Իջավ ձիուց և սանձը տալով թիկնապահին զնաց ընկողմեց դալար խոտի վրա, ստվերի տակ: Աղբյուրի մոտ նստել էր մի վրացի շինական, որ լայնացնում էր աղբյուրի գուռը: Ուժեղ, կոշտերով ծածկված մատները դանդաղ ու հաստատ քաշում էին խիճ ու ավազը: Շինականը խոսում էր ինքն իրեն.

— Ջուր են խմում ու շեն հոգում, որ աղբյուրի ակը շշորանա: Բա մի անգամ են խմելու ջուրը, էլ շե՛ն խմելու:

— Բարի աջողում,— ասաց սեպուհ ղեսպանը:

— Բարին արևի՛դ,— պատասխանեց շինականը առանց վեր նայելու,— նստի՛ր, այս է, ջուրը կպարզվի:

Սեպուհ ղեսպանը արդեն ընկողմանած էր և ժպտալով նայում էր շինականի ջանադրության: Վերջացնելով գործը՝ նա վեր նայեց և տնտղելով սեպուհ ղեսպանին՝ հասկացավ, որ օտարական է:

— Ո՞ր աշխարհից ես, սիրելիս,— հարցրեց նա մեղմորեն:

— Հայաստանից:

— Երևում է, մորթդ սև է: Առ գավը, խմի՛ր,— առաջարկեց շինականը փայտե շերեփի նման մի աման:

Սեպուհ ղեսպանը ընտրեց ջրի պարզված տեղը և սկսեց խմել:

— Լավ ջուր է,— ասաց նա:

— Դե մի լավ ջուր, մի կտոր էլ լավ հաց՝ հերիք է, որ մարդ ուրախ ապրի:

— Ի՞նչ է, չկա՞,— հարցրեց սեպուհ ղեսպանը:

— Ինչո՞ւ չկա: Ջուր էլ կա, հաց էլ կա, եթե թողնող լինի, որ մնաս քո հաց ու ջրին:

— Ա՞յլ է խլում որ...:

— Ա՛յլ ո՞վ նստած է Տփղիսի բերդում: Պարսից թագավորից հրաման են բերել, որ հավատքներս ուրանանք:

— Է՛, շե՛ք ուզում ուրանալ:

— Լավ, ինչի՞ է ուզում, որ ուրանանք: Հոգիներիս փրկութեան համա՛ր, եղբա՛յր, Հազկե՛րտը ուր, ե՛ս ուր: Հիմի նա Տիգրոնում նստած ի՛մ ցավն է քաշում, որ հոգիս մյուս կյանքում փքրկվի: Սաբայի հոգին, որ դժոխքի կայրի կարասում խլթխլթա՛ Հազկերտի ջանը դուրս կգա՞, թե՞ կթարակի նրա ցավից:

— Ապա ի՞նչ է ուզում Հազկերտը, — ժպտաց սեպուհ զեսպանը:

— Ստառանա՞նք ո՛չ գիտե իր գլուխը: Մի շար բան կռահեն մտքում: Թագավորը ե՛րբ է բարի բան մտածել շինականի համար:

— Ապա որ կռիվ գա ձեր երկրի վրա, ի՞նչ կանես, — հարցրեց խորամանկ ժպտով սեպուհ զեսպանը:

— Է՛, եղբայր, որ կռիվ գա՛ բա աշխարհքը կվերցնես կտաս, թե առ տա՛ր... Բայց բռնակալը ուժեղ է, անիծվի՛ դրա ծնած օրը: Ա՛ն, խռի...

Սեպուհ զեսպանը շնորհակալությամբ հայտնեց, կրկին խմեց և ապա հրածեղտ տվեց սրտացավ շինականին:



Թագավորի մոտ հավաքված վրաստանի իշխանները վճռում էին Հազկերտի հրովարտակի պատասխանը: Ալնտեղ էին նաև Աշուշա բղեղյը և նրա որդին՝ Վազգենը:

Թագավորը առաջարկելով իշխաններին վճռել պատասխանը՝ թույլ էր տվել, որ նրանք դեռ հայտնեն իրենց բոլոր կարծիքը այս մասին: Նա կամենում էր սկզբից լավ իմանալ նրանց բուն կամքը, որ հետո կարելի լիներ հենվել դրա վրա:

Խոսում էր Արտան իշխանը, որի կարծիքը կշիռ ուներ իշխանների մեջ:

— Ես չեմ կարողանում լավ հասկանալ, — ասում էր նա, — թե ի՞նչ բան ունենք մենք հայերի հետ: Իրենց գործն է, կկռվեն, կհաշտվեն պարսիկների հետ, կուրանան հավատքները, կպաշտ-

պանեն: Մե՞նք ինչու ենք անցա՛յլ գլուխներս դնում ամետարանի տակ:

— Շատ ճշմարիտ է խոսում իշխանը, — ասաց մի իշխան, որ հեռու նստած էր իր բարձին:

— Մենք մեր գործը կրոնենք մեր հանգամանքների համաձայն, — շարունակեց Արսեն իշխանը, — կարելի է կհաշտովենք՝ կխոստանանք, որ ժամանակ տա արքայից արքան, կձգձգենք, և շարը կխափանվի:

— Եվ կխափանվի, — ձայն տվին մի քանի իշխաններ այս ու այն կողմից:

Փագավորը, որ համբերությամբ լսում էր, տեսավ, որ գործը չրջվում է ուրիշ կողմ:

— Իսկ եթե Հազկերտը չզիջի՞... Եթե պնդի իր պահանջները, ի՞նչ կանենք, — հարց տվեց նա բոլորովին հանգիստ:

Յգրսենը վիրավորվեց: Նա մեղմ շարությամբ նայեց թագավորին և ապա խոսեց զսպելով իրեն.

— Եթե պնդեց՝ կգտնենք հնարը: Առայժմ խնդրենք, որ մեզ ժամանակ տա:

— Հայերին որ խեղդեց՝ էլ մեզ ժամանակ չի տա, — խեթ նայելով Արսենին ասաց Վախթանգ իշխանը: — Հազկերտը այս պահին հայերին է հետապնդում: Բայց հետո մենք կկանգնենք դեմ դիմաց, երբ... հայերը վերջանան...

Արսեն իշխանը գլուխը բարձրացրեց:

— Այն ժամանակ է՛լ կսպասենք, մինչև կկանգնենք դեմ գիմաց: Ինչո՞ւ ենք հենց այս գլխից մենք սկսում: Թող սկսի պարսիկը: Կսկսի և կտեսնի թե ինչ կանենք: Ես Վրաստանը պարսիկներին տվողներից չեմ...

— Բայց ե՛րբ ես ավելի ուժեղ, երբ հիմա՞ ես կանգնում նրա դեմ, թե հետո, երբ մենակ ես, — հարցրեց Վախթանգ իշխանը:

— Երբ հայերի հետ գործը կվերջանա, երբ ժամանակ կանցնի՝ բանը բան ցույց կտա: Հիմա գործի տաք ժամանակն է, տաք գլուխ շարժե մեջ մտնել:

Իշխանները լռել էին և ըստ երևույթին ազդվել Արսեն իշխանի խոսքերից: Փագավորը բարվոք համարեց դարձյալ սպասելը նա ուզում էր, որ բոլոր հակառակորդները սպառեն իրենց պատճառաբանությունները:

Այդ միջոցին խոսք վերցրեց Աշուշա բղեղխը.

— Ես, տյարք, ուրիշ կերպ եմ նայում գործի վրա: Այսօր այսպես հեշտ ու անփորձ դուրս գալ արհավիրքի տակից չենք կարող: Այսօր այսպես ենք խոսում, որովհետև մեր կողքին հայերն են, դեռ ուժ ունեն, դեռ կանգնած են պարսիկների դեմ, դեռ մենք էլ պատասխան չենք տվել, դեռ արհավիրքը չի եկել անցել երկրի վրայով: Կալ է խոսում Արսեն իշխանը, որ ժամանակ շահենք, երբ հերթը կհասնի մեզ: Մեր հերթը հասել է արդեն, մեզ հրովարտակ են ուղարկել, մենք գործի մեջ ենք արդեն: Կզնանք հայերի հետ, կըտանք հիմա մեր պատասխանը և նայած դեպքերի ընթացքին կորոշենք հետագա անելիքը: Ոչ ամենից վերջը մենակ մնալն է մեզ փրկելու և ոչ էլ սկզբից ամենքի հետ գնալն ու անխոհեմ ուժերն սպառելը: Մեծ գործեր չըռնենք, գործերից էլ չքաշվենք: Բայց գործ պիտի անենք հիմա:

— Ի՞նչ պատասխան տանք Հազկերտին,— հարցրեց Թագավորը:

— Հայերի նման մի պատասխան,— անսպասելիորեն խոսքը շրջեց այս կողմ Աշուշան,— այն, որ չենք թողնում մեր հավատքը: Հետո հայերի հետ մասին կտեսնենք, թե որ կողմն է շրջվում գործը: Գուցե հայերի հետ կլինենք, գուցե հայերին կտանենք մեր ճանապարհով: Բայց քանի մենք ևս ուժ ենք հայերի նման, չթուլացնենք մեզ՝ քաշվելով գործից:

Արսեն իշխանը զայրացավ: Աշուշան իբրև թե նրա ասածն էր կրկնում, բայց վերջը ծոեց այլ կողմ:

— Ես չեմ հասկանում... գլուխս չի մտնում,— ձայնը բարձրացրեց նա,— թե ինչո՞ւ մենք պետք է արյուն թափենք... Ի՞նչ խնչ է սա...

Թագավորը ձեռքով հանդարտեցրեց նրան և մեղմ հանդիմաներեն ասաց.

— Ես ևս չեմ հասկանում, թե դու, որ մտածում ես, ճիշտ է, Վրաստանի բարիքի մասին, որտե՞ղ ես տեսնում այդ բարիքը... Ո՞ւմ համար ենք արյուն թափելու. հայերի համար՞ միայն, թե՞ հայերը մեզ համար միայն: Իմացիր, իշխան, որ պարսիկները մեզ չեն խնայի...

— Նրանք մեզ հետ լավ են,— ասաց Արսեն իշխանը:

— Ո՞րն է մեզ հետ լավը,— ձայնը իր հերթին բարձրացրեց թագավորը,— Տփղիսի կայնական գո՞րբը, դաժան հարկահանութիւնը, այրուձի հանե՞լը քուշանների դեմ, թե՞ աղջիկներ ու պատանիներ քաշելը իրենց պալատների ու կանանոցի համար: Մեզ հետ, ո՞չ, լավ չեն, մեզ հետ այնպես են, ինչպես իրենց հպատակների հետ:

Թագավորը հետզհետե բորբոքվեց և վեր կացավ տեղից.

— Մեզ ազատութիւն է պետք, մենք պետք է փրկենք մեր երկիրը, պատիվը, անկախութիւնը: Մենք պիտի գնանք հայերի հետ:

Թագավորը երկար խոսեց, խոսեց ջերմությամբ, սրտմտած և համոզված: Նրա խոսքը թափանցեց ժողովված իշխանների սրտի մեջ: Անցավ վարանքը, նրանք շարժվեցին:

— Ճշմարիտ է, ճշմարիտ,— խոսեց թագավորը,— կգնանք հայերի հետ. մեր թշնամին պարսիկն է:

— Երբեք չենք հաշտվի պարսիկների հետ՝ քանի ազատ ենք,— կրկնեց իր խոսքը թագավորը,— մեզ հետ հաշտ կլինեն այն ժամանակ, երբ ազատ կլինենք...

Մերունի հին զորականի խոսքը հմայեց իշխաններին: Նրանք վեր կացան տեղներից: Ապա բոլորը թագավորի գլխավորությամբ գնացին տաճար՝ ձևակերպելու Վրաստանի պատասխանը Հազկերտի հրովարտակին, որի ձևական առաջադրանքին պետք է ձևակերպված պատասխան կազմեին հոգևոր հայրերը. «Հավատքը չենք ուրանում»:

Այսինքն՝ հայրենիքը...

Ժողովրդի հոծ բազմութիւնը եռում էր տաճարում: Զայրույթը պոռթկաց այն պահին, երբ կաթողիկոսը կարդաց կրկին անգամ Հազկերտի հրովարտակը: Ժողովուրդը, որ ներկա չէր եղել պալատի ժողովին, շատ վճճական և արագ շրջեց գործը դեպի մերժումն.

— Չենք ուրանում մեր երկիրը, մեր ազատութիւնը,— գոչեց բազմութիւնը,— այն էլ հերիք չէ՞, որ նստած են մեր կրծքին... Կրեցեք պատասխանը— չենք տալիս երկիրը...

Կաթողիկոսը կրկին անգամ հարց տվեց թագավորին, իշխաններին և ժողովրդին.

— Հոժա՞ր եք մերժման մինչև վերջ, ո՞ւրտ եք կնքում:

— Հոժա՞ր ենք, հոժա՞ր, ուրտ ենք անում, — գոչեց բազմությունը:

Թագավորը հավանության նշան արեց և պատվիրեց կաթողիկոսին գրել մերժողական պատասխան:

Երբ դուրս էին գալիս տաճարից, Վազգեն իշխանը բարձրաձայն խոսեց, որ թագավորը լսի.

— Տեսնեմ ինչպե՞ս եք պաշտպանում Ալանաց Գուռը, պարսիկների վրա գնալով:

Հարվածը զգալի էր: Թագավորը անգամ կանգնեց և ետ նայեց Վազգենին:

— Ծշմարիտ ես ասում իշխան, բայց հոներն ու ալանները ավելի մեծ բազմությամբ կլցվեն Վրաստան, եթե մենակ մնանք:

Սակայն Վազգենի խոսքը շարագույժ հնչեց իշխաններից շատերի ականջին:

Սպառնալիքը և զգուշացումը իրական էր...

Երկու օր անց Վրաց թագավորը նամակ տվեց սեպուհ զեսպանին Վարդանին ուղղած: Նամակում հայտնում էր, որ վրացիները պատրաստ են հայերի հետ դիմադարձ կանգնել Հազկերտին և կօգնեն հայերին ինչով որ կարող են:

Սեպուհ զեսպանը զարմացավ, երբ պալատում տեսավ Աշուշա բղջիխին ուրախ զրուցելիս թագավորի և մյուս իշխանների հետ:

— «Ենկացի մարդ է», — կրկնեց մտքում սեպուհ զեսպանը:



Նոր էր լուսացել, որ Գյուտի, Կողակի և Խոսրովի աչքերի առջև գաշտի հեռաստանում ծխաց Նյուշապուհ քաղաքը: Հողաշեն մանր ու տափակ տները մեջմեջ ու խիտ աղյուսի դարսվածքներ էին հիշեցնում: Անապատի խիստ մերկության հաջորդում էին հողի

պարսպի միջից երկինք ցայտող բարդիների և այլ նորականաչ ծառերի շատրվանները: Երբ մոտեցան քաղաքադռան, ուղտերի կարմրադեղին կարավանը ընդառաջեց նրանց: Նրանք ապրանքների հակեր էին օրորում իրենց մեջքերի ալիքներով: Նրանք գնում էին այն վայրերը, ուր կարելի էր փոխանակել: Կարավանը զնգաց ու անցավ: Ճանապարհորդները մտան քաղաք: Իսկույն կեղտոտ տների բարդ ու ծանր հոտը, խառն ծխի և փոշու հետ շոշափեց նրանց հոտոտելիքը: Բակերի ցեխերը հունցող մանուկներ, դռան հողի նստաբաններին արձանացած՝ աչքերը ցավոտ ծերուկներ, կանաչ՝ մրից, կեղտից փայլող ձորձերը հագներին, մերկանդամ փոքրիկ աղջիկներ հրաշալի խոշոր աչքերով և դեռատիներ՝ կնճռոտած ու ապքած դեմքերով: Անցան շուկան, որ բուլոբակ ձգվում էր քաղաքի մեջտեղը, փոշոտ ու ցեխոտ, սատկած կատունների ու կենդանիների կմախքների հոտով: Օդի մեջ մլլվում էր թանձր ծուխը, որ բարձրանում էր մշտավառ կրակի ատրուշաններից: Մեհյանների սևացած գոններից ևս դուրս էր հոսում այդ դառն ծուխը: Ծերսից լսվում էին մոզերի արարողական, ռեգային մեղեդիները և մուլեռանդ կոշերը խոպոտած կոկորդներից:

— Որտե՞ղ է Միհրնբրսեհի ապարանքը, — հարցրեց Գյուտը խոսքովին:

Խոսքովը չպատասխանեց՝ ըստ երեւոյթին արդեն ուշքի եկած ճանապարհի ստորացումներից և իրեն զգալով կրկին բարձր և տիրակալ դիրքում:

Գյուտը դիմեց իրենց հետ հավասար գնացող մի հեծյալ սիպահի:

Միպահը ցույց տվեց քաղաքի բարձրաբլուր մասը, մի ընդարձակ աղյուսե շենք:

— Ես բո հարսանիքը կանեմ, խոզի ճուտ, նետեց Գյուտը Խոսքովին և նծույզը ասպանդակեց, ընկավ առաջ՝ թողնելով որ իր հետևից նվաստացած քարշ գա Խոսքովը:

— Հարամանի զավակ, — քթի տակ մոմուաց դեղնած այտերը կծկելով Խոսքովը:

Նվ փորձեց հասնել, առաջ անցնել Գյուտից: Սակայն Գյուտը թույլ չտվեց, և երբ Խոսքովը հավասարվել էր իրեն, մտրակեց նրա նծույզի մուկին: Նծույզը մի կողմ ցատկեց, Գյուտն ընկավ

առաջ: Մի բանի ակնթարթում արդեն ապարանքի առջև էին կողպե-
կի և իր թիկնապահների հետ:

Զինվորները կտրեցին նրանց ճանապարհը:

— Պատգամավոր ենք Հայաստանից,— ասաց Գյուտը:

Զինվորների մեծավորը զննեց Գյուտին և որոշեց նրա իշխանի
հանգամանքը:

— Ներողամի՛տ եղիր, տե՛ր իմ,— ասաց նա,— Հազարա-
պետը ներս չի ընդունում: Հյուրատունը այս կողքի բնակարանն է:

— Իսկ այն պարսիկ սուրհանդակը կարո՞ղ է ընդունվել,—
հարցրեց Գյուտը ցույց տալով խոսրովին:

Մեծավորը ճմլվեց և ասաց կիսաձայն.

— Պարսիկ պաշտոնյաներին կընդունի... Հրամանն այդպես
է, տեր իմ...

— Բարի՛,— ասաց Գյուտը,— առաջնորդի՛ր ինձ հյուրատուն:
Գնացին: Հյուրատան տերը առաջ եկավ և զննելով Գյուտին՝
խոնարհ ողջունեց ու կեղծ ուրախությամբ ներս հրամցրեց.

— Տունը ձե՛րն է, հրամայեցե՛ք:

Գյուտը նայեց Միհրներսեսի ապարանքի կողմը, տեսավ ինչ՞
պես զինվորները խոնարհ ողջունեցին խոսրովին, խլեցին ձիու
ասպանդակները, մեղմով վայր բերին նրան և այնպես զգույշ
թևերն ընկած տարան ապարանքի դռնից ներս՝ կարծես նրբին ճե-
նապակի լինելով:

Գյուտը դարձավ հյուրատան տիրոջը:

— Խոզերը կարո՞ղ են մտնել ապարանքը:

— Խոզե՛րը,— զարմացավ հյուրատան տերը:— Խոզերը շեն
կարող: Միայն շները կարող են:

— Կնշանակի ներսը շներ կա՞ն,— հեզնեց կրկին Գյուտը:

— Կան:

— Ի՞նչ լեզվով են խոսում:

— Ոչ մի լեզվով:

— Ծն էլ եմ կարծում ոչ մի լեզվով:

Գյուտը մտավ ներս: Չնայած ցեխի աղյուսով կառուցվածքի
արտաքին անշքության՝ հյուրատան ներսը շատ էր շքեղ, ուրախա-
տես ու կոկ: Կամարակապ դռան անցքից հետո բացվում էր մի
այլ դուռ և ապա սանդուղի աստիճանները բարձրանում էին դեպի

պարտեզը, որի շուրջը շարված էին փոքր ու մեծ օթևաններ, պատրջգամների հետև: Փոքրիկ դռների կամարները խճազարդված էին ճենական գուլջգուլյն թրծվածքներով:

Գյուտին և Կողակին, ինչպես նաև նրանց թիկնապահներին հատկացրին առանձին օթևաններ: Սպասավորները խմբվեցին դռանը՝ պատրաստ հրամանի: Առհասարակ քաղաքավարութունը, ոչ անխառն շողոքորթությամբ և քծնանքով՝ մեղմացնում էր շըրջապատի մթնոլորտը:

Մտնելով օթևան՝ Գյուտը լվացվեց, հրամայեց թիկնապահին հանել նոր զգեստներ նախշուն խուրջիներից, հագնվեց և նստեց բարձին, հենվելով կրնակի բարձրին:

Խորտիկներ և գինի մատուցեցին, որին շմասնակցեց Կողակը: Գիրքերը ճշտվեցին այստեղ: Կողակը ստորադաս պաշտոնյա՝ իրավունք չունեի իշխանի հետ նստել: Սա կարևոր էր նաև այլ նըկատառումներով:

Կողակը շհամաձայնեց նախաճաշ ընդունել: Նա հայտնեց, որ նախարարից հետո միայն իրավունք ունի նախաճաշել: Նա գնաց և շոքած նստեց Գյուտի առջև, դռան մոտ: Հյուրատան տերը և սպասավորները իրենցը վերցրին՝ տեսնելով այս ձևերը, և պատկառանքը խստացրին: Նրանք անձայն քայլերով ելմտելով, իրենց վրա գրավեցին ուշադրութունը հյուրատան այլ հյուրերի, որ իշխաններ ու մեծամեծներ էին՝ եկած Միջագետքից, Հնդկաստանից, Հունաստանից և Կովկասի լեռնաստաններից: Կերպարանքների ու տարազների խառնուրդը աշխուժացնում էր հյուրատան բակը:

Գյուտն ավարտեց նախաճաշը, կանչել տվեց հյուրատան տիրոջը. հարցրեց, թե ո՞վ պիտի զեկուցի Միհրներսեսին իր ժամանումը:

— Ես կկանչեմ արարողապետի պաշտոնյային:

Հյուրտան տերը դուրս ելավ:

— Լավ եղավ, որ շունը մեզանից առաջ մտավ ապարանք,— ասաց Կողակը:

Գյուտը շխոսեց:

— Ինչո՞ւ,— սթափվելով հետո, հարցրեց Գյուտը՝ թերահավատ ձայնով:

— Առաջինը նա կզանգատվի Միհրներսեսին, սա կկատաղի, հետո կկարդա պատասխան թուղթը՝ նորից կկատաղի:

— Եվ այդ խելքով պիտի մտնես ապարանք:

— Երեսուն տարի է, մի բարկանա, մարդպանի պաշտոնյա եմ և այս խելքով ծառայել եմ նրան:

— Իսկ գիտե՞ս, թե ինչ կդառնա դդումը, եթե երեսուն տարի ծառայի մառանին:

Կողակը սուր նայեց նրան և անվրդով պատասխանեց.

— Դդումը փտում է, տեր իմ: Իսկ ես դդումի մասին շեմ խոսում, այլ Կողակի խելքի մասին: Եթե մենք,— շարունակեց նա հանգիստ ու դանդաղ՝ կարծես ինքն իր հետ էր իմաստասիրում,— եթե մենք վրա հասնեինք Միհրնեբոսեհի զայրույթի առաջին թափին, պատվավոր ընդունելութունը մեջտեղ ոտնատակ կգնար: Իսկ այսպես՝ կհաշի, կհաշի, և մենք վրա կհասնենք անվնաս մըրմըռոցի ժամին:

— Զէ, խելքդ նման է... խելքի,— ուրախ հեզեց Գյուտը:

— Պալատական է,— աշխուժացավ Կողակը,— իսկ ինչ վերաբերում է դդումին՝ դա բանջարանոցում է բուսնում:

Կողակը շատ ավելի տակետակն էր և խորամանկ, քան ցույց էր տալիս: Նա դիտմամբ դիմում էր պարզամտության՝ թաքցնելու իր խորամանկութունը:

Եկավ պաշտոնյան: Նա շքեղ հագնված էր: Մանրակշիռ ողջունեց Գյուտին և գեղեցիկ, երիտասարդ դեմքին պատշաճ լրջութուն տալով, կրնաժպիտ ասաց.

— Հազարապետը շի կարող ընդունել այսօր: Տեղապահը հրամայեց հայտնել ձեզ, որ սպասեք հրավերի:

— Իսկ ինչո՞ւ այդպես,— առանց վրդովմունքը թաքցնելու հարցրեց Գյուտը:

Պաշտոնյան խիստ ու զուսպ պատասխանեց.

— Ավելին ավելորդ է. ձեզ հայտնեցի բոլորը:

Եվ ետ շրջվեց ու արագ հեռացավ:

Արյունը տվեց Գյուտի գլուխը: Նա զայրացավ: Եվ զայրույթն ավելի եղավ, որովհետև պաշտոնյան խոսեց հյուրատան տիրոջ ներկայության: Վերջինս հեռացավ, և Գյուտն սկսեց շարացած անցուղարձ անել:

— Մի՛ վրդովվի,— ասաց Կողակը,— երիկամդ կդառնանա: Ես վրեժը կհաննեմ: Ինչքան չլինի՝ հայ եմ և սլունեցի:

Գյուտը ձայն շհանեց: Նվաստացումն այնքան ազդեց նրան, որ ձեռները դողում էին: Շուտ-շուտ մոտենում էր դռան՝ կամենալով դուրս գալ, մի բան անել: Բայց ո՞ւր գնալ... Շուրջը Պարսկաստանն էր՝ հազարավոր փարսախներ հեռու նրա հայրենի երկրից: Եվ ո՞ւմ պատմի իր նվաստացումը, ումեից լսի հնարը վրեժխընդրության, ո՞վ է իր պատշպանը՝ եթե հանկարծ իրեն բանտարկեն: Նա այժմ պարզապես զգում էր, որ իր առաքելութունը ջուրն է ընկնում: Նա հիշեց, որ բանակում հայ իշխաններ և հայ զորք կա:

Բայց ո՞ւր են նրանք, որքա՞ն մոտ և որքան հեռու: Եվ ի՞նչ կարող են անել նրանք:

Կողակն էր միայն անվրդով: Նա գլուխը թափ տվեց և մի եղանակով, որ նոր էր և ազդու՝ ասաց.

— Լսիր ինձ, տեր իմ, թողնենք ճանապարհի կատակները: Ոչ դու ես անմիտ և ոչ ես՝ անփորձ: Եկ մտաժենք ինչ անենք: Արքայից հույս չկա, պարզ է: Նա անխելք է և կատաղի: Միհրներսհհը խելացի մարդ է. նրա բարկության մեջ խելք կլինի: Եկ բռնենք նրա պատմունճանը և ճանապարհը բանանք: Խելացի թշնամին կես բարեկամ է:

Գյուտը այս անգամ ականջ կախեց ժերուկի խոսքերին: Մանավանդ որ՝ ուրիշ ոչեիչ էլ չէր մտքւմ անել:

— Հը՛մ... կես բարեկա՛մ,— ձգեց Գյուտը մտախոհ:

— Ախր խելացի թշնամին, որ թշնամացել է՝ խելացի գործի մեջ է թշնամացել: Ապա՞ առաջարկիր խելացի հաշտություն՝ տես չի՞ ընդունի: Հազկերտը խելագար վագր է, որ առաջը երեք ոչխար էլ գցես, միևնույն է, քեզ պիտի հոշոտի: Միհրներսհհը մեր կրոնափոխն է ուզում, ոչ թե մեր պատիժը:

Գյուտը ժպտաց դառն ու հեգնորեն:

— Լավ, բավական է,— ասաց նա դժկամ:

Կողակը նայեց նրան: Հանգիստ էր այդ հայացքը՝ բայց նրա մեջ խաղացին երկու հազիվ նշմարելի կայծեր: Նա գնաց պարտեզ քթի տակ մոմուալով իր դիտեցած միակ եկեղեցական եղանակը:

Նրա տրամադրությունը վառ չէր:



Խոսրովին ընդունեցին պահականոցի առաջ, նժույգները թիկնապահի հետ ուղարկեցին ապարանքից դուրս, նրա հետևի ախոռները, իսկ իրեն տարան մի քանի բակով ներս և մի բակում կանգ առան: Այդտեղ նա սպասեց շատ երկար, մինչև եկավ պաշտոնյան և հայտնեց, որ Միհրնբրսեհը հրամայեց ներկայանալ: Խոսրովը գնաց: Նա ծանոթ էր ապարանքին: Հասնելով վերջին մեծ բակին, որ պարտեզ էր միաժամանակ, նրան սպասավորը առաջնորդեց խորքում բարձրացող մի առանձնյակ, որ խոնաստանն էր՝ պալատը և որի պատերը ամբողջովին պատած էր գույնզգույն քարերի հազվածքով: Խոսրովը սենեկապետի առաջնորդությամբ մտավ ներս և երբ նրա առջև սպասավորը քաշեց մետաքսե վարագույրը հանդիսավոր բացվեց կիսաստվեր մի սրահ: Ուղիղ դիմացը, պատի քանդակեն վառարանի առաջ բարձին նստել էր մի շորակազմ ծերուկ: Նա թևերով հենվել էր թավիշ ու մետաքս բարձերին և թըվում էր քնած: Նրա կավիճն դեմքի անշարժ, փոքրիկ աչքերը հառել էին մի կետի և շէին մատնում ծերուկի ոչ միտքը և ոչ կիրթը, որոնք թաքնված էին շատ խորքում: Նրա առջև թափթփած էին մազադաթե ոլործուն փաթեթներ, մելան և եղեգն:

Խոսրովը չոքեց դռան առջև: Մերուկը քթով նշան արեց, որ նա մոտ գնա: Խոսրովի հետևը կանգնած սենեկապետը շնչաց նրան, որ մոտենա: Խոսրովը առաջացավ և կրկին չոքեց:

Մերուկն իր մեռելի կավճային դեմքը շարժելով նայեց նրան խորն ու մնայուն հայացքով և շրթունքներով նշան արեց Խոսրովին, որ խոսի:

— Ամենաողորմած Հազարապետ տե՛ր իմ. բերել եմ հայոց մեծամեծների պատասխան թուղթը քո հրովարտակին:

Մերուկը նշան արեց, որ ներկայացնի թուղթը:

Խոսրովը հանեց ծոցից թուղթը և չոքելուք մատուցեց: Աթերցման ընթացքում նա սպասում էր, որ Միհրնբրսեհը պոռթկա: Սակայն սա անքթիթ, մուսիայի նման անշարժ ընթերցում էր: Նա կարդաց մինչև վերջ և ապա թուղթը դրեց ծնկան:

— Ուրի՛շ ավելի,— հարցրեց Միհրնբրսեհը:

— Թուղթը գրեցին հայոց մեծամեծները, հոգևորները մարդպանի գլխավորությամբ: Գրգռիչ ու գրգիչ եղավ Սպարապետը:

Նախարարները հավանութիւն տվին նրան, և ժողովուրդը ըմբոստացավ, հանդուգն արարքներով անպատվեց մեզ: Սպանեցին մեր զինվորներին: Ուզում են մեր զորքը արտաքսել երկրից:

Միհրնբրսեհը շարունակեց անվրդով լսել: Նա սպասեց կրկին, մտածեց և ապա հարցրեց.

— Մարզպանը հայտնի՞ մասնակցեց, թե՞ գաղտնի...

— Հայտնի, տեր իմ, բացեիքաց:

— Թե՞ արտաքուստ ցույց տվեց հնազանդութիւն և ծածուկ դրդեց, որ գրեն այս թուղթը:

— Արտաքուստ ցույց տվեց անհնազանդութիւն և դրդեց ամենքի աչքի առաջ:

— Դենշապուհը, Վեհմիհրը, մոզպետը ի՞նչ գործ կատարեցին:

— Շատ ճիգ գործ դրին, արգելք եղան թղթին, բայց հայերը շանսացին:

— Շտապեցրի՞ն, ճնշեցի՞ն մարզպանին:

Հարցապնդումը վտանգավոր դառավ: Խոսրովը չզգաց այդ և պատասխանեց:

— Այո տեր իմ, շատ բռնադատեցին, բայց ոչինչ օգուտ չեղավ:

Միհրնբրսեհը հարցական հայացքով հազիվ վեր նայեց սենեկապետին:

— Ժա՛մ է ատյանի, տեր իմ,— հարցրեց սենեկապետը,— մովպետան մովպետն ու մոզբերը, ինչպես և մեծամեծները հավաքված են:

— Հրավիրի՛ր:

Սենեկապետը զնաց:

Միհրնբրսեհը նայեց թղթին, ապա Խոսրովին, զննեց նրան ավելի ուշով, քան առաջին պահին և ապա շատ հանգիստ հարցրեց:

— Իսկ դո՞ւ ինչ արիր:

— Ես բռուն մասնակցութիւն ունեցա Դենշապուհի և մյուսների հետ:

Միհրնբրսեհը դադարեց և սկսեց կրկին անշարժ նայել այն կետին, ուր ըստ երևույթին նայել էր երևի ժամերով: Նա շատ համբերատար և անհույզ մնաց թե՛ ընթերցման և թե՛ հարցափորձի:

ժամանակ: Թվում է, թե համակերպեց և վճռեց դադարեցնել հետապնդութիւնը:

Վարագույրը բացվեց, և ներս եկավ մովպետան մովպետը, թանձրամորուս խոշորագեմ, աչքերը սև ու երկար հոնքերի տակին կորած, երկարաքիթ մի ծերուկ, որի մորթին և կերպարանքը տողորված էին մրով՝ շնայած մաքուր լվացման: Նրա անճոռնի ու կոշտ մեծամարմին հասակը անկյունավոր ձևերով ցցված էր երկար պատմուճանի տակից:

Նրան հետևում էր երկարահեր մոգերի մի բազմութիւն: Երբ նրանք առաջացան, հետևից երևացին մեծամեծների զուխները:

Ատենավոր մեծ բազմութիւնը շարժվեց վարագույրի մոտ և խոնարհ ողջունեց Միհրնբրսեհին: Միհրնբրսեհի նշանի վրա եկողները առաջացան և կիսաբոլոր շարվեցին ընդարձակ սրահի դռտերի տակ: Միհրնբրսեհը նշանով հրավիրեց մովպետան մովպետին, որ սա նստի: Մովպետն առաջացավ և նստեց:

Միհրնբրսեհը բարձրացրեց դեմքը և աչքերը պատուհանին, հայտարարեց:

— Հայոց պատասխանը մեզ հրովարտակին: Ատյանում՝ առաջին անգամ իրավունք է կարգալ միմիայն արքայի առաջ: Լրսե՛նք արքայի հրամանը: Բայց ձեզ այսքանը միայն ասել համարում եմ անհրաժեշտ: Պատասխանը գրված է ճարտար լեզվով և մարտնչող ոճով: Չեմ կարող շնկատել, որ ոմանք ձեզանից թերևս և հիանան դրանով: Քաջ է իմաստասիրած... Բայց բանի զորութիւնը ճարտարաբանութիւնը չէ և ոչ անիմաց հանդգնութիւնը: Մենք տերութիւն ենք ընդարձակում այս իսկ պահիս և առաջիկայում մեծ պատերազմներ ունենք՝ մեզ պետք է թիվ: Սրա մասին հոգածու խորհեցեք:— Լսե՛նք արքայի հրամանը, — ավարտեց և հանգիստ ձեռով արեց:

Դա նշան էր, որ ատյանն ավարտվեց:

Բոլորը դուրս եկան սրահից:



Գյուտին ու Կողակին շնորհունեց Միհրնբրսեհը: Մտորացումը խիստ վրդովեց Գյուտին: Եա չկամեցավ գնալ բանակ, ուր Երան պիտի հանդիպէին հայոց այրուձին և հայ իշխանները:

Կողակն էր միայն անվրդով: Նա բավական էր համարում իրերի այդպիսի ընթացքը: Նա շատ էր ընկեւ-եւել, գիտեր, որ նման բաներն անխուսափելի են մեծ գործերում:

— Կպատահի՞, տե՛ր իմ, — ասաց նա, — ալիքը կիջնի՞, կբարձրանա՞, կյանքը փոթորի՞կ է:

Գյուտը վարժվել էր արգեն Կողակի իմաստասիրություններին: Պարսկաստանի միայնության մեջ դա զբաղեցնում էր: Երբեմն էլ ուսուցանում... Խրատական շատ բան տեսավ Գյուտը Պարսկաստանում:

— Ի՞նչ մեղքս ծածկեմ, տեր իմ, — շարունակեց Կողակը, — շողոքորթներին և ստրուկներին շեն սիրում: Սիրում են համարձակ խոսողներին և ազատներին: Մենք այն է՛լ ենք անում, այս է՛լ: Բայց լավ շենք անում ոչ մեկը, ոչ մյուսը: Լա՛վ ընկնենք, տեր իմ, եթե ընկնելով ենք ուզում բարձրանալ: Կընկե՞մ, ոտները կլիզեմ, կբարձրանամ՝ գլուխները կկտրեմ:

— Որ ընկար՝ ընկար, — խոսեց Գյուտը տխուր շեշտով:

— Ամեն ընկնել ընկնել չէ, տեր իմ, ընկնե՞ն այն է, որ շես սպում բարձրանալ: Գու գիտես թե գիշերները քնո՞ւմ եմ, երբ միտս է զալիս Խոսրովի ծեծը: Գարշապա՛րս պիտի լիզել տամ: Ես սյունեցի ախոռապանի զավակ եմ:

— Դրա համար էլ ընդունեցին Միհրնեսեսի մոտ...

— Ոչի՞նչ, սիրտդ մաքուր լինի: Գլխա՛դորը՝ գոտզոթյունդ մի կորցնի: Ազբի հետ գործ ունեն: Գոռոզ եղիբ: Պաշտոն ի՞նչ էս կամ ի՞նքն ինչ է, կամ Հազկերտն ի՞նչ, կատաղած արջ:

— Հը՛մ, սկատաղած արջ», — մտախոհ կրկնեց Գյուտը, — բայց աշխարհ է սասանեցնում:

Սկսվեցին տաղտուկ օրեր: Գյուտը քնում էր օրերով՝ սպասելով նախարարների ժամանման: Անխոնջ Կողակն էր միայն հոտոտում ամեն կողմ, ծանոթանում պարսից պաշտոնյաների հետ, ամենքի հետ մտերմանում: Պետք կգա, աշխարհ է: Շուտով կծամանի մարզպանը, պետք է նրան փրկել: Եվ նա աշխատում էր բարեկամացած պարսիկ մեծամեծների միջոցով իմանալ, թե ինչ տրամադրություններ կան պալատում: Իմացավ, թե ո՞ր պալատականը ո՞րի հետ է զժամած կամ բարեկամ: Ամենքին պատմում էր Վասակի մասին, հայտնում նրա ուրաջությունը, տրամադրու-

թյուն ստեղծում նրա հանդեպ: Պալատականների ականջը հասավ ուրացյալների ուխտի լուրը:

— Մարդը ուրացել է, ծառայում է մեր գործին, այլևս ի՞նչ հալածանք նրա դեմ,— ասում էին պալատականները և փորձում խոսել այս մասին Միհրնեբսեհի մոտ:

Վերջինս հաճախ լսելով այդ մասին՝ կամաց-կամաց մտածեց, որ եթե Հազկերտի ճնշումը շօզնի՝ գործը տեսնի Վասակի միջոցով:

— Երկպառակել,— ասաց մի օր խոհուն հայացքը մի կետի հառած Միհրնեբսեհը իր մտերիմ պալատականին:

— Ես էլ այդ եմ ասում,— ասաց պալատականը ձայնը ցածրացնելով դավադրորեն՝ կարծես մարդ կարող էր լսել և խանգարել:

Հետո ավելացրեց.

— Դու այս ծերուկին մի արհամարհիր: Նա բաներ շատ գիտե և շատ բաներ է պարզվում նրա պատմածներից:

— Ի՞նչ բաներ:

— Այն որ՝ Դեհշապուհը ճնշում է Վեհմիհրին և Որմիզդին: Փորում է և մարզպանի տակը: Գործը խանգարում է: Պետք է ետ կանչել նրան:

Միհրնեբսեհը պատասխանեց հանգիստ.

— Ոչ, ետ չպետք է կանչել, այլ պետք է թողնել, որ մրցեն իրար հետ մեր գործում: Պետք է բուրբին էլ լսել և այո՛ ասել: Թող հսկեն իրար և հետախուզեն: Տեղեկություններ մեզ են հասնելու նրանց միջոցով: Վասակը մեր ձեռքն է:

Կողակը առաջ գնաց: Ընդունվում էր պալատականների տանը և մտերմանում նրանց հետ: Անգամ ընդունելություն հաջողացրեց Միհրնեբսեհի մոտ: Հազարապետը քննեց նրան, խոսեցրեց: Նրան գուր եկան Կողակի խոնարհ վարվեցողությունը և մտքերը:

Մի անգամ Միհրնեբսեհը կանչեց նրան և հարցրեց Վասակի մասին:

— Ի՞նչ մարդ է,— հարցրեց Կողակին:

— Փառասեր մարդ է, տեր իմ, մարզպանական իշխանությունը ձեռին պահելու համար ամեն ինչ կծախի: Վարդանը դրա համար չի սիրում նրան:

— Այդ լավ չէ, որ փառասեր է,— խորամանկութեան տվեց Միհրնեբրսեհը:

— Կրթութեան և քինախնդիր,— ավելացրեց Կողակը նույնպես խորամանկ հաշիվներով:— Արյունահեղութուն, կոտորած, ցավ, թույն, ամեն բան կգործադրի իր նպատակին հասնելու:

— Ի՞նչ է իր նպատակը:

— Թագավոր դառնալ հայոց,— խիզախեց Կողակը և քննող հայացքով հետևեց ազդեցութեան:

Միհրնեբրսեհը մտածեց այս ասածի վրա:

— Ո՞ւմ միջոցով է ուզում թագավոր դառնալ,— հարցրեց նա:

— Քո միջոցով, տեր իմ, և հիմա ամեն գնով ուզում է ուրացութեան գործը գլուխ բերել: Թագավոր չի դառնա, բայց գործը հո կատարած կլինի: Սաստիկ անհանգիստ է, թե մարզպանի պաշտոնը կանցնի Վարազվաղանին:

— Խոսե՞լ է այս մասին:

— Ինձ հրահանգեց վարկաբեկել Վարազվաղանին, որ ապահով լինի իր պաշտոնի մեջ: Մախու հոգի է:

— Ի՞նչ կարող է ծախել:

— Հայաստանը, միայն թե մնա մարզպան:

Միհրնեբրսեհին դուր եկան այս մտքերը: Վասակի մասին նա ուներ այդ կարծիքը և հիմա ուրախ էր, որ դա հաստատվում է կողմնակի: Դա նոր միտք էր տալիս նրան. հենվել Վասակի վրա և գլուխ բերել երկպառակությունը հայ նախարարների մեջ, նա մեծ հույսեր չունենր նրանց բռնի ուրացման: Նրանց պատասխան թուղթը պարզ ցույց էր տալիս, որ իրենք գործ ունեն միաբան, մահը աչքերն առած մարդկանց հետ:

«Այդ մարդկանց իսկապես ո՛չ սուրը կհաղթի, ո՛չ հուրը»,— մտածեց Միհրնեբրսեհը:

— Լավ, կմնաս այստեղ, քեզ կկանչեմ, երբ հարկավոր լինե՞ս Գնա,— ասաց նա Կողակին:

— Մնա՛ս խաղաղությունում, — ողջունելով մինչև երկրպագություն՝ ասաց Կողակը և վեր կացավ, գլխիկոր հեռացավ:

Դուրս գալով Միհրնեբրսեհի ապարանքից՝ Կողակը մտածեց, որ ինքը կարող մարդ է դառնում: Նա զգաց, որ Վասակի մասին

հայտնած իր կարծիքները դուր եկան Միհրնեբրսեհին: Որ Միհրնեբրսեհը հիմա կհենվի Վասակի վրա: Որ ինքը ապահովեց Վասակի դիրքը արքունիքում:

Իրիկնադեմ էր: Հյուրատան դռանը կանգնեց մի երիտասարդ հեծյալ: Նրա գեղեցիկ աչքերի մեջ ինչ-որ մի ժպիտ էր ցուլում, դեմքն արտահայտում էր անհամբերություն և կարոտ: Նա իշխանական հագուստ ուներ և թեթև ասպազներ: Թեթև էր զինված նաև նրա թիկնապահը: Երկուսի էլ կերպարանքը, նժույզները մատնում էին նրանց օտարական լինելը: Նժույզները արագոտն էին և թեթև: Նրանք արագ իջան:

Թիկնապահը նժույզները կապեց ծառին և հարցրեց նորեկին.

— Հրաման է, հայտնեմ:

— Ասա ընծայնոց Արսեն իշխանը, պարսից բանակում ծառայող հայկական այրուձիի:

Թիկնապահը մոտեցավ դռանը և Գյուտի թիկնապահին հայտնեց: Սա ներս գնաց և վերադարձավ հրավիրելով ներս իշխանին:

— Ողջո՛ւյն,— ասաց նորեկը կանգնելով օթևանի դռանը:

— Բարեողջույն,— պատասխանեց Գյուտը,— նե՛րս հրամայիր, իշխան:

Եվ ընդառաջ գնալով ողջագուրվեց նորեկի հետ: Կոզակը բարև բռնած սպասեց ողջույնի, որ շուշացավ նորեկի կողմից:

— Ի՛նչ նվաստացում, իշխա՛ն,— վրդովված խոսեց նորեկը,— մենք բանակում իմացանք, որ Միհրնեբրսեհը չի ընդունել քեզ: Մահվիռոտ գետի մեր սխրագործությունների վա՛րձն էր դա: Ինչքան շատ ես ծառայություն մատուցում, այնքան շատ եմ ստորացնում քեզ:

— Հիմա ի՛նչ կա զորագնդում,— հարցրեց Գյուտը:

— Ուխտ արինք զորագնդի հետ միասին կովել:

Գյուտը խոցվեց: Արսենը կարծես նրան էր ակնարկում. մինչ նա միամիտ և ազնվորեն բաժանում էր նրա հետ իր վիրավորված ինքնասիրության զայրույթը:

— Եթե պարսիկներն ատում են ինձ, որովհետև հայ եմ, հայ կմնամ, որովհետև ատում են ինձ,— արժանապատվությամբ ասաց նա:

Գյուտը խառնակ մտքերի մեջ էր: Նրա ինքնասիրության վիրավորանքն այրում էր նրան: Բայց նա ելք չէր գտնում: Նա մի

Ճանապարհի վրա էր, որ տանում էր դեպի օտորացում և պատվի կեղտոտում: Նա եկել էր Վասակի գործի համար: Նա մեծ հարգանք ու համարում ուներ Վասակի հանդեպ և հույս ուներ, որ նա կըստեղծի տանելի վիճակ իշխանների համար:

— Արգեն ստորացրին մեզ, ուշ է, իշխան,— ասաց նա Արսենին,— հիմա էլ կոշի հրաման են ուղարկում իշխաններին գալ Գուռը ատյանի: Պատիվներս ընկավ:

— Մաքուր պատիվը չի կեղտոտվի՝ որպիսի ցեխն էլ որ ընկրնի: Ստորացումով պատիվդ մաքուր չես պահի: Գիմադիր կանգնեմք, իշխան, հանենք վրեժը պարսիկներից: Բավ է, ինչ մաշվեցինք սրանց պատերազմներում: Հիմա էլ մաշվեմք մեր պատերազմում:

Արսենը ազնիվ բարկությամբ նայեց Գյուտին և հայտնեց.

— Վճռեցինք սուրհանդակ ուղարկել մերոնց, որ բարձրացնեն ապստամբությունը:

— Կտուժենք,— ասաց Գյուտը:

← Չենք տուժի: Ես թույլ քրիստոնյա եմ, հայրս խոսնում է հաճախ կրակն ու սուրբ խաչը. բայց երբ կամքիս վրա են բանանում, այն կպաշտպանեմ կենաց-մահու կովով: Սա հավատի բան չէ, ազատ կամքի բան է: Գնանք բանակ, իշխան, այստեղ քեզ կնվաստացնեն:

Գյուտը շրթունքները ծմռեց:

— Ամեն տեղ կնվաստացնեն... Պոռոտախոսությամբ պատիվ չենք պահի, խելքն էլ է պետք. պետք է ճանապարհ հարթել դիրքի և իշխանության հասնելու:

Արսենը լավ չհասկացավ Գյուտի ակնարկը, բայց ինչ-որ օտոր հոտանք անցավ նրա միջով: Մի բուժ պատ էր զգացվում իր և նրա միջև: Նա էր ենթարկվել ստորացման, բայց կարծես կուլ էր տալիս անպատվությունը:

Նա խոսքը փոխեց.

— Շատ ընդդիմացավ մարզպանը ուրացություն պահանջելու Գյուտը ծամծմեց:

— Մարզպանը ջանաց կանխել արհավիրքը:

— Բայց կատարե՞ց իր պարտքը հանդեպ հայրենիքի:

— Ինչպես ամեն հայ:

— Դա լավ է, դա վայել է մարզպանին,— ոգևորվեց Արսենը:

նը,— հայրենիքի վտանգը միացրել է ուրեմն մարդպանին և Ապտ-
րապետին:

Գյուտը չպատասխանեց:

— Կպատահեն դավաճաններ և ուրացողներ... Մերութանին
չենք մոռացել... բայց հրաշեկ երկաթով կղաղենք այդպիսիներին:

Սա արդեն գրգռում էր Գյուտին: Նա մռայլվեց և լռեց:

Արսենը վեր կացավ. զգաց ինչ-որ անախորժ, ներքին դիմա-
դրրութուն: Չհասկացավ սակայն և հրաժեշտ տվեց Գյուտին:

— Ե՛կ, իշխան, ե՛կ, երբ սրտնեղես,— ասաց նա գնալիս:

— Կզամ,— ասաց Գյուտը անտարբեր ձայնով:

Իշխանը հեռացավ:

Արսենը շէր եկել միայն Գյուտին այցելելու: Նա դուրս գալով
նրա մոտից՝ նժույզը քչեց նյուշապուհի փողոցներով դեպի նրա
հյուսիսային թաղամասը, անցավ այգիների պատերի միջով և
բավական հեռանալով քաղաքից՝ կանգ առավ մի շքեղ տան
առաջ:

Իսկույն դեմ վազեցին սպասավորներ, որ, ինչպես երևում էր,
ժանոթ էին նրան և ժպտադեմ բռնեցին նժույզի սանձն ու ասպան-
դակը, օգնելով իշխանին իջնել:

— Տա՛նն է իշխանը:

— Տանն է, տեր իմ,— ասաց սպասավորներից մեկը ուրախ
ձայնով:

Արսենը ըստ երևույթին այս տան սպասված հյուրերից էր:

Նա իջավ և սպասավորի առաջնորդությամբ անցավ երկար
միջանցքները մինչև հասավ բակը և գնաց դիմացի ապարանքը:

Նրան դիմավորեց տան տերը՝ ածուխի աչքունքով, գեղածի-
ժաղ մի պարսիկ իշխան, որի հայացքից երևում էր, որ խիստ
ուրախ է Արսենի այցելութունից:

— Ա՛յ բարի տեսանք, իշխան,— ասաց նա ընդառաջ գալով
և ողջագուրվելով Արսենի հետ, ձեռքից բռնած տարավ պարտե-
զը:— Փարունը դուրս է եկել կոկոններից ու հողից,— ասաց նա,—
վարդը ճանապարհին է, սոխակը՝ հետևից:

— Նոր տաղե՞ր ունեն հյուսած,— հարցրեց Արսենը շարածճի նայելով:

— Ես չեմ հյուսողը, գարունն է հյուսում,— ասաց պարսիկ իշխանը,— շուտով կնստենք կանաչին, մեզ կտանք գինու տաղե-րին: Ի՞նչ նոր բան, իշխան:

Արսենը պատմեց: Պարսիկ իշխանը զարմացավ և տխրեց:

— Է՛, Վախթանգ իշխանը գործ շունի դրանց հետ: Արյան հոտ է գալիս դրանից:

— Արյան հոտ է գալիս,— կրկնեց Արսենը:

Բարձեր բերին և դրին քանդակեն տաղավարի տակ, բերին աղանդեր և գինի: Նստեցին խոնշայի շուրջը և սկսեցին մի բանաստեղծական զրույց արեգակի, լուսնի, երկնքի, երկրի, ջրի և կրակի մասին:

Սկավ նվագածուն և սկսեց մեղմ ու քաղցր մի մեղեդի:

Արսենը լսում էր Վախթանգի ներշնչված զրույցը: Բայց նրա աչքերը ուղղված էին պարտեզի շուրջը կառուցված փոքրիկ տնակների կողմը: Մի գաղտնիք այնտեղից խլում էր նրա ուշադրու-թյունը, բայց տնակների մոտ ոչ ոք չէր երևում:

Վախթանգը ոգևորվեց: Նա սկսեց ոգել՝

Եփեղեցիկ, շքեղաշուք, անձնյա,
Հասակագեղ, վեհապայծառ է նա,
Գալիս է գարնան նուրբ թևին,
Բուրում է սեր մանկամարդ ոգին:
Քաջամարտիկ և դեմքով կանգուն,
Ոսկեհուռ վարսակալ է գլխին,
Աչքերին ժպիտն է աստղածոր,
Ոսկեհուռ, ոսկեմատ, ոսկեծինն:

Մինչ նրանք զվարճանում էին գինու և գեղեցկության տաղերով պարտեզի խորքից հնչուն մի ծիծաղ զանգակի պես դողաց գարնանային պայծառ օդի մեջ: Երկու մանկամարդ աղջիկներ էին, որ գալիս էին դեպի ապարանքը: Նրանք չէին նկատել Վախթանգին և Արսենին: Նրանք ընկել էին մի ոսկեղեղին թիթեռի հետևից, որ խույս տալով թռչում էր և իր հետևից գցում աղջիկներին: Նըրանք իրար ձեռից խլելով վրա էին ընկնում թիթեռին, ափերով ծածկում խոտը և հանկարծ, երբ թիթեռը ճողպրելով թռչում էր:

Ճշում էին և վազում դեպի տաղավարը: Բոլորովին մոտ էին, որ հանկարծ տեսան տաղավարում նստածներին: Նրանցից մեկը շանթահար կանգնեց Արսենի հանդիման: Փղոսկրյա ճակատին միագիծ, երկաղեղ մի հոնք կամարում էր նշաձև աչքերը: Երկար թերթերունքների միջով նա խորը նայեց Արսենին: Սև գանգուրները ուռած օձերի պես փաթաթվել էին նրա քունքերին, ականջներին, վզին: Դա մի վայրկյան էր, որից հետո նրա ճոճկան իրանը շրջվեց, և նա փախավ դեպի դիմացի օթեանը: Նրան հետևեց մյուսը, որ նրանից տարբերվում էր միայն ավելի փոքր մարմնով:

— Ծաղկո՛ւմ է խորիշան, գարո՛ւն է խորիշան,— հառաչեց Վախթանգը,— ո՞վ է նրա հառաչանքի տերը...

Արսենը վերցրեց գինին և լուռ խմեց, աչքերը գցելով գետնին: Նա զգում էր, որ օթեանի փոքրիկ պատուհանից իրեն էին նայում երկու գուլիսներ և անհետանում: Վախթանգը տարված գինով ու տաղերով՝ հառաչում էր, ոգում և թմբիրի մեջ ընկնում: Իբրև պարսիկ խմող՝ նա զուսպ էր շարժումներով և խոհուն՝ տրամադրությամբ: Նա հրամայեց, որ խոնշան տանեն դնեն առվի ափին, մատղաշ սեզի վրա, որ արևերես էր ելել: Արդեն ծաղկել էին նշենին, սալորենին, դեղձենին, որոնց արանքից երևում էր սպիտակ ամպաշարքի նման ձյունապատ լեռնաշղթան: Շուտով Վախթանգը նստած տեղը քնեց. իսկույն թաքձեր ու վերմակ բերին փաթաթեցին և թույլ տվին վայելել քունը գարնան մատաղ օդի մեջ: Նվազածուն մեղմ հնչյուններով օրորում էր նրա քունը: Այդ պահին տեղից վեր կացավ Արսենը և գնաց պարտեզի խորքը: Իջնելով գետափը՝ նա նստեց քարին և ականջը տվեց գետի վշտոցին:

Նրան երազական վիճակից հանեց հետևում կանգնած մի ոչ շատ դեռատի աղջիկ, սևազգեստ, խալը այտին: Նա շորս կողմ էր նայում գրույշ:

— Իշխա՛ն, իշխա՛ն...

— Հա՛, Դիշտքիա, գո՛ւ ես...

— Իշխա՛ն, չգնաս, մնա՛ այս գիշեր:

— Ինչո՞ւ:

— Նա խնդրեց...

Արսենը երազական լուսթյան մեջ աչքերը փակեց:

— Որտե՞ղ պիտի տեսնեմ նրան...

— Ենթադրե՛լք օթե՛կանում: Գիշերը անց, լուսաստղը սարից որ դուրս կ'անի՝ դուրս եկ օթե՛կանից: Պահալներին կխմացնեն:

— Լավ... Դիշտորիա՞...:

— Հրամայիր, իշխան...:

— Դիշտորիա՞... ի՞նչ գեղեցկացել է նա...:

— Ե՛րբ շէր գեղեցիկ... Սիրո տերը գեղեցկանում է:

— Նա գեղեցի՛կ է, Դիշտորիա՛, կրակի՛ պես գեղեցիկ:

— Ես գնամ, իշխան, կտեսնեն ինձ,— շուրջը նայելով ասաց Դիշտորիան:

— Գնա՛, Դիշտորիա, և այս տար նրան, թող դնի սրտին,— ասաց Արսենը և մի մանիշակ քաղեց տվեց Դիշտորիային:

— Վա՛յ... խե՛ղք կգնա,— ասաց Դիշտորիան և խլելով մամիշակը՝ անհետացավ թփերի հետև:

Արսենը, որ միշտ այստեղ էր ժամադրվում, վեր կացավ տեղից ու գնաց Վախթանգի մոտ: Նա նստեց և սկսեց լսել նվագածուին: Եկավ Դիշտորիան և բերեց մի փոքրիկ մագաղաթե մատենիկ, ոսկեառ ու նկարեն: Բանաստեղծություններ էին: Վերցրեց և լսելիքը նվագածուի մեղեդիին՝ սկսեց կարդալ: Տողերն այրում էին նրան, բայց ավելի այրում էր նրան լուսաստղը, որ պիտի դուրս լողար երկնքում գիշերային նվիրական լուսթյան մեջ... Երևակայության մեջ շողշողում էր նա, դողում և գալիս դեպի ինքը, բերելով իր կրակաշող համբույրը...

Արսենը թախծալի քաղցրությամբ հառաչեց աղատվելու համար զգացմունքի հավելվածից:

Հանգիստ շնչում էր Վախթանգը, իր բարի և ուրախ դեմքը երկինք դարձրած, նվագածուն անլուռ առվակի նման ձիգ էր տալիս նվագը, թռչունները ճլվլում էին ծառեծառ ոստոստելով, իսկ երբեմն ականջի տակով բզզալով անցնում էր մեղուն և երկար որոնումներով պատվում կանաչների մեջ: Իսկ վերևը կապույտ վրանի պես իջնում էր փիրուզ երկինքը՝ անհունացնելով կյանքը սերը, գեղեցկությունը:

— «Պատերա՛զմ»,— հանկարծ սև ամպի նման եկավ խուժեց Արսենի հոգուն և կայծակեց: Նրա միտքը գնաց դեպի հեռավոր հայրենիքը, դեպի ուր սլանում է արհամիրքի աճալը և պիտի պայթի նրա գլխին:

Նա աչքերը փակեց:

Կթողնի՞ Խորիշային այստեղ, կգնա՞ հայրենիք... թե՞ կառնի իր նժույգի գավակին և կփախցնի նրան այն հայրենիքը, որի գավակին սիրել է Խորիշան: Ոչ, Խորիշային ինչպե՞ս կթողնի: Կոհվը կոհվ է, սերը՝ սեր...

Ճաշից առաջ Վախթանգը զարթնեց: Նա քնաթաթախ աչքերով նայեց Արսենին և ժպտաց կենսուրախ ու սրտաբաց:

— Քունը խմեց ինձ, ասաց նա ճմլկոտելով:— Գնանք լեռան կողմը ձիավարելու:

— Գնանք,— ասաց Արսենը:

Նժույգները բերին ախոռից: Իշխանները նստեցին նախշունիկ թամբերին և նժույգները բռնեցին հյուսիս, դեպի մանիշակագույն լեռը: Նրանք բարձրանում էին թփուտներով մթնած մի զառիվերով: Քանի առաջանում էին, այնքան ճանապարհը դժվարանում էր: Պատովածքներից ներքև էին հոսում պղտոր զարնանային ջրեր, գոչգոչելով, ավետելով նոր կյանք: Հետևում ծխում էր Նյուշապուհը՝ իջնելով դեպի ավազուտ ու աղուտ անապատը: Հազկերտի ահավոր բանակի խայտաճամուկ վրանները հիշեցնում էին գունագեղ աշնանային անտառ:

Հանկարծ թփուտներից դուրս պրծավ մի այծյամ:

— Քշի՛ր,— գոչեց Վախթանգն ու նետի պես պոկվեց: Արսենը թռավ հետևից: Նրանք զենք չունեին և ոչ էլ բարակ: Միտք չուներ բռնելը: Բայց բնազդական այս արշավը հաճույք պատճառեց նրանց: Նրանք բարձրացան բավական և այծյամին կորցրին: Իջան քրտնամխած նժույգներից, որ հեռում էին: Նստեցին թփերի տակ, նժույգների սանձերը ձեռներին:

— Գիտե՞ս ինչն էր, փախավ,— հարցրեց Վախթանգը:

— Ի՞նչը:

— Սե՛րը: Ժամանակին պիտի տեսնես և որսաս: Պահը թռավ, սերն էլ ձեռիցդ կգնա, ինչպես այծյամն էր: Սիրո մեջ մարդը որսորդ է:

— Ասել է՝ եթե ես ձեռ գցեցի սերը, ձեռիցս չպե՞տք է փախցրնեմ,— հարցրեց Արսենը նշանակալից:

— Որ փախցրի՞ր՝ ամենաանշնորհք մարդն ես և բանաստեղծի ծիծաղին արժանի:

— Որտեղ էլ որ լինի՞, ով էլ որ լինի՞...

- Ո՛րտեղ, ո՛վ էլ լինի...
- Չե՞ս մեղադրի:
- Կուրանամ թե...
- Տո՛ւր ձեռդ, — ասաց ու մեկնեց ձեռը Արսենը:
- Ահա՛, — տվեց ձեռը Վախթանգը: — Գիտե՞ս ինչ է ասում բանաստեղծը:

«Գարո՛ւնն էր հետևդ ընկած, ո՛ւր էիր, ասա՛,
Գարո՛ւն ես հետևն ընկած, ո՛ւր է նա հիմա.
Իմաստուն էիր այնժամ, երբ էիր հիմար,
Հիմար ես դու հիմա, որ իմաստնացար»:

— «Պատերա՛զմ», — շանթեց կրկին Արսենի հոգում: — Ուրա՛ն սիրտ պիտի խորտակի նա: «Չգա՛ր, չգա՛ր...», — մրմնջաց նա ինքն իրեն: Նայեց ներքև, զմրուխտե բլրին Վախթանգի ապարանքը, առուն, հողե ոսկեպարիսպները, որոնց մեջ երազելով փթթում են նշենին, նալորենին ու դեղձենին, որոնց տակին շրջում է նա ինչպես ցերեկային գիշեր և գիշերային լուսաստղ... Սվ այստե՞ղ, հազարավոր փարսախներ հեռու հայրենիքից՝ պիտի պատահեք այդ սերը: Ինչպե՞ս չի հարցնում նա՝ ո՛վ, ո՛ւմ, ո՛ւր...

Արսենը զգաց, որ թախիծը մտնում է սիրտը և ստվերներ է գցում հոգու մեջ:

Ուզում էր խոսք բանալ պատերազմի մասին, բայց հանկարծ պահանջ զգաց աչքերը փակել:

— «Երբ կգա՛ կկովենք, քանի չի եկել՝ դեռ ապրենք», — մտածեց նա:

Բայց միաժամ հիշեց Հազկերտին: Վերակենդանացավ նրա նախանձափրփուր կերպարանքը, նրա օձական հայացքը, նրա վիշապաձայն գոչը՝ Հայաստանի բնաշնչման: Ատելովթյան կրակը բոցավառվեց Արսենի սրտում, և նա մտքով գնաց իր հայրենի երկիրը, որ հիմա հեռո՛ւ, հեռո՛ւ մշուշ է դառել: Հազա՛ր հազարավոր երիտասարդներ մահվան են գրվում հիմա այնտեղ, արյունոտվում են մատաղ սրտեր, մանկամարդ կանաչք կրծքներին են սեղմում զավակներին՝ աչքերը լայն բացած, սպասելով, թե «ի՞նչ կլինի»: Հիշեց իր խոտակյաց և ասպետական հորը, նրա արծվաքիթ, խրոխտ գեմքը և ձայնը. «Հայրենիքը

չկորցնե՞ս՝ ամենաթանկ բանը»։ Հիշեց, թե ինչպես Գողթան երգիչը մի անգամ ասաց իր երգում.

«Թանկ ինչպես կյանք,
եվ առավել թանկ,
ինչպես ազատութիւն,
Սիրելի՛ ես, ծնփ ծխանի
Տանն իմ հայրենի»։

Արսենը տխրեց և երեսը դնելով խոնավ հողի վրա՝ սկսեց հոտոտել հողը։ Մտածեց՝ ահա՛ այս հողը բռնի՛ր ու թի՛զ-թի՛զ գնա, միակտուր, միագիծ կհասնես այն վայրը, որի թանկագին անունն է՝ հայրենիք։

— «Պատերազմ», — շնչաց նա և երեսը բարձրացրեց հողից։

— Ի՞նչ, — հարցրեց Վախթանգը։

— Ոչինչ, — պատասխանեց Արսենը։

Վախթանգը, որ նույնպես պառկել էր և երկնքին էր նայում, նստեց։

— Դե՛, վե՛ր, գնա՛նք, ժամ է։

Վեր կացան, նստեցին նժույգները և կամաց-կամաց իշան քաղաք։ Խոտի, հողի անուշ համը շրթունքներին, բուրբուկին առույզ և կենսալից մտան ապարանք։ Անջուր շատրվանի քարին նստել էին Խորիշան և քույրը։ Խորիշան հոնքերը աղեղի պես լարեց և Երկար թերթերունքները նետի պես ուղղեց Արսենին։ Նա նայեց տակից վեր։

Արսենը մարեց այդ հայացքից և աչքերը կախեց։ Կրկին նայեց. Խորիշան նշան էր բռնել կարծես։ Հետո հանկարծ ինչպես նետը բաց թողնելով՝ մանր ժպտաց։ Արսենը խոցվեց և հևաց, որ չխեղդվի։ Ոչ մի հոգնութիւն, որ քաղցր քնի է կոչում մարդու, ոչ մի երազանք, որ թոցնում է մարդու դեպի կախարդական մի աշխարհ այդքան անբացատրելի անուշ շէր, որքան այդ հեքը։ Դա գարնան հեքն էր, որ փչում էր վարդի, հողի, թռչունների, փիրուզ երկնքի և ադամանդյա լուսաստղի շող ու բույրով։

Սեղան գցեցին սրահում։ Այս անգամ սեղանին մասնակցելու եկավ մի անձնյա, հոլանի թևերով և ազնվագարմ տիկին։ Նա տարեց էր և ծանրաշարժ։ Բայց վերին աստիճանի մտերիմ և ջերմ հայացք ունեւր։ Նա հարազատ հայացքով համբուրեց Արսենին և նստեցրեց իր կողքին։

— Մոռացե՛լ ես մեզ, ուշ-ուշ ես գալիս։

— Քաւշանների պատերազմն է մեղավար, մայրիկ: Ո՞վ է իմանում, մի օր էլ բոլորովին չեմ գա:

— Որմիզողը գլխիդ պահապան,— երկյուղով հանդիմանեց Արսենին տիկինը,— ի՛նչ գիտես մարդու սիրտը տխրեցնել:

«Մահի մեջ է քաջը գեղեցիկ,
Քաջի մեջ է մահը գեղեցիկ,
Ոչինչ չի կապել սերտ իրար հետ՝
Քան մահն ու քաջը գեղեցիկ»:—

Ոգեց Վախթանգը, որի պաշարներն անսպառ էին պարսկական բանաստեղծության:

— Ո՞ւր են խորիշան ու Որմիզողութաւր,— ասաց տիկինը ըսպասուհուն:

— Պարտեզ գնացին:

— Գնա կանչիր:

Սպասուհին գնաց: Արսենը դողաց, քաղցր ու շնորհակալ նայեց տիկնոջը: Տիկինը հասկացավ այդ և մանր ժպտաց քթի տակին:

— Տիկի՛ն մայրիկ,— ասաց նա,— մորս ես նման:

— Մայր եմ, ոչ թե նման,— կատակեց տիկինը,— քեզ գողացել է մայրդ և փախցրել Հայաստան: Հիմա քեզ բաց չեմ թողնի:

— Ես էլ ևրկու մայր ունեմ,— ասաց Արսենը և փաթաթվեց տիկնոջը:

Դուռը բացվեց, և ներս մտան խորիշան և Որմիզողութաւր: Նրանք եկան և նստելով իրենց մոր մի կողմը՝ երկուսով փարվեցին նրան՝ և սկսեցին գաղտնի շփոտակով նայել Արսենին:

Տիկինը նրանց մայրն էր, Վախթանգի զոքանչը, որ նրա կնոջ մահից հետո եկել ապրում էր նրա մոտ: Վախթանգը ուխտ էր արել անամուսին մնալ: Նա իրեն տվել էր գինու և տաղի:

«Մե՛կ է սերն, երբ շատ է գեղեցիկ,
Եվ մի՛ անգամ է սերը գեղեցիկ»:—

Ոգեց Վախթանգը, որ և իր աշխարհում էր խորասուզված, և այգափս: էր մասնակցում զրույցին:

Իսկ իր մոր վզից կախված, աչքերը Արսենին հառած՝ նայում էր նրան. խորիշան:

Արսենը կաշկանդոված էր այդ համարձակ, մնայուն և այրող հայացքից, որ անմեղ հառած էր նրա աչքերի մեջ և տագորտւմ էր, խելքահան տնում:

Տիկինն զգում էր այդ հայացքը և հազիվ նկատելի ժպտում: Տիկինը Արսենին տեսել էր առաջին անգամ այն օրը, երբ հայոց ալքուածին մտնում էր Նյուլապուհ: Հազկերտի բանակը մտնելու և քուլանների դեմ պատերազմելու: Վախժանգը Արսենի հետ եղել էր այդ պատերազմում: Եվ մի անգամ, երբ քուլան հեծյալը սուրբ իջեցնում էր Վախժանգի գլխին՝ Արսենը վրաս էր հասել և մի հարվածով գլորել նրան: Ահա այդտեղից Վախժանգը մտերմացել էր նրա հետ և դարձրել իր տան բարեկամ: Երբ նա առաջին անգամ տուն էր բերել Արսենին, տիկինը զարմացել էր.

— Երբ ես տեսա սրան, սասցի սա մեր տուն կգա մի օր: ահա որ եկավ:

Տիկինը կրկնեց իր այդ խոսքը:

Մինչև ուշ գիշեր տևեց ճաշկերույթը: Դուրս եկան պարտեզ: Լուսնի արծաթը պլպլաց սև նոճիների արանքից: Նրա սառը լույսի եղյամբ երազական էր դարձնում պարտեզը, որ շունչ էր քաշում լիակուրծ:

Ժամ էր հանգիստ առնելու: Տիկինն ու աղջիկները հեռացան իրենց օփեանները, իսկ Վախժանգն ու Արսենը մտան սրահը և պառկեցին շքեղ անկողիններում: Վախժանգը քնեց խնույն ինչոր մի քառյակի կիսում, և շուտով լավեց նրա հանգիստ ու անվերջով շնչառութունը: Արսենը պառկեց անկողնում, որ կրակի պես լափեց նրան. քունը չէր գալիս աչքերին: Առաստաղին, պատուհանի միջով երևում էր երկնքի մի կտորը, ուր աստղերը կանաչավուն և կապտավուն գույներով գրում էին իրենց հավերժի գիրքը: Գիշերը քնի մեջ շնչում էր խոր, երկրի և երկնքի անհուն կրթքով: Նա հոսում էր և տանում իր հետ աշխարհը դեպի անհունութուն:

Արսենը սպասում էր ժամադրման պահին: Լուսաստղին: Նա կամացուկ դուրս եկավ պարտեզ: Սառը համբուրեց նրան գիշերվա սև շրթունքը: Նա գնաց դեպի գետակի ափը և նստեց քարին: Խողովքը, սպասման ծանրաշարժ ընթացքը, տեսակցության երջանիկ մոտեցումը նրան անհանգստացնում էին: Համբերությունը հատնում էր, և գիշերը թվում անլույս ու անշարժ: Միջ երկնքի

ճախարակը լողում էր աննկատ, բայց հաստատ: Արսենը հասնում էր վառած մոմի պես: Չէ, չի գա Դիշտրիան, մի բան կպատահի, մեկը կարթնանա, կխանգարի: Եվ կփախչի այն երջանկությունը, որ կյանքում ածան չէ և երբեմն անկրկնելի է, ինչպես ծնունդը:

Նայեց բակի կողմը, որտեղից պիտի երևար Դիշտրիան: Երբեմն մի ստվեր էր լողում այնտեղից: Բայց աչքի երևույթն իսկույն անհետանում էր: Ակնապիշ հայացքը ստեղծում էր այդ ստվերները:

Հեռու հորիզոնում, անապատի սևագիշեր խորքում մեռնում էր ոսկեղեն լուսինը՝ պղնձե մահազույնի փոխելով իր հեթաթային դեմքը: Եվ ահա,— Արսենը կարծում էր, թե կրկին պարտեզի մեջ երևույթը խարուսիկ էր՝— մթան մեջ մթնեց մի այլ ըստվեր, որ անշարժացավ տարակուսած, թե զգույշ: Նայեց արևելք՝ Լեռան թիկունքից, կրակե թերթերունքները կկոցելով և իր հավերժական հայացքը վեհորեն հառած երկրին՝ դուրս լողաց լուսաստղը:

Նա գալիս էր հպարտ ու վեհաշուք: Արսենի սիրտը ճմլվեց: Նա նայեց ստվերի կողմը, որ արդեն օրորվում էր և պարսպի տակով լողում դեպի ինքը:

Նա ընդհուպ մոտեցավ Արսենին և ականջին փսփսաց.

— Անցիր օթևանը. ինքն է, մեռնակ...

— Առա՛ջ անցիր,— հևաց Արսենը:

— Ե՛կ, շտապի՛ր, զգո՛ւյշ... — առաջ սողալով շշնջաց Դիշտրիան և ձեռքով քաշեց նրան: Երբ Արսենը մտավ Խորիշայի օթևանը, հետևից դուռը փակվեց, և նա զգաց իրեն մի այնպիսի քաղցր բանտարկության գրկի մեջ, որ ամեն ազատությունից սիրելի էր:

Խորիշան նստել էր գորգի վրա և գլուխը կախել հատակին: Նրա սև գանգուրները հոսել էին գորգի վրա: Նա գլուխը բարձրացրեց, նայեց Արսենին, ապա կրկին գլուխը կախեց: Փղոսկրյա ուռը դուրս ցայտեց նրա զգեստի միջից: Արսենը մոտեցավ անխոս և նստելով կողքին մեղմ գրկեց նրա ուռը: Խորիշան դողաց ու ցնցվեց: Արսենը համբուրեց նրա ուռը և գլուխը դրեց վրան:

— Խորի՛շա... — շշնջաց Արսենը ոչ իր ձայնով, խուլ և շքեշարգել:— Դե՛ խոսի՛ր, մի՛ ըա՛ն ասա:

Խորիշան լուռ էր և անշարժ: Նա հետում էր:

Հանկարծ մի ճապուկ շարժումով, գեղեցիկ օձի նման փարվեց նա Արսենի պարանոցով և սարսուռալի դողաց:

Երկու ջերմ համբույրներով նրանք փարվեցին իրար: Այլևս ոչ մի խոսք չէր կարող արտահայտել այն զգացմունքը, որը բառ չունի իսկապես, որը խոսում է ազնի պերճ, քան մարդկային բուրբ լեզուները: Արսենն զգաց իր գրկում Խորիշայի մարմնի ջերմ ու նուրբ թավիշը, որ լողում էր նրա կրծքին: Նա այրում էր ինչպես հրդեհի բոց և խենթացնում: Աշտանակի մեջ առկայծել սկսեց կարագի ճրագը և մարմրեց, դողաց: Պատի վրա թրթռացին երկու սիրահարների ստվերները: Ճրագի լույսն ուշակորույս մարեց: Օթևանը մթնեց: Պատուհանի մեջ ուժեղացան աստղերը, ցուլաց շքեղ լուսաստղը: Իսկ պարտեզի դիմացի անկյունի ատրուշանից լույս տվեց հավերժական կրակը: Օթևանը կիսալույս, կիսաստվեր՝ դառավ երազական, և ինքնամոռացումը խլեց զուգի զգուշավորությունն ու խելամտությունը...

Ավագի հատիկները ծեծեցին դուռը: Ժամ էր բաժանման: Արսենը շարժում արեց, բայց Խորիշան փարվել էր պինդ ու անխոս:

— Խորի՛շա, ժա՛մ է...

Խորիշան հառաչեց, բաց թողեց և կրկին խլեց նրան և համբույրը հպեց նրա համբույրին:

Ավագի հատիկները սաստկացրին իրենց անձրևը:

— Խորի՛շա, ժա՛մ է... ես էլ շեմ ուզում, բայց...

— Թող ինչ ուզում է լինի. կա՛ց, մի՛ գնա, — աղաչեց ապրած կույսը, կարծես վախենալով գրկից բաց թողնել երջանկության ոսկի թռչունը:

Արսենը կրկին ուժով գրկեց ու սեղմեց Խորիշային, և նրանք ինքնամոռացության մեջ ընկան կրկին...

Դուռը ծեծեցին ձեռքով: Դուռն մեջ փսփսալ սկսեց Դիշտրիայի ձայնը: Նա շտապեցնում էր:

Արսենը պռկեց իր համբույրը Խորիշայի շրթունքից և վեր կացավ. Խորիշան մնաց հատակին թեքված, մազերը կախ և աչքերը գետնին:

Երազը գնաց, մնաց զարթոնքի մեջ հևացող մանկամարդ կինը, որ իմաստնացավ, մտնելով կյանք...

Արսենը գգույշ գուրս եկավ, ճածկեց դուռը և իջավ աստի-
ճաններէց: Նրան հազկեց Դիշարիան: Արսենը գրկեց նրան և համ-
բուրեց: Դիշարիան հառաչեց և պրծնելով նրա գրկից՝ շշնջաց.

— Դե շո՛ւտ, հեռացի՛ր, իշխա՛ն...

— Եթե իմանա՛ս, Դիշարիա, անո՛ւշ Դիշարիա...

Դիշարիան ինքը փարվեց Արսենին և կրկին հառաչեց:

Արսենը արագ անհետացավ խավար պատերի տակով:

Դիշարիան մտավ խորհշայի սենյակը: Խորհշան ձեռների մեջ
գլուխը թաղած հեկեկում էր:

— Խորիշա՛... — լա՛ց ես լինո՞ւմ:

Խորիշան չպատասխանեց և ընկավ անկողնու վրա ու գլուխը
թաղեց բարձի մեջ:

— Աշխարհ մտար, մատա՛ղ քեզ, երանի՛ քեզ... — շշնջաց
Դիշարիան և գրկեց խորիշային, — լա՛ց, լա՛ց, անո՛ւշ է այդ լա-
ցը, գարնան անձրև...

Խորիշան վախեցած նայեց Դիշարիային և շշնջաց.

— Իսկ եթե նա գնա ու չգա՞...

— Ինչպե՞ս կարող է, խելո՞քս, ինչպե՞ս կարող է...

— Իսկ եթե պատերազմ գնա:

— Սերդ կպահհի նրան: Դու շատ սիրիր միայն:

— Ո՞վ է ինձանից ավելի սիրում:

Երկինքը գունատվեց, աստղերը սուզվել սկսեցին կապույտ-
կանաչ թավիշի մեջ, աքաղաղները կանչեցին և հեռու փողոցում
պայթեց առաջին հեծյալի տրոփը:

Լուսանում էր, որ խորիշան քնեց:

Զգույշ, անձայն դուրս եկավ Դիշարիան և գնաց դեպի գե-
տակը: Առավոտյան հովը սվսվաց ծառերի ճյուղերին, գետինը
մթան միջից նայում էր լուրջ ու հանելուկային: Գարունը ծնվել էր
ծառերի, թփերի, ծաղիկների մեջ: Օքը բաց արեց աչքերը:

Դիշարիան հառաչեց և ետ դարձավ օթևան:

Հայկական այրուձիի կյանքում վրդովմունք էր և գրգռվա-
ծություն: Անօրինակ ստորացուձը, որին ենթարկվել էր Գյուլաթը,
ցնցեց այրուձիի իշխաններին: Մարդիկ, որոնք անտրտունը կովել
էին Հազկերտի համար քուշանների գեմ, որ հազարավոր փար-

սախներ հեռու հայրենիքից ապրում էին օտարութիւնն ու կարտը՝ այժմ անարգանքի և խալտառակութեան ենթարկվեցին:

Սրվանձտյա Գարեգին իշխանի վրանում հավաքվել էին մյուս իշխանները: Ի՞նչ անել, ինչո՞վ պատասխանել այդ հարվածին: Զգում էին, — և դա առաջին անգամն էր, որ պետք է վրեժխնդիր լինել:

— Լա՛վ են անում, — ասաց դառնութեամբ Գարեգին իշխանը, — Սպարապետը Մահվիտտո գետի վրա փրկում է արյաց պետութիւնը, տարիներով մեր հայրենիքից հեռու եկել կովում ենք բուռնների դեմ պարսիկների համար, հարկ ենք վճարում...

Վրանի սյանը հենված, ձեռները կրծքին խաշած՝ դուրս էր նայում վրդովված իշխանը և դառնութեամբ ժպտում.

— Մեծ բաներ բաց ենք թողել: Զորքը շենք կազմել: Նախարարներին շենք միացրել:

— Լավ են արել, ըմբոստ պատասխան են գրել, — ասաց Արսենը:

— Պատասխան թողթը ցույց է տալիս, որ մերոնք զարթնել են, — ասաց Գարեգինը: — Մեծ օրեր են այնտեղ: Վճռել են ապստամբել: Պետք է պատրաստ լինել այստեղ: Մեր գլխին կորոզ են խաղեր խաղալ:

— Կարող են, — ասաց Արսենը:

— Եվ քանի շեն սկսել՝ մենք սկսենք, — ասաց Գարեգինը:

— Ի՞նչ... — համարյա միասին հարցրին մյուսները:

Գարեգինը իսկույն շպատասխանեց: Քննող հայացքը գցեց գետին և ապա ոչ այնքան պարզ մտքով ասաց.

— ... Զծառայել սրանց...

Քաջ երիտասարդը, որ միշտ կովի ամենավտանգավոր տեղերն էր որոնել և փրկել դրութիւնը, զարմացրեց իշխաններին իր կտրուկ առաջարկութեամբ:

«Քաջերը խելացի են», — մտածեց Արսենը, գիտելով Գարեգինին:

Նա շէր ընդունի մի այդպիսի միտք ուրիշի կողմից, բայց Գարեգինի առաջարկը նա ընդունեց, որովհետև հավատաց քաջութեան:

— Մենք ամեն վճիռ ընդունելու պատրաստ պիտի լինենք, —

շարունակեց Գարեգինը,— մեզ կարող են զինաթափ անել, բռն-
տարակել, ոչնչացնել: Զպետք է թույլ տանք:

Գարեգինը կատակ շէր անում: Նրա խոսքը նոր էր, բայց
նրան վաղուց էին ճանաչում, ուստի և ընդունեցին:

Ներսէ՛հ իշխանը, որ ուշադրութեամբ լսում էր Գարեգինին,
ասաց.

— Փորձանքը գալու է, իշխան, ուրե՛մն ասածդ էլ է գալու,
ուզենք՝ շուգենք: Առաջնորդի՛ր, ես համաձայն եմ:

— Բողոքս էլ համաձայն ենք,— ասացին մյուս իշխանները:

— Տո՛ւր խորհուրդը. ասա ի՛նչպես, ե՛րբ կատարենք,—
ասաց Արսենը,— ճակատագիրը մեզ մղում է վտանգավոր մի
գործի՝ գնանք այր մարդու պես:

— Հետո, մի կարծեք, իշխաններ, որ Հազկերտն ապահով
է,— ասաց Գարեգինը,— Հունաստանը նրա համար է թույլ, քա-
նի որ հոներին է սպասում: Հազկերտն սպասում է և՛ հոներին,
և՛ քուշաններին: Մեր հարվածը, որ հույս ունեմ կռում է այս
պահիս Սպարապետը, գործ կտեսնի: Կտեսնեք, իշխաններ, մի օր
մենք հոների կողքին կանգնած կլինենք:

— Հնարավոր է,— ասաց Արսենը,— Սպարապետը կմտածի
այդ մասին:

Այս զրույցը անկատելի լուսավորեց իշխանների հոգին:
Առաջին անգամ նրանք զգացին, որ իրենց հալածում են նրա
համար, որ հայ են, առաջին անգամ դա վիրավորեց նրանց և հո-
գիները լցրեց հպարտութեամբ:

— Է՛է՛, իշխաններ, իշխաններ,— հառաչեց Գարեգինը,—
ախտավոր անասունը կհամարձակվե՛ր այդպես խոսել Վասակ
Մամիկոնյանի հետ... Վասակ Մամիկոնյանը մեռել է մեր մեջ:
Պետք է հարություն տալ նրան:

— Քանի որ հիշում ենք՝ հարություն առավ,— ասաց Ար-
սենը,— Վասակ Մամիկոնյանը չի մեռել:

— Զի էլ մեռնի,— ասաց Ներսէ՛հը:

— Ճշմարիտ աստված,— խոսեցին մյուսները:

Գարեգին իշխանը ձեռք բարձրացրեց և ասաց հանդիսավոր:

— Ուխտ ենք կազմում և ուխտ ենք անում, կովել և տեղի
շտալ:

— Կովել և տեղի շտալ,— կրկնեցին իշխանները:

Նրանք ողջագուրվեցին: Ուխտը կազմվեց: Նրանք այնպես
վզացին, որ ուժ են, և որ այդ ուժին ուլինչ չի կարող դիմանալ:

Նրանք ցրվեցին իրենց վրահները: Գուրս եկավ Արսենը և
չմտավ իր վրանը, մնաց դուրսը: Նրան խոտվում էին մտքերը:
Նոր էին այդ մտքերը, երբեք նրա զլխով չանցած: Հայրենիքի սե-
րը նրա մեջ կար այնպես, ինչպես կան հյուսիս և անդամներ
մարմնի մեջ, որոնց շես զգում, հաճախ շգիտես: Նա նոր զգաց,
որ սիրում է իր հայրենիքը, որի համար նա պիտի մեռնի կարիք
եղած դեպքում: Բայց նրա երևակայության մեջ երբորաց մի այլ
պատկեր, կերպարանքը մի էակի, որին սիրում էր նա, ինչպես
ոչ ոքի աշխարհում: Ի՞նչ կլինի նրա վիճակը, ի՞նչ կլինի իր վի-
ճակը, եթե նրանք բաժանվեն: Իսկ որ կբաժանվեն՝ դա ճշմա-
րիտ է, ինչպես ճշմարիտ է նա, այն էակը: Արսենն զգում էր, որ
ինքը կանցնի առաջին շարքերը՝ երբ պատերազմն սկսվի: Նա չի
մոռացել և չի մոռանա Հազկերտի անարգանքը: Մարդ չպետք է
լինել, չպետք է ունենալ ամենափոքր արժանապատվություն՝ տա-
նելու այդ ստորացումը, արհամարհանքը ազգային հպարտու-
թյան: Ոչ, Արսենը կանցնի առաջին շարքերը:

Նա մտավ վրանը, բայց չէր կարողանում քնել: Երկար նըս-
տեց նա. երկինքը շրջեց իր բյուրավոր աստղերով գամված ճա-
խարակը: Կրկին Արսենը դուրս եկավ և նայեց հորիզոնին: Ահա
այնտեղ, ուր թանաքի ծովի պես սևացել է անապատը, ձգվում է
ձանապարհը դեպի հայրենիք: Այնտեղ հիմա քնած է հայ ժողո-
վուրդը, ծեր, մանուկ, կին, պատանի, երիտասարդ, հասակա-
վոր... Քնած են հազար բյուրավոր էակներ, որոնց սպանում է
արհավիրքը: Ինչո՞վ են մեղավոր այն միամիտ գեղջուկները, որ
այս ժամիս քնած են ցերեկվա դաշտային ազնիվ աշխատանքի
խոնջներին: Ինչո՞վ է մեղավոր այն ծծկեր երեխան, որ զարթ-
նել, ծծում է մոր կուրծքը, ձգտելով մեծանալ, ապրել այս լայն աշ-
խարհում, ուր ամենքի համար էլ տեղ կա:

Նայեց Արսենը սև անապատի կողմը և մտովի տեսավ հը-
պարտ, ինքնասեր Մասիսը, որ ազատության նշանաբան է իր
հայրենիքի: Նրանից են սովորում իր հայրենիքում մարգիկ բարձր
բռնել գրուխը:

Արսենը դառնությամբ հասկացավ, որ իր հայ լինելու համար
նա պետք է կռվի: Հիշեց իր մանկությունը, իրենց ամբողջը, իր

դայակը, որ հեքիաթներ էր պատմում, պատմում էր Արտավազ-
գի, Վահագնի, Արտաշեսի մասին: Պատմում էր Վասակ Մամի-
կոնյանի մասին, նրա սխրագործությունները պարսից արքա Շա-
պուհի դեմ:

Արևելքում ցայտեց լուսաստղը... Նայեց Արսենը, և նրա աչքին
բացվեց ոչ այն գիշերվա սիրո տապերի պես տապալակվող կրակե
սիրտը, այլ պատերազմի բոցերով բորբոքված մի գունդ, որ հե-
ռուտության պատճառով փոքր էր երևում, բայց որ մոտենա՝ հա-
մաշխարհային հրդեհ կրեերի իր հետ: Արյուն կար այդ աստղի
մեջ...

— «Պատերա՛զմ», — շնչաց ինքն իրեն Արսենը և բռունցքը
սեղմելով տատանեց օդի մեջ:

Այո, պատերազմ՝ ատելի, նախանձափրփուր Հազկերտի դեմ,
այդ գոռոզ բռնակալի, որ ուզում է իր կեղտոտ ոտների տակ գցել
Հայաստանը: Պատերազմ նրա իշխան պալատականների դեմ, որ
վառում են նրա թունավոր կրթերը Հայաստանի դեմ:

Արսենը թեթևացավ կարծես: Նա գտավ իր վճիռը: Պատե-
րա՛զմ, — ուրիշ ոչ մի հնար չկա: Նա հառաչեց: Այդ պատերազմի
ավերածության և փլատակների տակ նա երևի կթաղի իր զգաց-
մունքը, երևի կկորցնի մի էակ, որին նվիրել էր իր առաջին սերը:

Կարո՞ղ է... Թող հայրենիքը ուժ տա կարողանալու... Նա
կրկին հառաչեց, մտավ վրանը և պառկելով թավշանման մորթի-
ների վրա՝ շարունակեց զգալ, որ իր հոգու մեջ նստում է երկվու-
թյան թախիծը:

Ճամբարում հնչեց պարսկական գալարափողը: Նրա ձայնը
կերկերաց, թռավ բանակների վրայով: Զարթոնքի փողն էր: Նա
կոչում էր հազարավոր զինվորներին վեր կենալ վարժանքներ կա-
տարելու, թերևս շարժվելու պատերազմ:

Քուշանները գալիս էին արևելյան լեռներից այն կողմ՝ աշ-
խարհավեր փոթորիկի նման...

Իշխանները վեր կացան և դուրս եկան վրաններից: Նրանք
հավաքվեցին: Պարզվեց, որ նրանք չեն քնել:

Գարեգինն ասաց.

— Վճռեցի այսպես. սուրհանդակ ուղարկել Մպարապետին և
հայտնել, որ համերաշխ ենք հայրենիքին և միաժամ ենք հայրե-
նիքի պատերազմին:

— Հենց այսօր ևեթ,— ասաց Արսենը:

— Հավան ենք,— ասացին մյուսները և ավելացրին, որ պետք է շտապել, քանի հնարավոր է, որ սկսվի քուշանական արշավանքը, և իրենք վճռեն իրենց անելիք: Պետք էր տեղեկացնել իրենց վճիռը նրանց, ովքեր վճռել էին դիմագրավել մի այնպիսի հզոր ուժի, որպիսին արյաց պետութունն էր:



Կողակը քանի գնաց դիրք ձեռք բերեց պարսիկ մեծամեծների առաջ: Գլուտը նկատեց, որ նա արդեն թելադրում էր իրեն: Թելադրում էր, որովհետև այլևս Գլուտի հետ ոչ ոք հաշվի չէր նստում, ոչ ոք չէր մոտենում նրան: Իսկ Կողակին կանչում էին ստեպ-ստեպ և անգամ խորհրդակցում հետը: Դա հաստատվում էր նրանով, որ Կողակն հետզհետե ավելի էր ամփոփվում իր մեջ և ամեն բան չէր պատմում Գլուտին: Դա վիրավորական էր, բայց նա ոչինչ չէր կարող անել: Նա վճռված իշխան էր այստեղ և պատվիրակ, որ գործ չէր կատարել: Իսկ Կողակը ահագին գործ էր տեսել. նախ՝ վերականգնել էր լավ կարծիքը Վասակի մասին: Նրան դուրս էր բերել կրոնափոխությունից գործի պարագլուխ: Խախտել էր վստահությունը Դենշապուհի հանդեպ: Միհրնեբուհը տատանվում էր նրան վերաբեր վճռի մեջ: Դա պարզ երևում էր նրա ամենօրյա բազմաթիվ հարցապնդումներից Դենշապուհի մասին:

Բայց Կողակը մի զորավոր թշնամի ուներ այստեղ: Նա պղտորում էր մթնոլորտը: Նա տակնուվրա էր անում Կողակի և Վասակի ծրագիրները: Զորեղ հակառակորդ էր նա, որ և մուտք ուներ Միհրնեբուհի մոտ և երկար խորհրդակցում էր նրա հետ, և մեծ կապեր ուներ պարսիկ մեծամեծների հետ: Դա Վարազվաղանն էր, Վասակի փեսան և արյունխնդիր հակառակորդը, հավատափոխ եղած և իր ծառայությունները առաջարկած Միհրնեբուհին, վտանգավոր գործիքը Վասակի դեմ: Նա բնակվում էր Նյուշապուհ քաղաքում և շարունակ այցելում էր նաև բանակը՝ տեսնվելու պարսիկ զորականների հետ, ծանոթանալու նրանց միջոցով բանակի զորավար Մուշկան Նյուսալավուրտի հետ, հույս ունենալով արժանանալ Հազկերտի տեսակցության:

Կողակն իմացավ նրա բնակարանը և մի օր գնաց մոտը:

Վարազվաղանը ընդունեց նրան իր սրահում, որ կահավորված, զարդարված էր պարսիկ իշխանի ճոխությամբ: Նա նստած էր բարձերին և իշխանական դիրք էր ընդունել: Նրա երկար վիզը, ազոավի սևակապույտ խիտ մազերը, նույն գույն հոնքերն ու մուրուբը ախորժելի շթվացին Կողակին: Կասկածամիտ հայացքը ոչինչ լավ բան չէր հուսադրում: Կողակն իր բոլոր խելքն ու խորամանկությունը լարեց գոնե կորզելու նրա որոշ մտադրությունները Վասակի դեմ: Թեև առաջին հայացքից երևաց, որ դա այնքան էլ դյուրին չէ:

Բավական լուսթյուն տիրեց, և խոսակցությունը չէր սկսվում:

Կողակը, շնայած որ վերջերս մեծ դիրք էր ձեռք բերել, բայց ջանաց շատ էլ ցույց չտալ և շխտանեցնել Վարազվաղանին: Նա բավական հեռու շոքած նստեց և երկու ձեռների ափերը դրեց ծնկներին: Դա խոնարհության նշան էր:

— Ինչո՞ւ ես եկել,— խզեց լուսթյունը Վարազվաղանը:

— Եկել էի խոսրովին ընկերակցելու, իբրև հյուրընկալ:

— Ուրի՞շ...

— Դավեր լարելու քո դեմ,— միանգամից հանկարծ հարձակվեց Կողակը:

Վարազվաղանը շագղվեց: Դա հայտնի էր նրան: Ուստի և անտարբեր հարցրեց.

— Հետո՞, լարեցի՞ր:

— Լարեցի, տեր իմ,— շարունակեց մնալ հանդուգն գիրքում Կողակը:

— Ո՞ւմ մոտ:

— Միհրնեքսեհի:

Վարազվաղանը սառը նայեց Կողակին.

— Բան հաջողվե՞ց:

— Հաջողվեց, տեր իմ: Հազարապետը, որ կարծում էր, թե Վասակն է ծածուկ թելադրել հայ նախարարներին պատասխան թուղթը և արտաբուստ ցույց է տալիս բարեկամ արյաց տերության, փոխեց իր կարծիքը Վասակի մասին:

— Այն, որ Վասակը Վարդանի հետ չէ՞:

— Հրամայեցիք, այդպես:

Վարազվաղանը շտկվեց տեղում, ուղիղ նայեց Կողակի աչքերին և երկար զննեց նրան:

— Քայց իմ դեմ ի՞նչ դավեր նյութեցիր:

— Տույց տվի, որ դու խանգարում ես Վասակի գործին: Մրցում ես նրա հետ և վարկաբեկում նրան:

— Հավատա՞ց:

— Ոչ, տեր իմ: Չհավատաց նաև Վասակի անկեղծության արյաց հանդեպ:

— Հիմա ի՞նչ ես կամենում, ինչո՞ւ ես եկել մոտս:

— Քեզ ծառայելու, — անքթիթ նայելով ասաց Կողակը՝ լուրջ և տխուր դեմք շինելով:

— Վասակից հույսդ կտրեցիր, գալիս ես ի՞նձ ծառայելու:

— Այո:

— Ուրեմն դու ծախու մարդ ես:

— Այո, տեր իմ: Գործ է, երբեմն այս է հաջողում, երբեմն այն:

Վարազվաղանը քմծիծաղով նայեց Կողակին.

— Եվ եթե տեղը գա՛ կղավաճանես նաև ինձ...

— Կղավաճանեմ, — համառեց Կողակը:

Սա գրգռեց Վարազվաղանին: Սա արդեն չափազանց էր:

— Իսկ ինչո՞ւ կղավաճանես:

— Եթե թուլանաս: Տեր իմ, — նոր թափ առավ Կողակը՝ զգալով որ անվրեպ հարվածի տեղն է, — ո՞վ կմնա քեզ հավատարիմ, եթե դու ուժից ընկնես: Կմնա՞ս հավատարիմ, եթե Միհր-նեբրսեհը ընկնի: Դավաճա՞նը որն է, հավատարի՞մը որը: Տուր ինձ հաջողակ գործ, ես գործին կլինեմ հավատարիմ:

— Ուրեմն դու քո շահի՛ն ես ծառայում:

— Ինչպես դու՞ քո շահին, — հակահարված տվեց Կողակը, — ո՞վ է, որ շահ չունի:

Վարազվաղանը նյութը փոխեց.

— Կավ, ինչպե՞ս են գնում Վասակի գործերը Հայաստանում:

— Շատ հաջող: Կուսակիցներ է հավաքել բավականին: Հայ նախարարներից շատերը ծածուկ բարեկամ են նրան:

— Հույս կա՞, որ հաջողի նաև այստեղ:

— Կա: Բայց թուկա՛վ: Նրա գործը փշայրել է պատասխան թուղթը, որ նա շկարողացա՛վ կանխել: Նա տանուլ կտա: Քո դիրքըն է հիմա հուսալի: Եթե դու լինեիր՝ դու էլ տանուլ կտայիր: Բայց չես եղել, տանուլ չես տվել: Եվ հիմա դու ամուր ես, քանի որ նրա տեղը չես: Նրանից մեծ հույսեր չկան, իսկ դու կարող ես հույսեր ներշնչել: Միհրնեբրսեհն ակնարկել է ինձ այդ մասին: Վարազվաղանը շխտեց: Կողակին հենց այդ լուսթյունն էր պետք: Ուրեմն Վարազվաղանը գիտեր Միհրնեբրսեհի՝ նման մի վերաբերմունք իր հանդեպ:

— Դա նկատելի եղավ Հազկերտի ցասումից հետո, — ավելացրեց Կողակը:

Վարազվաղանը լռեց: Կողակը շարունակեց հարձակումը:

— Ահա դա խախտեց իմ հավատը Վասակի ապագային: Փտած գործ է, տեր իմ: Այն ցասման օրը ես նկատեցի, որ Միհրնեբրսեհը քեզ ընտրեց: Երբ ես նրա հետ տեսակցեցի երեկ, զգացի, որ նա քեզ համար է պահում Վասակի պաշտոնը:

Վարազվաղանը սայթաքեց... — կրկին լռեց:

Կողակը անցավ հետքերը թաքցնելու ճիզերին:

— Մեծ ողորմածություն կանեիր, տեր իմ, եթե ինձ ընդունեիր քո ծառայության: Դու ինձ հարցրիր, թե շահի՞ս համար եմ ծառայում: Այո՛, ես անկեղծ խոստովանեցի՝ շահիս համար: Իմ շահը մեծ մարդու գործի մեջ է: Սիրում եմ հաջողակ գործը: Հաջողակ մարդու գործը:

— Իսկ եթե ինձ խաբես... — ժպտաց Վարազվաղանը:

— Թույլ մի՛ տուր, տեր իմ, որ թույլ տաս, պիտի խաբեմ: Բայց դու խելք ունես՝ ինչո՞ւ պիտի խաբվես:

Կողակը լավ էր ըմբռնել այն իմաստությունը, որ հաճախ ամենամեծ խորամանկությունը անկեղծությունն է: Նա ջանում էր ճարպկորեն ուստոստել այս լարի վրա: Նա որոնում էր առիթը մի քանի իրական ապացույցների էլ տալ հավատարմության և ըստպատմ էր առիթի: Առիթը հանկարծ եկավ:

Վարազվաղանը հարցրեց.

— Իմ մասին ի՞նչ ես վատաբանել Միհրնեբրսեհին:

— Քա մասին վատաբանել եմ ասելով, որ դու մտադիր ես Վարդանին միանալու, որպեսզի տապալես Վասակին: Իսկ Վա-

սակը, ասացի, ոչ մի դեպքում չի միանա Վարդանի հետ: Քեկուզ քեզ տապալելու համար: Այս դուր եկավ Միհրնեքսին: Սա մեծ հարված էր քեզ...

— Եվ դու հանդգնում ես մոտոս գալ... — հանկարծ խստացավ Վարազվաղանը:

— Այո, — շփոթվեց Կողակը, — կարծում եմ, որ անկեղծութունս ինձ կփրկի: Խելացի կլինի՝ եթե ներես ինձ և բարեկամանաս: Օգուտ չկա, եթե ինձ սպանես այստեղ: Ես եկա, որովհետև ճանաչում եմ քեզ: Դու խելացի մարդ ես:

Վարազվաղանը չգիտեր ինչ վճռել: Նրա մեջ խտում էին երկու դրդում. իսկույն դուրս վռնդել զազիր ծերուկին. սպասել, լսել նրան՝ գոնե մի բան որսալու համար: Նրա այս տարակուսանքը կռահեց Կողակը, և շուշացավ որսալու առիթը.

— Տեր իմ, դու վճռում ես ինձ վռնդել: Կարող է և այդ կանես: Բայց ես քեզ հիշեցնում եմ, որ գալու են շատ խառն օրեր: Վասակը կընկնի, բայց ալիքը կարող է նաև նրան բարձրացնել: Կարող է քեզ ժպտալ բախտը: Տուր ինձ առիթը քեզ օգնելու գոնե այն ժամանակ:

— Կավ, աստված քեզ հետ, — մեղմացավ Վարազվաղանը, — կմտածեմ: Գնա:

— Ենորհակալ եմ, տեր իմ, — ասաց Կողակը, — բայց ես գեռ չեմ սկսի քեզ ծառայել: Ես դեռ Վասակի ծառայության մեջ եմ: Այս մի բանին հավատա:

— Ինչո՞ւ:

— Ստոր գործ է, բայց գեղեցիկ պիտի կատարել: Պատվի բան է: Դու ինձ դեռ չես ընդունել թո ծառայության:

Վարազվաղանը ծիծաղեց.

— Իսկ եթե չընդունե՞մ երբեք:

— Կգործեմ թո դեմ, — ծիծաղեց Կողակը:

Նա զգաց, որ մի բան կոտրվեց Վարազվաղանի մեջ: Նա գիտեր, որ խորամանկութունը մարդու մեջ վերջ ի վերջո սահման ունի: Մարդը խելացի և խորամանկ գործելով չի կարող դարձյալ տիրել ամբողջ աշխարհին: Զգաց նաև, որ իր սահմանին ևս հասավ: Ուստի և հրաժեշտ խնդրեց:

— Գնա խաղաղությանը, — ասաց Վարազվաղանը, — եկ արիչ անգամ՝ գրույց կանենք:

— Կշանամ, տեր իմ, — դժվարացրեց Կողակը, — կգամ, եթե օգտակար բան գտնեմ քեզ համար:

Նա հեռացավ:

«Նեխլացի խարդախն էլ իր տեսակի մեջ է վստահելի», — ասաց մտքում Վարազվաղանը:

Նա սկսեց մտածել, թե ինչ օգուտ եղավ իր զրույցից Կողակի հետ: Մեծ մասը խորամանկ խաղեր էին, ուրեմն և անօգուտ: Բայց մի միտք նրան դուր եկավ, այն, որ Կողակն ասաց, թե Վարազվաղանը կանցնի թեկուզ Վարդանի կողմը՝ միայն դա լինի Վասակի դեմ, իսկ սա՝ ոչ: Դա վտանգավոր միտք էր, եթե Կողակն իրոք հայտնել է: Իսկ եթե չի հայտնել, պետք է ապահովել իրեն նման կասկածներից: Միաժամ նա գտավ, որ Վասակի դիրքը հենց դրանով է ամուր, որ նա Վարդանի հակառակորդն է: Եվ Վարազվաղանը որոշեց իրեն թշնամի ցույց տալ Վարդանին, թեկուզ և ծածուկ բարեկամանալ վերջինիս հետ՝ Վասակին տապալելու համար:



Վարազվաղանն ու Կողակը չէին կարող նկատել, որ իրենց զրույցը գաղտնի չէ, որ օթևանի պատի դրիշակի հետև ճնճղուկին հետամտող կատվի պես լարվել, ականջ էր դնում Վարազդուխտը, որի գեղեցիկ աչքերը շողշողում էին կիսամութի մեջ հաջող որսի նախաճաշակումով: Նրան դուր էին գալիս Կողակի խարդավանքն ու ճիշտ նպատակադրումը: Նա հասկանում էր Կողակին և լցված էր գոհունակության և շնորհակալության զգացմունքով՝ դեպի նա:

Երբ Կողակը գնաց, Վարազվաղանը նայեց հատակին, կամենալով խորհել զրույցի մասին: Հանկարծ հիշեց մի բան, վեր թռավ, գնաց նայեց դրիշակի մեջ: Այնտեղ ոչ ոք չկար: Գոհ մնալով նորից եկավ նստեց տեղը: Ապա ծափ տվեց: Մտավ սենեկապետը:

— Նժո՛ւյգ, թիկնապահները բոլո՛րը, — հրամայեց նա:

Մի փոքր անց նա մեկնեց տանից դեպի Միհրնեբրսեհի ապարանքը:

Հենց որ զրույցը վերջացավ՝ Վարազդուխտը ետ թռավ դեպի Վարազվաղանի ննջարանը, ուր նստած էր արա պարսիկ կինը՝ Միհրդուխտը: Նա հարցրեց.

— Ի՞նչ էր ասում ծերուկը:

— Գործեր էր խառնում,— գլուխը մեռնի,— պատասխանեց Վարազդուխտը դժգոհ:

— Լավ բանի համար հո՛ չէր գա,— խոսեց ինքն իրեն Միհր-գուխտը:

— Մարզպանի կողմից է եկել, դավեր է լարում քեռուս դեմ: Իրեն թշնամի է ցույց տալիս մարզպանին, ծառայութեան է ուզում մտնել քեռուս մօտ, որ տակը փորի:

— Վարազվաղանն էլ թակարդն ընկնող պտտալ չի,— դիտեց Միհրգուխտը,— լավ, ի՞նչ ասաց Վարազվաղանը:

— Ասաց՝ տեսնենք: Նա էլ ուզում է բաներ իմանալ ծերուկից, որ մարզպանին գցի նրա ձեռքով:— Վարազվաղանի կիներ իր խորամանկ խաժ աչքերով զննեց Վարազդուխտին: Նրան կաթկածի մեջ գցեց Վարազդուխտի հետաքրքրութեանը քեռու գործերով: Ինչպես որ նաև չէր հասկացվում նրա Պարսկաստան գալը: Եվ հիմա, երբ Վարազդուխտը այսպես շարախոսեց Կողակի մասին, ավելի խորացրեց կասկածը: Նա Վարազդուխտին շատ տարիներ առաջ վստահել և ժժանդակել էր, անգամ փրկել մահից, բայց այս անգամ այսպես անախեկալ Պարսկաստան գալը և բուռն հետաքրքրութեան ցույց տալը Կողակի և Վարազվաղանի խոսակցութեան բաց արեց: Միհրգուխտի աչքերը, նոր միտք տվեց, որ Վարազդուխտը անշուշտ ինչ-որ դավեր է նյութում: Վարազդուխտն զգաց այդ կասկածը: Ուստի և դադարեց Կողակի մասին խոսելուց: Նա շատ լավ գգում էր, որ Կողակը փորում է Վարազվաղանի տակը և կարողանում է Վարազվաղանին զբաղեցնել մի առժամ՝ թերևս հնարավոր լինի մի բան գողանալ նրանից: Այսպիսի փոխադարձ անվստահութեանն ու խարդավանքը անշուշտ չեզոքացնում, անօգուտ էր հարձնում նաև փոխադարձ ճիգերը: Կողմերն իրար տեսնում էին: Բայց նրանց հույսն այնքանն էր, որ դիմացինը կարող էր մի անգույշ քայլով մի նշանաբանից գտնել վրիպել և մի բան կռահել տալ, մի աննշան միտք, շատ նուրբ տհնարկ բաց թողնել, որը կարող էր պատահաբար բաց անել մի շատ կարևոր տեղեկություն:

Վարազդուխտի նպատակը, սակայն, միայն Վարազվաղանը չէր: Նա կամենում էր կտպ ձեռք բերել Միհրներսեսի շրջապատող պարսիկ մեծամեծների հետ: Դա անկարելի էր: Նա կին էր,

և կհաղ հետ ոչ մի մեծամեծ չէր նստի ու խոսի պալատական խարդավանքների մասին: Դա պետք էր անել նրանց կանանց միջոցով: Այդ էլ հազվագյուտ գեպքում հնարավոր էր, ոչ բոլոր մեծամեծների կանայք հասկանում էին, ուր մնաց զբաղվեին պալատական գործերով: Վարազդուխտը կամենում էր Միհրներսեսի ականջին հասցնել որոշ բաներ նրա քրոջ միջոցով, որ խելացի և ազդեցիկ կին էր՝ շնայած Միհրներսեսի կրտսեր քույրն էր: Վարազվ:սղանի կինը ազգական էր նրան և մուտք ուներ նրա մոտ: Վարազդուխտն էլ ահա այդ կապով էր ուզում հինել իր ուստայնը և ընկնել Միհրներսեսի քրոջ մոտ: Դա նրան պետք է հաջողվեր բավական մանվածապատ և խարդախ ճանապարհներով: Նա չէր կամենում ինքն անձամբ «զգուշացնել» Վարազվաղանին, այլ սկսեց Վարազվաղանի կնոջից: Այնքան խոսեց Կողակի դավերի մասին, որ Միհրդուխտն ինքնաբերաբար այդ բոլորն սկսեց պատմել Վարազվաղանին: Այնքան շատ շարախոսեց Կողակի մասին, որ մի անգամ Վարազվաղանը հարցրեց, թե որտեղից գիտե սա այդ բաները: Միհրդուխտը ցույց տվեց աղբյուրը: Վարազվաղանն իր մոտ կանչեց Վարազդուխտին:

— Դու Կողակին ճանաչո՞ւմ ես, — հարցրեց նրան Վարազվաղանը:

— Ճանաչում եմ, — ասաց Վարազդուխտը:

— Ինչո՞ւ է եկել:

— Եկել է Վասակի համար հետախուզելու, թե ինչ է սպասում նրան: Հայաստանում վախենում են, որ Հազկերտը խիստ պատիժներ պիտի տա բոլորին:

Սա շատ խելքի մտա թվաց Վարազվաղանին: Նա մտածմունքի մեջ ընկավ:

— Իսկ նա ինչո՞ւ է վախենում:

— Դե նա հայտնի դուրս չի եկել նախարարների դեմ: Հազկերտն ի՞նչ իմանա, թե ում կողմն է եղել:

— Հըմ...

— Հետո այն էլ կա, քեօփ, որ նա գործ չկատարեց: Չկարողացավ զսպել նախարարներին, արգելել թուղթը...

— Ի՞նչ կարող էր անել:

— Շատ բան: Բայց փախեցավ նախարարների մոտ դիրքը կորցնելուց:

— Իսկ հիմա չի՞ վախենում Հագկերտի մոտ դիրքը կորցնելուց:

— Դե վախենում է, որ ուղարկել է Կողակին:

Վարազվաղանը այդ բացատրություններն ընդունեց իբրև ճշգրիտ: Եվ նա չգիտեր ինչ մտածեր Վարազդուխտի մասին: Նա թերահավատ էր դեպի իր քրոջ աղջիկը, ինչպես և առհասարակ դեպի ամեն մի արարած, ինչպես դա սովորական է դավադիրների և թշնամիների համար: Բայց ինչևէ՝ նրան դուր էին գալիս իր քրոջ աղջկա համարձակ ու խելացի խոսքերը: Այո, ճշգրիտ էին այդ բացատրությունները: Բայց ինչո՞ւ էին ճշգրիտ... ինչո՞ւ էր այդքան կենդանի հետաքրքրություն ցույց տալիս Վարազդուխտը դեպի այս գործերը: Դա էր կասկածելին:

— Է՛, լավ, թեթևորեն ժպտաց Վարազվաղանը, — այդ քաները գիտեիր, ապա ինչո՞ւ էինձ չէիր զգուշացրել նրանից:

— Քե՞զ... մի՞թե չգիտեմ, որ դու առաջին տեսքից էլ մարդուն կճանաչես, — ասաց Վարազդուխտը նույնպես ժպտալով:

Վարազվաղանը հանկարծակի հարց տվեց:

— Իսկ ինձ մոտ ինչո՞ւ եկավ:

— Այդ չգիտեմ... — պատասխանեց Վարազդուխտը, բայց զգաց, որ սխալվեց՝ Միհրդուխտը կարող էր իր ամուսնուն հայտնել, որ Վարազդուխտը ծածուկ լսել է նրա և Կողակի խոսակցությունը, — ճիշտը կուզե՞ս գլխի եմ ընկնում...:

— Ի՞նչ է նրա նպատակը:

— Քեզ՝ գցելը:

— Ինչի՞ց գիտես:

— Դե, քեռի, միամիտ չես՝ ինձ միամտի տեղ դնես: Ի՞նչ է նրա միտքը... Վասակը գիտեր, որ դու նրան դավում ես այստեղ: Գիտե, որ քանի կենդանի ես՝ նրա դեմ ես: Քեզ Միհրհհերսեհի աչքում գցելով նա չի հանգստանա: Նա պիտի աշխատի քեզ մեջտեղից վերացնել:

— Ի՞նչ անել...

— Ես ի՞նչ գիտեմ, սպանել տալ, բանտարկել տալ... ո՞վ իմանա:

— Գլխիցդ դուրս ես տալիս, — ասաց Վարազվաղանը:

— Զգիտեմ, քեռի, ես նրանից վախենում եմ: Ներս մի՛ թողնի նրան:

— Լավ, այդ բաներն ինչո՞ւ մինչև հիմա ինձ չէիր հայտնում, այլ Միհրդուխտին միայն:

— Դե ես գիտեի, որ ինչ էլ ասեմ՝ պիտի ասես զլիսիցդ մի՞ դուրս տա, ինչ էլ հավատացնեմ՝ չպիտի հավատաս: Քեզ ամեն բան ասացի, քեռի, քրոջդ աղջկան չես հավատում, հավատում ես այդ զգվելի ծերուկին:

— Քեզ հավատում եմ, խելքիդ չեմ հավատում, — ծիծաղեց Վարազվաղանը, — ախր ինձ սպանել տվողը ինչո՞ւ պիտի գար մոտս, հայտնաբերելու իր դիտավորությունները:

— Հենց դրանով է նա ուզում ծածկել...

Վարազվաղանը գլուխը շարժեց: Ճիշտ էր խոսում Վարազդուխտը:

— Այդ չէ բանը, քեռի, — ավելացրեց Վարազդուխտը, — ես Կողակի իսկական նպատակները, իհարկե, չգիտեմ. բայց մի բան շատ լավ գիտեմ, որ Կողակը գիշեր-ցերեկ մարզպանի մոտն է, նրա հետ է փսփսում: Ինքդ մտածիր՝ ինչ է նրա միտքը քեզ մոտ գալու, մոտեմոտ անելու, եթե միտքը ծուռ չի:

Վարազվաղանը փորձեց հանկարծակիի բերել Վարազդուխտին:

— Իսկ դու ի՞նչ գործ ունես մարզպանի ամբոցում...

— Ես Փառանձեմ տիկնոջ մոտն եմ լինում: Մարզպանը ծեծում է իր տղաներին, կոպիտ է Փառանձեմի հետ, ատում է նրան, բռնանում: Ես խղճում եմ տիկնոջը, լինում եմ նրա մոտ: Ինձ էլ մարզպանը չի սիրում:

— Ո՞ւմ է սիրում նա որ... — հեզնական եղանակով ասաց Վարազվաղանը:

Այս խոսքերը շրջադարձ եղան Վարազդուխտի համար: Վարազվաղանը սկսում էր համարյա վստահել նրան:

«Խելացի բան չէ ամենքին դավադիր համարելը, — մտածեց նա, — հարյուր դավադիրներից մեկը երբեմն դավադիր չէ»:

— Մնա՛, — ասաց նա Վարազդուխտին, — մոտեցիր Կողակին, իմացիր նրա բուն դավադրությունը:

Վարազդուխտը հրաժարվեց:

— Ոչ, քեռի, նա ի՞նչ պտուղ է, որ ինձ մի բան ցույց տա: Հետո՞ նա գիտե իմ մոտ լինելի Փառանձեմ տիկնոջ:

Վարազվադա՛նը կրկին կարցրեց թելը: Հանկարծ նա մի ուրիշ միտք հղացավ.

— Շա՛ն է ատում իր ամուսնուն Փառանձեմ տիկինը:

— Այդ արդե՛ն կհասկանաս նրանից, որ ամիսներով իրար չեն տեսնում:

— Կարո՞ղ է պատահել, որ Փառանձեմ տիկինը կամենա ամուսնու մահը նյութել:

Վարազդուխտը նահանջեց.

— Չեմ կարող ասել... դժվար է... նա շատ մեղմ և բարի կին է:

— Իսկ դու կարո՞ղ էիր:

— Ծ՛ս... չգիտեմ...

— Չե՛ս կարող:

— Չեմ կարող, ճիշտն այդ է:

Վարազվադա՛նը վճռեց մի առժամ իր քրոջ աղջկան պահել մոտը: Նա ոչինչ չկարողացավ հասկանալ նրանից: Պետք էր հասկանալ: Կամ ինքը սխալվում է՝ կասկածելով նրանից, կամ նրա մեջ մի լուրջ բան կա, որ կիսատ, չիմացած նրան բաց թողնել անմտություն էր: Նա մտախոհոյության մեջ ընկավ:

— Է՛հ, ճշմարիտ բաներ ասացիր, մտածենք դրա մասին, — ասաց Վարազվադա՛նը վճռական, որով և կասկած չթողեց այն մասին, որ գլխի էր ընկել Վարազդուխտի նենգությունները:

Դա մի տեսակ ձերբակալություն էր, տնային արգելք, որից խուսափելը փախուստ պիտի նշանակեր: Ուստի և Վարազդուխտը համակերպվեց և սկսեց մտածել, թե ինչպես դուրս պրծնի թակարդից: Իսկ եթե այդ կարելի է՝ մի բան էլ շահած թողնել թակարդը: Նա նոր միայն զգաց, որ ինքը տարվելով Վասակին տածած իր զգացմունքով, անզգույշ քայլ էր արել մի այնպիսի մարդու հետ գործ ունենալու, ինչպես Վարազվադա՛նն էր, խարդախությունների մի փունջ:

Նա վճռեց մի կերպ դուրս գալ ցանցից և ուրիշ հնարներ գտնել խարդավելու Վարազվադա՛նին:

Վարազվադա՛նը վերջ ի վերջո սկսեց ըմբռնել Կողակի բուն միտքը: Նա եկել էր իր մոտ թմրեցնելու իր զգոնությունը և ապա իր ցանցերը գցելու պարսիկ մեծամեծների և խորհրդականների մեջ: Վարազվադա՛նը սկսեց ավելի լուրջ վերաբերվել իր քրոջ

աղջկան: Վարազդուխտն էլ կաշվից դուրս էր գալիս նրա վստահությունը ձեռք բերելու:

Մի անգամ նա Վարազվաղանին առաց.

— Կողակը ծախու մարդ է, բայց վերջը էլի ավելի շուտ քեզ կծախի, քան Վասակին, էլի հավատարիմ է Վասակին, քան քեզ:

Սա էլ ճիշտ էր, և Վարազվաղանն այդպես էլ մտածում էր: Բայց չնայած դրան, նա իր մոտ ընդունել սկսեց Կողակին՝ ցանկանալով հսկել նրան:

Վարազդուխտն զգալով իր քեռու և նրա կնոջ կասկածները՝ մի օր հայտնեց քեռուն, որ կամենում է վերադառնալ տուն:

— Ինչո՞ւ ես գնում,— հարցրեց Վարազվաղանը:

— Դե էլ ի՞նչ մնամ, քեզ տեսնել էի ուզում՝ տեսա,— բացատրեց Վարազդուխտը,— գնամ տուն, մայրիկն էլ մենակ է:

Վարազվաղանը մտածեց:

— Մի՛ գնա դեռ,— առաց նա,— մնա, քո միջոցով ուզում եմ իմանալ, թե Կողակը ինչ դավեր է լարելու իմ դեմ:

— Շատ բարի, քեռի:

— Դե, քեզ տեսնեմ:

Երկուսն էլ իրար նայեցին անվստահ ու խոր:



Մինչ մարդիկային անձնավորություններն ու զանգվածները խլրտում էին՝ ինչպես փոթորկից առաջ քամու հատ-հատ հարվածներից անհանգստանալ սկսող դաշտավայր, ժամանակի անիվը դառնում էր, վճռելու համար օրը արհավիրքի շղթազերծման: Չէր շտապում նա՝ ժամանակը, չէր էլ դանդաղում: Նա թռչում էր, երբ մեկ թվում էր, թե դանդաղում է, մեկ՝ որ թռչում է: Մարդիկ էին, որ չէին տեսնում նրա գաղտնի ընթացքը: Նա դավադրորեն ծածկում էր ապագայի վարագույրը: Բոլորը ժամանակին էին նայում, իսկ նա ոչ ոքի չէր նայում:

Այն ժամերին, երբ այստեղ, Նյուշապուհ քաղաքում խարդավում էին Կողակը, Վարազվաղանը, Միհրներսեսն ու պարսիկ մեծամեծները, երբ քնած զայրույթով զառուցում էր Հազկերտը, երբ փրկեց վրաններում կռում էին հայ իշխանները կայծակնա-

յին հարվածը պարսից թիկունքին, երբ հեռավոր Հայաստանում գյուղե-գյուղ, ավանե-ավան շրջում էին փախստական շինականնե-րը Առաքելի, Սահակի խմբերում, դրդելու ժողովրդին դիմադրել, շտալ հարկերը և վանքե-վանք ընկած Ղևոնդ Երեցը, Եզնիկն ու Եղիշեն քարոզում էին ամուր մնալ հավատքին, իսկ նախարարնե-րը վիճելով թե համաձայնելով իրար հետ կազմակերպում էին իրենց զորագնդերը — այդ օրերին Պարսկաստանի աղուտներում ավազները կտրելով թռչում էր Հայաստան Հազկերտի հրովար-տակատարը: Նա տանում էր կոչը հրամանի՝ գալ արքունի Դուռը: Իսկ դա հղի էր գալիքի անհնարին սարսափներով: Ոչ մի ուժ, ոչ մի խոսք, ոչ մի հրաման չէր կարող կանգնեցնել վերահաս ար-հավիրքը: Նրա շարժիչ ուժերը կուտակվել էին դարերի ընթաց-քում, նրանք ձգտում, ճնշում էին արգելիչ փակոցները, խաբում էին լավատեսներին, քնեցնում մարդկանց զգոնությունը, ուրա-խացնում էին այդ ուժերը նյութող մարդկանց և ահա տեղահան անելով պատվարները, կործանելով կամուրջները, տակո՞վն անե-լով շեները՝ վեր էր կացել հեղեղը և գալիս էր հորձում սևափրո-փուր: Արդեն հեռվից լսվում էր նրա խուլ որոտը, որից գետինը դողում էր՝ լավ իմանալով, թե ինչ ուժգին կլինի այդ որոտը, երբ նա կգա և կհարվածի:

Երկու դիմադիր ուժեր շրջում են ողջ երկիրը և լարում են ժո-ղովուրդը: Նրանցից մեկը գնում, բարձրացնում է քաղմություն-ներ, ավանե-ավան, գյուղե-գյուղ, քաղաքե-քաղաք երթերով անցնում, տանելով իր հետ փոշու ամպեր, քրտնքի հոտ և խան-դավառ, կրակոտ խոսքեր: Երբ նա անցնում է հեռանում՝ թող-նելով իր անցած ճանապարհի հետքը, ժողովուրդը նոր խոսքի իմաստով արթնացած՝ նայում է նրա հետևից և հանկարծ վազում է, հասնում և գնում հետը ուրիշ ավաններ՝ ինքն ասելու այդ նոր խոսքը: Մյուսը սողոսկում է իբրև ժանտախտ, ծածուկ, դավադիր հիվանդություն՝ թողնելով հետքից երկյուղ և տարակուսանք: Ար-յաց զորաբանակների շաչունն է լսվում նրա քարոզների մեջ և սահմուկում է գեղջուկը, ետ է քաշվում իր գետնափորը և աչքերը հատակին՝ մտահոգում իր տան, կենդանիների, իր իսկ կյանքի մասին:

Եվ արդեն որտեղի՞ց, ինչպե՞ս, ո՞րի բերանով հորշորջվեցին այս երկու հոսանքը՝ վարդանանք, վասակյանք: Զգացվում էր

որանց հակամարտը, որ դեռ ծածուկ էր, պատշաճ, լավ չգիտակցված, բայց խորհողը այժմվանից կտեսնենք նրանց վախճանական բախման կետը:



Քնած ամբողջը՝ Ողականը, զարիվերին կառչած վազրի պեռ փակել էր աչքերը: Նրա իրանը լարված էր, և թաթերը, որ ամփոփել էր փոքրի տակ, սպասում էին որևէ խլրտման, հանկարծ նետելու իրենց ահավոր, յատկը և հոշումը:

Իր օթևանում բարձերին հենվել և հատակին անթարթ նայում էր Վարդանը: Նրա մի փոքր շեղ աչքերը ոլործուն հոնքերի տակից լիքն էին մեծ մտքերով: Ամբողջ Հայոց աշխարհը գալիս անցնում էր նրա երևակայության մեջ: Ամենքը, ամենքը սպասում են իրեն, որ հրաշագործի: Եվ իրոք՝ նա պիտի հրաշագործի: Ո՛ւմ վրա է նրա հույսը: Տապալվել է Արշակունյաց գահը, հոնքերը բախում են Բյուզանդիո դարբասները՝ սևամորիկ ամպերի պես խոժեղով Հունաստանի վրա: Չկա Ասորիքը, չկա Հռոմը, չկան Հաղկերտին սպառնացող ուժերը: Բարձրանում է փոթորիկը, և նավը մեն-մենակ օրորվում է հուզվող ալիքների վրա: Մատար, օգնություն է պետք, ապա թե ոչ նավարեկությունը ակնհայտ է: Բայց ո՛ւր է սասար, ո՛ւր՝ օգնություն:

Վերդիր է անում, կշռում է իր հայրենիքի բախտը Վարդանը և միշտ գալիս է այն մտքին, որ օրհասական է լինելու կոփվը, կամ հայ ժողովուրդը կապրի՛, կամ կանհետանա՛: Չկա միջին վիճակ: Շապուհի օրերն անցան: Նա հեքիաթ էր:

Քախիծով էին նայում նրա աչքերը: Նա լինելով ինքն իր հետ՝ ազատ հանձնվել էր խոհերին և շէր մտածում ոչ ոքի ո՛չ քաջալերել, ո՛չ հուսահատեցնել: Պետք է ազատվել: Ով կուզե թող քաջալերվի, ով կուզե թող հուսահատվի: Եվ Վարդանը խորհում էր ազատության ճանապարհների մասին:

Երկար արձանացած էր Վարդանը: Նրա արծվային քիթը և աստանդականի գորշ մազերն ու մորթին խստացնում էին նրա շլուտ, կենտրոնացած դեմքը:

Դեպքերը գլխապտույտ արագությունը հետևում էին մեկը մյուսին: Երբեք իր առջև դրված չէր եղել այսպիսի ծանր առեղծ-

վածի լուծումն. Թագավորության անկման հետևող քայքայված հին պետությունը կանգնեցնել առաջնակարգ, հզոր տերության դեմ: Դիմադրելը պետք էր՝ ինչ էլ որ լիներ դրա հետևանքը, բայց ինչպե՞ս ժողովուրդը դնել կյանքի և մահու երկընտրանքի առաջ:

Ոչ, ուժեր են պետք, օգնական ուժեր: Նա մի ազնիվ, երիտասարդ Արտակ չէ և ոչ էլ քաջամարտիկ Ատոմ: Նա փորձված, մարտերում թրժված զորական է: Նա գիտե, թե ինչ է պատերազմը: Ուժեր են պետք: Որտե՞ղ որոնել, ո՞ւմ դիմել: Հույն զորավար Անատոլը Միջագետքում նստած աչքը գցել է Պարսկաստանին՝ կանխելու համար նրա հանկարծակի հարձակումը: Նա հայերին չի սիրում և նրանց համար մի հույն զինվորի քիթը չի արյունի: Պարսիկների մեջ ոչ ոք չկա, որ բարեկամական օգնություն ցույց տա հայոց: Կան այդպիսիները, որոնց մեկի կյանքն է ազատել Վարդանը, մյուսի պաշտոնն է բարձրացնել տվել՝ բարեխոսելով Միհրնեբսեհի առաջ: Բայց նրանք այդ ամենը կմոռանան՝ հենց որ կհնչի պարսկական զալարափողը:

Վարդանի հոնքերը միացան մի դժվար կնճռի կծկումով: Նրա սեեռուն հայացքի մեջ խաղալ սկսեց մի լուսավոր շող: Նա գտել էր ինչ-որ մի միտք, որ ցուրտ էր լողացել անգիտության անդունդից: Դա նրա վաղուցվա փայփայած միտքն էր, և ահա նա կեսգիշերային խոհուն լուսնի մեջ եկավ, փայլեց նրա ուղեղում: Նա վեր կացավ և երկար անցուդարձ արեց սրահում: Նրա ստվերը մերթ անհեթեթ երկար, մերթ անբնական կարճ սկսեց փոփոխվել հատակին և պատերին: Նա կանգնեց պատուհանի առաջ և դուրս նայեց: Սևավոր դաշտը գնում էր դեմ առնում մթին լեռների ալիքներին, և բաժբակե մշուշը ծածկում էր Տարոնի սրբազան սևաթավիչ հողը: Ո՞վ գիտե ինչ հրդեհներ պիտի ճայթեն այս դաշտի վրա, ծուխը մլլվի երկինք, և բոցերի մեջ վազեն մայրեր՝ երեխաները գրկներին: Ավերն ու ավարը պիտի անցնեն երկրի մի ծայրից մյուսը ինչպես ժանտախտ, ինչպես մորիկ, ինչպես երկրաշարժ:

Ոչ, ուժեր են պետք: Եվ նրանք կան...

Դուան վարագույրը շարժվեց, և ներս մտավ Վահան Ամատունին:

— Փունս շտարավ,— ասաց նա մռայլ, գիտեի, որ դու էլ շես քնի...

Նստոնց դարակի մոտ բարձի վրա և ձեռն առավ մի մագաղա-
թե մատյան: Նրա կլոր դեմքը՝ օղակված արծաթափայլ գանգուր-
ներով՝ խոշոր, կլոր աչքերը ավելի մատենագիր էին հիշեցնում,
քան Հազարապետ: Նա սկսեց կարդալ, և շուտով մոռացավ ամեն
բան:

Վարդանը կանգ առավ նրա առջև, շարունակելով հայացքը
սևեռել իրեն զբաղեցնող նոր մտքի շարժումներին համաձայն:

— Յս մտածում եմ, Հազարապետ,— ասաց Վարդանը կանգ
առնելով և մտածելով կրկին,— ես մտածում եմ, որ մենք այլ
օգնական ուժերի մասին ևս պետք է հոգանք՝ այնուամենայնիվ:

Վահան Ամատունին թվաց, թե շլսեց:

Վարդանը շարունակեց.

— Պատերազմ ի սպառումն՝ դա ինքնին կլինի: Բայց ինչո՞ւ
չփորձենք նաև այլ դաշնակիցներ գտնել:

— Այլ դաշնակիցներ չունենք, քան որոնց դիմել ենք,—
արագ պատասխանեց Հազարապետը և մատյանը գրեց դարակը:

Վարդանը շրջատրեց իր միտքը: Նա գնաց կանգնեց կրկին
պատուհանի առաջ: Ամրոցի դարբասին մի հեծյալ էր մոտենում.
լսվում էր նժույգի սմբակների զրնգոցը քարերի վրա: Հեծյալը
մոտեցավ, կայծեր հանեց սալահատակի վրա նժույգի սմբակնե-
րով և դադարեց:

Պահակների և նրա մեջ խոսքեր փոխանակվեցին: Նա մտավ
բակը և այլևս չերևաց, որովհետև բակը կողքի էր:

— Ասում ես՝ այլ դաշնակիցներ չունենք,— հարցրեց Վար-
դանը:

— Ո՞վ է այդ դաշնակիցը,— քմծիծաղ տվեց Հազարապետը և
քննեց Վարդանի դեմքը:

— Ոչ դաշնակից, բայց մեզ օգնական ուժ,— պատասխանեց
Վարդանը:— Դա հոներն են, Շորա պահակի դեմ առած հոները:
Նրանք են այժմ Հազկերտի թշնամիները: Իսկ իմ թշնամու թշնա-
մին իմ բարեկամն է:

— Բան չի դուրս գա,— գլուխը բացասաբար շարժեց Հազա-
րապետը: Վայրենի ցեղեր են և ուխտագրուժ:

— Մտածիր այս մասին: Արհավիրքը մեզ ամեն բան անել
կտա: Երկիրը փրկենք, ում միջոցով կուզի լինի այդ:

— Լավ, ի՞նչ կարող են անել հոները:

— Հոնե՞րն ինչ կարող են անել... Հոները շատ բան կարող են: Նրանք կողողեն հյուսիսային Պարսկաստանը և Հազկերտի ուժերը կկիսեն քուշանների հետ: Այն ժամանակ մենք կտանք հարվածը: Աստված կաջողի...

— Իսկ ձորա պահակը, Սպարապետ:

— Ձորա պահակը պիտի քանդվի: Քանդենք, լցնենք հեղեղը Պարսկաստան:

— Հը՛մ...

— Հապա թողնե՞նք, որ ահռելի պարսկական զորքը ընկնի մեր վրա: Հանուն ինչի՞: Մենք հո չենք գնում մեռնելու, մենք գնում ենք ապրելու:

Հազարապետը մտածում էր: Վարդանի համարձակ ծրագրերները առաջին անգամ չէ, որ զարմացնում էին նրան: «Տե՛ս, թե որտեղե՞րքն է որոնում»,— մտածեց Հազարապետը:

— Հոները գլխացավանք կգառնան վերջը,— նկատեց նա,— ձորա պահակը մենակ պարսիկներին չի պահում: Հեղեղ է, ո՞վ գիտե...

— Հեղեղ է. թող պահեն պարսիկները,— զայրացավ Վարդանը,— ապա մե՞նք պահենք միշտ ձորա պահակը, որ պարսիկները մե՞ր վրա հարձակվեն... Զբաղմունք տանք, թող զբաղվեն:

— Մի վտանգ կա հոներից,— շարունակեց մի փոքր հետո Վարդանը,— դա Ալանաց Դուռն է, նրա հետև լցված հոները, որ շարունակ բախում են և ջանում կոտրել, լցվել Վրաստան: Դա չպետք է թույլ տանք...

Սենեկապետը շարժում էր դռան վարագույրը:

— Սենեկապետը,— ասաց Վահան Ամատունին:

Վարդանը ծափ զարկեց: Մտավ սենեկապետը:

— Տեր իմ, Մելքոնը եկել է, սպասում է:

— Նե՛րս բեր:

Ներս մտավ Մելքոնը, որ կլորիկ ծաղրածու դեմքով, անմազ կզակով մի բավական հասակով մարդ էր: Հազիվ կարողանալով գեմքին լուրջ արտահայտություն տալ՝ նա խոնարհվեց դռան առաջ և կանգնեց մի ոտից մյուսն ընկնելով անընդհատ:

Վարդանը մոտեցավ նրան և շափեց ոտից զլուխ:

— Հը՛, — ասաց, — հոներենր մոռացե՞լ ես:

— Մոռանամ էլ, Սպարապետ, կսովորեմ, եթե պետք է,—
պատասխանեց Մելքոնը և ուրախ դիմքով նայեց Վարդանին:

— Քանի՞ լեզու գիտես,— հարցրեց Վարդանը:

— Գիտեմ ճղքերեն, լինիերեն, հեճմատակերեն... ամեն լեզու
մի-մի քիչ գիտեմ, տեր իմ:

— Պարսկերենի շա՞փ:

— Դե պարսկերենը մայրական լեզու է, տեր իմ: Տիգրան-
ցի եմ:

Վարդանը շրթունքները կծկեց ու սպասեց մի փոքր:

— Գիտե՞ս ինչ պիտի անես:

Երկար կանգ առավ: Մելքոնը աչքերը հառեց նրան և սպասեց
հանգիստ:

— Գիտե՞ս ինչ պիտի անես,— կրկնեց Վարդանը,— այս ան-
գամ պիտի գնաս հոնաց թագավորի մոտ:

— Նժույզների՞ գործով:

— Ոչ, ավելի դժվար գործով: Բացատրելու, որ հայերս դեմ
չենք, եթե նրանք անցնեն Ճորա պահակը: Միայն պայմանով, որ
չհարձակվեն աղվանների, վրացիների և, իհարկե, հայերի վրա:
Թող հարձակվեն պարսիկների վրա՝ Փայտակարանի ուղղությամբ:
Մենք կքանդենք Ճորա պահակը, այստեղից էլ կհարվածենք պար-
սիկներին: Մելքոնը տրորվեց կանգնած տեղում:

— Հա, ի՞նչ կա,— հարցրեց Վարդանը:

— Տեր իմ, հոներին համոզելու և շլացնելու համար շուք է
պետք, ոսկի, զենք, ձիեր: Պետք է իշխանական մի անձն, որ ներ-
կայացնի մեր տերությունը:

— Խելացի խոսեցիր: Հոնաց թագավորը կուզենա խոսել
բարձրաստիճան մեկի հետ: Այդ մարդը կլինի աղվանից Վահան
իշխանը: Կրեես հոների դեսպանին նրա մոտ, կամ նրա հետ
կգնաս հոների թագավորի մոտ: Դա այնտեղ կերևա:

Վարդանը մտածեց մի փոքր,— լավ, վաղվանից ընտրիր օգ-
նականներ, որ մի շարաթ հետո ճանապարհ ընկնես Հոնաց աշ-
խարհը:

— Մարդ հարկավոր չէ, տեր իմ, նրա պատճառով իրեն էլ
կսպանեն, ինձ էլ: մենակ որ լինեմ գլուխս կազատեմ:

— Բարի, ինչպես հարմար է: Գնա, հանգստացիր:

Մելքոնը գնաց:

- Պատերազմը այս տարի չի լինի, — ասաց Հազարապետը:
- Պատերազմն սկսված է...
- Հազարապետը հարցական հայացք շինեց:
- Ամա՛նս կլինի, — կրկնեց Վարդանը:
- Բայց դեռ պատասխան թուղթը պիտի տեղ հասնի:
- Դատարկ բան է, անշուշտ զորքը շարժվում է այս րոպեիս: Պետք է շտապենք:
- Զորքը ո՞ր կողմով է շարժվում, — լարվեց Հազարապետը, — լուր ունե՞ս:
- Հարկավոր չէ լուր: Զորական գործն այդպես է. արքունիքենքը խոսում են, իսկ զորքը շարժվում է:
- Բայց ո՞ր կողմից է շարժվում, — կրկնեց հարցը Հազարապետը:
- Աղվանից աշխարհով: Պարսիկները մեզ կհարվածեն ոչ հարավից, այլ հյուսիսից, որտեղից շենք սպասում:
- Հեռու չէ՞:
- Հյուսիսից՝ տիրելու համար աղվաններին և վրացիներին, զսպելու հոներին — մեր վերջին հույսը:
- Հավանական է, — կենդանացավ Հազարապետը:
- Ապա՞... Շատ եմ վախենում Պարսկաստան կանչվենք: Կատիպվենք գնալ: Հարկավոր է հարվածները պատրաստել այստեղ, հիմա և այն ժամանակ և մեր բացակա դեպքում տեղապահ կարգել, դա երկար գործ է — երկար, դժվար... Ո՞վ գիտե նաև գուցե չվերադառնանք:
- Որ չվերադառնանք՝ երկիրը կավերվի:
- Այնպես պիտի անենք, որ չավերվի:
- Վարդանի այս հուսադրական, հաղթական մաքերը վառեցին Հազարապետին: Նա Վարդանին լավ էր ճանաչում, գիտեր նրա բնավորությունը, երբեք չպարծենալ, դժբապտույտ շունենալ: Եվ ահա, երբ այդպիսի մարդն ասում է, այնպես կանենք, որ չավերվի՝ պետք է հավատալ: Նա գիտեր Վարդանի անհողզող կամքը: Երբ վճռեց՝ այլևս երկաթի համառությունը հետամուտ էր չինում իր վճիռն ի կատար ածել և նպատակին հասնել:
- Ներս մտավ մի բարձրահասակ, ոչ շատ երիտասարդ անձնավորություն՝ իշխանական արտաքինով: Նրա մի գորք շեղ նշածև աչքերը և դեմքի շորությունը հիշեցնում էին Վարդանին: Նա նույն-

պէս ինքնազուտ էր և Վարդանի պէս շրթունքները սեղմ էր պահում:

Նա մի պահ կանգնեց վարազուլորի առաջ:

— Դո՞ւ էիր, մի փոքր առաջ մտար ամրոց,— հարցրեց Վարդանը:

— Ոչ, Սպարապետ, Մելքոնն էր: Ես գնդումն էի, վազ եկա ամրոց, որ հանգստանամ:

— Շատ շեւ հանգստանա, պիտի գնաս տեսնես իշխանական գնդերը: Տեղեկութիւն ստացա՞ր մյուս իշխաններից:

— Ստացա: Պատրաստ են: Գնունյաց, Արշարունյաց, Վանանդյա, Աբղղենից գնդերը: Տեղեկութիւն չունեմ Պալունյաց, Խորխոռունյաց, և ի՞նչ եմ ասում, մյուսների գնդերից: Ահա վասիկ ցուցակը:

— Սպառազենքի վիճակը...

— Վատ է... Ամեն տեղ թերի է:

Եկվորը լոց և կանգնած մնաց բարձի մոտ, ուր նրան ցույց էր տվել նստելու Վարդանը:

— Սուրհանդակներ կուղարկես իշխաններին, որ անմիջապէս լրացնեն սպառազենքը: Կգնաս կատուգես, կտեղեկացնես, և մի տասնհինգ օրից հետո կգնամ կընդունեմ գնդերը:

— Հրամանդ ի կատար,— ասաց եկվորը քնաթաթախ հոգնած աչքերը սևեռած հատակին:

Նա ըստ երևույթին շատ էր շարշարվում. հագնել էր և հագիվ էր կանգնում ռափ վրա: Նրա նիհարած, գեղնած գեմքը ցույց էր տալիս, որ նա կատարում է գիվական ծանր գործ և չի կարողանում հասցնել ոչ թե թերանալով, այլ որ գործն ահագին էր և անսպառ:

— Սա քեզ համար Մահվիտոտ գետը չի և ոչ էլ հոնական արշավանքները,— շարունակեց հանդիմանալ Վարդանը,— սա ալնպիսի պատերազմ է, որ իմ ու թո հոր հարսանիքը պիտի տեսնենք:

Ու մոտ գնալով քիթը մոտեցրեց նրա թթին, խիստ նայեց և շեշտեց.

— Արջոց տերութեան դեմ ենք դուրս գալիս, հասկանո՞ւմ ես սա...

— Հասկանում եմ, Սպարապետ,— պատասխանեց եկվորը հեզ ու խոնարհ, բայց...

— Ի՞նչ, պիտի արդարանա՞ս... թո՛ղ,— կտրեց Վարդանը,— պատերազմի գործում արդարացում չկա: Հաղթեցիր՝ արդար ես, պարտվեցիր՝ մեղավոր ես: Հազկերտը իմ ու քո հոր տղան չէ: Դո՞ւ ես իմ ու քո հոր տղան:

Հազարապետը ծիծաղեց:

— Դե որ նա քո և իր հոր տղան է, Վարդան, մի՛ շատ կըլտամբիր, տես կաշին ու ոսկորն է մնացել Համազասպ իշխանի: Եղբայրդ է՝ ներիր:

Վարդանը մեղմ ժպտաց: Բայց և իսկույն կրկին լրջացավ:

— Ոչ, ախր բանն այն է, որ ժամանակը մեզ չի սպասում. նա կգա գլխներին կկանգնի Հազկերտի հետ: Գնդեր ենք կազմում առանց սպառազենքի: Դու գիտե՞ս թե ինչ պահեստ է պետք: Պատերազմը պիտի զնա ի սպառումն հակառակորդի: Այլպես կորած ենք:

Վարդանը լուռ անցուդարձ արեց օթեանում, հետո եկավ և կանգնեց Հազարապետի առաջ:

— Ուշանում ենք, Հազարապետ, հանցավո՞ր կերպով ուշանում ենք...

Հազարապետը վեր նստեց:

— Մի՞թե լրջորեն կարծում ես անպատճա՞ռ այս ամառ կսկսվի պատերազմը:

— Պատերազմն սկսված է, ասացի, Հազարապետ, հին զորական ես, հասկացիր այս: Թշնամին թշնամու դեմ որոշվե՞ց՝ պատերազմն սկսված է:

Հազարապետը սթափվեց կարծես այս մտքից: Այո, իրավացի է Սպարապետը: «Զարմանալի են զորականները, ինչպես լավ են զգում պատերազմը», — մտածեց նա:

— Պատերազմը ճակատամարտ չէ: Ճակատամարտը վերջն է պատերազմի: Կանգնած է պարսից բանակը Ապար աշխարհում, կանգնած է Փայտակարանում, դավադրո՞ւմ է Հազկերտը արքունիքում. փրփրո՞ւմ է մեր դեմ: Վերջապես կազմո՞ւմ է համալրումներ իր բանակին:— Ուրեմն պատերազմն սկսված է: Երբեք վաղ չէ,— սկսիր պատրաստվելը՝ ահա զորականի խոսքը:

... Համազասպը երկյուզած ու հարգանքով լսում էր իր եղբայր Սպարապետին:

— Ճշմարիտ է, Սպարապետ, ես թերացա սպառազենքի մեջ: Թերևս կարելի էր այդ կողմում ճնշում անել իշխաններին: Բայց ես ժամանակը գործ դրի ստուգելով գնդերի ուզվածակութունը: Մեկ-մեկ ստուգել եմ գինավորներին: Հետո՝ գիշերային զորախաղեր անել տվի տաժանելի ձորերում: Ստուգեցի նժույգների սրմբակներն ու կոճերը: Ոչ մի վիրավորում: Փայլուն արշավներ եղան: Գաշտային գրոհներ կազմեցի. շատ գոհացուցիչ էին: Դե ես իմ ուշադրությունը դարձրի նախ մարտիկների ընտրության: Առանց մարտունակության ինչի՞ է պետք սպառազենքը: Ժամանակը դրա վրա կորավ:

Վարդանը լսում էր ուշադրությամբ: Նրան դուր էր գալիս Համազասպի հեզ ու խելացի բացատրությունները: Բայց դարձյալ գոհանալ բանը նրա բնավորության մեջ չկար:

— Կավ է, բայց սակավ է: Ամեն ինչ միասին, միաժամանակ: Մարդիկ գտիր, անե՛լ տուր: Գործը մի՛ վերցնի մենակ քո վրա: Բայց հսկի՛ր, հսկե՛լ տուր, ստուգի՛ր, ստուգե՛լ տուր: Հոգիները հանիր:

— Դե, ճշմարիտ է, ի՞նչ խոսք,— համաձայնեց Համազասպը համեստորեն,— կաշխատեմ ասածիդ պես:

— Այո՛, այո՛, ա՛յ... դեռ կաշխատես, կաշվիցդ էլ դուրս կգաս՝ կտեսնես, որ սակավ է, սակավ է: Պատերազմը խժոռոզ գազան է: Աչքդ խփեցիր բացիր՝ արդեն սպառել է ամեն ինչ: Դե, գնա քնիր, որ վաղը հազար գործ ունես:

— Գնամ,— շարժվեց Համազասպը դեպի դուռը. բայց մեջտեղում կանգնեց և ասաց.

— Մոկաց Արտակ իշխանից լուր չկա, Սպարապետ:

— Սուրհանդակ ուղարկե՞լ ես...

— Ուղարկել եմ Ռշտունյաց ամրոցը: Շտապ հանել եմ տրվել այնտեղից: Գնացել է իր աշխարհը, բայց այնուհետև լռել է:

— Ճեպով երկրորդ սուրհանդակ ճամփիր, թող իսկույն եեթ՝ լուր տա գնդի մասին: Քնա՞ծ է, թե նրան էլ պիտի դրդենք:

— Առավոտ կուղարկեմ սուրհանդակ,— ասաց Համազասպը:

— Այս իսկ պահիս ուղարկիր,— կտրեց Վարդանը:— էլի քնեցի՛ր...

Համազասպը թախծալի ժպտաց: Նա առատիկ հոգնած էր: Հանկարծ նա գունատվեց, երերաց և ընկավ ուշաթափ:

— Վա՛հ, ի՞նչ եղավ, — վրա թռավ Հազարապետը:

— Ոչինչ, — անվրդով ասաց Վարդանը, — հոգնած է:

— Ջո՛ւր բեր, — հրամայեց Հազարապետը սենեկապետին, որ թրմփոցի վրա ներս էր վազել: Նա դուրս գնաց:

Վարդանն սկսեց անցուդարձ անել, երբեմն միայն հայացքը աահեցնելով ուշաթափ Համազասպի կողմը:

Սենեկապետը ջուր բերել ավեց, որով ցնցղեցին Համազասպի ճակատն ու դեմքը: Սա ուշքի չէր գալիս: Միշամտեց Հազարապետը, որ մի փոքր էլ վախեցած էր: Տաղնապով նայեց Վարդանին: Վարդանը չմտեցավ ուշաթափվածին և ապաստում էր, որ վերջացնեն գործողությունները: Վերջապես Համազասպը սթափվեց և նստեց: Նրան ջուր տվին, խմեց, չորս կողմ նայեց, թախծալի ժպտաց, հետո վեր կացավ և սենեկապետի օգնությամբ դուրս գնաց:

Վարդանը նրա հետևից ասաց.

— Սուրհանդակն իսկույն ուղարկիր: Առավոտ վաղ եկ մտնու: Համազասպը գնաց:

— Խե՛ղճ իմ Համազասպ: Շատ է հոգնում:

Վարդանը հանգիստ նայեց Հազարապետին և ինչ-որ այլ մտքով տարված՝ ասաց.

— Ուրեմն դեռ չորս գնդերից կա քիչ թե շատ բավարար աեղեկություն: Մնացածներն ապառիկ են... Ո՛չ, տանո՛ւ կտանք, ամեն ինչ տանուլ կտանք այսպես: — Սենեկապե՛տ, — կանչեց դեպի դուռը:

Սենեկապետը ներս վազեց.

— Նժույզը թող դուրս քաշեն:

— Ո՛ւր ես գնում, — անհանգստացավ Հազարապետը:

— Խորխոռունյաց նախարարի մոտ, այն կողմը խուլ է ինչ-որ...

— Այո, կարծես թե...

— Պատի լուսթյուն է տիրում այդ աշխարհում: Կասկածե՛լի է...

— Բայց հիմա՞ պիտի գնաս:

— Վազն ուրիշ գործ ունեմ: Եվ հետո... անձամբ տեսնեմ վիճակը:

— Մի փոքր հանգստացի՛ր:

— Հնար չկա: Դու մնա՛, ես կգամ վաղը կամ մյուս օր,— հետո դիմեց սենեկապետին:— Կպատվիրես, որ Համազասպ իշխանին թողնեն քնել մինչև լուսաբաց. թող հանգստանա: Շատ հոգնած գործից էլ օգուտ չկա: Հազարապետ,— դարձավ նա Ամատունուն գործնական շեշտով,— կազմել տուր թղթեր Դիմաքսենից: Առավելոհենից և Չյունական իշխաններին: Նրանք լավ տեղյակ չեն գործին, թող գործի անցնեն:

— Բարի, Սպարապետս,— ասաց մտերմական պաշտոնակա- նությամբ Հազարապետը և ժպտաց:

Վարդանը հրաժեշտ տվեց և գնաց հագնվելու:

Մի փոքր անց ամրոցի բակում դոփեցին նժույզները, դուրս եկան դարբասից և հետզհետե հեռանալով գիշերային ճանապարհի ուղղությամբ՝ լռեցին:

— «Անդադար հոգի»,— մտածեց Հազարապետը և վերցնելով մատյանը սուզվեց նրա երևակայական աշխարհը:

Շուտով նրա ծեր առյուծի արծաթաբաշ գլուխը խոնարհվեց մատյանի վրա, և օրերով լի ծերունին նիրհեց հենց այդ դիրքում:



Ամբողջ գիշերը Վարդանը ձիավարում էր: Բզնունյաց ծովից փչում էր սառը քամի և խլացնում ճանապարհի շուրջն ամեն մի ձայն:

Վարդանը մտքերում կորած՝ աչքը գետին էր գցել և միևնույն կետին նայելով նրան թվում էր, թե գետինը ետ է հոսում գետի նման: Նա սկսեց նիրհել:

Զգոն էր միայն Արծվին: Երբեմն շրջվում էր և նայում ետ: Ոչ ոք, ոչ մի շունչ, ոչ գազան, ոչ թռչուն: Երբեմն մարդկային կերպարանքներ էին ցցվում որևէ բլրի ծայրին, որ սկզբում գուրք էին վազում խավարի միջից, պատրաստվում արձակել իրենց նետը կամ նիզակը, հետո անշարժանում, քարանում և մոռյլ հայացքով ճանապարհ դնում նրանց: Աստղերը հեռուն փողփողացող

մանր բոցերի նման դողդողում էին, ծորելով նրկրի վրա ցուրտ և օտար, աղոտ լույս:

Նժույգները մերթ զուգաձայն և մերթ իրար կոտորող դոփյու-
նով միաշափ ու այլաշափ վազում էին, տեղ-տեղ դանդաղելով և
քայլք առնելով:

Քամին ականջի մեջ փչելով հեռավոր մարտի կամ ալեկոծու-
թյան, վայնասունի հնչյուններ՝ տազնապ էր բերում հոգուն:
Քարերի տակ, բլուրների կատարներին, փոսերի մեջ փսփսոցներ
էին և շունչներ: Երբեմն՝ թվում էին դավադիր:

Վարդանը նիհճելով, երբ նժույգը թռչում էր որևէ առփի կամ
փոսի վրայից, զարթնում էր և շուրջը նայում: Ոչինչ չէր երևում,
բացի անվերջ, անսպառ, առատ քարաբեկորներից: Երբեմն որ-
սում էր աչքով դիմացը կանգնած՝ խարուսիկ մարդակերպ քարա-
բեկորները և փորձված աչքով կոահելով նրա ինչ լինելը՝ կրկին
գլուխը կախում էր և նիրհում: Մի տեղ միայն, աջակողմյան
հարթության վրա նկատեց մի սևինք, որ երևաց և արագ սուզվեց
գիշերային խավարի մեջ:

— Թա՛ք, թա՛ք, թա՛ք, թա՛ք... Թքա՛, թքա՛, թքա՛, թքա՛, թքա՛,—
թմբկահարում էին նժույգները և քուն բերում: Մի տեղ Վարդա-
նի նժույգը կանգնեց, ականջները ցցեց և ապա կրկին վազեց
առաջ: Վարդանը զարթնեց և բնազդաբար նայեց դեպի ձախ: Մո-
տակա բլրի լաչջով կրկին մի սևինք սողում էր նույն ուղղությամբ,
ինչ-որ իրենցը:

Ետ նայեց:

— Հա՛, Սպարապետ... — մոտ թռավ Արծվին:

— Մեզ հետապնդում են,— ասաց Վարդանը հասարակ եղա-
նակով:

— Գիտեմ, Սպարապետ,— նույն եղանակով ասաց Արծվին
անվրդով՝ բաց, գանգրահեր գլուխը բարձր բռնած և սաղավարտը
գոտկից կախած, որ լավ որսա գիշերային ձայները:

Վարդանն այլևս դադարեց քնելուց: Բայց և չէր անհանգրս-
տանում: Երբեմն միայն աչքի տակով նայում էր աչ կամ ձախ և
ասպանդակում:

Նրանք երկար ձիավարեցին, և դեռ ոչինչ չպատահեց: Իրո՞ք
հետապնդում էին նրանց...

Վարդանը ականջը կախել էր քամու փսփսոցին, որ տիրել էր բոլոր ձայներին: Համատարած «ը՛ս՛ս՛ս» ձգվող սոսափյունի մեջ երբեմն ընկնում էր մի ընդհատվող, դիպչող «բը՛թ, բը՛թ» անող ձայն, քարի գլորվելու, սմբակի՛ դոփելու, կամ զենքի՛ շրջակոցի ընույթի:

Վարդանը կանգնեցրեց նժույգը, նայեց Արծվին:

— Կարծում ես մի՞ հոգի է...

— Միշտ մի քթքթոց է քամու մեջ:

Վարդանը ասպանդակեց և կրկին գլուխը կախելով նժույգի բաշին՝ սկսեց նիրհել: Լուսաստղը վեր լողաց: Երկինքը մթնեց, բլրաշարքերը սևացան, բայց մի փոքր հետո երկնքի հում լույսը գորշացրեց բոլոր առարկաները: Արևելքը գունատվեց: Աջ կողքից ուղեկցել սկսեց սևաստվեր մի հեղեղատ, որ մերթ հեռանում էր, մերթ մոտենում: Նրանք անցել էին այդ հեղեղատը դեռ շատ առաջ, երբ նա աննշան էր: Հիմա նա քանի գնում խորանում էր: Արծվին շարունակ նայում էր այն կողմը: Հեղեղատը միտում էր պտույտ տալ, անշատվել իրենցից և թեքվել դեպի լիճը՝ հավվելով նրա հարթ եզերքների մեջ:

Վարդանը կանգնեց.

— Չերևա՞ց...

— Անձդ պահիր, Սպարապետ, — անհանգիստ մի տեսակ հրամայեց Արծվին և իր նժույգը մոտեցնելով Վարդանի նժույգին մտավ նրա և հեղեղատի միջև՝ պատվարելով նրան: — Քշի՛ր, — ծղրտաց Արծվին:

Ինչ-որ քար գլորվեց կարծես ձախակողմը: Կամ գուցե քամին էր խաբս տվեց լսելիքի մեջ: Արծվին սակայն տազնապով աջ էր նայում շարունակ:

Հանկարծ Վարդանի գլխին շատ մոտիկ օդը շաշեց:

— Նետ էր... — սրվեց Վարդանը:

Մինչ Արծվին կպատասխաներ կամ Վարդանը շարժում կաներ՝ երկրորդը տխրաձայն նվաց կրկին նրա գլխի մոտ: Պարզ էր. նետածիրը հեղեղատի մյուս ափին էր, որ օգտվելով իր և Վարդանի միջև ընկած ձորակից, մտել էր քարի հետևը և այնտեղից նետահարում էր:

Արծվին ցատկեցրեց նժույգը, թռավ դեպի ձախ և դառնալով դեպի հեղեղատը, տեղ որոնեց անցնելու:

— Ետ կաց, շես կարող,— հրամայեց Վարդանը:

Բայց Արծվին շլսեց. նա կատաղել էր, իսկ այդպիսի բուսե-
նեքին նա խելագարվում էր: Նա մի երկու պտույտ գործեց հեղե-
ղատի ափին:

Նետածիզը իրար հետևից նետահարում էր: Մի նետ միվեց
Վարդանի ձախ ձեռի մեջ, բայց թեք: Վարդանը պոկեց նետը: Արծ-
վին նժույզի գլուխն ուղղեց դեպի հեղեղատը:

— Մի', ասում եմ քեզ, ե՛տ արի... շես կարող,— գռչեց Վար-
դանը:

Բայց Արծվին իրեն նժույզով մեկ նետեց հեղեղատը: Ան-
շուշտ նա շարդվեց այնտեղ քարերի մեջ: Վարդանը բռնեց այն
կողմ, թեև նետածիզը շարունակում էր իր դարանակալի գործը:
Հեղեղատի մեջ ըստ երևույթին անցուղի կար: Քարեր գլորվեցին:
Արծվին նրա միջով բռնելով նժույզը՝ տեղ- էր որոնում դուրս գա-
լու: Գտավ: Գուրս ելավ մյուս ափը և սկսեց դիվական թռիչքնե-
րով դեսուզեն ընկնել: Մեկը քարերի արանքից դուրս պրծավ և
որտեղից որ էր, կարծես զետնի տակից հանեց նժույզը և բռնեց
դեպի լճափի հարթությունները: Արծվին ընկավ հետևը: Արդեն բա-
վական լույս էր, և երևում էր երկու ճարպիկ հեծյալների օրհա-
սական արշավը: Նրանք մերթ հեռանում էին իրարից, մերթ մո-
տենում: Փախչողը մերթ. ետ էր ծովում և բաց թողնում նետը:
Արծվին այդ ժամանակ մոտենում էր, բայց փախչողը, որի նը-
ժույզը վազկան էր և կատաղի, թոցնում էր նրան քամու պես:
Վերջապես Արծվին հասավ նրան: Փախչողը հանեց սուրը և հար-
ձակվեց Արծվիի վրա: Պսպղաց նաև Արծվիի սուրը: Սկսեցին
պտույտ տալ, ծառանալ իրար վրա, հարվածներ իջեցնել իրար
վրա, որ վահանները կասեցնում էին: Փախչողը զոռեց, տաքա-
ցավ և հանկարծ թեքվեց վայր և սուրը վեր բարձրացնելով հար-
վածեց Արծվիին: Բայց Արծվին սրով կասեցրեց, ետ ցատկեց, մի
ահագին պտույտ անելով եկավ, թռավ հակառակորդի կողքով և
հանկարծ սրով ձաղկեց հակառակորդին: Սա ընկավ: Նրա նժույ-
զը գլուխը բարձրացրեց ու փախավ: Արծվին իջավ, կուացավ ըն-
կածի վրա: Հակառակորդը թանձր հոնքերով և թավ ընշացքներով
ըլուտ, ոչ երիտասարդ մարտիկ էր: Նա ընկած էր և բերանը բաց
նայում էր Արծվիին:

— Ո՞վ ես,— հարցրեց Արծվին՝ կռանալով նրա դեմքին:

Մեռնողը շխտեց և շարունակեց նայել Արծվիին: Նրա հայացքը պղտորվում էր:

— Որտեղացի՞ ես, ասա, արևդ թաղեմ,— գոչեց Արծվիին՝ ոտը դնելով նրա ծնկան:

Մեռնողը շրթունքները շարժեց: Հազաց և բերանից բաց թողեց փրփրած արյան կոհակը: Նա կոծկաց:

— Ասա՛, ո՞վ է ուղարկել քեզ:

— Նախարարը,— խոպոտ լիստեց մեռնողը և սեղմած բրնձնեքն սպառնալի թափահարեց Վարդանի կողմը: Բռունցքը սակայն թուլացավ և զարկվեց գետնին:

— Սպարապետի՞ն էիր սպանում...

Մեռնողը խռոցնում էր:

— Սպարապետի՞ն... հը՞, շա՛ն որդի... դե՛ գնա:

Մեռնողը ցնցվեց, փորձ արեց նստելու, կրկին ընկավ մեջքի վրա, հետո կողքի և գլուխը թաղելով թևի տակ, մյուսը անհեթեթ տարածելով հետևը գետնին անշարժացավ:

Արծվին տնտղեց նրան ոտից գլուխ, կոացավ նայեց գեմքին, մտից, հեռվից խուզարկեց աչքով նրա հագուստը և նստելով նժույգը, արյունոտ սուրը ձեռից կախ, քշեց դեպի Սպարապետը, որը հանգիստ արշավում էր հեղեղատի մյուս կողմը: Արծվին նժույգը վարեց դեպի հեղեղատի վերջավորութունը և պտույտ անելով՝ սլացավ դեպի Վարդանը:

— Հա, ո՞վ էր, ի՞նչ էր,— հարցրեց Վարդանը վիրավոր ձեռքը թափ տալով և արյունը թոցնելով:

Արծվին իսկույն ձեռք տարավ նժույգի գավակը: Թամբի տակից դուրս քաշեց մի տոպրակ և հանելով վիրակապը վազեց Վարդանի վերքին և զգույշ մաքրելով կապեց:

— Նժույգը վիրավոր է,— ասաց Վարդանը:

— Վիրավոր... — խոցված ցնցվեց Արծվին և նայեց Վարդանի նայած կողմը, իր նժույգի գավակին:

— Վա՛յ աչքս կուրանա, վա՛յ աչքս կուրանա, ի՛նձ գար վերքը. գետի՛նը մտնեմ ես...

Այս ասելով իջավ նժույգից և, արցունքները կաթեցնելով ու խմելով, սկսեց սրբել նժույգի վերքը և վիրակապին ինչ-որ խմոր գեղ քսելով՝ կպցրեց վերքին:

Հետո հեծկլտաց:

— Հա, ի՞նչ է,— կիսաժպիտ ու կիսաբարկացած հարցրեց Վարդանը:

— Ասել է, վերքը վրան թշում էի խեղճ անասունիս... բա խի՞ղճ է...

Ու թևով սրբեց ծոմոված բերանը:

Վարդանը, իր ճանաչում էր Արծվիին և գիտեր նրա կարծր բնավորությունը, գորովանքով դիտեց նրա երեխայական այս թուլությունը և քթի տակ ժպտաց:

— Դե՛, ճանապա՛րհ:

Արծվին հառաչեց և թռավ նժույգի մեջքին:

Գնացին:

Վարդանը հանկարծ մի բան հիշողի պես արագ ետ շրջվեց.

— Հա; չիմացա՞ր ով էր:

— Մեռավ, տեր իմ: Հարցրի՛ ով է ուղարկել, ասաց նախա՛րարը, բայց խոխոաց, բան չհասկացա:

— Նախարա՛րը... — հետաքրքրվեց Վարդանը և շրթունքները սեղմեց, — ո՞ր իշխանը տեսնես:

— Ոչտունցու հագուստ էր, Սպարապետ, բայց... ոտի փաթաթանը այս կողմի մարդու էր:

— Ո՞ր:

— Խորխոռունցու: Սուրն էլ այս կողմի էր:

— Ասել է քո նկատումով խորխոռունցի՞ էր:

— Չեմ իշխում ասեմ, Սպարապետ: Երկու տեղի նշանները խառն էին:

— Է՛հ,— հառաչեց Վարդանը և ինքն իրեն շարունակեց տխուր և դառն,— մխիթարական չէ՛ թե խորխոռունցի էր և ոչ ոչտունցի կամ ոչտունցի էր և ոչ խորխոռունցի: Հայ էր և նախարարի ուղարկած դարանակալ: Է՛հ,— գլուխը թափ տվեց դառնությամբ և ասպանդակեց նժույգը:

Այժմ նրանք ընկել էին լճի եզերքը և գնում էին խաղաղ ընթացքով: Վարդանը նայում էր լճին, որի ափերի մարգարտանման փրփուրները երիզում էին ժանեկավոր ժապավեններով: Ալիքները գլորվելով դեպի ափը՝ ոլորվում, կոտրվում և գալիս փշրվում էին արծաթ հուլունքների շեղջերով: Տեղ-տեղ ալիքների վրա կահակների մեջ սուզվում, դուրս էր լողում ճալի գլուխը: Հյուսիս-արևելքում Սիփանը փռել էր իր սպիտակ վրանը:

Ճանապարհն օրորել սկսեց Վարդանին: Նա աչքերը կիսափակ՝ հայացքով գծելով գետինը, որ ետ էր հոսում ծաղկավառ գորգի պես, սկսեց նղղալ ինչ-որ մեղեդի: Հետո ձայնը բարձրացրեց ավելի.

— «Լ՛ույս, լ՛ույս, լ՛ույս,
Քարի՛ լուսալույս,
Արևագալի՛ լույս»:

Արծվին վերագտավ իր մշտական տրամադրությունը: Կրկին բերանը կիսովին բաց, ցուցադրելով ցուլուն ճերմակ ատամնաշարը, նայեց իր թեթև հեգնական, բայց ուրախ ու անմեղ աչքերով: Նրան դուր էր գալիս իր Սպարապետի հեթանոսական երգը:

Արդեն նժույզները փնչացնում և փրփրակալած ու քրտնամբխած երբեմն քարշ էին տալիս ոտները: Արևի ոսկեգունդը հուրհրաց ծովի վրա: Կրակեցին ալիքները և ծիծաղելով սկսեցին խայտալ: Դիմացը ծովի ափին. շառագունեւ էր իշխանական քաղաքը և պարսպապատ ամրոցը: Ծուխերը կապտավուն ու բարակ հոլովվում էին դեպի վեր:

Ճանապարհին մի փոքրիկ գյուղի գետնափոք խրճիթների կտուրներին նստած էին մի խումբ ծերունիներ և զրույց էին անում: Վարդանը մտավ գյուղ, և երբ անցավ ծերունիների մոտով, նրանք վեր կացան արագ և երեսները խաչակնքեցին: Վարդանն անցավ՝ չնկատելով այդ: Դռնից դուրս նայեց և նախ՝ Վարդանին և ապա՝ Արծվիին դիտեց ու մանր ծիծաղեց մի դեռատի ոսկեհեր աղջիկ: Խրճիթներից մեկից հասնում էր նոր ձու ածած հավի կըլկըշոցը: Մի շուն՝ այն է պիտի սկսեր հաչել՝ ետ մտածեց, ծմբաց և կիսահաչ բերանով հորանջեց մնաց:

Դուրս եկան գյուղից, գնացին դեպի քաղաքը:

Երբ մոտեցան, քաղաքադռան պահակներն իրար անցան և ընդառաջելով կանգնեցին խոնարհ:

— Տա՛նն է Խորխոռունյաց տերը, — հարցրեց Վարդանը:

— Ինչպես հրամայեցիր, Սպարապետ:

Վարդանը նժույզը քշեց քաղաքադռնից ներս: Քաղաքի ժողովուրդը նայեց և ճանաչելով նրան՝ հոսանք տվեց երկու կողքից: Երիտասարդներն իրար անցած, հետաքրքիր, հեկուլով շրջա-

պատեցին Վարդանին: Նրանցից մեկը անկարող էր զսպել իրեն՝ սրտատրոփ ասաց.

— Սպարապետ...:

Վարդանը սուր նայեց նրան և հագիվ զսպեց ժպիտը:
Մյուսները քաշալերվեցին և ավելի սեղմեցին օղակը:

— Տա՛ր մեզ, Սպարապետ, — ձայն տվեց մի համար-
ձակը:

Մյուսները վրա բերին:

— Տա՛ր, տա՛ր, տա՛ր...:

— Մենք էլ ենք ուզում:

Վարդանը անպատշաճ համարեց ուրիշ իշխանի քաղաքում ցույց տալ իրեն տեր ու տնօրեն, ուստի՝ միայն բարյացակամ նա-
յեց երիտասարդներին և ասպանդակեց նժույգը: Շատով նա
կանգ առավ միջնաբերդի դռանը:

Դուրս եկավ Գաղիշոն և պատշաճ արժանապատվությամբ
ներս հրավորեց Վարդանին: Նա ավելի ուշադիր, ուրախ և ակնա-
ծու զերաբերվեց Վարդանին, քան Արտաշատում: Դա կասկածելի
թվաց Վարդանին: Նա լարվեց և սկսեց աննկատելի հետևել Գա-
ղիշոյի ամեն մի հայացքին ու շարժումներին: Բայց Գաղիշոն
համոզիչ հանգիստ էր և ուղիղ էր նայում Վարդանի աչքերի մեջ:
Ո՛րն էր «նախաբարը», որ զուրս էր թույլ սպանված դարանակա-
լի խուպոտ կոկորդից... Ի՞նչ մշտունյաց երկրի հագուստ էր, ի՞նչ
կասկածելի խորխոռունցու ոտաշոր: Եվ սահմանը, ուր պատա-
հեց դեպքը: Բայց որտեղի՞ց էր սկսել հետապնդել դարանակալը:
Սրանք դժվար հարցեր էին:

Գաղիշոն Վարդանին առաջնորդեց իր սրահը, որ ծովահա-
յաց գողտրիկ սենյակ էր, արևի լույսով հարբած: Գաղիշոն սրա-
հը զարդարել էր ամենաընտիր մորթիներով, որոնց մեջ աչքի էր
բնկնում երիտասարդ վագրի մորթին՝ նրա բարձի հետևի պատին
փակցրած: Սրան հովանի էր անում իր փռած թևերով ճախրող
արծիվը: Անկյուններում դրած էին բազիններ հիշեցնող եռոտանի
բրոնզե պատվանդաններ, որոնց բաժակները լիքն էին ծովի ծի-
ծաղկոտ, գույնզգույն խճաքարերով: Դարակներում դրած էին ոս-
կեկազմ մատյաններ: Իսկ հատակը ծաղկաշար գորգերի նուրբ
մանրանկարները խտիտ էին բերում նայողի աչքերին:

Գաղիշոն բարձ հրամցրեց Վարդանին և մի ժպտով, որ

անախորժ էր նրա դեմքին, բայց և զուրկ չլինեցով խելքից հաճելի էր՝ ողջութունը հարցրեց: Ապա անցան գործին:

— Հազվագլուտ ես երևում իմ աշխարհում, Սպարապետ, — ասաց Գաղիշոն:

— Ժամանակը գողանում է մարդու կյանքը, — ասաց Վարդանը, — թերանում ես, շես հասնում, ուշանում ամեն տեղ:

— Մտքովս չէր անցնի, որ կհրամայես մեր կողմերը, — ասաց Գաղիշոն:

— «Հեռացնում է իրենից», — անցավ Վարդանի գլխով:

— Այնպես անակնկալ եկար... մինչ եթե իմանայի, խընդրակներ կուղարկեի նախարարներին, միասին կհանդիպեինք քեզ, կերթայինք որսի:

Վարդանը հառաչեց.

— Է՛, որսն էլ անցավ, որսորդն է՛լ... տաժառնելի օրեր եկան, պետք է հաշիվ տանք երկրին:

Գաղիշոն փակ հայացքը պտտեցրեց հատակին և լռեց:

— Զորագունդդ կազմո՞ւմ ես, — հարցրեց Վարդանը:

— Նո՛ր, նո՛ր, Սպարապետ: Չեմ կարծում, թե այս տարի պատերազմ ունենանք:

— Ունենանք չունենաք՝ զորագունդը վնաս չի տա, — նկատեց Վարդանը լուրջ շեշտելով:

— Կանենք, մի անհանգստանա, Սպարապետ:

Վարդանը շփտեր ինչից սկսել, որ կարողանար պարզել դարանակալի առեղծվածը: Խոսակցութունը չէր կաշում: Ծրկուց կողմն էլ հանգիստ չէին խղճով: Վարդանը մտածում էր դարանակալի մասին, բայց չէր կարողանում կռահել Գաղիշոյի մտքերը: «Արդյո՞ք սա...»: Շատ էր Գաղիշոն հանգիստ և շատ էր երկար նայում Վարդանին այնպիսի ազատ, համառ, մնայուն հայացքով, որ դժվար էր նրա մեջ մի նշույլ որսալ ինչ-որ դարանամուտ մտքի: Այդ հայացքը խոսում էր, մտածում: Այդ հայացքը նայում էր բոլորովին անկախ Գաղիշոյի գրույցից և նայում էր ընդմեջ Վարդանի աչքերից, թափանցելով ավելի հեռուն: Նա խոսում էր մի բան և մտածում այլ բան: Դա պարզ էր, բայց Գաղիշոն առհասարակ ծածկամիտ, ինքնամփոփ մարդ էր: Այդ գիտեր Վարդանը: Նա, իհարկե, ոչ մի ակնարկ չարեց դարանակալի մասին: Բայց զարմանում էր, թե ինչու Գաղիշոն չի ակնարկում

սպանվածի մասին: Չգիտե՞ դեռ... Չի՞ կամենում... Թերևս դեռ
լուրը չի հասել: Հնարավոր է... Շատ կասկածելի թվաց Վարդա-
նին Գաղիշոյի անուշադրութունը Վարդանի ձեռքի վերքին: Սա-
նավանդ որ արյունը վերքից դուրս ծծվել՝ թրջում էր նրա վիրա-
կապը: Եվ շհասկացվեց այդ ակնհայտ հանգամանքն ստիպեց
Գաղիշոյին, թե նոր նկատելով՝ նա հարցրեց.

— Այդ ի՞նչ արյուն է, Սպարապետ, հո վայր չե՞ս ընկել
նժույզից:

— Դրա նման մի բան եղավ:

Եվ նայեց Գաղիշոյին: Սա, որ սկսել էր հետաքրքրվել —
այդպես թվաց գոնե Վարդանին — նորից պաղեց: Վարդանն աշ-
խատեց խոսքը շարունակել տեսնելու համար, թե Գաղիշոն որ-
քան է հետաքրքրվում իր վերքով:

Խոսքը փոխեց.

— Ինչպե՞ս էր մարդպանի տրամադրութունը մեր հեռանա-
լուց հետո, կարողանո՞ւմ էր պարսիկների հետ գլուխ դնել:

— Պարսիկների հետ դյուրին է, — ասաց Գաղիշոն. — հայե-
րի հետ ասա:

— Ի՞նչ կար հայերի հետ, — հարցրեց անտարբեր եղանա-
կով Վարդանը:

— Հայերը քիչ էր մնում դավաճանի տեղ դնեն նրան:

Վարդանը զգաց, որ Գաղիշոն կամենում է իրեն որսալ: Եվ
երբ Գաղիշոն սկսեց մի թեթև դատափետել վասակին իր նիզա-
կակցութունը ծածկելու համար, Վարդանը պաշտպանվեց նրա-
նով, որ փոխանակ վասակին պաշտպանելու՝ սկսեց ավելի խիստ
դատափետել նրան: Եվ սրանով հույս ունեւր թմրեցնել Գաղիշո-
յի զգոնութունը, բայց խորամանկ Գաղիշոն կռահեց այդ բայը
և համաձայնեց Վարդանի հետ: Դա արդեն պարզ էր: Պարզ էր.
թեև անկասկած չէր: Բայց և այս խոսակցութունից անկախ՝
Գաղիշոն աչքը չէր հեռացնում Վարդանի ձեռքի վերքից: Մի ան-
գամ հարցրել էր և ստացել էր անորոշ պատասխան. անզգույշ էր.
կրկին հարցնել:

Վարդանը սակայն զգում էր դավադրական մի մթնոլորտ:
Ինչին, ո՞ւմ էր վերաբերում, դժվար էր կռահել: Նա սկսեց ուշի-
ուշով հետապնդել Գաղիշոյի հայացքին, թե որքան և ինչ հե-
տաքրքրությամբ է նա կանգ առնում իր վերքի վրա:

— Ե՛րբ դուրս եկար Ողականից, — հարցրեց Գաղիշոն:

— Գիշերս:

— Ուրեմն ամբողջ գիշեր ձիավարել ես: Հոգնած կլինես: Նախաճաշ հրամայիր և անմիջապես պառկիր:

Գաղիշոն «սկսեց», բայց և լավ «վերջացրեց»:

— Ոչինչ, հանգիստ եմ եկել, — ասաց Վարդանը:

— Հանգիստ կլինեիր, — համաձայնեց Գաղիշոն, — ճանապարհը հարթ է, նժույզները անխափան ընթանում են. թեև մութն էր գիշերս և նժույզը կսայթաքեր դյուրին, — «փակեց» հարցը, բայց հարմար «բացեց» Գաղիշոն:

Վարդանը ծածուկ հարված տվեց:

— Ամեն բան կպատահի... եթե պիտի պատահի...

— Հա՛...մ, — համաձայնեց Գաղիշոն:

Բայց ժամանակ էր գործի անցնելու: Վարդանը բացատրեց իր գալու նպատակը: Պարզապես ասաց, որ եկել է գորատես անելու:

Գաղիշոն դժկամ, բայց արտաքին հոժարությամբ սննեկապետին հրամայեց.

— Խորեն իշխանին պատվեր տուր ինձանից, թող զորագունդը հանի ծովափ:

Սննեկապետը աչքի տակով երկար նայեց Վարդանին, նշանակալից երկար պահեց հայացքը և ապա տարակուսածի պես դանդաղ հեռացավ:

Երբ դուրս եկան միջնաբերդից, բազմությունը մոռաց, տարուբերվեց քանդվող պատի պես և հանկարծ պատառվեց դեպի Վարդանը:

Գաղիշոն մոռալ նայեց բազմության: Բայց սա հափշտակված մղվում էր դեպի Սպարապետը: Գուրս եկան դաշտ: Այրուձին ու հետևակը շարք-շարք կանգնել էին ծովափի գծով: Երբ Վարդանը մոտեցավ, նրա մոտ շտապեց երիտասարդ Խորեն Խորխոռունի իշխանը և խոնարհաբար համբուրեց Վարդանի ձեռը: Վարդանը համբուրեց նրա ցաց գլուխը: Վարդանը վաղուց էր ճանաչում նրան:

— Քաջառո՞ղջ են Ատոմ իշխանը, Արտակը, — հարցրեց նա ամոթխած ժպիտով և գորովալի աչքերն ուղղելով Վարդանին:

— Սպասում են գնդերիդ, — ասաց Վարդանը, — մոռանալով իր մի փոքր առաջվա հետախուզական մտահոգութիւնները:

Նա չէր կարողանում այլ բաների մասին մտածել, երբ տեսնում էր զորքը: Նա առաջ գնաց դեպի այրուձիւն: Նժույզները անհանգիստ «այո-այո» էին անում գլուխներով՝ քշելով ճանճերը: Հազարավոր երիտասարդ խստահայաց դեմքեր զարծել էին Վարդանին: Նրանք կերպավորվում էին իբրև մի տեսակ մարդակերպ արծիւնե՛ր՝ իրենց քթերով ու հպարտ դիմազօծերով: Բավական էր մի հրաման, և նրանք կզգեին, կկտրատեին ամեն ինչ:

Վարդանը խաշակնքեց նրանց: Մարտիկները կրկնեցին նույնը:

— Քաջառո՞ղջ եք, տղայք, — հարցրեց Վարդանը:

— Քաջառողջ, Սպարապետ, — թնդաց գոռոգը:

Վարդանը գորովալի հայացքով գնաց նրանց առջևով և անցավ հետևակին: Դրանք նիզակներին հենված, քաջուան ու լայնաթիկունք մարտիկներ էին, վահանների հետ դեմքերը ծածկած, որ երբեմն ցցում էին դուրս և նայում:

Վարդանը հրամայեց խորենին, որ գնդերը շրջապատեն իրեն:

Խորենը հրամայեց: Գնդերը օղակեցին Վարդանին: Նա դիմեց նրանց.

— Տղայք, ես գիտեմ, որ ձեր մեջ մի հատ վախկոտ մարդ չկա: Լա՛վ ջանք արեք, նժույզներդ խնամեցե՛ք, վարժա՛նք արեք, դժվարին օրեր են սպասում մեզ: Ձեր իշխանը, տեր Գաղիշոն և ձեր մոտիկ հրամանատարը՝ խորեն իշխանը երեսները պարզ կընային մեր ժողովրդին: Ձեզ ուժ կտա և կպահպարտի ձեզ հայրենիքի սերը: Լա՛վ եղեք:

— Պատվերդ կատա՛ր, Մպարապետ, — գոչեց մի մարտիկ կասկարմիր կտրելով:

Գնդերը թնդացին բարեմաղթութիւններով:

Վարդանը ետ շրջվեց դեպի Գաղիշոն:

— Տեսքը, սպառազինութիւնը հուսալի է: Ապա՛, — դարձավ խորենին:

Խորենը հրամայեց.

— Զորագնդե՛ր, միաշա՛րք:

Զորագնդերը ետ բացվեցին և կրկին գնացին իրենց առջևը:

Խորենն սկսեց զանազան զորախաղեր:

Մարտիկները վահանները պարզած, նիզակները ցից, թրուկոտելով, բայց դանդաղ մղվեցին առաջ, ապա նիզակները հոլովելով հետզհետե արագացրին քայլերն ու հանկարծ խուժեցին դեպի բլուրն ի վեր: Այնտեղ նրանք պատառվեցին մի քանի սասերի և արագ շրջապատեցին բլուրը և ամեն կողմից վեր վազելով իրենց մեջ սեղմեցին թշնամու երևակայական գունդը: Նրանք ցցեցին իրենց նիզակները բլրին՝ հաղթական գոչուններով:

Սրանց հետևից՝ այրուձին: Հեծյալների դեմքերը կծկումներով կապտեցին, ու հանկարծ պոկվեց գունդը դեպի ընդարձակ ծովեզրը: Ավազն ու խճճերը պարեցին նրանց ոտների տակ, նժույզները կարկտեցին գետինը, և մի ակնթարթում գունդը սեվացավ հեռվում իբրև ամպի՝ ստվեր, որ սողում էր ծովեզրին: Նույն կարգով ետ դառավ գունդը, բայց կիսաճանապարհին մասմաս պատառվեց, առաջ անցան մասերը, կրակված եկան սլացան և ահազին հեղեղատից թռան, գնացին իրենց տեղը: Ապա սկսվեց հետևակի և այրուձիի խառնամարտ: Գնդերը իրար մեջ անցան և սկսեցին հարվածել իրար, պտտվել, գոռալ, մրկել: Սրելի զրնգոցները վահաններին, ձիերի խրխինջը, նիզակների կոփյունները, ահռելի ոտնատրոփը, փոշին իրար խառնվեցին:

— Ավա՛րտ, — գոչում էր Խորենը, բայց ոչ ոք չէր լսում:

Դրոշակակիրները ճոճեցին զրոշները: Դա ազդեց: Իսկույն մարտը դադարեց, և գնդերը հազալով ու հեալով գնացին իրենց տեղերը կանգնեցին:

Խորենը քրտնած, կարմրած՝ նժույզը բռնեց դեպի Վարդանը: Սա ետ գարձավ և ուրախ ժպտով նայեց Գաղիշոյին:

— Քաջամարտիկ գնդեր ունես, իշխան:

— Եվ քաջամարտիկ հրամանատար, — ականարկելով Խորենին ասաց Գաղիշոն:

Զորքը, մարտի գեղեցկությունը, խենթ երիտասարդությունը մի պահ մոռացնել էին տվել խուլ հակառակորդների ներքին թույնը, և նրանք գոհ ու թարմ նայում էին գնդերին և իրար:

— Մահվիռոտին մասնակիցներ կան, — ասաց Գաղիշոն Վարդանին:

— Ո՛ւր են, — ուրախացավ Վարդանը:

Խորենը ձայնեց.

— Մահվիռոտի մարտիկները առա՛ջ:
Իսկույն հետևակազնդից և հեծյալ գնդից դուրս եկան բավա-
կան մարտիկներ և եկան դեպի Վարդանը:
Նրանք ժպտացին և խոնարհ ողջունեցին Վարդանին:
— Քաջառո՛ղջ եք, տղա՛յք,— հարցրեց նա:
— Աստված կյա՛նք տա, Սպարապետ,— ասաց մեկը նրան-
ցից:

Մյուսները կրկնեցին:
— Դե՛, աստված պահպան ձեզ. լա՛վ եղեք, լա՛վ տեսնեմ
ձեզ առաջիկա պատերազմին:

Մարտիկները աչքներն ու ականջները սրեցին:
— Շուտով արյաց դեմ ենք գնալու,— ասաց Վարդանը,—
հայրենիքի համար:

— Հայրենիքի համար,— կրկնեց մարտիկը,— ամեն բանի
համար արյուն ենք թափել, հայրենիքի համար կյանքներս էլ
կտանք:

Սուր նայեց նրան Վարդանը,— քեզ տեսե՛լ եմ Մահվիռո-
տում:

— Մանուկի հետ, Սպարապե՛տ,— ուրախացած վրա բերեց
խոսողը,— նա, որ թուրն իջեցրեց քուշանի վրա, հենց այն է՝ մեկ
ուրիշը նրան նետահարում էր, նրան էլ ես վերջացրի: Դու մտիկ
տվիր ինձ...

Վարդանը նոր հիշեց այդ վայրկյանը: Ծշմարիտ էր. բայց նա
մոռացել էր այդ:

— Ոչինչ, պարտքս կվճարեմ մի օր,— կատակեց Վարդանը:

— Դու մեզ մի բան ես պարտ, Սպարապետ,— ասաց մար-
տիկը,— որ կյանքդ լավ պահես, մեր գլխին կանգնած լինես:

— Ամե՛ն, ամե՛ն,— ասաց խորհնը, որ բոլորովին խանդա-
ղատանք էր դառել այս շերմ գրույցից:

— Գե, ապրե՛ք, որդի՛ք,— ասաց Վարդանը:

— Տեղե՛ն՛րդ,— հրամայեց խորհնը մեղմաձայն:

Մարտիկները գնացին: Նրանց ճկուն պողպատ մեջքերը,
մկանուտ ոտներն ու աշխույժ քայլերը ցույց էին տալիս, թե ինչ-
պիսի մարտիկներ էին:

Վարդանը ուրախ նայեց Գաղիշոյին: Բայց սա ամպել էր ար-
դեն... Նրանք հրաժեշտ տվին գնդերին և հեռացան:

— Գնդերը մարտական վիճակի են,— ասաց Վարդանը,—
տա աստված՝ մյուսները ևս նմանվեն սրանց:

Գաղիշոն շխոսեց: Նրան մտահոգեց այն ջերմ ընդունելու-
թյունը, որ ցույց տվեց իր զորագունդը մի օտար նախարարի:
Ի՞նչ անենք, որ նա Սպարապետ է: Սպարապետին ընտրել են.
վաղը կարող են հեռացնել: Նա զգաց, որ վասակյանների առաջ
լեռնանում են ժողովրդական զանգվածները, որ ամեն տեղ ջերմ
դիմավորում են այս մարդուն: Նա մտածում էր իր գնդերը իր
ձեռն առնելու մասին: Դուր չեկավ նրան բնավ նաև խորհնի խան-
դավառությունը Վարդանի հանդեպ: Նա լուրջ արգելք պիտի լի-
ներ հետագայում, երբ տերունական զորքը կազմվեր:

Նրանք խոսելով անցան ծովափը:

— Ինչպե՞ս է ժողովրդի տրամադրությունը,— հարցրեց
Վարդանը,— դավաճաններ եղա՞ն:

— Ոչ,— պատասխանեց Գաղիշոն խուլ ձայնով:

— Դավաճանները մեծ գլխացավանք են դառնալու մեր գըլ-
խին մի օր,— ասաց Վարդանը,— կհաղթենք և տեսնենք դրանց
դատաստանը:

— Իսկ եթե պարտվենք, թերևս դավաճանները մեզ փրկե-
լեն,— կժեց Գաղիշոն:

— Որ պարտվենք՝ միևնույն է, թե ով է հարվածում մեզ,
դավաճա՞նը, թե պարսիկը, երկուսն էլ մեզ թշնամի են:

Բայց Վարդանին զբաղեցնում էր դարանակալը: Նրան չէր
ազդել ոչ վտանգը և ոչ վերքը. նա շատ էր եղել թե վտանգներում
և թե շատ վիրավորվել: Նրան հետաքրքրում էր, թե ո՞վ է այն
«իշխանը», որ ուղարկել էր դարանակալին: Կատակի համար չէր
լինի. կնշանակի կար մի լուրջ, հիմնավոր դրդապատճառ՝ կամե-
նալ վերցնել մեջտեղից Սպարապետին՝ հայրենիքին սպառնացող
վտանգի պահին:

Եվ երևի այդ իշխանը մենակ չէր: Եվ այդ դավադրության
թելերը գնում են շատ հեռու, թերևս Արտաշատ, Տիզրոն...

Գաղիշոյի ամբողջ ընթացքը, նրա մոռյլ դեմքը, բազմանշա-
նակ, բարդ հայացքը մի բան ասում էին, որ նա է ուղարկել դա-
րանակալին:

Վարդանը համարյա համոզվեց դրանում:

Սակայն երբ նա ցանկութիւն հայտնեց իսկույն ճանապարհ
ընկնել դեպի Արծրունյաց աշխարհը, Գաղիշոն ասաց.

— Գիշերը մի՛ գնա, վտանգավոր է:

— Ի՞նչ կա որ...

— Ավազակներ են հայտնվել վերջերս: Մեկը շարունակ թա-
փառում է իմ ու քո աշխարհների մեջ: Շատ եմ հետապնդում՝ չի
աշտղվում բռնել:

Սա գծից հանեց Վարդանին:

Ուրեմն դարանակալը ավազակ էր հասարակ ու աննպա-
տակ: Կարող էր չալդ պատահել...

Բայց ավազակին ինչո՞ւ պիտի ճնախարարն ուղարկեր: Կամ
ի՞նչ շահ ավազակին՝ այդպես ասել: Ի՞նչը կփրկեր նրան ժահից:

Սա էլ հիմա ավելի հաստատեց, որ դարանակալը այստեղից
է ուղարկված: Եվ հետո՝ անցավ կես օր, ոչ մի լուր սպանվածի
մասին: Գոնե իրեն ոչ մի բան չեն հայտնում:

Բայց ի՞նչ էր ուշտունցու հագուստը... Արդյոք այնտեղից չի՞
ուղարկված: Բայց ո՞վ պիտի ուղարկեր: Արտակ Ռշտունին իր
հետն էր առաջին իսկ գիշերից, երբ ստացվեց հրովարտակը:

Գնացին ամրոց: Արդեն ճաշի ժամ էր: Տրվեց ճոխ ճաշ: Գա-
ղիշոն մի փոքր զվարթ երես ցույց տվեց, շմոռանալով հյուրըն-
կալի պարտականութուններն ու պատշաճավոր քնդունելության
կանոնները:

Նրանք խոսում էին արյաց պետութւյան մասին:

— Բայց դժվար գործ ենք հանձն առնում,— ասաց Գաղի-
շոն,— ամեն բան կարող է պատահել:

— Ամեն բան կարող է պատահել,— կրկնեց Վարդանը՝ ավե-
լի շեշտելով Գաղիշոյի ասածը,— բայց մենք չենք, որ կսկսենք
պատերազմը, այլ Հազկերտը: Ո՞ւմ օժիքը բռնես: Բայց պատե-
րազմը նա կսկսի, մենք կվերջացնենք:

— Տա՛ աստված,— հորանջեց Գաղիշոն:

Ճաշից հետո քնեցին:

Արծվին դուրս չեկավ միջնաբերդից: Նա անբացակա հսկում
էր Վարդանին անգամ սրահի դռանը՝ ամենեկին ցույց չտալով, որ
նկատում է Գաղիշոյի թիկնապահի խոժոռ հայտքները, որով սա
արտահայտում էր իր դժգոհութիւնը նրա անվստահութւյան:

Իրիկնադեմին, երբ աղջամուղջը մոխրագույն շղարշի նման

ծածկեց երկիրը, Վարդանը ցանկութիւն հայտնեց մեկնելու: Գազ
դիշոն կրկին զգուշացրեց նրան գիշերային ճանապարհորդութիւն-
նից:

— Ավազակներին որ նայենք՝ ամբողջից դուրս շարտի
զանք,— ասաց Վարդանը,— լավ զորականներ կդառնանք...

— Հյուրընկալի պարտքն է զգուշացնելը,— ասաց Գադի-
շոն,— եթե ոչ՝ մի մարդ նրանք են, մի մարդ՝ մենք:

Ներս մտավ մի անձնյա, հարգեոր պառավ, կլորերես, խոշոր
աչքերի խելացի հայացքով, սաստիկ նման Գադիշոյին: Նա իր
գիրուկ, ճերմակ ձեռը մեկնեց Վարդանին և խաչակնքեց նրան:
Վարդանը համբուրեց նրա ձեռը:

— Ապրե՛ս, որդի՛ս,— ասաց պառավը և նստեց բարձին ու
բարյացակամ հայացքն ուղղեց Վարդանին:

— Քաջառո՞ղջ ես, իշխանուհի՛ մայրիկ,— հարցրեց Վարդա-
նը պառավին, որի հետ, ինչպէս երևում է, վաղուց էր մտածա-
նոթ, և իրար համակրում էին:

— Փառք ամենակալին, որդի, դու մեր գլխին անպակաս
լինես՝ քաջառողջ ենք ու կանք: Ինչպե՞ս է Մեծ Տիկիներ:

— Հիվանդացավ վերջին ժամանակներս:

— Ինչո՞ւ, կուրանամ ես:

— Հավատի լուրը շփոթեց միտքը, ջերմ եկավ վրան:

— Ամենքս էլ շփոթված ենք, Սպարապետ,— ասաց մեծ տի-
կին իշխանուհին,— ի՞նչ պիտի լինի վերջներս, դատաստանի օրն
է հասնում: Երկու զավակս՝ Գադիշոն և Խորենը կովի մեջ կլինեն:

— Ամենքս կովի մեջ կլինենք, իշխանուհի՛ մայրիկ, դուրսը
մարդ չի մնալու: Ազգի կռիվ է: Զոհբակիս բերել եմ տալիս Հու-
նաստանից:

— Ասում են, բայց Գադիշոս հակառակ է կովին: Խորենիս
հետ գիշերները մինչև լույս կռիվ են տալիս: Գադիշոս խելացի է,
բայց Խորենս չի համոզվում: Խորենս ուզում է, որ պատերազմ
լինի:

— Պատերազմն ինքն էլ է ուզում լինել,— ծիծաղեց Վար-
դանը:

— Իսկ ծնո՞ղն ինչ է ասում: Նրանք այնտեղ վիճում են, դու
հիմա մօր սիրտը հարցրու:

Վարդանը ժպտալով նայեց իշխանուհուն և ասաց.

— Ապա կթողնե՞ս, որ տունդ ատրուշան դնեն, կրակ պաշտես:

— Աստված տնի՛ց-օջախի՛ց հեռու անի,— երկյուղած ասաց մեծ տիկին իշխանուհին:— Դատաստանի օրը տեսնեմ, այդ շրտեսանեմ:

Գաղիշոն լսում էր այս խոսակցությունը և մոայլվում: Ուրեմն Վարդանը մտավ նաև իր ընտանիքը... Ամենուրեք նա՛, նա՛ և նա՛... Իսկ որտե՞ղ են իրենք՝ վասակյանք...

Գաղիշոն ցանկություն հայտնեց Վարդանին ուղեկցել նրան և այցելել Արծրունյաց իշխանին: Խորենը ևս: Մութն ընկավ: Վարդանը խնդրեց, որ նժույզները քաշեն: Բերին նժույզները, նստեցին, և Վարդանը հրաժեշտ տվեց մեծ տիկին իշխանուհուն: Երբ դուրս եկան միջնաբերդից, քաղաքի փողոցներն ու կտուրները ծեփված էին բազմությունը:

— Եկա՛վ, եկա՛վ,— ձայնեցին այս ու այն կողմից և խոնրվեցին Վարդանի շուրջը: Նա անցնում էր իբրև կախարդական մի անձնավորություն: Լսվում էին հառաչանքներ, բարեմաղթություններ, խաչակնքում էր ամբողջ բազմությունը:

Վարդանը իր ուղեկից իշխաններով շրջեց Բզունյաց ծովի հյուսիսային եզերքը և մտավ Արծրունյաց սահմանը:



Ողական ամրոցի ներքին հարկաբաժիններից մեկում երիտասարդ սեպուհներ էին հավաքվել Մելքոնի գլխին և զրուցում էին: Դրանք գիշերային մարդիկներ էին, նոր էին քնից վեր կացել և սպասում հերթափոխ սեպուհներին, որ իրենք գնան գնդի գիշերային զորախաղին: Դրանք կոխվներում և զորական արշավանքներում թրծված ու կոփված մարտիկներ էին, բոլորն էլ արևառ, «ոչ ընտանի» մարդկանց դեմքերով: Նրանք լսում էին մելքոնի ինչ-որ մի պատմությունը և մերթ քրքիջի պռոթկումով խլացնում էին օթևանը: Ըստ երևույթին Մելքոնը շատ ծիծաղելի բանի մասին էր խոսել:

— Ինչպե՞ս է եղել, ինչպե՞ս է եղել,— հարց տվին պատմողին մի քանիսը:

— Դե ասում է էլի՞, ձիու մեզի մե՞ջ,— ասաց մի կարճա-
հասակ սեպուհ՝ սևուկ աչքերը պսպղացնելով շարանճի ծիծաղով:

— Հա՛, հա՛, հա՛, հա՛,— կոպիտ հոհոացին սեպուհները, և
այս ամենի մեջ լսվում էր իր սաստիկ բամբ ձայնով մի գիրուկ
սեպուհի ծիծաղը, որ զոգոում էր, ինչպես սայլը քարուքանդ զա-
ռիվայրից վայր իջնելիս:

— Լսե՛ք, իրեն կանչեցեք, թող պատմի,— ասաց սևուկը:

— Լա՛վ, քնա՛ծ կլինի,— ասաց Մելքոնը:

— Չէ՛, չէ՛, կանչենք:

— Ապա՛ գնացեք բերեք:

Գնացին: Չանցավ մի քանի րոպե՝ ներս բերին Մանուկին,
այն մարտիկին, որին վիրավորել էր վարժանքի ժամին սրախա-
ղով հափշտակված ընկերը՝ վարդանի ամրոց գալու օրը: Մանու-
կը քնաթաթախ աչքերը տրորելով նայեց սեպուհներին:

Սրանք բարձրագույ ջրբջացին:

Մանուկը, որ շէր հասկանում բանի էությունը, հարցական ու
մռայլ նայեց նրանց:

— Մանո՛ւկ, ապա պատմիր. ինչպե՛ս եղավ այն ձիու մեզի
պատմությունը:

Մանուկը դժգոհ, որ դատարկ բանի համար իրան թարժած
են արել քնից, կշտամբեց համեստ ձայնով:

— Ախր, սեպուհնե՛ր, վարժանքից հոգնած եմ, դրա համար
քնից կվերկացնե՛ն...

— Լա՛վ, լա՛վ, էլի կգնաս քնես: Պատմի՛ր,— ստիպեց Մել-
քոնը:

— Ո՞վ է այդ բաները խոսել, Արզա՛րը:

— Արզա՛րը,— ասաց սևուկ սեպուհը կամենալով գրգռել
Մանուկին:

Արզարը նրան վերք տվողն էր:

— Նա ինձ հանգիստ չի թողնի, մինչև շուտի մի օր:

— Կուտեցնես, դա հետո, դու պատմիր, թե ինչպես եղավ:
Մեզը խմեցի՛ր,— հարցրեց Մելքոնը:

Բոլորը մի պոռթկումով ջրբջացին:

— Դե, մի՛ ձեռ առնեք, սեպուհներ:

— Ձեռ չենք առնում, պատմի՛ր,— ստիպեց Մելքոնը:

Մանուկը բթի տակ շարանճի ժպտաց.

— Ես ընկա մի քանի քուշանի հետևից: Դե մի երկուսին շարեցի իրար հետևից: Մին էլ հետևիցս, ախր դրանք անիծած սովորույթ ունեն, փախչելիս քշում են, անապատի փոսերն ընկնում կորչում: դու մտիկ ես տալիս դեմդ, իսկ նրանք հետևիցդ են քամու պես հասնում ու կալմեջ անում: Հա, թե ոնց եկան հետևիցս, մեջ առան ինձ՝ չիմացա: Մինը թուրը վրա բերեց: Վահանս դեմ տվի՝ թուրը կոտրվեց: Սուտ վիրավորի խազ արի, ընկա, գլորվեցի փոսը: Հիմի սպասում եմ որ ահա՛, ահա՛ թրերը կիջեցնեն գլխիս: Նժույզովս տարվեցին: Կողքանց մտիկ եմ անում, որ իրար ձեռից ուզում են խլել: Մտիկ տալու ժամանակ տեսնեմ նրանցից մինը աչքի տակով իմ կողմս մտիկ տվեց:

— Դու մե՛զը ասա, մե՛զը, — կտրեց Մելքոնը՝ աչքով անելով սեպուհներին:

— Մեզը, ո՞նց մեզը: Դե գլուխս փոսի մեջ էր, մեզը լիբը բերնբերան: Ձիերի կապած տեղն էր եղել՝ վերջը տեսա: Գլուխս ձեռաց կոխեցի մեզի մեջ: Դե կուլ գնաց:

Քրթիչի պայթոցը խլացրեց Մանուկին:

— Հետո՞:

— Հետո էլ ի՞նչ: Երևի կարծեց անիծածը, թե շունչս տվի: Նժույզովս հղա՛ն: Հենց մի ուրրե շանթեցի, ական թոթափել վեր թռա դրանց նժույզներից մինի մեջքին ու քշեցի վրա: Մեկին զարկեցի, մյուսները ցրեցի, փախա բանակ:

— Իսկ Սպարապետի՞ն ինչպես ազատեցիր, — հարցրեց ավելի լուրջ տրամադրված մի սեպուհ:

— Կավ, դա պատմելու բան չէ, — գլուխը ուսերի մեջ կոխեց և դուրս փախավ Մանուկը:

Հետևից քրքշացին:

— Շատ բաներ ունի, — ծիծաղեց Մելքոնը, — չի ուզում պատմել:

Սեպուհներից լուրջը գլուխը շարժեց:

— Բաց Սպարապետին ազատելը մեծ գործ է:

— Բա՛... — ձգեց Մելքոնը լուրջ:

— Չէ, իսկապես, չլինե՛ր Մանուկը՝ Սպարապետը ձեռից գնացել էր:

— Գնալո՞ւ պես...

— Դա Մահվիռոտի կովի՞ն էր:

— Մահվիռոտի: Ասենք,— կանգ առավ Մելքոնը և աչքերը կկոցեց,— Մահվիռոտի կովին ազատվեց ոչ մենակ Սպարապետը, այլ պարսից զորքը: Չէ, դրուստ: Ծս տեսա: Ինձ Սպարապետն ուղարկել էր հետախուզութեան: Ծս գիշերն անցա ավազուտները, մտա թամարիսկները՝ թաքնվեցի: Ավելի առաջ գնալու հնար չբար: Մնացի, որ գիշերն անցնեմ մյուս ավազուտը: Բայց անիծած բուշաններին հետախուզելը անտանելի բան է: Քամու պես, մին էլ տեսար, ավազներից դուրս պրծավ մի հեծյալ խումբ, ըջեց վրա, զարկեց ու կորավ:

— Մեզ պես,— նկատեց մի սեպուհ:

— Չէ, սպասի՛: Նրանցը ուրիշ է:

— Գալիս է մյուսը, չգիտես հիմի սա առաջվանն էր, թե ուրիշը: Ական թոթափել խմբվում, ձեռաց ցրվում են՝ շես կարողանում թիվը գտնել: Գիտեք, էլի: Պարսից բանակը մտել էր անապատ: Մուշկան Նյուալավուրտը շատ առաջ քաշեց զորքը, խորացավ անապատի մեջ: Քուշաններին էլ այդ էր պետք: Սկսեցին փոքրաթիվ խմբերով կծոտելը: Ջարկեցին փղերին, ու մինչ պարսից հեծյալը վրա հասավ՝ բուշաններն անհետացան: Դե պարսիկ հեծյալը, գիտեք, դեմառդեմ լավ է կովում: Քուշանները զարկում են ու փախչում, որ հետևիցն ընկնես: Ընկնում ես հետևիցը՝ նա սկսում է փախչելիս նետահարել, արյունաքամ անել:

— Դա գիտենք:

— Հա, իհարկե: Չէ, ասում են, թե ի՞նչ դուրս եկավ: Մուշկանը զորքը կանգնեցրեց մի շարքի և սպասում էր ճակատամարտի: Ճակատամարտ չեղավ: Քուշանները հա՛ կծում էին, հա՛ փախչում, փախչելիս էլ կծում — լկեցին պարսից զորքը: Ահա այդ պահին էր՝ Վարդանը հայոց այրուծին հավաքեց, միացրեց սրան մի գունդ էլ պարսիկ հեծյալ, զարկեց բուշաններին ու հանկարծ էլ շրջվեց ու փախուստի ձև տվեց: Քուշանները ընկան հետևները: Վարդանը փախավ, ճեղքեց պարսից զորքի ճակատը, շարունակեց փախչելը: Քուշանները տարվեցին, խրվեցին պարսից բանակը: Վարդանը Արծվիին թոցրեց Մուշկանի մոտ և պահանջեց շրջապատել բուշաններին: Մուշկանը շրջապատեց: Այն ժամանակ Վարդանը գիրթ շարժումով շրջվեց ու հարվածեց բուշաններին: Բայց բուշաններին կոտրելը հեշտ չէր: Պետք էր արագ շարժել, թե չէ՝ դուրս կպրծնեին: Այստեղ էր, որ Վարդանը բա-

նեցրեց իր սիրած ուրբքը: Հայոց այրուձիով խրվեց քուշանների ամենախիտ շարքերը:

— Հա, նա գիտե այդ բաները:

— Մի պահ է՛լ, և այրուձին կուլ պիտի գնար: Սասանեց այրուձին, ու այն է՛ պիտի ետ կանգնե, Վարդանը ինքն իրեն նետեց առաջ ու շրջապատվեց մի քանի զինվորների հետ՝ Արծվին էր, Մանուկը, Աբգարը և մյուսները: Այստեղ հենց ճակատի վերքից Արծվի աչքերը արյունով լցված շտեսավ քուշանին, որ թուրը վրա էր բերում Վարդանի հետևից, Մանուկը թռավ ու զորեց քուշանին: Այրուձին հասավ, զարկեց քուշաններին: Սրանք սասանեցին և մաս-մաս դետուղեն փախան: Այրուձին պատառ-պատառ նրանց բաժանեց որ՝ այդ ժամանակ էլ պարսից զորքը վերջացրեց գործը:

— Ապրի Մանուկը, — ասաց մի սեպուհ:

— Գու Սպարապետին ասա, — ասաց Մելքոնը, — թե ինչպես հասկացավ արագ հարվածի տեղը և փրկեց մարտը:

Լրջադեմ սեպուհն առաջ եկավ և ձեռքը ճակատին խփելով ասաց.

— Գրանք դեռ ոչինչ, ինձ համար Սպարապետը մի բանով է թանկ: Այ, մի անգամ ինչ պատահեց: Նյուշապուհ քաղաքումն էր: Հավաքված էին պարսից մեծամեծները: Խոսք եղավ Մահվորոտի կովի մասին: Գովեցին հայոց այրուձին, Սպարապետին: Մեծամեծներից մեկը, — ճանաչում եք, — Նուշիրվանը, որ ասում է հայերին, վերցրեց թե. «Մենք Վարդանին սիրում ենք նրա համար, որ Վարդանը հայի նման չէ»: Հենց այս ասելը գիտեք. մի ապտակ շառաչեց նրա այտին, որ կայծեր թռան: «Ապիրատ, — գոռաց Սպարապետը, — հերիք չէ՞ հաչես հայի վրա»: Իրար անցան, վիրավորվեցին, մեկը Սպարապետին է զսպում, մյուսը Նուշիրվանին, սա գոռաց. «Հիմա ես լուրը կտանեմ Հազկերտին»: — «Ես էլ հենց դրա համար կերցրի, — ասաց Սպարապետը, — որ լուրը տանես, որ նա էլ իմանա: Թող ամենքն իմանան, որ հայը հայի է նման և ոչ պարսիկի»:

— Հոգո՛ւն մեռնեմ Սպարապետի, — գռչեց մի երիտասարդ սեպուհ: — Դա ամենից լավն էր: Եթե ոչ՝ քաջեր ամեն տեղ կան:

Սեպուհները, որ կատակներով էին սկսել, վերջացրին լուրը խոհերով: Պատմող լուրջ սեպուհը դառնությամբ շարունակեց.

— Ծանաչում եմ մի պաշտոնյայի, հայ էր, պարսկական ծառայութեան մեջ. հայերեն չէր խոսում մեզ հետ, թեև լավ գիտեր: Մի օր հարցրի՝ ի՞նչ ազգից ես. ասաց՝ «մի ժամանակ հայ էի»: «Իսկ հիմա պնակակիզ շուն ես», — ասացի նրան:

— Զապտակեցի՞ր:

— Զուգեցա ձեռս կեղտոտել:

Ամրոցի դարբասը ուժգին բախեցին: Հետո կրկին: Դարձյալ եվ ազելի ուժգին...

— Սա՞ ինչ բան է... Պահակները քնած են:

— Քնած են, որ...

— Վե՛ր կացեք, ձա՛յն տվեք:

Սեպուհները իբրև անցան և դուրս թափվեցին բակը:

— Ո՞վ է...

— Բացե՛ք, շո՛ւտ...

Պահակները քնաթաթախ վեր թռան:

Մելքոնը հարձակվեց նրանց վրա.

— Քնած եք, ավանակներ...
— Ո՞վ է՞ է՞... — ձիգ տվեց աշտարակից պահակապետը:

— Բացե՛ք, սուրհանդա՛կ:

— Ներքե՛ իջեք, տեսե՛ք, — հրամայեց պահակապետը:

Դարբասը երգող ձայնով ձիգ ճոնչաց, զարկվեց պատին: Նժույզները կոփեցին քարերը: Մտնողներից մեկը բարձրաձայն հրամայեց.

— Զարթեցրե՛ք Սպարապետին: Շո՛ւտ:

Վերև վազեցին սեպուհները:

— Ո՞ւր, ո՞ւր, ո՞ւր, — գոռաց պահակը Վարդանի սրահի միջանցքում:

— Շատ մի խոսի, — քամահրեց սեպուհներից մեկը և վազեց դեպի սրահի դուռը:

— Ախր ո՞ւր եք քշում: Սպարապետն այնտեղ չէ, — գոռաց պահակը:

— Ապա ո՞ւր է:

— Սենեկապետին հարցրեք:

Գլուխը դուրս բերեց Հազարապետը և խոպոտ, անախորժած ձայնով հարցրեց.

— Ի՞նչ կա, ինչո՞ւ եք աղմկում:

Դուրս եկավ պատշգամ:

Իսկույն նրան ընդառաջ վազեց սուրհանդակներից մեկը և տվեց մի մագաղաթ:

Հազարապետը քնաթաթախ նայեց մագաղաթին, որ շէր էլ կարող կհամարան մեջ կարդալ:

— Ի՞նչ է սա, — հարցրեց բարկացած:

— Մարզպանն ուղարկեց, Հազկերտը կոչի հրաման է տվել, բոլոր իշխաններին հրամայում է անմիջապես մեկնել Պարսկաստան, արքունի Դուռը ատյանի: Սա հրովարտակի պատճենն է:

— Հա՛... ա՛յ թե ինչ, — մտահոգ խոսեց Հազարապետը, — ա՛յ թե ինչ...

Սվ ապա դարձավ սուրհանդակին:

— Բայց Սպարապետը գնացել է ուրիշ տեղ:

— Մարզպանը հրամայեց շտապել, ապա թե ոչ ասաց՝ պարսից զորքը շարժվում է Հայաստան:

— Կաթողիկոսն ո՞ւր էր, երբ հրովարտակն եկավ, — հարցրեց Հազարապետը:

— Էջմիածին:

— Գիտե՞ հրովարտակի մասին:

— Ոչ:

— Ապա ինչո՞ւ իմաց չեն տվել:

— Մարզպանն ասաց, որ դա կաթողիկոսին չի վերաբերում, սա պարսից տերության գործ է: Հրամանն արքայական է:

— Կավ, գնացե՛ք ներքև, — հրամայեց հազարապետը և դարձավ սեպուհներին, — անմիջապես, ճեպով սուրհանդակ ուղարկել Սպարապետի հետևից:

— Այստեղ էր, գնա՛ց... — հարցրին սեպուհները:

— Դա ձեզ չի վերաբերում, — գոչեց Հազարապետը, — շո՛ւտ հետևից հասեք: Գնացե՛ք Խորխոռունիք:

Սեպուհները վազեցին ներքև:

Հազարապետը հսկեց, որ ճեպընթացը գուրս գա: Երբ սրա նժույգը ծեծեց սալահատակը, նա գնաց սրահը և մագաղաթը մոտեցնելով ճրագին՝ սկսեց կարդալ: Նա հեաց, կիսատ թողեց կրկին մոտեցրեց աչքերին հրովարտակի պատճենը:

Այ թե ինչ...



Հազկերտի կոչի հրամանը մրրիկի պես մտավ Հայաստանս նա սպառնալից էր, շարագուշակ մոայլ:

Կոչի հրամանով, պարսից Դուռն էին կանչվում մարզպանը, Արծրունյաց, Խորխոռունյաց, Մամիկոնեից, Մոկաց, Ռշտունյաց, Վահեունյաց, Անձևացյաց տերերը և Հազարապետը: Սրանով Հազկերտը գլխատում էր հայ նախարարությունը:

Եվ ի՞նչ էր սպասվում այդ կոչի հրամանից... Կարող էր Հազկերտը բանտարկել իշխաններին, թերև և ոչնչացնել և ապա զորքերով ողողել Հայաստանը: Հետո՞ ի՞նչ կպատահեր իրենց՝ հայ իշխաններին: Կարո՞ղ էին բռնադատվել հանձնելու երկիրը և իշխանությունը՝ հավատի ուրացության քողի տակ: Կգլխամայրի՞ն մեծ նեղությունների, խոշտանգումների...

Տարակուսանքն օտ երկբուղը համակեց շատերին: Ամենից շատ իբրքանցման մեջ էր կաթողիկոսը՝ նախ համարելով իրեն հավատի զորքի ածաթչական պատասխանատուն արքայի առաջ և ապա, որ նախարարությունը իբրև դիմադիր ուժ՝ կարող էր փորձություն ենթարկվել, տեղի տալ և եկեղեցին թողնել մենակ:

Տեղեկանալով կոչի հրամանի մասին՝ կաթողիկոսը անմիջապես կոչ ուղարկեց մարզպանին և նախարարներին՝ իբրև հայրենյաց ուխտին գրված զինվորների, գումարվել էջմիածին, վճռելու իրենց անելիքը:

Կաթողիկոսը հրաժարվեց գումարվել Արտաշատում, ուր Վասակի և Նրա կողմնակիցների ազդեցությունը կասկածելի մթնոլորտ էր ստեղծել, նա կարծում էր, որ էջմիածինը ավելի ազատ վայր է խնդիրները վճռելու համար:

Նախարարներից Վարդանի կողմնակիցները նույն նկատառումներով բարվոք համարեցին էջմիածնում ժողովվել:

Արդեն գիշերվանից մայրաքաղաքի դուռը բացվում էր ստեպատեպ՝ բաց թողնելով նախարարների շքախմբերը դեպի էջմիածին: Նրանց հետևից վազեցին վանականները, ազդամների թևերի պես թոցնելով գիշերային քամու դեմ իրենց զգեստների սև քրդանցքները: Նրանց առաջնորդում էր Գրիգորիոս վանահայրը ծերունի վանականի հետ:

Նոր էր նրանց փոշին իջնում պարսից ելնող ճանապարհի վրա, որ քաղաքից դուրս եկան ժողովրդական խմբեր, որոնք շրջապատելով Հովակիմ դարբնին և Աբրահամ պապիկին, հարց ու փորձ էին անում պատահածի մասին: Հովակիմ դարբինը խոսելու հետ վեր ու վար թափահարելով իր գոգնոցի նմանող մորուքը՝ շատ լրջորեն բացատրում էր եղելութունը: Խմբերը դուրս գալով քաղաքի դռնից, իրար մոտեցան պարիսպների տակ, որ արդեն ժողովատեղի էր դառել այնտեղ խոնված շինականների համար, որոնք այժմ շրջապատել էին Առաքելին: Սա նստել էր մի կլոր, մեծ քարի վրա և երկու ափերը դրած իր մեծ սրի դաստակին՝ գլուխը հենել իր ձեռքերի վրա, խորհում էր: Նրա մոտ խոտի վրա թիկն էին տվել Սահակը, Եզրասը և Զարեհը:

Հովակիմ դարբինը իր բազմությամբ մոտեցավ Առաքելին և լուռ կանգնեց նրա դիմաց: Առաքելը միայն շտկվեց ու սուր հայացքը գամեց նրա աչքերի մեջ: Նրանք լռեցին:

Նրանց շուրջը կազմվեց մի ամրապինդ պարիսպ անհանգիստ և տարակուսած բազմությունից, որ հարցական հայացքներով ըսպասեցին երկուսի խոսելուն: Արդեն Առաքելը, Հովակիմ դարբինը, Աբրահամ պապիկը, Եզրասը, Սահակը, ինչպես նաև սրանց շրջապատող Վարաժը, Մարկոսը, Գոռնակ Սիմավոնը՝ աննկատելի կերպով դառնում էին ժողովրդական շարժման ղեկավար կենտրոնը, — որը դեպքերի զարգացման ծավալման հետ զուգընթաց հետզհետե որոշվում, ձևավորվում էր, իմաստ ստանում: Սրանց մեջ, — այդ ամենքն էին զգում, — սկսում էր ղեկավար զգալ իրեն Առաքելը: Ողբերգական դեպքը, որ նրան դուրս շարտեց իր տնից ու տեղից, փախստական վիճակը և վինվորյալի ուխտը նրան իրոք որ դարձրին ղեկավար: Նա գիտեր, որ իր համար այլևս խաղաղ և օրինական կյանք չկա մինչև աշխարհի, իրերի փոխվելը, որ նրան սպասում է արյունալի, փոթորկոտ մի կյանք, որ կարող էր վերջանալ իր վերջով թերևս: Այս հուսահատ և նաև հուսալից վիճակը նրան իրոք որ ներշնչում էր իսկական զինվորյալի ոգի: Եվ Առաքելին այդպես էլ ընդունելով բազմությունը՝ ձգտում էր դեպի նա:

Նախարարների և հոգևորականների ճանապարհվելը էջմիածին՝ առանց ժողովրդին հրավիրելու այնտեղ, շատ բնական և հասկանալի բան էր: Բայց այսպիսի մի դաժան արհավիրքի ժաշ

մանակ ժողովրդից հեռու հավաքվելը և որոշումներ կայացնելը, երբ խնդիրը վերաբերում էր երկրի գոյության, անհանգստացրեց ժողովրդին: Ի՞նչ կվճռեն... Ի՞նչ կձեռնարկեն... Կմնայի՞ն հավատարիմ այն ուխտին, որ կնքեցին տաճարում նամակի պատասխանի ժամին... Չէ՞ որ մեջները կային այնպիսի հակառակորդներ, ինչպես Վահեվունյաց նախարարը, Գաղիշոն, ուրիշները, և վերջապես մարզպանն ինքը: Ծիշտ է, նախարարները երգվեցին հավատարիմ մնալ հայրենիքին, պաշտպանել այն: Կկատարեի՞ն իրենց՝ տված խոսքը:

Տարակուսանքներով և անհանգիստ հարցերով շրջապատեցին Առաքելին և մյուս ղեկավարներին:

— Գնացին վճիռը դնելու, Առաքել՝ շինական, — ասաց Հովակիմ դարբինը:

— Գնացի՞ն... — ցածրաձայն ասաց Առաքելը և կրկին ծնուրդ դրեց սրի դաստակին դարսած ձեռների վրա:

Հովակիմ դարբինը կարծես լիովին հասկացավ Առաքելին և լուռ մնաց կանգնած: Նրա փոխարեն բազմությունից լսվեցին խառն ձայներ:

— Իշխաններն ու սևավորները գնացին վճիռ դնելու: Բա մենք չիմանանք, թե ինչ վճիռ կհանեն:

— Երկրի տերերն են, կանեն: էստեղ, մե՞նք ինչ:

— Ո՞նց թե մենք ինչ: Մեր երկիրն է ձեռից գնում:

— Տեղդ ծանր կաց, կանեն ինչ որ պետքն է:

— Կանեն, վե՞ր ընկի էստեղ փալասի կտորի պես: Բա մենք էստեղ բան չե՞նք:

— էդ մեզ չեն հարցնի:

— Ո՞նց թե մեզ չեն հարցնի: Բա ո՞վ պիտի կովի:

— Զորքը:

— Զորքը մենակ ո՞նց կարող է: էդ զորքն էլ մենք չե՞նք:

— Իշխանությունն իրենցն է՝ հրամանն իրենցն է:

— Դե ասա գնանք ջո՛ւրը լցվենք:

Պինդ սեղմած շարքից մեկը գլուխը դուրս հանեց ու շիկնելով ձայնեց.

— Զուրն ինչո՞ւ ենք լցվում: Մենք էլ մեր գործը կանենք:

— Ի՞նչ, գնանք էջմիածի՞ն:

— էջմիածի՞ն:

— Էջմիածի՞ն գնամ, ժամ պատարա՞գ անեմ, հավատի կոհ՞վ տամ:

— Հավատի կոհվ ինչի՞ ես տալիս: Գու քո կոհվը կովի, թըշ-նամիսներս մեկ է:

— Հա՛, հա՛, մեջտեղը հայրենիքն է, երկիրն է, գինվորյալ ենք:

— Արդար է,— լավեց ամեն կողմից:

— Արդար է, բայց հիմի ի՞նչ եք անում:

— Ի՞նչ, գնանք հետները, ասենք կովին: Էն պատասխանը, որ տվին թագավորին, կոհվ չի՞: Կոհվ է ու արյուն է, պիտի կըռ-վենք:

— Է, ո՞վ է կովի դեմ...

Առաքելը գլուխը բարձրացրեց սրի դաստակին հեռած ձեռ-ների վրայից ու վճռական նայեց վիճողներին ու բազմության:

— Սպասե՛ք,— բարձրացրեց ձեռը թեթևակի,— նրանք իշ-խանավորներ են, գնացին իրենց գործին: Նրանք մեզ չեն հարց-նի: Կարող է վերջը հարցնեն, թե շատ նեղը մնան: Էդ էլ կտես-նենք: Հիմի մեր անելիքն ի՞նչն է: Մենք ուսմիկ ենք, ուզում ենք դուրս գալ, մեր երկիրը պաշտպանել: Իմացեք, առանց նրանց չենք կարող: Մենակ թե նրանց հետ՝ մեր գործը պիտի լավ իմա-նանք: Վեր կկենան մեզ պես, կկուլեն՝ լավ, չե՞ն վեր կենա, չե՞ն կովի — մե՛նք պիտի կուլենք: Հիմի գնանք տեսնենք ինչ են անում, մեր անելիքը վճռենք, անել տանք՝ ինչ կարող ենք:

— Արդա՛ր է,— լավեց այս ու այն կողմից:

— Ճշմարի՛տ, գնանք:

— Կնա՛նք,— վճռեց բազմությունը:

Էջմիածնի ճանապարհից հապշտապ մարդիկ էին դալիս: Մո-տեցան: Դրանք շինականներ էին, որոնց մտահոգ ու շփոթված կերպարանքները մատնում էին, որ ինչ-որ արտակարգ բան է պատահել կամ գնում են մի տեղ, ուր դեպքերը պիտի տեղի ունենան: Նրանք տեսնելով դեպի Էջմիածին գնացող բազմությու-նը, մի պահ կանգ առան:

— Հա՛, ի՞նչ կա,— հարցրեց Առաքելը:

— Ո՞ւր են արտաշատցի գինվորյալները,— հարցրին նը-րանք,— իմացած եղեք. նախարարձերը գնում են թագավորին հնազանդվելու:

— Ո՞վ առաց, — հարցրեց Առաքելը:

— Ողջ էլ միածինն է խոսում: Ժողովուրդը հավաքվել է էջ-միածին, չի թողնում: Գուք է՛լ հասեք:

— Գնանք տեսնենք ինչ լուր է, — շտապեցրեց Առաքելը:
Բազմութունը թափով գնաց:

Երբ Վասակը լուր ստացավ, որ բոլոր նախարարները և հոգևորականները արդեն հավաքվել են, համարեց, որ ժամ է նաև իրեն շարժվելու: Նա վերցրեց հետը այդ օրերը միշտ իր մոտ հյուրընկալվող Գաղիշոյին, և երկուսով ճանապարհ ընկան դեպի էջմիածին:

Այրարատյան դաշտը լցված էր եկող՝ բերքի բոլոր բույրերով: Թե՛ծ արևը հավելել էր խաղողի այգիների հողե պարիսպների, փոշոտ ճանապարհների և հեռավոր լեռների լանջերի մոտ: Մասիսի վիհն ու պատառոտուն լանջերը լցված էին կապույտ ստվերներով: Ճանապարհը, որով գնում էին Վասակն ու Գաղիշոն, ոլորվում էր շամբերի արանքով: Օդում և խոտերի մեջ մնչում էին թռչունները: Այնպիսի անդորր էր շուրջը՝ կարծես ոչինչ չէր պատահել ու չէր պատահելու:

Մի կարավան էր օրորվում հարավից: Նառը հպարտ նայեց Վասակին և արհամարհանքը մշուշոտ ու խեթ աչքերում ցայեց. անցկացավ: Կարավանապետը և իր օգնական ուղտապանները վայր թռան ուղտերից և բերանբսիվայր ընկան դետին, երբ հավասարվեցին Վասակի և Գաղիշոյի անցնելուն:

Վասակը կանգնեցրեց նժույգը և նշան արեց կարավանապետին, որ մոտ գա: Կարավանապետը խիստ սևադեմ, պնդակազմ ալեխառն մի մարդ՝ մոտ վազեց և բարև բռնած կանգնեց ճանապարհի եզրին:

— Որտեղի՞ց ես գալիս, — հարցրեց Վասակը:

— Տիգրոնից, տե՛ր մարզպան, — պատասխանեց կարավանապետը ակնածանքով:

— Զորք տեսա՞ր ճանապարհին:

— Տեսա. նյուշապուհ էին գնում:

Վասակը նժույգին խթեց ակամա:

— Շա՞տ էին, — հետաքրքրվեց նա:

— Քառասուն, հիսուն հազար: Քայն կտր, որ Հազգերտը զրգնում է բուշանների դեմ:

Չոր ու անշնորհակալ Վասակը նժույզը բռնց:

Գաղիշոն հետևեց նրան: Արագ անցան:

— «Նյուշապո՛ւհ» է գնում, իսկ լրտեսներս զրոսնո՛ւմ են...

Քերևս շրջիվ այս կողմ... — ասաց Վասակը:

— Հազիվ թե, — հանգիստ ասաց Գաղիշոն:

— Խարդախ է օձը:

— Բայց խելացի էլ է, — բացատրեց Գաղիշոն, — եթե զենքի ուժով կամենար գործը գլուխ բերել, հրովարտակով շէր սկսի: Նա սպասում է պատասխանի: Նախ կամենում է խաղաղ միջոցներով:

Վասակին զարմացնում էին Գաղիշոյի անվրդով ու ինքնուրույն դատողությունները: Նա ազդվեց այդ պնդաճակատ ու ինքնամոտի մարդուց, որ երբեք չէր կորցնում իրեն:

Կոշնահարության ուժեղ ձայներ էին լսվում: Վասակը կանգնեցրեց նժույզը:

— Էջմիածնից է, — ասաց Գաղիշոն:

— Այնտեղ գնաց նա, շսպասելով մեզ և արդեն սկսե՛լ...

— Այո՛...

Վասակը հուսահատ շարությամբ նայեց Գաղիշոյին:

— Ի՛նչ, ուրեմն նա պիտի ամբողջ ազգը ոտքի՛ հանի: Զարեհավանից պարսիկ զո՛րք բերել տամ:

— Այդպես միայն գործի կանցնես, — ասաց Գաղիշոն:

— Գնանք էջմիածին, ես կարգելեմ նրան խոռվել երկիրը, գուրս կվճռեմ այն խելագար երեցին: Նա էլ անշուշտ այնտեղ է: Խոսքը Ղևոնդ Երեցի մասին էր: Ու մինչ նրանք մոտենում էին էջմիածնին՝ ճանապարհի աշակողմից նրանց դիմաց դուրս եկավ մի հսկայական երթ ահագին բազմության, որի գլուխ էր անցել Ղևոնդ Երեցը: Հազարգլուխ վիշապի պես սողում էր նա Վասակի կողմը սև ու թանձր: Այդ բազմահազար ամբոխը հավաքվել էր գաշտավայրի շեներից և գնում էր դեպի էջմիածին:

Հանկարծ բազմությունը ցնցվեց, և հազարավոր դեմքեր դարձան դեպի դիմացը: Այնտեղից հորձում էր մի ավելի մեծ բազմություն, որի գլուխ էին անցել Վարդանը և մյուս նախարարները: Նա ժայթքելով գալիս լափում էր ամեն ինչ և աջ ու ձախ բազուկներն արձակում, խուժում փողոցներն ու անցքերը: Բազմությունը ալիք-ալիք եկավ խառնվելու Ղևոնդ Երեցի զանգվածին: Վարդան Մամիկոնյանն ու նախարարները գալիս էին զանգվածի ուժով

մղված: Վարդանի ահեղ կերպարանքը եկավ դեպի Վասակը և բազմութեան հետ նկարվեց նրա դիմաց: Վասակը քաշվեց դեպի Վասակը, Գաղիշոն ձեռքը բարձրացրեց բազմութեան վրա՝ հանդարտեցնելու շարժումով: Երկու բազմությունները իրար լափելով միացան երկու հեզեղի պես և կուլ տվին նախարարներին: Վասակը սարսափեց, սարսուց:

Իշխանները մտան տաճար: Մոայլ կամարները իրենց ստուն ու խոնավ շնչառութեամբ ճնշեցին եկվորներին, իսկ տաճարի դասը սևացել էր այնտեղ լցված հողերներով: Նրանցից մի մասն էլ հավաքված էր երկրի զանազան գավառներից, ինչպես և կոչի հրամանի մեջ հականե անվանե նշված նախարարներից զատ՝ եկել էին նաև այլ նախարարներ, որոնք անհանգստացել էին կոչի հրամանից:

Կաթողիկոսը դարձավ իշխաններին.

— Հնազանդ եք կոչի հրամանին, գնալ Պարսկաստան:

Ճնշող լուսթյունը կլանեց ամեն մի շնչառություն:

— Տե՛ր մարզպան, դո՛ւ պատասխան տուր. հնազանդ ես կոչի հրամանին:

— Ես մարզպան եմ, հպատակ եմ արքային: Ուրիշ ի՞նչ վճիռ կարող եմ տալ...

— Եվ դու, տե՛ր Արծրունյաց, ավագդ նախարարաց, նաև դո՛ւ հնազանդ ես կոչին:

— Չկա ուրիշ ելք, տեր հողեր, պետք է գնալ՝ թերևս այդ է բարին:

— Բարին այդ չէ, — բարձրացրեց ձայնը կաթողիկոսը զայրույթի շեշտով և հագիվ պահելով իրեն, որ շփոթի, — բարին չէ՛ այդ միայն... Քրիստոսի պսակը նահատակության կարող եք ընդունել նաև այստեղ...

— Քրիստոսի պսակը կընդունենք այնտեղ, տեր հողեր, — ասաց ներշապուհը, — մի՞թե կա տարակուսանք այս մասին...

Կաթողիկոսը տարակուսանքով նայեց մյուսներին.

— Հարցմունք եմ անում նաև ձեզ, տանուտյա՛րք և իշխա՛նք Աշխարհին հայոց: Ո՞րն է լավագույնը՝ գնալ թե չգնալ: Տեր Մամիկոններից, տո՛ւր պատասխան առաջի աստուծո և ժողովրդյան:

— Հարկ է, որ գնանք, հողեր տեր:

Ամենքը դարձան դեպի նա ներշնչված և զարմացած:

— Պետք է գնանք, հոգևոր տե՛ր,— բացատրեց Վարդանը,— Քերևս այնտեղ իր բնում խեղդենք արհամիրբը:— Ժամանակ շահենք:

— Իսկ եթե փորձությունը շփոթմունք ծնի՞ ձեր հոգիների մե՞ջ: Եթե որևէ մեկը թուլանա ոգո՞վ:

— Թուլացյալ ոգիները, նախքան կանցնեն թշնամու կողմը՝ հոշնչանան մեր ձեռքով,— սպառնալի շեշտով ու մտայլ զորակա՜ծի հանգիստ եղանակով ասաց Վարդանը:

Բոլոր իշխանները ակամա ակնածանքով նայեցին նրան:

Կաթողիկոսը բարձրացրեց ավետարանը, որ բռնել էր մինչ այդ, և ասաց.

— Օ՛ն, ուրեմն, տյա՛րք, երգվեցե՛ք այս ավետարանիս վրա, որ հավատարիմ կմնաք աստուծո և ժողովրդյան: Տե՛ր մարդպան, տե՛ր Արծրունյաց, տե՛ր Մամիկոններից...

Վասակը, ներշապուհը, Վարդանը իրար հետևից մոտեցան ավետարանին և ձեռները վրան դնելով մեկ-մեկ, իրարու հետ հայտնեցին:

— Երգվում եմ:

— Երգվեցին մյուսները ևս:

Տիրեց այն հանդիսավոր և ծանր լուսթյունը, որ հետևում է բռնադատված և աղետալի ձեռնարկներից առաջ: Մակայն վանքի ներսում գտնվածները լսել սկսեցին հետզհետե աճող մի իրարանցման աղմուկ, որ հասավ դրսից:

— Ժողովո՛ւրդ, գնո՛ւմ են,— լսվեց վանքի մուտքի մոտից մի անհանգիստ և զրգոխ ձայն:

— Գնո՛ւմ են...

Բազմությունն իրար անցավ և ուժեղ մուտոցով խեղդեց այս խոսակցությունը: Մարդիկ սկսեցին սեղմվել դեպի վանքի մուտքը:

— Կո՛ւտ կացեք այնտեղ,— հրամայական շեշտով գոչեց մի ահպուհ վանքի մուտքի մոտից:

Բազմությունը մի պահ սպասեց:

— Տյա՛րք և տանուտյա՛րք,— ասաց կաթողիկոսը,— հատկություն է մարդկային բնույթի՝ գայթակղություն, փորձություն քատանայի, թուլացում ոգու կամա թե ակամա, հայտնի թե ծածուկ... Տեսե՛ք, ձե՛զ դատելու է Աշխարհն հայոց: Հավատարի՛մ

մնացեք ձեր հայրենիքին և օտեր հավատին: Զորավիգ ձեզ ժողովո՛ւրդն հայոց. ձեզ ոգի՛ ոգիները բյուրավոր: Գնացե՛ք, երթա՛յք խաղաղությամբ:

— Մնա՛ք խաղաղությամբ, — ասացին նախարարները և համբուրելով կաթողիկոսի աչք՝ շարժվեցին դեպի տաճարի մուտքը և հենց որ երևացին՝ մի թափով բազմությունը վազեց նրանց առաջ: Նախ՝ լավեց անորոշ աղմուկ, որից ոչինչ չէր հասկացվում: Թիկնապահները փորձեցին ճանապարհ բանալ իշխանների համար, բայց բազմությունը փակեց նրանց ճանապարհը: Սա մի նոր հանդգնություն էր Արտաշատի տաճարի դեպքերից հետո: Վասակը սկսեցավ զայրույթից. նայեց Գաղիշոյին, որ նույնպես զայրացավ, բայց ոչինչ չխոսեց: Ու մինչ կվճռեր մի բան ձեռնարկել՝ հանկարծ լավեց Առաքելի ազդու բարձր գոչը.

— Ժողովո՛ւրդ, դե՛մ կանգնիր, չգնա՛ն...

— Ծանապա՛րհ, ճանապա՛րհ... — սաստում էին թիկնապահները մտրակները շաշեցնելով օդի մեջ և նժույզները բռնելով բազմության վրա:

Բազմությունը սակայն տեղի չտվեց, ընդհակառակը, զայրացավ և հարձակվեց թիկնապահների նժույզների վրա, ողողեց նրանց, գնաց շրջապատեց նախարարներին:

Վասակը և նախարարներից ոմանք նշան արին թիկնապահներին, որ հեռացնեն բազմության:

— Թո՛ւյլ տվեք, — ձայնեց Վարդանը թիկնապահներին և կանգնեց բազմության առաջ:

Բազմությունը խոնվեց Վարդանի դեմ:

— Ի՛նչ է ձեզ վրդովում, եղբայրնե՛ր, — հարց տվեց Վարդանը՝ հազիվ զսպելով ահամա զայրույթը բազմության այս անպատշաճ վարմունքից:

Իսկույն Առաքելը ճեղքեց արտաշատցի և ակոռեցի զինվորյալների շարքը և գնաց առաջ կանգնեց:

— Ո՛ւր եք գնում... — հարցրեց նա մոռյլ կշտամբանքով:

Ամեն ինչ պապանձվեց: Անշուշտ հանդուգն շինականը դաժանորեն պիտի տուժեր: Այլևս սա՛անց կացավ նախկին դեպքերի հանդգնությունից: Բայց Առաքելը, հավատարիմ զինվորյալի — իրեն առաջ գցողի — կանոնին, զինվորյալի մշուշը աչքե-

բում մթնած՝ և մահվան հանդեպ անզգա, գնաց ընդհուպ մոտեցավ Վարդանին:

— Ո՛ւր եք գնում... — համառ ու շոր ձայնով հանդգնեց նա և երբ միաժամանակ տեսավ պողթկալու մոտ Վասակի զարյացած դեմքն ու թունավոր աչքերը՝ արհամարհական շեշտով նետեց.

— Մենք գլխներիցս անցած մարդիկ ենք, իշխաններ, մեզ մահով չեք վախեցնի, — ու կոպիտ դարձավ կրկին Վարդանին.

— Գնում եք բռնավորի դուռը. ապա ո՞ւմ եք թողնում աշխարհը:

— Աշխարհը թողնում ենք ուխտյալ զինվորյալ ժողովրդին հայոց, — մոռյլ հանգստությամբ պատասխանեց Վարդանը:

— Մենք բոլորս զինվորյալ ենք, Սպարապետ, — համառեց Առաքելը, — բայց ի՞նչ իմանանք, թե մեզ չե՞ն դավաճանի դավաճանները:

— Ո՞վ դավաճանի, աշխարհը հո ինքն իրեն չի դավաճանի, շինական աստծո, — պատասխանեց Վարդանը: — Ձեր կամքը ձեռք ձեռին է: Գործեցեք՝ ինչպես կամենաք:

— Մի՛ք գնա, — ասաց Առաքելը, — հանեք աշխարհքը բռնավորի դեմ, կեղնենք բոլորս:

— Մի՛ք գնա, մի՛ք գնա, — բազմաձայն արձագանքեցին նրան ամեն կողմից:

Վարդանը ձեռք բարձրացրեց, որ լսեն ու լսեն իրեն:

— Վանեցե՛ք ամեն տարակուսանք և կասկած, — ասաց նա վճռական ձայնով, — մենք երդվել ենք աշխարհի առաջ և կրկին կերդվենք, որ Հայոց աշխարհը չենք տա բռնավորին:

— Երդվեցե՛ք, — ձայնեցին շորս կողմից:

— Հոգու պարտք աշխարհքի առաջ, իշխաններ՛ր. երդվեցե՛ք, — ձայն տվեց Աբրահամ պապիկը:

— Երդվում եմ ահա աշխարհի առաջ, — խաչակնքեց Վարդանը երեսը, — և վկայում եմ, որ բոլոր իշխանները երդվել են:

Վասակը արդեն դողում էր զայրույթից: Մեկ փորձեց զայրույթը թափել, հրամայել զորքին, որ ոչնչացնեն հանդուգն շինականներին, բայց նա կրկին զգաց այն հոգեկան արտակարգ կաշկանդումը, որ պատճառում էր նրան ժողովրդի համատարած

ցատումք, որով և պապանձվել էին շուրջը մյուս նախարարները
և՛ վ նա զսպեց իրեն, լռեց:

— Մնացեք հոգով անդորր, — ասաց Վարդանը մեղմ և տխուր
նայելով Առաքելին և ապա բազմության, — աշխարհը թողնում
ենք արքունական զորքին և զինվորյալ ժողովրդին, — կրկնեց նա
հատուկ շեշտով, հետո նստեց նժույզը և ձեռը տարածեց օդում.

— Վստահեցնում եմ և կրկին երդվում ձեր և աշխարհի ա-
ռաջ. չհնք ուրանա մեր աշխարհը: Եթե ուրանանք, թող աշխարհն
էլ մեզ ուրանա:

— Կո՛չ ենք կոչում ձեզ, իշխաններ, դիմադարձեք բռնավո-
րին, — կրկին հանդգնեց Աբրահամ պապիկը:

Զինվորյալները առաջ մղվեցին:

— Սպարապետ. — գոչեց առաջ գալով Առաքելը, — գնացեք ու
իմացեք, — կմեռնենք՝ աշխարհքը չենք ուրանա...:

— Չե՛նք ուրանա, չե՛նք, չե՛նք, չե՛նք...:

Սկսվեց ուժեղ կոչնահարություն:

— Տե՛ր, ուղղյա զգնացս նահատակաց, — ձայնեց Ղևոնդ
Երեցը և խաչը բարձրացրած միացավ նախարարների երթին:

Բազմության հոսանքի մեջ սաղավարտներ եռացին դեպի
Վարդանը: Դա զինվորներ էին, որ այս դեպքի համար դրել էին
իրենց սաղավարտները՝ իբրև նշան մարտական պատրաստու-
թյան:

Երբ նախարարները անցնում էին, մարտիկներն առաջ եկան
ու շրջապատեցին նրանց:

Վարդանը կանգ առավ և բարձրաձայն դիմեց նրանց.

— Տղայք, չթողնեք ժողովրդին անպաշտպան, ետ գանք՝
չգանք, ձեզ ենք թողնում ժողովուրդն հայոց:

— Մենք զինվորյալ ենք, Սպարապետ, — գոչեց մի մտալ
զինվոր, — մեր արյունը ժողովրդին:

— Պի՛նդ կացեք, մենք կանգնած ենք, — գոչեցին զինվոր-
ները:

— Դե՛, երկար արև՝ ձեզ: Մնա՛ք բարյավ, — ասաց Վար-
դանը:

Մարտիկները վրա ընկան և սկսեցին իրար ձեռից խլելով
համբուրել նրա աչքը, նժույզի աչքերը, սանձը:

Լսվեց հեծկլտոց: Դա կանայք էին, որ բազմության մեջ հառաշանքով նայում էին Վարդանին:

— Սրտապի՛նդ կացեք, իշխաններ,— գոչեց վերջին անգամ նախարարներին Աբրահամ պապիկը,— մեռեք՝ մենակ դավաճան ետ չգաք:

Վարդանը խոր խոցված նայեց զինվորներին և բազմության:

— Պաշտպանե՛ք հայրենին,— գոչեց բազմությունը:

— Մահ հայրենին ուրացողին,— սպառնալից գոչեց Աբրահամ պապիկը:

Այս և այսպիսի ձայներ ուղեկցում էին իշխաններին Վաղարշապատի փողոցով: Նախարարները դուրս եկան քաղաքի պարըսպից և ճանապարհ ընկան դեպի Արտաշատ՝ այնտեղից մեկնելու Պարսկաստան: Ժողովուրդը գնաց հետները ճանապարհ դնելու:

Նախարարները Վարդանի և ժողովրդի աննախընթաց անմիջական վերաբերմունքի մեջ տեսնելով ժողովրդի հանդգնությունը՝ շատ վրդովվեցին, տեսնելով, որ կոխկրտվեց անջրպետը իշխանի և շինականի միջև: Բայց և զգացին, որ այդ բանը քննելու ժամը չէր այլևս, որ հասել են տարածամ, տարադեպ օրեր: Վարդանի կողմնակիցները միջև անգամ գտնում էին, որ այս պահիս համար դա հարկավոր է:

Ղևոնդ Երեցը նկատեց Վասակի դեմքին շարամիտ կնճիռներ, զգաց, որ նա կամենում է խափանել երթը: Արծվային մագիլների նման ձեռքի մատներով խլեց նրա նժույգի սանձը և գոչեց զոզահար.

— Մի՛ կանգնիր հակառակ աշխարհին, այլևս մեզ երկյուղալի չեն ոչ իշխան, ոչ թագավոր: Մեր խիղճն է մեզ դատավոր:

Բազմությունը լսեց այս և ալիք-ալիք սեղմվեց Վասակի և Ղևոնդ Երեցի շուրջը:

Վրամն սկսեց մտրակահարել աչ ու ձախ, սակայն ոչ ոք ծեծվողներից չէր հեռանում: Սկսվեց մի արտասովոր, անհասկանալի մղում: Մարդիկ վազում էին, թեև ընկնում մտրակի հարվածների տակ և չէին սզգում զրկել իրենց այդ տեսարանից: Հետևի շարքերը չհասկանալով կատարվածը, ոգևորված Վասակի ներկայությունից՝ գոչում էին.

— Մարզպանը զինվորյալ է գնում, մարզպանը զինվորյալ է գնում:

Իսկ Ղևոնդ Երեցը ցնցում էր նժույգի սանձը և շնայած Վասակի ճիգերին հեռացնելու նրան, ինչպես նաև նժույգի խրտենուլուն, բայց նա ոգորում էր.

— Ե՛կ զինվորայւ, առաջնորդի՛ր ժողովուրդը հայրենյաց պատճառովին:

— Տե՛ր մարդպան, շենք կարող ընդդեմ գնալ աշխարհին և ճշմարտութեան, մի՛ կանգնիր հանդիման,— գոչեց Վարդանը:

Իազմութունը կատաղի թափով օրորվեց, քանդվեց ու բեկոր-բեկոր եկավ սեղմվեց Վասակին: Գոռոց էր միայն լսվում, մի անընդհատ ջրվեժի ահեղաղորդ գոռոց, որ սպառնում էր ունչացնել, եթե միայն — վա՛յ Վասակին — մի ակնթարթ նացույց տար որևէ հակառակութուն: Վասակը շարժում արեց, որ նժույգն ազատի Ղևոնդ Երեցի մագիլներից, սակայն իզուր եղան նրա ջանքերը: Նրա նժույգը սեղմվել էր արդեն բազմութեան զանգվածի մեջ: Նժույգը փնչացնում, ծառս էր ելնում, կոխկրտում էր մարդկանց ստները: Իսկ չորս կողմից ավելի ու ավելի ճնշում էին մարդկային զանգվածի հեռավոր ալիքները:

Վարդանը գլխով նշան արեց բազմութեան շարժվել դեպի Մասիսի կողմի փողոցով:

— Առա՛ջ, առա՛ջ,— որոտաց բազմութունը և հոսանք առավ դեպի Վաղարշապատի հարավային դուռը: Հոսանքը տարավ բուլորին, ինչպես նաև Վասակին, որի նժույգի սանձին կպել էին Ղևոնդ Երեցի պողպատե մատները: Վասակը սարսափից համակերպված գնաց առաջ և դադարեց ընդդիմանալուց: Նրա կատաղութունը ճնշվել էր կենդանական սարսափից: Նա նոր հասկացավ, որ իր կյանքը վտանգված է, և սմբեց: Նա նման էր որսորդների խիտ շարքով օղակված գայլի, որ սարսափից անդիմազիբ մղվում է առաջ դեպի մահ: Նա ջանում էր շնայել Գագիշոյին, որից ամաշում էր իր այս անօրինակ նվաստացման համար: Միայն իր հետևից զգում էր Վոամի մոնչոցները: Երբեմն նա հատուկտոր լսում էր Գագիշոյի ձայնը: Նախարարը խոսում էր Վոամի հետ, ինչպես հավասարի հետ: Այս բանն ավելի ազդեց Վասակին, և երկյուղը ավելի թափանցեց նրա սիրտը: Մարդիկ հավասարվում են և հասարականում մեծ վտանգների պահին:

— Պի՛նդ կպիր թամբին,— գոչեց Վոամը Գագիշոյին:

— Նժույզը խրտնում է, հեռո՛ւ քաշվեք,— դարձավ Գաղիշոն բազմութեան, որ սեղմում էր նրա նժույզն ու ոտները՝ հսկայապէս արցանի պես:

— Մի՛ խոսիր, տե՛ր,— հանդիմանեց Վոամը:

Գաղիշոն նայեց Վոամի գունատված դեմքին և նոր հասկացավ, որ իր հասկացած վտանգից ավելի մեծ սարսափի մեջ են իրենք:

Երբն իր ուռած վիշապի իրանը սեղմելով քաղաքադռան անցքի մեջ՝ սողում էր դուրս: Երկար տևեց անցումը: Հազարավոր գլուխներ իրար էին զարկվում, բռունցքներ բարձրանում, արմուկներ ճնշում իրար: Դռան երկու կողմի կավե պատը փչավ, գետը ճնշաց, դուրս ընկավ: Պահակները հեռու փախան: Սերբուկ պահակապետը մղվեց դեպի քարուքանդող բազմությունը բազուքի հայհոյանքով, սակայն նրան խլեցին ու տարան հետները:

Երբ դուրս եկան դաշտ, Վարդանը նշան արեց, որ կանգնեն: Երկար ժամանակ տևեց, մինչև բազմությունը կանգ առավ: Դառնալով Ղևոնդ Երեցին՝ Վարդանը գոչեց.

— Արձակի՛ր տեր մազպանին:

Ղևոնդ Երեցը շարունակեց բռնել սանձը:

— Արձակի՛ր,— սաստեց Վարդանը:

— Տե՛ր Մամիկոնեհից,— աղաղակեց Ղևոնդ Երեցը,— եթե տեր մարզպանը հավատարիմ է ուխտին, ինքը կգա մեզ հետ, ինքը կհեռանա:

— Տեր մարզպանը հավատարիմ է ուխտին,— ասաց Վարդանը,— արձակի՛ր:

— Աստված արձակի նրան,— թափ տալով սանձը բաց թողեց ձեռը Ղևոնդ Երեցը,— ահա՛ արձակեցի ես: Գնա խաղաղությամբ:

— Օ՛ն, ճանապարհ, տե՛ր մարզպան և դո՛ւ, իշխան,— դարձավ նաև Գաղիշոյին Վարդանը:

— Մնա՛ք խաղաղությամբ,— կեղծ հանգստությամբ գոչեց Վասակը և նժույզի գլուխը թեքեց դեպի Արտաշատի կողմը:

Բազմությունը ճեղքվեց և ճանապարհ բացեց նրան: Վասակը սող էությամբ նողկանք ու սարսափ զգաց այդ քրտնահոտ, ծանրահև, տաքացած զանգվածից և անցավ արագ, դուրս եկավ նրա միջից, ինչպես բանտից:

— Փա՛ռք աստուծո՛ւ,— մոմոաց Վոամը:

Երբ մի փոքր անցան, ետ նայեցին:

Բազմութիւնը սև ամպի պես լողում էր դեպի Արաքսի կողմը: Նա գնում էր ավելի ուռչելու, ծավալվելու: Վասակը լավ զգաց նրա ուժը և մտադրութիւնը.

— Մազապուրծ եղանք,— ասաց Գաղիշոն:

Վասակը դեռ շարունակում էր խուսափել Գաղիշոյի հայացքից, կարծես եթէ նայեր նրան՝ կոշնչանար: Ամոթանքը, նվաստացման զայրույթը, անճարութեան դառնութիւնը կաշկանդել էին նրան: Խոսել անգամ շհամարձակվեց: Խոսել կարելի էր այստեղ միայն հզոր բռնակալի արժանապատմութեամբ և իշխանութեամբ, երբ խոսում ես ու արյունը հոսում է: Այդպիսի խոսք էր պետք ասել այժմ այնպիսի մի նախարարի, որ կուսակից էր դառել նրան և նայում էր նրան իբրև առաջնորդի: Առաջնորդը մեռաւ ամբոխի աքցանների մեջ, մի խելագար երեցի երկաթե մագիլների սեղմիչներում: Հիմա մի բան միայն արժեք կտար, որ նա խոսեր.— անմիջապես բարձրացնել գետին ընկած մարդպանական կոշումը: Դա կարելի չէր այլևս ընկնելով ըմբոստացած ամբոխի մեջ, Վոամի մտրակներով և իր նժույգի սմբակներով: Կարելի չէր նաև այն դանդաղ ու մանվածապատ, խոհեմ ու նրբանկար գործելակերպով: Հիմա հարկավոր էր զորական ուժ, զինք, կախազաններ և արյունհոսութիւն: Այդ բորբոքված, խելագար արյունք պետք էր թափել, պետք էր քամել արյունը հազարավոր մարդկանց բորբոքված սրտերից ու երակներից: Արյունն է այժմ աղմկում, ըմբոստանում, անպատմում, դիմադարձ կանգնում:

— Արյո՛ւնը, միայն արյո՛ւնը,— շարունակեց բարձրաձայն Վասակը:

— Մի՛ վրդովի սիրտդ,— մխիթարեց Գաղիշոն,— զարնան հեղեղ է. առաջ կխելագարվի, հետո կսմբի հեղեղատի մեջ: Կպատահի՞, իշխանութիւն է:

Գաղիշոյի մեղմ փիլիսոփայութիւնն այս անգամ սաստիկ զրգոեց Վասակին: Նա այժմ արդեն մղվեց նայելու նրան, խոսելու հետը և զայրույթից կատաղած գայլի պես աչքերը գամեց նրա աչքերի մեջ.

— Իշխանութիւն՞ւն, ասում ես. ո՛չ, սա իշխանութիւն չէ. ելինք իշխանութիւնը և հետո դուրս գանք աշխարհ:

Գաղիշոն մտրակեց իր նժույգը, որ սա կարողանար հասնել արդեն քառատրոփ ընթացող Վասակի նժույգին: Վասակը թոցրեց իր նժույգը և աչքերը կատաղի սրի պես շողացրեց Գաղիշոյի վրա: Նրա ծուլած շրթունքներից գոշումներ էին թռչում: Նա շանում էր տրշավի թափի մեջ ցրել իր մտքերը, որ բարձրաձայն արտահայտվել էին միտում: Այդ մտքերը վտանգավոր էին, նա ճգնում էր բաց շթողնել: Բայց երբ մի անգամ նա պարզ վերապատկեքացրեց մի փոքր առաջվա դեպքը, կորցրեց իրեն և գոչեց.

— Ծ'ս եմ, ե'ս եմ «այն մարդը»...

Նա ակնարկում էր Գաղիշոյի այն խոսքը, որ ասում էր. թե՛

թ'վ էր այն մարդը, որ ձեռք կրերի ուժեղ իշխանություն:

Երբ վազքը դադարեց, Վասակը նշան արեց Վոամին, որ հեռավոր հետևի իրեն և Գաղիշոյին:

— Տե՛ր խորխոռունյաց, ահա հարցում քեզ՝ առաջի աստծո և մարդկան, կամենո՞ւմ ես մենք անցնենք իշխանության գլուխ: Ես և դու:

— Կամենում եմ, տեր մարզպան,— պատասխանեց Գաղիշոն ծիսական ձայնով:

— Երդվի՛ր:

— Երդվո՞ւմ եմ առաջի աստուծո և մարդկան:

— Բայց պետք է ուրացնել տանք ողջ երկիրը:

— Հասկացա, տեր մարզպան:

— Միաբա՛ն ես: Վճռական:

— Միաբա՛ն եմ:

— Ուխտի՛ր:

— Ուխտո՞ւմ եմ:

Գաղիշոն աշխուժացավ.

— Տե՛ր մարզպան. ես տեսա բոլորը. տեսա անիշխանությունը: Ես վճռական մարդ եմ: Կամ մենք նախարար ենք, և նա ժողովուրդ է, կամ մենք աղբ ենք, աղբանոց թափելու: Բա՛վ է: Շատ հանդուրժեցինք այդ խելագար Մամիկոնյանին:

— Ա՛յդ, ա՛յդ: Ա՛յդ եմ ասում. խելագա՛ր Մամիկոնյանին: Պետք է ջնջել նրան երկրի երեսից: Նրա՛ն և իր կուսակիցներին: Ասա վերջին անգամ. ուրանո՞ւմ ես,— հանկարծ հարվածեց Վասակը:

— Ուրանում եմ, քանի որ ոչ մի բանի չեմ հավատում:

— Դե, օ՛ն, ուրեմն: Մենք ստեղծում ենք ուժեղ նահանգ: Պարսկաստանի մեջ: Իսկ հետո... կտեսնենք... Սա երկար կտե՞ր, սիրելի Գաղիշո, սրա ջուրը շատ է... Գուցե մի բանի տարի...

— Դա կտեսնենք:



Պարսկաստան մեկնելու նախընթաց գիշերը Վարդանը իր մտեղ կանչեց ուխտին հավատարիմ նախարարներին գաղտնի խորհրդակցության: Հրավիրված էին Ներշապուհ Արծրունին, Մուկաց Արտակը, Ատոմ Գնունին, Հազարապետը, Անձևացյաց Շմավոնը, Արշավիր Արշարունին, Հմայակ Մամիկոնյանը՝ Վարդանի եղբայրը: Վարդանը բացատրեց, որ վտանգը շատ լուրջ է՝ խրճաբովին գնալ պարսից Գուռը, կանգնել արքայական ատյանի առջև, երկրից հեռու, թշնամի բռնակալի քմայքին հանձնված:

— Վիճակը տագնապալից է հույժ, — սասց Վարդանը, — մարզպանի կուսակիցները կարող են թուլանալ, դավաճանել և տապալել դիմադրությունը, մինչդեռ միահամուռ դիմադարձությունը կզժվարացներ Հազկերտին դիմել խստագույն միջոցներին, և դա ելքի դուռ կբանար մեզ համար:

— Տեր Մամիկոնեից, մի՞թե բարվոք չէր, եթե մնայինք այստեղ և մերժեինք արքայի ատյանը, — սասց Արշավիրը, — միևնույն չէ՞, որ չենք ընդունելու հավատուրացությունը ատյանում:

— Ատյանում պիտի բռնադատենք: Նաև մենք, այո: Թերևս՝ խելքի բերենք խելագարին:

Նախարարները չհամոզվեցին: Այդ զգաց Վարդանը: Նա լուռ մի պահ և խոսեց ավելի պարզ և վճռական:

— Չանալ կոչի հրամանին, չգնալ ատյան՝ կնշանակի թույլ տալ, որ պարսից զորքը իսկույն շարժվի դեպի մեր աշխարհը: Իսկ սա կնշանակի անկազմ ժողովուրդը վաղաժամ հանել պարսից կանոնավոր զորքի դեմ և գլխովին շախչախել տալ խառնեճաղանջ դիմադրությամբ: Պետք է գնանք ատյան: Թեպետև մեր գնալով ատյան՝ մենք հրավիրում ենք մահու վտանգը մեզ վրա: Բայց գուցե և միայն բանտարկություն: Թերևս՝ թեև շատ է զժվարին՝ հաշտության եզր: Սակայն մի բան ստույգ է, որ կձգձգենք զորքը: Մինչև լրիվ կհավաքենք զորքը և ապստամբվելու պատ-

բաստվող ժողովրդական ուժերը: Զգձգել, ժամանակ շահել,— ահա՛ մեր ուժը, մեր խելքը, և թե ունենք: Պարսիկների գործը ձգձգել, մերը՝ արագացնել: Եվ հենց վաղվանից: Եվ այնպես պիտի աշխատենք, իբրև թե մյուս օրն է ճակատամարտը: Ահա, սյարք, իմ միտքը:

Վարդանը խոսում էր, բայց միաժամ զննում էր նախարարների հայացքները: Նրանց լուռությունը մատնում էր ներքին շատ ավելի խոր տարակուսանքներ: Թեթև չէր նաև Վարդանի հոգին, բայց նա զսպում էր իրեն և ջանում չազտորել նրանց միտքը արհամարհի մեծություն խորհրդածուխություններով: Նա նման էր ուժեղ մշուշի միջով խումբն առաջնորդող ուղեցույցի, որ ոգորում է փրկության հնարքները ստեղծելու համար, բայց որը գիտե, թե որքան համարյա անկարելի է չձգտել փրկության, և որը ոգորում է անպայման հասնել դրան:

Վարդանը փորձիչ աչքերով կրկին զննեց նախարարներին և ապա հարցը սուր դրեց:

— Թերևս կա՞ ձեր մեջ մեկը, որ հակամետ է զիջել Հազկերտին...

— Եվ ո՛չ ոք... Ինչպե՞ս,— խթանված ցնցվեցին Ատոմը և Աբտակը միաժամանակ:

Խոսեց Ներշապուհը.

— Տեր Մամիկոնեից. մենք ևս հայրենասերներ ենք: Մենք ևս չենք զիջի Հազկերտին: Մեզ մտահոգում է միայն արհամարհի մեծությունը: Մեր ուժերը շատ են սակավ...

— Այո, շատ են սակավ... Բայց հո ամեն դեպքում կհարկապարտվե՞նք ընդունել պատերազմը...

— Կհարկադրվենք,— ասաց Ներշապուհը:

Վարդանը անցավ վերջին խոսքին.

— Նաև կարող են մեզ ոչնչացնել: Պատրաստ եղեք նաև սըրբա՛ն: Այնպես, իբրև թե միայն ա՛յս պիտի պատահի: Գնացողներից մնացողներին ա՛վանդ: Շուտափույթ կազմել տերունական գործը նախարարական զորագնդից: Տեր Գնունյաց, քեզ վրա է ընկնում այդ գործի զխավորումը: Ինչպես և Համազասպ իշխանի վրա՞ հանդերձանքն ու ուզմապաշարը: Արշարունյաց տերը, ինչպես և մյուսները կմիավորեն նախարարներին: Ահա բոլորը, սյարք: Ուխտյալնե՛ր ենք:

— Ուխտյալներ ենք:

— Դե՛, ձեզ օգնական աստվա՛ծ: Վաղվանից գործի՛չ
Նախարարները հանգստացան ըստ երևույթին:

— Մի վերջին խոսք ևս, — ասաց Վարդանը, — մի՛ մոռանաք
նամկին, քաշեցեք նամկին գործի մեջ: Բարձր հրահանգ. — շթույլ
տաք թշնամիներին ժողովրդին վաղաժամ, խռովությամբ կովի
հանեն: Թեթևացրեք վիճակը: Իմացեք, ուսմիկը մեր հո՛ւսկ վեր-
ջին հույսն է:

— Ինչպես երևում է, — հառաչեց Արշավիրը:



Վասակի ամրոցում կրկնվում էր այն ամենօրյան, որ կրկնվել
էր տարիների ընթացքում: Խաղաղ մի տխրություն միշտ ուղեկ-
ցում էր բնակիչների այդ առօրյային: Ոչ մի դեպք, — գոնե ար-
տաքուստ չէր վրդովում ամրոցի մոռյլ կյանքը: Բարիկն ու ներ-
սիկն էին, որ երբեմն հեռանալով ամրոցից գնում էին որսի և վե-
րադառնում հոգնած ու պատմում իրենց մորը՝ Փառանձեմ տիկ-
նոջը՝ անտառների ու լեռնաձորերի նորությունները:

Սակայն այդ առերևույթ, մոռյլ հանգստության քողի տակ
երբեմն ստվերների պես սահում էին մարդիկ, լսվում էին փսփոց-
ներ, գաղտնի իրար անցնում և կրկին դադարում:

Փառանձեմ տիկինը շարունակում էր ապրել միանձնուհու
կյանքով — իր օրիորդական հասակի փայփայած բաղձանքը, որ
մնաց անկատար մարզպանի հետ ամուսնանալու պատճառով: Երբ
հիմա, երբ Վասակը շատ հազվադեպ էր լինում իր ամրոցում,
Փառանձեմը մի այլ ձևով էր վարում միանձնուհու կյանք: Ի բնե
իսկացի և զարգացած կին՝ իր վիշտը թաղում էր ընթերցանու-
թյան և զավակների կրթության հոգսերի մեջ:

Առավոտը մառախլապատ էր: Մեզը թավալվելով ձորեձոր,
սարեսար՝ բացում խփում էր սևումուժ անդունդներն ու ծործոր-
ները: Ամրոցի թերակղզին՝ մերթ աջակողմը, մերթ ձախակողմը
կախվում էր անդնդից այդ բացուխտվի պահին: Ճանապարհի
բարակ շիկափայլ թելը ոլորվում, տեղ-տեղ կորչում էր և հետըզ-
հետե բարձրանում հասնում ամրոցը: Հրդեհն էր ասես ճարակում

Կինավորաց անտառները, որոնք բարդ-բարդ մշուշներ էին ծխում գւպի երկինք:

Փառանձեմ տիկնոջ օթեանում, նեղ պատուհանի գոգին կիսաթեք նստած էր Զվիկը և եռանդուն, սուր աչքերը հառել էր դեպի անդունդը: Նա աչքերը կկոցել էր և ինչ-որ բան էր նշմարում ճանապարհին, անդնդի հատակում: Հստ երևույթին որոշեց, թե ինչ էր նշմարածը, ետ նստեց և գլուխը օրորելով նայեց օթեանի հատակին: Ժպտաց յուրովի հեգնական դառնությամբ և կրկին նայեց դեպի դուրս: Հեռուն, հեռուն որդի դանդաղությամբ եռում էին երկու սեկինք, որ քանի գնում ավելի որոշ էին ճոճվում:

Զվիկը շնկատեց ինչպես ներս մտավ Փառանձեմը: Նա իր շուրջ ու թախծալի սև աչքերը հառեց պատուհանին նստած Զվիկին և առանց կանգ առնելու սահեց գորգի վրայով դեպի գլխավոր բարձը, որի առաջ մի գրակալ էր դրած: Նա վերցրեց մատյանը, որ հանգչում էր գրակալին, և բաց արեց նշան դրած էջը, որ կարդա: Մագաղաթի շոր շրջունից Զվիկը ետ նայեց և ուղղվեց իր տեղում:

— Ինչի՞ն ես նայում, Զվի՛կ,— հարցրեց մեղմ, կրծքի ձայնով Փառանձեմը:

Զվիկը, անհանգիստ և մի տեսակ խնայելով Փառանձեմին՝ աչքերը վախով, նրան ասաց.

— Գալի՞ս է...

Փառանձեմը հանկարծ ձեռները բարձրացրեց և վախեցած նայեց Զվիկին:

— Սիրտս վաղուց էր վկայել,— ասաց Փառանձեմը,— վաղուց է սիրտս կախ, միտքս մոլոր: Զավակներս Պարսկաստան շտանի՞...

Հուզմունքը խեղդեց նրա կոկորդը, և նա լռեց:

— Կավ, քանի՞ տարի պիտի ուսում առնեն այդ քանդվածում, եթե, աստված շանի, տանի Քարիկին ու Ներսիկին:

— Բանը ուսումը չէ, բանը պարսիկ դարձնելն է: Այնքան պիտի պահի, որ պարսիկ դառնան, իրենց մայրենի հողը մոռանան, մորը մոռանան, դառնան իր պես... չգիտեմ ի՞նչ...

Վերջին խոսքերը Փառանձեմն ասաց՝ իրենից էլ պահելով այն միտքը, որ այրում էր նրա ուղեղը: Նրա մեջ ծնվել էր ուսնունդ էր առնում այդ միտքը, որ սկզբում տարտամ ու անա-

խորժ՝ հեազհեաե դառել էր որոշ ու անհանգստացնող: Ո՞ւր է նա-
յում, ինչի՞ն է ձգտում Վասակը: Նա չի սիրում հայ նախարարու-
նեքին, չի ծածկում այդ, ատում է Մամիկոնյաններին, հատկա-
պես Վարդանին: Ինչո՞ւ համար: Նրանց ատելությա՞ն համար
պարսից բռնակալության: Իսկ եթե ատում է Վարդանին և մյուս-
ներին, որոնք պահպանում և պաշտպանում են հայրենի երկիրը,
հողը, ի՞նչ է ապա ինքը Վասակը, ո՞ւմ է պաշտպանում... Փա-
ռանձեմը ճանաչում էր նրան, գիտեր նրա կրքերն ու բնավորու-
թյունը: Լավ բան չի խոստանում այդ բնավորությունը: Վասակը
մի օր ցույց կտա իր ողջ ներքինը: Եվ երևի արդեն դավում է:

Փառանձեմին վշտացնում և գաղտնի մաշում էին Վասակի
այդ արատները, որոնք, զգում էր նա, աղետ պիտի բերեն մի օր
երկրին: Եվ եթե Վասակը բռնակալ, անտանելի մարդ, անհավա-
տարիմ ամուսին էր իր ամբողջում, գոնե ազգի գործերում լինեք
հավատարիմ, անձնվեր, օգտակար: Այդ էլ չկար: Իսկ դա մեծ
վերք էր հայրենասեր տիկնոջ համար:

Նրան մեծ վիշտ էր պատճառում նաև այն, որ իր զավակնե-
րին ևս Վասակը տանում էր դեպի այլասերված կյանք, պոկում
հայրենի հողից, ստիպում ծառայել հայ ժողովրդի թշնամի Հազ-
կերտին:

Կգա շուտով, կկանգնի իր գլխին, կպահանջի իր զավակնե-
րին, չի նայի մայրական զգացմունքներին և պոկելով նրանց իր
սրտից՝ կտանի հեռավոր, օտար, թշնամի երկիր, կկորցնի նրանց
այնտեղ: Այլևս ե՞րբ կգան իր զավակները, նրանք ի՞նչ կերպա-
րանքով կգան, պահպանա՞ծ կլինեն իր ավանդները, հավատա-
րի՞մ կլինեն իրենց հայրենիքին, լեզվին, իրենց հարազատ ժո-
ղովրդին:

Ներս վազեցին Բարիկն ու Ներսիկը: Նրանք հուզված և վա-
խեցած տեսք ունեին:

— Մայրի՛կ, գալի՞ս է... — ասաց Ներսիկը դողալով:

— Թող գա՛, ձագո՛ւկս, ինչո՞ւ ես դողում,— հազիվ ինքն
իրեն զսպելով, գրկեց Ներսիկին Փառանձեմը,— նրա գալը քեզ
համար ի՞նչ:

Փառանձեմը զգում էր, որ անզոր խոսքեր էր ասում:

— Մայրի՛կ, ես քեզ չե՞մ ուզում թողնել, ես կմեռնե՞մ ա-
ռանց քեզ,— սկսեց հեկեկալ Ներսիկը:

— Չեմ թողնի, որ տանի, մի՛ վախենա. ո՞ւր պիտի տանի քեզ առանց ինձ,— շանում էր հանգստացնել Փառանձեմը ներսի-հին, որ եղնիկի աչքերը երկյուղով հառել էր մոր աչքերին և ապա-վեն էր որոնում:

— Փախչե՛նք, Բաբի՛կ,— վազեց դեպի Բաբիկը և բռնելով նրա թևը՝ ասաց ներսիկը:

— Չենք գնա, ինչո՞ւ պիտի փախչենք,— ասաց Բաբիկը մտալլ վճռական ձայնով և շարունակեց նայել պատուհանից դուրս:

Փառանձեմն անհանգստացավ:

— Բաբիկ սիրելի՛, հոգո՛ւր մատաղ, շկովես, կսպանի ձեզ:

— Սպանի՛ թող... նա ինձ սպանե՛լ է արդեն,— ասաց դառ-նությամբ Բաբիկը:

— Չէ՛, մի՛ ասի, կատաղի է նա, գիտես հորդ բնավորությու-նը: Բաբի՛կ, խնդրում եմ, զգո՛ւյշ պահիր քեզ,— աղաչեց Փա-ռանձեմը:

Սակայն Բաբիկը չէր լսում: Նա թողեց պատուհանը և առաջ եկավ օթեանի մեջտեղ:

— Մեկը նրան հարց տա,— ասաց նա կշտամբանքի եղանա-կով,— ի՞նչ ես տանում զավակներդ մի երկիր, որի դեմ վեր են կացել մեր իշխանները, մեր ազգը:

Փառանձեմը խոցվեց մինչև սրտի խորքը.

— Ա՛խ, իմ խեղճ զավակներս...

Ամբողջի բակում իրար անցան: Ինչպես երևում էր, տեսել էին վասակի գալը: Գարբասը բացվեց, և նժույգները ծեծելով սալա-քարերը՝ հանկարծ դադարեցին:

Սպասավորներն իրար անցան, վազեց գույնը թռած սենե-կապետը, Փառնավազը, դուրս գնաց պատշգամ մինչև իսկ Ձվիկը: Բայց Փառանձեմը, Բաբիկը և ներսիկը մնացին ներսը:

Վասակը վեր նայեց՝ որոնելով իր զավակներին, բայց տես-նելով, որ նրանք չկան, մի փոքր անհանգստացած հարցրեց.

— Երեխաներն ո՞ւր են:

Նա միշտ իր զավակներին երեխա էր ասում, ինչպես և Փա-ռանձեմը:

— Ներսն են, տե՛ր մարդպան,— պատասխանեց սենեկա-

պետը վախեցած, կարծես իրենից պիտի պահանջվեր բացատրութիւնը, թե ինչո՞ւ իր զավակներն իրեն չեն դիմավորում:

— Հիվանդ հո չե՞ն:

— Ոչ, — ավելի վախեցած պատասխանեց սենեկապետը:

Վասակը մոռացվեց և ինքն իրեն մոռոցաց: Նա խոցվեց: Որքան որ դաժան էր նա և անգութ, որքան էլ որ ընդունակ էր անգամ վայրի ծեծի ենթարկելու իր զավակներին, այնուամենայնիվ նա իրանց սիրում էր և մինչև անգամ բուռն, ջերմագին: Բայց որ չէր տեսնում նրանց փոխադարձութիւնը, տխրում էր: Իսկ երբ նրանք հակառակում էին, նա կատաղում էր և այնօրվա ծեծը առաջինը չէր: Կարելի էր ասել, որ նրա սերն անմիջապես փոխվում էր մոլեգին ատելության, և նա պատրաստ էր սպանել իր զավակներին: Նա բռնակալ էր իր սիրո մեջ:

Վասակը բարձրացավ իր օթեանը և մտնելով ներս՝ կանգնեց նայեց շորս կողմը: Ոչի՞նչ բան, ոչ մի առարկա իր սովորական տեղը չէր փոխել: Ոչ մի բան իրեն ոչ մի նոր վերաբերմունք ցույց չէր տալիս: Իսկ այդ «բանը» կարող էր և պետք էր, սպասելի էր, որ ցույց տար նրան այդ վերաբերմունքը:

— Ոչ ոք չի՞ մտել ներս, — հարցրեց Վասակը բարկութեամբ սենեկապետին:

— Ոչ ոք, տեր իմ, — պատասխանեց սենեկապետը, չհասկանալով Վասակի հարցմունքի իմաստը:

— Բարիկը, ներսիկը... մի անգամ է՞լ չեն ուզել մտնել այստեղ, — հարցրեց նա:

— Ոչ:

— Արգելե՞լ ես:

— Ինչպես շթողնեի, որ մտնեին, տեր իմ, — արդարանալու ձայնով ասաց սենեկապետը:

Վասակը լռեց և շար ու ծանր գնաց նստեց իր գահույթին, որ մաքրած էր փոշուց, ինչպես և ողջ օթեանը, քանի որ ստրկահոգի և ջերմեռանդ սենեկապետը՝ ոչ օրինակ այլոց՝ ողջ ամբողջում, միակ մարդն էր, որ հոգատար մաքրել էր տալիս փոշուց մարդպանի օթեանը: Այդպես նստած Վասակը նայեց իր օթեանին, անհյուրընկալ առարկաներին, շողորթ սենեկապետին: Կարծես ոչինչ չէր փոխվել այն օրից, երբ նա այստեղ նստած խոսում էր Կողակի հետ, երբ այստեղից հրամաններ էր ուղարկում իր զա-

վականերին, որ պարսկերեն սովորեն, և ծածուկ նրանց: Ոչ, չէք փոխվել այստեղ ոչինչ: Նույն բռնակալն էր ինքը, նույն մենավոր մարդը իր շուրջը լուծ և իր հետ հայտնի թե ծածուկ պայթարող հոգիների մեջ:

Նա դառնացավ և ապա զայրացավ: Հետո դարձավ սենեկապետին.

— Իսկ ինչո՞ւ չէին մտնում այստեղ Բարիկն ու Ներսիկը, ապա նրանք մի մատյան, մի բան չե՞ն ուզել վերցնել:

— Չեն ուզել վերցնել, տեր իմ,— ավելի տխրեցրեց և զայրացրեց Վասակին սենեկապետը՝ կրկին շեշտը դնելով իր բարեխիղճ ծառայության վրա՝ չհասկանալով, թե որքան խոցվում է Վասակը այն բանից, որ իր գավակաները ոչ մի կապ, ոչ մի հիշողության ապացույց չեն ունեցել իր հետ, իր մասին:

Կարծես մեռած է նա, և իր վրա դրած է մի սառը տապանաքար, որի միջով չի անցնում իր սիրելիների կամ խորթ մարդկանց վերաբերմունքը: Այո, կենդանի մեռած:

Չի հայտնվում նաև իր կինը, որին ճիշտ է, նա չի արգելել մասնել իր օթևանը, բայց և նա չի մտել ոչ մի պատահական, անզամ անհրաժեշտ դեպքում:

«Ինչպես որ կենդանի մարդիկ չեն մտնում մեռածի գերեզմանը», — դառնությամբ խոսեց ինքն իրեն Վասակը:

Նա երկար լռեց և իրեն հաշիվ չտալով, թե ինչ արժեք ունի այդ, սպասեց, որ մի բան փոթվի այս ծանր, անխորժ վիճակում: Եվ ինչպես միշտ լինում էր նրա հետ նման դեպքերում, որ նա իսկույն կրթի էր ընկնում, վայրենանում, կատաղում, այժմ էլ բարկացած հրամայեց սենեկապետին, որ կանչի իր մոտ Բարիկին ու Ներսիկին: Սենեկապետը փնաց: Սիրո և զայրույթի, դառնության և կատաղության նույն սկզբից դեռ իր գավակաները ներս չմտած: Բռնությունը, որ նրա առաջմղիչ ուժն էր և միջոցը՝ պետք է պոռթկար, որ նա կամ գործ տեսներ, կամ հանգստանար: Այն նա անհամբեր սպասում էր Բարիկի ու Ներսիկի մտնելուն: Նրանք ուշանում էին: Ի՞նչ, դեռ մտածում են գալ, թե չա՞ն՛լ, դեռ հարց է, թե կամենում են տեսնել իրենց հորը, թե ո՞չ...

Ներս մտան Բարիկն ու Ներսիկը: Նրանք սառը ողջունեցին և կանգնեցին դռան մեջ: Վասակը դառնացած ու հառադի նայեց նրանց և հեաց, չկարողանալով խոսք գտնել սկսելու:

— Հետո... — զերշապես խոսեց Վասակը
Բարիկն ու Ներսիկը լռեցին:

— Բարիշ ոչի՞նչ չունեք ասելու ինձ... պիտի կանգնե՞ք դռան
մեջ սպասավորի պես...

— Ի՞նչ անենք,— հարցրեց Ներսիկը վախեցած:

— Զգիտե՞ք ինչ անեք,— ավելի դառնացավ Վասակը:

— Վախենում ենք՝ էլի ծեծես,— ասաց Ներսիկը և աչքերը
թացացան:

— Ծեծե՛մ... Իսկ ինչու՞ եմ ծեծում:

— Ի՞նչ իմանամ,— աչքերը միամիտ արտահայտությամբ
հոր աչքերին հառած ասաց Ներսիկը:

Սա զինաթափ արեց Վասակին: Նա գորովանքով նայեց Ներ-
սիկին և ասաց.

— Ե՛կ մոտո:

Ներսիկը գնաց և փաթաթվեց Վասակին: Վասակը համբուրեց
նրան: Ապա նայեց Բարիկին:

— Իսկ դու ի՞նչ ես ուռել: Զե՞ս մոռացել...

— Ո՛չ,— ասաց Բարիկը շղթաված ատելությամբ և հիշաշա-
րությամբ:

— Ինչու՞ չես մոռացել:

— Ես չեմ մոռացել, որ մի ցածհոգի հայուկի առաջ խաչ-
առակ արիք մորս:

— Ո՞վ է ցածհոգի հայուկը:

— Փառնավազ է, ինչ քարուքացախ է:

Վասակը զսպեց իրեն և մինչև անգամ զարմացավ ինքն իր
վրա: Հոգեկան կարկամություն եկավ բռնեց նրա կիրքն ու զայ-
րույթը այն պահին, երբ նա սպասում էր, որ ահա հիմա կոչըն-
չացնի հանդուգն պատանուն:

Նա հանգիստ հանդիմանական եղանակով ասաց.

— Ինչու՞ ես միշտ այգպես կուպիտ ու անհաշտ: Ե՞րբ պիտի
տաշճես: Իշխան մարդպանի զավակ ես, ոչ թե անբան ուսմիկի:

— Ես, իհարկե, ուսմիկ չեմ, բայց ես հայ եմ: Իսկ այդ սինը-
քորը իմ պատիվս է վիրավորում: Նա ինձ ավելի է ուզում դարձ-
նել, քան թե պարսիկը կաներ: Նա քծնում է, լիզում, սզում է,
որ ես էլ քծնեմ, լիզեմ:

Վասակը խոժոռ ու տխուր լսում էր նրան և չգիտեր ինչ անել: Իր զավակը շատ ավելի էր զարգացել, քան նա սպասում էր: Եվ որտեղի՞ց էր գալիս այդ զարգացումը, եթե ոչ այն էակից, որ այս բուսկես հպարտ նստել է իր օթևանում և չի երևում:

— Իսկ ինչպե՞ս պիտի ապրես պարսիկների հետ,— հարցրեց Վասակը խոժոռ:

— Տեսնենք խաղաղ ապրելը ավելի շո՞ւտ կգա, թե պատերազմը,— քմծիծաղ տվեց Բաբիկը:

Վասակը լարվեց.

— Ի՞նչ պատերազմ...

— Հայրենիքի պատերազմը:

— Քեզ ո՞վ ասաց, թե պատերազմ է լինելու:

— Ողջ Սյունիքն է խոսում այդ մասին: Դու ինքդ ապա ինչո՞ւ ես Սպարապետի հետ միասին դիմադարձ կանգնել Հազկերտին:

— Իսկ քո ի՞նչ գործն է, թե ինչ են անում նախարարները:

— Է՛, հայրիկ, Սպարապետը հրաման տա վեր կենալու, ողջ կրկիբը վեր կենա՞՞ ես կմնա՞մ անգործ: Դու կմնա՞ս:

Վասակին այնպես թվաց, թե ապտակը կայծակից իր երեսին:

— Շանսատակ կանեմ քեզ, լակո՞տ: Ո՞վ է հրամայողը, Սպարապե՞տը, թե՞ մարզպանը: Դու մարզպանի առաջ Սպարապետի անո՞ւն ես տալիս: Դո՞ւրս կորի իսկույն և պատրաստվի՞ր, վաղը գնում ենք Պարսկաստան: Դո՞ւ ևս,— դարձավ ներսիկին:

Ներսիկը բռնեց հոր թևը.

— Չէ՛, հայրիկ, չէ՛. Հազկերտը կսկսի հայերին նեղել, շարշարել, պառտերազմ է լինելու. մեզ տանում ես թշնամու երկի՞րը...

— Գնա, պատրաստվի՞ր,— հրամայեց Վասակը:

Ներսիկն սկսեց լաց լինել:

— Երանի Սպարապետի որդուն, նա պիտի գա կովելու,— ասաց Ներսիկը:

Վասակն այնպես հարվածեց Ներսիկին, որ գլուխը դիպավ պատին: Նա ընկավ: Արյունը ցայտեց նրա բերանից թքախառն ու հորդ: Ներսիկն սկսեց խեղդվել: Վասակը վրա ընկավ, բռնեց նրա արյունաթաթախ գլուխը և գրկելով բերեց իր բարձի մոտ: Ապա նստած տեղը սկսեց համբուրել Ներսիկին:

— Կա՞վ, հանգստացի՞ր,— ասաց խլածայն ու խոժոռ:

Բայց ավելի խոժոռ, շար և միաժամ լուռ կշտամբանքով նս-
յում էր Բաբիկը, որի դեմքը մի կծկում անգամ շարեց այն պա-
հին, երբ Վասակը հարվածեց ներսիկին:

— «Մոր կտո՞րն է...», — մտածեց Վասակը դառնությամբ ու
զայրալի:

Նա կանչեց սենեկապետին:

— Պատրաստե՛լ տուր նժույգները, ճանապարհի պաշա՛ր և
համհա՛րզը. վաղը չէ մյուս օրը ճանապարհվում ենք Պարսկաս-
տան:

Բաբիկը դուրս վազեց: Նա՛ կարծես փախավ:

— Ո՛ւր, ո՛ւր, — հետևեց կանչեց Վասակը:

Նա հրամայեց սենեկապետին.

— Ե՛տ բեր լակոտին... Վոա՛մ...:

Վոամը երևաց դռան մեջ:

— Ե՛տ բեր...:

Ներսիկը լաց էր լինում, բայց նկատելով հոր այլայլումը՝
սարսափից դադարեց և ընկավ հոր ոտները:

— Հայրի՛կ, մի՛ անիր, հայրի՛կ, խնայի՛ր նրան...:

Վոամը ներս բերեց Բաբիկին:

Վասակը մոտ վաղեց նրան և սպառնալի հարցրեց.

— Դու շլսեցի՞ր, որ գնում ենք Պարսկաստան:

— Լսեցի, — պատասխանեց Բաբիկը խոժոռ և հանգիստ:

— Ապա ո՛ւր ես փախչում:

— Ոչ մի տեղ: Ո՛ւր պիտի փախչեմ մայրիկից: — Եվ Բաբի-
կը ուղիղ նայեց Վասակի աչքերին:

— Մայրիկի՞ց: Պարսկաստան պիտի գնաս: Էլ ի՞նչ մայրիկ:

— Ապա նրան ինչպե՞ս պիտի թողնեմ մենակ:

— Ինչո՞ւ մենակ:

— Ախր ես մենակ ինչպե՞ս գնամ Պարսկաստան:

— Ես որ հետդ եմ՝ դու մենա՞կ ես:

Բաբիկը ծանր հևաց և գլուխն օրորեց.

— Զգիտեմ, հայրիկ, ի՞նչ ես ուզում մեզանից:

— Զեզանից այն եմ ուզում, որ դուք զորական ուսում առնեք
և բարձր պաշտոնյաներ դառնաք: Իսկ դուք համառում եք և վայ-
րենանում: Զե՛մ թույլ տա այդ: Պատրաստվեցե՛ք, որ վաղը առա-
վոտ կանուխ գնում ենք: Հիմա գնացեք ձեր օթևանը:

Բարիկն ու Ներսիկը դուրս ելան Վասակի մոտից սաստիկ վրդովված: Նրանք անմիջապես գնացին Փառանձեմի մոտ: Երբ հայտնեցին նրան այս լուրը, նա գունատվեց և ձեռքը տարակի գեպի սիրտը: Դա զարհուրելի էր նրա համար: Մինչև այժմ նա խուլ դիմադրությամբ պայքարում էր իր երեխաներով: Հիմա, երբ տրդեն գնում էին այդ հենարանները, և նա մնալու էր մենակ՝ ու՛մ կունենա՞ր արդյոք պայքարելու բացեիքաց:

Փառանձեմը հուզմունքից չգիտեր ինչ անել: Հարվածը ըս-
րդանում էր, բայց քանի չէր հասել, դեռ չէր զգացվում այդքան
դաժան. բայց երբ հասավ, հիմա զգացվեց նրա ուժը: Փառանձեմը
մի շարժում արեց, որ վեր կենա և գնա Վասակի մոտ:

— Ի՞նչ անեմ, ինչպե՞ս առաջն առնեմ,— հոգեկան մեծ
խռովքի մեջ դարձավ նա Զվիկին:

Ներսիկը փաթաթվեց մորը.

— Գնա խնդրի՛ր, մայրի՛կ, խնդրի՛ր մեզ շտանի, ես չե՛մ
կարող գնալ:

— Ա՛խ, ձագուկներս,— հառաչեց Փառանձեմը և կանգ
առավ:

— Նրան խնդրել չարժի,— ասաց Բարիկը մռայլ,— նա իր
խոսքը կանի՝ կտանի, իզուր տեղը մայրիկը իրեն կգցի նրա
առաջ:

— Իսկ դու կգնա՞ս,— հարցրեց Ներսիկը վախեցած:

— Չեմ գնա,— ասաց Բարիկը վճռական:

— Ի՞նչ, պիտի հակառակե՞ս,— վախեցավ Փառանձեմը,—
թող, ի սեբ աստժո, բան չբանաս գլխիդ:

— Ինչ ուզում է անի՛ շեմ գնա...

Փառանձեմը ծնկները ծեծեց հուսահատ:

Նա չգիտեր ինչ վճիռ ընդունել. համաձայնվե՛լ, որ իր զա-
վակները գնան. դա մահ էր նրա համար: Բայց նա սարսափում
էր նաև նրանից, որ Բարիկը հակառակի հորը և կատաղի ծնողը
մուլուցքի մեջ վնաս տա նրան:

Ամբողջ գիշերը Փառանձեմը անցկացրեց օթևանում շրջելով:
Բարիկն ու Ներսիկը նստած էին անքուն և հետևում էին մոր
տորոտանքին: Նրանք խոսք չէին գտնում մորը հանգստացնելու,
քանի որ իրենք ևս անհանգիստ էին:

Լուսինք դուրս լողաց լեռների խորքից: Նրա թախծալի լույսը կախվեց քարափներից ահագին ձորի մթուժյան վրա: Անդնդում խավարի մեջ մոռնում էր գետը: Տխուր ծկլթում էր գիշերահավաք Փառանձեմի սիրտը փղձկաց: Նա կուզենար լիասիրտ ու բարձր լաց լինել: Բայց այդ տխուր սփոփանքից էլ նա զրկվեց: Նրա վըշտի ամեն մի նշանը պիտի տանջեր իր ճանապարհորդ զավակներին: Նա չէր կամենում նրանց վիշտ պատճառել: Ուստի և զսպեց իրեն և գնաց նստեց իր բարձին:

— Եկե՛ք մոտս, — ասաց նա նրանց՝ մոտ քաշելով գրակալը: որի վրա հանգչում էր իր զավակների սիրած մատյանը՝ Մովսես ետրեմացու պատմությունը: — Եկե՛ք, զավակներս:

Բարիկն ու Ներսիկը գնացին նստեցին մոր կողքին:

Փառանձեմն սկսեց կարդալ: Թե ինչո՞ւ սկսեց կարդալ և ինչո՞ւ ընթերցման այդ ձևն ընդունեց՝ մի փոքր տարօրինակ թվաց տղաներին: Բայց նրանք ազդվեցին մոր ջերմեռանդ լուսթյունից և ենթարկվեցին նրան:

Փառանձեմը կարդաց մեծ շնչով: Հայրենաշունչ պատմահոք գիրքը կրակի պես այրել սկսեց, երբ խոսում էր այն մասին, որ մեր ազգը թեև փոքր ածու է, բայց նրա մեջ ևս գործվել են մեծ գործեր հիշատակության արժանի: Նա խոսում էր հայկազյան թագավորների մասին, որոնք չգիտեին, թե ինչ է ստրկությունը: Նա պատմում էր Տիգրան Մեծի մասին, որ Հռոմի դեմ հաղթական պատերազմներ վարեց:

— Ասել է՝ մեր նախնիները կռվել են, — մտորմունքով ասաց Բարիկը: — Մեր ազգի բախտն այդպես է սկսվել, հենց մեր նախահայրը կռվով է հիմք դրել մեր ազգին, — ասաց Փառանձեմը՝ ուրախ, որ Բարիկի միտքը գնաց դեպի պատմությունը և մոռանում է իր վիշտը:

— Հենց մի գլուխ բռնակալնե՛ր, բռնակալնե՛ր, — խոսեց դառնությամբ Բարիկը, — գալիս են մեզ ստրկացնելու: Բայց լավ է, մերոնք էլ կուրծք են դնում և ոչնչացնում են թշնամուն:

— Հազկերտին էլ պիտի ոչնչացնել հենց Հայկ Նահապետի թշնամի Բելի պես, — մեջ մտավ Ներսիկը:

— Նրան էլ կոչնչացնենք, — ասաց Բարիկը:

Փառանձեմը շարունակեց ոգել: Արա Գեղեցիկն ու Շամիրամը գրավեցին տղաների ուշադրությունը: Փառանձեմը բացատրեց:

որ թշնամին երբեմն էլ գեղեցիկ միջոցներով է ուզում ստրկացնել: Պետք է արիութուն և առաքինութուն ունենալ:

— Ո՛չ մի գեղեցիկ կին հայրենիք շարժի,— ասաց Փառանձեմը,— ո՛չ մի հարստություն, փառահեղ կյանք, ո՛չ մի պատիվ ու փառք: Հայրենիքը ամեն բանից բարձր է, և նրա գինը չի շահիվի ոչ մի աշխարհային գանձով:

Ներսիկն հանկարծ հեկեկաց:

— Ինչո՞ւ ես լալիս, մատա՛ղս,— հազիվ զսպելով իր արցունքները հարցրեց Փառանձեմը,— մի՛ լար, սիրունի՛կս, այս ամենը կարդում եմ, որ միտներդ պահեք, ինձ շմոռանաք, շմոռանաք մեր ազգը, մեր լեզուն:

— Բայց մի՛թե պիտի գնանք, ես չե՛մ ուզում գնալ, չե՛մ ուզում, հասկանո՞ւմ ես, չե՛մ ուզում,— բարձրաձայն լացեց Ներսիկը:

— Մի՛ լաց լինի, մատա՛ղ, կգաս, հո այնտեղ չե՛ս մնա,— ասաց Փառանձեմը և գրկեց Ներսիկին:

— Այնտեղ կմնանք, էլ ետ չե՛նք գա,— մղկտալով ասաց Ներսիկը:

Փառանձեմը թաղեց նրա դեմքը իր կրծքի մեջ և սկսեց օրորել նրան: Ներսիկը հեկեկում էր և ցնցվում: Փառանձեմի սիրտը ճմլվեց. հանկարծ հիշեց, թե ինչպես Ներսիկի երեխա ժամանակ նա այդպես գրկում էր նրան: Այն ժամանակ նա շէր հասկանում, թե ինչու էր լալիս: Բախտավոր լաց էր այն, իսկ հիմա՞...

Փառանձեմը նայեց Բաբիկին: Սա մոռալլ, հոնքերը կիտած, նայում էր պատուհանից դուրս:

— Ի՞նչ է գլուխը մտել պարսկերի՛ն, հա պարսկերի՛ն, պարսից զորական արվե՛ստ, պարսից պաշտոնյա՛,— վրդոված խոսեց նա:— Զգիտե՛ մեր նախնիների գործերը, անո՞ն չունենք մենք, ա՞զգ չենք: Ի՞նչ է մտածում...

— Նա ուզում է մեզ հայրենադավ դարձնել,— շարունակեց Բաբիկը,— կայրվե՛մ կրակի վրա՝ չեմ մոռանա հայրենիքս:

— Հա, մատա՛ղ, հավատարիմ եղիր հայրենիքիդ,— շեշտով խոսեց Փառանձեմը:

— Սպարապետի՛ն կգնամ ծառայեմ: Նա մեր ազգի պաշտպանն է:

— Սպարապետը մեծ հայրենասեր է, նրա՛ն ապովիհեցեք, — ասաց Փառանձեմը, — նա իր որդուն բերել է տալիս պատերազմ:

— Երանի նրա որդուն, — ասաց Ներսիկը, — զնանք Պարսկաստան՝ կմտնեմ նրա զորագունդը:

— Զխոսեք այդ բաները ձեր հոր մոտ, ի սե՛ր աստժո, կսպասեմ ձեր ձեզ:

— Թո՛ղ սպանի: Թող ինձ Սպարապետը զինվոր ընդունի, նրա որդու հետ լինեմ՝ թող հայրս ինձ սպանի:

— Մայրի՛կ, — հանկարծ վեր կացավ տեղից Բաբիկը, — մայրիկ, ի՛նչ է սրա միտքը, ուրանա՛լ հայրենիքը...

— Ա՛խ, Բաբի՛կ, մատաղ, մի՛ ասի, թող ես առաջ մեռնեմ՝ հետո այդ լինի, — ասաց Փառանձեմը:

— Ապա ինչո՞ւ է կատաղում, երբ Սպարապետի անունն ենք տալիս, ինչո՞ւ է նրան դեմ:

— Մարզպան է, վախենում է իր պաշտոնից, — բացատրեց Փառանձեմը:

— Իսկ Սպարապետի՛ն, Սպարապետի՛ն ինչու է ատում, — բարկացած շեշտեց Բաբիկը, — ի՛նչ է արել նրան Սպարապետը:

— Սպարապետը անձնադո՛հ մարդ է, նրան ո՛վ կարող է ատել, նա մեր հայրենիքի պաշտպանն է: Եթե նրան ատում է ձեր հայրը, մեծ մեղք է գործում: Ա՛խ, ասոված հասնի ինձ ու ձեզ: Խե՛ղճ զավակներս...

Փառանձեմը տխուր նայեց իր որդիներին և գլուխն օրորեց:

Բայց գիշերն անցնում էր, հետևյալ օրը Բաբիկն ու Ներսիկը ճանապարհ կընկնեին: Հարկավոր էր, որ նրանք քնեն: Հոգատար մայրը դրա մասին էր մտածում:

— Է՛, պառկեցե՛ք. քնեցե՛ք, զավակնե՛րս, — ասաց նա, թեև նա կկամենար, որ վերջին գիշերը երկարեր մինչև հավիտյան, չգար սևումութ առավոտը:

— Ո՛չ, ո՛չ, — մայրի՛կ, մենք չենք քնի, — մերժեց Ներսիկը և փարվեց մոր կրծքին:

Նա այդ գիշեր բուրբովին երեխայացել էր: Իսկ սա ավելի էր խոցում խեղճ մոր սիրտը: Իսկ Բաբիկը իր մտքերի հետ էր: Նա ինչ-որ վճիռներ էր գծում իր հոգու մեջ, պայթարի վճիռներ, որով և հիմիկվանից պատրաստվում էր գիմագրավել հորը:

— Չե՛մ գնա, — հայտնեց նա վճռական շեշտով:

Փառանձեմը վախեցած նայեց համառ տղային և անհանգիստ վեր կացավ տեղից: Ու մինչ Բարիկը վրդովված ման էր գալիս՝ նա հետևելով նրան հորդորում էր, որ ետ կենա սուր վարմունք-ներից: Իայց նա գիտեր, որ հենց այդ ետ կենալն էր մեծ աղետը իր համար, որից սարսափում էր նա՝ բաժանվելը իր զավակներից:

Տանջալի գիշերը մոայլ թռչնի պես կախվել էր ամբողջ վրա, այն օթևանի վրա, ուր Փառանձեմը անձկությամբ սպասում էր իր զավակների և հոր ընդհարման:

Տղաները թմրեցին վերջապես և ընկնելով բարձերին, հենց տեղնուտեղը քնեցին: Չվիկը ծածկեց նրանց, Փառանձեմի հետ միասին նստեցին նրանց զլխավերեք՝ հսկելու և վերջին անգամ գիտելու նրանց:

Փառանձեմը աչքը շէր հեռացնում զավակներից: Նայում էր նրանց և մեկ-մեկ միտը բերում նրանց երեսխայությունը, մանկությունը: Հիշում էր իր երազները, որ նրանք կդառնան ուսյալ, իմաստասեր մարդիկ, կընթերցեն լավագույն՝ մատենագիրներին, կճանապարհորդեն Աղեքսանդրիա, Հոմ, Բյուզանդիա, կբանան զգրոցներ, գրել կտան մատենագիրներին հայոց պատմություն, իրենք կգրեն, կնվիրվեն որևէ գիտության: Ամուսնու կոպտություններն ու բացահայտ սառնությունը նա տանում էր մինչև հիմա այս երազներով օրորված: Հիմա այդ երազները ցնդում են: Նա պիտի ապրի անլույս, անհույս կյանքով, լքված, մենակ և արհամարհված: Արհամարհված այն ժամանակ, երբ նա ինքը ամենեկին էլ շի կամեցել բռնակալի կիներ լինել, խուսափել է: Եվ հիմա զօրս է գալիս, որ ինքը բեռ է այս տանը և արհամարհանքի է գատապարտված իր արհամարհանքին արժանացած ամուսնու կողմից:

Փառանձեմը լցվեց և լաց եղավ դառնագին: Չվիկը նոր միայն սիրտ արեց ինքը ևս ձայնակցելու իր տիկնոջը: Նա սկսեց հեկեկալ: Այսպես գեռ երկար նրանք լաց էին լինում՝ ինչպես գերեզմանի վրա՝ մինչև թմրեց նրանց վիշտը և սրտները մի փոքր թեթևացան:

Այնժամ Փառանձեմը կրկին բաց արեց Խորենացու գիրքը և սկսեց կիսաձայն կարդալ: Նա կարդում էր աղոթքի նման, ինչպես

հիվանդանոցների գլխին: Բայց գիրքը իր դյուցազներգական նյութով և բարձր հոգեկան թոփշոճով այնքան համակեց նրան, որ նա սկսեց ավելի բարձրաձայն ոգել: Կարծես նա պայքար էր մղում շարժի դեմ, որ հարձակվել էր նրա վրա բռնակալ մափիլիներով խեղդելու նրա ոգին: Նա կարդալով կոփվ էր մղում նաև իր հոգեկան թուլացման դեմ ու ճիգ էր անում հաղթելու նաև ինքն իրեն: Եվ ահա բարձրաձայն ոգումը նրան քաշալերեց, նոր ուժ տվեց դիմագրավելու մեծ նեղությունը: Նա զգաց, որ ինքը ևս պարտավոր է մասնակցել այն մեծ պատերազմին, որ ահա մոռում է հեռու հորիզոններում և շուտով կգա կճայթի իր երկրի վրա: Հետզհետե նա հասկացավ, որ իր պայքարն ամուսնու հետ միայն ընտանեկան գծառնություն չէ, այլ դրա վրա բարձրանում է այն հակամարտության ոգին, որ ահա տոգորել է ողջ երկիրը: Փառանձեմը պարզ տեսավ, որ ինքը ևս հայրենիքի պաշտպանության ճանապարհն է բռնում, որ իր զավակները ևս նույն տեղն են գնում: Նա մտածեց, որ ահա Հայաստանից ճանապարհ են ընկնում նաև մյուս պաշտպանները՝ Վարդան Մամիկոնյանի գլխավորությամբ: Մտածեց, որ երբ լսուրբ էին գալիս, թե ողջ երկիրը վեր է կացել բռնակալության դեմ և պատրաստ է արյուն թափել, բայց պաշտպանել հայրենիքը, շիրջնել ազատությունը՝ դա վերաբերում է նաև իրեն և իր իրողներին:

Փառանձեմը բարձր կարգաց վերջին խոսքերը պատմության և ապա խաչակնքելով իր քնած զավակներին՝ ասաց.

— Է՛, դուք է՛լ գնացե՛ք ուխտյալ գինվոր. աստված աչքակե՛տ էր կամեցել:

Զվիկը կրկին հեկեկաց և ընկավ քնած տղաների ոտները:

Բայց այդ պահից հետո Փառանձեմը կերպարանափոխվեց: Նրա դալուկ գեմքը լրջացավ և կրկին լցվեց այն մշտական հպարտությամբ, որով նա համակում էր ամենքին: Լուսացավ: Նրա հոգեկան գիշերը, ինչպես և ամրոցը շրջապատող մութը փարատվեց, և առավոտը նայեց օտար, նորեկի աչքերով: Եվ այն վաղվան օրը, որ Փառանձեմի համար պիտի գար իբրև սևումութ օր՝ եկավ հանգիստ, համակերպ մի զգացումով: Փառանձեմը նոր կարոտով նայեց անգորր շնչող իր զավակներին: Նրանք այժմ նոր լույսով պսակվեցին սիրասուն մոր աչքերին: Այլևս ոչ միայն իր զավակները, այլ զավակները այն ազգի, որ այս պահիս գինվոր են գլխ-

Վում: Հիմա այլ սիրով սիրեց նրանց զինվորազրված մայրը և թեթևութուն զգաց: Եվ երբ նրանք զարթնեցին, Փառանձեմը խոնարհվեց և նրանց համբուրեց իբրև մարտիկների, որ ահա վեր կենան, կանան մարտ՝ մեռնելու կամ ազատագրելու իրենց ժողովուրդը:

— Կավ հանգստացա՞ք, — հարցրեց Փառանձեմը զսպված հոգատարությամբ:

— Իսկ դու չե՞ս քնել, — հանդիմանեց Բարիկը:

— Ծս հանգստացել եմ, մատա՛ղս, իմ մասին մի՛ հոգա: —

— Ինչո՞ւ չպիտի հոգամ, — առարկեց Բարիկը, — հիմիկվանից զենը մեր հոգսը դո՛ւ ես:

— Է՛, Բարիկ, — հառաչեց Փառանձեմը, — մեր հոգսը մեծ է և ինձանից մեծ բյուր-հազար անգամ: Ողջ ազգն է հոգսի մեջ:

— Ծշմարիտ է, — ասաց ներսիկը, որ զարթնել էր, բայց աչքերը խուփ մտածում էր, — մենք հիմա պիտի կռվենք մեր ազգի փրկության համար:

Բարիկը սակայն համառ մտածում էր իր վիճակի մասին: Նա չէր կարողանում վճիռ ընդունել մորից բաժանվելու: Նրա մեջ կրո՞վում էին հակամարտ ուժերը:

Նախաճաշ բերին, սակայն ոչ ոք մոտ չեկավ: Փառանձեմը խոդրեց տղաներին, որ ուտեն. բայց նրանք հազիվ ճաշակեցինս Հուզմունքը խլացրել էր քաղցը:

Բակում աշխույժ էր: Սպասավորները կրում, կապում, մեջ էին բերում խուրջիններ, արկղներ: Ճանապարհի խոհարարը՝ մոսյլագեմ շոր մի արարած՝ բարկացած կարգադրում էր: Ճանապարհի խոհանոցը ողջ գիշեր կազմվում էր և դեռ պատրաստ չէր: Հանգերձապետը դասավորում ու կապում էր հագուստները, ուրիշները գնում էին բժշկական դարմանները, ջրի սրվակները, անկողնու մորթիներ, վրաններ: Այդ բոլորը բեռնվում էր շորիների մեջքին: Շուտով սալահատակած բակում կարկուտեցին նժույզները: Եկավ սենեկապետը և հայտնեց, որ մարզպանը հրամայեց Բարիկին ու ներսիկին հագնվել, դուրս գալ բակը: Ներսիկը հեկեկաց, իսկ Բարիկը ասաց, որ չի գնալու: Սենեկապետը շոր նայեց նրան և ասաց, որ վատ կլինի վերջը, մարզպանը զայրացած է, թող հագնե՞վեն: Նա գնաց և չհայտնեց այս մասին վասակին: Սակայն երբ

տղաներն ուշացան, Վասակը եկավ Փառանձեմի օթևանը: Սենեկապետը հետևեց նրան:

— Ի՞նչ է, պահում ես, որ վա՞նք ուղարկես. ինչո՞ւ չեն գալիս,— դիմեց նա Փառանձեմին:

— Նրանք կգան,— ասաց Փառանձեմը առանց նայելու Վասակին:

— Բայց ինչո՞ւ հագնված չեն,— խոժոռ աչքերով հարցրեց Վասակը և դարձավ սենեկապետին.— զգեստները բե՛ր:

Սենեկապետը գնաց: Տիրեց ծանր լուռություն, որ թվում էր արճիճի պես նստեց նրանց կրծքին: Վասակը շատ բան ուներ ասելու, ինչպես և Փառանձեմը, բայց խոսք չէին գտնում ասելու: Սենեկապետն ուշանում էր:

— Ինչո՞ւ են սրանք հակառակում,— հարցրեց Վասակը Փառանձեմին, առանց նայելու նրան:

— Չեն ուզում գնալ Պարսկաստան,— պատասխանեց Փառանձեմը պարզ ու սառն:

— Դո՞ւ ես սովորեցրել նրանց, որ դիմադարձ կանգնեն ինձ,— ասաց Վասակը:

— Ես ի՞նչ սովորեցնեմ նրանց: Նրանք հիմա ամեն բան հասկանում են:

— Որ շպիտի գնալ Պարսկաստա՞ն...

— Գնալ՝ չգնալ...

Վասակը հավիվ պահեց իրեն և կրկին հարցրեց.

— Իսկ ինչո՞ւ են նրանք ինձ դեմ...

— Դու ավելի լավ կիմանաս,— ասաց Փառանձեմը և դեմքը բարձրացրեց Վասակի հայացքի հանդիման, նայեց ուղիղ նրա աչքերին:

— Ի՞նչ եմ իմանում ես... — սպառնալի հարցրեց Վասակը:

— Քո զավակներն են, ինչ որ մտցրել ես նրանց հոգու մեջ, այն էլ տեսնում ես նրանց մեջ:

— Ե՞ս եմ մտցրել նրանց հոգու մեջ, որ իմ առաջ նրանց հիշեն այն սրիկայի անունը...

— Ո՞վ է այդ սրիկան,— ծառայալ զայրացած Փառանձեմը սուր նայելով ամուսնուն:

— Քո այդ Սպարապետ ասած արարածը...

— Սպարապետն ազգի պաշտպանն է,— ասաց Փառանձեմը,— ինչպե՞ս է լեզուդ դառնում...

Դեռ չէր վերջացրել Փառանձեմը, որ Վասակի հարվածը վայր գցեց նրան։ Պալատական ու իշխանական շրջանների առջաններում վայելուչ ու կիրթ խոսող, վարվող մարզպանը իր տան անկյուններում ցույց էր տալիս իր լեռնական, բռնակալ, վայրի և անցուսպ կատաղի բնույթը։ Փառանձեմն ընկավ դեմքն արյունած։ Հպարտ կիներ ոչ մի ծպտուն չհանեց։ Զարմանալի հանգիստ պահեցին իրենց Բարիկն ու Ներսիկը։ Իսկ Զվիկն ու սենեկապետը, որ, վարժ էին նման տեսարանների, առաջինը տխուր նայեց Վասակին, իսկ երկրորդը աչքերը հատակին՝ սպասում էր, որ ավարտվի «խրատումը»։

— Հագցրե՛ք սրանց և դո՛ւրս բերեք բակը,— հրամայեց Վասակը և դուրս գնաց։

Բակում հավաքվել էին ամբողջ բնակիչները օգնելու, ծառայելու և դիտելու։ Վասակը մի հայացք նետեց բռնատար ձիերին, ջորիներին ու նժույգներին և դարձավ դեպի Փառանձեմի օթևանը։

— Ո՛ւր են Բարիկն ու Ներսիկը, թող շտապեն։

Սենեկապետը եկավ և հայտնեց, որ չեն գալիս։

Վասակը աչքով արեց Վռամին, որ աչքը նրան՝ հրամանի էր սպասում։

Վռամը մտրակը խրեց գոտկի մեջ և սլացավ դեպի Փառանձեմի օթևանը։

— Հագե՛ք շորերդ,— հրամայեց նա Բարիկին ու Ներսիկին։

— Գնա՛, չենք գալիս,— գոչեց Բարիկը։

— Հագի՛ր, Բարիկ,— ասաց տխուր ու մեղմ Փառանձեմը,— Ներսի՛կ, հագի՛ր։

— Մայրիկ, չե՛մ ուզում, չե՛մ ուզում, հասկանո՞ւմ ես, չե՛մ ուզում,— հեծկտաց Ներսիկը և վազեց գրկեց մորը։

Փառանձեմը հանգիստ ձայնով համոզեց նրան, որ հագնվի։

— Հագնվի՛ր, հագնվի՛ր, Բարիկ։

— Մայրի՛կ... — լացակումեց վերջապես բարձր Բարիկը։

— Գնացե՛ք, զավակներս, դուք այսօրվանից զինվորյալ եք ազգի,— հորդորեց մայրը հագիվ զսպելով արցունքը և օգնեց սենեկապետի բերած զգեստները հագնել։

Բարիկը հագավ։ Ներսիկը հետևեց նրան։ Նրանք նոր հա-

գուտներ հագած՝ կանգնեցին Փառանձեմի առաջ: Քշվառ մայրը
ոտից գլուխ նայեց նրանց, նայեց անհուն կարոտով, մեծ գորո-
վանքով և ափսոսի մի այնպիս վշտով, որ միայն այն էակը կա-
րող է արտահայտել, որ գիտե, թե վերջին հայացքն է գցում իր
ամենաթանկ հարազատների վրա և շուտով, մի քանի րոպե անց
նրանք հավիտյան կանհետանան: Նա գրկեց նրանց միասին, սեղ-
մեց կրծքին, խուլ հառաչեց և ջերմ համբուրեց: Բարիկն ու Ներ-
սիկը փարվեցին մորը և սկսեցին կարոտով համբուրել նրան:
Հետո նրանք համբուրվեցին Զվիկի հետ, որ լաց էր լինում: Փա-
ռանձեմը ժպտաց նրանց և ձեռքերը բռնած դուրս տարավ: Այս-
տեղ նա հպարտ ու խիստ նայեց բակում հավաքվածներին, առանց
մի հայացք նետելու իր ամուսնուն: Վոամը ձեռքը գցեց հեռացող
տղաների մեջքներին, որ առաջ մղի նրանց:

— Թո՛ղ, ձե՛ռքդ,— խփեց նրա ձեռքին Բարիկը:

Նա իջավ, մոտեցավ իր նժույգին: Նայեց նրան, նայեց շուր-
ջը, նայեց մորը և ասաց մռայլ ու տխուր.

— Մնաք բարյավ...

— Գնաս բարով, ճանապարհդ ի բարի՛ն,— ասացին կանգ-
նածները:

Նժույգներն անհանգստացան: Վասակը բարձրացավ պատըշ-
գամ, մոտեցավ Փառանձեմին և բռնեց նրա ձեռք.

— Հանգի՛ստ եղիր, նրանք կվերադառնան:

Փառանձեմը շպատասխանեց:

— Դե՛, մնա՛ս բարյավ,— ասաց նա:

— Գնաս բարյավ,— հագիվ լսելի շշնջաց Փառանձեմը:

Վասակը փաթաթվեց, համբուրեց նրան և արագ իջավ պա-
տըշգամից:

Նժույգները զգալով բաց դարբասի շունչը՝ սրընթաց դուրս
թռան: Կարավանը հեռացավ և շուտով ընկղմեց անդունդը:

Դեպի Պարսկաստան...



Երկարաձիգ կարավանը, որ բաղկացած էր հայ նախարար-
ներից, նրանց թիկնապահներից, սպասավորներից, շարժվում էր
Պարսկաստանի տխուր անապատներով դեպի Նյուշապուհ: Կարա-
վանի մեջ էին Վասակ Սյունին, Վարդան Մամիկոնյանը, Ներշա-

պուհ Արծրունին, Վահան Ամատունին, Արտակ Ռշտունին, Գաղի-
շո Խորխոռունին, Մոկաց Արտակը, Ապահունյաց Մանեհը, Անձե-
վացյաց Շմավունը:

Ճանապարհի ձանձրույթն ու հոգնությունը հոգեկան խռովքի
հետ միասին դժվարացնում, դառնացնում էին գնացքը:

Վասակը գնում էր մեկուտի, ջանալով ոչ ստեպ հանդիպել
Վարդանին: Նա սիրով մոտ էր թողնում մյուս նախարարներին և
սկսում շատ զգույշ գայթակղել նրանց: Նա մտայլ էր ներկայաց-
նում Հազկերտի տեսակցությունը և հույս չէր թողնում որևէ մեղ-
մության: Նա խտացնում էր առանց այն էլ իրոք սպառնալի վի-
ճակի խստությունը և աննկատելի սարսափ էր գցում նախարար-
ների մեջ:

Վասակը գնում էր կարթավանի առջևից: Նա իր խոհանոցային
և այլ սպասարկման գրաստները թողել էր հետևում, մյուս նա-
խարարների նույն գրաստներին հետ, բայց մի թեթև սպասարկ-
ման գրաստ գնում էր նրան մոտիկ տարածությունից՝ անմիջա-
կան պետքերի համար: Բարիկը ու Ներսիկը գնում էին նրա հե-
տևից: Նրանք հոգնած տեսք ունեին, այրվել էին արևից և քամուց:
Այստեղ, ճանապարհին շատ բաներ գրավում էին նրանց ուշա-
դրությունը, և նրանք հետաքրքիր աչքերով նայում էին, իրար աչ-
քով անում: Բայց ամենից շատ նրանք ետ-ետ էին նայում խիստ
ուշադիր: Նրանց գրավում էր Վարդան Մամիկոնյանը, որ առանց
գիրքի ու աստիճանի՝ հետևում էր Վասակին՝ խառն մյուս նա-
խարարների հետ: Նա մերթ առաջ էր ընկնում, մերթ հավասար-
վում նրանց և միշտ իրեն պահում էր պարզ ու հասարակ, հակա-
ռակ Վասակի, որ ամենուրեք դիրք էր պահում և հրամայական
խոսքերով հասկացնում իր մարզպանական աստիճանը: Բարիկն
ու Ներսիկը որսում էին Վարդանի ամեն մի շարժումը: Ջանում
էին լսել նրա ամեն մի խոսքը: Վարդանը դառել էր նրանց պաշ-
տամունքի կուռքը: Նրանք մոռանում էին իրենց վիճակը և կա-
րողացան դիմանալ մորից անշատվելու վշտին՝ շնորհիվ Վարդա-
նին մերձ լինելուն: Այնքան ամիսների ցնորքը՝ տեսնել հայոց
Սպարապետին՝ ահա իրականացել էր: Եվ այդ հրջանկությունը
տևում էր ամբողջ շաբաթներ: Ճիշտ է, Վասակը խոստաբույս
հրամայել էր նրանց շմոտենալ նախարարներին, շխտել նրանց
հետ, ինչպես որ նույն հրամանը տվել էր Վռամին ու այլ թիկ-

նապահների, որ հսկեն Բարեկին ու Ներսիկին այս բանում: Սա-
կայն սրանք առիթը գտնում էին Վարդանին ավելի մոտ ձիավա-
րելու և լսելու նրա խոսակցությունը: Երբեմն հաշողվում էր որ-
սալ Վարդանի խոսքերը, երբ իրենք մոտ էին լինում նրան, իսկ
երբ հեռավորությունը կտրում էր Վարդանի խոսքի թելը, նրանք
վշտանում էին: Վասակի հսկողությունը ճնշում, զայրացնում էր
պատանիներին: Նրանք իրենց զգում էին կալանավորների պես,
մանափանդ ու այնպիսի մի էակ, ինչպես Սպարապետն էր, դա-
ռել էր խիստ արգելքի հրապույր: Նրանք անիծում էին իրենց
բախտը, որ չէին կարողանում լիովին վայելել մեծ մարդու ներ-
կայությունը, թերևս և ծանոթությունը, որի մասին երազում էին,
բայց ահա դա էլ դառել էր անհասանելի մի բան:

Կարավանը դնում էր նյուշապուհ, և ճանապարհը քանի գնում
անհրապույր էր դառնում: Աջակողմը շարունակ իր գորշ ու լայնշի
թաթերն էր մեկնում մեծ իրանյան անապատը: Երբեմն ավազի
մրրիկը խորշակի շունչը փչելով սկսում էր ֆր կոծապարը:

Տխրում էր Վարդանը: Քանի՞ քանի՞ անգամ նա ճանապարհ
է ընկել դեպի Ապար աշխարհը, շտապել այնտեղ կովելու քուշա-
ների դեմ Հազկերտի և դեռ նրա նախորդի համար: Գոնն առաջ-
ները մի նպատակ կար, գոնն այն ժամանակ տերություն էր
պաշտպանում նա, ծառայում էր պարսիկներին՝ իր հայրենիքի
որոշ ազատությունը պաշտպանելու «վարձատրությունը...»: Ի՞նչ
ստացվեց այդ բարեխիղճ ծառայությունից: Ահա այս երկար, ան-
վերջ, ձանձրալի և անփառունակ երթը դեպի ատյան: Ատյա՛ն,
դա՛տ... ինչի՞ համար: Որ նա պաշտպանում է իր հայրենի՞քը:
ազատությունը...

Ահա իր դիմաց, իրենց առաջ ընթանում է «մարզպանը Հայոց
աշխարհի»... ջերմեռանդ պաշտոնյան Հազկերտի... Որ չի կամե-
նում զոհել մի ոսկի իր զարդերից ի սեր հայրենիքի ազատության:
Ի՞նչ է մտածում նա. ի՞նչ պիտի ձեռնարկի նա արքունիքում: Եթե
դեպքը բերի, մի՞թե նա չպիտի զոհի իր մարզպանական իշխա-
նությունը հայրենիքի բարօրության համար:

Ո՞վ գիտե...

Գարնան արևը այրում էր, ծարավ էր բերում օրվա տապը և
քուն: Գաղիշան առաջ էր ընկել և խոսում էր Վասակի հետ, իսկ
մյուս նախարարները նիրհում էին իրենց նժույգների վրա: Վար-

դանը նայում էր տխրատեսիլ անապատին և մտածում իր անելիքների մասին: Երբեմն նա հայացքը գցում էր Բաբիկի ու Ներսիկի վրա: Նա չէր հարցրել, բայց գլխի էր ընկնում, որ Վասակը նրանց տանում է կամ արքունիքի ծառայության, կամ պարսկական կրթության:

— Եթե նրա հետ խոսեիր, ի՞նչ կհարցնեիր,— հարցրեց Ներսիկը Բաբիկին:

— Կհարցնեի նրա դեմքի սպիտի մասին: Տեսնես ո՞ր կռվումն է վիրավորվել:

— Ինչ էլ երկար է,— ասաց Ներսիկը և ետ նայեց:— Նայի՛ր:

Բաբիկը ետ նայեց, և նրա հայացքը հանդիպեց Վարդանի հայացքին: Բաբիկը խիստ ու խոր նայեց Վարդանին. այսինքն՝ մի կարծիք թե ես կռվել չեմ իմանում. ես քո հեծյալներից պակաս չեմ լինի, երբ կռիվն սկսվի:

Վարդանը նայեց, զգաց այդ հայացքը, բայց Բաբիկի մտքերն ընդունեց իբրև հակառակ զգացմունքի ցուլքեր: Նա տհաճությամբ աչքերը շրջեց Ներսիկի վրա: Սա կոտորած ժպիտով, ամոթխած նայեց և աչքերը կախեց.

«Փոքրն ավելի հեզահամբույր է, քան մեծը»,— մտածեց Վարդանը և սկսեց մտածել իր որդու մասին:

Բայց քանի գնում էին առաջ, քանի այսպիսի հայացքի հանդիպումներ էին տեղի ունենում՝ այնքան Վարդանը վարժվում էր պատանիներին: Նա հիմա ավելի խղճում էր նրանց, քան քամահրում իբրև պաշտոնի գնացողների:

Վասակը Գաղիշոյի հետ ճանապարհին երկար-բարակ վերդիր անելով իրենց վիճակը, գուշակելով արքունիքում պատահելիքն ու գալիքը՝ հնարներ էին մտածում շոր դուրս գալու այս դեպքից:

— Կարող է արքան բռնի ուրացումը հրամայել,— ասաց մի օր Վասակը:

— Արդեն իսկ պիտի հրամայի,— քմծիծաղով ասաց Գաղիշոն՝ իբրև մի բանի մասին, որ անխախտ, անշուշտ պիտի կատարվեր:

Վասակը ետ նայեց. Վարդանը նույնպես խոսում էր նախաբարների հետ և կարծես նույնպես զգուշանալով: Երևի նա էլ էր մտահոգվել գալիքով և հնարներ էր որոնում:

— Մեր ուրացումը կլինի, — ասաց Վասակը, — դու ինձ խոսք ես տվել, — նա նայեց փորձիչ աչքերով Գաղիշոյին, — կուրանան Կյուտը և թերևս մի երկու հոգի բանակում: Երկրում կան պատ-րաստ և ուրիշները: Բայց սրա՛նք, սրա՛նք, այս տարոնացի՛ն, այն մորթը դուրս տված աղվե՛սը...

Գաղիշոն ժպտաց.

— Հիմա այլևս արժեք չունի, թե ո՛վ կղիմադրի: Հիմա մենք այլևս նախարարներ չենք, քանի որ ժողովուրդ և երկիր չունենք: Մենք նոր պիտի ստանանք դրանք, եթե ուրանանք:

— Ոչ, մենք արժեք ենք դեռ, — առարկեց Վասակը, — մենք պետք է երկրին տանք օրինակը, և հայերը մե՛ր խոսքով ավելի հեշտ կզիջեն, քան պարսիկների: Մենք արժեք ենք և կարող ենք շատ բարձր արժեք դառնալ, եթե խելացի լինենք: Ժամն է բարի և հաջող...

— Ես սպասում եմ երկպառակության, — ասաց Գաղիշոն:

— Ես ևս, — և դա ավելի կբարձրացնի մեր կուսակիցնե-րին, — ասաց Վասակը նենգավոր աչքերը ցուացնելով ազահ և ուրախ:

Գաղիշոյին մի տեսակ անախորժ եկավ գիշատիչ գազանի այդ սառը ժպիտը Վասակի աչքերում: Այդ աչքերի մեջ նա տեսավ տի-րակալի, իշխանության ձգտողի, եսական երջանկության հետևից վազողի խանդավառությունը, դավաճանության սաղմերը... Դա-վաճանություն հենց իրեն՝ Գաղիշոյին:

Վասակը շուշացավ Գաղիշոյի մեջ ուժեղացնելու այդ կասկա-ծը: Նա ասաց.

— Մեր կշիռը կբարձրանա Գենշապուհի և մյուս աղբերի կող-քին, կբարձրանա նաև այդ «հերոսների» մոտ: Հազկերտը մեզ կտա ավելի բարձր իշխանություն: Կարծում ես մեզ կանչելով մեր վիճակը վատթարացա՞վ: Ոչ... Մենք հիմա կարող ենք ամենա-հանդուգն բաների ձգտել: Ժամն է պատեհ, Գաղիշո՛ սիրելի: Դու հավատարի՛մ ես:

— Հավատարի՛մ եմ, — պատասխանեց Գաղիշոն՝ հասկանա-լով, որ նման հանդիսավոր հարցմունքներին միշտ Վասակը որևէ անցք բաց էր անում իր հոգեկան աշխարհից: — Հավատարի՛մ եմ, ասա՛՛

— Եթե հավատարիմ ես՝ դե ուրեմն լսիր. բարձր իշխանությունը, որի մասին խոսեցինք մի օր Այրարատյան դաշտում, այժմ ահա գալիս է իր ոտով ինձ ու քեզ: Եթե ունենք խելահասություն — չեմ ասում զու՞թ... եթե ունենք տերունական մարդու անվերդով սիրտ, ահա օրն հասնում է: Օ՛ն, դեպի գործ:

— Ի՞նչ պիտի անենք...

— Ուրացման համաձայնությունը տանք ես ու դու՝ դեռ Հազկերտը մեզ հրամանը չտված:

— Իսկ նախարարները ինչ կասեն...

— Դա կանենք գաղտնի, Միհրնեբսեհի մոտ...

Գաղիշոն քմծիծաղ տվեց.

— Դա կունենա՞ արժեք... չեմ հասկանում...

— Կունենա արժեք, — ասաց Վասակը, — Սպարապետը պետք է դիմադրի Հազկերտին: Զուր չտվեց հրահանգը՝ կազմել տերունական զորքը: Նրկրի ապստամբությունը պատրա՞ստ է, իշխա՛ն: Միհրնեբսեհը կստանա դրա լուրը: Բայց նա չի կամենա պատերազմ: Նրա համար շատ ավելի ձեռնտու է հայերի խաղաղ ուրացումը մեր ձեռքով: Մենք մեծ արժեք ենք, սրանում ամենևին մի կասկածի...

— Ապրենք՝ տեսնենք...

Բարիկն աչքով արեց Ներսիկին, որ ուշադրությամբ լսի, Սպարապետը խոսում է.

Վարդանը վերջացնում էր, ըստ երևույթին, իր խոսքը: Պատանինեշը լսեցին:

— Մենք չենք անի՝ ժողովուրդը կանի: Սա աշխարհի գործ է, իշխանություն չէ: Տերունական զորքը և ժողովրդական զնդիրը կանեն:

— Բայց ժողովուրդը առանց մեզ գործ չի տեսնի, — առարկեց Վահան Ամատունին:

— Է՛է՛, Հազարապետ, — ծիծաղեց Վարդանը, — մահը հանձրն առնողը միշտ գործ կտեսնի: Խանգարողը կյանքի երկյուզն է: Լուսա՛. Գնունին և մյուսները շնորհունակ զորավարներ են:

— Տա՛ աստված, տա՛ աստված, — բարեմաղթեց ծերունի Հազարապետը գլուխն օրորելով:

Եվ պատահամբ նայեց Բարիկին և Ներսիկին:

— Ո՛ւր է տանում սրանց, — հարցրեց Հազարապետը:

Վարդանը կիսաժպիտ նայեց Հազարապետին:

Բարիկը շտտ սպասեց, որ Վարդանը մի խոսք ասի իրենց մասին, բայց սա լռեց:

— Շատ է մտախոհ,— ասաց Հազարապետը ակնարկելով Վասակին,— մտահոգ է իր պաշտոնի համար, եթե ոչ կյանքը մի կերպ կազատի:

— Պաշտոնը պիտի գցի դրան,— նկատեց Վարդանը, բազմահանակ և հառաչեց.

— է՛, սո՛ւտ է... — ասաց Հազարապետը:



Երբ կարավանը մոտեցավ Նյուշապուհ քաղաքին, Վասակը սուրհանդակ ուղարկեց Միհրնբերսեհին հաղորդելու, որ ժամանում են մարզպանը և հայ նախարարները: Նա պատրաստվում էր շքեղ երթով մտնել Նյուշապուհ, Հազկերտի արքունիքը: Վաղուց օրինականացած սովորույթ էր, որ երբ հայոց այրուծին հայ նախարարների գլխավորությամբ Հայաստանից ժամանում էր պարսից մայրաքաղաքը կամ թագավորանիստ որևէ բնակավայր, թագավորը նրանց ընդառաջ մարդ էր ուղարկում և հարցնում էր Հայոց աշխարհի ողջությունն ու խաղաղությունը: Գնդի հանդեսը ինքն էր անձամբ դիտում: Եվ առաջ, քան պատերազմն սկսվելը, հայոց գնդի Պարսկաստան գալու առթիվ մեծ շնորհակալություն էր հայտնում և իր պալատականների ու մեծամեծների մոտ գովաբանում էր նրանց և հիշում էր եկածների նախնիների գործերը և հականե անվանե մարդկանց քաջությունները պատմում էր նրանց:

Վասակը հույս ուներ և ամենևին չէր կասկածում, որ նույն ընդունելությունը կլինի նաև այս անգամ: Նա համոզված էր, որ Գյուտն ու Կողակը այնքան շտկած կլինեն իր գործը, որ գոնե կրնն Միհրնբերսեհը պատշաճ ընդունելություն ցույց կտա, եթե չի կամենա մյուս նախարարների հանդեպ սիրալիր լինել:

Քաղաքամերձ մի տեղում Վասակը կանգ առավ, սպասեց, որ բոլոր նախարարները հավաքվեն և դիմեյ Վարդանին:

— Սպասե՛ք, մինչև սուրհանդակը լուր բերի ընդունելության մասին:

— Մեզ չեն ընդունի հին կարգով, — ասաց Վարդանը, — մենք էրանց համար այլևս նախարարներ չենք, այլ հասարակ մարդիկ:

Վասակը հազիվ պահելով շարութեան զգացմունքը, սառը լուսթյամբ երեսը դարձրեց մի կողմ: Վարդանը հստակացավ այդ շարութիւնը և ասաց.

— Ասված է կոչի հրամանի մեջ. «Սյունյաց տոհմից Վասակ անուն, Մամիկոնյան տոհմից Վարդան անուն...» մյուսներն էլ մեզ նման... Մարդը մեզ արդեն զրկել է նախարարութիւնից և տոհմերս է հիշում...

— Եվ մենք պետք է ո՞ր պահներ դրա համար արքայի դեմ... — հարցրեց թթու արտահայտութեամբ Վասակը:

— Տեր մարզպան, թողութիւն արա ինձ, բայց ես հույս չունեմ, թե մենք այսօր կարող ենք ստիպել արքային մեզ շքեղ ընդունելութիւն ցույց տալ... ոխ չպահելով:

— Մեր բռնած դիրքը կստիպի Միհրնբերսեհին վճարել մեզ հարկուպատշաճ պատիվը, — համառեց Վասակը:

— Երանի հուսացելոց... Այն ժամանակ սպասենք այստեղ մի ամիս... — հեզնեց Վարդանը և իջավ նժույգից:

Նրան հետևեցին մյուս նախարարները: Վարդանը նստեց մի քարի վրա և նժույգի սանձը հանձնեց Արծվիին: Վասակը շէր իջնում: Նա նվաստութիւն էր համարում դա: Բայց երբ սուրհանդակը ուշացավ, նա՝ հրամայեց սպասավորներին, որ նստելու տեղ հարդարեն իր համար: Սրանք մի շքեղ գորգ փռեցին ճանապարհից դուրս ավազի վրա, բարձր դրին վրան: Վասակն իջավ և գնաց նստեց գորգին: Նա հրավիրեց բոլոր իշխաններին նստել իր մոտ, գորգին: Հազարապետը և Գաղիշոն գնացին, նրանց հետևեցին և մյուս իշխանները, բացի Վարդանից և Արտակից:

— Տե՛ր Մամիկոնեից, տե՛ր Մոկաց, հրամայեցեք, — հրավիրեց Վասակը՝ ցույց տալով իր կողքին բարձը:

— Շնորհապարտ եմ, տեր մարզպան, — հրաժարվեց Վարդանը, — ես այսպես էլ հանգիստ եմ:

Սուրհանդակը շէր երևում: Մինչև Միհրնբերսեհի ապարանքը հազիվ լիներ մի շորս հինգ փարսախ, և սուրհանդակի նժույգը կարող էր շատ արագ վերադառնալ: Վարդանը համբերութեամբ քսպասում էր՝ ամենևին հույս չունենալով, թե ընդունելութիւն է լի-

նելու: Անհամբեր և անհանգիստ էր Վասակը, որ պարզ նկատում էր, թե Վարդանը ճիշտ էր գուշակել: Նա տեսնում էր, որ ժամա- նակն անցավ և ոչ մի սուրհանդակ չկա:

— Իսկ սուրհանդակն ինչո՞ւ է ուշանում...:

— Հյուրընկալնե՞ր է որոնում... — ծիծաղեց Արտակը:

— Իբրև՞ թե ճշմարիտ չէ... — քմծիծաղ տվեց Վարդանը:

Դիմացը ծխում էր քաղաքը: Երևում էին մարդկային կերպա- րանքներ, հեծյալներ էին ելումուտ անում քաղաքադռնից, գալիս կարավանի մոտով նայում նրանց, անցնում, բայց ոչ ոք չէր մո- տենում:

— Գնա՛նք, տե՛ր մարդպան,— ասաց Հազարապետը հեզնա- կան թույնը ձայնի մեջ,— մեզ ոչ ոք չի դիմավորելու:

— Սպասե՛ք սուրհանդակին... — խուլ ու զայրացած ասաց Վասակը:

Սուրհանդակն եկավ՝ նժույզը փրփրած:

— Ինչո՞ւ ուշացար, ավանակի՛ գլուխ,— հարձակվեց նրա վրա Վասակը:

Սուրհանդակը շփոթվեց: Նա միայն թևքով սրբեց քրտինքն ու ասաց.

— Միհրներսեհի դռանը ինձ ետ տվին, տեր մարդպան...

— Զհայտնեցի՞ր, թե ով է գալիս... — ընդհատեց նրան Վա- սակը:

— Յավն այն է, որ հայտնեցի, տեր մարդպան... բայց չսե- ցին... ասացին՝ գիտենք, թե ով է գալիս, ե՛տ գնա...:

— Ինքնագլո՞ւխ ասացին, ովքե՞ր էին այդ ասողները:

— Գռան պահակները... Ես պնդեցի, որ իմաց տան արարո- ղպետին: Արարողպետն եկավ և ասաց՝ Հազարապետը չի հրա- մայել ընդառաջ գնալ, թող մտնեն քաղաքը:

Վարդանը վեր թռավ ու նստեց նժույզը: Նա զայրույթի շեշ- տով ասաց.

— Վե՛ր կացեք, տյա՛րք... քանի շատ ընկնենք պատիվների հետևից, այնքան վատ կանպատվեն մեզ...

Նախարարները վեր կացան: Վեր կացավ նաև կոտրված Վա- սակը:

— Եվ ինչնե՞րի՞ս է պետք պարսիկների պատիվն ու հյուրըն- կալությունը,— խոսեց Վարդանը դառն զայրույթով,— հարսա-

նի՞ք ենք գալիս, թե խնամախոս: Չէ՞ որ մեզ կանչել են դատի, ոչ թե մեծարանքի:

— Բայց կա պատշաճավորութիւն,— առարկեց Վասակը:

— Անասունը շփտե պատշաճավորութիւն... Անասունը մի բան գիտե միայն, որ կերը կոխես երախը...

Վասակին խիստ անդուրեկան էր Վարդանի անարգական խոսքերը իր մեծարանքի առարկա պարսից արքունիքի հասցեին. բայց ժամը տարածամ էր, և նա կուլ տվեց: Եվ նա կրկին դարձավ սուրհանդակին...

— Բայց դու շասացիր, թե ինչո՞ւ ուշացար:

— Տեր մարզպան, ինձ որ մերժեցին Միհրնբրսեհի ապարանքում, ես գնացի հայոց այրուծին, հայտնեցի ձեր գալուստը, ասացի գուցե թե մի բան անեն մեր իշխանները:

— Վատ չես մտածել,— ասաց Հազարապետը:

— Ավելորդ բաներ են... ոչ մի ընդունելութիւն պետք չէ,— վայրացավ Վարդանը,— մենք գնում ենք կովկու և ոչ թե համբուրվելու:

Վասակի դեմքի մկանները կծկվեցին: Նա աչքի տակով խեթ նայեց Վարդանին և թուրը կուլ տվեց:

Եվ առաջին անգամ Վասակի կյանքում ծագեց մի այսպիսի ստորացնող առեղծված, ո՞ւր իջեանել...

«Այդպե՞ս էին ընդունվել հայ նախարարները պարսից Դուան կողմից...»,— մտածեց նա դառնութեամբ:

Վասակի սուրհանդակի խելքը ավելի լավ էր կտրել՝ դիմել հայոց այրուծին: Դրա հետևանքն այն եղավ, որ հայ իշխանները Սրվանձտյա Գարեգին իշխանի գլխավորութեամբ, ամբողջ այրուծիով ընդառաջ եկան ժամանող նախարարներին: Դա մի հանգուգն քայլ էր Գարեգինի համար: Նա ենթարկվում էր Մուշկան Նյուսալավուրտ զորավարին: Նա ինքնագլուխ հանել էր իր այրուծին և բերել ընդառաջ նախարարներին:

Եվ ահա Նյուշապուհ քաղաքադռնից դուրս հոսելով հայոց այրուծին գալիս էր արագատրոփ ընթացքով՝ ծածանելով հայկական դրոշը:

Որքան էլ Վարդանը հակառակ էր ընդունելութեան որեէ ձևի՝ առավել ևս հանդիսավոր, բայց երբ տեսավ իր հարազատ այրուծին, սիրտը ճմլվեց և անկարող զսպել հին հեծյալ զինվորի կիբքը՝

Հուզված ակամա նժույզի սանձը քաշեց: Նժույզը ծառայամ և տեսնելով իր դեմ եկող նժույզների զանգվածը՝ սկսեց խաղալ ու սանձակոծ վազքի շարժումներ անել: Վասակը նստեց նժույզը, նրան հետևեցին մյուս նախարարները, և կարավանը շարժվեց դեպի դիմավորող հայոց այրուծին: Երբ սա մի փոքր մտտեցավ, հազարավոր դեմքեր սկսեցին օրորվել ու խայտալ: Այս կողմ նայեցին արծվաքիթ, ամրակազմ և սլացիկ զինվորներ, որ միաժամ թախծալի և համառ հայացքներ ունեին և ավելի շարժուն, աշխույժ, քան ճահճային տենդերից դեղնած պարսիկ զինվորները: Նրանց նժույզներն էլ ջոկվում էին իրենց թեթև, բայց պողպատ կազմվածքով և անհանգիստ, անսանձ եռոցքով: Մի փոքր տարածութուն ևս, և երկուստեք իրար եկող խմբերը կանգ առան իրար դեմ:

— Բարյա՛վ որ գաք, — բացականչեց Սրվանձտյա Գարեգին իշխանը՝ սուրը հանելով պատյանից և բարձրացնելով օդի մեջ:

Երկուստեք սրերը մերկացրին:

— Բարեողջույն, — ասաց Վասակը:

— Ողջո՛ւյն, ողջո՛ւյն, — ասաց Վարդանը:

Մյուսները ևս նույն ողջույնը տվին: Առաջ եկավ Սրվանձտյա իշխանը ողջագուրվեց Վասակի հետ և ապա շերմագին համբուրեց Վարդանի ձեռքը, որն իսկույն խլեց նրա գլուխը և զգացված համբուրեց: Մյուսները ևս երկուստեք ողջագուրվեցին:

Վարդանը նայեց այրուծին: Հազարավոր խանդավառ հայկական դեմքեր փայլեցին կարոտագին ժպիտներով:

— Սպարապե՛տ... Սպարապե՛տ... — կարոտակեզ ձայներով հորձանք տվին հեծյալ մարտիկները և տարերայնորեն շրջադատեցին Վարդանին: Դա դուր չեկավ Վասակին. բայց զգացմունքների հորդումը խորտակեց ամեն կարգապահական կանոն ու հրաման: Գարեգինը ներողամիտ ժպիտով նայեց մարտիկներին և աչքերը կախեց գորովալի ժպիտով:

— Առողջ եք, տղայք, — ասաց Վարդանը մարտիկներին:

— Դու առողջ լինես՝ մենք առողջ ենք, — ձայն տվեց մի գեղեցկադեմ բարձրահասակ մարտիկ՝ կարմրելով ամոթխաժությալ նից:

— Ինձ ի՞նչ կա, ես միշտ պիտի առողջ լինեմ, — կատակեց Վարդանը, որ միշտ զոքք տեսնելիս մոռանում էր ամեն վիշտ և հոգս: — Ո՛չ մի կորուստ չկա, — հարցրեց Գարեգինին:

— Ոչ մի, Սպարապետ, առողջ եմ:

— Գլխավորը առողջութունն է,— ասաց Վարդանը ժպտալով:

Մի պահ լռեցին:

Բայց մարտիկները չէին կարողանում հանգիստ նայել Վարդանին: Շատերի կարոտալի աչքերը արցունքոտվել էին.

— Սպարապետ, Սպարապետ, սիրելի...

— Չմեռանք, էլի տեսանք...

Վարդանը սթափվեց իրեն պաշարած մտքերից ու զգացմունքից: Նա դարձավ Գարեգինին.

— Դե՛:

Գարեգինը բարձրաձայն հրամայեց.

— Զորագո՛ւնդ ի շա՛ր:

Այրուծին շարվեց ճանապարհի մի կողմը: Վասակն առաջընկավ, նրան հետևեցին մյուս նախարարները, ապա այրուծին, վերջը սպասավորական կազմը, և երթը շարժվեց դեպի Նյուշապուհ: Մտան քաղաքը և այնտեղից գնացին դեպի պարսից բանակի ճամբարը:

Ընդարձակ դաշտի երեսը եղևնու անտառի նման տարածվել էր Հազկերտի բանակի ճամբարը: Հարյուր հազարանոց զորքը եկել շոքել էր ահագին տարածության վրա և եռում էր մարդկային բազմության շարժումներից: Արևի շողերից պսպղում էին գեներալըն ու ասպասարքերը: Խառնագույն վրանները անդադար բացվում փակվում էին անհանգիստ զինվորների ելումուտից: Բանակը բաժանված էր մի քանի հատվածների՝ ըստ գեներալի: Մի հատվածում տարածվել էր ծանրազեն, վահանակիր, զրահավոր հետևազորը, որ սևախավար ամպի պես ծածկել էր դաշտի լայնքը լեռների ստորոտից մինչև հարթավայրը: Հետևազորին հաջորդում էր մյուս հատվածը. դա հեծյալ գնդերն էին, որոնց նժույգների տասնյակ հազարավոր ալեծածան բաշերը զզգովոր էին հովի հարվածներից: Ապա գալիս էր մյուս հատվածը: Դա ահուկի փղերի երամակներն էին՝ ոմանք մեջքները մերկ, մյուսները մեջքներին ամրացրած կուռ աշտարակներ՝ այնտեղից թշնամուն նետահարելու հարմարանքներով: Փղերի մեջն ու շուրջը վխտում էր մատյան գունդը՝ այն տասնհազարանոց զորամասը, որ միշտ պահպանում էր իր տասը հազար թիվը թե՛ խաղաղ և թե՛ պա-

տերազմի ժամանակ՝ կրած կորուստները իսկույն ևեթ անխափան համալրվելով, որի համար և կոչվում էր մատչան գունդ, այսինքն՝ անմահների գունդ: Ճամբարի արանքներում հազարավոր կապերտների ծածկերով խոնված էր բանակային շուկան, ուր հնդիկ, պարսիկ, հույն, հայ, ասորի վաճառականներ ու մատակարարներ ծախում էին զորքին ամեն տեսակ մթերք ու զենքի մասեր: Այդտեղ կային պայտառներ, կոշկակարներ, համետագործներ, դարբիններ, դերձակներ՝ բոլորը ի սպաս բանակին:

Ճամբարի հեռավոր ծայրին մի վրան էր հաստատված ծառատունկերի խտուժյան մեջ, հսկայական բազմաթև արծվի փովածքով և բրզաձև ու կոնաձև զանազան բաժիններ ի մի հյուսած: Վրանի այդ մասերը գույնզգույն էին՝ փերուզ, վարդագույն, կանաչ: Նրանք մետաքս էին՝ նրբաթել բանված, կոկ ու նկարեն:

Դա Հազկերտի բանակային պալատն էր: Քուշանների դեմ վարած բազմամյա պատերազմը նրան միշտ հանում էր Տիզրոնի խորշակահար հնոցներից և հաճախ բերում Ապար աշխարհ՝ բրնակվելու բանակի հետ: Տևողական ներկայությունները թելադրել էին նրան հիմնել այս ինքնատիպ վրան-պալատը, որի ձևը թերևս բուշաններից էր վերցրել:

Մուշկան Նյուսալավուրտի վրանից մի հեծյալ սլացավ դեպի հայոց այրուձին: Դա մի հասարակ սեպուհ էր: Նա մոտեցավ Գրեգինին և լսելի ձայնով նրան ասաց.

— Զորավարը հարցնում է, թե ինչո՞ւ առանց հրամանի հառնեցիր այրուձին...

Գրեգինը շպտասխանեց:

Վարդանը սառը և հասարակ ձայնով ասաց.

— Զքվի՛ր...

Սեպուհը շփոթվեց, ուզեց բան ասել, բայց երբ ուշի-ուշով նայեց Վարդանին, հանկարծ ճանաչեց և գլուխը կախեց: Եվ ապա առանց հետևելու երթին՝ նա ետ մնաց և դանդաղաբայլ հեռացավ դեպի Նյուսալավուրտի վրանը:

Հայոց այրուձին նախարարների հետևից գնաց իր ճամբարը: Իջան նժույզներից և գնացին վրանները: Դրանք կապերտներից սարքած վրաններ էին լեռնային ժողովրդի ոճով նախշած: Վասակն առանձնացավ մի վրանում և անմիջապես թիկնապահին ու զորհանդակին ուղարկեց քաղաք՝ որոնելու Գյուտին և Կոչ

գակին: Գաղիշոն կասկած չհարուցելու համար՝ չգնաց նրա մոտ, այլ մնաց Վարդանի հետ: Վարդանը նստելով իրեն հրամայրած բարձին՝ նայեց իր առջև կանգնած և նստած իշխաններին: Դրանք վեց հոգի էին: Նրանց մեջ աչքի էր ընկնում Սրվանձտյա իշխան Գարեգինը իր կտրիճ երիտասարդի թարմ տեսքով, որի սուր հայացքը և սեղմ շրթունքները ազդում էին մարդու: Նրա կողքինը մի գունատ և տխրադեմ երիտասարդ էր՝ Քաջբերունյաց իշխան Ներսեհը, որ թախծալի նայում էր Վարդանին: Երրորդը, որին նույնպես լավ էր ճանաչում, Ընծայնոց իշխան Արսենն էր՝ մշտաժպիտ ու անհոգ:

— Ինչպե՞ս եք հարմարվել, ինչպե՞ս եք անցկացնում կյանքներդ,— հարցրեց Վարդանը:

— Անց ենք կացնում կյանքներս,— ասաց Անձրեացյաց Շմավոն իշխանը հեզական կատակով:

— Հարուստին ենք հարստացնում,— հառաչեց Արսենը՝ իր աշխույժ կապտաշյա դեմքը կծկելով և խոսքը փոխեց.— հայրենիքո՞ւմ ինչ կա, Սպարապետ, տե՞ղն է հայրենիքը, մի՞տն ենք մենք...

— Հայրենիքում գործերը լավ չեն. գիտեք Հազկերտի հրովարտակը ուրացության և մեր պատասխանը: Կանչված ենք գատի:

Իշխանները լարվեցին:

— Մենք լսել ենք, բայց մանրամասն չգիտենք: Ի՞նչ բան է,— հարցրեց Արսենը:

Վարդանը պատմեց: Իշխանները լսեցին և անհանգստացած իրար նայեցին:

— Տյարք, սա պատերազմ է,— վեր թռավ տեղից և բացականչեց Արսենը:

— Ինչո՞ւ պատերազմ, տեր Ընծայնոց,— չհամաձայնեց Գաղիշոն,— թերևս հաշտության դուռ բացվի:

— Հրովարտակն այնպես է գրած, որ ոչ մի հաշտության եզր չի կարելի գտնել: Պատերազմի առաջ ենք,— ասաց զարմացած Արսենը:— Ի՞նչ կասես, տեր Սրվանձտյա:

Գարեգինը չպատասխանեց, այլ շարունակեց սուր հայացքով զննել Գաղիշոյին: Նրան Հայաստանից գիտեր, բայց չէր տեսել նրան, և լավ կարծիք չէր հայտնվել նրա մասին: Ոմանք էլ բռնել էին, որ հպարտ է ու ինքնասեր:

Վարդանը սրտնեղութիւն զգաց Գաղիշոյի խաղաղասիրութիւնից և դուրս եկավ վրանի առաջ՝ մի փոքր մենակ մնալու:

Իսկույն նրան շրջապատեցին զինվորները: Նրանցից շատերը Վարդանի կոբիւններում եղել էին, և անձամբ նրանց ճանաչում էր Վարդանը:

— Հա՛, տղերք,— մոտ գնաց Վարդանը,— սրտներդ նեղանո՞ւմ է այստեղ:

— Ապա չի՞ նեղանում, Սպարապետ,— ասաց խելացի դեմքով մի համեստ մարտիկ:— Հայրենիքից հեռու, ընտանիքից հեռու:

— Սառայութիւնն էլ օտար,— վրա բերեց մի ուրիշը:

— Շատ են նեղութիւն տալիս, Սպարապետ,— մեջ մտավ մի այլ մարտիկ. ճանապարհ բաց անելով և առաջ գալով դեպի Վարդանը,— հուպ տաս՝ հոգիները կտան, բայց էլի ծիծաղում են մեզ վրա, հայհոյանքներ են տալիս, անպատիվ անում:

Վարդանը գլուխը կախ լսում էր իր մարտիկների գանգատները և տիրում: Քանի՞ քանի՞ այսպիսի մարտիկներ ընկել են Մահվիռտի անապատում այդ ծաղրող պարսիկներին ազատելով մահից:

— Դիմացեք մինչև վրեժը,— ասաց նա շար ու խուլ ձայնով և ապա դաշույնի հայացքը շրջեց բոլորի հայացքների մեջ,— կգա՞ օրը վրեժի...

Նա առաջ գնաց դեպի բանակը: Մարտիկները շրջապատած նրան գնացին հետևից: Վարդանը շատ էր սիրում իր այրուծին, սիրում էր մտնել հեծյալների բազմութեան մեջ, զրուցել հետնեւորը: Դա նրա հին սովորույթն էր: Իսկ այսօր նա հոգեկան պահանջ ուներ հանգստացնելու իր ներքին ալեկոծութիւնը, մոռանալու գառնութիւնը, որ հարյուրավոր սարեր ու ձորեր կտրել եկել էր գատվելու իր խզճի ազատութեան համար:

Իսկ ներսում, Սրվանձոյա Գարեգին իշխանի վրանում շարունակվում էր զրույցը:

Գաղիշոն պատմում էր Հայաստանի դեպքերի մասին: Հայոց այրուծի իշխանները առանձին կասկած չտանելով, միամիտ հարցուփորձ էին անում նրան: Գաղիշոն պատմեց պատասխան թղթի կազմելը, Այրարատյան դաշտի ժողովրդական ըմբոստանութիւնները, նախարարների անարգումը, սկսեց թանձրացնել

շարժումը իբրև անիշխանութիւն և վտանգավոր, խելագար արարքներ:

Իշխանները լսում էին հետաքրքիր և մի փոքր շփոթված: Միայն նրանցից Սրվանձոյա Գարեգին իշխանը կասկածով և տհաճութեամբ նայում էր Գաղիշոյին: Նա չէր կարողանում հասկանալ, թե ի՞նչ կար ավելի ճշմարիտ, քան արեւ էին հայ նախարարները և ժողովուրդը: Ուրիշ ի՞նչ պետք էր անել, երբ մի ժողովրդի զբրկում են ինքնութիւնից:

— Ո՞ւր մնաց Սպարապետը, — հարցրեց Ընծանոյց իշխանը՝ նայելով դուրս:

— Է՛, Սպարապետն է, մի անգամ որ տեսավ իր այրուծին՝ կմտնի մեջները և կսկսի զրույցը, — ասաց համեստ ու տխրադեմ Քաջբերունչաց իշխան Ներսէ՛հը:

— Բայց հոգնած կլինի ճանապարհից, կանչենք հանգստյան օթեան:

— Նա հենց մարտիկների մեջ էլ հանգստանում է, — ծիծաղեց Անձեաջյաց Շմավոն իշխանը:

— Ի՞նչ է մտածում Սպարապետը, — հարցրեց Արսենը հետաքրքիր, — կարո՞ղ ենք պատերազմել:

— Նա բռնել է ապստամբութեան ուղին՝ առանց զորքի, առանց հարևանների օգնութեան, մեն-մենակ մի ազգով, — ասաց Գաղիշոն հայացքը հարևանցի ու արագ նետելով դեպի Սրվանձոյա իշխանը, որի լուսթիւնը և խեթ, օտար հայացքը, թերահավատ արհամարհանքը դուր չեկան Գաղիշոյին: Բայց և զգաց, որ իր դիմացինը հեղինակավոր տեղ է զբաղում զորագնդում և իշխանների մեջ: Նրանց մեջ զարթնեց մի խուլ հակառակութիւն: Ուստի և Գաղիշոն վերապահ և ինքնամփոփ դիրք բռնեց:

— Ապագան շկտրած ձմերուկ է, — ասաց Գաղիշոն կատակի տալով, — տեսնենք ի՞նչ կբերեն դեպքերը. պատերա՞զմ, թե խաղաղութիւն:

— Պատերազմն էլ մենք ենք բերելու, խաղաղութիւնն էլ, — խոսեց Գարեգինը հանգիստ եղանակով՝ հազիվ ցույց տալով ներքին հեզնանքը:

Գաղիշոն շրջվեց դեպի նա:

— Ինչպե՞ս կարող ենք մենք բերել: Մենք արյաց ուժը չուենք, մենք չենք տնօրինում մեր բախտը:

— Սթե ուրանանք մեր երկիրը, իշխանությունը՝ կլինի խաղաղություն, շուրանանք՝ պատերազմ, ի՞նչ առանձին խելքի բան է,— արդեն զգալի հեգնանքով ասաց Գարեգինը:

Գաղիշոն հասկացավ, որ գաղտնի նահանջի տեղը չի և պետք է մի լավ հարված տալ, ուստի և ասաց.

— Ուրանալ շուրանալը պետք է ազգովին լինի. տեսնե՞ք բոլորը կուրանան. բոլորը չեն ուրանա:

— Ճշմարիտ է...

— Հա՛... բանն էլ ա՛յդ է...

Նրանք իրար նայեցին արդեն նոր ծնված ատելությամբ:

Չար և մոռյալ դիտում էր սրանց և անմասնակից ունկնդրում Ներշապուհը, որին արդեն հայտնի էր Գաղիշոյի ներքինը, գոնե այնքան, որ նրան հայտնի չէր, թե Գաղիշոն կգնա՞ ապստամբների հետ:

Վարդանը զրուցելով անցել էր գնդի վրանների խորքերը և մտել մի վրան: Մարտիկները լցվել էին ներս: Իսկ մնացյալ մարտիկները կանգնել էին վրանի շուրջը և մի կերպ լսում էին վրանի խոսակցությունները:

Վարդանը նստել էր նժույգի թաղիքի և զորականի թիկնոցի վրա և թամբին հենված լսում էր մի հարյուրապետի պատմվածքը վերջերս պատահած մի մարտի մասին, ուր պարսիկների գնդերին խառն կռվել էր նաև հայոց այրուծին: Նա հետաքրքրական մանրամասներով նկարագրում էր հայոց այրուծիի մի շատ բարդ և ճարպիկ նահանջի մասին, որի հաջողությունից ոչ ոք պարսիկներից հույս չի ունեցել: Հարյուրապետը բաց կապտագույն աչքերով մի հիսնամյա տղամարդ էր. իրեն պահում էր ծանր և հարգեղոր լրջությամբ և պատմում էր առանց պարծանքի, այլ միայն իբրև կռիվ վարելու հնարքներ: Վարդանը լսում էր նրան: Երևում էր, որ պատմողն ու Վարդանը հին զորականների բարեկամական կապով էին կապված: Վարդանն այնքան էր սիրում իր այրուծին ու նրա մարտիկներին, որ մոռանում էր իր իշխանական դիրքը և դառնում էր հասարակ մարտիկ, երբ խոսում էր մարտիկների հետ:

Հարյուրապետ Արշամը պատմում էր, թե ինչպես Գարեգին իշխանը հայոց այրուծին բաժանել էր շորս մասի և ամեն մասին հրամայել էր իրար օգնելով նահանջել այնպես, որ միշտ մի կամ

երկու մաս կանգնում նետահարում են հարձակվող քուշանների հեծելազորը, իսկ մնացյալ մասը կամ մասերը արագ ետ են քաշվում և կանգնում. իսկ այդ միջոցին կանգնած մասերն են նահանջում, սրանց հետապնդող քուշանական հեծյալները կանգ են առնում դիմադրող մասերի առաջ, և այսպես մինչև հենակետը հասնելը:

— Դա նման է մեր հնարքներին,— ասաց Վարդանը հորանջելով: Նա ժպտաց: Հոգնած էր:

— Սպարապետ,— խոսքը փոխեց Արշամը,— չեմ իշխում հարցնելու. ինչո՞ւ եք եկել, ճշմարի՞տ է, որ Հազկերտը հրամայել է հավատներս ուրանանք:

— Ճշմարիտ է,— պատասխանեց Վարդանը:

Արշամը կտորած ժպիտով սպասեց նրան, որ շարունակի և բացատրի, թե հետո՞, ի՞նչ է ասում դրան ի պատասխան: Բայց Վարդանը լռեց և տխուր ու մռայլ գլուխը կախեց:

— Ախր, տեր իմ, ինչպե՞ս կարող ենք հավատներս ուրանալ, դա ասել է՞ պարսի՞կ դառնանք...

— Այո, պարսիկ դառնանք,— շեշտով կրկնեց Վարդանը:

Մարտիկներն իրար նայեցին. շհասկացան արդյոք Վարդանը համակե՞րպ է դրան, ընդունո՞ւմ է պարսից կրոնը, թե՞ դեմ է: Արշամը աչքերը կախեց գետին:

Տիրեց տխուր լուռություն, որի ընթացքում Արշամը գեռ սպասում էր, որ Վարդանը մի բան խոսի:

— Զավակնե՛րս,— պարզ հայացքով նայեց Վարդանը զինվորներին,— Հազկերտը հավատը չէ, որ պահանջում է: Նա պահանջում է, որ ուրանանք հայրենիքը, մեր ազատությունը: Հավատքի բան չէ, հայրենիքի բան է:

— է, հայրենիքն ո՞վ կուրանա, Սպարապետ,— վրդովվեց Արշամը:

Մարտիկները հավանության նշաններ արին:

— Ճիշտ է,— հաստատեց Վարդանը,— հայրենիքը ուրացանք՝ ասել է տվինք ամեն բան:

— Հիմի հասկացանք,— պնդեց Արշամը: Բայց Վարդանը հոգնած փակում էր աչքերը:

Վրանի դռնից մարտիկները ներս խցկվեցին՝ ամաններով ջուր բերելով:

— Զի՞ լվացվելու,— հարցրին շնչալով մարտիկները
Արշամը ձեռով արեց նրանց, որ հեռանան:

Վարդանը քնել էր: Նրան ծածկեցին զորական վերարկուով:

— Դե՛, դո՛ւրս,— հրամայեց Արշամը:

Մարտիկները զգուշ հեռացան: Դուրս եկավ նաև Արշամը:
Արծվին, որ նժույգները տեղավորել էր, այժմ եկել էր իր Վարդա-
նին հսկելու: Նա կանգնեց վրանի դռան: Արշամը շատ զգուշ
փոփսաց նրա ականջի. տակ:

— Ա՛յ թե ինչ մտքի է, հնազանդ չէ Հազկերտին:

— Հնազա՛նդ... Սպարապետին չեք ճանաչո՞ւմ,— կշտամ-
բեց Արծվին և մի փոքր հեռացավ դռնից:

Մարտիկները կրկին պաշարեցին Արշամին և Արծվին:

— Ի՞նչ պիտի անի Սպարապետը, սեպուհ:

— Կանի՛, կանի՛ Սպարապետը,— ծիծաղեց Արծվին:

— Դե՛մ կանգնի, դիմադրի՛,— բարկացավ մի զինվոր,—
տուն, տեղ, հայրենիք թողել եկել ենք այս քանդվածը, արյուն ենք
թափում՝ հերիք չի՞, ի՞նչ է ուզում մեր խղճից... գազանը:

— Գազան ասիր պրծա՞ր,— ասաց մի մարտիկ:

— Գազանն ափսոս չի՞,— վրա բերեց մի ուրիշը,— գազանը
երախտիք գիտե. առյուծի վերքը մի որսորդ լավացրել է, առյու-
ծը նրան ձեռ չի տվել:

— Կմեռնենք՝ չենք ուրանա հայրենիքը,— ասաց առաջին
մարտիկը:

— Ճշմարի՛տ խոսք, հավատ՝ ասել է հայրենի,— խոսեցին
խմբով բոլորը:

— Տնա՛շենի մարդիկ,— խոսեց կրկին Արշամը,— շոգին՝
վառվի, ցրտին՝ փետացի, կովին՝ միսդ կեր, թե ինչ է ազատ մը-
նաս, երկիր ունենաս, դա է՛լ չթողնեն: Անաղուհա՛յ անօրեն...

— Ժողովուրդը ողջ վեր է կենում,— ասաց Արծվին,— վճիռ
է դրած՝ որ երկիրը պիտի պաշտպանվի:

— Պիտի վճի՛ռ դնեն, որ հասկանանք,— ասաց Արշամը,—
ես իմ ձեռով իմ որդուն կսպանեմ, թե դավաճան դուրս գա...

Հետո նայեց շուրջը և ասաց.

— Դե՛, ցրվե՛ք, ցրվե՛ք, տեսնենք վաղվա օրը ինչ կբերի:

Մարտիկները ցրվեցին:

Իշխանների վրաններից սպասավորներ եկող վաղաձին հրավիրելու օթեան, բայց Արշամը բացատրեց. որ նա քնած է մարտիկների վրանում: Դա նշանակում է, որ շէր կարելի նրան տեղահան անել: Վարդանի այս սովորույթները գիտեին զնդում: Ուստի և հեռացան:

Մուֆն ընկավ. ճամբարը լռեց:

Վասակը անքուն սպասում էր իր վրանում Գյուտին և Կողակին: Նրան այրում էր վրանի հողը. նա իրեն չափազանց ստորացած էր տեսնում, որ իրեն չեկան դիմավորելու, որ ինքը նստած է մյուս նախարարներին և իշխաններին հավասար միևնույն օթեանում, այն էլ վրանում: Նա, որ եղել էր ապարանքներում և պալատներում, որի հետ Միհրներսեսը բազմիցս տեսակցել էր, խորհրդակցել, որ միշտ հյուրընկալվել էր, պատիվների արժանացել՝ այժմ պիտի կրեր այս նվաստացումը: Եվ ո՞ւմ պատճառով: Մի քանի տաքարյուն և անհեռատես մարդկանց, որ կարծում են, թե կարող են դիմագրավել արյաց մեծ տերության: Նա վայրկյան առաջ կամենում էր դուրս գալ այս նախարարների և զորագնդի միջից, ժամ առաջ կուզենար հայտնի կացուցանել պարսից արքունիքին, որ ինքը հակամետ է ուրացության, որ ինքը նրանց մարդն է:

Ներս մտավ Գաղիշուն:

— Չե՞ս քնել, տեր մարդպան, — հարցրեց նա մի փոքր քրմօթիազով:

— Սպասում եմ մերոնց... տեսնեմ ինչ են արել: Լավ չէ, որ մենք խառն իջևանեցինք սրանց հետ: Տեսակցություններ կունենանք պարսից մեծամեծների հետ, թերևս Միհրներսեսի հետ: Իսկ դա այստեղ անհնարին է:

— Ուզում ես տեղափոխվե՞լ:

— Անշուշտ, անտարակույս...

Երկար անցուդարձ էր անում Վասակը, մինչև բարկությունն իջավ: Բայց միևնույն է. իր վիճակը մնում էր նույնը, Կողակը միայն կարող էր մի բան փոփոխել, եթե մինչ այդ պարսիկներից կոշի հրաման չգար:

Բայց կարող էր կոշի հրաման գալ՝ ներկայանալ ատյանի, դատի, դատավարության... Պետք էր շտապել խուսափել որևէ պատահարից: Ոչ, մնում էր Կողակը, կրկին Կողակը...

Բայց դեռ ո՛ր էին իսկական վիրավորանքները: Դեռ ի՛նչ էր սպասում նրան... Վասակը դառնանում էր ավելի ու ավելի: Ի՛նչ անել, ի՛նչ կարելի է անել... Կարծես նոր միայն զգաց, թե որքան սարսափելի էր եղել իրենց կանչելը Պարսկաստան: Վասակը կշտամբեց իրեն, դատափետեց, որ թույլ է գտնվել: Չէր եղել ավելի դաժան և վճռական: Նա նոր միայն տեսավ պարզ, որ իր դեմ են ոչ միայն հայերը, այլև պարսիկները: Նոր էր տեսնում, որ դիմադիր ուժերն աճում են օրերի հետ: Որ պետք է լարել ամենամեծ ուժերը, վերջին ճիգերը գործ դնել: Եվ պետք է գտնել նոր շրջան, նոր նպատակադրում: Դա, իհարկե, այս գիշեր չի լինի. դա պահանջում էր երկար ժամանակ մտածելու, հնարելու, գտնելու...

Հետևյալ առավոտ, երբ ճամբարը զարթնեց, նախարարները հավաքվեցին Գարեգինի վրանում: Նրանք սպասում էին, որ Հազկերտից կամ գոնե Միհրնեբսեհից սուրհանդակ կգա հրավիրելու տեսակցության կամ հրաման՝ գնալ ատյան դատի: Բայց ոչ այս եզրով և ոչ այն: Պարսից Դուռը սպանիչ լուսթյուն էր պահպանում: Անկարելի էր կարծել, որ պարսից իշխանությունը չէր տեսել կամ իմացել հայ նախարարների ժամանումը: Ամեն ինչ դիտել, տեսել էին և հետևում էին յուրաքանչյուր շարժման: Բայց դիտամբ էին պահպանում մեռելային լուսթյունը, որ խորը անարգեն, խիստ ազդեն, ստորացնեն հայերին:

— Պարսիկները անարգում են մեզ, բայց մենք չենք անարգվում, — ասաց Վարդանը, — թող լռեն մի քանի տարի: Նստեցեք այստեղ թեկուզ հավիտյանս հավիտենից:

Նախարարները հավանություն տվին:

— Տեսնենք որի՛ շունչն է երկար, — ավելացրեց Վարդանը:



Հայ նախարարների անտեսումը, կատարյալ արհամարհանքի ցույցը տևեց մի քանի օր: Ոչ մի սուրհանդակ, ոչ մի պաշտոնյա չերևաց: Զարագույժ լուսթյուն էր տիրում արյաց Դուան, բառնակի ճամբարի, Միհրնեբսեհի ապարանքի կողմը: Հայոց այրուձիհի ճամբարում տիրում էր լարված, բայց արժանապատիվ տրտա-

մադրութիւն: Վարդանը զուսպ ու հանգիստ զրուցում էր նախարարների ու իշխանների հետ, ավելի շատ մարտիկների հետ, և ցույց չէր տալիս ներքին խռովքը: Նա իր անձի համար չէր մտահոգվում: Մտածում էր, որ կարող են երկրի համար անսպասելի աղետներ ծագել: Նշանները լուրջ էին:

Արսենը վերադարձավ ճամբար: Նրան Վախթանգը հայտնել էր, որ տեսնվել է Արամայիգիի հետ, խոսել Միհրներսեսի հետ: Հազարապետը մերժել է տեսնվել հայ նախարարների հետ՝ քանի դեռ Հազկերտը ինքը չի կանչել նրանց իր մոտ ատյանի: Բայց Վախթանգը բերել էր մի շատ կարևոր տեղեկութիւն Միհրներսեսի և Դուան մտադրութիւնների մասին: Միհրներսեսը հայտնել էր, որ Հազկերտը սպառնացել է բոլոր նախարարներին սպանել տալ կամ ուղարկել աքսոր, բայց պետք է Միհրներսեսի միջոցով՝ ամեն կերպ խափանել այդ սպառնալիքը և դատի ձև տալ զործին:

Վասակը գնաց, — այս առաջին անգամն էր, — Վարդանի վրանը: Նա զայրացած էր այս վիճակից և չէր կարողանում զսպել իրեն: Նա այս բոլորի մեջ մեղադրում էր Վարդանին: Ուստի և նրան ասաց.

— Մինչև ե՞րբ պիտի նստենք այստեղ ձիերի մեջ, Սպարապետ:

— Մինչև որ իսկական ձիերը հասկանան, որ մենք ձիերի մեջ նստելու չենք եկել:

— Դուռը չի գա մեզ, մենք պիտի գնանք Դուռը:

— Տեր մարզպան, թողութիւն արա անպատշաճութիւնս, ես չեմ գնա Դուռը:

— Դու գրգռում ես պարսիկներին:

— Ոչինչ, նրանք էլ մե՛զ են գրգռում:

— Ապա ինչո՞վ պիտի վերջանա այս անարգանքը:

— Թող հաստագլուխները իրենք հոգան այդ մասին, — և Վարդանը վեր կացավ զայրույթով, — ես չեմ անարգվածը, անարգվել են նրանք:

— Դու մտադիր ես ուրեմն ցասման հասցնել զործը, — ձայնը բարձրացրեց Վասակը:

— Ոչ, — ձայնը ցածրացրեց դիտմամբ Վարդանը, Վասակին վիրավորելու համար, — ես ուզում եմ խելամտութիւն կոչել այս կատաղած ցուլեքին:

Վաստօք մշմշուած էր գայրույթից, բայց նրան զինամասի էր անում Վարդանի համար ու վճռական խոսքը:

— Այն ժամանակ,— ասաց Վաստօք,— ես կգործեմ ինչպես իմ խիղճը կենեղնի:

— Դու գիտես, տեր մարդպան, ես ոչնչից երկյուղ չունեմ:

— Քո անձի համար կարող ես, բայց երկրի համար...

— Երկրի՛ համար,— գոչեց գայրույթով Վարդանը,— երկրի՛ համար երկյուղ չունեմ:

Նա գունաավեց:



Վարդանի վրանը եկան Աշուշա բղբշխը և Աղվանից իշխան Վահանը՝ իրենց ուղեկցող այլ սեպուհների հետ: Նրանք ողջագուրվեցին օտարութեան մեջ վիճակակիցներին հատուկ ջերմութեամբ: Երբ նստեցին, Վարդանը ժպտաց բոլորին:

— Մահը մարդով հարսանիք է:

— Ծշմարիտ է, Սպարապետ,— ասաց աղվանից իշխան Վահանը:

Վարդանը նրանց հարցուփորձ արեց Վրաստանի, Աղվանքի և Հայաստանի մասին իբրև իրենցից հետո եկողների: Աշուշան ասաց, որ հանգիստ է ամեն տեղ: Սպասում են:

— Փոթորիկը հետո կլինի,— ասաց աղվանից իշխան Վահանը:

— Կկանխենք փոթորիկը,— ասաց Աշուշան:

— Ուրացուցածք,— ոչ առանց հեզմանքի հարցրեց Վարդանը:

— Ոչ, հավատի պաշտպանութեամբ,— լուրջ և նույնպես ոչ առանց հեզմանքի ասաց Աշուշան,— աշխարհը անհնարին չէ:

— Տա աստված,— ասաց Վարդանը:

Լռեցին:

— Եթե մարդպանը մեզ օգնի մի փոքր,— ասաց Աշուշան Վարդանին առանձին,— գործը ավելի դյուրին գլուխ կգա:

— Ի՛նչ անի...

— Իսկույն շփշփի:

— Զեմ հասկանում: Իսկույն չգիշի, ուրեմն հետո՞ գիշի,—
նեղսրտեց Վարդանը:

— Կասեմ առանձին,— փակեց խոսքը Աշուշան:

Միհրնեբսեհի կարգադրությամբ վրաց և աղվանից իշխան-
ներին տեղավորեցին հայերից հետու մի այլ վրանախմբում և
հսկում էին, որ նրանք հաղորդակից չլինեն հայերի հետ:



Առավոտ էր: Հայ նախարարները նստած էին Սրվանձտյա
իշխանի վրանում և արդեն վարժված իրենց վիճակին՝ խոսում
էին, երբ տեսան, որ մի հեծյալ նժույզը թոցրած գալիս էր դեպի
հայոց այրուձին: Նա մինչև վերջը քշեց և նժույզի սմբակները
խրելով գետնի մեջ, հանկարծ կանգնեց: Դա պարսիկ սուրհան-
դակ էր:

— Արթաշից արքան հրամայեց ձեզ ներկայանալ իրեն և իս-
կույն ևեթ:

— Անխախտ, անհապաղ,— ասաց Արսենը նուրբ հեզնանքով
և վեր կացավ,— է, գնանք հարսանիք. կամ չուր պիտի կրենք,
կամ փայտ...

— Պատասխան թղթի պատասխանը պիտի տանք,— ասաց
Ներսեհ իշխանը և դարձավ Սրվանձտյա իշխանին,— կտանք լավ
պատասխան, իշխան...

— Կտանք մեր պատվին արժանի պատասխան,— ասաց չար
եղանակով Սրվանձտյա իշխանը,— քուշանների կովում արյուն
ենք թափում պարսիկ բռնավորի համար, մի՞թե արյուն չունենք
մեր հայրենիքի համար:

— Մեռնե՞մ հայրենիքին,— հռուչեց կարտուով տխրադեմ
Քաչերբոունյաց իշխան Ներսեհը:— Ինչո՞ւ չունենք:

Իշխանները վեր կացան: Սուրհանդակը շտապեցնելու հա-
մար նախարարներին՝ խթեց իր նժույզը: Սակայն նախարարները՝
Վարդանի տված նշանի համաձայն՝ նժույզներին տվին արժանա-
վայել զանգաղ ընթացք և քանի մոտենում էին պալատին՝ ավելի

դանդաղում էին, տալով իրենց երթին հանդուգն ցույցի հանդիսավոր կերպարանք:

Առջևից գնում էր Վասակը իր շքախմբով:

Պալատի դռներին նրանց հանդիպեցին շատ սառն: Չեղան ողջույնի խոսքեր: Չողջունեցին նաև նախարարները և լուռ, լարված մտան պալատի միջանցքը: Նրանց կանգնեցրին: Նվաստիչն այն էր, որ մերսում լուսթյուն էր: Մինչև անգամ վարազույրի ճեղքից երևում էր ժողովականների ահագին բազմություն, որ անշարժ սպասողական դիրք էր ընդունել: Այնտեղ ոչ մի բան չէր շարժվում:

Վերջապես վարազույրը բացվեց և արարողապետը իր արհեստի շինծու մկանային կիսաժպտով հայտնվեց և ներս տարավ նախարարներին:

Քար լուսթյունը դիմավորեց նրանց:

Ժողովականների կիսաբոլոր շրջապատի մեջ, պատշաճ հեռավորության, բարձրադիր հարթակի վրա, բարձրին բազմած ու հենած հեռում էր Հազկերտը: Նա անձնյա, կտրիկ, ոչ շատ բարձրահասակ մարդ էր, խոյաքիթ, համարյա անմորուս: Ամենից անախորժը նրա բոլորակ խոշոր աչքերն էին գունատ, փայլուն, լեզված դեմքին: Նա կանաչ պատմուճան ուներ հագին — «փիրահեն» և ոսկեհուռ սև բեհեզ անդրավարտիք — «վեշի» և գլխին տատմնավոր բուրգի ձևի ոսկեհուռ թագ, որի ճակատին բոլորակ գնդակ կար՝ ի նշան լուսնի և արեգակի:

Հազկերտի մոտ նստած էր միայն Միհրնեբրսեհը, որ ցից քարաբեկորի նման անշարժացել էր և իր բարձունքից նայում էր անփոփոխ իր ընտրած մի կետին և մռայլվում: Նրա դիմացը մովպետան մովպետն էր նստած, իսկ մյուս պալատականները բավական հեռուն կանգնած էին՝ բոլորը բարև բռնած:

Պալատի սրահը լուսավորված էր բարձրից և արևի ոսկի ժպավենները կախված, ընկած էին Հազկերտի առջև: Բազմանկար պատերն ու գորգերի ծաղիկները թունավոր գեղեցկություն էին տալիս ահավոր ատյանին և չէին կարողանում մեղմել շարագույժ փոթորկի սպառնալիքը գարնանային ժպտալի դաշտ հիշեցնող սրահում:

Արարողապետը կոպիտ ու անակնկալ կերպով կանգնեցրեց նախարարներին ու իշխաններին ուղիղ դռան շեմքին: Նրանցից առ

ու ձախ կանգնեցրեց նաև վրաց և աղվանից իշխաններին. որոնց առանձին էին բերել և առանձին կանգնեցրել, երկյուղ ազդելու և ապա սիրաշահելով անջատելու հայերից: Հարյուրավոր դաժան հայացքներ հառեցին նրանց: Բայց ամենից ավելի դժնդակը Հազկերտի հայացքն էր, անքթիթ, սև, աչքերը շար, որոնցից թույն էր կաթում:

Պատասխան թուղթը կարդացել էին և մրրիկն սկսվում էր: Ու հենց որ հայ նախարարները ներս մտան՝ Հազկերտը ցցեց զուխը ակնոցավոր օձի շարահայաց լարումով և նայեց նրանց:

Միհրնբրսեհը նայեց իրենից մի փոքր հեռու կանգնած ատենապետին: Սա առաջ եկավ:

— Կարդա մեղապարտների անվանացանկը:

Ատենապետը բացեց ոլործուն մագաղաթը:

— Ո՛չ աստիճան իշխանակառն, ո՛չ պատվանուն, այլ տոհմը և անունը, — քարե խոսքերով արասասանեց Միհրնբրսեհը:

Ատենապետը կարդաց.

— Սյունյաց տոհմ՝ Վասակ անուն: Արծրունյաց տոհմ՝ ներշապուհ անուն, Ռշտունյաց տոհմ՝ Արտակ անուն, Խորխոռունյաց տոհմ՝ Գաղիշո անուն, Մամիկոնյան տոհմ՝ Վարդան անուն, Մոկաց տոհմ՝ Արտակ անուն, Ապահունյաց տոհմ՝ Մանեհ անուն, Ամատունյաց տոհմ՝ Վահան անուն, Անձևացյաց տոհմ՝ Շմավոն անուն:

— Ովքե՞ր են, այստե՞ղ են. առա՛ջ գան, — դաժանորեն հրամայեց Միհրնբրսեհը, որը թեև լավ ճանաչում էր նրանց:

Նախարարներն ու իշխանները առաջ գնացին:

Հազկերտը նայեց Միհրնբրսեհին և աչքերով նշան արեց նրբուն: Միհրնբրսեհը ձեռքով մոտ կանչեց Խոսրովին, վերցրեց Հազկերտի առջև գցած մագաղաթի փաթեթը և երկարեց նրան: Խոսրովը վրա վազեց, խլեց մագաղաթը և կանգնեց սպասեցու:

— Կարդա՛, — հրամայեց Միհրնբրսեհը կիսաձայն:

Համաձայն պարսից սովորության՝ գործին տրվում էր դատի կերպարանք՝ վեր հանելու համար արդարությունը:

Խոսրովը դառնաձայն և թունոտ շեշտով կարդաց հայոց պատասխան թուղթը:

Թեև ատենավոր պալատականներն ու մեծամեծները մի անջամ լսել էին այդ թղթի ընթերցումը, սակայն երբ այն ընթերցվեց

Թղթի հեղինակների ներկայութեան, ազդեցութիւնը շատ մեծ
եղավ: Բոլորը կատաղած նայում էին նախարարներին և ամենից
խիստ Վարդանին, նույնպէս Վասակին, որոնց լավ ճանաչում էին:
Մի մկան անգամ շարժվեց Վարդանի դեմքին: Նա կանգնած էր
անշարժ, բարձր բռնած գլխով, աչքերը հատակին՝ հպարտ ու վեհ:
Նա գեղեցիկ էր: Մահվիտտի հերոսը արձանացել էր մեշտեղը և
կարծես մի գուսան լուռ պատմում էր, ոգում նրա սխրագործու-
թիւնները վեպը:

Մովպետան մովպետը, որը մինչ այդ ետում էր կրակին դրած
կաթսայի նման, վեր թռավ տեղից և բազկատարած մղվելով դեպի
Հազկերտը՝ գոչեց դառնաձայն.

— Դատապարտե՛լ Արմինիան... Հրամա՛ն ինձնից. գնա՛
երկիրն ապստամբ, որ չի ճանաչում ինձ, հաղթիր նրան.— այս-
պե՛ս է ասում Մազդաոն...

Մովպետան մովպետը շրջվեց դեպի մոզերը: Նրանք մոնչալով
առաջ մղվեցին և երեսնիվայր ընկնելով՝ գոչեցին.

— Դատապարտե՛լ Արմինիան... Նա՛ է ըմբոստը, նա՛ մուր-
րեցնողը մշուս ցեղերին:

Պարսիկ պալատական մեծամեծները լռել էին: Նրանք նեն-
գավոր հայացքներով նայում էին իրար և շանում գուշակել իրար
միտք: Տարբեր էր ազդել նրանց պատասխան թուղթը: Մի փոքր
առանձին կանգնած մի նրբադեմ իշխան, տարեց և մի փոքր վա-
տառողջ՝ նայեց հարևանցի իր կողքին կանգնած Վախթանգին, որի
հեգնական աչքերում մի կայծ էր շողում: Նա որսաց հայացքը և
մոտ սահեց նրան:

— Ի՛նչ աներկյուզութիւն,— շշնջաց նրա ականջին շատ
զգույշ:

— Աներկյուղութիւն,— զարմանքի շեշտով հարեց Վախթան-
գը,— ասա խե՛ղք, ճարտարաբանութիւն,— ավիւցրեց խոհուն
աչքերը կկոցելով,— լա՛վ, զգույշ,— զգուշացրեց նա,— ցուրբը
չգրգովեն:

Մյուս իշխանները սակայն մոլեգնած տեսք ունեին: Թղթի
համարձակ, հանդուգն խոսքը, անվեհեր վճիռները կատաղեցնում
էին նրանց:

Խոսքովն ավարտեց ընթերցումը: Տիրեց տաժանելի լուսթիւն
ձմեռը սպասեցին, որ Հազկերտը կխոսի: Եվ սպասվում էր, որ

եթե նա խոսի արյունը կգնա... Բոլորը նայեցին նրան՝ իրենք իսկ սարսափելով: Եվ ահա նա հանկարծ ժայթքեց հնոցի պես:

— Դիմադարձութ՞յուն, ապստամբութ՞յուն,— որոտաց դառնա-
ձայն,— դուք հանդգնեք ծաղրական թո՛ւղթ ուղարկել ինձ... ինձ
ուղարկել ծաղրական թո՛ւղթ... խոսել համարձակվե՞ք, սպառնա-
լիքնե՛ր կարդալ... ինչի՞ վրա դրիք ձեր հույսը, թե ես այնպես չե՛մ
չնչի ձեզ, որ ձեր ատելի հոտն անգամ չմնա աշխարհում: Լույնե-
րի՞, քուշանների՞, ձեր աստժո՛ւ, ձեր քաջությա՞ն վրա հույս դը-
րիք... խոսեցե՛ք, ինչի՞ վրա...

Հազկերտի խոսքերը բոցի ցոլքումներով նետվեցին դեպի պա-
լատականները, և սրահը հրդեհվեց:

Հանկարծ Հազկերտը այլանդակվեց, այլայվեց:

— Չէ, դուք ասացեք, թե ինչպե՞ս հանդգնեցիք... ինչպե՞ս
հանդգնեցիք. խոսեցե՛ք...

Վարդանը ձայն տվեց.

— Ինչպես հրամայեցիր, տեր, մենք կխոսենք...

— Խոսեցե՛ք,— աչքերը արյունով լցված խայթեց նրան Հազ-
կերտը,— թե ինչպես հանդգնեցիք, գրեցիք թուղթը: Խոսեցե՛ք...

— Չենք լո՛ւի, մենք կխոսենք...

— Դե խոսեցե՛ք, խոսեցե՛ք: Ինչո՞ւ եք լռում... Դուք ապրս-
տամբնե՛ր եք, հանդուգն դավաճաններ... Դո՛ւք...

Պալատականներն իրար անցան: Հազկերտը այնպես էր ջղա-
ձրգորեն խեղդվում՝ արյունը գլուխը տված, որ երկյուղ կար, թե
կկաթվածահարվի: Նա կապտեց, սևացավ: Վեր թռավ տեղից, տա-
տանվեց, նրան բռնեցին: Մթնոլորտը շիկացավ:

Հանկարծ մի պարսիկ իշխան՝ անկարող զսպել իրեն՝ մեջ
վազեց և կրքի ու մոլուցքի մեջ գռչեց.

— Փղե՛րը բեր, տե՛ր արքա, ոտնակո՛խ արա սրանց...

— Փղե՛րը, ոտնակո՛խ,— հափշտակվելով իշխանի մոլուց-
քից՝ որոտաց ատյանը:

— Փղե՛րը,— հրամայեց Հազկերտը՝ մոլուցքի մեջ տարերայ-
նորեն ենթարկվելով բոլորին:— Փղե՛րը...

— Պերո՞վ իշխան, վտանգավոր է,— լավեց նրա հետևից մի
զգուշացնող ձայն: Սակայն իշխանը դուրս վազեց, ճանապարհին
հրելով հաչ նախարարներին: Արարողապետը վազեց և ձեռքով

բոթեց նախարարներին դուքս: Սակայն նրանք դիմադրեցին և մընացին տեղները: Պերոզ անվանված իշխանը ըստ երևույթին շատ ազդեցիկ էր և հեղինակավոր: Նրա ելույթը լարեց ու սրեց բոլորին:

Պալատականներն իրար անցան: Նրանց միջից առաջ եկավ մի գինվորական, կարճահասակ ու կոճղի նման հաստատուն: Նրա ծաղկատար լիբը այտերը եռացող ջրի պես խլխլացին, վզի երակներն ուռեցին, և նա կասկարմիր կտրած՝ ուզեց խոսել: Բայց Հազկերտի դեմքը ծմուկում էր, նա կատաղի և խելագար աչքերով սաստեց նրան:

Վրդովված զորականը առաջ անցավ դեպի Հազկերտը: Նրան անհանգստացրեց Հազկերտի հրամանը, որ եղավ Պերոզի դրոզմամբ:

— Մուշկան զորավար, զգո՛ւյշ, — լսվեց հետևից մի պալատականի զգուշացնող ձայն:

— Զորավա՛ր, զգո՛ւյշ, — հետևեցին այլ ձայներ:

Մուշկան զորավարը սակայն չէր դադարում միջամտելու փորձ անել: Խելագարությունն ակներև էր: Մի զորական ներս վազեց և Մուշկանի ականջին հայտնեց, որ Հազկերտի հրամանով ձամբարն իրար է անցել, մատյան գունդը փղերով պիտի գա:

Ներս վազեց Պերոզը, որ գտել էր իր ծառայության աստիճանի բարձրացման միջոցը, քաջալերվեց մովպետան մովետից: Շշուկներ լսվեցին ժողովականների մեջ: Ամենքը գիտեին Հազկերտի խելագարությունները, բայց այսօր շափազանց էր այդ և խայտառակ: Նրանք աչքով էին անում Պերոզին, որ դադարի, բայց սա մուգնել էր և կատաղի ցուլի պես աչքերն արյունակալած գոռում էր:

Մուշկանը կատաղի աչքերով մոտեցավ Պերոզին: Նա, իբրև հրամանատար և զորավար, լավ էր հասկանում, թե ինչ է նշանակում փղերը մեջ բերել և կատաղեցնել նրանց՝ նախարարներին ոտնակոխ անել տալով: Փղերը կարող էին ոտնակոխ անել նաև պալատը: Դա շատ վտանգավոր բան էր, որ կարելի էր թույլ տալ ուղղամտաբան, և այնտեղ էլ փղերը բաց թողնելուց հետո շատ էր դժվար նրանց կրկին հանգստացնելը: Բայց որքան Մուշկանը ճիգ էր թափում խոսք հասկացնել Պերոզին, սա ավելի էր խելագարվում:

Մուշկանն աչալվեց և առաջ վազեց դեպի Հազկերտը: Նա խեղդվում էր զայրույթից:

— Տեր արքա, հրաման տուր վերադարձնեմ փղերը:

Հազկերտը կատաղել էր: Նա փնջացնում էր, Ֆշշում: Նա ջից նստեց բարձերի մեջ և շուրջը նայեց թունալից ու շար: Հետո ասաց.

— Գիտուննե՛ր եք, իմաստուննե՛ր, ատյա՛ն եք... Քննեցե՛ք, դատեցե՛ք, վճի՛ր գրեք:

— Տե՛ր արքա,— ասաց մի պալատական,— սրանք հույնե-րին են ապավինել: Որպեսզի կտրենք սրանց ապավենը, դարձ-րու սրանց մեր օրենքին, և սրանք կհնազանդվեն մեզ:

Առաջ վազեց կատաղի Պերոզը.

— Բայց ի՞նչ է սա, ինչո՞ւ են սրանք այսպես ապերասան, ինչո՞ւ չեն խոնարհվում, ընկճվում, ինչո՞ւ են խստապարանոց, ինքնիշխան այսքան... Ա՛յս հասկացրեք ինձ, ա՛յս, ա՛յս... Վերևից են նայում մեզ,— մոնչաց բողոքարկու, թունոտ շեշտով Պերոզը,— ստորնագույն են համարում մեզ, գոռոզ ազգ է, գոռոզ ոզի,— և դեմքը ծամածռելով ատելությամբ ծղրտաց,— կոխկրտե՛նե՛նե՛լ այդ ոզին, տրորե՛նե՛նե՛լ, շնջե՛նե՛նե՛լ, ահա վճիռը: Ազգովին ուրացումն, և անհապաղ, իսկույն: Եթե ոչ՝ ի՞նչ, հայերի կա՛մքը պե՛տք է հարցնենք...

Միհրնեբրսեհը խոր գլուխ տվեց Հազկերտին և դիմեց նախա-րարներին.

— Ինչո՞ւ եք լուռ , ինչո՞ւ չի լսվում ոչ մի խոսք ազերսան-քի... Մարզպան էիր,— դարձավ Վասակին,— խոսիր, ասա. այս-պե՛ս կպատասխանեն արքայից արքայի Հազարապետին:

— Ես ունեմ պատասխան,— ասաց Վասակը մռայլ,— բայց այսօր, այս փղերի թոհուրոհի մեջ անկարող եմ խոսել...

— Կգա տեղը՝ կխոսե՛ս...

— Կխոսեմ այնտեղ...

— Դո՞ւ խոսիր այնժամ,— դարձավ Միհրնեբրսեհը Վարդա-նին,— ասա պատասխան թուղթը, այսպե՛ս կգրեն արքայից ար-քային...

Վարդանն առաջ եկավ: Նրա սառնասիրտ կերպարանքը, հա-մազմունքով և եռանդալի հայացքը ակամա գամեց իր վրա ողջ

ատյանի ուշադրութիւնը: Նախարարները լարվեցին. Վասակն անհանգստացավ: Գաղիշոն բազմանշանակ նայեց Վասակին՝ հասկացնելով նրան թույլ շտալ, որ Վարդանը խոսի իրենց փոխարեն: Բայց Վասակը հասկացրեց, որ «թող խոսի»... Վարդանն սասց.

— Որքան վերջապես տվիք հնար՝ ես կխոսեմ... — և մի պահ արժանապատվութեամբ լռեց, հետո խոսեց հանդարտ. — Թող հայտնի լինի քեզ, տեր Հազարապետ, որ ես գիտեմ, թե գտնվում եմ արյաց զորութիւնը ստեղծողի առջև, բայց և գիտեմ, թե ի՞նչ ենք գրել: Թող հայտնի լինի արյաց արքային, որ մենք կկռվենք արյաց տիրութեան արտաքին թշնամիների դեմ, կտանք տերունական հարկը... Բայց այսքա՛նը միայն... Բայց այն, որ ավանդ ենք ստացել մեր նախնիներից — մեր հայրենիքը, մեր ազատութիւնը, մեր իշխանութիւնը, — դա չենք տա ոչ ոքի: Ահա այդ ենք գրել մենք: Հաճո՞ւ է՞ թողեք գնանք ազատ ապրենք մեր նախնիների երկրում: Հաճո չէ՞՞ ահա մենք, ահա դուք, արե՛ք, ինչ որ կամենում եք: Թուղթը գրված է: Եվ ինչ որ գրված է՞՞ չի ջնջվի:

— Դու կակսե՛ս հանդգնել... — մռնչաց Հազկերտը, — որ...

Վարդանը ընդհատեց նրան.

— Մի՛, արքա՛... Առաջ, քան մեր գալն այստեղ, մենք իսկ վճռել ենք մեր մահն ու կյանքը:

Հանկարծ հեռվից լսվեց մի խուլ, սպառնալից զղորդ: Դու ղետինն էր, որ տնքալ սկսեց փղերի ահավոր դոփշուններից: Մասյան գունդը գալիս էր: Անգամ ատյանը սարսափահար եղավ և սահմոկած սպասում էր, թե ինչպես պիտի տեղի ունենա հայ նախարարների ջախջախումը ամենի գազանների թաթերի տակ:

Այնպես թվաց, թե ժամանակը կանգնեց: Գերագույն վայրկյանն էր, որ պիտի վճռեր կյանք կամ մահ: Սասանեցին բոլոր նախարարները: Այժմ, երբ մահը կանգնեց նրանց առաջ իր բոլոր խսկութեամբ: Վարդանը միայն թվում էր անաչլայլ: Բայց և նա արթնաց:

— Տե՛ր արքա, հրամայի՛ր — սասց Պերոզը գազանային կորուստի: Մի՛հրենքուհե՛ք վեք թուով և խոնարհված կանգնեց Հազկերտի առաջ.

— Տե՛ր իմ, թո՛ղ այսօր փղերը, դի՛ր սրանց զնդա՛ն, թող երկար զգան սարսափը:

— Արժան է և իրա՛վ,— մռնչաց ողջ ատյանը:

— Զնդա՛ն... — գռչեց դողահար Հազկերտը,— զնդա՛ն դրեք սրանց...

— Արժան է և իրա՛վ,— կրկնեց ողջ ատյանը:

— Փտեցնեմ զնդանում, խոշտանգ-խոշտանգ մաշեմ սրանց, որ իմանան, թե ինչ է արյաց զորությունը,— գռչեց Հազկերտը:

— Արժա՛ն է և իրավ,— երեքնեց ատյանը:

Միհրնեբրսեհը նշան տվեց: Ներս վազեցին ներքինի դահճապետը սպիտակազգեստ դաժան դահիճների հետ, բերելով գործիքներ ու շղթաներ: Նրանք արագ շղթայեցին նախարարներին: Նախարարները հիշեցին Վարդանի խոսքը երկրից հեռանալու պահին. «Թե երևա աքսոր, բանտ... ժամանակ շահենք»: Եվ կառչեցին այդ հույսին: Վասակը վայրկենաբար մտածեց՝ վերջին պահին բացահայտվել, փրկել դրությունը:

Միհրնեբրսեհը նշան արեց, որ դեռ սպասեն, և նայեց Հազկերտին: Հազկերտը սպասեց մի փոքր և ասաց.

— Իմ հրամանն է, ընդունեցե՛ք զրադաշտը: Ոչինչ բան չի խախտի իմ վճիռը: Գուք հանցանք եք գործել և միայն ձեր պիղծ հավատի ուրացությամբ կարող եք քավել: Ուրացեք: Իսկ եթե չեք կատարի հրամանս, բոլորիդ խոշտանգելով մեռցնել կտամ, զորք կուղարկեմ, ավերել կտամ ձեր երկիրը, Սազաստան կուղարկեմ աքսոր ձեր զավակներին ու կանանց:— Տարե՛ք,— հրամայեց դահիճներին:

Դահճապետը նշան տվեց, և դահիճները դուրս տարան կապալ նախարարներին:

Միհրնեբրսեհը կրկին նշան արեց արարողապետին, սա մոտեցավ նրան, որը ցածրաձայն հրամայեց.

— Աշուշային և Վահանին հետ պահիր՝ ցնոր հրաման:

— Փրկվեցին,— շշնջաց Վասակը Գաղիշոյին:

Այս նկատեցին հայ նախարարները:

Արարողապետը հենց դռների մեջ առանձնացրեց Աշուշային և Վահանին:

— Ո՛չ դեռ,— շշնջաց Գաղիշոն խորը նայելով փրկվածներին, որոնց տարան այլ ուղղությամբ:



Հայ նախարարներին դուրս բերին ատյանից շրթայտակապ և պահակներով շրջապատ: Պալատի առջևի հրապարակում լայնաշրջան գծով կանգնել խոնվել էր ամբոխը: Մեջտեղը բացած ասպարեզը բռնել էին մատյան գնդի փղերն ու զորքը՝ պատրաստ ի կատար ածել Հազկերտի հրամանը՝ կոխկրտել նախարարներին: Ամբոխը նախաճաշակելով արյունային տեսարանի գազաշունչական հաճույքը՝ արեկոծվեց: Սակայն երբ տեսավ, որ նախարարներին անց են կացնում փղերի միջով և մտադիր են տանել առջև վայր, մոնչաց, աղաղակեց.

— Կոխկրտե՛՛լ, կոխկրտե՛՛լ...

Փղերը տատանվեցին, կնճիթները ցցեցին վեր, հողը թաթերով փորեցին և սկսեցին հարձակման շարժումներ անել: Այդ տեսնելով, Մուշկան նյուալավուրտը բռունցքով սպառնաց ամբոխին և դարձավ մատյան գնդին.

— Գա՛րձ, դեպի ճամբա՛ր:

Մատյան գունդը շարժվեց: Փղերը համրատատան, բլուր-բլուր գնացին:

Հայ նախարարներին տարան խոնիճաղանճ և խուժաղուժ ամբոխի միջով ուժեղ պահակների օղակով: Վասակը գունատվեց և մոռյալդեմ նայելով ամբոխին՝ սկսեց սուր հայացքով հարվածել նայողներին: Գաղիշոն գլուխը կախել էր, բայց հանդիստ էր: Սրվանձտյա Գարեգինը հրամայական շեշտով սաստում էր ամբոխին, նրա կողքից գնում էր Արտակը և աչքի տակով դիտում Վարդանին, որ ընթանում էր հոյակապ հասակի բնական հպարտությամբ ու վեհուցությամբ: Մի տեղ, երբ շարախնդաց ամբոխը բրբջում էր, որ հանկարծ տեսնելով Վարդանին՝ ակամա լոնց ու աչքերը լայն բացած հետևեց նրա ընթացքին: Հանդարտ, քաջին վայել բարությամբ նայում էր նա ամբոխին և պահում էր իրեն սիրական դիրքի մեջ: Ընդոստ ու գրգռիչ հանդնությամբ երեսը շրջում էր այս ու այն կողմ ներշապուհը և շրթունքները շարժում:

Ողբերգական էին հայոց այրուձիի մարտիկները: Իրենց վրանյներից զանազան ուղիներով եկել խոնվել էին ամբոխի մեջ և գրնում էին կալանավոր նախարարներին կողքով դեպի քաղաք և չէին կարողանում զսպել իրենց վիշտն ու ցասումը: Նրանց հետ գնում.

էր Արշամը՝ հայոց այրուձիի հարյուրապետը, որի հետևից ընթա-
նում էին հայ մարտիկները: Նրանք գնում էին շփվելով պատի
պես կանգնած, երբեմն էլ երթին ընկերացող ամբոխին, առանց
ուշք դարձնելու, թե ո՞ւմ են հրում, ում ոտը կոխում: Նրանք գրգռ-
ված էին վերին աստիճան և շարժումներից երևում էր, որ պատ-
րաստվում են վտանգավոր գործողութիւնների դիմել: Այդ նկա-
տեց Գարեգինը և աչքով արեց Արշամին, որ կանխի դեպքը: Սա
ետ դարձավ և սաստեց մարտիկներին.

— Հանգի՛ստ, բան-ման շանե՛ք...

— Ձեռ չենք տա, սեպուհ, բայց եթե մեկնում եկին դի-
մինչև վերջին մարդս կփշանանք, կսրբե՛նք ամեն ինչ, վկա
ված կենդանի:

— Հոտնե՛րը կկտրենք, — ավելացրեց ուրիշը:

Հայ մարտիկները արյունակալած աչքերով նայեցին Արշամին
և ոչինչ չհասկացան: Եվ ահա մի տեղ, երբ ամբոխից մեկը քար
բարձրացրեց և նետեց նախարարների վրա, մարտիկները մի մարդու
պես հարձակվեցին նետողի վրա և ոտնատակ տվին: Ամբոխը ոչ-
խարի հոտի պես հորձանք տվեց այս ու այն կողմ: Պահակազորից
զատվեց մի խումբ և հարձակվեց մարտիկների վրա: Սկսվեց մի
կատաղի ծեծ: Երթը կանգ առավ: Ամբոխը, որ փախել էր, եկավ
և օղակեց կովոդներին: Հայ մարտիկները թույլ չտվին հարձակվող
պահակներին ձեռներեցութիւնը պահել. անմիջապես նոր թափով
գրոհեցին նրանց վրա և սկսեցին հարվածներով վանել իրենցից:
Ամբոխը չհամարձակվեց օգնել պահակներին:

— Սպարապե՛տ, — դիմեց Վարդանին Հազարապետը:

— Թո՛ղ, զինվորյալներին մի՛ արգելեք, — պատասխանեց
Վարդանը:

Երկու կողմից վիրավորներ ընկան, բայց տեղի չէր տալիս և
ոչ մի կողմը: Գործը կարող էր երկարել և մեծանալ, եթե պահա-
կապետը ձայն չտար իր զիվորներին ետ քաշվել: Հայ մարտիկ-
ները ետ չմնացին, այլ արյունոտ ու կատաղի օղակեցին նախա-
րարներին և ուղեկցելով նրանց՝ կանգնեցին պաշտպան: Ամբոխը
չհամարձակվեց այլևս ծաղրի խոսք ասել նրանց կամ վիրավորել
գործողութիւնը: Պահակապետը զգալով, որ իր պարտականու-
թիւնը լավ չի կատարել և կալանավորներին չի կարողացել ան-

վրթար տեղ հասցնել, կու տվեց հայ մարտիկների վարմունքը: Նախարարներին անցկացրին Նյուշապուհ քաղաքի փողոցներով և տարան զնդան: Դա մի մուսլ և կիսագետնափոր շենք էր, բարձր, անթուրծ, հողե աղյուսներից և ցեխից շինած պարիսպներով: Նախարարներին անցկացրին ամուր դարբասով և մտցրին բակը: Իիմացը ավելի փոքր մի դուռ տանում էր դեպի գետնափոր մութ բավիղը: Դա էր զնդանը: Կիսախավարը, որ լույսից եկողնեհամար թանձր էր թվում, հետզհետե պարզվեց և տխուր ու անալի գետնահարկը իր տամուկ ու ծանր օդով պաշարեց նըբազմախոռոչ պատերով: Հատակը հող էր և ցեխ, հնար չընտելու, ո՛ւր մնաց պտուկելու:

Նախարարները մի պահ լուռ ու տատամասած նայեցին իրենց շուրջը, զննեցին պատերն ու խոռոչները և ապա խմբվեցին վարդանի և Վասակի շուրջը՝ բնազդաբար նրանցից սպասելով այն հարցի պատասխանը, թե ի՞նչ պետք է անել:

— Տե՛ր Մամիկոնեից, — խոսեց զուսպ կշտամբանքով Վասակը, — մինչև այստեղ լռեցինք և հանդուրժեցինք անարգանքն ու պատիժը: Բայց մինչև ե՛րբ...

— Մինչև ե՛րբ... — կրկնեց վարդանը, — այդ գիտեք ինքներդ...

— Իսկ ի՞նչ է վերջը...

Վերջը թող ասեն պարսիկները, թերևս մեզանից ոմա՛նք... Բայց գոնե ինձ համար վերջն ասված է:

Վասակը շխոսեց, մյուսները լռեցին: Զգացվում էր, որ երկուսը դեռ բաներ ունեն ասելու, և սպասեցին, որ ասեն:

— Պետք է հաշտության խոսք գտնել արքայի հետ, — ասաց Վասակը:

— Գտի՛ր հաշտության խոսքը, — ասաց վարդանը անբարոյացկամ, — ես ոչ մի խոսք չունեմ այլևս:

Գուցե պայթի մի թունդ վեճ երկու հակառակորդների մեջ: Եթե ներս չգար մի բարձրահասակ, գեր ու դաժան մարդ՝ գավազանը ձեռին: Նրան ուղեկցում էր մի կորամեջք նիհար մարդ, երկար մորուքով: Սա ձեռքին մի ջահ ուներ, որ բարձր բռնած լուսավորում էր զնդանը: Լույսը ավելի մռայացրեց զնդանի շարագուշակ տեսքը: Բարձրահասակը, որ ըստ երևույթին բանտապետն

էր, լուռ ու խոժոռ հայացքը պտտեցրեց բանտարկյալների վրա, մտքում հաշվեց նրանց թիվը, մեկ-մեկ տնտղեց ամեն մեկին և ետ շրջվեց գնաց: Մյուսը, որ ուղեկցում էր և նրա օգնականն էր, հետևեց նրան մինչև դուռը, որ բավական հեռու էր, և մի փոքր անց վերադարձավ, կանգնեց, նայեց շորս կողմ, հատակին ու գրնաց: Իսկույն նրանից հետո ներս մտան շորս հոգի՝ ծառաններ, որ փսիաթներ բերին փոեցին հատակին: Կրկին ներս եկավ բանտապետի օգնականը՝ նայեց փսիաթներին և գոռաց ծառանների վրա.

— Ինչո՞ւ բերիք փսիաթները... կապերտներ պիտի բերեք միայն...

— Տանե՞նք փսիաթները, — հարցրեց խորհրդավոր ձայնով ծառաններից մեկը:

— Էլ ի՞նչ տանեք, կապերտները բերեք և բարձեր:

Ու մինչ ծառաները կրեբեին նրա պահանջածը՝ նա կանգնեց և սկսեց խորը նայել նախարարներին: Ծառաները բերին կապերտները և փոեցին փսիաթների վրա: Նրանցից մինը բերեց մի մեծ կարաս և դրեց անկյունը: Օգնականը մոտեցավ, հոտ քաշեց կարասից և գոռաց բերողի վրա.

— Սա ջո՞ւր է, թե՞ գինի, անասունի՞ կտոր:

Ծառան սառեց տեղնուտեղը: Օգնականը դիմեց այն խորհրդավոր ձայնով խոսող ծառային.

— Տա՛ր սա, ջո՛ւր բեր:

Ծառան տարավ կարասը և վերադարձավ մի այլ կարասով: Բանտապետի օգնականը հրամայեց հաց ևս բերել և ինքը դուրս գնաց: Ծառաները բերին հացը ևս, այլ ջրամաններ ու պարագաներ և դուրս գնացին:

— Է՛, հյուրասիրվե՛նք, — ասաց վարդանը մոայլ և նստեց կապերտին:

Արտակը նստեց նրա կողքին: Ներշապուհը ևս մոտեցավ նրանց: Վասակն առանձնացավ Գաղիշոյի և Ռշտունյաց Արտակի հետ: Մնացյալները՝ հոգնած թե մարմնապես և թե հոգեպես՝ ընկան կապերտների վրա: Վասակը մտածում էր, որ հնար գտնեք կողակին տեսնել կամ կապ հաստատել՝ իմանալու, թե նա ի՞նչ է արել իր համար և ի՞նչ կարող է անել: Գյուտի հետ ժամանակ շեղավ առանձին տեսնվելու և խոսելու ընդհանուր թոհուրոհի մեջ:

Հիմա՞ միայն հնար կար խոսեսլու նրա հետ, բայց դեռ չէին ընտե-
յացել և տեղավորվել զնդանում: Նա կուզենար խորհրդակցել
մյուսների հետ, բայց վերջին օրերս և այդ օրը մանավանդ նա-
խարարները մի տեսակ շփոթ և անտրամադիր հոգեվիճակում
էին: Չէին խոսում, գործունեություն չէին ցույց տալիս:

Վարդանը կամեցավ ջուր խմել: Արտակը վեր թռավ խսկույն
և գավը մոտեցնելով կարասին՝ ուզեց ջուր վերցնել: Նա նկատեց,
որ գինի է և ոչ ջուր, ինչպես կարգադրել էր բանտապետի օգնա-
կանը: Երբ վարդանը գավը ձեռն առավ՝ ասաց.

— Սա տարօրինակ մարդ է:

— Տարօրինակ է, — ասաց Արտակը:

Մյուսները ևս ուշադրություն դարձրին օգնականի հակասա-
կան կարգադրությունների վրա:

Շուտով օրը մթնեց, և զնդանի խավարը գրկեց բանտարկյալ-
ների: Նրանք լուռ էին, ամեն մեկը իր մտքի հետև: Միայն Հա-
զարապետն էր, որ բարձրաձայն աղոթում էր:

Ներս մտավ բանտապետի օգնականը՝ չաճը ձեռին: Արտակը
դիմեց նրան և ջուր պահանջեց: Բանտապետի օգնականը ձայն
չհանեց, խսկույն գնաց դուրս և վերադարձավ մի մեծ կուժ ջրով:

Աշուշային և Վահանին տարան պալատական վրանի հետևի
մի հարկաբաժին և մեղմորեն հրավիրեցին նստել ու թողին մե-
նակ:

— Է՛, բանտ տարան նրանց, ասել է՝ տանուլ տվին, — ծի-
ծաղեց Աշուշան:

Վահանը զարմացած նրան նայեց:

— Այո, տանուլ տվին, — կրկնեց Աշուշան բոլորովին լուրջ:

— Մեզ բաժանեցին հայերից, — ասաց Վահանը, — ի՞նչ է
նպատակը... և խաժ աչքերի ծանր հայացքը բևեռեց Աշուշայի աչ-
քերի մեջ:

— Ինչ որ է՝ մեր հոգու փրկությունը չէ, — մոմոաց Աշուշան
մոռյլ ու մտահոգ:

— Կարծո՞ւմ ես, որ մեզ չեն ստիպի ուրանալ:

Աշուշան դառն ծպտաց.

— Իսկ դու կարծում ես Միհրնեբրսեճը կհավատա՞ մեր կամ
նրանց ուրացության:

— Ապա ինչո՞ւ է ստիպում:

— Միհրնեբսեհէր խաղեր է սարքում. նա գիտե որ մեր կեղծ ուրացութիւնը մեր ժողովուրդները իբրև ճշմարիտ կընդունեն:

Ներս նայեց պարսիկ սպասավորը և արագ շարժումով լայն բացեց վրանի ծածկոցը: Ներս եկավ մի ծերունի: Աշուշան ճանաչեց նրան: Դա Միհրնեբսեհի մտերիմն էր, Վոամ պալատականը: Նա անվրդով էր: Նայեց բարի հեգնոտ հայացքով իշխաններին և ինքը նստելով մի բարձի, հրավիրեց նստել նաև նրանց:

— Անպատշաճ բաներ եղան,— ասաց նա թեթև եղանակով,— բայց հայերն էին մեղավոր: Համոզեցեք նրանց, վերջանա գնա գործը:

— Ինչպե՞ս համոզենք, իշխան, երբ հայերը վճռել են շուրանալ,— ասաց Վահանը:

— Եվ ի՞նչ էլ հարկ կա, որ ուրանան,— մտախոհ քմծիծաղով ասաց Վոամ պալատականը՝ համարյա անկեղծ:

Վահանը դարմացած նայեց Վոամին: Աշուշան գլուխը կախեց:

— Այո՛,— շարունակեց Վոամը,— ուրանալու հարկ չկա: Համոզեցեք հայերին թող կեղծ ուրացութեամբ հնազանդութիւն ցույց տան, դուք էլ նրանց պես, ու վեր կացեք գնացեք ձեր երկիրը: Արքայի հրամանն է, չի կարելի գետին գցել, այ սա լավ խորհեցեք:

Եվ երկար արծարծեց այս միտքը Վոամը, որի խոսքը լսելով՝ Աշուշան ոչ մի շարժում չարեց, ոչինչ չխոսեց: Վահանը միայն տարակուսորեն նայում էր մերթ Վոամին, մերթ Աշուշային: Իսկ Վահանի այս տարակուսանքն ու գարմանքը ավելի աճեցին, երբ Վոամը հանգիստ վեր կացավ, որ գնա, իսկ Աշուշան ոչինչ չառարկեց և ոչինչ չխոստացավ:

— Էհ, բարեմաղթում եմ հաջողութուն և ուղղութիւն: Բարչավ մնաք:

— Երթաւ բարի, իշխան,— ասաց հաշտ ձայնով Աշուշան:

Երբ Վոամը հեռացավ, Վահանը տարակուսած դարձավ դեպի Աշուշան:

— Ճշմարիտ է խաբում,— ասաց Աշուշան,— հավատը չի ուրացվի, բայց կարող է կեղծվել:

— Եվ ինչ էլ պարզ հասկացրեց այդ, — ծիծաղեց Վահանը, —
խորամանկ միջոց ցույց տվեց:

— Ապա ի՞նչ, կարծում ես խելք մեռնակ մե՞նք ունենք:
Ներս մտան դահիճներ՝ մի վիճվորական հրամանատարի և
վիճվորների հետ և շղթաներով ու մուրճերով արագ շղթայեցին
Աշուշային ու Վահանին:

— Հրամայեցեք բա՛նտ, — ասաց հրամանատարը քարի ան-
տարբերությամբ:

Վրաց և աղվանից իշխանները գնացին վիրավորված ու դառ-
նացած:



Մինչ հայ նախարարները վրաց և աղվանից իշխանների հետ
անարգանքի և նեղութիւնների ենթարկված տառապում էին զըն-
դանում՝ նրանց բարեկամներն ու թշնամիները սկսել էին աշխույժ
գործունեություն՝ նրանց ազատելու կամ ոչնչացնելու:

Վարազվաղանը շատ էր պտտում Միհրնբրսեհի ապարանքի
մեջն ու շուրջը, տեսակցում նրա և այլ մեծամեծների հետ՝ թար-
մացնելով իր առաջարկները՝ պարսից՝ արքունիքին ծառայելու
Վասակի բանտարկությունը մյուս նախարարների հետ խոսք ու
զրույց էր բացել մեծամեծների շրջանում, որ Հազկերտը Հայաս-
տանի նոր մարզպան կնշանակի, Սա թե էր տվել Վարազվաղանին:
Նա ուղղակի դնում էր իր թեկնածությունը պարսիկ իշխանների ա-
ռաջ և խնդրում էր այդպես ներշնչել և Միհրնբրսեհին:

Չէր քնում և կողակը: Նա լարեց իր բոլոր ուժերը, վերակոչեց
իր ընդունակությունները: Այժմ կամ երբեք: Նա վճռեց փրկել Վա-
սակին: Վարազվաղանին մոտեմոտ անելը, որ նրա համար անորոշ
նպատակներ ուներ, նրան օգտակար եղավ մի բոլորովին պատա-
հական դեպքով: Նա մի օր տեսել էր Վարազդուխտին և իմացել
էր, որ նա լինում է Վախթանգ իշխանի մոտ Վարազվաղանի կնոջ
և Վախթանգի զոքանչի կապով: Ուրեմն Վարազդուխտը կարող էր
Վախթանգին բաներ խնդրել...

Հայ նախարարների բանտարկության երկրորդ օրը ներս մը-
տավ բանտապետի օգնականը և կանչեց Ընծայնոց Արսենին: Երբ
սա զարմացած վեր կացավ, օգնականն ասաց, որ նրան դուրսը

Կանչում են: Մախարարները նույնպես զարմացան: Արսենին զատելը մյուսներից լավ նշան չհամարեցին և մինչև իսկ սկսեցին կասկածել Արսենի թուլացման և ինչ-որ գաղտնի կապերի մեջ: Արսենը դուրս եկավ զնգանից և դռանը տեսավ Վախթանգին, որ նրժույզ էր բերել նրա համար:

— Գնանք տո՛ւն, կասեմ ինչն ու ինչպեսը,— ասաց Վախթանգը և արագ բռնեց իր նժույզը:

Արսենը հասավ հետևից:

— Վարազդուխտն էր մոտս,— ասաց Վախթանգը,— նա եկավ աղաչեց, որ քեզ ազատել տամ: Ա՛յ, իսկական հայրենակցուհի...

— Չէի սպասի...— ասաց Արսենը:

— Դե բարիքը գալիս է այնտեղից, որտեղից շենք սպասում:

— Ի՞նչ կա դուրսը,— հարցրեց Արսենը:

— Գնանք, պատմեմ:

Ճանապարհին Վախթանգը Արսենին պատմեց այդ օրերի դեպքերն ու նորությունները:

Բայց Վարազդուխտի վարմունքը բավական բարդ մի հանգույց էր եղել: Դա սկսվել էր Կողակից: Սա կարողացել էր ծածուկ տեսնվել Վարազդուխտի հետ և նրան խորհուրդ տալ, որ գնա Վախթանգի մոտ և նրան աղաչի դիմել Մխչրանբրսեհին՝ ազատելու Վասակին: Սա հնարավոր էր, քանի որ Խորիշայի մայրն ու Վարազդուխտի կիցնը քույրեր էին, և Վարազդուխտը այս կապով հաճախ էր լինում նրանց տանը:

Վարազդուխտը սակայն ավելի խորամանկ և խելացի էր վարվել: Նա գնացել էր Վախթանգի մոտ և խնդրել, որ ազատել տա... Ընծայնոց Արսեն իշխանին: Դա միջոց էր ծածկելու համար բուն նպատակը՝ Վասակը: Կողակը չգիտեր, որ Վախթանգի մոտ է լինում Արսենը: Վախթանգը համաձայնել էր՝ ասելով, որ ինքը թեև չէր մտածել այդ մասին, բայց զգում էր, որ դա իր պարտականություն է: Վախթանգը գնացել էր Մխչրանբրսեհի քրոջ՝ Արամայիդի մոտ, որ Վախթանգի տիկնոջ հորաքույրն էր և նրան խնդրել՝ համոզելու Մխչրանբրսեհին Արսենին ազատել: Իբրև «հավատի մեջ թուլացած» մի հայ իշխանի, որին կարելի էր կլինի գործիք դարձնել մյուսների և թուլացնելու:

Վախթանգը, ինչպես և տիկինը շատ մոտ անձնավորութիւններ չին Արամայիդիին, որ ազդեցիկ կին էր և Սիհրներսեհի սիրելին: Նա շատ տարիներ առաջ կրկին փրկել էր Վարազդուխտի կյանքը Վարազվաղանի հետապնդումից:

Վախթանգն ու Արսենը հասան ապարանք և իջան նտուզներից:

Դռանը սպասում էր տիկինը: Արսենը մոտեցավ փաթաթվեց տիկնոջը և համբուրեց նրա ձեռքը: Ներս գնացին:

— Ա՛խ, տանջում են ձեզ,— ասաց տիկինը:

— Տանջում են,— ասաց Արսենը:

— Բերա՛նս շորանա,— ասաց տիկինը,— Արամայիդիի մոտ էի՝ ասաց, նախարարներին պետք է փղերին կոխկրտել տան երկու օրից հետո...

— Կոխկրտե՛լ,— շնչասպառ հարցրեց Վախթանգը:

— Որովհետև ուշացել են արքայի հրամանը կատարել... Ա՛խ, ի՛նչ դաժան մարդիկ են...

Արսենը սառեց մնաց: Նրան այրեց ամոթանքը, որ ինքը զընդանից հեռացավ: Հիմա, երբ այս բոլորը լսեց, իսկույն հարեց նոր մտքի՝ ազատել բանտարկյալներին մահից: Բայց ինչպե՛ս...

Վախթանգը զնաց իր օթեանը: Տիկինը նստեցրեց իր կողքին Արսենին և սկսեց հարցուփորձ անել նրան: Նա շատ էր կարոտում Արսենին՝ տողորելով իր զգացմունքը մայրական սիրո աստիճան:

— Ո՞ւր են եորիշան, Որմիզդուխտը,— հարցրեց Արսենը:

— Իրենց օթեանում,— ժպտաց տիկինը,— մեզ մոտ հյուր է Վարազդուխտը:

— Ո՞վ է Վարազդուխտը:

— Վարազվաղանի քրոջ աղջիկը: Քեզ էր ուզում տեսնել: Դու էլ փորձանքն ընկար:

— Ի՞նչ է ուզում:

— Ուզում է, որ իրեն ազատես Վարազվաղանի ճանկերից. շի թողնում Սյունիք վերադառնալ, վնասել է ուզում խեղճ աղջկան. կասկածներ ունի, թե աղջիկը դավադրում է: Սպասիր, գնամ բերեմ մոտո՞ր խոսեցրու,— ասաց տիկինը կատակ դավադրական ժպիտով,— էլ ի՛նչ ենք երկար-բարակ խոսում:

Նա արագ վեր կացավ և գնաց:

Իսկույն ներս սահեց Խորիշան և ընկավ Արսենի գիրկը: Նրա դեմքը կլորացել էր, ավելի գեղեցկացել և աչքերում ավելի իմաստ կար, քան աղջիկ ժամանակ: Նա հեկեկաց:

— Ինչո՞ւ ես լալիս, Խորիշա, — հարցրեց Արսենը տխուր:

— Իմացա՞ր լուրը...

Խորիշան պինդ սեղմվեց Արսենի կրծքին և համբուրեց նրան.

— Եթե քեզ էլ դիպչեն, ես հետդ կգամ, կասեմ քրիստոնյա եմ...

Ներս մտան տիկինն ու Վարազդուխտը: Տիկինն աչքով արեց Խորիշային, որ հեռանա: Խորիշան մնաց մի փոքր:

— Հայրենակիցներ եք, — ասաց տիկինը, — բան կունենաք իրար հետ խոսելու:

Եվ դարձավ Վարազդուխտին:

— Մի քաշվիր, իշխանը մեր տան մարդն է և քեզ կընդունի: Համարձակ խոսիր, նա քո խնդիրքը կկատարի:

Վարազդուխտը գլուխը կախեց և շարժվեց տեղից: Տիկինը դուրս եկավ, նրան հետևեց Խորիշան: Արսենը զննեց Վարազդուխտին ոտից գլուխ և մի անախորժ բան զգաց, թեև նրան շացրեց վերջինիս գեղեցկությունը:

— Առա՛ջ եկ, խոսի՛ր, — ասաց Արսենը:

Վարազդուխտը ակամա երկյուղ ու պատկառանք զգաց իշխանի առջև: Միաժամ նա ինչ-որ խղճի խայթ զգաց այն դերի համար, որ ստանձնել էր այդ պահին խաղալու: Բայց երբ հիշեց, թե ինչի և ում համար է եկել, սթափվեց: Առաջ գալով մի փոքր՝ նա շոքեց նստեց գորգի վրա և գլուխը կախեց:

— Իշխան, ես մի խնդիրք ունեմ մոտդ, — ասաց նա, — աղաչում եմ, միշնորդիր տիկնոջը ինձ ընդունել տա Արամայիգիի մոտ: Ո՛չմարիտն ասեմ՝ ուզում եմ Վարազվաղանից գանգատվեմ:

— Ինչո՞ւ, նա քո այրունակիցը չէ՞, — հարցրեց Արսենը զարմացած:

— Նա ինձ ուզում է սպանել. հասկացել է, որ ես օգնում եմ նախարարներին, զնգան լուրեր տալով նրանց բանտապետի օգնականի միջոցով: Երեկ Վարազվաղանը գնաց Միհրնեսի մոտ և լուր տարավ, որ նախարարները վճռել են նահատակվել և շու-

րանալ: Միհրնեբսեհը մտադիր է վաղը փղերի ոտների տակ ուղն-
չացնել բանտարկյալներին:

— Կա՛մ, շատ էլ վարազվաղանը կեղծ է ուրացել՝ ի՞նչ շահ
Միհրնեբսեհին հեռացնել վարզավաղանին:

Վարազդուխտը շփոթվեց: Նա Արսենի խելքի մասին մեծ
պատկերացում չունեցավ այս տեսակցության պահին, բայց նա
գիտեր, որ երբեմն հենց այդպիսիներն են պատահմամբ դժվար
թակարդներ գցում մարդու ոտի տակ: Վարազդուխտը չկորցրեց
սառնասրտութունը և պատասխանեց.

— Նա խանգարում է Վասակին, որ նա հայերին դարձնի կը-
րակապաշտ, որ ինքը բռնի նրա տեղը: Իսկ ինքը նրա արժեքը չու-
նի, ամենքը Հայաստանում լսում ու սիրում են Վասակին, իսկ
նրան անիծում են:

— Իսկ Վասակն իրո՞ք այդպիսի գործերի վրա է, — հարցրեց
Արսենը:

— Աստված հեռու տանի. այդպես պիտի ասեմ, որ համոզվի:
Ես վարազվաղանին պիտի մատնեմ... Պիտի ասեմ, որ նա արքու-
նի գանձեր է գողացել և լցրել իր տունը, և դա ճշմարիտ է: Կասեմ
կեղծ ուրացած է...

Արսենը համարյա համոզվեց: Նա լուռ դիտում էր Վարազ-
դուխտին, զարմանում էր նրա այդքան աչքաբացության, համար-
ձակության վրա: Ինչ-որ բան նրան դուր չէր գալիս նրա մեջ. բայց
դրան ևս լուրջ նշանակութուն չտվեց:

Վախթանգը շփնելով թեպետ մեծ և ազդեցիկ իշխան, բայց
տիկնոջ կպպերով մուտք ունենալով Արամայիդիի և Միհրնեբսեհի
մոտ կարևոր դիրք էր գրավել պալատում: Նրան սիրում էին շա-
տերը, ոմանք էլ հարգում նրա տաղերի համար:

Արսենը խնդրեց Վախթանգին և տիկնոջը, որ Վարազդուխտին
տանեն Արամայիդիի մոտ և շտապեն, որովհետև դա վերաբերում
է նաև հայ նախարարների կյանքին...

Նրանք կատարեցին Արսենի խնդիրքը:

Վարազդուխտը շատ խոնարհ և համեստ ձևով Վախթանգի և
տիկնոջ օգնությամբ մուտք ունեցավ Արամայիդիի մոտ: Վերջինս
նրանց ընդունեց իր հյուրատանը: Արամայիդին բարձրահասակ,
նիհար հասակավոր կին էր: Նրա խելացի, սուր աչքերը զննում էին

Ն մտածում: Նա խորը ծայնց Վարազդուխտին, և երբ սա համբու-
րեց նրա ձեռքը՝ նա իր շոր ձեռքով մեղմակի ետ մղեց սրան և ճա-
կատը կնճռոտելով հարցրեց.

— Սպասիր, դու ինձ մոտ եղե՛լ ես տարիններ առաջ:

— Եղել եմ, տիկին,— ասաց Վարազդուխտը:

— Վարազվաղանը քեզ հետամտում էր, ուզում էր սպանել:

— Հիմա էլ է ուզում սպանել, տիկին,— ասաց Վարազ-
դուխտը:

Տիկինը վեր կացավ և Վարազդուխտին տարավ ուղղակի Միհրը-
նեբրսեհի մոտ, Հազարապետը նստած էր իր բարձին և օշարակ էր
ըմպում կարդալով մի մատյան, որ նրան շատ էր գրավել: Երբ
Ներս մտան, նա գլուխը բարձրացրեց և ժպտաց, որ նման էր դա-
ժան ծամածուծյան:

— Եկ, մոտեցիր,— ասաց նա Վարազդուխտին:

Վարազդուխտը չհամարձակվեց առաջ գնալ: Այն ժամանակ
Արամայիդին բռնեց նրա թևը և առաջ տարավ, ինքը նստեց Միհրը-
նեբրսեհի կողքին: Արամայիդին հաղորդեց Միհրենեբրսեհին Վարազ-
դուխտի խնդիրը:

— Ինչո՞ւ է ուզում սպանել,— հարցրեց Միհրենեբրսեհը:

— Ամեն Սյունիքից եկողի կասկածում է, թե մարզպանի կող-
մից է եկել իրեն սպանելու: Ես նրա քրոջ աղջիկը, ինչ էլ որ լինի՝
մի՞թե ձեռս կգնա իմ հարազատին: Շատ էլ վասակը օգտակար
մարդ է արյաց տերության...

— Նստիր մոտս, պատմիր, ի՞նչ էր անում վասակը Հայաս-
տանում:

— Կրոնափոխության գործն էր հաջողեցնում: Եվ լավ հաջո-
ղացրեց: Մի քանի իշխաններ ծածուկ: Կրոնափոխ են հիմա: Ինքը
վաղուց կրոնափոխ է: Վախենում են Վարդանից՝ շին հայտնում:
Յաջ աչա քանը իմանալով Վարազվաղանը վախենում է իր դիրքը
կորցնել Հազարապետիդ առաջ և ուզում է ոչնչացնել նրան: Ին դա
իր գործն է, բայց գոնե ինձանից վա՛ղ գա:

Միհրենեբրսեհը դաժան կերպարանք ընդունեց և լռեց: Վարազ-
դուխտը զգաց, որ Միհրենեբրսեհին զբաղեցրեց վասակը, բայց Վա-
րազդուխտը իր դիտավորությունները թաքցնելու համար սկսեց
Վարազվաղանի մասին խոսել: Պատմեց նրա բռնությունները,
անցյալը, գողությունները, շահասիրությունը:

— Լավ, գնա, աղջիկս,— ասաց Միհրնեբսեհը թեև սառը, բայց կարծես մի բան համոզվածի պես:

«Աղջի՛կս»,— սա մնաց Վարազդուխտի ականջում...

Երբ նա գլուխը խոնարհելով գուրս ելավ, ներս մտավ Վախթանգը:

— Ի՞նչ են անում նախարարները: Երևի ծածուկ լուր կունենաս...— սուր նայեց Վախթանգին Միհրնեբսեհը:

— Զինվորագրության ճանապարհն են բռնում: Իսկ զինվորագրությունն էլ... գիտես, հայ են. դրանց համար մահ չկա, երբ զինվորյալ են գրվում:

— Վարդան Սպարապետն ի՞նչ է անում:

— Հենց Վարդան Սպարապետը բոլորին գրել կտա զինվորյալ: Իմ միտքն այսքան է բսնում, տեր իմ, որ մեղմացնես նրանց պատիժը:

— Վաղը փղերն արձակում ենք դրանց վրա...— ասաց Միհրնեբսեհը մտածկոտ:

— Բայց Վասակը, մյուսները ուրացած են, տե՛ր:

— Երբ այդպիսի հայտնություն գա նրանց կողմից...— Միհրնեբսեհը շարունակեց խոսքը:

Արամայիդին և Վախթանգը վեր կացան: Զգացին, որ «եղանակը մեղմեց...»:



Բանտարկյալների կյանքը զնդանում՝ քանի գնաց՝ դառավ անտանելի: Խոնավությունը, միջատները, ծանր օդը և անարգալից վիճակը, մյուս կողմից էլ հայրենիքին սպառնացող վտանգը՝ մաշում ու տանջում էր նրանց:

Վասակը մի քանի անգամ դիմեց Վարդանին և մյուսներին՝ ելք գտնել ազատվելու: Վարդանն ամեն անգամ փակում էր նրա բերանը՝ ասելով, որ ելք չկա բացի ուրացությունից, իսկ ուրանալ նա չի կամենում:

Հենց նույն գիշեր, երբ Վարազդուխտը գնացել էր Միհրնեբսեհի մոտ, զնդանում բանտարկյալները անհանգիստ էին: Շատ էր ներս ու դուրս անում բանտապետը, կարծես ավելի սարսափեցնելու համար կանգնում, երկար նայում էր նրանց և հետո առանց

մի բան ասելու՝ հեղանում: Նույնն անում էր և նրա օգնականը: Եվ ահա, երբ մի անգամ բանտապետը դուրս գնաց, նրա օգնականը ոտը կախեց, ետ մնաց և ապա վերադարձավ բանտարկյալների մոտ: Նա բան էր ուզում հայտնել, բայց ըստ երևույթին խիստ զգուշանում էր:

— Մո՛տ եկ, բարեկամ,— ասաց նրան վարդանը:

Օգնականը մոտեցավ:

— Ի՞նչ է պատահել,— հարցրեց վարդանը,— ի՞նչ եք անդադար ելումուտ անում:

— Ոչինչ, իշխան...— ասաց օգնականը և խոր նայեց վարդանին:

— Մեզ պիտի սպանե՞ն,— կատակ ու լուրջ հարցրեց վարդանը:

— Այո, իշխան, վաղը պետք է փղերին կոխկրտել տան... Արքան զայրացել է, որ ուշացրել եք ուրացումը:

— Կա՛մ, գնա՛,— հրամայեց վարդանը:

Բանտապետի օգնականը հեռացավ:

Վարդանը գլուխը օրորեց.

— Ասել է՝ սպասո՞ւմ են դեռ...

Բանտապետի օգնականը գնաց, բայց և իսկույն ետ դարձավ:

— Ներո՛ղ եղիր, իշխան,— ասաց նա,— մի խոսք ասեմ ձեզ: Դուք և՛ իշխան եք, և՛ բանտարկյալ: Այսօր կաք, իսկ վաղը ջախջախված կլինեք փղերի ոտների տակ: Ի՞նչ բան է ուրացությունը... Ո՛վ է մտնում ձեր սիրտն՝ իմանալու, թե ճշմարիտ եք ուրացել թե կեղծ: Հայտնեցե՛ք հնազանդություն և գնացեք ձեր երկիրը՝ պաշտեցեք ձեր աստծուն: Ոչ առաջինն եք, ոչ վերջինը:

Վարդանը հրացայտ աչքերով գննեց բանտապետի օգնականին: Սա ետ-ետ գնաց և հեռացավ: Բոլոր լուռ էին: Ըստ երևույթին բանտապետի օգնականի պես մտածողներ կային: Վասակը նկատեց այդ բազմանշանակ լուռթյունը և լարվեց: Բեկում նկատեց բոլորի մեջ:

Կես-գիշերից անց էր: Կրկին եկավ բանտապետի օգնականը: Նա զգուշ մոտեցավ Հազարապետին և ասաց, որ եկել էր Արսեն իշխանը մի այլ պարսիկ իշխանի հետ և հանձնարարել է իրեն՝

հայտնել նախարարներին, որ մահապատիժը տեղի կունենա վաղը, թող նախարարներն շտապեն՝ ինչ-որ անելու են...

Բանտապետի օգնականը մթության մեջ շրթունքները մոտեցրեց Հազարապետի ականջին և շշնջաց.

— Ի սեր քրիստոսի, ազատեցեք ձեր հոգիները...

Հազարապետը հարցրեց.

— Դու ի՞նչ ես, ո՞վ ես...

— Ծս քրիստոնյա եմ... հավատամ և խոստովանիմ...

— Գնա հայտնիր, որ մտածում ենք այդ մասին: Օգնականը

գնաց:

Լույսը բացվում էր... Բացվում էր ահեղ օրը: Պետք էր շտապել... Հազարապետը մոտեցավ նախարարներին և շշնջալով ասաց.

— Օրհասը հասավ... վճռենք մեր անելիքը...

Մութի մեջ իրար եկան նաև Վասակն ու իր կուսակիցները: Իրադարձությունների դաժան ու մերկ հանգամանքները թույլ էին տալիս արդեն մի փոքր բացարձակ գործել: Գաղիշոն, Գյուտը, Ռըշտունին, նաև Մանեհը՝ նրանք ևս խոսեցին իրենց մեջ.

— Գիշերն անցնում է. ի՞նչ ենք վճռելու...

Սրանց մոտեցավ Աշուշան Վահանի հետ:

— Իշխանե՛ր, — ասաց նա վճռական եղանակով, — ժամ է վճիռ կայացնելու:

— Ի՞նչ վճիռ կտալիր դու, իշխան, — դարձավ նրան Վասակը:

— Կեղծ ուրացություն: Միևնույն է՝ վերջը կհանգենք դրան: Վտանգավոր է պատե՛հ ժամը բաց թողնելը:

— Հը՛մ... Կհամոզվի՞՞ ճեռ», — հարցրեց Վասակը:

— Կհամոզվի: Պետք է համոզվի...

Աշուշան գնաց դեպի Վարդանը: Նրա հետևից գնացին բոլոր վասակյանք:

Բանտի նեղ լուսանցքով ներս թափանցած լույսը, որ բակում վառվող սրբազան կրակից էր գալիս, ժամածուռ գծերով լուսավորեց Վարդանի շուրջը հավաքված նախարարներին: Աշուշան և Վարդանը տխուր ժպտացին իրար:

— Դու եկար ուրացություն առաջարկելու, — խլամայն հարցրեց Վարդանը:

— Հասկացար միտքս, Ապարապետ,— ասաց Աշուշան,— կեղծ ուրացութիւն... Առերես...

— Եվ մե՞ծ հույսեր ունես դրանից:

— Մե՞ծ, խոստովանք լինի:

Վարդանը մի փոքր ուշացրեց խոսքը:

— Ուրանալ առերես և անկեղծ ուրացութիւն ցույց տալ այստեղ՝ կնշանակի երեխաների տեղ դնել պարսիկներին: Ուրանալ առերես և անկեղծ ուրացութիւն ցույց տալ մեր ժողովուրդներին՝ կնշանակի, որ մենք իրոք ծախել ենք նրանց:

— Տե՛ր Մամիկոնից. ասեղ է ժամը. վճռիր,— ասաց Վասակը:

— Դու վճռե՛լ ես,— հարցրեց Վարդանը դառն շեշտով:

— Ես սպասում եմ ամենքիդ:

Կոնֆլիկտներ եղաւ պատապիսանք: Երկար ժամանակ չէր լսվում ոչ մի խոսք: Ոչ ոք չէր շարժվում անգամ: Եվ իրոք դրութիւնը շատ էր լուրջ: Կատաղի Հազկերտը ի կատար կածեր իր սպառնալիքը: Պետք էր կամ շտապել մի բան անել, կամ վճռել ընդունել մահը: Իսկ ի՞նչ կլինե՞ր հայրենիքի վիճակը:

Ներշապուհը նայեց Հազարապետին:

— Ի՞նչ անենք, Հազարապետ: Ես մահից չեմ վախենում, բայց երկիրը...

— Ոչ ոք այստեղ մահից չի վախենում,— բարձր պատասխանեց Հազարապետը,— եթե կա մի բան, որից վախենում ենք ամենքս, դա հայրենիքն է...

— Ի՞նչ ես ուզում ասել,— հարցրեց Վարդանը սպառնալի ձայնով:

— Իմ ասելիքը նույնն է, ինչ որ քոնը,— պատասխանեց Հազարապետը:

— Ռերացութիւնը փղձի գործ չէ, տյարք,— ասաց Վարդանը շար ու խոպոտ ձայնով,— խիղճն ազատ է, նա կհաշտեցնի ինքն իր մեջ իր գործը: Մեր ուրացութիւնը նշան է տերունական գործի: Առերես կեղծիք, ասում եք դուք: Ուրեմն կեղծիքը պետք է լինի կեղծիք: Այստեղ կեղծիք և այնտեղ կեղծիք: Ոչ մի կերպ ոչ ոք չըպետք է իմանա իսկութիւնը: Անշուշտ այդպես: Ուրիշ հնար չկա:

— Ուրիշ հնար չկա,— ասաց ներշապուհ Արծրունին,— մենք գերի ենք: Մեզ շին պահի բանտում երկար, որ ժամանակ շահենք: Վաղը մեր վախճանն է: Ի՞նչ կլինի վիճակը երկրում:

— Գոնե այնտեղ միաբանություն կա, միաբանություն իրենց և կարծեցյալ երդվյալներին միջև: Իսկ ուրացությունը կերկպառակի երկիրը, կոշնջանա անմիաբան, խառնիճաղանճ պատերազմի մեջ: Իսկ այս մեր խստորեն գաղտնի կեղծ ուրացությամբ ինչպե՞ս երևանք աշխարհի առաջ, ո՞ւմ ի՞նչ բացատրենք, ո՞ւմ ինչպես վստահեցնենք, որ շենք զիջել հայրենիքը: Ամեն ինչ կըխառնաշփոթվի, ամեն ինչ կտանք թշնամուն, մինչ մենք երդվել ենք ժողովրդի առաջ չզիջել ոչինչ...

Առաջ եկավ Աշուշան:

— Ճշմարիտ է, Սպարապետ,— ասաց նա,— ճշմարիտ է: Բայց կենդանի մնալն էլ մի հաղթություն է: Կեդանի մնալ՝ կնշանակի ապագայի տերը լինել:

— Մեզ չե՞ն ոչնչացնի,— քմծիծաղեց վարդանը:— Ոչնչացնելու որ լինեք, երեկ կոշնչացներ, փախցրեց խելագար ժամը: Հիմա մեր գործը Միհրնբրսեհի ձեռին է: Իսկ նրա գլուխը այնպես չէ խառն, և քուշանները այնպիսի մի գործ չեն ստեղծել նրա համար, որ մեզ ձեռ տա: Մենք այնքան էլ հեշտ կույ գնացող պատառ չե՞նք, այդ գիտե՞... Նա հիմա սուտ հավատով դեպի սուտ ուրացումը՝ ճշմարիտ մոգեր ու գորբ կղնի հետներս և կճամփի տուն... Եվ ճգնաժամը տեսեք այնտե՞ղ, երբ մոգերն ու գորբը կըմտնեն ժողովրդի մեջ... Ահա սա է ահավորը...

Վասակը մոտեցավ վարդանին:

— Տեր Մամիկոնեից, դու ևս հաստատ գիտես, որ երկիրը ոտնատակ կերթա: Ուրիշ հնար չկա: Ընդունենք ուրացությունը... Առերես...

— Այո, այո,— վրա բերին Գաղիշոն, Գյուտը, Արտակ Ռըշտունին, Մանեճը:

— Ընդունենք առերես, օգնությամբ աստո՞ ճասնենք երկիրս ժամանակ կշահենք:

— Իսկ դուք, ի՞նչ եք վճռում,— դիմեց վարդանը յուրայիններին:

Ներշապուհն առաջ եկավ:

— Տեր Մամիկոնեից, մենք վճռում ենք ընդունել կեղծ ուրացումը, իսկ եթե դու կարծում ես՝ թե հայրենիքին և քեզ դավաճանողներ կան, մենք բոլորս կգանք հետդ ջուրն ու կրակը: Վճռի՛ր:

— Մենք ստիպված ենք ընդունել, — ասաց Հազարապետը, — երկրի փրկության համար:

— Սպարապետ, անձի համար չեն արվի, բայց հայրենիքի համար կան շատ բաներ, որ կարվեն: Երեք ժողովուրդ մեզ են նայում փրկության: Նրանց փրկության համար ամեն բան կարելի է զոհել: Ապրենք, ապրեցնենք:

Վասակը ձայնը բարձրացրեց.

— Վերջապես ի՞նչ ես անում այդ հայրենիքի փրկության համար:

Վարդանը բռնկվեց.

— Ի՞նչ, կարծում եք ես կա՞նգ կառնեմ որևէ հնարի առաջ հայրենիքի փրկության համար... Շատ ենք եղել փոթորիկներում և շատ ենք ճամփա բացել փրկության: Բարի՛: Համաձայն եմ, և այս մեղքն էլ ո՛չ ձեր, թող ի՛մ վզին ընկնի: Սակայն պայման: Երբ հասնենք հայրենիք, անմիջապես դուք ևս կբացվեք ինձ հետ ժողովրդի առաջ:

— Երդվում ենք, — ասացին իշխանները:

— Այո, երդվում ենք, — ժասաց Վասակը, — որ երբ հասնենք հայրենիք բացեիրաց պաշտենք մեր աստծուն: Ե՛կ, համոզվիր:

— Ահա այդ էր իմ դժվարս, ա՛յդ է, որ կհամոզի ինձ: Այդպես համաձայն եմ:

— Երդվում ենք աստծով և մեր հայրենի սուրբ երկրով, — հանդիսավոր սրբազործեց Հազարապետը:

— Երդվում ենք, — կրկնեցին բոլոր նախարարները:

Հազարապետը կանչեց իր մոտ բանտապետի օգնականին և պատվիրեց, որ կանչի բանտապետին: Եկավ բանտապետը և ուրախ նայեց բանտարկյալներին: Հազարապետը հանձնարարեց բանտապետին, որ հայտնի Միհրնեբոսեհին իրենց վճիռը:

Բանտապետը գնաց:



Ողջ Նյուշապուհ քաղաքը հավաքվել էր ճամբարի մերձ դաշտավայրը՝ դիտելու հայ նախարարների մահապատիժը: Արդեն փղերին պատրաստում էին գրգռիչ նյութերով կնդրուկով և գինով: Նրանք գետինն էին փորփորում և կնճիթները ցցում: Մեծ շփոթ էր և իրարանցում հայոց այրուձիի մեջ: Մարտիկները կատաղած էին: Բարիկն ու Ներսիկն էին միայն հանգիստ և խանդավառ վիճակի մեջ: Ուրեմն նրանց հայրը զինվորյալների հետ է... Դա բարձրացրեց նրանց ոգին: Հայ մարտիկների հետ նրանք ևս գնացին դաշտը՝ հրաժեշտ տալու իրենց հորը և մյուս նախարարներին: Ծանր էր լինելու տեսարանը, բայց նրանք սրտապընդ՝ վեցին՝ իբրև զինվորյալի զավակներ:

Ամբոխը որոտաց: Դա նշան էր, որ բերում են իշխաններին: Հայ մարտիկները սեղմվեցին մի կողմ՝ պատրաստ աձեն տեսակ անմտածված քայլերի: Նախարարները երևացին: Բայց փղերը դեռ ճամբարումն էին: Ամբոխի զարմանքը շատ մեծացավ, երբ նախարարներին նժույզներով քաղաքի միջով տարան հայոց այրուձի և մեծ պատիվներով հրավիրեցին իջևանել: Նախարարները լվացված, հագնված չէին, բայց շունեին զնդանից ելած կալանավորների տեսք: Նրանք միայն շղթայազերծ էին: Նրանք տարօրինակ կերպարանք ունեին: Նրանց մեջ Վասակը, Գագիշոն, Ոշտունին, Գյուտը, Մանեճը գնում էին լուրջ ու զուսպ, հազիվ թաքցրած ուրախությամբ: Բայց կոտորված և տխուր էին Արտակը, Ներշապուհը, Հազարապետը, Շմավոնը: Իսկ Վարդանը երևի երբեք իր կյանքում այդքան այլալված երևույթ չէր ունեցել: Միշտ սովոր վտանգներին, միշտ գործ ունենալով կյանքի-մահի գործերին, միշտ ինքն իր առաջ հոգով ազատ ու հանգիստ՝ առաջին անգամ կյանքում նա ճնշում էր ինքն իրեն: Առաջին անգամ նա խաբում էր իրեն և ուրիշներին, կեղծում, խարդախում: Նա զգում էր խղճի այնպիսի սուր խայթ, այնքան ամոթանք, որ պատրաստ էր գետինը մտնել և չերևալ ոչ միայն իր մարտիկներին, որ զարմացած և լարված նայում էին իրեն, այլև որևէ արարածի աշխարհիս երեսին:

Ամբոխը նայում էր փղերի կողմը: Կարծում էր, թե փղերը ուշացան: Զայնեցին այն կողմ, բայց ոչ ոք չէր շարժվում փղերի

կողմից: Տեսնելով, որ նախարարներին չեն կոտորում, ամբոխը քարեր վերցրեց ու պատրաստվեց քարկոծի: Հայ մարտիկները վազեցին ճամբար իրենց զենքերին ու նժույգներին: Եվ վերադարձան սպառնալի շարժումներով: Մթնոլորտը շիկացավ: Մի փոքրիկ նշան, մեկի խոսքը, և ահա կոտորածը կսկսվեր: Դրությունը փրկեց բանտապետը, որ պահակներին հսկում էր: Նա կանգնեցրեց իր նժույգը և գոռաց.

— Պատի՛վ տվեք նախարարներին. նրանք ընդունեցին մազդեզանց կրո՛նը:

— Հո՛-ո՛-ո՛... ընդունեցի՛ն,— մոնչաց ամբոխը:

— Մազդեզանց կրո՛նը,— գոռաց բանտապետը ավելի ուժգին,— պատի՛վ տվեք նրանց:

Ամբոխը քարերը վայր նետեց և խուլ որոտով հարձակվեց նախարարների վրա, սկսեց համբուրել նրանց ձեռները, նժույգների սանձերը, բաշերը: Նախարարները շատ ջանացին ազատվել նրանցից՝ չհաջողվեց: Հայ մարտիկները ցավից ու ամոթանքից կուշ գալով՝ քարացած նայեցին նախարարներին: Մոտ վազեց Արշամը Վարդանին, նայեց նրան զննող աչքերով և նրա աչքերում նկատեց անհուն, անբացատրելի, խորը տխրություն: Վարդանը տեսավ, թե ինչպես մարտիկները իրար սեղմվեցին և հանդիմանական, օտար հայացքներով հետևում էին իրեն:

Բարիկն ու Ներսիկը իրար ձեռ սեղմելով կանգ առան և հետեվեցին Վասակին: Սա հանգիստ գլխով նշան արեց նրանց, որ գնան ճամբար:

Երբ նախարարները իջան ճամբարում, նրանց շմոտեցան մարտիկները: Միայն իշխանական վրանների սպասավորները նժույգները քաշեցին և բաց արին վրանների վարազույրները:

Վարդանն շտապեց ներս գնալ վրանը, որ չզգա իր վրա նետված հայացքները, որ այրում էին նրան: Նա շէր կարողանում տանել նաև իր բախտակիցների հայացքները: Արտակը շատ էր զաղտնի և հայտնի նայում նրան, ցույց տալով, որ կամենում է խոսել հետը, բայց Վարդանը նրանից թերևս ավելի էր խուսափում, քան մյուսներից: Ներշապուհը մոմոտում էր ինքն իրեն, իսկ Շմավունը դաժանացել էր: Այդ լռակյաց և ըստ երևույթի անհազորդակից նախարարը, որ մինչև այժմ համարյա չէր մասնակցում ոչ մի վճռի, սկսեց դժգոհել կեղծ ուրացության քայլից: Նա մտավ

Վարդանի վրանք և մոայլ նստեց նրա մոտ: Շուտով ներս եկան ներշապուհն ու Արտակը Հազարապետի առաջնորդութեամբ:

— Ձուր քնդունեցիք, պետք է հրաժարվեիք, թող փղերի ոտների տակ կոխկրտել տալին... Հիմա մենք ի՞նչ երեսով պիտի գուրս գանք մեր հարազատների ու ժողովրդի առաջ,— ասաց Շմավոնը:

— Է՛, չպարծենանք,— հառաչեց Վարդանը,— շատ իմաստուն ու քաջ մարդիկ գիտեմ, որ ընկել են թակարդը: Մենք ևս ընկանք: Երեկ մի տեղ սխալվել՝ պարծեցել ենք: Դժվար բան է հայրենիքը. ամեն մարդ չի կարող ունենալ:

Վարդանը խոսում էր հոգու այրող դառնութեամբ: Նախարարները լսում էին անխոս, քանի որ համաձայն էին և իրենց սրտից էր և հետո՝ կամենում էին միջոց տալ, որ նա թեթևացնի լցված սիրտը:

— Ինչո՞վ պիտի վերջանա այս տաժանքը,— սրտնեղեց Վարդանը,— ե՛րբ պիտի գնանք տուն:

— Դու ասա, Սպարապետ, թե ի՞նչ են խորհում նրանք...— ասաց Արտակը՝ ակնարկելով Վասակյաններին:

— Ես չգիտեմ ինչ են խորհում, բայց պայմանը պայման է, հայրենիք հասնելուն պես պետք է հաշտենք մեր կեզձ ուրացությունը,— ասաց Վարդանը:

Այդ միջոցին սուրհանդակ եկավ և հայտնեց Վասակին, որ Միհրնբերսեհը հրավիրում է նրան իր ապարանքը և խնդրում է շնորհ բերել զավակներով: Վասակը ուրախացած այդ հրավերից՝ հրամայեց սուրհանդակին սպասել վրաններում, մինչև ինքը կըհագնվի:

— Սա ինչ շրջումն էր բախտի անիվի,— հեգնեց Հազարապետը:

— Ձուկը գտավ իր ջուրը,— ասաց ներշապուհը,— փղերի ոտներից բարձրացավ մինչև մարդպանական նոր պարզվելների ու խոստումների...

Սուրհանդակի հետ եկել էին մի խումբ Միհրնբերսեհի ապարանքի բարձր կարգի սպասավորներից և զորականներից, որ շքեղ հագնված էին: Նրանք սպասում էին Վասակի վրանի դռան: Վասակը հագնվում էր: Նա հրամայեց Թաբիկին և Ներսիկին, որ հագնվեն նույնպես:

— Իսկ մե՞նք ինչու գանք... — հարցրեց Խաբիկը դժկամ:

— Շո՛ւտ, շո՛ւտ հարցնելու ժամանակ չէ, — շտապեցրեց Վասսակը:

— Մենք շենք ուրացել, մեզ ինչպե՞ս կընդունի Միհրնեբրսեհը, — առարկեց Ներսիկը՝ ահով նայելով հորը:

Վասակը աչքերը ոլորեց Ներսիկի վրա.

— Շո՛ւտ, հազնվեցե՛ք:

Բաբիկը մտալլ հնազանդեց, նրան հետևեց Ներսիկը, և երբ բոլորը պատրաստ էին, Վասակը դուրս եկավ վրանից: Գուրսն սպասում էին Քաղիշուն, Գյուտը, Ուշտունին և Մանեհը: Արդեն սրանք չէին ծածկում իրենց մտերմությունը և զատվելը Վարդանի մտերիմներից: Ուրացության հանգամանքը շատ հարմար եղավ նրանց: Որոշված էր կեղծ ուրացություն: Ուրեմն և նրանք «կեղծում» էին... Ի՞նչ կար դատապարտելի՞՝ եթե նրանք «վարպետորեն» են կեղծում և այդպես էլ ցույց տալիս: Նրանք՝ ձեռք բերին այդ իրավունքը: Մանավանդ որ Վարդանը ինքը ևս շատ լավ պետք է հասկանար և ընդուներ, որ մի թեթև կասկածի տեղիք, և ահա ամբողջ գործը վտանգի մեջ էր: Եվ որ Վարդանն ինքը պարտավոր էր «վարպետորեն» կեղծել...

Իր վրանի դռնից Վարդանը դիտում էր Վասակի ճանապարհվելը Միհրնեբրսեհի ապարանքը: Սա, իհարկե, վճռական հանգամանք չէր: Ուրացած մարդպանը, հասկանալի էր, որ կրկին պատվի արժանացավ և ավելի մոտ պիտի գտնվեր Միհրնեբրսեհին, քան մյուսները: Միհրնեբրսեհը հավատացել էր նախարարների ուրացությանը... Ամեն, ամեն կողմից Վասակի և յուրայինների համար բարենպաստ դառան պայմանները: Վարդանը պետք է լռեր... մինչև հայրենի՛ք... Դեռ որքան ճանապարհ կար մինչև հայրենիք, և դեռ ինչե՛ր կարող էին անել Վասակի կուսակիցները...

Վասակը ուրախադեմ հրաժեշտ տվեց նախարարներին և նստեց նժույգ՝ ուղղվելու դեպի Միհրնեբրսեհի ապարանքը: Եվ իր ընթացքին շքեղ երթի երևույթ տալու համար նժույգը քշեց շատ դանդաղ: Երբ նա ծածկվեց քաղաքի փողոցներում, Արշամը, որ մի խումբ մարտիկների հետ դիտում էր տեսարանը, ասաց նրանց.

— Շատ է ուրախացել, գնում է ուրացության վարձն ստանալու:

— Սպարապետը կոտորված է,— նկատեց մի մարտիկ:

— Մահացու մեղք է գործել, իհարկե, կկոտորվի,— ասաց Արշամը և մոմռալով հեռացավ:

Մարտիկները մնացին շվարած:

— Սպարապետն էլ մեզ թողեց... հառաչեց մի մարտիկ:

Նրանք ճնշված ու տխուր ցրվեցին:

Օրն անցնում էր շատ ճնշված հոգեկան վիճակի մեջ: Վարդանը պառկած էր վրանում և ոչ ոքի հետ այլևս չէր խոսում: Ճաշ բերին, բայց նա չկարողացավ ճաշակել: Ամենածանրը Վարդանի համար իր մարտիկների մոտ լռելն էր, ծածկելը կեղծիքը: Նա մի օրում նիհարեց և դեղնեց իբրև ամիսների հիվանդ: Երբեք նա կյանքում այդքան դառնություն չէր զգացել:

Երեկոյան դեմ մի խումբ մոզեր եկան և ատրուշան դրին հայոց այրուձիի ճամբարի պլեին: Պարսից բանակից զորքը եկավ դիտելու: Նրանք ծիծաղում էին և բարեկամական ցույցեր էին անում հայ մարտիկներին, որոնք սառը հայացքներով նայում էին նրանց և թողնում անպատասխան: Մոզերից մեկը մոտեցավ նախարարական վրաններին և կամենում էր մտնել Վարդանի մոտ, բայց Արտակը ետ մղեց նրան ասելով.

— Մի՛ մտնի նրա մոտ, նա չի ընդունում:

Մոզը ետ դարձավ: Նա՛՝ այդ բոլորը համարում էր անընտելություն, ուստի և նշանակություն չտվեց:

Շուտով լավեց մոզերի աղոթքը: Նրանք ընտելացնում էին ճամբարը...

— Սկսեցի՛ն... դասը,— դառնորեն կատակեց Վարդանը, երբ ներս մտավ Արտակը:

Արտակը նայեց Վարդանին, նրա այլայլված ու տանջված դեմքին և կանգնեց նրա գլխավերևը: Նա ևս տանջվել էր և ապրում էր սոսկալի վիրավորանքը, բայց չէր կարծում, թե Վարդանը այդքան կազդվի:

— Սպարապետ,— ասաց նա,— չի՞ եղել, որ ամենամեծ վտանգի մեջ ընկնես, որից փրկվելու հույս չունենաս: Ի՞նչ ես արել այն պահին:

— Այնտեղ ես իմ տերն էի, մարտնչում էի և դուրս գալիս,— ասաց Վարդանը,— նա կոխվ էր, սա միմոսություն է:

— Կգնանք հայրենիք, կսրբենք այս կեղծիքը...

— Միայն թե դաժաճան չհամարվենք, շքույանա երկիրը,—
ասաց Վարդանը,— եթե ոչ՝ հավատքը ուղղակի գործերում տեղ
չունի:

— Մենք կեղտոտեցինք մեր մարտիկների խիղճը, մեր ժողո-
վրդի հոգին,— գառնաթյամբ ասաց Վարդանը:— Զպետք է հո-
գին սովորեցնել այսպիսի բաների...

— Գնանք հայրենիք եւ մեր արյամբ ծածկենք մեր մեղքը, թող
ուրիշներն արդար խղճով ապրեն:

— Ի՞նչ կասես մարդկանի մասին... Խաբքը փոխեց Արտակը:

— Մարդկանը մոռեմոռ է անում այստեղ: Ես այնտեղ կը-
փորձեմ նրան, եթե նա ճշմարիտ է ուրացել...



Արդեն գիշերային «մթացյալ» ժամն էր, որ գնում էր գեպի
«շաղափոտն», որ Վասակից սուրհանդակ եկավ և հայտնեց, որ
Հազկերտն ու Միհրնեսրսեհը որոշել են նախարարների ուրացման
և զրադաշտական կրոն ընդունելը մեծաշուք հանգեսով հավերժաց-
նել: Սահմանված է հետևյալ կարգը. նախարարները, հայոց այ-
րուծին առավոտ վաղ հենց որ կսկսվի «այգե» ժամը՝ կազմ ու
պատրաստ պիտի լինեն, որ ներկայանան մեծ մովպետան մովպե-
տին ճամբարի մեծ դաշտում, ուր կկատարվի նրանց առաջին եր-
կրպագումը արեւին ողջ պարսից բանակի, Հազկերտ արքայի,
պարսից մեծամեծների հետ միասին. ապա կլինի մեծ ատյան
Հազկերտի պալատում:

Վարդանին կարծես բուժ գործիքով հարվածեցին.

Բայց նա գառնորեն ասաց.

— Է՛, երբ միմոռալթյունն ընդունեցինք՝ միմոսի խաղերն
էլ պիտի ընդունենք:



Շքեղազգեստ մի այրուծի, մոգերի և իշխանների հետ եկավ
հայոց գնդի ճամբարը և հագնված նախարարներին առաջնորդեց
դաշտ, ուր պիտի տեղի ունենար արևապաշտության ծեսը: Լայնար-
ձակ դաշտը ծփում էր ահագին բանակի մարտիկների, նժույգների,

փղերի շարժումներից: Ափից դուրս եկած գետերի պես հորդում էին զորագնդերը տեղ որոնելով դաշտում: Փռչին բարձրացել էր և ճոճվում էր զորքի գլխավերևը, Ամպերը ծծվում էին ոսկեհեղուկով: Ժամը մոտեցավ:

Հայ նախարարները, Վարդանը և Վասակը, հայոց այրուձիի գլուխ անցած գնացին և տեղ բռնեցին բանակի երկու թևերի մեջ, որը գրկեց նրանց ահագին վիշապի ուժգնությամբ:

Հանկարծ հարյուրավոր փողհարներ ու թմբկահարներ գալաբար փողերը հնչեցնելով և թմբկահարելով եկան Հազկերտի պալատից դեպի հրապարակը: Նրանց հետևեց Հազկերտը մեծ շքախմբով, որի մեջն էին Միհրներսեսն ու պալատականները, մովպետան մովպետը և զորավար Մուշկան Նյուսալավուրտը: Բանակը ողջույն աղաղակեց, և դա նման էր փոթորկահար անտառի որոտին: Երբ երթը մոտեցավ, ողջ բանակը զենքերը և դրոշակները խոնարհեցրեց ի պատիվ Հազկերտի: Նա գալիս էր հաղթական, նժույզի համրաքայլ քնթացքով: Նա զարդարված էր ակնակուռ թագով և ոսկեկար ակնեղեններով հելուզված պատմուճանով: Միհրներսեսը ևս զարդարվել էր կարմիր պատմուճանով՝ ոսկենդկար երիզների շքեղ գծերով: Հազկերտի հետևից գնում էին պալատականները, բոլորը տոնական զգեստներով, սրածայր գլխարկներով: Հազկերտը եկավ և կանգ առավ հայ նախարարների առջև հրապարակի վրա: Նրա կողքին կանգնեց Միհրներսեսը, մյուս կողքին մովպետան մովպետը՝ շրջապատված մի քանի ակունավոր մոզերով: Հայ նախարարներին, որոնք կանգնած էին պարսից զորքի շարքի մեջ, առաջարկեցին դուրս գալ և մոտենալ Հազկերտի շքախմբին: Դա պատիվ էր նորադարձներին...

Հազկերտն ու շքախումբը իջան նժույզներից, իսկույն սպասավորները նժույզները ետ պահեցին: Հնչեց մի գալաբարփող՝ կերկերաձայն, դժոխային ուժով, ժանգոտ ու ատելի... Արևելքը շառագունել էր և մերձ էր արևի ծագումը: Լեռան մեջքին պատրույզի պես կայծեց և հանկարծ ժայթքեց ոսկեվառ արևը: Ողջ բանակը իր Հազկերտով ու հարյուր հազարանոց մարդկանցով ընկավ բերանըսիվար գետնին:

Մովպետան մովպետը վազեց առաջ՝ դեպի արևը և բազկատարած գոչեց.

— Ա՛հմի ետդ, ա՛հմի Մազդաո՛... Պաշտեմք գԱհուրամապ-
րա, զարդար Տէրն արդարութեան, պաշտեմք զԱմշասրանդս՝ զպահ-
պանիչս և զտուհիչս բարուչս... Որ կողմն են ջուրք, ծառք, կենդանա-
նար ոգին բնութեան, որ կողմն է Ահուրամազդա, որ ստեղծեաց
վայդ ոգին, որ կողմն էին Զրադաշտ, Քաւա Վիշդասպա, Ֆրաշոշ-
դրա և Զամասպա և ամենայն նախնի կրակաբուրմք...

Ամեն ինչ պապանծվեց, մեռավ: Ամբողջ աղոթքի ժամին շը-
շարժվեց մի ծեղ անգամ: Վարդանը իրեն զգում էր ինչպես մղձա-
վանջային մի երազի մեջ: Նա՛՝ երեսը գետնին՝ դեղնել էր: Արտակն
ու ներշապուհը բռնել էին նրա երկու կողմը, որ հանկարծ մի բըւ-
նըկում շունենան:

Մովպետան մովպետը ավարտեց աղոթքը, նշան արեց, որ
բոլորը ոտքի ենեն և սկսեց կոկորդային, կերկերաձայն մի մեղե-
պի, որին կցեցին իրենց ձայնը հազարավոր մոգեր: Մեղեդին ծա-
վալվեց գնաց ողջ բանակը և ահա փոթորկեց, որոտաց համայն
պաշտում արևի մեղեդին: Կարծես երկիրը երգեց: Մեղեդիի շարժ-
ման հետ ողջ բանակը ճոճում էր իր նիզակները, սրերը, վահան-
ներն ու դրոշները, ցնցում երկնքի դեմ, և այդ ողջը շողշողում էր
լուսաճաճանչ ծովի պես:

Մեղեդին գնաց, պտտվեց, դարձավ և լուեց: Դաշտը շունչ
առավ: Հազկերտը սուրը դրեց պատյանը, թեքվեց ետ, նայեց հայ
նախարարներին և այրուծիին, հավանութեան նշանով գլուխը շար-
ժեց և նժույգի գլուխը դարձրեց դեպի դաշտը: Պալատականներն
անմիջապես կիսաշրջան բոլորվեցին նրա շուրջը: Նա ետ նայեց
և ինչ-որ ասաց պալատականներից մեկին: Սա թեքվեց դեպի նա-
խարարները և մոտենալով Վասակին՝ խոնարհ գլուխ տվեց և
ասաց.

— Արքայից արքան հրամայեց ձեզ այս երեկո՞ շնորհ բերել
պալատը: Իսկ այժմ զորահանդես է ձեր պատվին: Մնացեք:

— Շնորհապարտ ենք, տեր, — ասաց Վասակը փայլելով ու-
րախությունից:

Պալատականը նժույգը քշեց ետ, դեպի շքախումբը: Վասակը
զարձավ նախարարներին.

— Մեծ պատիվ է, տյա՛րք...»

՝ Իսկ եմ, որ ես եմ Մազդաոն:

Երևում էր, որ նա անկարող եղավ զսպել իր խիստ ուրախությունը: Դա նկատեց Վարդանը և խենթ նայեց նրան: Վասակն զգաց իր սայթաքումը, բայց շատ էլ նշանակություն չտվեց դրան: Նա զբաղված էր ավելի մեծ նպատակների հեռանկարներով: Նրան թվում էր, թե հիմք դրվեց իր երազների իրականացման, և այսօր դրա առաջին օրն է:

Նա արքայաբար նայեց նախարարներին և նժույգի գլուխն սւղղեց դեպի Միհրնբսեհի կողմը: Նրան հետևեց իր շքախումբը:

— Արքայական շուք է ընդունում, — ասաց Հազարապետը:

Գաղիշոն լսեց այդ և պատասխանեց.

— Նա հենց արքայաբար էլ ծնվել է:

— Դու իմ ասածն ես հաստատում, տե՛ր Խորխոռունյաց...

Այդ միջոցին Հազկերտի շքախմբի մոտից անջատվեց Մուշկան Նյուսալավուրտը և նժույգը քշելով դեպի ասպարեզը՝ բարձրացրեց մաուտ ձեռք և ուժգին ձայնով գոչեց:

— Հանդեսի երթո՞ւմ, օ՛ն առաջ:

Գալարափողերը կրկին հնչեցին, թմբուկները դոփեցին և դաշտավայրի հեռու ծայրից բանակի աջ թևը պոկվեց և սկսեց գալ անցնելու Հազկերտի առջևից: Գալիս էր վահանակիր, նիզակավոր, աղեղնածիգ հետևակը: Նա մոտենում էր համրատատան ճոճումով և դրդացնելով գետինը: Եկան անցան մոխրադեմ, դեղին, սև ու թուխ զանազան դեմքերով զորականներ, որոնցից մեծամասը կոփվել էր արյունոտ կոփվներում և կոտորածներում: Նրանց աչքերի հայացքները դաժանացել էին բազմաթիվ քաղաքների կործանումների և անթիվ անմեղ զոհերի ճիշերի մեջ:

Երկար ժամանակ տևեց մինչև անցավ հետևակը, որին հետևեցին հեծյալների զնդերը, որ եկան անցան խառնիճաղանճ հրոսախմբերի նման: Դրանք կատաղի մարդիկ էին, պատրաստ նժույգների սմբակների տակ ոտնակոխ անելու ամեն արարածի:

Վարդանը նայում էր նրանց և մտքում պատկերացնում էր այն առիթը, որ իր այրուձիի գլուխն անցած՝ պիտի մխրճվեր նրանց շարքերն ու թափեր կարկտահար հասկերի պես:

Վերջապես պետք է անցնեին մատյան գունդն ու փղերը՝ Հազկերտի զորքի պարծանքը: Մուշկան Նյուսալավուրտը ապահովության համար հեծյալների ամուր շարքերով պարսպեց Հազկերտի և շքախմբի առջևի գիծը, հետո միայն ձեռք բարձրացրեց ի նշան

հրամանի, որ փղերը բերեն: Փղապետը ծղրտաց մի հսկայամարմին փղի աշտարակից, հետո ձեռքի սրածայր ձողը պտտեցրեց օդի մեջ: փիղը տատանվեց մի կողմ, շրջվեց ետ, հետույքով առաջ եկավ: Փղապետը ձողով հարվածեց նրա երկու ախանջի մեջտեղը: Փիղը կատաղեց, կնճիթը բարձրացրեց և շրջվելով ետ՝ վազեց պրողացնելով գետինը: Փղապետի օրինակով եկան մյուս փղերը: Նրանք վազում էին և նրանց մեջքին ճռճվում էին ատամնավոր աշտարակները՝ մարտիկներով լի: Հետո եկան փղերին ուղեկցող հեծյալներ, որոնք նիզակներով գրգռում էին նրանց: Դրուձյունը վտանգավոր դարձավ: Հազկերտին մի փոքր ետ խնդրեցին: Փղերը այս ու այն կողմ թեքվելով, երբեմն դեպի հանդիսատեսները վազելով առաջ եկան և նիզակավոր հեծյալներից հալածվելով մի կերպ անցան ուղիղ գիծը:

Մուշկան Նյուսալավուրտին կանչեցին Հազկերտի մոտ: Նա սլացավ եկավ: Հազկերտն ինչ-որ բան հրամայեց նրան: Մուշկանը նայեց հայոց այրուձիի կողմը: Վասակին մոտեցավ մի պալատական զորական հեծյալ և հայտնեց, որ Հազկերտը հրամայում է հայոց այրուձին դուրս գա և մի անգամ անցնի իր առջևով:

Վասակն իսկույն գործի անցավ:

— Հատուկ պատիվ է, շո՛ւտ արեք... Սպարապե՛տ...

Վարդանը չէր կամենում կատարել Հազկերտի հրամանը: Բայց ժամանակ չկար, ո՛չ Վարդանին համոզելու, ո՛չ էլ ապաստելու մի ամենափոքր պահ անգամ: Վարդանը հասկացավ, որ տեղը չէր այլևս նախարարներին վտանգելու: Գլխով արեց Սրվանձտյա Գաբեգինին, որ իր օգնականն էր այրուձիի մեջ: Գարեգինը իսկույն գարձավ մոայլ մարտիկներին:

— Իմ հետևի՛ց, օ՛ն ա՛նդր...

Ու թռավ քամու պես դեպի դաշտի ծայրը:

Աարտիկներն ասպանդակեցին նժույգներն ու հասան նրա հետևից: Գարեգինը հասկացավ Վարդանին, կամ նրան թվաց թե հասկացավ: Երբ հասան դաշտի ծայրը՝ նա նժույգի գլուխը շրջեց դեպի ասպարեզ և հրամայեց.

— Առավե՛ր:

Ու ինքը ցատկեց կանգնեց թամբի վրա, սլացավ դեպի ասպարեզը: Նրա հետևից մի քանի մարտիկներ ևս կանգնած սրբա-

շով եկան անցնելու: Հասնելով Հազկերտին՝ հանեցին սրերը և օդում ճոճելով խառնաձայն, սուր աղաղակներով մրիկի նման սրլացան: Դա տեսց. այնքան կարճ, որ հազիվ կարողացան տեսնել: Գարեգինն այդ արեց իբրև ատելության և իրենց գերազանցությունը ցույց տալու նշան:

Վարդանը հասկացավ այդ և թեթևացավ մի փոքր: Բայց նա նկատեց պարսիկ մեծամեծների և մանավանդ Պերոզի ատելությամբ սևացած դեմքերը: Բայց և Վարդանն անշափ գոհ մնաց և անգամ չարախնդաց կերպով նայեց Պերոզին, երբ Գարեգինը այրուձին կրկին հտ բերեց և այդ պահին ասպարեզի միջով անցնող հետևազորի մի ջոկատի վրա քշեց: Չոկատը կարծելով, թե հայոց այրուձին գնաց վերջացրեց երթը, անցնում էր ասպարեզի միջով դեպի ճամբարը: Բոլորը տատամսեցին, քարացան, կարծելով, որ գորամասը կընկնի նժույգների տակ: Բայց այրուձին ճարպկորեն թռավ նրանց բոլորի միջով, շնայած որ նրանք դեսուդեն փախան և անվթար անցան, անհետացան դաշտի մյուս ծայրին: Հետո իսկույն երևացին և հանգարտ քայլով եկան իրենց տեղը:

Հազկերտը նրանց գոհունակության նշան արեց:

Վասակը զվարթ ընդունեց այդ նշանը, և աչքերը ուրախության փայլով լցվեցին:

Նյուսալավուրտը նշան տվեց երթի ավարտման: Փողերը փշեցին ավարտ, և զորքը սպասեց Հազկերտի շարժվելուն: Հազկերտը ձեռք բարձրացրեց, նայեց զորքին և ապա նշան տվեց ու ինքը շարժվեց դեպի պալատ:

Բազմութուններն ազատեցին դաշտավայրի երեսը, որի վրա փռշին դեռ երկար ճոճվում էր մեզի նման:

Վարդանն ու նախարարները վերադարձան ճամբար:



Հազկերտի պալատի հետևակողմում ընդարձակ վրան-դահլիճի մեջ շրջանաձև նստել էին Հազկերտը, պալատականները, արյաց բանակի հրամանատարները, մովպետան մովպետը, մոգերը և հայ նախարարները: Տրվում էր ճոխ ընթրիք ի պատիվ նորագարձ նախարարների: Բոլորը նստած էին ծալապատիկ, մետաքսյա ոսկեկար ներքնակների ու բարձերի վրա, ամեն մեկի առաջ դրած

էին խորտիկներով, մրգերով ու ըմպելիքներով զարդարված փոքրիկ խոնշաներ, որոնցից ճաշակում էին հյուրերը: Իսկ մեջտեղը պատվում էին շքեղազարդ զգեստներով սպասավորներ:

Հազկերտը նստած էր բարձրադիր հարթակի վրա փռած գորգերին ու բարձերին՝ կիսաշրջան բոլորված մեծամեծների մեջ: Նրան մոտ նստել էին Միհրներսեհն ու մովպետան մովպետը: Մի փոքր հեռու տեղավորվել էր Մուշկան Նյուսալավուրտը և այլ զորականներ:

Հայ նախարարները շատ էլ հեռու չէին մեծամեծներից: Նոր էին նստել, որ Միհրներսեհը ցույցի համար մի պալատականի միջոցով իր մոտ հրավիրեց Վասակին: Սա վեր կացավ և շատ կարևոր ու լուրջ դեմքով գնաց-նստեց Միհրներսեհի կողքին:

Հազկերտը ձեռք բարձրացրեց: Դահլիճը անմիջապես պայանձվեց: Նա դիմեց հայ նախարարներին.

— Է՛, Բարեկամացանք հավասարվեցանք», ասում է առածը, — խոսեց նա, — հիմա դուք պարսիկ եք: Մեր ու ձեր մեջ այլևս խտրի չկա: Այլևս հույները չեն կարող ձեզ դիմել միաբանելու իրենց հետ: Գնացեք և ուժեղացրեք մեր ու ձեր Սրանը: Եվ Ահուրամազդան ձեզ օգնական:

— Արդա՛ր է, — ասաց ողջ դահլիճը:

— Տե՛ր մարզպան, — շարունակեց Հազկերտը, — քեզ եմ հանձնում երկրի դեկը, դու պիտի դարձնես մազդեզանց կրոնին ողջ Արմենիան: Գնա՛ խաղաղությամբ և գործիր աստվածների օգնականությամբ:

— Հնազանդ եմ, տե՛ր արքա, — ասաց Վասակը հոտնկայս և խոնարհվելով երկրպագություն արեց:

— Տե՛ր Սպարապետ, — դիմեց Վարդանին, — իսկ քեզ հանձնում եմ հայերի զորքը. շտապ կկազմես և կբերես քուշանների դեմ: Քաջերի տեղը պալատը չէ, այլ ռազմադաշտը:

Վարդանը սառը գլուխ տվեց և նստեց իսկույն:

Այնուհետև սկսվեց զվարճախոսություններ ու ընդհանուր զրույց:

— Ուրախացրեք մի փոքր մեզ, — հրամայեց Հազկերտը:

Ներս մտան նվազածուները և սկսեցին նվագել ուրախ եղանակներ: Դրանց հետևեցին կիսամերկ կանայք, որոնք մեջ եկան և

պարեցին պորտապարեր ու այլ ոչ վայել կաքավումներ: Վարդանը չէր նայում և չէր ուտում: Նա իր մոտ էր նստեցրել Արտակին և ներշապուհին և խնդրել էր իրեն զբաղեցնել, որ ապամա շուրջը չընայի շատ:

Նա նայեց պալատականների կողմը և հանկարծ նրա հայացքը հանդիպեց Պերոզի հայացքին: Նրանք խոժոռ ու համառ նայեցին իրար: Վարդանը հիշեց նրա խոսքերը հայերի գոռոզության և նրբունց ոգին կոխկրտելու մասին: Երկուսն էլ օձային սառնությամբ ժպտացին իրար և լավ հասկացան իրար...

— Պերոզը քեզ է նայում,— նկատեց Արտակը:

— Այո՛... այսօր նրա տոնն է...— դառնացավ Վարդանը,— տեսնենք վա՛ղը...

Մինչև կես-գիշեր տևեց խնջույթը, որից հետո Հազկերտը վեր կացավ և գնաց իր հանգստյան օթևանը:

Հուլիերը ևս ցրվեցին:



Միհրնեբսեհը ծանր ու մեղմ ծափ տվեց: Ներս եկավ սենեկապետը:

— Վրայց բղեշխին,— ասաց քնկոտ ու անշեշտ:

Մինչև Աշուշայի գալը նա աչքերը փակեց և սկսեց շրթունքները լամլամորել, կարծես ատամների տակ մի փոքրիկ պատառ կույ էր գնացել, և նա ավարտում էր ծամելը:

Դռան հետևը թեթև խլրտոց լսվեց: Սենեկապետը վարագույրը անձայն ճեղքեց և խոնարհվելով ճամփա ցույց տվեց Աշուշային:

Միհրնեբսեհը աչքերը կկոցեց, սուր նայեց նրան և հետզհետե ժպտաց, որ ավելի դաժանորեն ծամածոցեց նրա դեմքը: Աշուշան խոնարհություն արեց և կանգնեց դռան մոտ: Միհրնեբսեհը նիհար ձեռքի թեթև նշանով մոտ հրավիրեց նրան և ցույց տվեց մի բարձ: Աշուշան նստեց: Նա ճանապարհի հագուստով էր և զինված կեդ սրով:

— Քեզ հրավիրեցի՛, իշխան, որ հայտնեմ ուրախությունս մի բանի համար, որ մինչև օրս պահել էի վերջին պահին:

— Հուսամ, թե ուրախութիւնը վերաբերում է Երանին, տեր հազարապետ,— ասաց Աշուշան զվարթօրէս:

— Այո, Վրաստանին,— կատակ ձեռով ուղղեց Միհրնեբսեհը,— ուրախ եմ հայտնելու քեզ, իշխան, որ արքայից արքան հատկապես նշեց Վրաստանի կատարյալ հավատարմութիւնը՝ ոչ յօրինակ Հայաստանի, որից հույս չունենք ոչ արքայից արքան և ոչ ես: Հավատարիմներով աղքատ դուրս եկանք, իշխան:— Հազարապետը գլուխը թեթև օրորեց:— Քեզ հրավիրեցի, իշխան պարզապես հայտնելու, որ չշտապես գնալ տուն: Վրաստանը չի ապստամբի, չի միանա հայերին, և քեզ համար գործ չկա այնտեղ անելիք: Դու մնա՛ մեզ մոտ:

Աշուշան ցնցվեց:

— Ես մնամ այստե՞ղ...— հազիվ հետքը զսպելով շշուշաց նա:

— Այո, արքան կամենում է երբեմնակի խորհրդակցել քեզ հետ գործերի մասին:

Աշուշան քաջ ծանոթ լինելով Միհրնեբսեհի խարդավանքներին՝ դժվարին ճիգով զսպեց իրեն և լուռ խոնարհութիւն արեց գլխով:

Միակ խելացին,— գիտե՛ր այդ...:

Երկու պետական գործիչները հասկացան իրար: Եվ լռեցին:



Վասակը Բաբիկի և Ներսիկի հետ խոսում էր իր անելիքների մասին: Զարմանալի հաղորդակից էր դառել նա այս վերջին երկու օրը: Նա հայտնեց նրանց անսպասելի մի բան. այն, որ նրանց ետ է տանելու Սյունիք:

— Վայ, հայրի՛կ, ես այնպե՛ս կարոտել եմ տա՛նը, մայրիկի՛ն, ամրոցի՛ն, երկրի՛ն,— ասաց Ներսիկը և սկսեց վեր-վեր թռչել:

— Դե, պատրաստվեցե՛ք, վաղը մեկնում ենք,— պատվիրեց նա:

— Ապա ինչո՞ւ բերիր,— հարցրեց Բաբիկը:

— Դե, ոչինչ, երկիր, աշխարհ տեսաք:

— Կա՛մ բաներ չտեսանք,— ասաց Բաբիկը,— արե՛ի ու կրակի՛:

պաշտամունք տեսանք, ծովն շատ կուլ տվինք ատրուզաններում:

— Լո՛ր այդ մասին,— սաստեց Վասակը և խոժոռ նայեց Բարիկին:

— Ես լուծ եմ ու կամ: Կխոսենք տանը:

Այդ միջոցին եկավ Միհրնեբրսեհի սենեկապետը և հրավիրեց Վասակին նրա մոտ: Վասակը մեծ հաճությամբ գնաց: Նրան ուրախացնում էր Միհրնեբրսեհի մտերմությունը, որ շահել էր վերջին օրերը: Եվ ջանք էր անում ջերմացնել այդ մտերմությունը, հաստատել և օգտվել դրանից:

Երբ մտավ Միհրնեբրսեհի մոտ, նրան գտավ ինչ-որ լուրջ մտախոհ վիճակում: Միհրնեբրսեհը ժպտաց դեմքի արհեստական կծկուժով և կրկին անցավ լուրջ արտահայտության: Վատ նշան էր...

— Քեզ կանչել էի մի թեթև բան հաղորդելու: Արքան պատանդ է ուզում:

— Պատանդ...— հարցրեց Վասակը դեռ լավ չկարողանալով ընդգրկել Միհրնեբրսեհի հալածածը իր լրջությամբ:

— Պատանդը՝ դե ի՞նչ պատանդ. հասարակ սովորություն: Նա ինձ հարցրեց, թե ում վերցնենք նախարարներից, ես ասացի, որ քանի որ դա լուրջ բան չէ՝ թող մարզպանի որդիները համարվեն պատանդ: Նրանք եկել են զորական ուսման, առանց այն էլ մնում են, ի՞նչ հարկ կա նախարարներից պահել մեզ մոտ:

Վասակը հեաց հուզմունքից: Նա հազիվ կարողացավ պահել արտաքին սառնասրտությունը: Նա հարցրեց.

— Եթե սովորություն էր՝ կարելի էր նախարարներից վերցնել պատանդը...

— Է՛, ի՞նչ հարկ նախարարներին պահել այստեղ, երբ նրանք գործ ունեն շայաստանում: Հետո՝ Վարդանը կյանքը կտա՝ պատանդ չի տա իրեն, թեկուզ մի հարազատի: Եվ այն էլ կա, որ գլխացավանք հարկավոր չէ, պատանդ կվերցնենք բոլորովին հավատարիմ մարդուց, ի՞նչ գործ ունենք կասկածելիներից: Հավատարիմը դու ես, տե՛ր մարզպան... Հետո՝ հարմար էլ է ինձ համար: Ես Բարիկին ու Ատրնեբրսեհին սիրում եմ իմ որդիներին շափ: Կմնան, զորական արվեստ կսովորեն, դու էլ շայաստանում կընդիրվես մեր գործին: Իրար ճանաչում ենք, վատահ ենք: Դու՛ ուրիշ, նախարարները՝ ուրիշ... Տե՛ս, պատանդ է մնում՝ նաև Աշուշա բղեղից:

→ Աշուշա՞ն... — Հնայած իր սեփական հարվածին՝ կայծակ-
նահարի պես եղավ Վասակը:

— Այո, արքայից արքան չգիտեմ ինչու այդպես հրամայեց:
Վասակն զգաց, որ խեղդվում է: Նա ասաց.

— Ես երջանիկ եմ, որ իմ վրա ես այդքան վստահ... Ես Բա-
բելին ու Ատրնեբրսեհին բերել էի ոչ միայն զորական կրթության,
այլ որ նվիրեի քեզ, քո ապարանքին մոտ լինելու համար... բայց...

— Նրանք կապրեն իմ ապարանքում... Ես նրանց ոչ մի տեղ
չեմ թողնի, որ գնան նեղություններ կրեն: Ոչ, նրանք լավ ուսում
կառնեն իմ մոտ: — Է՛, շատ ուրախ եմ, որ դու էլ իմ շափ ուրախ
ես: — Որոշեցինք՝ վաղը մեկնում եք, Մինչև մեկնելը զավակներդ
քո մոտ են, մեկնելուցդ հետո իմ զավակներն են: Գնա, տես, գուր-
գուրի՛ր, կարոտդ ա՛ռ, մատա՛ղ:

Վասակը զվարթերես գլուխ տվեց Միհրնեբրսեհին և դուրս գը-
նաց նրա մոտից: Երբ հասավ իր օթեանը, ուր սպասում էին նրան
Բաբելին ու Ներսիկը, նա մի անասելի ցավ զգաց կրծքի տակ: Նա
նոր զգաց, որ շատ է սիրում իր զավակներին և շատ սիրում, որով-
հետև կորցնում է նրանց... Կորցնում է, քանի որ դեռ բոլորովին
հայտնի չէ, թե ինչպես կգնա Հայաստանում ուրացության գործը,
ի՞նչ կասի հայոց ժողովուրդը, անգամ այս նախարարները: Կարո՞ղ
կլինի ինքը համոզել նրանց, որ կեղծ ուրացությունը երկար պահեն,
գաղտնի մնան քրիստոնյա, շխանգարեն իրեն ուրացության գործը
առաջ տանելու...

Մտատանջության, տարակուսանքի, հուզմունքի նյութը
շա՛տ...

— Հայրի՛կ, ի՞նչ ասաց Միհրնեբրսեհը, — հարցրեց Ներսիկը:
Վասակը յուր և միայն խորին կարոտով նայեց իր զավակին:

— Հայրի՛կ, քեզ հետ եմ...

— Զե՛ս տեսնում, վատ բան է ասել աղվեսը, — ասաց Բա-
բելի:

Վասակը ներս կանչեց սպասավորին և հրամայեց նժուլգ
տան:

— Հայրիկ, գնո՞ւմ ենք, — հարցրեց Ներսիկը:

Վասակը չպատասխանեց:

— Հայրիկ, մենք կպատրաստվենք:

Վասակը կրկին չպատասխանեց և դուրս ելավ:
 Նա գնում էր ճամբար, Գաղիշոյի մոտ:
 — Զսիրեցի Պարսկաստանը, — ասաց Բարիկը, — խարդախ
 մարդիկ են:
 — Գնանք մեր երկիրը, մտնենք Սպարապետի զորագունդը, —
 ասաց Ներսիկը, — նա ուրացած չէ:
 — Գու այդպե՛ս նկատեցիր... չէ՞... ես էլ...
 — Իսկ հայրիկը ուրացել է:
 — Հայրիկը տանն էլ ուրացած էր, — ասաց Բարիկը, — ես ոչ
 քեզ էի ասում, ոչ մայրիկին, որ շտխրեք:
 — Որ հասնենք Սյունիք՝ փախնենք Տարոն, Սպարապետի
 մոտ:
 — Ինչպե՛ս կփախչես. ետ կբերեն:
 — էլի կփախչեմ... ես շեմ կարող կրակապաշտ դառնալ,
 մայրիկը կմեռնի վշտից, — ասաց Ներսիկը և արտասվեց:



Միհրներսեսը նյուսալավուրտ զորավարի և մոզպետի հետ
 կազմում էր Հայաստան ուղարկվող մի ռազմական կարավան:
 Կազմը՝ նախարարներն էին, մոզբեր և պարսիկ զորամաս: Պատ-
 րաստությունները տեսնվում էին հայոց այրուծիի ճամբարի մո-
 տերքում:

Խառնաշփոթ էր շորս կողմը: Նախարարները, մոզբերը և պար-
 սիկ զորավարները շարունակ իրար էին դիպչում, որ զայրացնելու
 չափ անախորժ էր նախարարների համար:

Նախարարները հավաքված էին Հայոց Այրուծիի ճամբարում,
 Սրվանձոյա Գարեգինի վրանի առջև, ուր նժույզով եկավ Վասակը:
 Նրան ուղեկցում էր Աղվանքի իշխան Վահանը, որ աչքի տակով
 ծածուկ նայում էր նրա զունպտ, այլայլված դեմքին:

— Մարզպանին բան է պատահել, — ասաց Գարեգինը:

— Պատա՛նդ են վերցրել... — հարեց իսկույն Վարդանը՝
 տագնապալի ձայնով և վեր կացավ տեղից:

Ուզեց շարժվել դեպի Վասակը, բայց կանգ առավ՝ նկատելով
 նրա մտադրությունը՝ շմտենալ նախարարներին: Եվ իրոք՝ Վա-
 սակը գնաց Գաղիշոյի վրանը: Վահանը մոտեցավ նախարարներին:

— Մարզպանի երկու զավակներին պատանդ վերցրեց Միհրը-
ներսեհը,— ասաց նա նժույգից իջնելով:

— Եվ Աշուշայի՞ն... — վրա բերեց վարդանը խորապես զգաց-
ված:

— Այո...

Բոլորը լուռ՝ գլուխները կախեցին: Հարվածը թե վասակին և
թե Աշուշային ուժեղ էր և ոմանց համար անսպասելի:

Երկար ժամանակ դառն լուռությունը ճնշում էր և թույլ չէր տա-
լիս խոսելու.

— Ուրախ եմ գոնե, որ ճշմարիտը ես եմ, որ պարսիկներին
ոչնչից ոչինչ չի կարելի գիշել:— Որովհետև նրանց չի կարելի խա-
բել:— Որովհետև նրանք ոչ ոքի չեն հավատում:— Որովհետև հենց
իրենք ամենքին են խաբում: Նրանց հետ կովելն է միայն կարելի:—
Որովհետև նրանք միայն կովում են... Սակայն և բնավ, բնավ
ուրախ չեմ, որ երկու պատանիներ պատանդ են մնում մեր հետե-
վից, և մանավանդ Աշուշայի համար ուրախ չեմ, որովհետև նա
պարսիկների բարեկամը չէ:

Մի փոքր լռեց և ապա.

— Ափսո՛ս Աշուշային. մենք՝ Վրաստանի հետ՝ կորցրինք նք-
րան... Ափսո՛ս...



Յոթ հարյուր մոզեր, Միհր մոզպետի զլինավորությամբ, մի
ընտիր հեծելազունդ՝ հայ նախարարների հետ միասին հրաժեշտ
էին տալիս Հազկերտին և Միհրներսեհին պալատի առաջ, որ ճա-
նապարհ ընկնեն Հայաստան: Հայոց այրուձին իր նախկին հրամա-
նատար իշխանների հետ մնում էր պարսից բանակում: Գեռ Հազ-
կերտը հրամայել էր նախարարներին, որ լրացուցիչ գնդեր կազ-
մեն և ուղարկեն բանակ՝ քուշանների պատերազմի համար:
Սրվանձտյա Գարեգինը, Արսենը և Մյուսները կանգնած էին հրա-
պարակում իրենց նժույգների հետ: Հայոց այրուձին նույնպես կազմ
պատրաստ էր: Նրանք կամենում էին մի փոքր տեղ ուղեկցել մեկ-
նազներին:

Մինչ Հազկերտը դուրս կգար պալատից ընդունելու հրաժեշտի
ողջույնները՝ հավաքվածները վերջին տեսակցության խոսքերն էին

ուղղում իրար: Վարդանը մի կողմ տարա՛յլ Գարեգինին և ասաց.

— Հավատարիմներին հայտնի՞ր կեղծ ուրացությունը, քաջալիքի՞ր: Մի ամսից հետո մենք սահմանից դուրս կգանք. այդ օրերը այրուձին փախցրու, ինչպես հնար կլինի:

— Հրամանդ ի կատար,— ասաց Գարեգինը,— ե՞րբ կապրեստամբեք...

— Տեսնենք, աստված ինչպես կհաշողի: Ժողովրդից եմ սպասում. նա ինձ պետք է սատար լինի...

— Գիտե՞ս, որ այրուձից քսան մարտիկ և մի քանի քահանաներ փախել են,— ասաց Գարեգինը:

— Ե՞րբ:

— Երբ մենք բանտից դուրս եկանք և իմացվեց մեր ուրացությունը:

— Նրանք հիմա լուրը տարա՛ն Հայաստան,— ասաց սարսափուն աչքերին Վարդանը,— կսկսվի՞ այնտեղ...

— Թող սկսվի...

— Բայց ամոթա՛նքը, մեր անարգանքը...

Եվ Վարդանը հուզված հառաչեց:

Փողերը փչեցին: Բոլորը հեծան նժույգները և կազմ պատրաստ շարվեցին: Գուրս եկավ Հազկերտը՝ Միհրնեսրեսհի և մյուս պալատականների հետ: Բոլորը երկրպագեցին նրան: Հազկերտը ձեռք բարձրացրեց և ասաց նախարարներին.

— Ձեզ եմ հանձնում յսթ հարյուր մոգեր և մի գունդ զորք և հրամայում եմ նրանց օգնությամբ շուտափույթ վերջացնել դարձը մազդեզանց օրենքի և իսկույն ևեթ վերադառնալ զորագնդերով՝ պատերազմ քուշանների դեմ:

— Հրամանդ ի կատար,— ասաց Վասակը բոլորի փոխարեն: Առաջ եկավ մովպետան մովպետը և խոսեց.

— Մինչև նավասարդից նավասարդ պետք է փակված լինեն բոլոր եկեղեցիները, նրանց գույքերը հանձնվեն արքունիքին: Քահանաները չպետք է համարձակվեն իրենց տներում ուսուցանել ժողովրդին: Նախարարների կանայք պետք է մոզական կրթություն ստանան: Կմտցնենք բազմակնությունը: Աղջիկները պետք է ապրեն իրենց հայրերի հետ և քույրերը եղբայրների հետ: Այս ամենը մի տարվա գլուխ պետք է կատարված լինեն: Գնացեք խաղաղությամբ:

Նրան փոխարինեց Մուշկան Նյուսալավուրտը, որ ուժեղ ձայնով հրամայեց.

— Արյաց գո՛ւնդ օ՛ն առա՛ա՛ա՛ջ ...

Հեծյալ գունդը շարժվեց իր հրամանատարի հետևից: Նրան հետևեցին նախարարները, որոնց հետ գնացին՝ իբրև արտակարգ պատիվ՝ Միհրնեբսեհը և Մուշկան Նյուսալավուրտը: Երթը անցավ բազաբի բազմամարդ փողոցներով: Երբ հասան Միհրնեբսեհի ապարանքին, երթը կանգ առավ, որ Միհրնեբսեհը բաժանվի: Այդ միջոցին ապարանքից դուրս վազեցին Բարիկն ու Ներսիկը: Նրանք եկան և պետք է անցնեին նախ Վարդանի մոտից: Բարիկը Վարդանին ասաց.

— Մեզ տար քո գունդը, Սպարապետ:

Վարդանը զարմացած նայեց Բարիկին և լավ չլսեց կամ չհասկացավ նրան:

Բարիկն ու Ներսիկը վազեցին Վասակի մոտ և զանգատվեցին որ ոչ նժույզ են տալիս նրանց և ոչ էլ բաց են թողնում դուրս: Նա ցույց տվեց երկու ուժեղ զորականների, որ նրանց հետևում էին:

— Դուք պիտի մնաք այստեղ, — ասաց Վասակը:

— Ինչո՞ւ... — զարմացան Բարիկն ու Ներսիկը:

— Դուք պիտի մնաք ուսում ստանալու...

— Ոչ մի ուսում հարկավոր չէ, մեզ տար, — ասաց Բարիկը հուզված ու վախեցած:

Միհրնեբսեհը սպասում էր: Անհարմար էր կանգնեցնել նրան... Վասակը գողության մեջ բռնվածի պես կարմրեց, զայրացավ և հրամայեց.

— Իսկույն եեթ գնացեք ապարանք Հազարապետի մոտ:

— Հայրի՛կ, շնք մնա, կգնա՞նք, — լացեց Ներսիկը:

— Նա մեզ թողնում է, որ սպանեն մեզ... — ասաց Բարիկը:

— Դե՛, շո՛ւտ, ե՛տ դառեք: — հրամայեց Վասակը, — ես շուտով կվերադառնամ, — նա իջավ նժույզից, գրկեց համբուրեց նրանց, ապա խոնարհ ողջունեց Միհրնեբսեհին և Մուշկանին:

— Դե, — ասաց զայրագին նա իր զավակներին, — գնացե՛ք:

Նա հրաժեշտի մի շարժում ևս արեց Միհրնեբսեհի և Մուշկանի կողմը և ձեռով արեց, որ կարավանը շարժվի: Բարիկն ու Ներսիկը բարձրաձայն լաց եղան, զորականները բռնեցին նրանց, որ

շարժվեն, նախարարները հրաժեշտի խոսքեր ասացին Միհրնեբ-
սեհին ու Մուշկանին, Միհրնեբսեհը դաժան հայացքով շտապեց-
րեց, որ կարավանը շարժվի:

Վերջապես Բաբիկին և Ներսկին քաշեցին ապարանք, և վա-
սակը կրկին նշան տվեց, որ շարժվեն: Ապա նա ողջագուրվեց Սըր-
վանձտյա Գարեգինի, Արսենի և մյուսների հետ: Ողջագուրվեցին
նաև մյուս նախարարները:

— Դե՛, ճանապարհ,— ասաց Վարդանը ծանր զգացմունքով:

Հայրենիքը վառ պատկերացավ նրա հոգում: Այն հայրենիքը,
որ Այրարատյան դաշտավայրում սրբագործեց Արտաշատի վճիռը:

Ինչպե՞ս պիտի հանդիպի իրեն հայոց ժողովուրդը... Արդեն
փախած զինվորներն ու քահանաները գույժը տարան, հրդեհեցին
երկիրը: Վարդանին պատկերացավ այդ հրդեհը և ահավոր մայրը,
կինը, զավակը և հազարավոր կրակե մարդիկ դուրս վազեցին նրա
երևակայության մեջ: Նրանք այրող կշտամբանքով նայեցին նրան
և ցնցեցին գլուխները:

— Ա՛յդ է ձեր ուխտը...»



Գեմիւրեյան Գերեմիկ Կարապետ

ՎԱՐԳԱՆԱՆՔ

Գիրք առաջին

Գեղ. խմբագիր՝ Ան. Վ. Գասպարյան
Տեխ. խմբագիր՝ Վ. Մ. Եղանյան
Վերստուգող սրբագրիչ՝ Լ. Ա. Դուկասյան

Պատվեր 671

Տիրաժ 50000

Հանձնված է արտագրության 13/III 1968 թ.: Ստորագրված է տպագրության
15/VII 1968 թ.: Քուղթ տպագրական № 2, 60×84¹/₁₆, հրատ. 22,6 մամ.,
տպագր. 27,75 մամ.=23,31 պայմ. մամ.: Գինը՝ 80 կ.:

«Հայաստան» հրատարակչություն, Երևան—9, Տերյան 91:

ՀՍՍՀ Մինիստրների սովետի մամուլի պետական կոմիտեի պոլիգրաֆ-
արդյունաբերության գլխավոր վարչության Հակոբ Մեղապարտի անվան
պոլիգրաֆկոմբինատ, Երևան, Տերյան փող. 91:

